




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.100






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.100




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.100





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.100








2.6.100











ARISTOTELIS
STAGIRITÆ

DE REPUBLICA LIB. VIII.

Interprete & Enarratore.

IO. GENESIO SEPVLEDA CORDVBENSI.

Quibus iam adiecti sunt.

KYRIACI STROZÆ DE REPVB.


lib. duo: videlicet,

NONVS ET DECIMVS,

Græcè conscripti, nunc ab eodem Stroza latinitate donati.



Antony Mucini




COLONIAE AGRIPPINÆ,

In Officina Birckmannica sumptibus Arnoldi Mylij.

ANNO CLD. ICDI.

Cum gratia & priuilegio Sac. Caf. Maiestatis.



AD PHILIPPVM HISPA- NIARVM PRINCIPEM

IO. GENESII SEPVLVEDAE IN LI-
BROS ARISTOTELIS DE REP. A SE
CONVERSOS ET ENARRATOS,
PRAEFATIO.



*VI de scientiarum doctrinarumq; comparatione
differunt, Princeps clarissime Philippe, horum ut
arbitror, nemo qui quidem via & ratione philoso-
pharetur, dubitavit in earum genere, quae res agē-
das attingunt, civili facultati tribuere principatū.
Quae licet pateat latissime, & ad omnem moralem
doctrinam pertineat, propriè tamen hac esse intelli-
gitur, quae reges & principes Viri, prudentes in-
structi, leges condunt, & regnare republicasq; gu-
bernant, ut Plato docet, qui eandem solet modo civilem, modo regiam facul-
tatem nominare. Hanc Aristoteles octo libris qui Politica, hoc est de Rep. in-
scribuntur, complexus est: atque ita persecutus, ut nihil ad summam pruden-
tiam atq; doctrinam reliquifecisse videatur. Nam primum ut via & ratio-
ne commentatio procedat, diligenter de domo & domestica facultate, quae
gracè dicitur Oeconomica, simulq; de paranda rei familiaris multiplici ra-
tione disputat, & quae sit naturalis, quae artificiosa, quae honesta, quae turpis,
quae natura quoq; inimica, declarat. Deinde cū tres sint status Reip. qui iure
laudantur, Regnum, Status optimatum, & quae cōmuni vocabulo Respublica
dicitur, quomodo eorum quisq; constituatur, & per mores ac instituta cōser-
uetur, & quibus rebus vicissim pereat & labefactetur, divina quadā faculta-
te persequitur: quod idem facit in tribus alijs generibus, tyrannide, paucorū
potentia, & statu populari, quae aberrationes, & quasi peccata rerum publi-
carum appellat, ut harum turpitudine, atque incommodis explicatis, & ar-
tibus, ac dolis quos ad eas instituendas & conservandas callidi homines adhi-
bere solent expositis, contrariarum honestas & commoditates sint notiores.
Ac eisdem omnifariam consulendi, & cupidorum hominum & in bona re-
p. b. rebus novis studentium conatibus & fraudibus occurrendi ratio*

P R A E F A T I O.

magis intelligatur, tum de ratione legum ferendarum, de quæ earum diuersitate & iustitia, quæ cuique Reipub. sint salutare, quæ vniuersum pernicioſa, quæ plarè ac ſimpliciter iuſta, quæ pro ratione ſtatuſ conſtituti, diuinituſ edifferit. Nec enim in eis quæ diximus omnibuſ tradendiſ & explicandiſ, ieiuna oratione & aculeatiſ contortuſq; concluſiunculiſ uſuſ eſt, vt minuti quidam philoſophi ſolent, ſed per magnam copiam & ſermonis vbertatem omnia mirabili quadam & varia doctri-na, præceptiſ quæ ad omne virtutum genus, ipſamquæ vitam beatam pertinentibuſ reſerſit tanto ingenio, tantaq; ſolertia, vt in magna optimorum præceptorum frequentia nihil ferè iradat, in qua ad certiffimam rationem non addat clara principum, gentium, ac rerump. in vtraque partem exempla, ſæpe ex reconditiſ hiſtoruſ ſumpta, altiffimèq; ex vetuſtate repetita. Hæc cum ita ſint factum eſt tamen, neſcio qua fortuna ſiue temporum iniuria, vt tam præclarum opus interpretatione latina, quæ quidem iure nominetur, in hunc uſque diem penè caruerit. Vix enim eoſ in numero interpretuſ habendos puto, qui verbum verbo inepta quadam fidelitate reddunt: nec ſiquiſ parum in philoſophia & Ariſtotelica doctri-na exercitatuſ, pleraque loca perperam, vt talibuſ neceſſe eſt, & præter auctoriſ ſenſum conuertat. Non dico ſi rudi hoc incultaq; oratione faciat, ſed etiam ſi ſe diſertum eſſe profiteatur, cuiuſ hominum generiſ ineptia cum aliena inuadunt, ſolent eſſe magiſ inſigneſ. Cum igitur huiuſ diuini de repub. operiſ cõmodiorem interpretationem animaduerteterem à pleriſq; non ſine magna cauſa deſiderari, otium ad conandum, ſiquid aptiuſ hac in parte mea cura & opera poſſet efficere, quod ad publicam ſtudioſorum vtilitatem pertineret, iam diu mihi dari cupiebam: idq; multiſ viriſ grauiibuſ, & philoſophia ſtudioſiſ cohortantibuſ, propter quandam ſcilicet de ſtudiſ meiſ opinionem, quam ſe percepiffe dicebant ex quibuſdam eiufdem philoſophi libriſ, quos Bononiæ, Romæq; in mea viginti duorum annorum Italica peregrinatione latinitate donaueram. Conuerteram enim duos de ortu & interitu libriſ: quatuor Meteorologia: quorum alteroſ ad Hadrianum Pontificem Max. alteroſ ad Carolum Caſarem Imperatorem inuiſtiſſimum patrem tuum miſi, & libelloſ illoſ ad animantium naturam pertinentes, qui vulgo parui naturaleſ nominantur: prætereaq; Clementiſ Septimi Pontificiſ maximi voluntate ac iuſſu, doctiſſimam Alexandri Aphrodiſienſiſ in duodecim Ariſtoteliſ de prima philoſophia libriſ enarrationem. Quæ cuncta opera iam pridem emiſſa, in lucem prodierunt. Sed cum optatum otium, de quo dixi, diu mihi neceſſariæ occupationeſ, & alia ſuſcepta ſtudia denegaffent, naſtuſ aliquando nonnihil laxamenti, negotium ſuſcepi, & Ariſtoteliſ de Reipub. libriſ non ſolum è græco in latinum ſermonem

PRAEFATIO.

nem veterum & castigatorum exemplarium fidem secutus conuerti, sed eorum impeditissima quaque loca breuibus scholijs expedienda enarrandaq; curauit. Quod opus ad te mitto, eo maiore cura studioq; elucubratum, ut quae nostrum est, hac quoq; parte te dignum exeat in manus hominum. Neq; uero mihi interpretanti concilium fuit, ut sententias solum more paraphrastis exprimerem, sed ut vetere meo instituto, verba etiam quantum ratio latini sermonis pateretur consecraret. Nec enim meus esse, dum aliena interpretor, nec in Aristotele exprimendo Ciceronianus magis quam Aristotelicus videri volo. Magni enim refert Gracos rhetores, aut historicos, latine reddas: quorum est ut splendida & ornata oratio, sic verbus popularibus composita, perspicua & simplex, & ad popularem sensum accommodata: philosophos, praesertim Aristotelem, qui licet virili quadam elegantia & proprietate excellat, tamen ut res tractat obscuras & vulgo ignotas, sic verbus saepe necessario vtiur nouis, aut populo inauditis, caterusq; doctis etiam hominibus inusitatis. Et quod veteres etiam annotarunt, obscuritatem interdum affectat, ne philosophia contemnatur, si tardis aut pigris hominibus optimarum rerum cognitio sine labore contingat. Et dubias orationes ex industria facit, quae in varios sensus trahi possint. Quas si quis interpretes in singulos contrahat, ineptissime faciat, ablata ingenij iudicandi libertate, quae non aliter relinquitur, quam si verba etiam interpretes latina, tamen non barbara fidelitate consecraretur: & quam erat græcè, tam multiplicem orationem latinè relinquat. Quae difficultates faciunt ut saepe interpretes non possit Aristotelicus esse, & idem Ciceronianus, quamquam ego satis Ciceronianus mihi esse viderer, si quod elaborauit fuisset assecutus, ut in hoc scribendi genere, plana & perspicua, quantum res patitur, oratione vterer. Res enim de quibus philosophi differunt, ut Cicero ipse tradit, dicere ornate velle, puerile est: planè & perspicue expedire posse, docti & intelligentis viri. Idemq; Cicero alio in loco. Dialecticorum, inquit, verba nulla sunt publica, suis vtiuntur: & id quoque commune est omnium fere artium: aut enim noua sunt rerum nouarum faciendi nomina, aut ex alijs transferenda. Quod si Graci faciunt qui in his rebus tot iam saecula versantur, quanto id magis nobis concedendum est qui hac nunc primum tractare conamur? Quae Ciceronis praecepta satis superq; declarant, qualis esse debeat oratio philosophi Ciceroniani, plana scilicet & dilucida, ab omni fuce aliena, & res suis nominibus more philosophorum appellans, ut ens exempli gratia, essentia, species & qualitas, & similia non magis refugiat, quam qui de agricultura scribit porcas dicere, & litras atque litrare, quae propria sunt agricolarum vocabula. Ut si quis Ioannis Scoti sententiam de relationibus explicare velit, ineptissime faciat, & pueriliter, Ci-

PRAEFATIO.

ceronis sententia, si verba noua quæ ille rebus nouis at ætate inuentis imposuit aspernetur, & spineta uelit rhetoricis stragulis exornare. Cui simile faciunt qui Aristotelica interpretantes, de verborum ornatu magis quàm de rebus solliciti, præposteram alieno loco eloquentiæ laudem pueriliter affectant, propria interdum uerba ineptis circuitionibus explicantes, nihil aliud quàm philosophiæ venerandam formam, & quasi faciem fuco & calamistris ineptissimè deturpantes: quorum esset tolerabilior ineptitudo, si hoc facerent saluis eius quem interpretantur philosophi sententijs: nec eas passim pudendis lapsibus deprauarent, ut quidam nobis adolescentibus, cuius errores dicato etiam libello taxauimus: & alij postea eandem viam non magis, ut video, feliciter ingressi. Sed redeo ad nostram horum de Repub. librorum interpretationem: de cuius editione iam mihi cogitanti, nuntiatum est duas nouas interpretationes prodiiisse ab interpretibus emissas, qui se tum disertos & utraque lingua peritos, tum diu in philosophia exercitados esse profiterentur. Quo nomine cum ætati nostræ de tanta felicitate gratularer, ac fore sperarem ut horum industria me reliquo labore, ac edendi cura liberaret: codices nactus coepi diligenter latinam cum græcis conferre, ut meo quoque sensu de interpretum diligentia & virtutibus iudicarem. Sed ne te teneam, non fuit longe progrediendum, ut statuerem quantum his interpretationibus tribuendum esse putarem: tantumquæ ab fuit ut me à mearum lucubrationum editione detererent, ut fuerint potius ad edendum cohortata, existimantem fore ut noster hic labor Latinis philosophis tanto magis utilis, atque adeo necessarius esse uideatur, cum pleræque loca à nobis illustrata expeditaque perspexerint, in quibus noui isti interpretes parum, nisi ego magis hallucinor, videntes offenderunt: ac ceteros incurrere necesse est, qui alterutrum secuti fuerint, in tanta ductorum cecitate. Nec ego nunc lapsus commemoro, qui possunt exemplaribus impressis assignari, quæ ipsi secuti sunt multis locis deprauata: sed in quibus nihil est tale, quo suam culpam transferre queant: quod facile (ut arbitror) perspiciet, si quis paulò modo doctior nostram cum illorum interpretationibus ad græcam Aristotelis quasi libram examinare & conferre, nostraque scholia legere tanti putauerit. Non igitur dubitauimus hos Aristotelis libros de repub. à nobis conuersos ac enarratos emitte, tuoquæ nomini dicare, dum te, cuius studiorum pater Carolus Augustus me adiutorem esse voluerat, colere vellem eo munere, quod esset ad studia quæ te maximè decent, ex omnibus accommodatissimum. Scio enim multos magna doctrina viros de Principis institutione, administrationequæ regni libellos edidisse: tamen certum habeo, ut in reliquis philosophiæ partibus, sic in hac quæstione ceteros philosophos ab Aristotele prudentia, copia & grauitate longè fuisse superatos. Quicunque

PRAEFATIO.

cumque igitur te tum pia patris sapientissimi prouiso, tum diligens prudentium & optimorum virorum cura, quos tibi ab incunte aetate magistros morum esse voluit, in viam qua itur ad omne genus virtutis induxerint: & per eam tu pro tua maxima & praeclara indole libentissime fueris progressus. Tamen hoc praeclarum & prudentissimum de Rep. opus. si legere per otium non grauaaberis, plurimum, mihi crede, cum ad omnem prudentiam, tum ad regiam facultatem iuuabit. Nam ut ceteras eius multas & magnas commoditates omittam, quae sit optima Principis educatio, quae Regis dignitas, quod munus & officium, qui finis propositus, quae optima ratio ciuitates & populos administrandi, & se sibiq; subiectos mortales beatos & felices efficiendi, nusquam ab aliquo philosophorum nec pari grauitate & solertia traditum reperies, nec copiosius aut vberius explicatum.

Vale.

ARISTO.

ARISTOTELIS DE RE-
PVBICALIBER PRIMVS,

Interprete & enarratore

IOANNE GENESIO SEPVLVEDA
CORDVBENSI.

CAPVT I.



VVM omnem ciuitatem societatem quan-
dam esse, 2 omnemque societatem boni cuiu-
spiam causa constitisse, videamus, (omnia
nanque eius 3 quod speciem boni præfert gra-
tia, omnes agunt) dubitari non potest, quin o-
mnes societates ad bonum aliquod spectent,
sed ea maximè, & ad id quod in bonis princi-
patum tenet, quæ cunctarum est facile prin-

- ceps, & 4 alias omnes complectitur: hæc autè est ciuitas appellata, ci-
uilibusque communitas. Errant igitur, qui ciuilem, & regium homi-
nem, itemq; patrem familias, & dominum, eundem esse putant, dum
eos interesse non specie, sed multitudine & paucitate differre exi-
stimet: vt si paucis præsit, dominus esse intelligatur: si pluribus, pa-
ter familias: si pluribus etiam nunc, ciuilibus, aut regius: quasi magna
domus nihil differat à parua ciuitate. Nec illud sit discrimen in-
ter ciuilem & regium, quod rex esse intelligatur, 5 cum ipse præ-
est: ciuilibus, cum pro 6 rationibus huiusmodi doctrinæ, modò præest,
modò paret imperio. Hæc autem non esse vera planius fiet, si pristi-
nam 7 differendi rationem in hac quoque disputatione tenuerim-
us. Nam vt in cæteris rebus necesse est compositum vsque ad in-
composita secare, (hæc 8 enim sunt totius partes minimæ) sic intu-
entes ea, ex quibus ciuitas consistit, horum inter se discrimina cla-
rius perspicimus: & 9 si dicta singula ad artem & præcepta reuoca-
ri possunt, non latebit. Siquis igitur ab initio res quomodo nascan-
tur intueatur, vt in cæteris rebus, sic optimè in his ea ratione philo-
sophabitur. Primum 10 igitur omnium marem & fœminam, quo-
rum alter alterius indiget societate, copulari necesse est procrean-
di causa: idque non consilio, sed natura, quemadmodum in 11
cæteris animantibus, & stirpibus vsu venit, quibus natura infi-

tus


tus est appetitus alterum sui simile relinquendi. Sed eos consociari
 necesse est salutis causa, quorum alter natura præest, alter paret:
 præest autem natura, ac dominus natura est, qui valet intelligentia
 12 præuidere: qui verò corpore hæc 13 facere potest, is subiectus 12. 13.
 est atque natura seruus. quo sit vt idem domino seruoque condu-
 cat: itaque scemina & seruus distincti sunt natura. Nihil enim natu-
 ra simile facit 14 gladio Delphico, quem fabri ærarij faciunt ob in- 14.
 opiam: sed vnum ad vnum, nam ita demum optimè perficitur in-
 strumentum quodque, si non pluribus, sed vni duntaxat operi ser-
 uiat. Cæterum apud 15 Barbaros mulier & seruus eodem habentur 15.
 loco: propterea quòd inter illos nemo natura tenet imperium, sed
 eorum societas est seruæ, & serui. quocirca poetæ par esse dicunt,
 vt Græci Barbaris dominentur: quasi Barbarus hoc natura sit, quod
 seruus. Ex his igitur 16 duabus societatibus prior est domus: recte 16.
 quæ Hesiodus 17 poeta dixit: 17.

Sit domus in primis, vxorq;, & taurus arator.

Nam bos pauperibus pro seruo est. Societas igitur naturalis in con-
 suetudinem quotidianam constituta domus est, quos 18 Charon- 18.
 das *δμοσιπύς* quasi ex eodem penu viuentes appellat: Epimenides
 autem Cretensis *δμοκάρπυς* velut vtentes eodem foco. Prima verò
 societas vsus non quotidiani gratia ex pluribus domibus constituta
 vicus est Vicus autem maximè secundum naturam colonia 19 esse 19.
 videtur ex domo deducta, quos quidam collactaneos vocant, fi-
 liasque, natosque natorum. Quocirca initio ciuitates regio impe-
 rio gubernabantur, & gentes etiam nunc, propterea quòd ex regio
 imperio parentibus constituebantur. Omnis enim domus ab eo
 qui maximus natu est, tanquam à rege gubernabatur, ac 20 proin- 20.
 de colonix ob cognationem. Et hoc est illud quod Homerus ait:

Iure suos quisque, vxores, natosq;, gubernat.

Sparsim enim, & ad hunc modum antiquitus habitabant. ita cum
 homines partim etiam nunc, partim antiquitus Regibus parerent,
 factum est, vt Deos quoque regio imperio gubernari omnes
 homines dicant, qui Deorum vt formas, sic item
 vitas suis esse similes arbitra-
 bantur.

SCHOLIA IN LIBRVM PRIMVM ARISTOTELIS
de Republica. CAPVT I.

VM statuissemus hoc Aristotelis opus de Republica à nobis è Græco in Latinum sermonem conuersum scholijs etiam breuibus enarrare: illud quoque visum est, non Latinorum ineptam cōsuetudinem imitari, minutis & inutilibus partitionibus implendi chartas, ne parum multa dixisse videantur, sed Græcorum commodior em rationem moremque sequi, præsertim eorum, qui non omnia, nec pluribus verbis sed quæ obscuriora videntur, & pauci solent explicare. quanquā nos erimus hoc etiam breuiore, tum quia multa sunt quæ tam aperte & lucide latinè reddenda curauimus, ut nihil indigeant enarratione: tum quia hæc nostra scholia ut non doctissimis philosophis scribimus, & omni humanitate perpolitū: sic nec prorsus indoctis aut tardis, quibus ad hoc tanquam iter conficiendum non modò essent expedienda salebra, sed vehiculum etiam molliter stratum suppeditandum. nec tamen grauati sumus locis opportunis, præsertim ad sectionum, quibus singulos libros distinguēdos putauimus, capita paucis summam cōplecti, quæ pluribus verbis ab Aristotele differuntur, ut hæc quoque ratione studiosorū labori consuleremus. Solēt autē cum alijs Græci enarratores, ut Aphrodisiensis Alexander in initio cuiuscūq; libri de auctore disputare, vero an falso nomine & titulo Aristoteli tribuatur. Nā ut Hæcæri carminibus multi versus adulterini suppositi fuerāt, quos Aristarchus magno iudicio reiecit: sic Aristoteli multa opera falso adscripta, quæ tū ex doctrina & ratione philosophandi dignosci possunt, tū ex characteribus quæ omnia fecerūt, ut nemo (quod sciam) de hoc opere, quod Politica hoc est de Republica inscribitur, Aristotelis esse dubitauerit: cū libros Ethicorum quidam, quorum fuit Marcus Tullius, nō Aristotelis, sed filij Nicomachi opus esse putauerint. Initiū tamen commentationis de Republica inde sumit Aristoteles, ut ciuitatem doceat, ut est omnium societatū seu communionum optima & perfectissima, sic ad optimum finem referri: itaq; diuersam esse rationem domus administranda ab ijs, quibus ciuitas & regnum gubernatur: & item ab ea, quæ dominus seruis imperat: & hæc omnes inter se differre specie, non, ut Platon putauit, multitudine & paucitate subiectorum.

1 Cum omnem ciuitatem societatem quandam esse Quod græcè *κοινωνία* dicitur ab Aristotele, hoc interpretes modò societatem conuertit modò communitatem, seu communionem: quoniam eadem est virtusque nominis ut & intelligentia.

2 Omnem

2^a Omnem societatem boni cuiuspiam causa constituisse videamus. *Omnis*, inquit, *societas* siue *communitas* propter bonum aliquem finem constituta est. Simili huic principio exorsus est librorum ethicorum *Omnis ars*, & *omnis disciplina* bonum quoddam appetere videtur. quod, *ut obiter* quorundam errorem refellamus, non est sic accipiendum, quasi omnia *verum*, & *idem bonum* appetant, ut quidam falso putant, ad vltimum finem summumq; bonū referentes, & sic illud exponentes, Bonum est, quod omnia appetunt: quorū error conuincitur eiusdē aristotelis testimonio libro primo ethicorū Eudemiorū, vbi sic scriptū videmus: *Omnia*, inquit, *vnū quoddā bonū* appetere nō est verū, nā suū propriūq; bonū res quęq; appetit.

3^a Quod speciem boni praefert. id est, quod bonum esse videtur. non enim semper homines in agendo ad bonum finem spectant, cum fallantur nonnunquam errore mentis, aut morum vitio: semper tamen agunt ad aliquid, quod bonum esse videtur. spectantes. Vnde Aristoteles libro tertio de anima: Bonum inquit, vel apparens bonum est appetibile.

4^a Et alias omnes complectitur. Nam cum multa sint societates, ut domus & vicus, omnes complectitur ciuitas, seu ciuiliū communitas.

5^a Cum ipse praest. Cum ciuitatem aut populo suo arbitratum oderatur: Nam cum ex praescripto legum res publica geritur, non tam qui tenet imperium praesse siue imperare dicitur, quā leges, ut est in tertio huius operis libro cap. xij. Designat autem hoc in loco Platonem, à quo haec traduntur in libro, qui Ciuilis inscribitur.

6^a Pro rationibus huiusmodi doctrinae. id est, ciuiliū facultati. Rationes autem & leges varia, tum imperandi, tum imperio parendi: pro ratione res publica multū in locis explicantur in hoc opere.

7^a Si pristinam discerendi rationem. si qua via & ratione in ceteris operibus solemus. hoc quoq; in loco philosophabimur. Similibus verbis & sensu vsus est in huius libri capite sexto. Solet enim aristoteles in omnibus ferē disputationibus à primis principijs rerū, quas tractādas suscepit, exordiri: ut in libris de physico auditu à materia & forma naturalē doctrinā exorditur. & de animalibus disputaturus, prius de anima differit, & partib; animalū.

8^a Haec enim sunt totius partes minimae. Nam totum potest in partes compositas diuidi, ut animal in caput, pectus, atque pedes: & haec rursus in alias, donec ad prima elementa, quae minima, id est simplicissima partes diuiduntur. Sic ciuitas in vicus diuiditur: vicus in domos, domus in familiam, & singulares homines, qui partes sunt inoppositae, nō quidē simpliciter, & quatenus sūt res naturales. sic. n. suas habet partes, ut cetera animalia, sed quatenus sūt ciuitatis partes: caput. n. aut brachium, cuius nō est, nec diuiditur pars ciuitatis.

9. Si dicta) quæ pertinent ad Regem, ad ciuilem hominem, ad dominũ, & patrem familias. nam de his singulis separatim præcipit, ad artemq; singula refert.

10. Primum igitur omnium. Hucusq; præfatus iam, ut doceat quid ciuitas sit, eandemq; declarat natura constare, & homines, duce natura viuendi causa dum alter alterius ope indiget, in vnum locum vnãque societatem conuenire, prius differit de partibus ciuitatis, domo, & vico: porro quia domus perfecta ex liberis seruisq; constat, scilicet ex marito & vxore, patre & filijs, domino & seruis, has omnes societates natura conuenire docet, & vicum eodem modo, qui domibus constat, & est tanquam colonia ex domo natur aliter deducta. Ita cū ciuitas ex vicis domibusque constet, sitq; finis dictarũ omnium, societatem & communionem fieri tradit, ut ciuitas multo etiam magis natura consistit, cum sit finis illarum: natura enim cuiuscunque rei in fine ipsius maximè sita est atque cernitur.

11. In cæteris animantibus & stirpibus.) Non est hoc referendum ad copulationem maris & fœminæ, licet in quibusdam arborum generibus simile quiddam fieri notetur, & mas in ipsis atque fœmina nominentur: sed ad appetitum procreandi, qui communis est stirpibus, hoc est plantis cum animalibus: quoniam appetitus naturalis, non ratio & consilium, virum cum muliere coniungit. Ut autem virum & fœminam appetentia naturalis consociat, sic salutaratio dominum natura, & natura seruum coniungit. Nam mutuo adiumento viuere possunt, & vtriusque saluti consulere. Itaque vtriusque commoditas & salus in eo consistit, ut alter imperet, alter faciat imperata, pro adiumentis, quibus instructi sunt à natura. Dominus enim ingenio solertiãque ualet, seruus viribus corporis.

12. Intelligentia præuidere Futura & consentanea, & vtilia prospicere: quod pertinet ad prudentiam.

13. Hæc facere.) Quæ dominus faciendæ esse præuiderit, atque imperauerit.

14. Gladio Delphico.) Gladius delphicus erat ferreum instrumentũ multis vsibus accommodatum, quæ nunc circumscribuntur, quæ simul gladij, simul styli sunt & acus, & item lima.

15. Apud Barbaros.) Græci cæteras omnes nationes Barbaros nominabant: quæ distinctio licet propriè ad sermonem initio referretur, tamen quia Græci omnium humanissimam suam gentem esse putabant, consuetudo inuoluit, ut appellatione Barbarorum incultos & inhumanos significarent.

16. Ex his duabus societatibus.) Quarum altera est, viri, & vxoris: altera domini & serui: prior est domus, id est, quæ constat viro & vxore.

17. Hesiodus poeta. in opere quod inscribitur ἐργα καὶ ἡμέτερα.

18. Quos

18. Quos Charondas. Catanensis hic fuit, qua ciuitas est in Sicilia, qui libro secundo inter legumatores nominatur. Epimenides autem Cretensis, quo adiutore in condendis legibus Solon vsus fuisse traditur, & à nonnullis inter septem sapientes nominatur. Collactaneos interpres conuertit, quod græcè est, ὁμογλακτας, quasi eodem lacte vrentes, id est ab eadem stirpe procreatos.

19. Colonia. propriè intelligitur, cum ex aliqua ciuitate, nimiaq; multitudine pars deducitur ad alteram urbem sue oppidum incolendum. Vt Corduba colonia fuit Romanorum Patritia cognominata, propterea quod in eam nobiles tantum, & patritij deducti fuerunt. Cuius simile est, cum ex vna domo redundante altera prodit, & item plures, qua vicum efficiunt.

20. Ac proinde coloniæ. Qua ratione domus, qua regio imperio ab eo, qui est natu maximus gubernatur, eadem colonia, id est quilibet vicus, qui est tanquã colonia domus, ab eo qui est natu maximus administratur, quasi à rege: propter cognationem domorum, qua ad vnum principum refertur: Quod fit etiam nunc in Italia, præsertim in ea parte, qua nunc dicitur Lombardia, antiquitus Gallia Cisalpina, & maxime inter plebem rusticam. Fit enim saepe vt quaterna, & quina, & interdum plures domus cognatorum à singulis natu maximis velut regio imperio gubernentur.

CAPVT II.

Complurium rautem vicorum perfecta & consociatio ciuitas 1. 2.
est, quæ iam ad omnis propemodum copiarum finem peruenit, quæ
cum 3 viuendi gratia fiat, tum 4 recte viuendi gratia consistit. Ita cū 3. 4.
prioris consociationes per naturam incantur, efficitur, vt ciuitas o
mnis natura consistat. 5 Hæc enim est illarum finis: natura verò fi
nis est: 6 qualis enim res quæq; est generatione perfecta, talem esse
dicimus eius naturam, vt hominis, equi, atque domus. Præterea, 6.
id cuius gratia cætera fiunt, finisque, res optima est: copia verò &
finis est, & res optima: quo planum fit, ciuitatem natura consistere,
7 & hominem natura esse ciuile animal. Et 8 qui non fortuna, 7. 8.
9 sed natura alienus est à ciuitate, hūc 10 aut improbum esse aut homi
ne præstantiorem. 11 Vt qui ab Homero per cōtumeliam dicitur: 11.
iure, tribuq; domoq; carens.

Nam simul ac talis quisq; natura est, belladi cupidus est: 12. 13 ve
lut expers: 14 iugij, vt 14 in volucribus. Homo autē animal est omni
ape, omni que animante gregali ciuilius: quod hinc intelligi potest,
quoniā natura, quæ 15 soli ex animantibus homini sermonem tri
buit, nihil (vt saepe diximus) facit frustra. Vox igitur quoniam 15.
doloris

- doloris ac iucunditatis est nota, cæteris quoq; animantibus data est. Hactenus enim ipsorum natura processit, ut molesti atq; iucundi sensum habeant, & hæc inter se significare queant. Sermo verò datus est homini ad vtile & inutile, ac proinde iustum & iniustum declarandum. Hoc enim præcipuum datum est homini præ cæteris animantibus, ut solus boni & mali, iusti & iniusti, & cæterorum sensum habeat. 16. quarum rerum cõmunio, domum ciuitatemq; facit. Veruntamē 17. ciuitas, quàm domus, & quisq; nostrū prior est natura: nam totum necessariò prius est parte, quoniam si totum pereat, nec pes erit, nec manus, præter quàm 18. nomine tenus: ut si quis lapidea quæ est, manum vocet: huic enim similis fuerit emortua manus. Cuncta verò opere, ac potestate definiuntur. Itaq; cum talia esse desierint, non eadem esse dicenda sunt, sed idem nomen sortita. Ciuitas igitur & natura est haud dubiè, & cuiq; nostrū antecedit. Si enim quicq; separatus sibi nō sufficit, perinde se nimirum habebit in totum, ac cæterę partes, qui verò esse in societate nequit, aut nihilo indiget propter copiam, is pars ciuitatis non habetur. itaq; aut bestia est, aut deus. Omnes igitur homines in hac societatem natura sunt propensi: quam qui primus constituit, is auctor extitit maximorum bonorum. Ut enim homo perfectionem nactus, animarium est optimus: sic cum à lege iustitiæque discessit, omnium pessimus habetur. Importunissima est enim armata iniustitia. at homo prudentia & 19. virtute armatus est à natura, 19. quibus maximè potest in res cõtrarias uti. Itaq; impiè nefarius atque immanissimus absq; virtute fit: & 20. in venerem & gulā turpissimus. 20. Iustitia verò res est ciuilis. 21. Ius enim ordo est ciuilis communionis. 22. ius autem atq; iudicium, iusti dijudicatio.

Scholia in Caput II.

1. COMPLVRIVM autem vicorum. Explicata domus vicq; ratione, ciuitatem docet communionem esse perfectam, ex compluribus vicis constatam, iam per se sufficentem, & copiosam, nihil aut per parum indigentem, exterius alienisve opibus ad vitam degendam, qua cū finis sit rerum natura existentium, id est domus, & vic; ipsa multo etiam magis natura consistit, cum natura cuiusque rei in fine magis cernatur. Itaque homo natura propensus est ut viuat in ciuili societate: ut indicat sermo homini à natura datus, qui solitario superuacaneus esset. A qua societate si quis abhorreat, natura hunc improbum esse ait, & seditionum, bellicę cupidum, auctore Homero, cui tan-

1112

tam tribuere solet Aristoteles in omni sermone, ut cum eius citat sententias, non hominis testimonia, sed dei cuiuspiam oracula proferre videatur.

2. Perfecta consociatio. Non quauis vicorum cōgregatio ciuitas est, sed perfecta, qua constat ex varijs hominum ordinibus, diuitum & pauperū: habetq; agricolas & opifices, ut postea docebit: & copiam rerum, qua faciunt ad vsus vita non solum necessarios, sed etiam liberales: hac est enim quae græcè dicitur ἀντάρχεια.

3. Viuendi gratia fit. propter vsus vita necessarios coguntur homines in oppidum vnum conuenire, quoniam alter alterius indiget auxilio.

4. Rectè viuendi gratia cōsistit. Finis eius proprius, & maximè naturalis est, ut in ipsa rectè viuatur ac liberaliter, ut ipse libro quarto declarabit.

5. Hæc est enim illarum finis. Ciuilis societas est finis illarum societatum, domus scilicet, & vici.

6. Qualis enim quisq; est. Declarat id quod dixerat, natura finis est: idcirco enim natura dicitur cuiuscunque rei finis, quoniam finis cuiuscunque rei est, ut ad perfectionem in suo genere perueniat finis a generatione Generari autē & fieri res dicitur, donec augescere desinit, ut in rebus naturalibus idē est finis & forma. de generatione animalium libro primo cap. 1. Forma autem cuiusq; rei perfectio eius est. Tūc igitur obtinet suam naturam, cum ad perfectionem peruenit. Nā ut est in primo libro Ethicorū, Ut res naturales se optimè habēt, sic se naturaliter habent. Puer enim quanquā sit animal rationis cōpos, tamen cum nō habeat perfectas corporis & animæ vires, nondū est adeptus naturā humanam, ut nūc loquimur: quippe quæ in perfectione cōsistit. Vnde idē Aristoteles in libro de incessu animalū: Ut se inquit, res melius habet, sic se habet per naturam.

7. Et hominē natura esse ciuile animal. Hac quoq; ratione docet ciuitatē natura consistere, quod homo natura ciuilis est, id est propensus, ut viuat cū multis, & in ciuili communitate, ut quadam animalia natura cōueniunt, gregatimq; viuunt, ut apes, formicæ & columbæ: quam hominis pronitatem probat sermonis argumento, qui frustra datus esset homini à natura, si non in communitate, sed separatim ei viuendum esset.

8. Qui non fortuna. Vt si quis esset in solitudinem relegatus.

9. Sed natura id est pronitate naturalis.

10. Aut improbus. id est maleficus natura seditiosus, ac belladi cupidus, ut probat auctore Homero, qui nono libro Iliados sic loquentē Nestorem facit. Iure tribuque, domoq; carens. Nam talē hominem seditiosum esse dicit.

11. Ut qui ab Homero. Iliados libro nono.

12. Velut expers coniugij, ut in volucris. In codicibus impres-

impresis ab Aldo mutilatus est hic locus in emendationibus. verò manu scriptis, quos secutus est interpret, sic scriptum est, ἄρε πρεσβυτέρων ὡς ἐν τοῖς πρεσβυτέροις. Homo, inquit, civilem societatem natura refugiens, aut præstantior est homine, ut philosophi quidam, qui contemplandi causa (quæ res vitam deorum imitatur: ut ipse tradit Ethicorum libro decimo) in agros & solitudines secedebant.

13. Velut expers coniugij.) id est solitarius.

14. Ut in volucribus.) Nam in hoc genere soliuaga sunt aues omnes maleficæ, ut aquila, & accipiter.

15. Soli ex animantibus sermonē tribuit.) Ex rebus à natura homini tributis, ad communitatē pertinentibus, probat hominem natura esse gregalē & civilem: alioqui frustra ea fuissent ei tributa à natura, quæ tamē nihil facit frustra.

16. Quarum rerum.) Boni & utilis, atque iusti. nam propter harū rerū communionem & societatem, homines tum in domum, tum in ciuitatem vnam conueniunt.

17. Ciuitas quàm domus, & quisq; nostrū prior est.) Docuit ciuitatem natura consistere, hoc est per naturam homines in vnā ciuitatē cōuenire. nunc eandem natura potiore esse declarat, quàm domum partesq; domus. Est igitur, inquit, prior, id est potior. nā perfectum prius est natura, quā imperfectū primo de cælo. & auctor rerū prius totum tanquā finem considerat, & sibi proponit, quā partes: quanuis efficiendo exordiat a partibus. Nā quod generatione posterius est, hoc prius est natura: De Phy. auditu libro octauo, & Metaphy. 1.

18. Nomine tenus.) id est equiuocē.

19. Quibus maximè potest in res cōtrarias uti.) In bonū & in malū, oppositum alibi dicere videtur. libro enim secundo magnorū moralium, Fieri inquit nō potest, ut virtute quisq; male utatur: quod utiq; verū est. virtus enim, si quis ea velit in malum abuti, virtutis nomen amittit, ac eodē modo prudentia, quæ & ipsa virtus est, sed intellectualis pertinet ad intellectum practicum siue actiū. Virtus enim aut ex virtute factū nihil esse potest, quod non habeat omnes suos numeros: hoc est res attributas, quæ vulgus philosophorum, circumstantia vocat, ut ipse docet Ethicorum libro secūdo. Sed virtus dupliciter intelligitur: vno modo propriè, ut definitur Ethicorum secūdo. Habitus electius in mediocritate ad nos velata cōsistens ratione definitus. Itaq; virtus nō est, quæ à recta ratione discedit: & hoc modo nemo potest abuti virtute in malū, & turpidinē. Altero modo impropriè habitus quidā, quo qui pradius est, facile potest ea facere, quæ viri probi per virtutē ve-

tam faciunt. Vt abstinere à voluptatibus corporis, pecunias largiri, & pericula intrepide subire, etiam si malo id animo faciat, & ad prauum sine spectas: & tali virtute facile fieri potest, vt homo prauus & iniustus ad malum & ad turpitudinem abutatur. Non enim qui iusta facit, vt est in Ethicorum ij. lib. statim iustus est: nec temperans, qui temperat, sed qui iusta & temperata iuste facit & temperatè, id est seruatis rebus attributis, seu circumstantiis. Eadem est prudentia ratio, qua si propriè accipitur, ac, vt in sexto Ethicorum definitur, verus habitus agendi cum ratione in ijs, quæ homini bona & mala sunt. Nemo potest abuti prudentia ad malum: quippe qua virtutum est tanquam architectus, eisq; agenda prescribens: vt est in primo libro magnorum moralium. Nam prudentis, inquit, est optima expetere, & optimè agere. Sed interdum prudentia dicitur improprie, scilicet solertia quadam in rebus agendis rem expediendi, & ad finem, qualemcunque sibi proposuit, perducendi. De qua solertia qua græcè δεινότης appellatur, est in Ethicorum sexto, & in magnorum moralium libro primo: & hoc modò facile potest homo iniustus abuti prudentia, scilicet improprie dicta: talis enim, calliditas & astutia verius & proprius diceretur. Itaque virtutes naturales & prudentiam naturalem hoc in loco designat: de quibus est in libro primo magnorum moralium, vel habitus acquisitos virtutibus similes.

20 Iustitia res ciuilis est. Est enim virtus qua maxime omnium refertur ad alterum. Nam iustitia, qua virtutem omnem complectitur, hoc differt à virtute: quod virtus talis quidam habitus simpliciter intelligitur: iustitia talis habitus, sed ad alterum relatus, vt traditur Ethicorum libro quinto.

21 Ius enim ordo est. Probat iustitiam pertinere ad ciuitatem: nā ius (inquit) ordo est ciuilis communitatis, quoniā id iure fieri dicitur, quod fit conuenienter ordini, & institutioni societatis ciuilis.

22 Ius autem atque iudicium. Quod græcè est δίκη, id latinè, modò ius, modò iudicium sonat. Quare interpres vnum vocabulum, vt saepe fit à Cicero, ne duobus interpretatur. Ius igitur, inquit, atque iudicium est, dijudicatio iusti. Nam id iustum esse dicitur, quod iure fit: id iniustum, quod contra ius. Cum igitur iustum maxime iustitiam attingat (nam iustitia munus est iustum, iusteq; facere) plane intelligitur iustitiam virtutem esse ciuilem.

CAPVT III.

1 Sed quoniam ciuitas quibus ex partibus consistat, exposuimus: 1. necesse fuerit priò 2 de ratione rei familiaris differere. Omnis enim 2. ciuitas ex domibus constat: 3 domus verò partes, sunt ea, ex quibus 3. domus statim consistit. Domus autem perfecta ex seruis ac liberis

C

con-

- constat. Sed quoniam in minimis de re quaque primùm inquirendum est: Primæ verò ac minimæ partes domus sunt dominus & seruus, maritus & vxor, pater atque filij: de his tribus quid & quale ipsorum quodque sit, differere conuenit. Hæc autem sunt herilis facultas & maritalis. 4 (Nam scemina marisque consociatio nomine vacat.) Tertia, quòd filiorum effectiua facultas: nam & hæc non proprio vocabulo nominantur: vocentur tamen hæc tres, quemadmodum eas appellauimus. 5 Est autem pars quædam, quæ rei familiaris ratio quibusdam esse videtur, alijs eius maxima pars: quæ res quomodo sese habeat, considerandum nobis est: de facultate dico, quæ pecuniaria nominatur. Sed prius de domino atque seruo differamus, vt cognoscantur tum ea, 6 quæ pertinent ad vsum necessarium, tum si quid ad intelligendum præcipi his de rebus possit commodius, quam quæ nunc homines opinantur. Nam quibusdam dominatus scientia quædam esse videtur, atque eadem esse ratio rei familiaris, & herilis: itemque ciuilis & regia facultas, vt initio memorauimus. Alij verò dominari præter naturam esse existimant: nam lege factum esse, vt hic seruus, ille sit liber: cum nihil natura differant. ita cum sit violentum, non esse iustum. Quoniam igitur res familiaris pars domus est, efficitur vt rei familiaris parandæ ratio, pars sit domesticæ rationis. Nam sine rebus necessarijs, nec viuere datur, nec 7 rectè viuere. Vt autem in 8 artibus definitis necesse est ad opus perficiendum, vt sua cuique suppetant instrumenta: sic res habet in ijs, quæ rei familiaris partem attingunt. Instrumentorum autem quædam inanima sunt, quædam animata: vt 9 gubernatori clauus, inanimatum instrumentum est: proræ curator, animatum: in artificijs enim minister pro instrumento est. 10 eodemque modo 10 possessio instrumentum est ad vitam agendam: & res familiaris instrumentorum multitudo: & seruus suppellex animata: omnisque minister est velut instrumentum instrumentis præfectum. Nam si posset instrumentum quodque vel iussu alterius, vel suo antecedente sensu munus suum obire, vt de fabricis Dedali & tripodibus Vulcani memorant, quos poeta tradit sua sponte, suoque motu in diuinum certamen processisse: sic radij per se texerent, ac plectra citharam pulsarent, haud sane vel architecti ministros, vel domini seruos desiderarent. 11 Quæ igitur instrumenta vocantur, hæc faciendi sunt instrumenta: possessio autem instrumentum agendi. Nam à radio quiddam aliud

illud præter vsu eius existit: à veste verò & lecto, vsus duntaxat per-
 cipitur. Præterea quoniā 12 factio differt ab actione, & vtraq; indi- 12.
 get instrumentis, idcirco necesse est, vt hæc eodē discrimine distent.
 Cum autem vita actio sit, non factio, efficitur vt seruus administer
 sit ad actionem. Cæterum possessio perinde dicitur atque pars. Nā
 pars non solum alterius est pars, sed omnino alterius, ac eodem mo-
 do possessio. Itaq; 13 dominus serui dominus est duntaxat, nō item 13.
 est illius: seruus autem non tantum est domini seruus, verum etiam
 est omnino illius. Ex quibus plane intelligitur, quæ sit natura facul-
 tasq; serui. Nam qui natura non est suus, sed alterius, homo tamen,
 hic est natura seruus. est autem alterius homo, quicumq; cum homo
 sit, ab alio veluti suppellex possidetur. Suppellex autem instrumen-
 tum est 14 actiuum, & separatum. 15 Cæterum sit ne quisquā natura 14. 15.
 talis, an nemo prorsus, & vtrum cuiquam melius sit, ac iustius vt ser-
 uiat, an secus: sitq; omnis seruitus præter naturam, deinceps differē-
 dum est. Neque verò difficile fuerit tum ratione, tum 16. vsu rerum 16.
 quid in hac quæstione verum sit, perspicere atque intelligere. Nam
 imperare, & parere, 17 nō in necessarijs modò, sed etiam in rebus v- 17.
 tilibus habetur: & ab ipso statim ortu quædam ita differunt, vt hæc
 ad parendum, illa sint ad imperandum nata: multa que genera sunt
 tum imperantium, tum etiam subditorum. porro imperium sem-
 per eo melius est, quo habetur in meliora, exempli gratia: Imperi-
 um quod in hominem habetur, melius est, quàm quod in belluam.
 nam opus eo potius est, quo perficitur à melioribus. Cum au-
 tem hoc imperat, illud paret. horum opus quoddam existit. Nam
 quæ ex pluribus consistunt, dum quiddam vnum commune siue
 ex continētibus, siue ex partitis efficitur, in his omnibus tum quod
 præest, tum quod huic subiectum est, apparet, quod 18 ex om- 18.
 ni natura rebus animatis adest. nam in ijs, quæ vitæ sunt expertia,
 imperium quoddam velut concentus inest. Sed hæc quæstio a-
 lienior esse fortassis huic loco videatur. Animal verò primum ex
 anima & corpore consistit: ex quibus illa imperium habet à natu-
 ra; hoc autem est subiectum. quid autem naturæ ratio poscat, non
 ex corruptis & deprauatis æstimandum est: sed ex ijs quæ na-
 turam integriorem retinent. quocirca hominem tum corpore,
 tum anima rectissimè affectum spectare oportet, in quo id ma-
 nifestè apparet. nam in vitiosis seu deprauatis sæpe corpus in a-
 nimam imperium habere videtur: propterea quòd malè, &

præter naturam sese habent. Vt igitur supra memorauimus, primum in animali imperium, tum herile, tum etiã ciuile intueri licet. nam corpori animal herili, appetitui verò mens imperio ciuili regioque præest. quibus in rebus dubitari non potest, quin naturale sit, commodumque corpori, vt animæ pareat: partì verò perturbationibus obnoxia, vt menti obtemperet, partique rationem obtinenti: equalitatem autem, vel oppositam imperandi rationem, omnibus esse perniciosam. Rursusque in homine, & cæteris animantibus eodem modo. Nam cicures animantes natura sunt feris potiores: eis tamen omnibus commodius est, vt hominis imperio pareant: hoc enim est ipsis salutare. Præterea si mas & fœmina conferantur, ille natura potior est, & imperans: hæc deterior & subiecta.

19. eodemque modo vt sese res habeat 19 in cunctis hominibus, necesse

20. est. 20 Qui ergo tanto sunt inferiores, quâ tum distat ab anima corpus, & ab homine bellua, hoc autem modo affecti sunt, quorum opus est corporis vsus, ex quibusque hic fructus maximus percipitur: hi sunt natura serui, quibus optimum est vt hoc imperio gubernentur, 21 quemadmodum ijs, quæ supra diximus. est enim natura seruus, is qui

21. 22 alterius esse potest, ac proinde alterius est: qui

22. que hætenus rationis est particeps, vt 23 rationem sentiat tantum,

23. non etiam habeat. Cætera enim animalia rationem non sentiunt, sed affectibus seruiunt. vsus autem parum differt. ab vtrisque enim, hoc est à seruis & à cicuribus. animantibus, corpore iuuamur ad vsus necessarios. Sed licet natura velit corpora quoque liberorum diuersa, ac seruorum facere: vt hæc robusta, sint ad vsus necessarios: illa re-
cta & ad talia munera obeundum inutilia, sed ad vitam ciuilem, quæ

24. partim in bello, partim in pace versatur accommodata. 24 Sæpe ta-

25. 26. men accidit oppositum, vt 25 alij corpora, 26 alij animos ingenuorum habeant. Neque verò dubium est, quin si corpore tantum excel-

27. lerent quantum 27 deorum imagines, omnium iudicio digni viderentur, quibus seruiretur ab ijs, quibus ea corporis dignitas non con-

tingeret. Quod si verum est in corpore, quanto id iustius statueretur in animo. Sed non perinde facile est animi pulchritudinem perspicere, ac corporis venustatē cernere. Non est igitur dubitabile, quia

homines quidam ad libertatem nati sint, alij ad seruitutem, quibus hoc ipsum vt seruiant

commodum est atque

iustum.

Schoſia

1 Sed quoniam ciuitas. Vt teneat ordinem institutum, antequam de ciuitate differat, de domo, & partibus eius disputat: quæ partes tribus potissimum societatibus facultatibusq; continentur, herili, maritali, & filiorum procreatrice. Sed primum omnium de herili, quæ ad dominum seruumq; pertinet, ad hanc enim pertinet res familiaris, & seruus, qui pars est rei familiaris, & utrunq; instrumentum seu instrumenta ad vitam agendam.

2 De ratione rei familiaris. De administratione domus, quæ græcè dicitur οἰκονομία.

3 Domus vero partes sunt. Vetusorum exemplarium fidem secutus est interpretes hoc in loco. nam impressa pro οἰκίας perperam habent οἰκονομίας.

4 Nam fœminæ. Tribus facultatibus contineri dicit rationem rei familiaris, herili, maritali, & filiorum procreatrice. quarum duas posteriores proprio nomine ceteræ dicit, licet ipse docendi gratia alteram, γαμικὴν à nuptiis: alteram τεχνοπαιδείαν à procreandis filiis, nouis vocabulis nominauerit. Est tamen hic locus deprauatus in codicib. impressis: in vetustis verò quos secutus est interpretes, sic scriptum est: ταῦτα δὲ ἑστὶν οἰκτικὴ καὶ γαμικὴ. ἀνὸνυμον γὰρ ἡ γυναικὸς καὶ ἀνδρὸς σύζυγος καὶ τρίτον τεχνοπαιδικὴ καὶ γὰρ αὐτῇ.

5 Est autem pars quædam. Pecuniariam facultatem, quæ in parandis opibus versatur, quibusdam idem esse videri ait, quod œconomicā, Platonē designans: alijs potissimam eius partem, quam tamen ipse postea docebit, aut non pertinere ad patrem familias, cuius officij magis est diuitijs uti, quàm parare, aut non esse partem potissimam domestica facultatis.

6 Quæ pertinet ad vsum necessarium. In doctrinis practicis, hoc est, ad res agendas pertinentibus. cuiusmodi est omnis disciplina moralis & civilis, pleraq; differuntur, & considerantur agendi gratia, & propter vsum quæ res necessario desiderat: quadam sciendi duntaxat, & cōtemplationis causa. Quorum utrunq; sape Aristoteles in his moralibus civilibusq; doctrinis facit: quanquam earum finis nō est cognitio, sed actio, ut traditur Ethicorū primo.

7 Recte viuere. Liberaliter, & ex virtute viuere.

8 Artib. definitis. Quæ in re certa & quasi materia determinata versantur.

9 Gubernatori clauus. Gubernator propriè apud Latinos est, qui nauim clauo, hoc est temone, quasi freno gubernat. Nā ceteri moderatores, per translationem & huius similitudinem gubernatores vocantur.

10 Possessio. Res possessa, ut non solum pradium quodq; sed etiā suppellex intelligatur. nam κτήμα verbum græcum, quod interpretes possessione vertit, utrunq; significat, ut κτήσις totam rem familiarem seu patrimonium.

11 Quæ instrumenta vocantur. Comuni consuetudine: nam prædia & suppellectilia, licet reuera sint agendi instrumenta, non tamen solent instrumenta vocari.

12 Factio specie differt ab actione. Discrimen agendi & faciendi in fine consistit, ut apertius magnorum moralium libro primo declaratur. nam faciendi finis aliud est præter factionem, ut domus finis est edificandi: agendi verò nihil nisi actio ipsa. Ut canendi voce aut fidibus, finis nihil aliud est, quam ipse cantus.

13 Dominus serui dominus est. Id est ratione serui dicitur dominus, ad seruumque refertur: & ut philosophi quidam loquuntur, est correlatiuus serui, non tamen est res serui, quasi à seruo possessa. Ut seruus est res domini, quemadmodum equus, aut domus.

14 Actiuum & separatum. Pertinet ad agendum, & est separatum ab agente, nec enim coniunctum est, ut pars instrumentaria, ut pes aut manus.

15 Ceterum sit ne quisquam. Postquam seruus quid sit definiuit, querere aggreditur, num sit quisquam tali conditione natus, ut ipsum natura ad seruiendum genuerit: prius tamen in vniuersum docet, multas esse & varias imperandi, & parendi rationes: aliter enim rex imperat præstigiis: aliter ciuilis magistratus: aliter dominus: & has differentias non solum esse hominibus inter ipsos, sed etiam per horum similitudinem in alijs, ut anima, & corpori, rationi, & appetitui: quin etiam forma & materia in rebus inanimatis: tum quosdam homines esse ad seruiendum natos docet, cum declarat eos esse natura seruos, qui sunt ingenio tardissimi, nihil habentes solertia, corpore tamen validi ad obeunda ministeria necessaria: ut domini natura & ad imperandum nati, qui valent ingenio atque solertia, & sunt imbecilli corpore, quorum utrisque idem conducit: scilicet ut qui valet solertia, imperet: qui corpore, is faciat imperata.

16 Vsurum. Rebus ipsis, quæ fieri in vita hominum cernuntur.

17 Non in necessarijs modo. Non solum necessarium est ad vitam degendam, ut dominus imperet res necessarias, serui faciant imperata, sed etiam est utrisque commodum & utile.

18 Ex omni natura. Animal multifariam considerari potest, ut substantia quadam, ut corpus naturale, ut res animata, quæ sunt diuersæ naturæ: quocumque igitur modo consideretur, & ex quacumque natura, apparebit in eo imperans, & huic subiectum: quia in omni re ex materia, & forma composita. Forma est quasi tenens imperium, materia velut subiecta: quæ res harmoniā, siue concentum imitatur. in quo concentu vox aliqua ceteris dominari dicitur, ut in accentibus. acutus dominans appellatur, aut ex omni natura: dicit, ut subaudiamus maxime. Nam cum id in ceteris quoque naturis notetur, maxime tamen

men

men apparet in natura animalis.

19 In cunctis hominibus. Etiam viris inter ipsos.

20 Qui ergo tanto sunt inferiores. Cateris scilicet prudentioribus.

21 Quemadmodū ijs quæ suprà diximus. Corpori & bellua: ut hæc homini, illud obtemperet anima. Nam simile est utrorumq; ratio.

22 Alteri^o esse potest. Qui a quo animo se alterius potest. ut ac imperio permittit salutis causa, ut illius solertia & ingenio, suo verò labore viuat: quæ ratio facit, ut alterius sit. Est enim natus, ut sit in alterius potestate.

23 Rationē sentiat. Sentit atq; intelligit, quid sibi faciendum ab intelligente per solertiam imperetur, quod belluis non contingit: non tamen habet tantum rationis, quantum satis est, ut suo consilio & arbitratu commodè possit vitam agere.

24 Sæpe tamen accidit oppositū. Non enim semper natura quod vult petitq; assequitur: quia quandoq; incommoda materia, alijsq; difficultatibus impeditur, ut cum hominem gignere conata, monstrum edit.

25 Alij corpora. Duntaxat scilicet, non animam homini libero conuenientem, qui nec ad imperandum, nec ad seruiendum sunt apti.

26 Alij animos. Prudentiam, & intelligentiam: corpus autem deforme.

27 Deorum imagines. Pulcherrima signa. Solent. n. fictores, pictoresq; in deorū signis & imaginibus fabricandis aut pingendis omnem Symmetria atq; commensus, & pulchritudinis rationē tenere, quantum ingenio & arte cōsequi possunt. quam pulchritudinis & proceritatis rationē Aethiopes sequi in mandandis imperijs, seu magistratibus, & Indos in regibus deligendus traditū esse à quibusdā, ipse refert in quarto & septimo huius operis libro.

CAPVT IIII.

1 NEQVE verò difficile est intelligere, qui his contraria tradunt, eos quoque rectè quodam modo sentire. Nam seruire & seruus bifariam dicitur: 2 quidam enim lege seruus est, & lege seruit. 2. Nam lex conuentum quoddam est, seu publicus consensus, quod 3 quæ bello superantur, hæc victorum esse dicuntur. Sed hoc iustum à plerisque legum peritis 4 tanquam orator de lege contra leges lata in ius vocatur, velut per graue sit, & iniquū: ut qui vim afferre potest, ac viribus præstat, huius seruus subiectusque fiat is, cui fuerit vis illata. Sed hoc in loco alij aliter sentiunt, etiam ex sapientibus, cuius controuersie ac rationum diuersitatis causa in eo est, quod virtus adiumentis instructa vim afferre maximè potest, & semper

semper quod vincit, id bono quodam excellit: itaque non sine virtute vis afferri, sed controuersia de iure duntaxat esse videtur. Idcirco enim 5 quibusdam beneuolentiam ius esse: alijs hoc ipsum, ut qui

- 6 superior est, imperium teneat, iustum esse videtur. Nam 6 si hæ rationes disiungantur, alteræ nec vim habent, nec probabilitatē: quasi qui virtute præstat, hunc non oporteat imperium tenere ac dominari. Ad summam, nonnulli iure quodam, ut sibi videntur, pertinaciter innitentes (lex enim ius quoddam est) seruitutem ex bello
 * natam iustam esse statuunt, * non tamen omnino dicunt: tum quia fieri potest ut bella sint ab iniustis initijs profecta, tum quoniam qui seruitute indignus est, hunc esse seruum nemo dixerit. Alioquin vsu veniret, ut qui nobilissimi esse videntur, serui essent, seruorumque filij, si forte capti venderentur. Eisigitur 7 non hos, sed barbaros seruos dici placet. qui cum ita differunt, nihil aliud quarunt, quàm natura seruum, de quo nobis est ab initio suscepta disputatio. Est enim necesse dicere, nonnullos esse, quorum quidam ubiq; sunt serui, alij nusquam: Ac eodem modo de nobilitate differunt: ipsos enim non domi tantum nobiles esse putant, sed ubique: Barbaros autem domi duntaxat esse nobiles. 8 Tanquam sit genus quoddam hominum in quo alij nobiles & ingenui simpliciter
 9 habeantur, alij non simpliciter. ut 9 Helena Theodectis ait:

Vtrinque diuum stirpe me quis heu satam

Seruam vocare possit, aut dignum putet?

- Quod cum dicunt, nulla re alia seruitutem ac libertatem, itemque
 10 nobiles, & ignobiles, quàm virtute, & vitio definiunt: 10 Nam ut ex homine hominem, ex belluis belluam sic ex bonis bonum generari putant. At hoc efficere vult quidem natura sæpe, non tamen potest. quo plane intelligitur, rem non temere in controuersiam venisse, & 11 quosdam non esse natura seruos, nec alios liberos: sed in quibusdam id esse definitum, quorum ut hic seruiat, ille dominetur, utrique conducit & iustum est: oportetque ut hic subiectus sit: ille imperio, quod utrique natura conuenit, fungatur, ac proinde etiam herili: quod si prauè fiat, inutile fuerit ambobus Nam parti, ac toti, itemque corpori, & animæ, idem conducit. Seruus autem pars
 12 quædã domini est, ut pars quædam corporis animata, 12 sciuncta tamen. quo fit, ut communis quædam utilitas & amicitia seruo cum domino sit, quibus quidem ea conditio est à natura tributa. Nam qui non eo modo, sed lege, aut vi serui sunt, aut vicissim domini, in

13 his

13 his contrarium vsu venit. Quo intelligitur, non hoc esse domi-
 natum, quod principatum ciuilem, nec omnia imperia (14 vt qui-
 busdam placet) idem esse inter ipsa: hoc enim est in liberos natura,
 illud in seruos. Et domestica administratio, quæ græcè œco-
 nomica dicitur, 15 monarchia est: quippe ab vno domus quæ-
 que gubernatur. Ciuilis aut gubernatio imperium est in liberos, &
 pares. Dominus igitur non scientia, sed eo quòd talis sit, censetur:
 nec item seruus, aut liber, quanquam est scientia quædam heri-
 lis, & quædam seruilis. Seruilem dico, qualem Siracusanus ille do-
 cebat. Quidam enim Siraculis mercede pueros vulgaria ministeria
 docebat: quorum institutio patet latius: pertinet enim ad coquorū
 artem, & cætera talia ministrandi genera. Nam sunt alia honora-
 tiora, 16 alia magis necessaria & (vt est in prouerbio) seruus ser-
 uo præstat, & dominus domino. Tales igitur artes omnes sunt
 seruales. Herilis autem scientia est, quæ seruis vtitur. Nam domi-
 nus non eò censetur, quòd seruos paret, aut habeat, sed quòd seruis
 vtatur, cuius scientia nihil magnum, nihil gloriandum habet. Nam
 quæ seruus facere, hæc dominus vt imperare sciat, oportet. Qua-
 re quibus ea molestia carere licet, hi procuratori 17 honorem hūc
 tradunt, ipsi Reipublicæ administrationi sese dedunt, aut Philo-
 sophia vacant. Ars autem parandi opes, diuersa est ab hac vtraq;
 facultate, vt 18 iusta quædam belligerendi ratio, leu venatoria: ac
 de seruo quidem, dominoq; hætenus.

Scholia in Caput IIII.

I NEQVE verò difficile est. Quāquam sunt nonnulli natura serui,
 tamen non temere (vt docet) à quibusdam traditum est, Seruitutem esse rem
 violentam. Nā cum seruus dupliciter dicatur, natura, vt declaratum est, & le-
 ge: si quis bello captus sit, qui seruitutem violentam rem esse tradunt, hi de hac
 posteriore differunt, quia iniusta esse videtur, cum ius non ex vi existere videat-
 ur, sed ex beneuolentia & voluntate eorum, qui se salutis & commoditatis
 gratia virtute præstantibus cōmittunt, atq; subiiciunt. Caterū lex illa eo iure
 defenditur ab alijs, quoniam qui vincit, v virtute quadam præstat. Est autem
 rationi & natura consentaneum, vt qui virtute superior est, v virtute inferio-
 ribus imperet, ac præsit. Sed hac ratio infirma est, quia fieri potest, tum vt bel-
 lum ex iniustis causis fuerit susceptum, ac proinde seruitus inde nata sit iniu-
 sta: tū vt victor vna bellica virtute hoc est fortitudine præstet, ac superet, &
 multis ac potioribus superetur, vt iustitia, humanitate, ac prudētia, qua vir-

D

tutes

tutes potiores sunt & magis imperio dignæ.

2 Quidam enim lege seruus est. Lege ciuili, aut gentium, non nata ex conditione cuiusq; naturali.

3 Quæ bello superantur. Oppida & homines.

4 Tanquam orator. Solent oratores interdum in republica, populo persuaso, legem ferre iniquam, & contrariam iustis institutis, moriq; maiorum, præsertim cum facti fuerint duces, & assentatores populares, qui græcè δῆμαρχοὶ nominantur, de quibus multa in hoc opere fit mentio. Vt igitur hos quidam interdum reos faciunt, obijciūtq; eis in iudicio, quòd legem iniquam contra iustas leges tulerint: Sic quidam legum periti id iustum siue ius accusant, quo lex inducta est, quæ bello victos & captos seruos esse sancit victorum capientium.

5 Quibusdā beneuolentia ius esse videtur. Nam cum reges magistratus suffragio populorum deliguntur, atque eis propter excellentem virtutem, quæ sua sponte amabilis est, populorum voluntate imperium defertur: aut homo hebes, & natura seruus, salutis causa se subijcit prudentiori, & natura domino ad seruiendum, ipsa populorum hominumq; beneuolentia ius facere videtur. Id enim ius est, quod ciuitatibus populisq; & hominibus placet cōsensu quodam, qui sæpe à natura profiscitur.

6 Si hæ rationes disiungantur. Vt sit vis à virtute separata. hoc enim certum est oportere, ac iustum esse, vt qui virtute præstat, is teneat imperium, & sit dominus.

* Non tamen omnino dicunt. In vulgatis exemplaribus deprauatè legitur ἀμα δὲ οὐρασι, pro ὁλως δὲ οὐρασι, vt in vetustis legitur: est autem sensus, Qui seruitutē ex bello natam iustam esse dicunt, iure quòdam peculiari nitūtur (legem videlicet, quæ ius quoddam est) & vna virtute. Non tamē omnino dicunt, id est nō nitūtur iure vniuersali, & quod habeat omnes numeros, sitq; omni ex parte iustum. nam quatenus lege nitūtur, iustum esse videtur: quatenus verò legi obfunt, alia grauiora, non est iustum. Vt si quis in republica imperium sibi deberi dicat, vt præstātiori, propterea quòd diuitijs aut genere præstet: hic enim non vniuerso, sed iure quodā nititur. Nam qui locupletior est, aut nobilior, is potior ac præstātior est, hac quidem parte, non tamen omninò ac vniuersè: nam fieri potest, vt virtute superetur, aut prudentia, quæ maiorem habet dignitatem, atq; præstantiam, vt ipse declarabit.

7 Nō hos, sed barbaros. Qui cum nobiles essent, & natura domini, ad imperandumq; nati, bello capti fuerunt: ij non serui sunt istorū sententia, sed illi duntaxat, qui hebetes tardiq; sunt, & imperio inepti, cuiusmodi barbari homines habentur.

8 Tanquam

8 Tanquam sit genus quoddam hominum. *Homines videtur in duas partes, quæ genera vocat, distribuere: alterā mediocriter intelligentiū & prudentiū: alteram eorum, qui insigniter sunt vel solertes, & ingeniosi, vel tardi & obesi. in quo genere posteriore solertes & ingeniosos ubiq; nobiles ac dominos esse istis placebat, etiam si fuissent bello capti: hebetes autem & barbaros domi tantum, id est in sua quemq; ciuitate nobiles haberi, scilicet qui natus sit honesto loco, non tamen extra patriam, praesertim, si quis bello fuisset in seruitutem reductus.*

9. Helena Theodectis. Helena apud Theodecten, qui fuit poeta tragicarum scriptor, Platonis & Aristotelis discipulus.

10 Nam vt ex homine. hoc dicit propter Helena exemplum, qua dum se diuina stirpe procreata esse dicit, maioribus se similem esse videri vult.

11. Quosdam non esse natura seruos. Sic enim græcè legitur in emendatis exemplaribus, οὐκ εἰσὶν. Est autē sensus, quosdā nec seruos, nec dominos esse natura, scilicet qui mediocrem habent intelligentiam: in alijs id esse definitum, in ijs videlicet qui egregiè sunt vel hebetes vel intelligentes, quorum alteri natura serui sunt, alteri domini.

12. Seiuncta tamen. Non vt crus aut brachium, quod non est à corpore separatum.

13. His contrariū vltu venit. Est enim mutuum odium inter ipsos, & virilitas diuersa.

14. Vt quibusdam placet. Platonem designat in libro de regno.

15. Monarchia est. Ac proinde in impares.

16. Alia magis necessaria. Non enim opera & munera hoc sunt honoratiora & nobiliora, quo magis necessaria, sed contra: vt inscientijs nobilissima quæq; minus est necessaria, vt habetur primo libro de prima philosophia.

17. Hunc honorem. Officium & curam seruū imperandi, quod licet non magnum sit, tamen non vacat honore.

18. Iusta quædam belligerendi ratio. Nam qui per bellum iniustum opes quarit, is non bellum, sed latrocinium exercet.

Caput V.

1 SED iam vniuersè de omni re familiari, & pecuniaria, siue 1. quæstuarie ratione 2. instituto nobis modo differamus. Seruus enim pars quædam rei familiaris est. Primum igitur omnium illud in controuersiam vocari potest, vtrum quæstuarie ratio eadem sit, atq; rei familiaris administratio, an quædam ipsius pars, vel eiusdem administra. Tum si administra, num quemadmodum ars

D 2

effici-

efficiendi radios textorum arti, sic ipsa seruit rei familiaris administrationi, an ut æraria statuariæ. Non enim eodem modo utraq; ministrat, sed altera instrumenta, altera materiam suggerit: voco autem materiam, subiectum, ex quo opus conficitur, ut textori lanæ quasi materia, subiiciuntur: æs autem statuario. Non igitur hoc est rei familiaris administratio, quod quæstuaria facultas: huius enim munus est opes parare: illius, ut paratis utatur. Nam quæ facultas domesticis opibus utetur, nisi quæ rem familiarem administrat? Sit autem illa pars quædam huius facultatis, an in genere alio consistat, non vacat controuersia, cum sit munus eius, qui parâdis opibus studet, unde petendæ sint opes considerare. Quæstus autem atque diuitiæ, multas partes complectantur. quare primum quæritur, Num agricultura, ac in vniuersum cibariorum prouisio & comparatio, pars quædam sit quæstuariæ rationis, an genere quodam alio contineatur? veruntamen cibariorum multa sunt genera, unde multæ viuendi rationes, tum cæterorum animantium, tum etiam hominum extiterunt. Nam cum sine cibo viuere non detur, ciborum discrimina varias animantium viuendi rationes effecerunt. Belluarum enim quædam gregatim viuunt, aliæ dispersæ vagantur, prout ciborum ratio postulat. propterea quod aliæ carnis animalium, aliæ fructibus, quædam omni cibatu viuunt. Itaque natura (prout ratio postulat) faciliè parandi cibum quem genus quodque animantium consecratur, vitas eorum distinxit. Sed quoniam non idem est cuiq; iucundum, sed alijs alia, idcirco tum carniuora, tum quæ fructibus viuunt, varias inter se viuendi rationes sequuntur, atque homines eodem modo. Horum enim vitæ multis discriminibus euariant: quorum qui pigerrimi sunt, hi pecori student, & vita gaudent pastoralis, propterea quod eis cibus ex placidis animantibus, in otio sine labore contingit: qui cum pecora pastionis gratia loca necessariò mutant, ipsi quoque eadem affectare coguntur, tanquam viam agriculturam exercentes. Quidam ex venatione viuunt: sed alij ex alia, hoc est, quidam prædas agendo, alij
3. piscando, qui 3 lacus scilicet & paludes, ac fluuios accollunt, maris uenationibus accommodatum. Sunt qui aucupio alantur, aut ferarum venatione: sed maxima pars hominum è terra uiuit, & fructibus urbanis. Itaque viuendi rationes, 4 quæ quidem in sitam operationem habent, nec per commercium, aut mercaturam victum suppeditant, hæc ferè sunt pastorum, agriculturalum, prædonum, piscatoria,

ria, item & venatoria: nonnulli tamen, temperatam ex his generibus vitam cum iucunditate degunt, indigentiam vitæ, qua maxime deficit, ne quid desideretur, explentes: ut quidam pascendo pecori dant operam, simulque prædantur: alij terram colunt, & venationibus exercentur, cæterasque viuendi rationes, prout est usus, persequuntur. Atque hæc quidem ratio parandi opes, cunctis à natura tributa esse videtur, ut in ipsa statim prima generatione: sic cum ad perfectam ætatem peruenerunt, quoniam in ipsa generatione prima quædam animalia simul pariunt alimentum, quantum satis sit, donec quod genitum est, ipsum sibi cibum parare queat, ut in 6 ver- 6.
miparis, ouiparisve fieri notamus: quæ verò animal pariunt, hæc in se cibum habent lactis scilicet, vocati naturam, quod filij modò geniti ad tempus aliquod alantur, ut liceat eodem modo de adultis iudicare, putarique stirpes animalium, tum cæteras animantes hominum causa fuisse procreatas cicures, ut his homines tum ad alios usus, tum ad cibum vtantur. Feras autem si non omnes, at certè plerasque, ut eis alantur, iuuenturque, tum ad vestes, tum ad instrumenta cetera comparanda. quod si natura 7 nihil imperfectum, nihil temerè frustra que facit: ipsas omnes feras hominum causa factas, natura fuisse necesse est. quo fit, ut opes bello etiam parandi ratio à natura quodammodo proficiscitur. Nam eius pars est venatoria facultas, qua uti conuenit, cum in belluas, tum in eos homines, qui cum sint ad parendum nati, imperium recusant: est enim huiusmodi bellum natura iustum. 8 familiaris igitur administrationis pars est genus vnum quæstuariæ, qua opes conuenienter naturæ comparantur, 9 quæ vel suppetere debet, vel res ab ipsa comparari, quæ condireponique solent necessariæ ad vitam, & ad ciuitatis, aut domus societatem tuendam accommodatæ. Ex his enim veræ diuitiæ constare videntur: quippe quarum copia non est ad rectè viuendum infinita: ut Solon ait in carminibus:

Finis opum positus non est mortalibus ullus.

Est enim positus ut cæteris artibus, quoniam nullius artis instrumentum infinitum est, vel numero, vel magnitudine. diuitiæ autem multitudo est domesticorum, & ciuiliū instrumentorum. Ac esse quidem naturalem quandam parandi opes facultatem, tum patribus familias, tum ciuitatum præfectis, & quam ob causam, explicauimus.

D 3

Scholia

1 Sed iā vniuersè de re familiari & pecuniaria siue quaestuarια facultate instituto nobis modo differam. Hactenus de seruo, qui pars est rei familiaris, differuit. iam de tota re familiari disputare aggreditur, ac de opes quarendi facultate: dubitari enim potest, num ratio parandi diuitias eadem sit, quæ ratio rei familiaris administranda, aut pars eius, an diuersa quidem, sed administrata, atq; ei suppeditans res aliquas necessarias: & si suppeditat, vtrum instrumenta suggerat, an materiam. Docet autem vt opes siue diuitie sint diuersæ, sic opes quarendi varias esse rationes: quarum vna est quæ in cibis parandis versatur, eademq; multiplex, pro magna cibariorum varietate. quæ varietas vt in ceteris animantibus, sic in homine varias efficit viuendi rationes, variaque studia quarendi opes. Sed omnis hæc quaestuarια ratio, quæ cibus varijs modis comparatur, omnibus est à natura tributa.

2 Instituto nobis modo. Institutum modum hic dicit, quod supra cap. primo pristinam disputandi rationem, quæ scilicet vsus fuerat in libris superioribus, vt à simplicibus ad composita procedat: hanc enim se tenere docet, cum subiicit, seruus enim pars quadam est rei familiaris. Cum igitur de seruo, qui pars est, disputatū sit, instituta ratio seu modus poscit, vt de re familiari, quæ totum est differatur. Vocat autem pecuniariam facultatem rationem parandirem familiarem, quæ res familiaris vt latine pecunia, sic græcè χρηματος nomine, vt habetur Ethicorum quarto, continetur. quam obrem interpres initio post verbum pecuniaria, adijcit, siue quaestuarια, expositionis gratia, & alijs in locis χρηματιστικῆν modò pecuniariam, modò quaestuariam rationem seu facultatem conuertit. Nam vt pecuniaria, sic quaestuarια ratio est facultas numos, & quicquid numis æstimari potest, parandi.

3 Lacus & paludes. Lacus dicitur, qui fluuios aut perennes riuos excipit, ac emittit. palus & lacuna, quæ collectiuam ex pluuijs aquam stagnantem, torpentemq; continet.

4 Quæ quidem insitam. Propriam, & penè naturalem: commercia enim, quod referuntur opificia, & artes sordidæ (Sutor enim calceum pro numo commutat, vt ipse paulò post capite sexto declarabit) ac item mercatura, non habent insitam & naturalem, sed artificiosam operationem.

5 Temperatam ex his generibus. Mistam ex varijs viuendi & querendirationibus.

6 Vermiparis, ouiparis ué. In ijs quæ vermem, aut ouum pariunt: vermis enim aditus augetur, transitq; in oui formam: & cum pars superior prius formetur, huic augetur alimentum ab inferiori parte suggeritur, tum
ex reliquo

ex reliquo alimento pars inferior articulatur: de genere animal. libro tertio circa finem. Similiter ex oui parte animal gignitur, ex parte alitur, ut habetur de generatione animalium libro secundo cap. primo. Origo enim pulli in albumine est: cibus per umbilicum ex luteo petitur: de historia animalium libro sexto cap. tertio.

7 Nihil imperfectum. Quod non referatur ad aliquem finem: res enim quæque suo fine perficitur: Metaphy. x.

8 Familiaris administrationis. Rationis domestica, quæ græcè dicitur *œconomica*.

9 Quæ vel suppetere debet. Aut hac quæstuarium facultas adesse debet patrifamilias, atque homini civili, ut per eam res necessaria ab ipsis comparantur, aut certe per eam res necessaria comparari debent ab eo, cuiusque tribuatur. Nam licet quæstuarium facultas non sit pars *œconomica*, tamen per eam paranda sunt facultates, vel ab ipso patrifamilias utraq; instructio facultate, vel ab alio à quo paterfamilias accipiat, ut postea declarabit.

CAPVT VI.

1 SED est aliud quæstuarium rationis genus, quæ maximè omnium, & quidem meritò pecuniaria nuncupatur, per quam diuitiarum, & parandi opes 2 finis nullus esse videtur: hanc multi vnam, & 2. eandem esse putant, atque eam de qua suprà memorauimus, quia confinis est ei: sed nec eadem est, nec ab ea procul abhorret. 3 Ipsa 3. tum tamen altera naturalis est, altera non natura: sed magis per quandam peritiam & artificium exercetur, de qua hic disserere exordiamur. Rerum quæ possidentur cuiusque duplex est usus, 4 per 4. se quidem uterque, non tamen similiter per se, sed alter rei proprius, alter non item proprius. exempli causa: Calceus tum induendo, tum permutando in usum venit: nam uterque usus calcei est: quoniam qui calceum pro numo aut cibo permutat, cum eo qui calceo indiget: is calceo, quo calceus est, utitur, non tamen usu proprio: calceus enim non factus est permutandi gratia. quæ ratio eadem est cæterarum rerum quæ possidentur: quippe rerum omnium permutatio. primum quidem 5 ab initio naturali profecta est, 5. eo quòd homines quarundam rerum plusquam sibi satis esset, quarundam minus possiderent. Quo planè intelligitur mercaturam non natura, ad pecuniariam pertinere. 6 Alioquin necesse 6. rat, ut quatenus eis satis esset, commutationibus uterentur. In.

prima

- prima igitur societate, hoc est in domo, nihil huiusmodi commutatio requiritur, in ampliore tamen communitate desideratur. Nam qui domo una continentur, his cuncta communia sunt: qui vero ampliore communitate, hi multa rursus diuersaque possident separatim, quorum est pro indigentibus mutua commutatio necessaria, quemadmodum etiam nunc barbarorum bona pars rerum permutationibus facit, res ad usum vitæ accommodatas, alias pro alijs, nec præterea quicquam permutantes, ut vinum pro frumento, & cætera talia dantes, & accipientes. Hæc igitur permutandi ratio, nec abhorret à natura, nec in genere pecuniariæ continetur: pertinet enim ad copiam rerum naturalem explendam. Ex hac tamen illa 7 per rationem nata est, quoniam cum subsidium extrinsecus peteretur importandis ijs, quorum esset ipsis inopia, & vicissim quæ superessent exportandis, necessitas ipsa numorum usum induxit. Nam cum res quæquæ necessaria non facile posset ultro & citro comportari, publico gentium consensu constitutum est, ad permutationes faciendas, ut tale quidam inter se darent, & acciperent: quod cum esset ipsum 8 ex genere rerum commodarum ad usum vitæ, facile tractari posset: cuiusmodi est ferrum & argentum, & siquid aliud eius generis habetur, quod initio magnitudine ac pondere simpliciter erat definitum. postremo etiam caractere fuit percussum, ut homines liberi essent à sollicitudine examinandi. Nam caractere quantitas numi significatur. Numo igitur ex permutatione necessaria inducto, genus aliud exstitit rationis pecuniariæ, quæ mercatura dicitur. Hoc cum initio simpliciter fortassis exerceretur, postea per experientiam factum est artificiosius, accedente solertia, unde & quo modo permutationibus faciendis plurimus quæstus contingeret. Quare ratio quæstuaria in numo potissimum versari videtur, 9 atque eius officium esse, unde pecuniarum copia contingat considerare: diuitiarum enim, & pecuniarum efficiens esse videtur. Nam sæpe diuitiæ in numorum multitudine ponuntur, propterea quod quæstus faciendi ratio, & mercatura in numis versatur: interdum verò nugæ, ac omnino 10 lex numus esse videtur, non natura consistere, propterea quod 11 mutatis qui utuntur, numus nihil valet, nec utilis est ad usum aliquem vitæ necessarium: ac fieri potest, ut quisquam numis locuples sit, idemque careat cibo necessario. At est absurdum eas esse diuitias, quibus abundè suppetentibus diues fame conficiatur:
- ut de

vt de 12 Mida illo propter inexplebilem cupiditatem fabulantur: 12.
 cui quicquid vefcendum apponebatur, fiebat aurum. Quare qui re-
 ctè parandis opibus student, in 13 alias diuitias, 14 aliam parandi ra- 13. 14.
 tionem quærunt. Alia est enim parandi ratio, aliæque diuitiæ, quæ
 à natura proficiuntur: & hæc quidem est œconomica: mercatura
 verò pecuniarum est efficiens, nō tamen modis omnibus, sed per-
 mutando, in numisq̃ue verfari videtur: 15 numus enim principium 15.
 est: & finis eius permutationis, & diuitiæ quæ hac ratione paran-
 tur, nullis finibus continentur. 16 Nam vt medicina infinitè fer- 16.
 tur in sanitatem, & artes suum quæque finem finemodo petant,
 quippe quem maximè volunt efficere: quæ verò conducunt ad fi-
 nem, in ea non infinitè feruntur. nam suus cuique finis modum im-
 ponit: sic huius pecuniariæ rationis finis nullo termino contine-
 tur. Est autem finis eius tales diuitiæ, & pecuniarum compara-
 tio: 17 œconomica verò, non pecuniariæ terminus est, nec enim 17.
 hoc est officium œconomica. Hac igitur ratione apparet, necessa-
 rium esse diuitijs omnibus modum imponere. Sed contrarium in
 vita v su venire videmus. nam qui parandis opibus seruiunt, hi
 cuncti numos in infinitum augent, cuius causa est vicinitas earum
 facultatum: 18 vfus enim vtriusque pecuniariæ facultatis cum sit 18.
 eiusdem rei, alter pro altero sumitur. Nam pecuniarum compara-
 tio ad eundem vfum pertinet, non tamen eadem ratione: sed huic,
 aliud est propositum: illi verò, vt pecunias augeat: quo fit, vt hoc
 quidam œconomica officium esse putent, nec finem faciant, vt o-
 portere existimant, conseruandi aut sine termino augendi numo-
 rum diuitias. Qui quòd ita sint animati, causa in eo est, quòd hos 19 19.
 viuendi cura sollicitat, non rectè viuendi: ita cum sine careat ea cu-
 piditas, efficitur vt 20 expetitarum rerum efficientia sine numero 20.
 concupiscant: quibus verò id etiam curæ est, vt bene viuant, hi
 21 corporearum voluptatum efficientia quærunt: quæ cum in di- 21.
 uitijs consistere videantur, nullum eos studium, præterquam
 pecuniarum parandarum exercet: 22 vnde aliud extitit rationis pe- 22.
 cuniariæ genus: nam cum modò careat voluptatum fruitio, ratio-
 nem quærunt, quæ voluptatum immodicè fruendarum faculta-
 tem præbeat. Quam si nequeunt per rationem pecuniariam, per
 aliam causam, vt assequantur, enituntur, quibusque facultati-
 bus ad quæstum abuentes. Nec enim fortitudinis munus est para-
 re opes, sed audacter pericula subire: nec eius facultatis, qua dux
 belli,

E

belli,

- belli, quaque medicus censetur, sed alterius partes sunt, ut victoriam: alterius, ut sanitatem pariat. Isti verò cunctas pecuniarias faciunt, tanquam hic finis sit propositus, & ad finem cuncta referri debeant. Ac ratio quidem opes parandi non necessaria, quæ sint, & quam ob causam hac indigeamus, explicuimus: itemque necessariam huic esse diuersam, & æconomicam naturalem, quæ in cibarijs parandis versatur, non ut ipsam infinitam esse, sed terminis contineri declarauimus.

Scholia in Caput VI.

1 SED est aliud quæstuariæ rationis genus. Duplex est opes parandi ratio, altera prorsus naturalis, de qua est hucusq; disputatum, ut agricultura, venatio, piscatio: altera, in cōmutatione versatur. quæ & ipsa duplex est: aut enim res ipsæ inter se commutantur, ut frumentum pro lana, vinum pro oleo, quæ ratio à naturali necessitate orta est: aut res pro nummo, quæ ratio si non procederet ultra vsus vitæ necessarios, & liberales, posset hac parte ipsa quoque dici naturalis: sed quum sit ad quæstum non necessarium, ut mercatura, iam non naturalis est, sed artificiosa, multumq; ab æconomica, officioq; patris familias abhorret.

2. Finis nullus esse videtur. Pertinet enim non ad explendas necessitates naturales, nec ad liberaliter viuendum, quæ res certis finibus continentur: & res familiaris terminata magnitudine contenta est, sed ad congerendam pecuniam, quod infinite procedit, nec certo aliquo fine terminatur.

3 Ipsarum tamen. Quæ in hoc genere continentur, quod potest vniuersaliter commutatum appellari. Ratio enim vinum pro frumento & similia commutandi ad vsus necessarios ab initio naturali profecta est: quæ autem nummo fit ad quæstum non necessarium, hæc non est naturalis, sed artificiosa.

4 Per se quidem vterque. Id est quatenus res talis est, ut calcei quæ calceus est: duplex est vsus, commutari & indui: calceus enim & corium & calceus est: qui cum commutatur nummo, non quia corium est commutatur, sed quia calceus: nam emptor non corio indiget, quo fortassis abundat, sed calceo. ceterum hic commutationis vsus non est calcei proprius. Nam proprius cuiusque rei vsus est is, cuius gratia res ipsa facta est: calceus autem non commutandi gratia fit ex sua quasi natura, & propria ratione, nec idcirco initio factus est, sed ut induatur pedi, licet sutor eo ad commutationem abutatur.

5 Ab initio naturali. Non quod commutatio esset earum rerum vsus naturalis,

ralis, oppositum enim pauld antè dixit, sed quia necessitas naturalis commutationem rerum necessariorum & commodarum induxit.

6 Alioquin necesse erat. Tunc nec aliter mercatura naturaliter ad pecuniariam pertineret, hoc est esset ratio naturalis parandi opes, si non ultra res ad vsus necessarios & liberales vita eius qui mercatur, commodas progredetur.

7 Per rationem nata est. Per solertiam & consilium, non per necessitatem naturalem: nā ex rerum necessariorum, numiq, commutatione, quam necessitas naturalis induxit, per rationē quandā, utq, solertiam exitit mercatura.

8 Ex genere rerum commodarum. Quibus homines ad vitam degendā vtuntur. Nam ferrum non solum in numo & cōmutationibus est vile humana vita: sed multū etiam magis in ferramentis ad arandum, cadendamq, materiam, vt argentum ad pocula, ceteraq, vasa conficienda.

9 Atq; eius officium esse. Mercatura officium esse: est enim officium proprium mercatoris cōsiderare, atq, dispicere, quibus ex rebus quam plurimum lucrifacere possit.

10 Lex numus esse videtur. Lege consistere, ac suam vim retinere, non natura.

11 Mutatis qui vtuntur. Mutata voluntate vtentium numo, vt numus valere nolint.

12 De Mida fabulatur. Mida Rex Phrygia fuisse traditur auarissimus, cuius fabula nota est, & Ouidij carminibus vulgata.

13 Alias diuitias quærunt. Vt agros consitos, pascuos, & frumentarios, prædiq, rustica, & urbana, & greges.

14 Aliam parandi rationem. Vt agriculturam & venationem.

15 Numus principium est, & finis. Quia numus ab initio instrumentum est mercaturæ, idemq, finis: huc enim spectat commutatio numi, quæ mercatura dicitur, vt numos quam plurimos congerat.

16. Nam vt medicina. Ars medicorum sine fine cupit sanitatem asferre: nec enim satis habet ad pristinam sanitatem aegrotantem restituere: sed cupit etiam, conaturq, sanitatem quā maximam potest ingenerare, nec cōfirmare solum, sed etiā augere sanitatis causas. ceterū si quod petit, vna ratione, vnōue medicamento sit affecuta, hoc contenta est, nec alias vias inquirat: quæ ratio eadem est artium ceterarum.

17 Oeconomica verò non pecuniariæ terminus est. Non tam lege æconomica opes & pecuniam quærendo procedit, quā facultas pecuniaria: quia non est hoc æconomica, seu domestica facultatis officium, vt numos sine fine paret, sed vt partis vtatur, aut quantum satis est comparet. aut est

sensus, & economica certis terminis querenda re familiari cominetur: pecuniaria facultas sine fine querit opes, seu numos.

18 Vfus enim vtriusque pecuniariae facultatis. In vetustis & emendatoribus exemplaribus sic habet hic locus: ἡ ἀλλὰ πᾶσι γὰρ ἡ χρησιμότης αὐτῶν οὐσα ἐκαστέρας τὸ χρηματικῆς. Est autem sensus: Cum vtriusque pecuniariae facultatis, tum eius qua vititur paterfamilias, tum eius qua mercator, vsus, id est opus & officium, versetur in eadem re, in parandis scilicet per nummū reb. vtilibus, efficitur ut alter pro altero accipiat: id est, ut idē vsus & officium esse videatur. Nam pecuniarum, hoc est rei familiaris comparatio, ad eundem vsum pertinet: id est, re idem opus est, non tamen eadem ratio: id est, non tamen pertinet eodem, nec ad eundem finem refertur: huic enim patrifamilias aliud est propositum & finis, scilicet ut emendo pareret res commodas ad vsus vitae necessarios & liberales, illi mercatori, ut nummos, & rem familiarem infinite augeat: quos fit, ut hoc ipsum, ut pecunias augeat: & economica quoque pecuniaria finis esse quibusdam videatur, propter cognationem, quam habent inter se haec duae pecunariae.

19 Viuendi cura sollicitat, non recte viuendi. Qui congerendis pecuniis student, his ferē ut viuant tantum cura est: nam pecunias, quasi ad viaticum vitae necessarium, ne nunquam deesse possit, congerunt: nec eis vtuntur ad recte liberaliterque viuendum.

20 Expetitarum rerum efficientia. Pecuniarum parandarum rationes.

21 Corporearum voluptatum. Quae sensu aliquod percipiuntur, ut veneris, & gula, quae ad tactum & gustatum pertinent: in quibus moderandis temperantia versatur: item audiendi, videndi, odorandi, voluptates corporeae sunt. nam his quoque corpus afficitur, ut mens intelligendi, sciendi, & contemplandi voluptatibus. Ethicorum secundo.

22 Vnde aliud extitit rationis pecuniariae genus. Ex intemperantia, dum homines cupide res voluptatum corporearum efficientes, quae res ferē pecunia comparantur, quaerent: genus aliud quaerendi pecunias natum est, in quo quae naturales virtutes, & facultates seu potentias, mercenarias faciunt, versantur, eis ad quaestum pecuniarum, ut per eas voluptatibus potiantur, quod infinite procedit abutentes. Hac autem ratio multum abhorret ab economica, cuius economica, alioquin munus est non tam diuitias parare, quam paratis aut suppetentibus recte in administratione domestica viui. Opus autem optima & naturali ratione petuntur ab ipsa natura, hoc est à terra, mari fructibusque, & animalibus: totius verò pecuniariae rationis illa pessima est, quae in fenore versatur, & maxime odiosa, & prae naturam. est igitur aliud genus: nam differt à duobus praedictis, tum sine, qui est in hoc fructu voluptatum:

luptatū: tum quarendi ratione, dum pecunias non per cōmūtationē numariā, sed per facultatem, & virtutum naturalium abusum quærit: nam δωδμς, hoc est facultates, vocat tum artes & scientias, tum virtutes naturales atq; potentias.

23. Tanquam hic finis sit. *Quasi voluptas corporea, eiusq; fruitio sit vltimus finis humana vitæ propositus.*

24. Quam ob causam hac indigeamus. *Scilicet vt immoderatam habendi cupiditatem expleamus.*

Caput VII.

1 Nec verò difficile est controuersiam initio propositam dijudicare, opes parandi ratio ad patrem familias & ciuitatis præfectum pertineat, an non sit eius muneris, sed opes suppetere sit necessariū. Vt enim ratio ciuilis non efficit homines, sed à natura sibi traditis vititur: sic cibum à natura, hoc est à terra, vel mari, vel alio quodam tradi oportet. 2 Ex his autem quomodo hæc dispensare conueniat, ad curam pertinet, officiumq; patris familias: nec enim munus est artis textoriæ lanas facere, sed lanis uti: & quæ vtilis, & aptæ, quæq; vicissim prauæ & ineptæ sint, cognoscere. Nam quærat aliquis, cur pecuniaria ratio pars sit domesticæ gubernationis, medicina non item cum perinde valetudo in domesticis, atque vita ipsa, vel aliqua res alia necessaria desideretur. Sed quoniam tum patris familias, tum ciuitatis præfecti quodammodo munus est, curam agere valetudinis, aliàs verò hæc cura non ad ipsum, sed ad medicum pertinet. Sic opes parare quodammodo patris familias munus est, aliàs non, 3 sed rationis administra: veruntamen maximè oportet (vt suprà memorauimus) opes à natura suppetitari. est enim officium naturæ, cibū generato suggerere. Nam cuique cibus est, id, quod superest eius, ex quo generatur. Itaque opes naturaliter ex fructibus, & animalibus comparantur: quæ parandi ratio cum sit, vt diximus, duplex, altera in qua mercatores versantur, altera qua patres familias vtuntur: & hæc sit necessaria & laudanda, illa quæ commutationibus constat iure vituperetur: propterea quòd non est naturæ conueniens, sed eò pertinens, vt homines alij ex alijs lucrentur, fit vt optimo iure sit fœneratorum ars odiosa: propterea quòd lucrū ex ipso numo captat: nec sequitur eum finem, cuius gratia numus fuit inductus: ad faciēdas enim permutationes repertus est: 4 nam scēnus ipsum au-

E 3

get,

- get, unde nomen apud Græcos sumpsit, quoniam quæ pariunt,
 5. similia sunt ijs, quæ ipsa gignunt: in scenore autem numus numum parit. Itaque ex omnibus artibus quæstuarijs, hæc est maximè præter naturam. 6 Sed quoniam 7 quæ pertinent ad cognitionem, satis sunt à nobis definita, commodum fuerit de ijs, quæ vsum attingunt, disputare. Nam huiusmodi rerum tum contemplatio 8 digna est homine libero, tum peritia necessaria & Pecuniariæ verò facultatis partes utiles sunt, peritum esse quæ res ex ijs, quæ in possessionem veniunt, & ubi, & quomodo sint maximè fructuosæ: vt equorum, bouum, vel ouium possessio, qualis sit: ac cæterorum animalium eodem modo. Oportet enim vt peritiam habeat, quæ possit his inter se collatis, quæ sint fructuosissima dignoscere, & quæ quibus in locis: alia enim alijs in regionibus feliciter proueniunt. Præterea vt vsum habeat in agricultura, quod agrorum conditiones 9 siue nudi sint, siue consiti, cognoscat: nec reliquorum animalium 10 natantium, seu 11 volantium, quæ vsum esse possint, naturam ignoret. 12 Artis igitur pecuniariæ maximè propriæ hæc sunt partes, ac munera prima. Eius verò quæ in permutationibus consistit, primum locum tenet mercatura, quæ tribus partibus constat: aut enim nauibus merces inuehuntur: aut iumentis seu carris apportantur: aut in eodem loco emuntur, atque venduntur. Hæc autem mercaturæ genera differunt inter se, quod aliud tutius est, aliud quæstuosius. Secundum locum tenet sceneratio. Tertium ratio mercenaria, quæ partim in sordidis artibus versatur, partim 13 in operis, quæ sine arte, solo corpore vtiliter dantur. 13 Tertium, pecuniariæ rationis genus inter hanc & primam est interiectum: participat enim tum naturali, tum ea quæ in permutationibus versatur: quod genus omnes artes complectitur, quæ lucrum à terra, & ex terra genitis petunt, non fructibus, sed rebus alijs, quæ ad vitæ vsum accommodantur: cuiusmodi est eorum ars, qui in materia cædenda versantur, & quæcunque pertinet ad effodienda metalla. Hæc autem artificia in multiplici genere sunt, pro magna metallorum, quæ à terra petuntur, varietate, quibus de rebus vniuersè à nobis est hoc in loco disputatum. Singulas enim partes accuratius persequi, est illud quidem vtile ad opificia, molestū tamen, vt diutius teneat philosophantes. Sunt autem opificia hoc 14 magis artificiosa, quo minus est in eis fortunæ locus: 14 illa sordidissima, quibus corpora maximè scedantur: maximè verò seruilis, ubi

lia, vbi plurimus est corporis vsus: minimè generosæ, quæ virtutis minimum requirunt. Sed quoniam his de rebus scriptores quidam præcepta tradiderunt, vt Chares Parius, & Apollodorus Lemnius de agricultura & agris tum nudis, tum etiam consitis, & alij de alijs rebus conscripserunt, illinc poterit, quæ quisque scire curabit, assumere. Proderit etiam documenta 15 separatim tradita congerere, quibus quidam rem familiarem, cui studebant, auxisse feruntur: hæc enim cuncta commoda sunt ijs, qui artem pecuniariam colunt, quale illud est quod de Thalete Milesio memoratur. Est enim ingeniosum quoddam inuentum parandis facultatibus accommodatum: quod quanquam in illum confertur ad commendationem sapientiæ, 16 est tamen præceptum quoddam vniuersale. Nam Thaletem memorant cum ei studium philosophiæ tanquam inutile obijceretur, præcognito ex Astrologia olearum magno prouentu 17 nondum elapsa hyeme, ex paucis suppetentibus 17 pecunijs arrabone dato, 18 omnes Milesias, Chiasq; olearias officinas paruo, vt pote cum nemo cōtrā liceretur, conduxisse: tempore autem multis simul ac subito quærentibus, quanti voluit, locasse: eaque ratione magna vi pecuniarum congesta, docuisse, facile philosophis esse si velint locupletari: sed non esse hanc rem in qua sibi elaborandum putent. Thales igitur in hunc modum sapientiā ostentasse memoratur. Hæc autem parandi ratio vniuersalis est, vt diximus, si quis sibi valeat 19 monopolium instituere, vnde nonnullæ ciuitates in publica pecuniarum inopia huiusmodi vectigal instituunt, monopolium rerum venalium facientes. In Sicilia quidam, apud quem fuerat pecunia deposita, ferrum omne ex ferrarijs officinis coëmit: deinde 20 cū ex mercatorib; mercatores venissent, solus vendebat, nec admodum aucto precio, ad quinquaginta tamen talenta centum adiecit. Quod 21 cū Dionysius rescuisset, hominē, facta exportandæ pecuniæ facultate, Syraculis tamen excedere iubet, propterea quod quæstus inueniret suis rationibus inutiles, quanquam homo hic idem, quod Thales spectauit. Nam vterque quomodo monopolium faceret, artificiosè excogitauit. Quarum rerum cognitio utilis est etiam ijs qui Rempublicam administrant. Nam multis ciuitatibus quæstuaria ratione, & quæstibus huiusmodi opus est, 22 vt domui, sed magis. Quo fit vt quidam in hac solum parte ciuilis administrationis sint occupati.

Scholia

NEQVE verò difficile est controuerſiam. Facultas, inquit, pecuniaria ſiue quaſtuaria, de qua ſuprà quarebamus, non propriè ad patrèſfamilias, nec ad ciuitatis præfectum pertinet. Itaq; diuerſa eſt, tum à familiari tum à ciuili poteſtate: cæterùm oportet vt quemadmodùm ciuitatis præfectus, ſic paterfamilias det operam, vt opes quibus vtatur, adſint: & his non ſuppèntibus, vel ne ſuppètere deſinant, aliquem debet huic parandi opes muneri præficere, qui per quaſtuariam facultatem pecunias opeſq; comparet, vt magiſtrum pecoris & villicum: quo munere ſi ipſe per ſe fungatur, hoc non vt paterfamilias faciet, ſed vt pecuniaria rationis, qua adminiſtra eſt æconomica, peritus: opes autem naturali & honeſta ratione, ex fructibus & animalibus parantur: commutationibus verò mercium inter ipſas, vel rerum aliarum numo, vt ſit à mercatoribus, non perinde honeſtè, per ſæuus verò turpiſſimè.

2. Ex his autem quomodo dispensare conueniat. *Quomodo cibos ex terra vel mari, vel aliunde petitos distribuere familia conueniat.*

3. Sed rationis administræ. Facultatis pecuniaria, quæ velut ancilla est domesticæ & civilis administrationis, ut ars frenos efficiendi, administrata est equestris facultatis.

4. Nam fœnus ipsum auget. Id est numus per fœnus numum auget: unde Graci fœnus, per similitudinem τοκον, id est partum vocant: ut enim que pariuntur similia sunt ijs, à quibus generantur, ut humano partu edita similia sũt suis parentibus, nam utraque sunt homines, sic in fœnore quod gignitur, & quod gignit, numus est. Quidam hunc locum sic verũt, ut gracè αὐτὸ καὶ αὐτὸ ἀσπιρατὺν virumq; legisse videantur, quod sic erat interpretandum, & exponendum. Fœnus seipsum auget. Id est munus per fœnus numum auget, & item.

5. Similia sunt ijs, quæ seipsa generant. Id est animalibus, quæ partum sui generis adunt, vt homo & equus: nihil enim potest seipsum idem numero generare, vs habetur secundo de anima. sed quadam sui dissimilia pariunt, vt. aues. ouum: quadam similia, vt homo & equus: quæ idcirco seipsa generare quodammodo dici possunt, quia quod gignit & quod gignitur, idem est non numero, sed specie. commodior tamen esse videtur scriptura & intelligentia prior, quem sequutus est interpres.

6. Sed quoniam quæ pertinent ad cognitionem. *Exposuit discrimē
æconomica & pecuniariae facultatis, quæ eandem quaestuariam interdum
appellat: & quæ ratio parandi opes sit maximè naturalis & laudanda, &*
qua

qua vicissim maximè præter naturam & vituperanda, quod pertinet ad mentis cognitionem: deinceps ut qua faciunt ad vsum memoret, tria genera tradit pecuniaria, seu quaestuarie facultatis. Primum quod in parandis naturalibus diuitijs, & ad vitam vsum pertinentibus versatur: cuius primæ partes & officia sunt ex animalibus, qua & quibus in locis maximum fructum afferunt: & omnis generis agrorum naturas dignoscere. Secundum genus est, quod commutationibus continetur: cuius tres partes numerantur: mercatura, qua merces pro mercibus, vel merces pro nummo: fœneratio, qua parua pecunia cum expectandi tēpore pro maiore: & artes mercenaria ac sordida, quibus opera pro pecunia cōmutantur. Tercium, quod his duobus est interiectum, quaerit enim res naturales quæ tamen non ad victum aut vestitum ipsæ accommodantur, quibus deinde cōmutandis seu vendendis, sibi res ad vitam necessarias parat: explicat deinde gradus sordidarum & mercenariarum artium, & faciendi pecuniam perutilem rationem monopolium esse tradit.

7 Quæ pertinet ad cognitionem. Doctrina moralis, & item civilis, quam quam potissimum & suapte natura ad agendum pertinent, & ad instituentiam vitam humanam, illa priuatim, hæc publicè, & idcirco practica siue ætliua nominantur: non enim ut sciamus quid sit virtus, de virtute differimus, sed ut boni efficiamur. Ethicorum primo. tamen multa in utraque doctrina tractantur à philosophis, quæ non actionem vsumq; vita, sed mentis cognitionem attingunt: cuiusmodi est illud, facultas pecuniaria pars æconomica sit, an secus.

8 Pecuniariæ facultatis partes vtilis sunt. Id est ad vsum pertinentes.

9 Siue nudi sint. Sine arboribus, quales esse solent frumentarij, & pascui.

10 Natantium. Aquatiliū, quod pertinet ad piscationem, de qua supra memorauit, itemq; ad piscinas.

11 Volantium. Auium, ut columbarum, & qua per aucupium cibo parari queunt: hæc enim vsui esse possunt.

12 Artis igitur pecuniariæ maximè propriæ. Id est maximè naturalis: hæc enim maximè parantur opes ad vsum vite necessariae, & modo quodam per naturalem necessitatem inducto. Nam quæ in commutationibus præsertim non necessarijs versatur ut mercatura, hæc plus artificij & rationis habet. Vocat autem hanc, commutationem, quia nummo res ceteras commutat, nec finem commutandi facit. Nam quæ per numum facit commutationem, non tamen ultra procedit, quam ratio rei familiaris poscit, hæc non à natura abhorret: quæ verò commutando non vitur nummo, hæc supra dixit non esse

F

pecunia-

pecuniariam: scilicet cum sit vsus necessarij gratia. Nam si merces importata exportandis commutantur, quod saepe à mercatoribus cōpendij causa sit, hoc nibilo secius ad quaestuariam rationem pertinet, quàm si merces cum numis commutentur.

13 Tertium genus inter hanc & primam est interiectum. Tria genera, ut diximus, pecuniaria rationis facit. Primum quod pertinet ad patremfamilias, & parandas res vitæ necessarias. Secundum quod in continuis commutationibus versatur: cuius tres partes enumerauit, & quo referri potest genus illud facultatibus & virtutibus, quasi mercenarijs ad quaestum abutentium ut voluptatibus fruantur. Tertium genus pecuniaria facultatis inter hac duo genera interiectum, & medium esse dicit, quoniam vtriusque particeps est.

14 Illa sordidissima. Sordidas artes Latini vocant, quas Græci βαυόσους quo nomine licet propriè opificia intelligantur, qua fornacibus vtuntur, ut græcum nomen indicat, ab incendenda fornace deductum, consuetudo tamen ad cuncta opificia transtulit: & omnes artes, quas vulgus mechanicas, Cicero, politioresq; ut dixi, sordidas vocant: quippe quibus artificum corpora sordescunt, fædanturq; præsertim qui fornacibus vtuntur, propter carbonem, & fuliginem qua artificia idcirco dicuntur esse sordidissima.

15 Separatim tradita. Dum de rebus alijs memoratur in libris non huic studio quaestuarie dicatis.

16 Est tamen præceptum vniuersale Quo potest quisque vii.

17 Nondum elapsa hyeme. Nondum florentibus arboribus, quod vere fit, ut ex his possit futuram copiam præcognosci.

18 Omnes olearias officinas. Loca seu torcularia vbi oleum, confractis pressuq; oliui conficitur, cui rei trapeta, seu mola, pralaq; adhibentur. Non enim oliuas omnes coemptas esse dicit, aut oleum à Thalete, ut falsò putant omnes, quos mihi videre contigit hunc locum: explicantes, sumpta fortassis occasione errandi ex traditis à Cicerone primo libro de diuinatione, qui sic de Thalete scripsit: Thales, inquit, Milesius, ut obiurgatores suos conuinceret, ostenderetq; etiam philosophum, si commodum esset, pecuniâ facere posse, omnem oleam antequam florere cœpisset in agro Milesio coemisse dicitur, animaduertens fortasse quadam scientia olearum vbertatē fore. Hac igitur Ciceronis verba fecisse videtur, ut hic Aristotelis locus in eandem sententiam perperam traheretur, quasi non idem factum variè soleat ab authoribus tradi. Cum etiam Plinius lib. XVIII. naturalis historiae. cap. XXVIII. idem cōmentū aliter tradat, & alteri auctori, hoc est Democrito tribuat: quē prauis olei nō vbertate, sed caritate & inopia, oleum

pia, oleum omne, non oleas coëmisſe tradit: at Aristoteles non ἐλάας, aut ἐλαῖνας, nec ἐλαῖον dixit, hoc est oleas, aut oliuetas, nec oleū, sed ἐλαργυῖα: qua voce olearia officina propriè & apertè significantur: vt ἐλαργυῖον officinā vitriariam signat, nec ἐνυτῶμενον dixit, sed μιδοσῶμενον, hoc est non emississe, sed conduxisse. Præterea quod ait, ἐπεὶ δὲ ὁ χαίρὸς ἦεν, id est cum tempus aduenit, scilicet oliuitatis, seu conficiendi oleum, multis simul quærentibus, quanti voluit locasse officinas, τραπεζῶν, & πρᾶλα, quæ ubiq; locari solent, aptissimè conuenit: in oleum emptum ineptissimè. suffragatur huic sententia Hieronymus Rhodius, qui vt Diogenes Laertius refert, ἐμιδοῖτο Καλο, inquit, ἐλαργυῖα, id est conduxit olearias officinas, vsus eisdem verbis, quibus Aristoteles. Est autem Miletus vrbs Caria, caput Ionia. Chios vrbs altera Caria, non procul scilicet à Miletō: nec enim hic conuenit Chion insulam, qua & ipsa Ionium est, cum vrbe cognomine intelligere. Quatuor enim vrbes auctore Stephano hoc nomine sunt appellata: dua, quas diximus: tertia in Cherronesō: quarta in Euboea.

19 Monopolium instituire. Efficere, vt solus ipse aliquod genus rerum venalium vendat.

20 Cum ex mercatibus mercatores venissent. Cum mercatores qui ferri mercandi causa ad nundinas processerant, re infecta sine ferro rediuisſent, solus ipse mercatoribus vendebat.

21 Cum Dionysius rescuiſſet. Cum Dionysius cognouiſſet, qui tyrannus Siracusanorum erat. Duo fuerunt Dionysii Siracusani, pater, filiusq; ambo tyranni, ambo Platonis auditores.

22 Vt domui. Quemadmodum paterfamilias, cum res necessaria ad alendam familiam, tuendamq; domum non satis suppetunt, quærere per facultatem pecuniariam cogitur. Sic item præfectus ciuitatis in ciuitatis inopia: sed eo magis quò pluribus indiget ciuitas, quàm domus: Quare in quibusdam ciuitatibus quosdam magistratus esse dicit, huic duntaxat officio quarendæ pecuniae profectos.

CAPVT VIII.

1 TRES sunt, vt diximus, œconomicae partes: vna, 2 herilis facultas, de qua suprà memorauimus: altera paterna: tertia maritalis. Nam paterfamilias & vxori præest & filijs, vtrisque quidem vt liberis, non tamen vt eiusmodi imperium teneat in vtrosque, sed in vxorem ciuile, in filios verò regium: 3 mas enim quàm fœmi 3. na, 4 nisi vbi præter naturā constiterunt: & senior atq; præfectus, 4.

F 2

quàm

5. quàm iunior & imperfectus principatu dignior est lege naturæ. 1
 Quamquam igitur in ciuilibus imperijs magna ex parte est imperandi & parendi vicissitudo (nam eorum natura æqualis esse debet nec differre quicquam) tamen cum hic præst, ille subest imperio, discrimen tum in ornatu, tum in sermonibus & honoribus requiritur, 6 vt Amasis de folio dixit: mas autem semper sic se habet in
7. fœminam. Imperium in filios idcirco regium est, quoniam 7 pater tum beneuolentia, tum maioris ætatis iure præst, quod genus est imperij regij. Rectè igitur Homerus hominum deorumque patrè,
8. Iouem appellauit, qui rex est eorum omnium. Nam 8 rex natura differre debet, sed idem esse genere: quod seniori accedit in iuniores, & patri in filium. Quo planè intelligitur, rationem familiaris administrationis poscere, vt plus operæ atque curæ in homines,
9. quàm in rerum inanimatarum possessionem ponatur: & 9 in hominum virtutem, quàm in virtutem rerum possellarum, quas diuitias vocamus: & in liberorum magis quàm in seruorum. De seruis igitur quærat aliquis, sitne aliqua seruorum virtus, præter
10. instrumentarias & administras, his diuersa & honoratior, vt temperantia, fortitudo, & iustitia, aliúsve talis habitus? an nulla virtus in seruum cadat præter corporeas, & quæ ministerijs accommodantur? Quoniam vtrinque causam habet dubitandi: nam si qua virtus est talis, quæ tandem erit seruorum ac liberorum differentia? Nullam autem esse, probari non potest, cum serui homines sint, & rationis compotes: ac eodem serè modo de muliere & puero quæritur: num horum sint aliquæ virtutes, & mulier temperans esse debeat, fortis & iusta: sitque puer intemperans, & temperatus, an secus. Hoc quoque in vniuersum de eo qui subiectus est natura, & eo qui præst, quæri conuenit, num eadem sit eorum virtus, an diuersa? Nam si vterque particeps excellentis virtutis esse debet, quæ causa est, cur hic præesse debeat, ille semper esse subiectus? Nec enim fieri potest, 11 vt pluris & minoris ratione differant: nam subesse atque præesse specie differunt, plus & minus non item. Neque verò probabile est, virtutē in altero requiri, eandem in altero non desiderari. Nam siue is qui tenet imperium, temperantia vacet atque iustitia, quomodo rectè imperabit? siue is qui subest imperio, quomodo rectè faciet imperata? Fac enim esse intemperantem, aut timidum: nihil eorum efficiet, quæ ratio postulabit. quo planè intelligitur vtrunque necessario

nō participem esse virtutis, sed virtutes esse diuerſas. 12. Quemad-
modum earum rerum quæ ſunt natura ſubiectæ, quod in ipſa ſta-
tim anima declaratur: quippe in anima pars altera natura tenet im-
perium, altera eſt imperio ſubiecta: 13. quarum diuerſas virtutes eſſe 13.
dicimus: eius dico, quæ ratione prædita eſt, & eius quæ ratione va-
cat, vt intelligatur eodem modo eſſe 14. de cæteris reb. ſtatuendum. 14.
15. Pleraque igitur natura imperium tenent, & ſunt imperio ſub- 15.
iecta. Aliter enim liber imperat ſeruo, aliter mas ſcæminæ, vir-
que puero, & omnibus inſunt animæ partes, variæ tamen inſunt.
16. Nam ſeruus omnino vacat vi conſultandi: mulier & puer ha- 16.
bent quidem eam facultatem, ſed illa inſirmam, puer imperfe-
ctam. Quæ ratio vt 17. eodem modo in virtutibus moralibus va- 17.
leat, necelle eſt omnes ſcilicet participes eſſe virtutum moralium,
oportere non tamen eodem modo: ſed quatenus quiſque deſide-
rat, ad opus ſuum obeundum. Ergo qui tenet imperium, hunc per-
fecta virtute morali præditum eſſe conuenit, quoniam eius offi-
cium ſimpliciter eſt architecti: 18. ratio autem architectus eſt: cæ- 18.
terorum verò pro cuiusque operis ratione. Quo planè intelligitur
in omnes ſupradictos virtutem moralem cadere: nec eandem eſſe
mulieris & viri 19. vel temperantiam, vel fortitudinem, & iuſtiti- 19.
am, 20. vt Socrates opinabatur: ſed viri fortitudinem principa- 20.
lem eſſe, mulieris adminiſtram, ac cæteras eodem modo: quod pla-
nius, ſi per partes potius conſideretur, apparebit. 21. Nam qui vni 21.
uerſe præcipiunt, 22. hi ſeipſi fallunt: vt ſi quis virtutem animæ bo- 22.
num habitum aut opus bonum eſſe dicat, vel aliquid tale: multo
enim melius diſcerūt, 23. qui virtutes enumerant, vt Gorgias, quàm 23.
qui eo modo definiunt. Vt igitur Poeta de muliere dixit, 24. ſic rem. 24.
ſeſe in cæteris habere putare conuenit.

Fert grande ſcæmina decus ſilentium:

At non perinde fortis hoc viri decus.

Cum autem puer ſit imperfectus, efficitur vt eius virtus non ad i-
pſum referatur, 25. ſed ad perfectũ, & ductorem: & perinde ſerui ad 25.
dominum. Poſitum eſt autem ſeruum vtilem eſſe ad vſus neceſſa-
rios, quò intelligitur exigua illi virtute opus eſſe, quæque ſatis ſit,
ne propter intemperantiam, aut timorem 26. officium deſerat. 26.
Quo in loco, quærat aliquis, num qua virtus in opificibus deſidere-
tur, quos ſape intemperantia ab operibus ceſſare cogit? 27. an ſit ma- 27.
ximum

E 3,

ximum

28. ximum discrimen: nam cum seruo 28 vita communicatur: opifex
 29. longius abest, & 29 virtutis est, quatenus seruitutis particeps. Nam
 fordidus opificij artifex, determinatè cuidam seruituti addictus est:
 nec ut seruus natura fit, sic tutor, aut alius quisquam opifex. Itaque
 30. huiusmodi virtutis causa seruo dominus est, 30 non quia doctri-
 31. nam herilem rerum efficiendarum habet. 31 Errant igitur, qui seruos
 ratione vacare, & imperata eos duntaxat facere tradunt, cum serui
 multo etiam magis, quam pueri admonendi sint, & castigandi: sed
 de his hactenus. De viro autem & vxore, deq; filijs & patre, & ipso-
 rum cuiusque virtute, & mutua consuetudine, & usu, quid rectè, &
 quid secus fiat: utq; oporteat virtutem atque officium sequi, vitia
 vitare: tum erit necessario disputandum, cum de ratione rerum
 publicarum differemus. Nam ut domus quæque pars est ciuita-
 32. tis: sic 32 ea de quibus modo diximus, partes domus. partis
 autem virtus, totius virtutem spectare debet. Quo fit, ut puero-
 33. rum, itemque mulierum institutio, 33 necessario sit ad Rempubli-
 cam dirigenda. Siquid ut ciuitas proba sit, pueros esse probos in-
 terest, & mulieres probas: interest autem necessario. Nam mulieres
 dimidia pars sunt liberorum capitum. Ex pueris autem existunt
 ij, quibus administratio Reipublicæ communicatur. Quoniam igitur
 his de rebus differuimus, & de cæteris est alijs in locis dis-
 ferendum: sit huic disputationi, quasi ad finem deductæ, modus,
 & alio sumpto principio, reliqua aggrediamur: & primum omni-
 34. um quæ 34 de optima Republica ab alijs tradita sunt, dispicia-
 mus.

Primi libri finis de Repub.

Scholia in Caput VIII.

TRES sunt, ut diximus œconomicæ partes. Ex tribus œcono-
 mica partibus, de herili supra disputauimus: nunc de maritali differit, & paterna,
 virumq; in vxorem ciuile imperium tenere docet, ducta similitudine, non à
 paritate viri & vxoris, nec imperandi uicissitudine, quod virumq; abest, sed
 ex eo quod vir ut potior est, sic ornatu sermonisq; grauitate, & honorib. vxo-
 ri præstat, ut priuato præfectus, quandiu magistratus ipse est. Patrem verò in
 filios regium imperium tenere tradit, tum iure ætatis perfectæ, tum voluntate filio-
 rum, qui libenter paremibus obtemperant: deinde docet ut præfectorum, sic
 subditorum

subditorum virtutes esse morales, sed specie distinctas. Exempli gratia, mulieris fortitudinē specie à fortitudine viri differre, & serui à domini, ut patris inferioris, animae virtutes specie sunt à virtutibus partis superioris diuersae.

2. Herilis facultas. Quia dominus vititur in seruos: paterna, qua pater in filios: maritalis, qua maritus in uxorem, qua omnes congruunt in patre familias: nam idem dominus est, idem pater, idem maritus.

3. Mas enim quàm femina. Patrem familias naturaliter imperium in uxorem & filios tenere confirmat, ob eam rationē, quod praestantior, principatūq; dignior est virisq; lege natura: nam potiorē praesse deteriori eadem natura vult.

4. Nisi ubi praeter naturam constituerunt. Ut si mas imperfectior, quàm pro sua natura genitus fuerit, sicut corporis ac mentis viribus à femina perfectus superetur: & femina contra sic nata sit, ut proximè ad virile corporis & mentis robur ascedat. Quod vtrunque raro efficitur, & praeter naturam.

5. Quamquam igitur in ciuilibus imperijs. Imperium ciuile inter pares habetur: quo fit, ut qui modo magistratus praerat, iam priuatus sit: & pareas imperio alterius, qui nuper erat priuatus: & hac quidem ratione vir in uxorem non tenet imperium ciuile, quia nec paritas nec imperandi vicissitudo est inter virum & uxorem: sed vir potior est uxore, & semper ei praest. Hanc tamen similitudinem habet imperium maritale cum ciuile, quod vir ornatu & cultu, ac honore & sermonis grauitate praestat: quemadmodum praefectus ciuitatis quandiu praest priuatus, ornatu & cultu differunt: ut Senatores Romani l. to clauo, quod genus erat vestis, ab alijs distinguebantur: alijsq; magistratus alijs insignibus & sermonibus: aliter enim magistratus subiectos alloquitur: aliter priuatus pares, & aliter honoratur.

6. Ut Amasis de folio dixit. Solium est vas balnearium ad lauandos pedes. Amasis rex fuit Aegypti, qui cum ex populari Aegyptiorum voluntate factus esset rex, ab ipsis pristina eius humilitatē recordantibus, cōtemnebatur. Quorū errori hac ratione medēdum statuit. Erat ei solium quoddā aureum, quo & ipse & cōiunx pedes lauabant: ex hoc, dei cuiusdam signum siue statuā confecit: quam cum in loco vrbis maximè opportuno statuisset, ciues confluētes egregiè venerabantur. Hoc cognito Amasis, & Aegyptiorum cōtā cōtione, statuā ex folio factam fuisse docet: in quod Aegyptij vomere, meicere, & pedes lauare soliti essent: tum folio simile quiddam sibi accidisse dixit: qui cum prius popularis fuisset, iam factus esset ipsorum rex: itaque eadem ratione se colendum esse, ac venerandum. Hoc igitur solij exemplo, Amasis Aegyptios, ut se regia veneratione colerent, induxit. quod Amasis commentum factumq; refert Herodotus in Euterpe. Ut igitur illud aurum cum solium esset,

vas erat inhonoratum: idem Dei signum, siue statua factum, diuinis honoribus colebatur: sic idem cuius in magistratu, quam in vita priuata plus colitur, & honoratur.

7 Pater tum beneuolentia. Id est voluntate filiorum ab amore profecta.

8 Rex natura differre debet. Præstare perfectione naturali, ut ipse docet libro tertio, sed idem esse genere. Nec obest Homeri testimonium, qui Iouem facit non Deorum modo patrem, sed etiam hominum: nam licet Deus sit genere ab hominibus diuersus, idem tamen esse vulgari hominum opinione credebatur: qui dijs, ut supra dixit, eandem quam sibi, & formam, & viuendi rationem tribuebant. ad quam opinionem Homeri dictum accommodatur.

9. In hominum virtutem, quam in virtutem rerum possessorum. Quo res quæque bona efficitur atque perficitur, id eius virtus esse dicitur. Ethic. primo. Est igitur sensus: Maiori curæ debet esse paterfamilias, ut homines sua cura commissi, vxor filij, & serui, tota q; familia probi fiant, & virtute præditi, quam ut equus, aut ager bonus efficiatur.

10 Instrumentarias & administras. Quæ seruo conueniunt, quatenus est bonum instrumentum domini, & minister, & rerum imperatarum executor.

11 Ut differant pluri, & minoris ratione. Ut sit, exempli gratia, prudens uterq; sed alter altero prudentior.

12 Quemadmodum earum rerum quæ sunt natura subiectæ. Ut in rebus, in quibus naturaliter est alterius in alterum imperium: alia est virtus naturalis, qua imperans: alia qua obtemperans, commendatur: sic in virtutibus moralibus, & intellectualibus accidit, ut alia sit imperantis prudentia, exempli gratia, alia parentis.

13 Quarum diuersas virtutes esse dicimus. Nam pars animæ ratione prædita virtutes sunt, quæ intellectuales nominantur, ut prudentia, sapientia, & ars, de quibus in sexto Ethic. disputatur. Partis autem quæ rationis est expertæ, quæ morales nominantur: nam omnes morales virtutes, etiam iustitiam in parte irrationali, quæ appetitus dicitur, generari docet Aristoteles magnorum moralium lib. primo.

14 De cæteris rebus. Quarum altera in alteram natura tenet imperium.

15 Pleraq; igitur natura tenent imperium. Magna pars earum rerum quæ præsentant aut subiectæ sunt, habent alterutram conditionem imperandi vel parendi à natura, pro diuersitate virtutum, & facultatum, quæ diuersa imperandi

perandi genera faciunt: aliter enim, hoc est alia ratione, aliaq; virtute seu facultate liber imperat seruo, alia mas foemina: nam omnibus insunt animae partes ratio scilicet & appetitus, variè tamen, id est diuersis virtutibus instructa.

16. Nam seruus omnino vacat vi consultandi. Hæc verba sic quidam exponunt: seruus quia seruus est, non habet facultatem consultandi: nam consultatio seu deliberatio est de rebus quæ sunt in consultantis potestate. Ethicorum sexto. Seruus autem cum ipse alienus sit, nihil habet in sua potestate: sed ipse & quæcunque habet, in domini potestate sunt. Non igitur habet deliberandi facultatem. Veruntamen hic sensus ad seruilem conditionem, quæ nascitur ex iure gentium voluntario, magis quam ad vim & facultatem naturalem eius qui natura seruus est, de qua hoc in loco disputatur, pertinere videtur. Nam qui natura, non lege voluntaria seruus est, huic non deest ius deliberandi, cum sit alioquin liber, & sui iuris: sed vis animi & intelligentia. Idcirco igitur, ut arbitror, natura seruus omnino vi & facultate deliberandi carere dicitur: quoniam licet non sit omnino expertus rationis, ex qua deliberatio proficitur, omnino tamen caret solertia deliberandi propter nimiam tarditatem & hebetudinem naturalem, quæ seruus natura definitur. Cuius ratio hæcenus procedit, ut rationem sentiat imperantis, ut supra dictum est, non ut ipse possit deliberare, quod pertinet ad prudentiam, siue solertiam: nam mulier ingeniosa facultatem, id est solertiæ ad consultandum habet, sed debilem & infirmam puer imperfectam, sed quæ paulatim augeatur, & perficiatur: seruo autem naturalis facultas atq; solertia neutro modo tributa est, propter insitam (ut dixi) tarditatem: quæ nisi nimia sit, non efficit natura seruum. Ut enim supra dixit capite quarto, qui tanto sunt prudentibus solertia inferiores, quantum distat ab anima corpus, & ab homine bellua, & corpore duntaxat utiles existunt, hi sunt natura serui.

17. Eodem modo in virtutibus moralibus. Quæ pertinent ad partem rationis expertem, ut in iis, quæ ad rationis compotem.

18. Ratio autem architectus est. Architecto similis: est enim architecti munus & facultas, de faciendis operibus deliberare, & deliberata operarijs artibus imperare: quod idem facit ratio, prudentiæque in rebus agendis.

19. Vel temperantiam, vel fortitudinem. Nam si vir ita fortis esset, ut fortis mulier, timidus esset: & mulier, si tam temperans, & modesta esset, quam vir temperans & modestus, intemperans esset, & garrula. ut ipse docet libro tertio.

G

20. Ut

20. Ut Socrates opinabatur. Ut Platoni visum est in libris de Republica. Plato enim qui ferè per dialogos Philosophiam tradidit, in omni colloquio Socratem inducit differentem, cuius personam maximè probat: hunc enim quasi auctorem facit omnis sua disciplina, licet nihil affirmare videatur.

21. Nam qui vniuersè præcipiunt. Ut discrimen appareat inter mulieris & viri, & pueri & viri perfectæ ætatis, serui & domini virtutes, non de virtute ipsorum in vniuersum differendū est, sed priuatim de fortitudine. exempli gratia, & tēperantia, quarum qualibet in puero spectari debet referēdo ad virum perfectæ ætatis, in seruo ad dominum: ut sic vterq; sit virtute instructus, ut faciliè per eam possint, hic imperio domini parere, ille patris seu magistri morum monitis, & præceptis obtemperare. Eadem est opificis ratio, qui cū sit quasi publicus seruus, certa tamē seruituti addictus, ea dūtaxat virtute indiget, quatenus quidem opifex est, quæ satis sit ad ipsum in officio & opere suo continendū. Nam serui cum sint rationis cōpotes, virtutis quoq; sunt participes. Puerorum autē educatio, & mulierū institutio ad Reipublica rationem est dirigenda: nam partium virtutes ad virtutē totius referri debent.

22. Hi se ipsi fallunt. Qui quæstiones vniuersaliter tractant, hi sua doctrina faciliè labuntur in errorem.

23. Qui virtutes enumerant. Qui singulas virtutes persequuntur, ut Gorgias apud Platonem in libro seu dialogo de virtute. In hoc enim Meno ex doctrina Gorgia virtutes viri, mulieris, pueri, liberi, serui, singulatim explicat.

24. Sic rem sese in cæteris habere. Quemadmodum silentium in muliere quasi virtus laudatur, non autem in viro: sic putare conuenit in cæteris, ut in puero, & seruo varias esse virtutes, quibus commendatur, quæ viros & dominos non decent.

25. Sed ad perfectum. Ad virum patremq;, ut ei pareat, & præceptis & monitis eius obtemperet.

26. Officium deferat. imperata iussaq; domini non exequatur.

27. An sit maximum discrimen. Inter seruum & opificem.

28. Vita communicatur. Communiter viuunt in eadem domo, & ex eadem re familiari, opifex longius abest à domo, nec eo domesticè & familiariter vitumur.

29. Quatenus virtutis est particeps. Opifex, qui est quasi seruus publicus, non ad omnia. sed ad certum seruile munus obeundum, hætenus est particeps virtutis, seruo scilicet conuenientis, quatenus seruus est.

30. Non quia doctrinam habet herilem. Hic Platonem taxare videtur, qui sic de virtute differit in Memnone, seu libro de virtute, ut ei virtus non exercitatione, sed doctrina comparari videatur. Non igitur verbis à
docentibus

docente in seruo virtus ingeneratur, sed à domino, per exercitationem, qua oportet imperante, & in officio continente.

31. Errant igitur. Seruus, inquit, natura non adeo hebes ac stupidus est, ut non modo solertia & vi consultandi careat, sed etiam rationis usu, ut quidam falsò putant: alioqui frustra monita & castigationes, hoc est reprehensiones adhiberentur, quæ in hos plus etiam quàm in pueros adhiberi debent: quarum admonitionum non essent capaces, si omnino rationis usu carerent, ut furiosi.

32. Ea de quibus modo diximus. Mulier seruus & pueri, seu filij.

33. Necessariò sit ad Rempublicam dirigenda. Aliter enim & pueri, & mulieres educari debent in Republica populari: aliter in paucorum potentia, pro ut ratio postulat veriusq; Republica finis, in quem partes omnes Reipublica spectare debent, ut ipse postea apertius latiusq; declarabit.


34. De optima Republica. De optima forma & statu Reipublica.

ARISTOTELIS DE RE- PUBLICA LIBER SECVNDVS,

Interprete & enarratore

IOANNE GENESIO SEPVLVEDA
CORDVBENSIS.

CAPVT I.



VONIAM de ciuili societate differere cõ- 1.
stituiamus, 2 quæ sit cunctarum optima, ijs, 2
quibus quam maximè ex sententiâ viuere li-
cet: non erit ab re cæteras Reipublicæ ratio-
nes despicere, quibus vtuntur 3 quædam ciui- 3.
tates, quæ rectè legibus esse institutæ dicun-
tur: & si quæ sunt ab aliquibus dictæ, quæ re-
ctè sese habere videantur: ut quod rectum,
quodq; commodum est, appareat: nec aliud
præterea quærere hominis esse videatur, vani & vtilitati seruiē-
tis: utq; homines intelligant, idcirco nos hanc post alios præcipiēdi ra-
tionē, atq; curam suscepisse: quoniam 4 quæ nūc habētur Respub 4.
parū rectè sunt institutæ. Exordiemur autem ab eo, quod est huius
disputationis commodissimum principium. Necesse est enim,
ut omnibus ciuibus, aut omnia communia sint, aut nihil, vel quæ-
dam

dam sint communia, aliqua non item: vt autem sit commune, haud dubiè fieri non potest: nam Respublica communitas quædam est, & locus vnus est vnius ciuitatis, & ciues sunt vnius ciuitatis participes. Sed quæritur, vtrum in ciuitate rectè instituenda seu gubernanda, cuncta quæ possunt, præstet omnibus esse communia, an quædam, & quædam secus? Nam filij & vxores, & patrimonia possunt ciuibz inter ipsos esse communia, vt in Repub. Platonis: illic enim Socrates oportere tradit, vt filij & vxores, possessionesque communes sint. Quæritur ergo, vter status commodior sit, hic quo nunc ciuitates vtuntur, 8an ille, siquis traditæ in ea Republica legi conuenienter institueretur? Nam vxores omnibus esse communes, cum alias multas difficultates habet, 9tum propter causam à Socrate traditam, cur sic lege sanciri debeat, ex rationibus non efficitur. 10 Præterea ad finem, cuius gratia id fieri debet in ciuitate, 11 vt quidam nunc dictum est, fieri non potest. 12 Quomodo autem explicari debeat, nihil est diffinitum, 13 vt sit inquam tota ciuitas vna, tanquam hoc sit summum bonum: 14 id enim positum est à Socrate. At si ciuitas huc progrediatur, vt fiat magis vna, haud dubiè non amplius ciuitas erit. 15 Ciuitas enim natura multitudo quædam est: quæ si fiat magis vna, fiet ex vrbe domus, homo autem ex domo. Nam domum quàm ciuitatem magis vnā esse dicimus, & vnum hominem, quàm domum. Itaque si vel maximè hoc fieri liceret, tamen non esset faciendum: id enim esset ciuitatem tollere. Neque verò solum ex compluribus hominibus ciuitas existit, sed etiam ex specie diuersis: nec enim ex similibus ciuitas efficitur. 16 Nam belli societas diuersa est à ciuitate. quippe quæ societas utilis est multitudi, quanquam sit eadem specie. Nam mutui auxilij gratia orta est, 17 vt si pondus magistrahatur, 18 tali etiam discrimine ciuitas à gente distrahatur, cum non sunt homines vicatim multitudine dispersi, sed more Arcadum. 19 Ex quibus autē vnum fieri debet, hæc specie sunt diuersæ: quo fit, vt 20 æqualis compensatio ciuitates cōseruet incolumes, vt suprā dictum est in libris de moribus. quæ compensatio in liberis quoque & paribus est necessaria: cum fieri nequeat, vt simul omnes magistratus gerant, sed per vices annuas, aliòve ordine, seu tempore: qua ratione fit, vt omnes præstint magistratibus, perinde ac si futores & fabri variarent: nec semper iidem futores essent & fabri. 21 Sed quoniam præstat hoc modo institutam esse rationem ciuili

ciuilibus communitatis, satius esset haud dubiè, si fieri posset, vt semper ijdem gererent magistratus, in quibus tamen non licet: propterea quòd omnes sunt pares natura, simulque iustum est, vt 22 siue 22 bonum sit, siue malum imperare, id omnibus communicetur: in his satius fuerit vicissitudinem imitari, vtque pares cedant, 23 quemadmodum fecere primi. Quoniam ad hunc modum hi tenent imperium, illi vicissim subiecti sunt, 24 tanquam alij effecti. 24. 25 Ad eundem igitur modum qui tenent imperium, alij alios magistratus gerunt: quòd planè intelligitur, præter ciuitatis naturam esse, vt sic fiat vna, quemadmodum quidam tradiderunt: & quod summum esse bonum in ciuitatibus dicunt, id exitium afferre ciuitatibus: at suo res quæque bono conseruatur. Est & alia ratio, quæ declarat, non esse melius vt ciuitas nimium ad vnitatem redigatur. Domus enim maiorem necessariarum & commodarum rerum copiam habet, quàm homo singularis: & ciuitas, quàm domus: & tunc esse ciuitas intelligi solet, cum huiusmodi copiam societas multitudinis nacta est. Si ergo copiosius præferri debet, efficitur, vt quod minus vnum est, hoc ei, quod magis est vnum, 26 sit præferendum.

SCHOLIA IN SECVNDVM LIBRVM

Aristotelis de Republica.

CAPVT I.



QUONIAM de ciuili societate differere constituimus. In primo libro de domo & partibus eius, de quæ domestica facultate, quæ dicitur æconomica, & officio patrum familias, & simul de quæstuariaratione, & eius partibus disputauit. Iam hic incipit de ciuitatu ordine, & administratione, quæ Respublica nominatur, differere: & ex omnibus, quibus tunc utebantur ciuitates, quæ optime administrari putabantur, & quæ tradita fuerant, siue ab ingeniosis hominibus excogitata, nullam esse docet, quæ non indigeat correctione, in singulas sigillatim differendo. Sed primum in Platonis Respublicam, quæ tunc, vt est probabile, in ore om-

G 3

nium

nium propter nouitatem erat. Nam vxores & filios, fortunaſq; communes faciebat, vt hac ratione ciuitas maximè vna fieret, eſſetq; ſumma inter ciues omnes beneuolentia. Què ſtatum Reipublica non ſolum incommodiſſimum eſſe docet Ariſtoteles: ſed etiam nulla ratione inſtitutum, nec ex auctoris rationibus efficit, quod ipſe volebat: ſed contra nimia ciuitatis vnione ciuitatem tolli, vxorem & filiorum communitate minui potius ciuium beneuolentiam: itemque ex patrimoniorum communione odia & contentiones exiſtere.

2 Quæ ſit cunctarum optima ijs, quibus quam maximè ex ſententia viuere licet. Non enim Reipublica ſtatuſ, qui ſimpliciter optimus eſt, cunctis ciuitatibus eſt optimus, vt declarabit, ſed ijs duntaxat, quibus ſuppetunt adiumenta omnia ad viuendum ex ſententia, id eſt vt maximè velint: quibus adiumentis ſic quædam ciuitates deſtituta ſunt, vt aliam Reipublica formam ſequi cogantur, tanquã ſibi magis conuenientem, non eã, qua ſimpliciter eſt optima. Nam legumlatoris officium eſt, vt ipſe tradit libro quarto, non modo qua ſimpliciter ſit optima Reſpublica conſiderare, ſed etiam qua ſit optima ijs, quibus leges condit, qua dicitur optima expoſitione, ſeu ſuppoſitione, id eſt pro natura hominum, & ratione rerum ſuppetentium.

3 Quædam ciuitates. Vt Lacedæmoniꝝ Cretenſes, Carthaginienſes: harum enim trium ciuitatum Reſpublicas cæteris omnibus longè præſtare ipſe teſta- tur, huius libri capite vndecimo.

4 Quæ nunc habentur Reſpublicæ. Quibus nunc ciuitates vtuntur, & qua tradita ſunt ab auctoriſ: nullam enim ex omni parte probat.

5 Et locus vnus eſt vnus ciuitatis. Sic enim legitur in emendationibus exemplaribus, αἰ; δ ἴ, non ἰσὸς, vt in impreſſu & deprauatū. Nam ſi nihil aliud eſſet ciuibus omnibus commune, locus tamen id eſt vrbis ipſa, vel op- pidum, quo continentur, eſt neceſſariò communis.

6 Præſtet omnibus eſſe communia. Melius ſit publicè ab omnibus, quàm priuatim à ſingulis poſſideri.

7 Hic quo nunc ciuitates vtuntur. Vt quiſque ſuos filios & vxorem habeat, & ſuum patrimonium priuatim poſſideat.

8 An ille. Traditus à Platone, ſi forte conuenienter illi legi de rerum omni- um communione inſtitueretur: nam Reſpublica à nulla ciuitate in vſum eſt re- cepta.

9 Tum propter cauſam à Socrate traditam. Ex rationibus, inquit, qui- bus Plato in perſona Socratiſ vtitur in libris de Republica, non efficitur, non concluditur, oportere res omnes eſſe communes propter cauſam, cur ille hanc legem ferendam eſſe tradidit: quaſi dicat, etiam ſi eſſet ea lex ob alias cauſas ferenda, tamen propter eam, quam Socrates affert, ferenda non eſſet.

10 Præ-

10 Prætera ad finem, cuius gratia Fieri nõ potest, vt ex eo quod sint omnia communia, finis contingat, cuius gratia omnia vult esse communia, vt sit tota ciuitas vna, & summa charitate coniuncta.

11 Vt quidem nunc dictum est. Quantum est in rationibus à Socrate dictis, & allatis.

12 Quomodo autem res explicari debeat. Quomodo efficiatur, vt ciuitas sit magis vna, si sint omnia communia.

13 Vt sit, inquam, tota ciuitas vna. Declarat qui finis sit per Platonem, cur debeant esse omnia communia.

14 Id enim positum est à Socrate. Nam Socrates vt rem indubitatam posuit, siue statuit summum bonum ciuitatis esse, vt sit maxime vna.

15 Ciuitas enim natura multitudo quædam est. Ad rationem seu definitionem & substantiam ciuitatis pertinet, vt sit multitudo quadam, id est non quauis, sed perfecta & copiosa ex varijs ordinibus, hominumque generibus constans.

16 Nam belli societas. Non est eadem ratio ciuitatis, quæ societas bellihac enim cum mutui auxilij gratia iniri soleat, & hinc ortum habuerit, vt populi alij alijs subsidium ferant inter se, utilior est, quod maior hominum copia, licet hi homines sint omnes eiusdem generis siue ordinis, vt militaris.

17 Vt si pondus magis trahat. Quemadmodum quæ pondere valent atque libra examinantur, vt metalla & alia multa merces, hæc eo habentur utiliora & maioris pretij, quo maius pondus in altera lance positum trahunt, id est quo sunt grauiora: sic in societate belli, & auxilijs bellicis multitudo spectatur hominum, quæ hoc utilior est, quo maior: nec refert eiusdem generis sint, an diuersi. Quod non fit in ciuitate, quæ varia genera varios hominum ordines desiderat.

18 Tali quodam discrimine Gens, inquit, quæ nõ per castella & vicus distributa est, vt diuisos habeat magistratus: sed sparsas per agros domos habitat, vt olim arcades, nunc etiam agricola in Italia circum Padana. Talis, inquam, gens cum habet scilicet communes magistratus, hoc discrimine, id est multitudine differt à ciuitate, propriè scilicet loquendo: nam interdum talis gens ciuitas solet ab auctoribus nominari, vt à Cesare in commentarijs, ciuitas Heluetia in quatuor pagos distributa esse dicitur.

19 Ex quibus autem vt res naturales constituuntur ex elementis, & domus conficitur ex rebus specie diuersis: sic esse debent diuersa hominum genera, & ordines, ex quibus ciuitas constituatur.

20 Aequalis compensatio Bonorum & malorum, vt suis quisque meritis pariareferat præmia: si bene meritus fuerit de Republica, aut aliqua virtute præfatus

praestet: poenas si malè, aut si damno quenuquam affecerit, vel contumelia. de qua compensatione suprà, inquit, dictum est in libro Nicomachi, de moribus scilicet libro quinto. Hic locus aperitè declarat illos libros Ethicorum, non ad Nicomachum auctorem Aristotelis filium referendos esse, ut Cicero falso putauit, sed ad ipsum Aristotelem, qui in gratiam filij, ut sic nomen eius celebraretur, ab eius nomine Nicomachi cognominari voluit: ut Eudemi, ab Eudemo amico: & artem rhetoricam Theodecti, à Theodecto: non ut ab illis tanquam auctoribus proditi libri venderentur, sed ut ea ratione ipsorum nomina Aristotelicis libris inserta, ut dixi, celebrarentur, cuius rei gratia solent alij suos libros amicis nuncupare, quo minus est quorundam leuitas & ignorantia ferenda. Quos Valerius Maximus sequutus, sic de Aristotele scripsit: Aristoteles, inquit, Theodecti discipulo oratoria artu libros, quos ederet donauerat: molestè postea ferens titulum eorum sic illi celsisse, proprio volumine quibusdam rebus insistens planius sibi de huius Theodecti libro dictum esse adiecit, quorum maligna interpretatio hoc loco conuincitur, ubi Aristoteles eodem modo citat ut suos morales libros, quos ex filij nomine Nicomachio inscripserat, siue libros Nicomachi de moribus: ac si diceret opus Aristotelis de moribus ad Nicomachum.

21 Sed quoniam praestat hoc modo. ut nunc sese res habet in sutoribus & fabris, ut ijdem semper sint sutores, ijdem fabri, quàm illo, id est, si mutarentur.

22 Siue bonum siue malum sit. Siue res bona commodaq; sit imperare, siue mala, & incommoda.

23 Quemadmodum fecere primi. Quemadmodum initio alij concesserunt ipsis, ut gererent magistratus: sic nunc ipsi debent alijs imperium tradere: nec enim ciues omnes simul gerunt magistratus, sed per vices.

24 Tanquam alij effecti. Nam qui ex priuato magistratus efficitur, aut contrà, alius atque diuersus fit.

25 Adeundem igitur modum. Per hanc tradendi vicissitudinem, & quandam diuersitatem, alij alios magistratu gerunt, ut omnes muneribus publicis fungantur, ut sit quidam adilis, alter consul, alius prator. exempli gratia, quae omnia declarant etiam magnam varietatem, & diuersitatem in ciuitate desiderari.

26 Sit praferendum. ut minus copioso.

CAPVT

1 SED quanuis optimum esset societatem esse quam maximè v. 1.
nam, hoc tamen non videtur ea ratione demonstrari, si omnes si-
mul dicant, meum & non meum: hoc enim Socrates argumentum
esse putabat perfectè vnità ciuitatis. Nam verbum, omnes, dupli-
cem habet intelligentiam. Igitur 2 si omnes vt singuli dicerent, for- 2.
tasse magis quod Socrates vult, efficeretur: tunc enim vnusquisque
eundem filium suum appellaret, & eandem vxorem, ac patrimo-
nium, & 3 accidentium quodque eodem modo. 4 Nunc non ita 3.4.
loquerentur, quibus essent vxores & filij communes, 5 sed dicerent 5.
quidem omnes, non tamen vt eorum quisque, & simili ratione
facultates omnes suas dicerent, non tamen vt singuli. Quo palàm
fit, paralogismum esse in verbo, omnes: 6 nam omnes, & ambo, 6.
paria & imparia sunt, quia dupliciter dicuntur, & 7 ratiocinatio 7.
nes faciunt in sermone litigiosas. Itaque omnes, idem suum dice-
re, 8 vno modo bonum, & commodum esset, sed fieri non potest: 8.
9 aliter nihil facit ad animos conciliandos. 10 Præterea hoc incom 9.10.
modum ex ratione memorata consequitur, quod rebus, quæ sunt
plurimis communes, curæ minimum impenditur. Nam suarum
quisque rerum maximam curam gerit: communes minus curatur,
quàm cuiusque officium possit, cum ob alias causas, tum quòd eas
quisque ab alio curari existimans, curam ipse hoc magis remittit:
vt in famulorum ministerijs, plures serui peius interdum, quàm
pauci famulantur. Præterea cum ciuibus singulis nascantur mille
filij, hi tamen non vt singulorum filij sunt, 11 sed vt quilibet cuius- 11.
libet. quo fit vt ab omnibus pari ratione cura ipsorum negligatur.
12 Ad hæc secunda vel aduersa fortuna vtentem ciuem, 13 quotus 12 13.
quisque numero fuerit, meum quilibet sic appellabit, hic meus est,
aut alterius cuiuspiam: eodemque modo, quilibet ex mille, aut si
quo alio numero ciuitas constet, nuncupabit, idque dubitans, 14 in 14.
certum est enim, cui contigerit, vt filius generaretur, & genitus con-
seruaretur Sed vtrum latius est rogo, sic meum à quoque dici eun-
dem ex mille, aut decem millibus appellante: an quemadmodum
nunc in ciuitatibus meum dicunt, in quibus eundem hominem,
hic filium suum, ille fratrem vocat, quidam fratris filium, aut se-
cundum aliam propinquitatem, vel à sanguine, vel à contracta ne-
cessitudine, & affinitate 15 à se quod primum est, vel à suis, alium 15.

H

præte

16. præterea tribulem . Præstat enim 16 propriè filium esse fratris, quàm hoc modo filium. Cæterum nec vitari potest, quin aliqui fratres, & filij, ac patres & matres esse putentur: quoniam ex parentum similitudinibus, quæ filiis ingenerantur, ut alij de alijs inter se fidem capiant, necesse est, ut usu venire testantur auctores quidam,
17. qui de situ orbis conscripserunt. 17 Tradunt enim in regione quadam Africæ superioris vxores esse communes: filios tamen per similitudines discerni. Sunt autem mulieres quædam, & in alijs animantium generibus fœminæ, ut equæ & vaccæ, aptissimæ natura ad filios patribus similes procreandos, ut 18 equa illa pharfalica, quæ Iusta nominabatur. Præterea qui talem societatem inducere moliantur: difficultates quasdam effugere nequeunt, ut vulnera, necesse, quæ tum à volentibus, tum ab inuitis inferuntur: item certamina & contumelias, quorum nihil potest absque nefario scelere in patres aut matres admitti, aut in genere propinquos, ut in longè remotos. Quæ flagitia frequentius perpetrari necesse est, si ignorentur, quàm si fuerint notæ necessitudines: & si fuerint admissa, expiari possunt 19 iustis solutis, si nota fuerit necessitudo: sin aliter, non possunt. Illud autem absurdum est, qui filios fecerit communes, ab hoc amantium concubitus duntaxat tolli, amorem non
20. prohiberi, nec 20 cæteras consuetudines, quas parentibus esse cum liberis, & fratribus cum sororibus, turpissimum habetur, quum ipse per se libidinosus amor nihil honestatis habeat. Sed nec illud probari potest, concubitus ob eam duntaxat causam, quòd vehementissima voluptas consequatur, tolli: 21 & in nullo discrimine
22. ponere, sint necne pater hic, vel filius, illi frater & soror inter se. 22 Cæterum commodius est ut agricolis vxores & filij sint communes, 23 quàm ut custodibus: nam minus erit amicitia si filij sint & vxores communes, quales esse oportet subiectos, ut imperata faciant, & ab studio rerum nouarum abhorreant. Ad summam ex huiusmodi lege 24 contrarium effici necesse est earum rerum, quarum causas esse conuenit leges rectè constitutas, & oppositum eius causæ, propter quam Socrates putauit sic esse de filiis & vxoribus statuendum. Nam summum bonum ciuitatibus in amicitia ponendum esse censemus. Hæc enim si adsit, nihil fuerit ciuilis dissensionis vel Socrate ipso auctore, qui dum maximè probat laudatque
25. vnam esse ciuitatem: quæ res, inquit, 25 amicitia opus esse videtur, quemadmodum dixisse scimus Aristophanem in sermonibus amatorijs.

matorijs Cupiunt, inquit, amantes propter vehementem amorem
congregari, & ex duobus effici vnus 26. Hic igitur vel vtrunque, vel
alterum interiuisse necesse est. In ciuitate verò vt quali 27 aquosa &
diluta fiat amicitia, necessarium est propter huiusmodi communio-
nem, vtque pater non dicat meum filium, vel filius patrem: quoni-
am vt exiguum dulce cum aqua multa commistum, temperaturam
facit quæ in sensum non cadit, sic efficitur vt mutua necessitudo
quæ ex his nominibus existit, minimè, vt erat necesse, curæ sit in ta-
li ciuitate, vel 28 patri vt filiorum, vel filio vt patris, vel fratrib. inter i-
psos. Duo sunt enim quæ homines inter se curare & diligere faciunt,
proprietas, & amor, quorum neutrum potest adesse habentibus sic institu-
tam ciuitatem. 29 Sed nec filiorum translatio partim ex agricolis
& artificibus in custodes, partim ex his in illos, quomodo fieri de-
beat, caret magna confusione: & qui tradunt atque transferunt, his
notum sit necesse est quos quibus tradant. Præterea crimina quæ
suprà diximus, inter hos magis admitti necesse est, vulnera dico, a-
moremque libidinosos, & neces. Nam qui sunt in diuersos ciues tran-
slati, hi non amplius custodes, fratres & filios, patres & matres ap-
pellant: nec rursus qui apud custodes versabantur, alios ad quos
translati fuerunt, his nominibus vocant, vt tale quidpiam admitte-
re propter consanguinitatem caueant. Sed de filiorum atque vxor-
um communiōe hæcenus.

Scholia in Caput II.

1 SED quanuis optimum esset, Infirmi resellitq; Socratis argumen-
tum, & vt propositum tanquam verum, quod tamen est falsum, non efficiat
nec concludat, exponit.

2 Si omnes vt singuli. Cum dupliciter omnes aliquid facere dicantur,
distributivè & collectivè, vt vulgo philosophi loquuntur, si omnes, inquit, di-
stributivè, id est ita vt quilibet eorum dicere possit meum.

3 Et accidentium quodque Accidentia vocat bona & mala, quæ vxori &
filij accident, quo nomine in eandem intelligentiam vsus est Ethicorum pri-
mo libro, vbi res vel secundas vel aduersas quæ nostra liberis aut amicis acci-
dunt, nos etiam attingere testatur: vt pater quemadmodum filium suum vo-
cat, sic bona vel mala filij accidentia, sua nominare possit: quæ ratio eadè est
eorum quæ vxori aut possessionibus accident. adiuvat hunc sensum, quod ipse
paulo post in hoc ipso capite dicit, ad hæc secunda vel aduersa fortuna vien-
tem ciuem meum quilibet sic appellabit.

4 Nunc nō ita loqueretur. si hoc modo vt Socrati placet, filij essent com-
munes &

manes & uxores.

5. Sed dicent quidem omnes. *Collectiue*, id est omnes simul, non ut quisque non distributiue.

6. Nam omnes & ambo paria & imparia sunt. Post omnes adiecit ambo, quia utrumque dupliciter dicitur, & in eandem intelligentiam, nisi quod utraque siue ambo, de duobus tantum, omne de pluribus dicitur, ut ipse testatur primo de celo omnes igitur & utrique interdum pares sunt, & impares numero, exempli gratia sint duodecim homines, qui terni constiterint, hos omnes vere dixit pares esse numero, & eosdem omnes impares. Nam simul & collectiue accepti, pares numero sunt, quia duodecim: separatim ut terni constiterint, omnes impares, ac eodem modo, sex si bifariam diuisi terni constiterint, utrique pares numero sunt simul accepti, separatim vero utrique impares. Hac autem dicta sunt ab Aristotele, ut exemplo doceret verbum omnes, duplicem & ambiguam intelligentiam habere, & qua interdum in partes oppositas trahatur.

7. Ratiocinationes litigiosas. *Sophisticas & captiosas argumentationes.*

8. Vno modo. *Distributiue*, quod fieri non potest ut quisque suum quenque nominet.

9. Aliter. *Altero modo collectiue*, ut omnes simul nostrum vel nostros dicant: qua ratio parum aut nihil ad amicitiam ingenerandam facit.

10. Præterea hoc incommodum. Docuit ex Socrati rationibus non effici ut res omnes debeant esse communes. Iam explicare aggreditur incommoda quæ existerent ex rerum omnium communione.

11. Sed ut quilibet cuiuslibet. *Ignotus ignoti.*

12. Ad hæc secunda vel aduersa fortuna utentem ciuem. Ut iuuari ab eo possit pater, aut ei subuenire debeat, eiusque fortuna ut sua delectari, vel dolere.

13. Quotus quisque numero sit. Siue sit vnus ex mille filiis, siue ex decem milibus, aut alio quouis numero.

14. Incertum est enim. Nemini exploratum est, an ex suo concubitu mulier conceperit: & si conceperit, an filius sit in lucem editus, ac seruatus & nutritus.

15. A se quod primum est. *Affinitas* potest contrahi cum aliquo, si quis ipse illius sororem ducat, exempli gratia. Quæ prima & grauissima ratio est amicitia per affinitatem inita, potest etiam, si frater germanus, aut patruelis ducat eandem.

16. Proprie filium esse fratris. *Certa & explorata consanguinitate.*

17. Tradunt

17. Tradunt enim. Exemplo Garamantum docet posse filios communiū vxorum, per notas aliquas à patribus, & sui similitudinem dignosci. Quod si fiat, horum filij à ceteris non habebuntur pro suis, nec sui vocabuntur. Garamantes enim hoc in loco designat Aristoteles, de quibus ea traduntur à Geographis. Vt Pomponius Mela in eorum mentione, Nulli, inquit, certa vxor est, ex his qui tam confuso parentum coitu, passim incerti que nascuntur: quos pro suis colant, formæ similitudine agnoscunt. Vocat autem superiorem Africam, partem Africa interiorē, & à mari nostro remotiorem. Vt enim mari regio quaque proxima est, sic habetur infima: nam mare, infima & caua terra superficie continetur, ac inferius est sicca & aperta terra, vt indicat aquarum decursus, quæ natura deferuntur ad inferiora, & Aristoteles secundo Meteorologicorum libro docet, magno vulgi philosophantium errore, qui non intelligunt mare. Vt superius est superficie terra, quæ continetur, sic inferius oris maritimi, ac proinde remotioribus ab ipso regionibus, vnde flumina naturali cursu delabuntur.
18. Equa Pharsalica. Pharsalus vrbs est in Thessalia, & Pharsalici cæpi equis nobiles, vnde Bucephalus Alexandri Magni equus, & equa illa fama hominum celebrata; quæ factus edebat genitoribus similes, ac propterea fortassis iusta nomen obtinuit, quod ea ratione suum cuique redderet, quod est proprium iustitia.
19. Iustis solutis. Factis legitimis sacrificijs, aut consuetis ceremonijs.
20. Cæteras consuetudines Vt amplexus & oscula.
21. Et in nullo discrimine ponere Nihil interesse putare. Plato enim idcirco dūtaxat coitus cognatarum euitandos esse dicebat, non quod nefas esset, patrem cum filia fratrem cum sorore coire sed quia ex tali coitu vehementissima voluptas exstet.
22. Cæterum commodius est, vt agricolis. In optimè instituta Republica non placet Aristoteli opifices & mercatores, nec agricolas magistratibus præfici, vt postea declarabit nec his tribus hominum generibus imperia recte committi putat, quod ipsum Platoni quique videtur. Cum igitur hoc in loco agricolas dicit, eadem ratione intelligi vult ceteros etiam omnes qui semper debent esse subiecti.
23. Quam custodibus. Custodes vocat verbo Platonico principes & magistratus: sic enim Socrates vocandos esse dicit, libro quinto de Republica, & sic ferè semper in libris illis appellat. Igitur commodius esset, inquit, vt filios communes haberent, qui semper debent esse subiecti, nec propriè sunt partes ciuitatis, vt agricola, quàm qui propriè ciues sunt, & magistratibus præ-

sunt. Nam qui subiecti sunt, hoc ciuitatis interest nec amicitiam habere, nec concordiam inter se, quod ex vxorum & filiorum communione fit: sic enim minus virium ac facultatis habebunt ad imperiū detrectandū, minusq; mutua benevolentia occasione freti, rebus nouis studebunt, minusq; in Rempublicam quicquam sinistri molientur, alij alijs diffidentes.

24. Contrarium earum rerum Concordia & amicitia.

25. Amicitia opus esse. Effectus ab amicitia proficiens, vt Aristophane auctore, & amantium exemplo docet, de quo est apud Platonem in conuiuio, seu libro de amore, vbi Aristophanes talia de amore differens inducitur.

26. Hicigitur vel vtrumque, vel alterum. Quia fieri non potest, vt ex duobus fiat vnum, nisi vel vtrunq; intreat, & tertium quiddā efficiatur, vt si ex mare & fœmina efficeretur Androgyneus, quod de Salmace & Hermaphrodito fabulantur: quæadmodum animal ex quatuor pereuntibus elementis generatur: vel certe alterum, vt in alterius naturam transeat, vt ex vno & aqua vinum fit, si minimum aqua commisceatur.

27. Aquosa & diluta Tenuis & imbecilla, vt vinū, vnde translatio sumpta est, si multam ei aqua infundatur, commisceaturq;.

28. Patri vt filiorum. Quauis enim necessitudo & amicitia communis quæ solet esse ciuibz vnius ciuitatis inter ipsos, non tollatur, tollitur tamen amicitia & pietas, qualis esse solet patris in filium, aut filij in patrem.

29. Sed nec filiorum translatio Nam pueros Platoniplacbat in tertio de Republica, pro cuiusq; indole in diuersos ordines transferri, custodum, aut vicissim agricolarum, vel opificum.

CAPVT III.

1. PROXIMUM est, vt de patrimonijs, quomodo statuere in optimo statu Reipublicæ conueniat, disseramus, communia hæc esse, an secus oporteat. Quæ quæstio separatim haberi potest ab eis quæ de filiis & vxoribus sunt lege constituta: de ijs
2. dico quæ pertinent ad rem familiarem: 2 num licet illa separatim habeantur, quemadmodum nunc omnibus habentur, bona tamen atque eorum vsus sic esse communia præstet, vt prædia separatim possideantur, 3 fructus autem ad vtendum conferantur in commune, vt mos est quarundam gentium: vel ediuerso vt prædia communia sint, colanturq; publice fructus autem ad priuatos vsus distribuuntur: quia ratione bona quibusdam barbaris communia esse feruntur: aut sic, vt tum agri, tum etiam fructus sint

com-

communes. Igitur 4 si diuersi sint qui colunt agros, alius fuerit faci- 4.
liorque modus. Sin autem ipsi sibi colant, complures difficultates
ex patrimonijs existant necesse est. Nam cum in fruendo & subeun-
dis laboribus paria paribus non ferantur, qui minus fructus, &
plus laboris capiunt, hos expostulare necesse est cum his qui fru-
untur, & plura sibi vendicant, cum minus elaborent. Ad sum-
mam difficile est simul viuere, & quasunque res humanas habere
communes, sed maximè tales, vt indicant eorum societates, qui si- 5.
mul peregrinantur, quorum plerique magna ex parte dissident in-
ter se vilibus & paruis rebus offensi. Præterea famulorum ijs ma-
ximè offendimur, quibus maximè vtimur ad communia ministe-
ria. Patrimoniorum igitur communio, has & alias huiusmodi diffi-
cultates affert. Modus verò quo nunc homines vtuntur, probis mo-
ribus & rectis legibus correctus, multo fuerit commodior. habe-
bit enim vtriusque rationis commoditatem, id est tum eius quæ
possessiones facit communes, tum alterius quæ priuatas. quo-
dammodo enim communes esse oportet, sed omnino priuatas.
Nam partitæ curæ non dabunt occasiones inter se inculandi, 6 6.
quin potius ipsos augebunt, dum suis quisque rebus assiduam o-
peram impendet, propter virtutem autem erunt ad vsum res ami-
corum, vt est in proverbio, communes. Cuius viuendi ratio-
nis 7 adumbrata quædam species est in quibusdam ciuitatibus, vt 7.
appareat id non esse impossibile: & maximè in rectè institutis par-
tim ita sit, partim fieri non magno negotio posset. Nam cum suum
quisque priuatumque patrimonium habeat, tamen quædam tri-
buit amicis ad vsum, & quibusdam vtitur vt communibus, vt 8.
mos est Lacedæmonijs, qui serè alter alterius feruis, item equis &
canibus, penè vt suis vtuntur, & viatico ad eundem modum, si
quis in agris per regionem indigeat. Non est igitur dubium, quin
satius sit priuata esse patrimonia, vsu tamen fieri communia: sed
qua ratione talia fiant, ad curam propriè officiumque pertinet le-
gumlatoris. Præterea dici non potest quanti ad delectationem
referat, proprium ac suum quicquam esse existimare. 9 Nec enim 9.
sine causa erga se quisque habet amicitiam, quin potius hoc est
naturale. nam licet amantem esse sui, iure vituperetur, id tamen
non est seipsum amare, sed plus quàm oportet amare: quemad-
modum esse pecuniarum amantem. 10 nam talia quæq; omnes fe- 10.
rè amant. Sed & amicis gratificari, & hospitibus, & alijs (quod effici-
tur,

- tur, si bona sint priuata) iucundissimum est, quæ officia non contingunt ijs qui ciuitatem nimis vnā faciunt: ad hæc duarum virtutum officia perspicuè tollunt: temperantiæ, qua parte de communicandis vxoribus sancitur, est enim honestum opus ab vxore aliena propter temperantiam abstinere: liberalitatis autem, qua
11. de patrimonijs, si nec enim liberalis qui fuerit cognoscetur, nec fungetur vllō officio liberalitatis, cum officium liberalitatis in vsu pecuniarum consistat. Hæc igitur sanctio speciem quandam probitatis humanitatisque præfert: libenter enim audientibus probatur concepta opinione, fore omnibus erga omnes mirificam quandam amicitiam, præsertim cum aliquis inuchitur in ea mala, quibus nostri temporis ciuitates laborant, tanquam ex eo, quod bona non sint communia, proficiscantur: lites dico, quas de contractibus homines inferunt inter se, & falsorum testimoniorum iudicia, & locupletum adulationes. Quorum tamen malorum nullum ex eo quod bona non sint communia, sed ex hominum nequitia nascitur, cum videre liceat eos quibus communia sunt patrimonia, multò magis inter ipsos dissidentes, quàm qui bona possident priuatim. Sed idcirco paucos de communitate dissidentes videmus, quoniam cum multis eos priuatim bona possidentibus conferimus. At æquum erat, non solum quot malis per bonorum communicationem priuarentur, sed etiam quot bonis, explicare: quanquam hæc viuendi ratio prorsus impossibilis esse videtur. Sed caput erroris Socrati fuisse existimandum est, quod rectum putauit posuitque, quod rectum non est: quia tum domum, tum etiam ciuitatem vnā quodammodo, non tamen prorsus vnā esse oportet. Nam modo quodam augeſcente vnitate, non erit ciuitas: alio erit quidem, sed cum non longè absit ab
12. eo ne sit ciuitas, peior ciuitas erit: vt si quis ex concentu vocum æqualitatem, vel ex rythmo ingressum vnum faciat. Cæterum cum multitudo sit, eam, vt supra diximus, communem atque vnā facere per disciplinam oportet. Quam disciplinam si quis inducere velit, per eam fore probam ciuitatem ratus, errat si talibus institutis ciuitatem dirigendam esse putat, & non potius moribus & philosophia atque legibus: quemadmodum Lacedæmone, & in Creta legum conditor 13 comensationibus communia fecit patrimonia. Sed ne hoc ipsum ignorare oportet, magni interesse, longi temporis & multorum annorum memoriam replicare:
13. in qui-

in quibus si recta hæc & commoda essent, non latuissent. 14 Cuius- 14.
 cta enim ferè inuenta sunt, sed quædam in consuetudinem non
 inducta, quædam ab expertis repudiata: quod tunc magis intelli-
 getur, si quis 15 operibus talem Rempublicam constituendo, confi- 15.
 deret. Non enim ciuitatem constituere valebit, nisi ea diuidat, &
 per comesationes, curias, & tribus partiatur. Itaque nihil aliud ex
 instituta lege, quàm ne custodes in colendis agris occupati sint, ef-
 ficitur: quod nunc Lacedæmonij facere conantur. Cæterum for-
 ma totius Reipublicæ, quæ tandem futura esset ijs, qui res omnes
 in commune possiderent, nec Socrates dixit, nec esset facile dictu.
 Atqui multitudo ciuitatis ferè 16 in aliorum ciuium multitudine 16.
 consistit, de quibus nihil est definitum, num agricolis etiam pa-
 trimonia debeant esse communia, an cuique propria, itemq; vxor-
 es, & filij. Nam si eodem modo sint omnibus omnia communia,
 quod tandem erit inter hos & custodes discrimen? aut quod præ-
 mium est Rempublicam administrantibus propositum, 17 quæue 17.
 ratione ducti magistratus suscipiunt, nisi si quid tale quale Creten-
 ses excogitent? Illi enim seruis cætera eadem permittentes, exerci-
 tamentis duntaxat uti, armaque habere vetant. Sin autem eodem
 modo, quo in alijs ciuitatibus hæc fuerint apud ipsos constituta,
 qui erit communis modus, cum in vna ciuitate duas ciuitates
 esse necesse sit, & eas inter se subcontrarias? 18 Custodes enim tan- 18.
 quam præsidium: agricolas verò & artifices, & alios, tanquam ci-
 ues facit: quibus nec querimoniæ, nec lites, nec aliud quoduis ma-
 lum aberit, ex ijs quibus Socrates cæteras ciuitates conflictari di-
 cit. Quanquam ille fore negat, ut multæ leges desiderentur prop-
 ter disciplinam: quippe nec ædilitias, nec eas quæ pertinent ad an-
 nonam, nec huius generis, cæteras fore necessarias, cum tamen cu-
 stodes duntaxat instruat disciplina. Ad hæc agricolas qui tributa
 conferant, dominos possessionum facit: quos probabile est mole-
 stos & insolentes fore, multò etiam magis, quàm 19 quorundam i- 19.
 lotias, penestias, ac seruitutes. Cæterum hæc 20 sint necne eodem 20.
 modo necessaria, nihil nunc quidem est definitum, nec illa quæ pro-
 ximè sequuntur: quæ sit horum Reipublicæ ratio, quæ disciplina,
 quæ leges: quod non est inuentu facile, nec parui refert 21 quales i- 21.
 sti sint ad custodum societatem tuendam. Sed nec illud explica-
 tur, si fiant agricolis vxores communes, bona verò priuatim pos-
 fideantur, siue sint vtraque communia, quæ mulier rei domesticæ

- curam geret, quemadmodum rerum agrestium viri? Nec verò probari potest quod præcipitur, ut mulieres eisdem muneribus fungantur, quibus viri: 22 sumpta à belluis similitudine, quæ tamen non sunt domesticæ rationis participes. Neq; verò tuta est ratio, qua Socrates utitur mandandi magistratus: quippe cui eosdem semper magistratum gerere placet, unde seditiones etiam inter ignavissimos quosque, nedum inter animosos & bellicosos viros oriuntur: nam ex eius decreto semper imperium necessariò penes eosdem fore, non est dubitabile. Nec enim nunc horum, nunc illorum animis 23 admistum est aurum munere Dei, sed semper eisdem. In ipsa enim statim generatione alijs aurum, alijs argentum, ijs verò qui artifices & agricolæ futuri sunt, æs atque ferrum admistum fuisse tradit. Præterea 24 cū tollat custodum felicitatem, tamen oportere tradit, ut legumlator felicem faciat totam civitatem. At fieri non potest ut beata sit civitas uniuersa, quin plerisque, aut omnibus 25 partibus, aut quibusdā, felicitas adsit: 25 non enim horum est esse felices, quorum esse pares numero: nam fieri potest ut par sit numerus uniuersus, cuius neutra pars sit par: quod in felicitate usu venire nō potest. At si custodes beati nō sunt, qui tandem felices erunt? nec enim artifices, & operariorum vulgus felices habentur. Itaque Respublica de qua Socrates disseruit, his & alijs nō minoribus difficultatibus est impedita.

Scholia in Caput III.

- 1 PROXIMVM est ut de patrimonijs. Primum incommoda quæ ex vxorum & liberorum communione contrahuntur, exponit: deinde nihilo commodius esse docet ut bona sint communia, siue omnia, siue prædia duntaxat: non fructus, aut ediuersò: & varias inde querelas & contentiones existere: itaq; multò satius esse ut simpliciter priuati possideantur: sed quod ammodo per usum scilicet ac liberalitatem possidentium fiant communia: hoc enim & virtutem augere, & esse iucundum.
- 2 Num licet illa separatim omnib. habeantur. Quauis vxores & filij separatim omnibus ordinibus habeantur, id est principibus ciuitatis & popularibus agricolisq; ut iidem nunc suam quisq; vxorem suosq; filios separatim habent.
- 3 Fructus autem ad vtendum conferantur in commune. Ut prædia separatim à quibusdam possideantur, colanturq; fructus autem in commune conferantur.

conferantur, fieri potest in hunc modum, si agri fuerint ab initio ea conditione quibusdam distributi, ut quisque dimidiam partem aut amplius fructuum Reipublica pōdat, unde magistratus, & milites, & pauperes, inbecillique alantur.

4 Si diuersi sint, qui colūt agros. Ut apud Lacedamonios & Cretenses, quibus vicini rustici agros colebant, Ilotes, & Perieci nominati: erant enim ipsorum penē serui.

5 Et maximē tales. Qua pertinent ad vsum quotidianum.

6 Quin potius ipsos augebant. Virtute ac diuitijs.

7 Adumbrata quādam species est. Forma quadam non satis expressa cunctis bona communicandi. Est autem sumpta translatio à pictoribus, qui primis lineamentis ductis imaginem adumbrasse dicuntur, quod Græcè dicitur *ἰσχυρά πρῶτα*.

8 Quibusdam utitur ut communibus. *ἡ πόλις ὡς κοινὸν*, sic enim legitur in codice vetusto.

9 Nec enim sine causa. Idcirco se quisque amat, ut se suaque maximē curet, & ipsis maximē delectetur, unde Plato in tertio de Republica: Curat, inquit, maximē quisque, quæ maximē diligit: maximē autem diligit eum, cui conferre eadem, quæ sibi putat.

10 Nam talia quæque. Bona tum insita, tum etiam externa.

11 Nec enim liberalis qui fuerit cognoscetur. Poterit, inquit, animo & voluntate liberalis esse, non tamen dignoscetur. nam virtutes operibus indicantur. Ethic. decimo. Neesse perfectē liberalis, quoniam virtutis perfectio in voluntate, simul atque opere consistit. ut ipse docet ibidem Ethicorum decimo.

12 Ex concentu vocum æqualitatē. Si cantum ex diuersis vocibus musica ratione temperatum redigat in vnam vocum omnium æqualitatem, ac eodē modo saltationem numerosam in simplicem vnum ingressum reuocet.

13 Comestationibus cōmunia fecit. Comestationes vocabantur quotidiana cœna, ad quas ciues gregatim certo numero per varia loca conveniebāt: de quibus multa fiet in his libris mentio.

14 Cuncta sunt inuenta. Excogitata & tradita.

15 Operibus constituendo consideret. Si quis non solū leges huiusmodi consideret, sed ipsam totam Rempublicam sic mente fabricet, quasi re vera constitueret, atque eodē modo cuncta dispiciat: non enim poterit huiusmodi Rempublicā cogitatione cōstituere, quin opera & ciuitates in partes diuersas diuidat, ut in comestationes, quia non cuncti simul ad comestandum conueniebant, sed quindeni, aut alio certo numero, & in curias, aut tribus.

16 In aliorum ciuiū multitudine. Opus enim & agricolarum, qui diuersi sunt à custodibus seu magistratibus, nam ciues vocat, quicunque ciuitate cō-

tinentur, siue possint siue non possint magistratibus praesse.

17 Aut qua ratione *ἐκκῆτι*. τὶ *πρόδορες*, sic enim emendatè legitur in codicibus antiquis, non *μαδόντες*.

18 Custodes tanquam praesidiū facit. Hoc non sic accipiendum est, quasi Plato custodes vocet eos qui militari duntaxat officio ad urbem armis tuendam funguntur, quum idem apertè in libris tertio & quinto de Repub. se custodes principes & rectores ciuitatis appellare profiteatur: propterea scilicet, quod tum armis, tum consilio ciuitatem tueantur, ut ciues nolint, hostes malum moliri nequeant. Sed hoc dicit Aristoteles sic Rempublicā à Socrate constitui, ac si urbs & ciuitas quadam externo praesidio teneretur, cuius praesidij praefectorumq; voluntate cuncta gereretur, ut custodes in Platonis Repub. tanquam praesidium impositum esse videantur, ceteri tanquam ciues, quorum opibus praesidium alatur per mutuum odium, quod solet inter oppidanos, & praesidium impositum existere.

19 Quorundā ilotias, penestias, ac seruitutes. Rustici qui agros Lacedaemonijs colebāt, Ilotes dicebātur, ut Penestae, qui Thessalis, & alij id gen^o, alijs seruitutis nominibus apud alios nominabantur, ut ipse postea cōmemorabit.

20 Sint ne eodem modo necessaria. Vtrum haec incommoda perinde ac superiora necessariò ex ista lege consequantur.

21 Quales isti sint. Quomodo affecti & animati sint ceteri ciues, ut in officio & custodum societate contineantur.

22 Sumpta à belluis similitudine. Ut ex canibus pecuarijs. Plato inquit non solū mares, sed etiam foemina contra lupos, & ceteras maleficas feras in pugnam procedunt: sic non viri tantum, sed etiam mulieres in bellum prodire debent. quæ ratio idcirco infirma est, quoniam in belluas ratio rei familiaris non cadit: nec bestia hac facultate funguntur, ut homines. Quia diuersitas facit, ut mulieres custodia domesticarum rerum addictæ domi sese debeant cōtinere, non autem belluæ.

23 Admixtum est aurum. Plato in tertio de Repub. Socratem inducit, qui per fabulam & similitudinē quandam homines à Deo sic genitos esse tradit, ut qui apti futuri essent ad imperandum, ijs aurū admisceret: qui verò his futuri essent auxilio, eis argentum: as autem & ferrum futuris agricolis & opificibus: quod ad ingenium potissimum & virtutes naturales referendum est. quæ ratione effici dicit Aristoteles, ut idem semper per Platonem imperium tenere debeant, quibus scilicet aurum est à prima generatione insitum. Nec enim aurea illa natura mutatur, ex alijsq; in alios transit.

24 Cum tollat custodum felicitatem. Cum eam conditionem custodibus tribuat, in qua non possunt esse felices.

25 No

25 Nō enim horum est esse felices, quorum esse pares numero. Nō est eadem ratio felicitatis, quā numeri paris. Par numerus ut definit Euclides ele. 7. est numerus qui bifariam diuiditur, id est in duas partes aequales. fieri ergo potest ut totus numerus sit par, cuius nulla pars sit par: ut numerus duodecim, si in quatuor aequas partes, quā ternis hominibus exempli gratia consent, diuidatur, quum partium in quas diuisus est nulla sit par, totus tamen numerus par est, quod in ciuitate non accidit: non enim omnis ciuitas felix esse potest, quia ex partibus, in quas diuisa est, aliqua felix habeatur.

CAPVT IIII.

I CAETERVM quia ferè in legibus quæ postea fuerunt con-
scriptæ, similiter sese res habet, satius fuerit 2 de Republica, quæ
hic traditur, pauca disserere: 3 quoniam in Republica Socrates de
paucis omnino, hoc est de vxorum & filiorum, & patrimonio-
rum communitate, deque ordine Reipublicæ disputauit. 4 Nam
incolentium multitudinem in duas partes distribuit, quarum alte-
ra est agricolarum, altera eorum qui bellum propulsant: ex his au-
tem tertia consultorum existit, & quorum arbitrio Respublica gu-
bernatur. Veruntamen agricolæ & artifices nullo an aliquo im-
perio fungi debeant, tenere arma, & simul bellum gerere, an secus,
nihil Socrates definiuit: mulieres tamen ei bellum gerere, & ea-
dem quā custodes disciplina institutas esse placet. Cæterum dis-
putationem extrinsecus allatis sermonibus repleuit, & qualis esse
debeat custodum disciplina, commemorauit: 5 opus autem de legi-
bus, maxima ex parte leges sunt. De Republica pauca disputauit:
quam dum vellet 6 communiorem ciuitatibus facere, paulatim 7. 6. 7.
in alteram Rempublicam vertit. Nam excepta vxorum & bono-
rum communiōe, cætera eadem vtrique Reipublicæ tribuit:
quum eandem disciplinam esse censeat, & 8 operum necessario
rum vacationem: eodemque modo de comestationibus decernit,
nisi quod in hac oportere ait, ut sint etiam mulierum comestatio-
nes, & illam quidem mille hominum arma tenentium, 9 hanc ve-
rò quinque millium. Itaque 10 omnes Socratis sermones nimis ela-
borati sunt & compti, & qui tum rerum nouarum, tum inquiren-
di studium præ se ferant: sed difficile fortassis est, rectè omnia præ-
stare. Nam multitudinem quantam modo memorauimus 11 quis
non videat Babyioniā, vel immensam aliam regionem desiderare, 12.

- vnde quinque millia ocioforum virorum, & alia præterea multis partibus maior mulierum seruorumque turba ali possit. Sic igitur
12. 12 optare ac ponere oportet, vt tamen nihil ponatur impossibile. Duo legumlatori in legibus condendis spectanda esse tradit, regionem, & homines: at nihilo secius addere oportuit, vt rationem vicinorum locorum habeat, si ciuitati vita est agenda ciuilis. nec enim solum armis vti necesse est, quæ vsui sint in suis finibus, sed
13. 13 quæ ad externa loca possint accommodari. quod 13 si quis talem vitam nec singulorum priuatam, nec publicæ ciuitatis probeat, tamen nihilominus hostibus oportet non solum cum fines inuadunt, sed
14. 14 sed etiam cum abierint, esse formidabiles. Quod verò pertinet ad patrimoniorum magnitudinem, videndum est ne satius fuisset aliter, hoc est apertius definire. Nam oportere ait tantum suppetere patrimonij vt temperanter viuatur, quod perinde est ac si quis dicat, vt bene viuatur: hoc enim est magis vniuersale. præterea fieri potest, vt temperatè quidem, calamitosè tamen viuatur. At
15. 15 commodius definisset, 15 si temperatè & liberaliter dixisset: quorum
16. 16 hoc per se delitiosæ, illud laboriosæ vitæ comes est. Nam ex habitibus hæc duntaxat virtutes in vsu pecuniarum versantur: quoniam mansuetè exempli gratia, vel fortiter vt pecunijs non
17. 17 licet: temperanter & liberaliter licet: 17 ac proinde vsus in pecunijs ipsis versari necesse est. 18 sed & illud est absurdum, æquationem bonorum inducere, & de ciuium multitudine nihil constituere, sed indeterminatam relinquere filiorum procreationem, quasi quocunque numero generentur: tamen per mulierum sterilitatem multitudo sit ad æqualitatem reditura, propterea quod in ciuitatibus id nunc vsu venire videatur. Atqui res non perinde ad amissim sese habere potest in illa, & in his quibus nunc vitimur ciuitatibus. Nunc enim nemo idcirco egenus est, quod bona in quotcunque partes diuidantur: 19 tunc autem bonis indiuisis, qui extra ordinem ac numerum existerent, siue plures, siue pauciores, hi vt nihil haberent, necesse esset: itaque de filiorum procreatione magis etiam quàm de bonis constitui oportere non temerè dicas, ne filiorum multitudo certum numerum excedat. Quam multitudinem si quis ponat spectata fortuna, si forte accideret eorum qui geniti fuerint aliquos mittere, & hoc habita mulierum sterilitatis ratione, vt in alijs ciuitatibus permittat: necesse fore hoc eandem esse ciuibus paupertate laborandi, quæ paupertas

pertas seditiones & maleficia parit. Phidon Corinthius legum-
 lator vetustissimus, vt domus æquales permanerent, oportere cen-
 suit, atque item ciuium multitudo, quanuis ab initio cuncti fue-
 rint patrimonia inæqualia magnitudine sortiti: 20 cuius contrari-
 um in his legibus habetur. Caterum de his quomodo nobis com-
 modius statui posse videatur, postea differemus. Illud quoque
 quod magistratus attingit, in his legibus est omissum, quomodo
 qui magistratibus præesse debent, subiectis erunt præstantiores.
 Nam vt ex alia lana stamen quàm trama conficitur: 21 sic, inquit, 21.
 qui tenent imperium, subiectis comparati sese habeant oportet. Ce-
 terum cum totum patrimonium 22 ad quintuplū augescere sinat, 22.
 quid tandem est causæ, cur hoc in agris quadam tenus fieri nō per-
 mittat? Videndum est etiam ne non satis commodè ad rei fami-
 liaris administrationē 23 domorum areæ diuidantur: nam binas 23.
 areas singulis in partitione distribuit. at difficilè est duas domos
 inhabitare. Præterea vniuersa Reipublicæ ratio, nec status popula-
 ris esse videtur, nec paucorum potentia, sed horum media forma,
 quam 24 Rempublicam appellant, 25 cum ex ijs qui arma tenent, 24. 25.
 constituitur. Si hanc igitur Reipublicæ formam velut 26 ciuitati- 26.
 bus omnium communissimam constituit, rectè fortasse dixit: sin
 autem vt optimam post primam, non rectè statuit. Nā fortasse La-
 conicam iustiore laudem ferat, 27 vel si qua est alia, quæ magis ad 27.
 statum optimatum accedat. Quidam igitur sic optimam Reipubli-
 cæ formam fore confirmant, si fuerit ex omnibus formis tempera-
 ta. Quapropter Lacedæmoniorum Rempublicam laudibus effe-
 runt: hæc enim nonnulli ex paucorum potentia, & vnius imperio,
 & statu populari constare tradunt. 28 Nam regium imperium vni- 28.
 esse principatum, Senatorum autem paucorum potentiam: statum
 verò popularem in Ephoris consistere, propterea quod Ephori ex
 populo deligantur. alij verò cum Ephorum imperium tyran-
 nidem esse confirmant, statum popularem in comesationibus,
 & reliqua vita quotidiana constituunt. Sed in his legibus oportere
 traditum est, vt optima Respublica ex populari forma atque ty-
 rannide constet: qui duo status aut non sunt Respublicæ aut sunt
 ex omnibus deterrimæ. Vt melius præcipiant ij quibus ex pluribus
 temperari placet: potior est enim ex pluribus conflata Respubli-
 ca, Præterea Socratis Respublica nihil quod vnius principa-
 tum attingat, habere videtur, sed cuncta ad paucorum potentiam
 & statum

- & statum popularem pertinentia: ita tamen ut in paucorum potentiam magis inclinare videatur: quod ratio ipsa mandandi magistratus declarat. 29 Nam licet hoc sit utrique statui commune, ut ex
30. suffragio delectis sorte deligantur: tamen 30 ut locupletiores necessario in concione deliberent, & in creandis magistratibus suffragium ferant, aut alio publico munere fungantur: alij sint ab hac necessitate liberi, hoc ad paucorum pertinet potentiam: & item conari, ut qui magistratibus præesse debent, horum pars maior sit ex numero locupletum, & maximi quique magistratus primi census locupletibus mandentur. Sed & 31 consilij delectum paucorum potentiae conuenienter facit. Cuncti enim necessario diligunt, sed ex primo censu, deinde rursus totidem ex secunda classe, tum ex tertia: 32 nisi quod non omnes tertiæ & quartæ classis necessario suffragium ferunt. Porro ex quarta classe deligere 33 ijs solum necesse est ex quatuor qui primæ sunt, & secundæ classis:
34. 34 deinde ex his parem numerum ex singulis classibus deligendum esse præcipit. 35 Itaque plures & potiores ex maximis censibus erunt, propterea quod nonnulli populares non deligunt, quia deligere non coguntur. Non igitur oportere ut huiusmodi Respublica ex populari statu, & vnius imperio, consistat, tum ex his palam fit, tum ex eis quæ postea dicentur, cum res poscet, ut de huiusmodi Republica differamus. In creandis verò magistratibus, ex delectis delegi, periculosum est. Nam si qui mediocri numero cōspirare velint, sæpe delectus pro ipsorum voluntate fiet, quæ igitur pertinet ad Rempub. de qua est in libro legum, ad hunc modum sese habet.

Scholia in Caput III.

1 CAETERVM quia ferè in legibus. Plato post opus de Republica libros de legibus conscripsit, in quorum quinto. alteram Reipublicæ formam diuersam ab ea quam tradiderat in libris de Repub. tradit. & secundam Reipub. appellat, in quam deinceps Aristoteles differit, ut hætenus in illam, quam vocat primam, de qua est in libris de Republica: & inter primam & secundam nihil propemodum interesse docet, præter vxorum, filiorum, & patrimoniorum communionem quæ in prima non item in secunda sancitur. Et illud quod in prima Repub. mille homines esse placet qui arma teneant ad urbis custodiam, in secunda quinque millia & quadraginta, quam multitudinem otiosorum virorum adiunctis seruis & mulieribus miniam dicit Aristoteles. Itē in legibus

in legibus condendis non solum hominum, id est oppidanorum & regionis, sed etiam vicinorum habendam esse rationem dicit: nec valde vniuersaliter precipiendum, nec vnius virtutis, aut vnius partu felicitatu legumlatori habendam esse rationem, sed omnium.

2. De Repub. quæ hic traditur. In libris de legibus.
3. Quoniam in Republica. In libris de Repub.
4. Nam incolentium. Hic est quasi epilogus eorum quæ in prima Repub. traduntur, vsq; ad illa verba.
5. Opus autem de legibus maxima ex parte leges sunt. Opus de legibus maxima ex parte consumitur in tradendis legibus.
6. Communione facere ciuitatibus. Quæ plures ciuitates vti possunt. Nam ut ipse docebit, quadam sunt forma Reipub. quæ non conueniunt multis ciuitatibus, nec cadere nisi in paucissimos possunt.
7. Vertit in alteram Rempublicam. Id est secundam Rempublicam simillimam primæ, siue eandem facit.
8. Operum necessariorum vacationem. Ut qui Remp. tuerentur & administrant, ñ nec agros colant, nec similibus operibus, quæ ad vsus vitæ necessarios pertinent, fungantur.
9. Hanc verò quinq; millium. In secunda Repub. Platoni ciuitatem ex quinque millibus & quadraginta qui eam tueantur & moderentur, constare placet: in quo numero mysticum quendam sensum secutus esse videtur: sed Aristoteles quadraginta vti paruum excessum, causa breuitatis omittit.
10. Omnes Socratis sermones. Omnia Platonis scripta, in quibus Socrates inducitur. Plato enim ornatus, & orationis elegantia tam studiosus fuisse traditur, ut scripta sua peccinare diceretur: qui cum in ceteris libris Socratem nominatim inducat, tamen in libris de legibus ipsum nō Socratem, sed hospitem Atheniensem in vocat, ut aperte hoc loco Aristoteles interpretatur.
11. Quis non videat Babyloniam. Babyloniam regio est latissimè patens bonam partem Mesopotamiae & Assyriæ complectens, cuius & Chaldaicarum gentium caput fuit Babylon, vrbs miræ magnitudinis.
12. Optare ac ponere. Is optare ac ponere dicitur, qui quod maximè vellet, id verum esse statuit.
13. Si quis talem vitam. Si quis vitam ciuilem nec in singulis priuatim probet, nec publicè in ciuitate.
14. Sed etiam cum abierint. Ut si hostes iniuriam agros vastando, aut incursionibus infectando, ac pradas agendo per occasionem intulerint, metuāt

K

tamen

tamen, ne postea illis persequentibus pœnas luant.

15. Si temperanter & liberaliter dixisset. Si oportere dixisset, ut tantum adesset patrimonij, quantum satis esset ad temperate & liberaliter viuendum.

16. Hoc per se. Liberaliter viuere consequitur vitam delictiosam, ut temperanter laboriosam: nam qui uiuit in laboribus, temperanter viuere cogitur.

17. Ac proinde usus. Quemadmodum ex habitibus duæ illæ virtutes versantur in pecunijs, sic item ipsarum actiones: nam virtus est habitus electiuus, Ethicorū secundo & quo pertinet habitus, huc quoque actio & usus eiusdem pertinere ac referri debet.

18. Sed & illud est absurdum, æquationem bonorum. Plato in libro quinto de legibus nō sic aquat patrimonialia, ut nullus ciuium plus altero possideat. Nam quatuor classes pro censuum discrimine facit, tamen in prima ciuitatis institutione, & agrorum atq; opū partitione, pares sortes ciuibz omnibus tribui iubet, quam Aristoteles bonorum æquationem vocat: deinde permittit ut ea sors in duplum, triplum, & quadruplum augeatur: qui gradus censuum discrimina classeq; faciunt. Sed & illud sancendum esse dicit, ne quis aut minus possideat prima illa sorte, aut plus quadruplo: quæ alia ratio est æquandi patrimonialia, quæ omnia certis terminis contineri placet.

19. Tunc autem bonis diuisis. Nam & illud Socrati placebat, ut ne bona singulorū ciuium in filios distribueretur, sed pater omnia relinqueret vni filio, quæ magis probares, vel amaret: quo fieri necessum esse ait, ut qui extra numerū definitum quinque milium nascerentur, inopia laboraret: Itaq; numerum etiam procreandorum filiorū præscribere oportuit: nec id fortuna committere, si forte accidat ut ex generatis tot intereat, ut multitudo ciuium sic ad numerum æqualem primo redeat: nec putare quarundam mulierum sterilitate posse aliarum fecunditatem compensari, & sic quoque numeri æqualitatem reddituram.

20. Cuius contrarium. Nam Phidoni sic patrimonialia æquari placebat, ut etiā si in prima ciuitatis institutione homines cum patrimonijs inæqualibus conuenirent, hac tamen æquanda essent, ne plus altero alter possideret. Plato cum sortes & prima patrimonialia paria esse velit, tamen ut in quadruplum vsq; augeantur, & habeantur inæqualia permittit.

21. Sic se habeant. Ut qui tenent imperium, quasi trama quæ sit ex meliore lana, subiecti, quasi stamen sint.

22. Ad quintuplum augetur. Mirum est Aristotelem ad quintuplū dicere, cū in libro quinto de legibus Plato ad quadruplum dicat: nisi forte quod suspicor vitio librariorū factū est, ut in Aristotelicis exemplaribus πενταπλασίονας scriptum sit, pro τετραπλασίονας, quintuplum pro quadruplo.

23. Do-

23. Domorum area. Area domus est spaciū terra, solūmue, in quo domus adificatur.

24. Rempublicam appellant. Communi vocabulo quasi proprio.

25. Constat enim ex ijs qui arma tenent. Quibus & principes & populi continentur, quorum viriūsq; magistratus communicantur: quare res facit Rempublicam cōmuni vocabulo nominatam, si publica cōmoditas sit, quasi finis proposita.

26. Ciuitatibus omniū communissimā. Quae omniū rerum publicarū maximē sit ciuitatibus cōmunis, id est possit pluribus ciuitatibus conuenire.

27. Vel si qua est alia. Quasi dicat, qualibet Respub. optimatū melior esset, quā hac Respubli. Platonis. Nam si status optimatū vi regno postponitur, sic toto genere Reipub. communi vocabulo nominata praefertur, ut ipse libro tertio docet.

28. Nam regium imperiū. Respub. Lacedamoniorum binos reges perpetuos habebat, quinos Ephoros, qui magistratus erat annuus & ex omni populo, ac idcirco saepe ex plebe deligebatur, licebatq; à Regibus ad Ephoros prouocare.

29. Nam licet hoc sit. Hac erat communis ratio deligendi magistratus apud Platonē, ut aliquot certo numero deligerentur suffragio: deinde ad pauciores iisdē sortibus redigerentur, quorum alterum vi suffragio deligatur, pertinet ad paucorum potētiam: pauci enim erāt, & hi magna ex parte ex locupletibus qui suffragio delecti Rempub. gerere debebant. quod verò delectus ad sortes deducatur, populare est, ut ipse postea declarabit.

30. Ut locupletiores necessario. Paucorū potentia, quae gracē dicitur ἐλιγρχία, est Respublica vbi pauci diuites suo arbitratu Rempub. moderantur, de qua multa differit libro quarto, vbi commenta quaedam & fraudes commemorantur, quibus diuites popularium animos ad confirmandam suam potentiam eludunt: quatuor fraudum & technarum vna est, ut magnis pœnis necessitatem diuitibus, ut consultationibus ac magistratuum creationibus, & ceteris publicis muneribus intersint, imponant: pauperibus summam libertatem, & publicorum munerū vacationē, si velint, concedant hac enim ratione fit ut pauci diuites Rempub. non inuitū pauperibus gerant: quod cum fieri in hac Republica lege sancitur, declarat ipsam ad paucorum potentiam inclinare.

31. Consilij quoq; delectum. Consultorum, siue senatorū deligendorū: hac erat ratio in secunda Platonis Repub. ut quot annis trecenti sexaginta ex omnibus classibus quae quatuor erant, deligerentur: ex vnaquaque nonageni, in hunc modum, ut primum ex primi census classe nonaginta omnium cuiusq;

K 2

classis

clāsu suffragio deligerentur, pœna constituta, si quis suffragium non tulisset: deinde totidem ex secunda eodem modo: tum ex tertia classe item nonaginta, sed ita ut in hoc tertio delectu liberū esset ijs qui essent ex vltima classe suffragiū ferre vellent, an secus: postremo ut ex quarta classe itidē nonaginta deligerentur, sed ita ut ex prima classe & secunda omnes suffragium necessario ferrent: ex tertia verd & quarta qui vellent, tū hi trecenti sexaginta eodem modo per suffragia ex singulis clasibus ad dimidium, hoc est ad centum octoginta, & hi postremo sortibus ad nonaginta Senatores seu consultores redigerentur. hac ex sexto libro de legibus, quæ Aristoteles hoc in loco brevius & obscurius commemorat.

32. Nisi quod non omnes tertiæ & quartæ clāsis. Nam in delectu ex tertia classe faciendo non omnes ex tertia & quarta classe liberi erāt. ut in delectu ex quarta, sed ij solum, qui erant quarta.

33. Ijs solum necesse est ex quatuor. In emēdationibus scilicet exemplaribus τῆς ἀρχῆς legitur, non τῆς ἀρχῆς ex quatuor igitur clasibus prima & secunda necessario suffragium in quarto delectu ferebant: tertij verd & quarti si nollent, nulla pœna ferre cogebantur.

34. Deinde ex his parem numerum. Ex singulis clasibus in secūdo delectu, ex trecentis scilicet sexaginta, parem numerum ex singulis, id est quadragenos quinas ex singulis, ut in centū octoginta, deinde sortibus in nonaginta redigantur.

35. Itaque plures. i. scilicet quorum suffragio & voluntate Senatus siue consilium deligitur: quæ suffragatio & delectio magna pars Reipub. administrationis esset, cum fieret singulis annis, hunc enim magistratum annuum, non perpetuum esse placebat.

CAPVT V.

1. SVNT aliæ Respublicæ partim ab indoctis hominibus, partim à philosophis & viris ciuilibus constitutæ, quæ omnes propius 2 his duabus ad eas quibus nunc homines vtuntur, accedunt.
2. Nemo enim alius per studium rerum nouarum communitatem filiorum & vxorum, nec mulierum comestationes induxit, sed à rebus necessarijs potius exordiuntur. Quibusdam enim totius negotij caput esse videtur, ut rectè de patrimonijs statuatur, de his enim seditiones cunctis existere: itaque 3 Phaleas Chalcedonius hoc primus induxit, qui ciuium patrimonia æqualia esse oportere tradidit, quod in ipsa statim ciuitatis constitutione non putat esse factū difficile. constituta igitur ciuitate maius esse negotium, posse

posse tamen celerrimè ad æquilitatem hac ratione reuocari, vt diuites dotes præbeant, nec accipiant: pauperes è diuerso. Cæterum Platoni dum leges scriberet, bona quadam tenus augeri permitti placuit, plus tamen minimi patrimonij quintuplo quenquam ciuem, vt suprà memorauimus, possidere vetat. Cæterum qui leges huiusmodi ferunt ijs, quod nunc ignoratur, cognitum esse debet, qui patrimoniorum magnitudinem constituit, huic filiorum numero terminum esse præscribendum. Nam si filiorum numerus patrimonij magnitudinem excedat, legem dissolui necesse est. & illud præterea malum consequetur, quòd 4 multi fient ex diuitibus egeni. quod hominum genus difficile factu est, non esse rerum nouarum studiosum. Aequatione igitur bonorum vim quandam ad societatem ciuilem habere, veterum etiam quibusdam cognitum fuisse videtur. 5 vt Solon lege sanciuir, & apud alios lex est, quæ agri quantum cuique libeat, possideri vetat. Et pari ratione patrimonia vendi legibus prohibentur, 6 vt apud Locros lege cautum est, ne cui sua bona vendere liceat, nisi docuerit sese in manifestam calamitatem incedisse, vtque vetera patrimonia salua retineantur. Cuius legis neglectus 7 Leucade Rempublicam nimis popularem effecit, cum iam à definitis censibus magistratus obire non daretur. Cæterum fieri potest vt patrimonia sint paria, hæc tamen vel tam abundè suppetant, vt delitiosè viuatur: vel tam parcè, vt sordida vita sit, ac illiberalis. Itaque non satis est à legumlatore æquari patrimonia, nisi etiam ad medium spectetur. Sed nec patrimonia ad mediocritatem redigere prodest, nisi cupiditatibus magis etiam quàm patrimonij modus imponatur. quod fieri non potest, nisi ciues disciplina legum quantum satis sit, erudiantur. Sed dicat fortasse Phaleas hæc à se fuisse tradita, qui duarum rerum fortunarum, & disciplinæ æqualitatem ciuitatibus adesse oportere censeat. At ea disciplina quænam sit, explicare oportuit: nec prodest vnâ & eandem esse disciplinam. Fieri enim potest vt sit vnâ & eadem, sed huiusmodi, vt homines ex ea fiant ad sibi vel pecuniarum vel honoris, vel vtriusque plus iusto vendicandum procliuēs. Præterea seditiones non modo propter fortunarum, sed etiam propter honorum inæqualitatem existunt. sed diuersa vtrouque ratione. Vulgus enim de bonorum inæqualitate 8 qui verò aliqua virtute seu facultate præstant, ij de honoribus dissident, si pares tribuantur. vnde illud,

Improbis atque probis pariter donantur honore.

- Neque verò solùm propter res necessarias ad iniuriam inferendam
9. homines impelluntur, quorum 9. medicinam esse putat in bonorum æquatione, scilicet ne frigore & fame furari cogantur: sed etiam ut potiantur voluptatibus, nec concupiscant. Nam si cupiditas
 10. ultra res necessarias procedit, iniuriam inferunt, 10. ut ei cupiditati medeantur. Nec solum medendi gratia ad iniuriam impelluntur,
 11. sed etiam si cupiant, ut 11. voluptatibus dolore carentibus potiantur.
 12. Quæ igitur erit 12. horum trium medicina? nempe illis primis
 13. tenue patrimonium, ac ut in opere sint occupati: 13. secundis temperantia: tertiam verò medicinam si quis velit per se solus frui
 14. voluptate, non aliunde petat, quàm à philosophia. Nam 14. ceteræ tales voluptates cum à philosophia discefferis, sine hominibus non contingunt. Cæterum maximæ iniuriæ non rerum necessariorum causa, sed propter immodicas cupiditates inferuntur: ut tyrannides occupantur non frigoris effugiendi gratia. quo fit ut magni honores discernantur, non si quis furem occidat, sed si tyrannum de medio tollat. Itaque Reipublicæ ratio quam Phaleas instituit, ad paruas duntaxat iniurias repellendas est accommodata. Præterea hoc agit magna ex parte, ut instituta tradat, quibus inter seciues rectè sese in civili societate gerant, cum tamen idem in vicinos & externos omnes præstare conveniat. Itaque Rempublicam sic institutam esse oportet, ut vires habeat, & belli gerendi facultatem, de qua ille nihil præcepit. Eadem est pecuniarum ratio, quæ non solum ad usus civiles, sed etiam ad externa pericula suppetere debent. igitur nec tam magnæ debent esse diuitiæ, ut à vicinis & potentioribus appetantur, possesores verò nequeant inuadentes repellere: nec tam exiguæ, ut ad bellum etiam si ab æqualibus numero & similibus inferatur, propulsandum non sufficiant. Ille igitur nihil definiuit, cum tamen ignorare non oporteat quantas diuitias ciuitatibus
 15. adesse conveniat: quarum fortassis hæc 15. fuerit optima finitio, ne potentioribus utile sit bellum ciuitati propter eius nimias opes inferre, sed ita ut etiam si non tantopere diuitijs afflueret, bellum tamen esset inferendum. Quemadmodum Eubolus Authophradatem 16. Atarnæa oppidum obsidione cingere molientem, tempus & sumptus quibus opus esset ad oppidum recipiendum considerare iussit: quippe intellecturum se minore præmio adduci posse,

et posse, vt Atarnæa relinqueret. quibus verbis effecit, vt Autophrades facta secum æstimatione, obsidione delisteret. Esse igitur ciuibus æqualia patrimonia, nonnihil ad tollendas occasiones intestinæ seditionis conducit: hoc tamen nullam propè dixerim facultatem habent, qua magnopere possit seditionibus occurrere. Nam qui virtute præstant, iniquo animo sibi indigniores æquari patrentur: quamobrem sæpe conspirare, & seditiones commouere noitantur. Ad hæc hominum improbitas insatiabilis est. & qui primum binis obolis reque tenui contenti fore videbantur: cum hoc iam factum fuerit hæreditarium, semper plura desiderant, infinita quadam & inexplebili appetentia sollicitati: cum natura cupiditatis, in qua explenda vita vulgi est occupata, nullis finib. contineatur. Principium igitur & quasi 17 caput huiusmodi negotij est non tã æquatio 17. bonorum, quàm prouisio vt probi natura sic afficiantur, vt plus iusto sibi vendicare nolint: improbi, vt nequeant. Quod ita demum fiet, si 18 prauis sint quidem inferiores, iniuria tamẽ non afficiantur. 18. quanquam nec de bonorum quidem æquatione rectè Phaleas constituit: qui, cum seruis etiam & pecore, numisq; & magno supellectilis instrumento diuitiæ constent, ipsas tamen agrorum duntaxat possessiones æquandas esse censuit: vel omnia igitur æquanda, & in mediocrem ordinẽ redigenda sunt, 19 vel cuncta missa facienda Vi- 19. detur autem ex ipsa condendarum legum ratione exiguam ciuitatem constituere: si quidem 20 artifices publici esse, 21 nec ad ciuitatis complementum pertinere debet. At si publicos esse oportet, qui in publicis operibus elaborant, 22 Epidamni mos est imitandus: atque ratio tenenda est quam olim Athenis Diaphantes instituit, ac Phaleæ quidem Respublica rectè an secus instituta fuerit, ex his ferè existimare licet: 20. 21. 22.

Scholia in Caput V.

SVNT & aliæ Respublicæ. Postquam in vtrunque Platonis Rempublicæ differuit, alias aggreditur, sed eam primum, quam Phaleas instituit, siue tradidit: cui placuit in primis vt paria essent ciuium patrimonia: nec tamen de numero procreædorum filiorum quicquam statuit. qui si plures fuerint quàm pro ratione patrimoniorum, fore ait Aristoteles vt lex dissoluatur, vt pote iniqua: & multi: siam ex diuitibus pauperes. Quod genus hominum rebus nouis ac seditionibus studere solet: & parum esse æquari patrimonia, nisi mediocritas etiam patrimoniorum constituatur: nec hoc satis esse, nisi cupiditatibus modum.

modus per disciplinam & legem imponatur. Quæ omnia cum ad sint, fieri tamen posse ut ex honorum inequalitate seditiones existant. quibus malis à Phalea non est prouisum, qui leges etiam tradit, quibus parua iniuria, non quibus magna repellantur: & quæ pertinent ad mutuam ciuili inter ipsos consuetudinem, non habita vicinorum, nec externorum ratione: nec terminum opibus statuit, quas optimè hoc termino finiri ait Aristoteles, si non tam longè pro cesserint, ut eis inuitati potentiores bellum inferant: seditiones autem non tam æquatione bonorum tolli dicit, quàm ea prouisione, ut qui natura sunt ad virtutem propensi, sic instituantur, ne plus iusto concupiscant: improbi autem facultas aliena inuadendi tollatur.

2 His duabus. A Platone traditis.

3 Phaleas Chalcedonius. Ex vrbe Chalcedone, quæ est in Bithynia contra Bizantium.

4 Multi fient ex diuitibus egeni. Quæ ratione fieri dictum est suprà in Platonis secunda Repub. Nam ex patre locuplete si multi oriantur filij, vno excepto ad quem totum patrimonium peruenerit, reliquos ex diuitibus parentibus, & locuplete familia pauperes fieri necesse est.

5 Ut Solon lege sanciuir. Non ut paria essent patrimonia, sed ut certo fine patrimonia continerentur. Quatuor enim classes ex censibus constituisse à Plutarcho traditur. Quarum prima esset quingentorum medimnorum census. Erat autem medimnus mensura rerum siccarum, ut frumenti, quæ senos modios Romanos capiebat, ut viri docti & diligentes rationem inierunt.

6 Ut apud Locros. Locrigens est Aetolis proxima Plinio, & item altera, quæ olim Leleges dicebatur, & tertia ad fretum Syculum in Italia.

7 Leucade Rempub. Leucas oppidum est in Leucadia peninsula. Epiri, ubi cum contra legem vetera patrimonia venderentur, & sic diuisa ad plures peruenerissent, lex quoque violata est, quæ definiti erant census, quibus magistratus tribuebantur. Itaque Respub. nimis popularis facta est, cum à paruis censibus & fortasse nullis, magistratus generentur.

8 Qui aliqua virtute seu facultate præstant. Χρηστεις solent ab Aristotele vocari, qui vel doctrina & ingenio, vel prudentia & virtute præstant: quæ omnia virtutis & facultatis nomine complexus est interpretes. Hi ergo propter bonorum & magistratuum distributionem disidere solent. Si pares honores virtute aut facultate imparibus tribuantur, quod est contra iustitiam distributiuam, de qua est in Ethic. quinto.

9 Medicinam esse putat. Existimauit Phaleas.

10 Ut ei cupiditati medeantur. Dolori quem affert cupiditas, quoniam omnis cupiditas cum dolore est, ut ipse testatur Ethic. Eudæ. lib. ij.

II Volu-

11 Voluptatibus dolore carentibus. Quæ nullo aut quam minimo cupiditatu antecedente dolore contingunt, ut quæ ex doctrinis, quæq; auditu, visu, & odoratu capiuntur, ut ipse declarat Ethic x. Eas enim voluptates quæ per tactum & gustatum fiunt, fames aut sitis antecedit: ut venereas quæ pertinent ad tactum vehemens quædam appetitio: quæ non accidunt sine dolore.

12 Horum trium. Cupiditatum rerum necessarium, voluptatum cum dolore, voluptatum sine dolore.

13 Secundis temperantia. Nam temperantia in temperandis voluptatibus, quæ ad tactum & gustatum pertinent versatur, Ethic. iij.

14 Cæteræ tales. Ut quæ ex auditu & colloquio, & honore habito percipiuntur, quæ vni homini sine aliorum consuetudine non contingunt, cum philosophari vel maxime vni in secessu & solitudine liceat.

15 Optima fuerit finitio. Optimus terminus, quo diuitiarum magnitudo contineatur, siue ratio quæ debeat conueniens magnitudo & modus diuitiarum explicari, ut potentiores ad bellum inferendum non inuitentur utilitate ex magnitudine diuitiarum percipienda: sed ita inferant, ut etiam si ciuitas non esset tam opulenta, nihil secius essent illaturi.

16 Atræa oppidum. Inter Mysiam & Lydiam. Eubolum autem Atheniensem fuisse comædiarum scriptorem Suidas est auctor.

17 Caput huius negotij. Potissima ratio seditionum occisiones tollendi.

18 Praui sint inferiores. Improbi minus potentia ac virum habeant.

19 Vel cuncta missa facienda. Aut nullius partis diuitiarum æquatio facienda.

20 Artifices publici esse debent. Si opifices futuri sunt serui publici.

21 Nec ad ciuitatis complementum pertinere. Non debent partes esse ciuitatis.

22 Epidamni mos est imitandus. Ut artifices non sint pars ciuitatis, ut Atheni olim sanxerat Diophantus, & nunc mos est Epidamni. Est autem Epidamnus opidum in ora Macedonia, quod Romani deducta colonia Dyrrachium appellarunt, mutato nomine, quod inauspicatum esse videbatur.

CAPVT VI.

1 HIPPODAMVS Milesius Euriphontis filius, qui ciuitatum partitionem inuenit, & 2 Piræum abscidit, quique dum ambitioni seruiret tam curiolè vixisse traditur, ut quibusdam luxuriosius viuere videretur, prolixa coma & 3 ornatu pretioso, tum comæ, tum etiam vestis, quam 4 pretiosam quidem, sed calidam non hyeme

L

hyeme

5. hyeme solum, sed etiam æstate gestabat. Hic igitur Hippodamus & dum nullam naturæ partem vellet intactam relinquere, primus omnium qui non sunt in Reipublicæ administratione versati, aliquid de optimo statu Reipublicæ differere conatus est. Sic autem ciuitatem constituit, vt hominum decem millibus constaret essetque tripartita diuisa. Nam vnā partem opifices fecit, alteram agricolas, tertiam eos qui armis urbem tuerentur. Agrum quoque in tres partes diuisit, quarum vna sacra, altera publica, tertia priuata esset. Sacra, vnde multa sacrorum dijs immortalibus fierent: publica, vnde præsidium urbis aleretur: priuata, quæ agricolarum esset. Legum tria tantum esse genera existimabat: nam de quibus iudicia ferantur, hæc totidem esse numero, contumeliam, damnum, & eadem. Constituebat autem vnum tribunal, cuius esset summa potestas, & 7 quo causas omnes quæ non rectè dijudicatæ fuissent viderentur, referri oporteret: idque ex quibusdam deligendis senibus constituebat: neque verò ei sententias in tribunalibus per calculos ferri placebat, sed vt tabella suam quisque sententiam declararet inscripta, si simpliciter damnalet: vacua, si simpliciter absolueret: sin partim damnalet, partim absolueret, vt hoc ipsum explicaret. 8 Nunc enim haud rectè sancitum esse censebat. Cum hæc aut illa iudicantes peierare sit necesse, legem quoque tulit vt præmium esset propositum, si quis aliquid quod esset commodum ciuitati comperisset: vtque filij eorum qui in bello mortem oppetissent, de publico alerentur, nondum scilicet erat hoc apud alios institutum. Nunc enim & Athenis & in alijs ciuitatibus lege sancitum est, & cum magistratuum delectum populi suffragio permittrat, populum 9 tres illas partes ciuitatis facit, qui magistratus delecti rerum communium, & earum quæ ad peregrinos & orbos pertinent, curam gerant. Hæc igitur ferè sunt maxima & potissima instituta, quibus Hippodamus in ordinanda Reipub. usus est. Sed in multitudinis ciuium partitionem illud primum abijci posse videtur: quod artificibus, agricolis, & ijs qui arma tenent, cunctis denique generibus Respub. communicatur. Sed vt agricolæ non habeant arma: artifices nec agros, nec arma, vt penè serui armatorum efficiantur. vt igitur ijs omnes honores communicentur, fieri non potest. Nam bellorum duces, & 10 ciuium custodes, a omnes ferè qui maximis magistratibus præsent, ex ijs deligi, penes quos arma sunt, necesse est. Quod si opificibus & agricolis communicatio.

tatio Reipublicæ negatur, quomodo hi possunt amicos animos in Rempublicam gerere? Veruntamen oportet ut armati utraque parte potentiores sint: quod difficile factum est, nisi magno numero sint. Quod si ita est, quid attinet cæteris Rempub. communicari, aut ipsorum arbitrio creari magistratus? Ad hæc agricolæ quæ in re possunt vñui esse ciuitati? Nam artifices adesse necessarium est: quippe cum in omni ciuitate desiderentur, & possint ex artificio viuere, ut in alijs ciuitatibus fit. Agricola: verò si arma tenentibus victum suppeditarent, meritò in parte ciuitatis haberentur. nunc agros habent priuatos, eosque priuatim colunt. Præterea si agri publici alendis militibus destinati, ab ipsis militibus colendi sunt, pars militaris non erit ab agrorum cultoribus diuersa, ut esse placet legumlatori. Sin autem ab alijs qui sint tum ab ijs qui priuatos agros colunt, tum à militibus diuersi, iam hæc quarta pars erit ciuitatis, cui nihil communicetur, sitque à Republica aliena. Quod si eosdem esse placet qui priuatos, quique publicos agros colant, 12 primum fructus, ex quibus duas quisque domos 12. aliat multitudini non sufficient. deinde cur non statim ex eodem agro, ac sortibus eisdem & sibi sumant, & in militibus alimentum suggerant? Hæc igitur omnia valde turbulenta sunt. Illud quoque de iudicijs perperam lege sancitum est, ut causa 13 simpliciter 13. intenta cognitor sententiam diuidat, ex iudicæque fiat arbiter. quod licet in arbitrio pluribus etiam qui de iudicio faciendo sermones inter se conferunt facere liceat, in tribunalibus tamen non permittitur. Sed contra plerique legumlatores ne consilia inter se iudices conferant, interdicunt. Deinde qui potest iudicium non esse turbulentum, si iudex deberi quidem, sed non quantum litigator existimet, qui viginti minas exempli gratia dicit, cum iudex decem duntaxat deberi iudicet, aut hic plus, ille minus, alius quinque, alius quatuor, & in hunc modum diuisionem faciant, quidam verò cuncta, alij nihil omnino? Quis igitur modus erit iudicia discernendi, & numerandi? Præterea nemo peierare cogit iudicem, qui simpliciter absoluit vel condemnat, si lis iure fuerit simpliciter intenta. Nam qui absoluit, is non iudicat nihil deberi, sed non deberi viginti minas: ille peierat qui viginti minis quas non deberi putat, reum condemnat. 14 Quod verò ad 14. legem præmium si quis rem ciuitati commodam inuenerit proponentem pertinet, est illa quidem auditu speciosa, plena tamen periculi:

- culi: quippe quæ calumniandi, & forsitan mutandi Rempubicam occasionem præbet. Incidit autem in aliam quæstionem, & commentationem. Quæritur enim à quibusdam inutile sit, an ciuitatibus leges à maioribus acceptas, si qua sit alia melior, mutare conducat. Itaque non facile est decretum, de quo diximus, probare, si non
15. est utile mutare leges. Nam fieri potest ut aliqui 15 legum antiquationem, mutationemve Reipub. tanquam bonum publicum afferant. Quia de re qui in hanc mentionem incidimus, non fuerit alienum pauca breuiter disputare: nec enim vacat (vti diximus) controuersia. & leges mutare satius esse videri potest. Certè in alijs disciplinis hoc fecisse commodum fuit, vt Medicina, & item Gimnastica: ad summam omnes artes & facultates mutatis veteribus institutis profecerunt. Quibus cum sit doctrina ciuilis annumeranda, necessario de ipsa fuerit eodem modo statuendum. quod ipsum 16 argumento quoque rerum confirmari non temerè dicas. Nam vetustæ leges nimis erant simplices atque barbaricæ: Græcis enim armatos incedere, & vxores emere alterum ab altero mos erat. cæteraq; instituta prisca, plurimum inscitiae, ac ruditis habebant. vt Cumis lex erat de rebus capitalibus, vt si accusatur ex suis cognatis testium certum numerum protulisset, rei capitalis reus damnaretur. Ad summam omnes nō quid traditum sit à maioribus, sed quid bonum sit,
17. 18. quærent. Est autem probabile 17 primos homines, 18 siue fuerint ex terra geniti, siue ex aliqua internecione seruati, similes fuisse vulgaribus & insipientibus, quemadmodū de terrigenis memoratur, vt
19. minimè in ipsorum decretis permanere deceat. 19 Ad hæc scriptas leges immotas relinquere non conducit, qui vt in cæteris artibus, sic in doctrina ciuili fieri non potest, vt omnia perfectè scripta sint. Nam leges vniuersè scriptas esse necesse est: actiones autem in singulis versantur. quo palam sit leges quasdam & quandoque utiliter mutari. Cæterum aliter reputantibus magna forsitan cautione opus esse videatur. Nam cum parua commoditas inuitauerit, quia nocet Reipub. vt ciues assuescant facillè leges antiquare, haud dubiè satius fuerit peccata quædam legumlatorum & magistratuum permittere. Nec enim tantum legis mutatio profuerit, quantum con-
20. suetudo 20 imperantibus non parendi nocebit. Nec vera est artium cum legibus comparatio. Non enim hoc est artem, quod legem mutare: nam tota vis parendi legibus in more posita est: qui mos nisi longo tempore non ingeneratur. Itaque ex prioribus

ribus legibus in nouas mutatio, legis potentiam infirmat. Præterea si mutandæ sunt, dubium est vtrum omnes, & in omni Repub. mutari debeant, an secus: & 21 vtrum à quouis, aut à quibus, magni-²¹ nim refert. quamobrem quæstionem hanc, cum huius loci non sit, missam faciamus.

Scholia in Caput VI.

1. HIPPODAMVS Milesius. Hippodamus hanc Reipub. formam excogitauit, vt ciuitas ex hominum decem millibus constituta, in tres partes diuideretur: quarum vna esset opificum, altera agricolarum, tertia militum. Regionem quoque, id est agros, in tres partes diuisit: sacram, quæ ad dei cultum necessaria suggereret: communem, vnde milites alerentur: priuatam, quæ esset agricolarum. Tria quoque tribunalia constituit: de conumelia, de damno, de nece. præterea vnum summum ad quod esset ex cæteris prouocatio. Placuit etiam vt occisorum in bello filij ex publico alerentur: magistratus deligerentur totius populi suffragio. In hac instituta differit Aristoteles: Primum in diuisionem ciuitatis, quod cum artifices & agricolas partes ciuitatis esse vellet, tamen eam conditionem opificibus & agricolis tribuit, vt nullum penè magistratum gerere possint. quæ facultate & munere ciuis à non ciue propriè distinguitur, vt tertio libro declarat: & quæ negata animorum à Republica alienationem existere necesse est. Agros præterea incommode diuisos esse docet, siue à militibus pars communis, siue ab agricolis, siue ab alijs qui sint ab vtrisque diuersi coli debeat, cum vel milites agricola fiant, vt agricola intolerabili onere grauentur, vel alia pars ciuitatis, quæ quarta sit inducatur. In iudicijs modo partiendi sententias damnato, communem & vsitatum meliorem esse declarat.

2. Qui Piræum abscidit Piræus portus erat Athenarum, cum vico suburbano, quem abscissum, id est muro ab vrbe diuisum ab Hippodamo fuisse tradit. Fuit enim Hippodamus etiam architectus, nō solum legum scriptor: à quo Hippodamius adificandi modus, de quo est in libro septimo, cap. 11.

3. Ornatu pretioso tum comæ. Cicadis forsitan aureis more Atheniensium, ex quibus olim locupletiores per luxum cicadis aureis capillos ornabāt: quem modum inde traxere Iones Asiatici propter consanguinitatem coloniarum illuc ab Atheniensibus ex Attica, vt Thucydides libro primo refert, deductarum. Caria enim regio est Ionia Asiatica, quæ nomen ab Ionia Europa id est ab Attica sumpsit.

4. Pretiosam quidem sed calidam. ἐν θερμῷ μέν ἀλὲν ἰσχυρὸς δέ. Sic habet

tur græcè in omnibus exemplaribus quæ mihi videre cōtigit: sed suspicor mē-
dum subesse librariorum, & pro ἐτελῆς obrepisse εὐτελῆς, quod verbum
communi consuetudine rem vilem & abiectam signat: quæ intelligentia hoc
in loco ab Aristotelis sensu longè videtur abhorre: aut igitur per errorem in
eius locum successit, aut in eiusdem intelligentiam est accipiendum, ut non vi-
ilem & abiectam, sed pretiosam & honoratam vestem significet, quemadmo-
dum interpretes conuertit, παρὰ τὸ εὐτελεῖν, vnde εὐτελῆς, id est felicitas dicta
est, auctore Suida: nisi forte cum ipsa per se vestis esset parui pretij, pretiosis
pellibus ornabatur, fiebatq; vestis gauſapina, quæ Hippodamus ambitiosè etiā
in æstate ostentationis gratia gestabat, ut Bacchara ille de quo Martialis,

Et dolet & queritur tibi non contingere frigus.

Propter sexcentas Bacchara gauſapinas.

Quibusdam exemplaribus illud ἐκ δὲ, quod in cæteris habetur, abest, ut pro-
lixitas ad capillos, sumptus ad vestem duntaxat referatur: quod sic esset con-
uertendum proluxa coma, & ornatu pretioso vestis.

5. Dum nullam naturæ partem, qui non solum domos & vrbes adifi-
candi arte, sed etiā ciuitates & Respub. cōdendi, & legibus cōstituendi præ-
dencia & facultate pollere voluit.

6. Iusta sacrorum. Sacrificia lege aut more constituta.

7. Quo causas omnes. Ad quod esset à cæteris tribunalibus prouocatio.

8. Nunc enim haud rectè sancitum. More quo nunc vulgo ciuitates v-
tuntur in iudicijs.

9. Tres illas partes. Opifices, agricolas, & milites.

10. Ciuium custodes. Nomen id erat magistratus, quo Hippodamus vte-
batur in sua Repub.

11. Nūc agros habent priuatos. Ex institutione Hippodami.

12. Primum fructus. Si agricola non solum agros suos priuatos, sed etiam
publicos, vnde milites alantur, colunt: fructus agrorū priuatorū alenda cuiq;
agricolarū bipartita multitudini, quæ ad binos fundos colēdos necessaria est,
nō sufficiēt: vel duas domos dicit duas familias, alteram agricolarum, alterā
militū, cui quisq; agricolarū frumentū fructusq; suo gerere debet: sed prior
sensus magis placet.

13. Simpliciter intenta. Vt si actor simpliciter sibi viginti minas deberi cō-
tendat, officiū iudicis est simpliciter etiā constituere, & iudicare: debeātur an
nō viginti mina, nō de numero minarū arbitrari. quod fit in iudicio arbitra-
rio, siue vnus iudex sit, siue plures, sententijs & consilijs communicatis, quod
in tribunalibus quibusdam non permittitur.

14. Quod

14. Quod verò pertinet ad legem. Sumpta occasione ex Hippodami lege, qua ijs qui aliquid utile Reipub. excogitassent, pramiū proponebatur: quoniam legū mutatio tāquam utilis Reipub. offerri posset, disputationē inducit, conducit necne leges & instituta maiorū mutare: & leges quae perspicue barbara & incōmodissima sunt, mutandas esse docet. Sin autē commoditas parua cōsequatur, non idcirco mutandas esse, ne homines non parere legibus assuescāt ut enim legibus pareatur, magna vis est in parēdi legibus consuetudine. Itaq; legum potentiam & auctoritatem valde minuit, qui leges mutat.

15. Legum antiquationem. Abrogationem legum.

16. Argumento rerum. Rebus ipsis & factis.

17. Primos homines. Aliquem hominem fuisse primum, ante quē nullus homo fuerit, ut homini Christiano ex sacris literis oraculūq; diuinū nō est dubitabile. sic abhorret ab Aristotelica disciplina Aristoteles enim cum alijs in locū, tū in octauo libro de physico auditu nūllum generatū fuisse negat, itaq; mundum & cuncta genera animātium sempiterna esse, nec initium habuisse, nec habitura finē falsū videlicet existimauit. Primos igitur homines vocat, qui post aliquā maximam pestē, aut internecionem, vel alluionē ex terra geniti fuerint, ut inter dū mures, vel si qui pauci seruati sint, ex quibus quasi primis rursus genū humanū procrearetur Videbat enim Aristoteles initū quoddam hominum fuisse. nec id infirmari poterat, sed ut sibi cōstaret in errore, cū genus humanum incepit, tunc renodatum esse videri volebat.

18. Siue fuerint ex terra geniti. Vt quidam scilicet tradiderūt, de quibus meminit lib. ij. de generatione animalium, circa finem, ubi explicat quomodo à terra ex illorū opinione gigneretur. Nam ipse nō affirmat, quare addit illud, quod ipse magis putabat, siue ex aliqua internecione seruati, ut factum est in alluione vniuersali, de quo est in hystoria sacra.

19. Adhuc leges scriptas immotas relinquere nō conducit. Nō hic de abrogatione aut mutatione legis loquitur: nā quod leges vniuersa precipiunt, cum hoc omnibus bonū & malū cōmune sit, nulla causa est cur antiquari debeant vel mutari. Est tamen causa necessaria, cur sint aliquando per dispensationes appellatas relaxanda, quod fit cum aequitas summo iuri praefertur, qua summa iniuria dicitur, hoc est scripto legū, ut Ethic. v. declaratur.

20. Imperantibus nō parēdi Legibus non obtemperandi. Nam ut in regno princeps ipse imperat qui cuncta gerit arbitrati suo: sic in ceteris rebus pub. ubi leges seruantur, leges imperare dicuntur. Pol. ij. Ethic. v.

21. Vtrum à quouis, aut à quibus. Dubium est, inquit, si leges mutandae sunt, num à quocunq; mutari debeāt, & si nō à quouis, tum quare, à quibus debeant mutari: nā gratē. τὸ αὐτὸ legitur in correctionibus exemplaribus τὸ αὐτὸ.

Caput

1. DE Lacedæmoniorum & Cretensium, & ferè alijs Reipub. duplex est consideratio: vna rectè an secus aliquid sit ad optimam Reipub. formam spectantibus institutam: altera num contra quam finis & modus ipsis propositæ Reipub. postulat, sit aliquid sancitū. Illud igitur inter omnes constat, rectam Reipub. rationem necessario
2. rum operum & vacationem requirere: hæc autem quomodo con-
3. tingat, non facile constituere. Nam sæpe 3 Thessalorum penestix
4. in Thessalos, ilotes in Lacones tanquam 4 imminentes semper ip-
5. sorum calamitatibus conspirarunt. Cum nihil hucusque tale Cre-
6. tensibus acciderit: fortasse quia 5 vicinarum ciuitatum etiam si bel-
7. lum gerant inter se, nulla propterea quod cum ipsi quoq; pericæcos
8. habeant, eis non conducit, deficientibus opitulatur. Laconibus au-
9. tem quicumque vicinas regiones incolebāt 6 Argiui, Messeni, & Ar-
10. cades, hostes erant: nam & à Thessalis initio penestix descuerant,
11. quia bellum etiam nūc 7 Thessali cum finitimis Achæis, & Perrhæ-
12. bis, magnisq; gerebant. Cæterum si nihil aliud, at ipsa cura quo-
13. modo id genus hominum tractari debeat, plena laboris & sollicitu-
14. dinis esse videtur. Nam si indulgentius habeantur, & petulantes fiūt,
15. & cum dominis exquiri volunt: sin autem laboriosè in malisq; vi-
16. uant, insidiantur, odioq; habent. Palam est igitur, quibus hoc ac-
17. cidit, ab ilotia his optimam tractandi rationem non esse compertā.
18. Præterea mulierum licentia tum 9 ad propositam Reipub. rationē,
19. tum ad rectam ciuitatis institutionem officit. Nam vt vir & mulier
20. domus partes sunt: sic haud dubiè ciuitatem in duas æquas ferè par-
21. tes, virorum mulierumq; diuisam esse putare cōuenit. In quibus er-
22. go rebus publicis, quod ad mulieres pertinet, perperam sancitum est,
23. in his dimidium ciuitatis prauè institutum esse putari debet, quod
24. Laconibus accidit. Nam 10 cum legumlator temperantem esse totā
25. ciuitatem vellet, hanc voluntatem 11 in viris manifestè declarauit:
26. mulierum curam neglexit: quæ tam intemperanter ac luxuriosè
27. degunt, vt nullo non genere intemperantiæ sit ipsarum vita conta-
28. minata quo circa 12 diuitias in tali ciuitate in honore esse necesse est
29. præsertim si viri sint in mulierum consuetudinem procliues, qua-
30. lia pleraque sunt militarium, ac bellicosorum virorum genera, 13
31. præter Gallos, & si qui alij palam sunt amoribus puerorum dediti,

Non

Non enim sine causa qui primus fabulam commentus est, Martem cum Venere coniunxisse videtur: propterea quod totum hoc hominum genus consuetudini puerorum vel sceminarum deditum esse cernitur. Vnde hoc malum Lacones etiam inuaserat, in quorum imperio multa sunt à mulieribus administrata: quanquam quid interest mulieres imperium teneant, an viris imperantibus mulieres imperitent, cum utroque modo eadem incommoda consequantur? 14. Porro cum audacia ad usus quotidiana nos nullam commoditatem habeat, sed si quid prodest, in bello proficit: tamen hac quoque in parte Laconum mulieres multum offecerunt: cuius rei clarum documentum 15. in Thebanorum invasione dedere, quo tempore non modo nulli usui fuerunt, ut in cæteris ciuitatibus, sed tumultum & turbam maiorem etiam quam hostes excitarunt: quanquam initio non sine causa liberior viuendi ratio à viris fuit mulieribus Lacænis permessa. 16. Cum diu militiæ causa domo abessent, bellum cum Argiuis, deinde cum Arcadibus Messenijsque gerentes, sed in pace & otio ipsi præparatos se ac dociles legumlatori præbuerunt, propter vitam militarem, quæ multas habet virtutis partes. At mulieres legibus subijcere tentasse quidem Licurgus, sed cum ipsæ reniterentur, incepto destitisse traditur. Hæc igitur sunt eorum quæ facta fuerunt, ac proinde huius peccati causæ. Nos tamen non cui venia dari, aut vicissim negari debeat, sed quid rectè, quid non rectè sese habeat, quaerimus. Nam si quid ad mulieres pertinet perperam fuerit institutum, hoc, ut supra diximus, non solum Rempub. ipsum per se non nihili deformare, sed simul etiam pecuniarum cupiditatem parere videtur. 17. Adhæc enim patrimoniorum inæqualitas improbanda fortassis cuipiam esse videatur. Nam cum quidam eorum maxima patrimonia possideant, alij nimia rei familiaris tenuitate laborant, propterea quod ager in paucorum possessionem cõcessit: de quo perperam est legibus sancitum. Quanquam enim patrimonia emere aut vendere in rebus turpibus haberi voluit, & iure voluit, donare tamen vel testamento relinquere si quis vellet, non interdixit: cum tamen vtraque ratione hoc incommodum euenire sit necesse. Sunt autem mulierum ex quinque partibus agri ferè duæ, tum quia ad multas 18. orbas puellas omnia paterna bona hæreditate peruenerunt, tum propter dotum, quas largiuntur magnitudinem. at erat commodius aut nullam, aut exiguam, vel

M

certe.

19. certè mediocrem esse diffinitam. 19 Nunc autem puellam orbant cuicumque dare licet, & si is qui hæres fuerit relictus, intestatus decesserit: hic cuicumq; velit, tribuit. Quibus rebus factum est, vt cum ager mille quingentis equitibus, & armatorum triginta millibus alendis sufficiat, in eam paucitatem redigerentur, vt mille numerum non explerent. Itaque res ipsa instituti huius errorem & prauitatem declarat. Nec enim vnā plagam ciuitas accepit, sed funditus propter hominum paucitatem corrui, cum etiā 20 regum superiorum tempore peregrinos à Lacedæmonijs in ciuitatem adscitos fuisse memorent, ne diuturnis bellis confecti ad paucitatem hominum redigerentur, cum tamen olim Spartani (nam & hoc traditum est) 21 decem millium numerum explerent. Cæterum seu vera hæc sunt, siue commentitia, certè commodius esset æquatis patrimonij urbem viris replere. præterea lex de filijs procreandis nõ nihil est horum malorum emendatio in contraria. Nam legumlator Spartanos quamplurimos esse cupiens, præmijs ciues ad plurimos filios procreandos inuitat. est enim lex apud ipsos, vt qui tres liberos genuerit, custodiæ vacationem: qui quatuor, rerum omniū immunitatē habeat. at si multi fuerint procreati, cum ager sit quæadmodum diximus, partitus, necesse est multos inopia laborare. Iā 22. verò 22 quæ pertinent ad ephoriam, nihilo sunt commodius instituta: nā cum hic magistratus maximarum rerum inter ipsos summam potestatem habeat, tamen omnes Ephori ex populo deliguntur: quo fit vt sæpe homines pauperrimi ad imperiū adiscantur, qui propter egestatē venales fiunt, vt sæpe cum superioribus tēporibus, 23. tum nostra memoria 23 in Andrijs declaratum est. Nam pecunia corrupti quidam Ephori Rempub. quantum fuit in ipsis, euertunt. & quoniam ipsorum imperium nimis magnum est, & par tyrannidi, Reges quoq; gratiam ipsorum captare cogeantur: itaque 24. hac quoq; ratione Resp. lēdebatur. nam 24 ex optimatum imperio in principatum popularem mutabatur. Cæterum hoc imperij genus Rēpublicam conseruat, Nam plebs quiescit, propterea quod ci 25. sumus magistratus communicatur, qui 25 siue legumlatoris prouisione, siue fortunæ beneficio inductus fuit, certè est Reipub. rationibus. Nam vt Respublica conseruetur, vt ipsam omnes eius partes saluam, & cuncta in eodem statu permanere velint, oportet. Contenti ergo sunt præfenti statu reges propter suam dignitatem: viri excellenti virtute, propter Senatum. Nam Senatorium imperium,
- pro

pro præmio est virtuti propositum: plebs, propter Ephoriam: 26 26.
 ex omnibus enim constituitur. qui magistratus erat quidam ex om-
 nibus deligendus, non tamen modo, quo nunc fit: 27 est enim valde 27.
 puerilis. Præterea cum sint homines nulla egregia virtute præditi,
 tamen magna iudicia ipsorum arbitrio permittuntur. Itaque satius
 erat vt 28 ex scripto & legibus, 29 quàm vt pro suo sensu iudicaret. 28. 29.
 Ephorum quoque vita cum ciuitatis voluntate parum conuenit:
 nam ipsi valde dissolutè viuunt. 30 Cum cæteri excedant potius vi- 30.
 tæ duritia & seueritate, vsque adeo vt ferre nequeant, & clàm legē
 transgredientes corporis voluptatibus fruuntur. 31 Sed nec ea rectè 31
 sunt Lacedæmonijs instituta, quæ Senatorum imperium attingūt.
 32 quanquam enim si probi sint, & quantum satis est, ad perfectam 32.
 virtutem instituti, ciuitati commodum esse videri possit, vt ma-
 gna iudicia ipsorum arbitrio permittantur: tamen vt hæc potestas
 perpetua eisdem sit, ac vitæ æqualis, ancipitem rationem habet.
 quippe vt corpus, sic item mens suum habet senium. Sin autem
 fuerint ad hunc modum instituti, vt ipse legumlator eis tanquam
 viris non probis diffidat, periculosum est. Præterea cum muneribus
 corrumpi, qui huic magistratui præfunt, & multa de rebus commu-
 nibus largiri cernantur, vtique commodius erat, vt idem 33 à cor- 33.
 rectione liber atque solutus non esset, quod nunc abest. Videri au-
 tem potest Ephorum magistratum, 34 ceteros magistratus cor- 34.
 rigere, quod est maximum Ephoriæ munus. Sed non ad hunc mo-
 dum ipsos corrigendos esse dicimus. Præterea 35 Senatorum dele- 35.
 ctus, tum ferendis suffragijs puerilis est, tum ea ratione improban-
 dus, quod magistratum petit, qui magistratu dignus haberi debet.
 Nam qui imperio dignus est, hic vel it nolit, vt imperio præficiatur
 oportet. Nunc legumlator idem quod in cæteris Reipub. partibus
 agere videtur. Vt enim ciues ambiciosos redderet, hanc Senato-
 res diligendi rationem inuit, cum nemo non ambiciosus im-
 perio se præfici petat. At pleraque voluntaria crimina ex ambi-
 tione & pecuniarum cupiditate inter homines oriuntur. De regno
 sit nēne ciuitatibus commodum per Reges gubernari, alia quæ-
 stio est, sed certè commodius esset, vt ex sua quisque vita reges asti-
 marentur, 36 quàm vt nunc sit. Non putasse verò legumlatorem 36.
 eos à se posse ad perfectam virtutem perducere, in promptu est intel-
 ligere: nam eis vt non satis bonis viris diffidit: itaque legatos eos
 simul mittebant, qui hostili odio dissiderent, & regum discordiam

- ciuitati salutarem fore putabant. Sed nec ea sunt rectè à primo institutore sancita, quæ ad concenationes pertinent, quæ phiditia nominantur. Nam 37 ex publico potius conuentum fieri oportuit, quemadmodum in Creta. Apud Lacones enim 38 suam quisque partem conferre debet, cum tamen sint nonnulli tanta paupertate 39. depressi, 39 vt ne hanc quidem impensam facere valeant. Itaque rei euentus legumlatoris voluntati contrarius est: hic enim comesationum institutionem popularem esse vult. ipsa verò minimè popularis efficitur ad hunc modum sancita: qui nimia paupertate premittitur, particeps esse non facile possit. Sic autem ipsis Respub. definita est more maiorum, vt qui tributum id conferre nequeat, huic Respub. non communicetur. Præterea lex de classis præfectis, ab alijs etiam est, & quidem merito vituperata: est enim seditionis causa. Nam regibus perpetuam rei naualis præfecturam addere, id demum est, aliud propemodum regnum constituere. Propositum quoque legumlatoris, non iniuria reprehendes, vt est in legibus à Platone vituperatum: nam tota legum ferendarum ratio ad 40. partem virtutis, hoc est ad bellicam refertur 40. Hæc enim vincendo est accommodata. itaque Lacedæmonij dum bellum gererent, incolumes manebant: imperio petiti, perierunt, propterea quòd quiescere nesciebāt, nec aliam exercitationē quæ bellica potior esset, obierant. Nec minor est hoc ille alter error, quòd res bonas 41. & dignas de quibus contendatur, 41 fieri censent virtute magis 42. quam vitio. quanquam enim hoc rectè statuunt, 42 errāt tamen in eo, quòd hæc virtute potiora putant. De publica quoque pecunia perperam est apud Spartanos sancitum. Nam cū magna bella gerere cogantur, tamen nihil est in commune ad publicos ciuitatis vfus destinatum, sed tributum ab ipsis, & quidem perperam confer- 43. tur. Nam cum agrorum maxima pars sit 43 ipforum Spartanorum, collationes tributi alter alterius non diligenter examinant: nec legumlator commoditatem quam petebat est assecutus, sed in contrarium potius ei recidit. Nam ciuitatem inopem, singulos ciues pecuniarum cupidos efficit. sed de Respub. Lacedæmoniorū hætenus. Hæc enim sunt quæ in ea maximè reprehendi posse videntur.

SCOLIA

- 1 Lacedæmoniorum & Cretenſium. De Lacedæmoniorum Reib. qua ex omnibus erat laudatiſſima, multis in locis diſputat: ſed hic potiſſimum eius Reipub. ſtatum, nec optimū eſſe docet ſimpliciter, nec optimū pro ratione propoſiti finis. Nam primum quod optima cuiq; Reipub. aſſe debet, ut ciues non ſint occupati in operibus neceſſarijs, id nō erat rectè Lacedæmonijs inſtitutum. Cum ilotes qui agros ipſorum colebant ſape in eos conſpiraffent: cui ſimile Theſſalis à ſuis agricolis acciderat. Præterea quod ad mulieres pertinet, qua pars eſt prope dimidia ciuitatis, peſimè erat inſtitutum, cum diſſolutiſſimè viuerent, & penè viris ob ipſorum ſalacitatem imperarent: nec erat vtile Reipub. ut ad audaciam mulieres inſtituerentur, ne in bello quidem, nedum in pace, ubi audacia multum obefſe ſolet.
- 2 Vacationem requirere. Ut ciues operum neceſſariorum vacationem habeant, ciues autem in qua; Reipub. intelliguntur, quibus facultas gerendi magiſtratus aſeſt, qua in bona Reipub. opificibus, agricolis, mercenarijsq; negatur. ut poſtea lib. iij. docebit. idcirco igitur ciues qui propriè intelliguntur, oportere negat ut ſint operibus qua pertinent ad parandas res vitæ neceſſarias implicati.
- 3 Theſſalorum penefſtiæ. Ruſtici qui penè ſerui agros Theſſaliæ colebant, penefſta dicebantur, & eorum multitudo penefſtia, ut ilotes, & ilotia apud Lacedæmonios, & Perieci apud Cretenſes.
- 4 Imminentes ipſorum calamitatibus. Obſeruantes calamitatis, ut ſi fuerint bello ab alijs appetiti, hac occaſione ad ladendos dominos abutantur. Socia ſcilicet arma hoſtibus adiungenda.
- 5 Nulla vicinarum ciuitatum. Ex ipſa ſcilicet inſula: nam Creta multas habebat ciuitates.
- 6 Argiui, Meſſenij, & Arcades. Populi ſunt in Peloponeſo, ut Lacedæmoni.
- 7 Theſſali cum finitimis. Theſſalia regio eſt Macedonia finitima Plinio. Pomponius Mela Macedonia partem dicit. Huic finitimi ſunt Achai, qui Myrmidones & Hellenes ab Homero nominantur. Et Perrebi, qui populi ſunt in Aetolia, & Magneti, quos, quidam partem Theſſaliæ faciunt.
- 8 Petulantes fiunt. Superbi & arrogantes.
- 9 Ad propoſitam Reipublicæ rationem. Pro ratione finis, quo ſumma Reipub. fertur.
- 10 Cum vellet legumlator. Lycurgus: hic enim leges Lacedæmonijs ſue Spartani dedit, qui Lacones etiam à regione nominantur.
- 11 In viris declarauit. Nam viri Lacedæmoni frugaliffimè vivebant le-

gibus Lycurgi.

12 Diuitias esse in honore. Ut per eas viri libidinosi mulieribus potiantur: qua licentia & luxus, venerisq; cupiditate venales sunt.

13 Præter Gallos. Olim scilicet Galli hac infamia laborabāt, qui tamen iā pridē, vi vicini hinc Hispani, illinc Germani, hoc flagitiū maxime detestantur.

14 Porro cum audaciam. Audaciam dicit qua vitium est, non fortitudinem, qua virtus.

15 In Thebanorum inuasionē. Post Leutricanā pugnam, qua Lacedæmonij à Thebanis amisso rege Eleombroto, & cum ipso fortissimo quoque Spartanorum desiderato, victi sunt. Epaminundas Thebanorum dux cum magno exercitu Laconicam regionem hostiliter inuasit, & vsque ad urbem ipsam Lacedæmonem processit. Agesilao altero rege suos diligenter intra urbem continente, quem regem Plutarchus non minorem dolorem atque molestiam cepisse refert ex tumultu ac trepitatione & clamore defecta aetatis virorum & mulierum qua amentes praetimore per urbem discurrebant, quàm ex hostilibus minis & conuitijs, quibus vehementer incescebantur.

16 Cum diu militiæ causa domo abessent. Ut in obsidione Messenia decem continuos annos consumpserunt ob execrationem, qua se ob suas virgines in Messeniorum conuiuio stupratas obstrinxerant, non se prius reuersuros, quàm Messenam expugnassent. Itaq; ad reparandam prolem iuuenes legunt ex ijs, qui post iusurandum in supplementum venerant quibus Spartam remissus promiscuos omnium scæminarum concubitus per miserunt, ut refert Trogus Pompeius. itaq; necessitate ducti Lacedæmonij, eam licentiam mulieribus prabuere: sed non queritur, num huius & factorum similium venia danda sit Lacedæmonijs, sed quid rectè factum sit & institutum, & quod secus disputatur.

17 Ad hæc patrimoniorum. Inaqualitatem patrimoniorum apud Lacedæmonios, qua Reipub. nocet, culpa legumlatoris extirpasse docet: qui quamuis patrimonium vendere prohibueris, donare tamen & testamento relinquere cuicunque liberè permisit. vnde eadem incommoda qua ex venditione sequuntur. Quæ inaqualitas hoc etiam magis improbanda est, quod ferè dimidiū fortunatarum ad mulieres, tum per hereditates peruenerat, tū per dotes dicit. His enim rebus & inopia rei familiaris factum esse, ut Lacedæmonij ad magnam paucitatem redigerentur: ad quorum malorum remedium non solum non iuuat, inquit, sed potius aliquid obest, multos filios procreari: nam quos fuerint maiore numero, hoc plures egestate laborabunt. Sed nec ea, inquit, rectè sunt instituta, quæ magistratum Ephorum attingant, qui cum

sape

Sape pauperrimi deligantur, quæstui Rempub. habent: & cum nimis magnam potestatem obtineant, reges etiam sibi assentari cogunt, quæ item ratione Respub. popularis efficitur: habet tamen hanc commoditatem Ephoria, quod Respub. conseruat. Nam cuncti ordines præsentis statu contenti sunt, reges propter suam dignitatem: optimates propter Senatus imperium, quod virtutis propositum est: plebs autem, quoniam Ephori ex omni populo, ac proinde magna ex parte ex plebe deliguntur.

18 Orbas puellas. ὀρθὰς, Græci vocant puellas huiusmodi, de quibus sape Aristoteles mentionem facit, & item Plutarchus, quo nomine propriè intelliguntur puellæ, ad quas cum nullos habeant fratres, omnium paternorum bonorum hereditas redit.

19 Nunc autem puellam orbam. Licet patri filiam vnicam ad quam totum patrimonium redit, in matrimonium cui velit, dare: & hunc cum filia heredem constituere hac quoque conditione, ut si gener intestatus aut sine filijs decesserit, ea bona ad alterum ab eodem patre nominatum & heredem constitutum, eadem hereditas proueniat.

20 Regum superiorum tempore. Cleomenes rex Lacedamoniorum hanc legem tulisse memoratur, ut ex peregrinis delecti in ciuitatem ad suppleendam paucitatem asciscerentur, ac ex vicinis subiectis delectum habuisse, & ciuitatem confectis armatorum quatuor millibus supplensse.

21 Decem millium expleuerint. Plutarchus Spartanorum ciuium sortes in diuisione agrorum à Lycurgo facta ad nouem millia fuisse tradit.

22 Quæ pertinent ad Ephoriam. Annui magistratus, Ephoria nomen est: nam Ephori quinq; numero singulis annis creabantur, ad quos erat à regibus prouocatio: qui Ephori ex omni populo, tum ex optimatibus, tum ex plebe deligebantur, ut ipse infestatur.

23 In Andrijs. In comesationibus, in quo vetere vocabulo vsus est. Nam cœna illa quotidiana, ad quam gregatim conueniebant, à Lacedamonijs etiam olim Andria ut à Cretensibus dicebantur. Postea enim Lacedamonij Phiditia nominabant, ut infestatur idem Aristoteles & Plutarchus in Lycurgo.

24 Ex optimatum imperio. Quoniam Lacedamoniorum Respub si Ephorum potestas modum teneret: status erat optimatum, cum Regum & Senatus consilio gubernaretur.

25 Siue legûlatoris prouisione. Dubitare videtur Aristoteles, nū Ephori lege Lycurgi, an casu vel fortuna quadā fuerint constituti: quam uis ipse libro huius operis quinto aperit Ephoros à Theopompo rege institutos fuisse dicat. quod licet à plerisque tradatur, tamē Herodotus in Clio à Lycurgo constitutos fuisse tradit, & item Satorum auctore Diogene Laërtio in Chilone. Sed Cleomenes

menes rex in concione Lacedæmoniorum, ut refert Plutarchus, aliam Ephorum originem fuisse affirmavit, à regibus diuturno bello Misenensi occupatis: quosdam ex amicorum numero fuisse delectos, qui pro ipsis regibus ius Lacedæmoniis dicerent, Ephores nuncupatos, diuq; consuetudinem ut Ephori pro ministris regum haberentur, permansisse, qui paulatim postea omnem potestatem in se transfulissent. Xenophon autem Ephoriæ potestatem inductam fuisse à proceribus ciuitatis esse probabile dicit, nihil tamen pro certo affirmat. itaq; aliter ab alijs Ephorum origo memoratur. Nisi forte legumlatorem hoc in loco Theopompum regem appellat, cuius lege Ephoros fuisse constitutos, pleriq; & in ijs idem Aristoteles, ut dixi, tradunt. Et sic fortuna beneficium ad id quod Cleomenem dixisse memorauimus, referri potest. Nam si legumlatorem Lycurgum dicit, beneficium fortuna ad Theopompi factum referendum est.

26 Ex omnibus enim constituitur, Ephori ex omniibus ordinibus, Senatorio, equestri, & plebeio deligebantur.

27 Est enim valde puerilis. Similis videlicet Senatorum delectui, de quo infra memorabimus.

28 Ex scripto & legibus. Ex literis legis: nam utroq; modo Latini dicunt, quod Aristoteles, ἡ γὰρ τὰ νόμιμα, quod sit cum iudices à verbis ipsis scriptæ legis non discedunt.

29 Quàm pro suo sensu. Quàm prout rectius ipsis esse videatur.

30 Cum ceteri. Cum reliqui ciues tam frugaliter viuant instituto ciuitatis, ut quidam tam durum morem ferre nequeunt, præter legem, clam corporeis voluptatibus fruuntur. Non enim oppiparè, ut Ephori in communibus epulis, quas comesationes dicebant, sed frugalissimè ciues cateri cœnabant, quidam tamen sua quisq; domi in occulto, gula & veneri præter legem indulgebant.

31 Sed nec ea rectè instituta sunt à Lacedæmoniis. Docet Lacedæmoniorum Kē publicam esse perperam institutam. Primum Senatorum ratione, quorum arbitrio maximarum rerum iudicia non rectè committi putat, nec probat quòd hic magistratus sit perpetuus, nec gesti muneris ratione reddat, & quòd puerili quadam ratione & per ipsorum ambitionem Senatores deligebantur: deinde reges nō ex genere, ut mos erat, sed ex sua quemq; virtute aestimari, ac deligi satius fore cōfirmat. Præterea comesationes nō ex publico fieri damnat, & quòd, præter reges qui nihil aliud propemodum quàm perpetui duces erant, nauium præfecti ad vitam etiam crearentur. Adhuc quòd legumlator leges omnes non ad omne virtutum genus, sed ad bellicas duntaxat virtutem dirigebat: quòdq; reſtīgalia publica, ad bellum & publicos

licos vsus, nulla essent, sed ciues tributum conferre cogerentur.

32 Quamquam enim si probi sint. Duo damnat in Senatoribus, primum, quod ipsorum iudicio & arbitrio iudicia de maximis rebus permittantur, de morte scilicet & infamia, ut Plutarchus refert: Nam licet hoc optimis & prudentib. viris rectè permitti posse videatur, tamen nisi ex suis legibus tales fore legumlator exploratum habeat, periculosum est committere. secundum quod Senatores sint ad hac munera seu iudicia obeunda perpetui. Nam licet optimi essent & prudentes, tamen affecta aetate, cum vires non solum corporis, sed etiam mentis & iudicij deficiant, remouendi essent à magistratu.

33 Non esset à correctione liber. Hoc quoq, improbat in Senatoribus, quod cum essent perpetui, non corrigebantur, id est non poscebatur ab eis gesti muneris ratio.

34 Ceteros magistratus corrigere. Nam ex cunctis magistratibus prouocatio erat ad Ephoros. Sed corrigere magistratu quod graece dicitur ἐκδίκησις dupliciter intelligitur: vno modo per prouocationē, ut superius tribunal, vel princeps, aut populus iniquas iudicum sententias corrigat: altero cum ab iis qui iam abierint magistratu, ratio gesti muneris reposcitur: & hoc modo corrigendos esse magistratus Aristoteles dicit, non priore tantum, quoniam vtriusq, magistratus ἀντιδοῦναι id est sine correctione intelligere licet.

35 Delectus Senatorum in ferendis suffragijs puerilis est. Hic enim erat deligendi modus: Coacta concione viri delecti ad notandū clamores qui pro suffragio erant, in proximam domum concludebantur, qui nec videbant propter parietem interpositum populares, nec videbantur ab eis, sed clamorem duntaxat concionis audiebant: nam ut ceteras controuersias Lacedaemonij, sic eam clamore dydicabant. Competitores igitur non simul omnes, sed singuli sortibus, qui silentio per concionem incederent, inducebantur. Igitur qui conclusi erant, per singulos competitores clamoris magnitudinem tabellis notabant, ignari cui acclamaretur, praeterquam quod primum, aut secundum, aut tertium esse, aut quouis alio numero sciebant: cui autem à plurimis & plurimum fuisset acclamatum, hunc Senatorem renunciabant, qui coronatus templa deorum multis pueris affectantibus, & laude in caelum effectentibus adibat. Hac igitur Senatores deligendi ratio quae in Lycurgo à Plutarcho traditur, puerilis esse Aristoteli videtur.

36 Quam ut nunc sit. Quam ex genere & iure hereditario. Nam reges Lacedaemoniorum ex Heraclidarum genere iure hereditario regnabant. Satis igitur, inquit, esset, ut ex vita & rebus gestis virtus & dignitas eius qui regno praeficiendus esset, quam ex genere, ut nunc fit apud ipsos, iudicaretur.

37 Ex publico conuentū fieri. Conuentū vocat comesationē, seu concē-

N

nationem

nationem, ad quam gregatim quinideni circiter conueniebant.

38 Suam quisque partem. Vnusquisq; de suo in commune in singulos menses farinae medimnū vnum, vini choas duas, casei quinq; minas fisorum seminas quinque, & certam pecuniam ad obsonia conferebant.

39 Vt ne hanc quidem impenfam. Qui non possit ea qua modo diximus ad comensationem seu concœnationem conferre, huic non licebat magistratum gerere: hoc est enim participem esse Reipub.

40 Hæc enim vincendo est accommodata. Id est utilis ad vincendum. Nam quod Plato dixerat omnem morem Lacedæmoniorum inflammatum esse vincendi cupiditate, hoc Aristoteles sic interpretatur: Lacedæmonijs auctore Platone omnia ad bellicam virtutem dirigi, cuius interpretationis veritatem reddat, illud addit: Hæc enim bellica scilicet virtus utilis est ad vincendum, quo verbo vsus est Plato.

41 Fieri censent. Facienda & quærenda esse statuunt.

42 Errant tamen. Rectè censent in eo quod victoriam, de qua maximè contētendum putant, vt de maximo bono per virtutem, non per dolū malum parandam esse statuunt: sed errant in eo quod victoriam anteponunt virtuti: Nam victoria causa tanquam finis, virtutem probant.

43 Ipsorum Spartānorum. Lacedæmoniorum, quoniam in sua regione Laconica non habebant clientelas, sed ilotes quasi seruos, qui ipsorum agros colebant.

CAPVT VIII.

1. 1. CRETENSIVM Respub. cum ab hac non longè discrepet, tamen pauca non prius, sed pleraque habet minus scitè constituta. Quoniam Laconica Respub. vt videtur & narrant, maxima ex parte Cretensem est imitata. Sunt autem pleraque omnia vetusta minus expressa, minusq; perfecta recentioribus. Nam
2. 2. Lycurgum memorant, cum relictā Charilai regis tutela peregrè profectus esset, diutissimè in Creta fuisse commoratum propter
3. 3. cognationem. 3. Quoniam Lycij à Laconibus fuerant in Coloniam deducti. qui autem in Coloniam venerunt, instituta legesq;
4. 4. eorum acceperunt, qui tunc Cretam incolebant. 4. Itaque perioeci ad eundem modum etiam nunc eis vtuntur, vt minus ea legum decreta primus instituisse videatur. Insula verò ipsa situm habere videtur probum, & ad Græciæ imperium accommodatum: imminet enim omni mari, cum Græci ferè omnes oram maritimam inhabi-

inhabitant. Nam Creta breui interuallo hinc à Peloponneso, illinc ab Asia, & eo loco qui est circa Triopium, & Rhodum dirimitur, quo factum est vt Minos maris imperio potiretur, & insulas partim in ditionem redigeret, partim incolendas curaret. qui postremò Siciliam aggressus, ibi ad Caminum è vita migravit. Cretensium autem instituta & mores Laconicos æmulantur. Nam vt ilotes Laconibus, sic periceci Cretensibus agros colunt: & sunt apud vtrosque comesationes, & antiquitus Lacones non Phiditia, sed Andria, quemadmodum Cretenses nominabant. quo palam fit, illinc ad Lacones peruenisse. In ordine quoque Reipub. est quædam æmulatio: nam Ephori eandem habent potestatem, quam qui Cosmi dicuntur: nisi quòd Ephori sunt quinque numero, Cosmi verò decem. Senatores autem pares sunt Senatoribus, quos Consilium Cretenses appellant. Regnum cum prius fuisset apud Cretenses, postea sublatum est: & Cosmi sunt bellorum duces: ad popularem verò consultationem omnes admittuntur, nihil tamen geritur concionis arbitrio, nisi quòd Senatorum & Cosmorum decreta suffragio consciscit. Cæterum comesationes rectius sunt apud Cretenses, quam apud Lacones institutæ: nam Lacedæmone per capita quisque partem constitutam tribuit, sin aliter lege, vt suprà diximus, Rempub. capeßere vetatur: apud Cretenses communior est ratio. Nam ex prouentu fructuum atque pecorum, & ex publicis vectigalibus & tributis, quæ à pericecis conferuntur, pars est tum ad Deos & publica munera, tum ad comesationes constituta. Itaque omnes aluntur ex publico, mulieres, pueri, atque viri: multa etiam legumlator ad victus parcitatem tanquam rem utilem pertinentia philosophatus est. Ad mulierum autem disunctionem, ne multi filij procrearentur, consuetudinem masculorum induxit, rectè, an secus, alius erit disputandi locus. Comesationes igitur melius esse Cretensibus institutas, quàm Laconibus, certum est: sed quæ pertinent ad Cosmos, peius, quàm quæ ad Ephoros. Nam quæ mala ex Ephorum, eadem ex Cosmorum imperio nascuntur. Cum enim fiant hic quoque vulgares homines, commoditas tamen quam illic capit Respublica, nulla est apud Cretenses: illic enim plebs quoniam cum Ephori ex omnibus creentur, summi magistratus est particeps, saluam esse Rempublicam vult. Hic non ex omnibus Cosmi, sed sex generibus quibusdam cooptantur: & Senatores ex ijs qui Cosmi cum magistratum gesserint,

serint, de quibus perinde possumus, ac de ijs quæ in Lacedæmonios cadunt, disputare. Vt enim sine correctione magistratum gerant, utque in eo tota vita permaneant, maius est ipsorum dignitate. & illud periculosum, ut imperio non ex legis scripto, sed suo iudicio & arbitrato fungantur. Nam quod populus expers eius magistratus quiescat, nullum est argumentum rectè institutæ Reipublicæ. Nec enim ut Ephoris, sic Cosmis est occasio, ut venalem magistratum habeant, cum insulam incolentes & longe à corruptoribus absint. Neque verò probanda medicina est, qua huic errori medentur: quippe quæ non civilis est, sed 7 dynastiæ potius accommodata. Quoniam sæpe Cosmi à conspirantibus vel collegis, vel priuatis hominibus exiguntur. Sed interim Cosmis ipsis magistratu sese abdicare licet: quæ omnia rectius ex lege, quàm ex voluntate hominum quæ periculosa norma est, efficerentur. Sed vincit omnem prauitatem ea rerum perturbatio, quam potentiores inferunt, cum iudiciorum pœnas dare nolunt: quo item declaratur, ciuitatis ordinem quo Cretenses vtuntur, aliquid habere Reipub. 8 non tamen esse Rempublicam, sed potius dynastiam, qui scisso populo, amicis quæ rem ad vnius imperium deferre solent, tumultuantibusque intestino bello dissidere. At quid interest, tale quiddam fiat, an ad tempus quæ talis est, ciuitas esse desinat, dissoluta civili societate? Est autem periculosa ciuitas eorum, qui turbam ac iniuriam inferre & velint & possint. Cæterum, ut diximus, beneficio loci cōseruatur, qui externorū hostiū inuasiones excludit 9 quo fit, ut pericæci in officio Cretensib. cōtineantur, cū ilotes sæpe numero desciscant. quoniā Cretenses externū imperiū nullū habēt, bellū tamē quod insulæ nuper fuit extrinsecus illatū infirmitatē legū ipsius declarauit, sed de Republica Cretensiu haec tenus.

Scholia in Caput VIII.

1 CRETENSIUM Reipub. cum ab hac non longè discreper. Multa Cretensiu instituta simillima esse dicit Lacedæmonijs, propterea quod Lycurgus qui leges dedit Lacedæmonijs, diu versatus in Creta insula, quæ centum vrbibus olim habitabatur: multa inde fuerit mutuatus ex legibus à Minoe datis, qui olim in Creta regnauit: quam insulam occasione loci, magnam facultatem habere dicit ad Græciæ imperio potiundū. sūt aut̃ his duabus reb. publicis hac similia, quod ut ilotes Lacedæmonijs, sic pericæci Cretensibus agros colunt: & quod vtrique, comesationibus vtuntur, item quod Ephoris Lacedæmoniorum eadē est potestas, quæ Cosmis apud Cretenses, nisi quod hi sunt

sunt decem, Ephori quinque numero, & Senatores totidē numero sunt utrobique. Comesationes eo differunt, quodd Cretensibus ex publico fiunt, quodd est commodius, Lacedamonij ex priuato suam singulis partem conferentibus. Sed eōtrario Ephororum ratio commodior est quā Cosmorum. Nam Ephori ex omni populo deliguntur, Cosmi ex certis hominum generibus, & Senatores ex ijs qui Cosmi fuerint. Senatores perpetui sunt, quemadmodum apud Lacedamonios: & sine correctione & controuersijs dijudicant, non ex legum scripto, sed suo iudicio. Vnde eadem incommoda consequuntur, quae apud Lacedamonios. Itaq; Respub. Cretensium non legum, sed loci beneficio conseruatur.

2. Lycurgum memorant. Lycurgus Eunomi Lacedamoniorum regis filius fuisse traditur, minor natus Polidecte fratre, ex quo Charilaus posthumus natus est. igitur Polidecte mortuo, qui patri in regnum successerat, Lycurgus regnum suscepit. Sed cum fratris uxorem grauidam fuisse relictam cognouisset, palā professus est se fratris filio, si mas fuisset natus, regnum traditurum: & interim se non regem, sed regni procuratorem fore. Nato Charilaos cum menses octo regnum administrasset, uitanda inuidia & suspicionis causa, si quid infanti humanitus accidisset, omīssa procuratione, vrbe discessit, & in Cretam nauigauit, tam diu absfuturus, donec heredem regni Charilaus genuisset. Sic enim vocabatur, nomine sumpto à populari gaudio, quod magnum fuit cum ipse nasceretur, non Charillus, ut perperam est in codicibus Aristotelicis scriptum.

3. Quoniam Lyctij. Qui Lyctum Creta urbem habitabant. Propter cognitionem igitur quae Lacedamonij erat cum Lyctijs (hi enim à Lacedamonij qui Lacones quoque & Spartani seu Spartiata nominantur, fuerant in Coloniam deducti) Lycurgus apud ipsos fuit, in Creta commoratus.

4. Itaque perieci. Perieci si quis ad verbum interpretetur, sunt vicini circuniecti: aut igitur periecos dicit Cretenses, alios qui oppida Lycto circuniecta inhabitabant, aut agricolas qui ciuibus Cretensibus agros colebant. nam in Creta hoc erant perieci, quod ilotes apud Lacedamonios: qui perieci non serui, sed vectigales erant, de quorum tributis infrā mentionem facit. Cum igitur hi perieci incola vetustissimi Creta legibus illis vterentur, probabile est eas leges antiquissimas esse, & à Minoe datas.

5. Ex generibus quibusdam. Ex certis ordinibus.

6. Longe absint à corruptoribus. Cretenses Cosmi propter interiectū mare longē ab hostibus absunt, à quibus possint muneribus corrumpi, non tam propter magnum interuallum, quā propter nauigandi difficultatem.

7. Dynastiae potius accommodata. Dynastia est extrema & pessima

species paucorum potentia, de qua differitur lib. iiij.

8. Non esse Rempubicam. Nullo genere Reipub. propriè cōtineri, quia Respub. est ordo vrbe incolentium, vt ipse definit lib. iij. Hic autem nullus penè ordo est, & ubi leges non imperant, vt ipse ait lib. iij. non est Resp. id est civilis communitio, quoniam igitur Respub. Cretensium non tam legibus quàm potentiorū libidine geritur, idcirco ipsorum nō est prorsus Respub. sed potius dynastia. Nam licet dynastia inter species Reipub. quæ dicitur paucorū potentia, numeretur: tamen iam impropiè dicitur paucorū potentia, vt vltima species Reipub. popularis, quæ huic similis est, non propriè dicitur Respub. popularis, aut omnino Respub. quia iam definit esse ordo civilis, vt ipse testatur lib. iij.

9. Quo fit vt pericæci. Quoniā interiectū mare hostes à Creta submouet, pericæci non habent deficiendi occasionē, vt ilotes: qui cum essent in continetate, vicinorum hostium favore & auxilio in Lacedæmonios arma sumebant.

CAPVT IX.

1. CARTHAGINIENSIVM verò Resp. rectè instituta esse, & cæteras multis in rebus excedere videtur, sed quibusdam institutis Laconicam potissimum æmulari. Nam hæ tres finitimæ sunt inter se, longeque cæteris præstant, Cretæsis, Laconica, & quæ tertio loco memorata est Carthaginienfis: & multa sunt apud ipsos probè constituta. Rectè autem eis institutam esse Rempubicam argumento est, 2 quòd cum plebem habeat, retinet tamen ordinem Reipub. nec seditiones in ea, quæ quidem memorabiles sint, nec tyrannides extiterunt. Hæc autem habet quibus Laconicam
3. Rempub. æmulatur, 3 sodalitatum comestationes, quæ Phiditijs sunt similia: centum quatuor virorum imperium, quod Ephoris
4. respondet, nisi quòd hoc habet melius institutū: 4 illi enim ex quibus suis gregarijsque sunt. hoc autem imperium optimo cuique mandatur. Sed reges habent & Senatum Carthaginienfes, Laconicis Regibus & Senatoribus respondentes: & hoc quoque commodius est. 5 reges non ex eodem genere, nec ex quouis deligere, aut si quod genus est præstantius alijs, ex hoc ei regnum deferre, qui virtute, non qui ætate cæteros antecedit. Nam cum magnarum rerum summam potestatem reges accipiant, si sint ignaui, magnis incommodis ciuitates afficiunt, 6 vt iam Lacedæmoniorum ciuitatem affecerunt. Pleraque igitur, quæ quia vitiosa sunt, vituperan-

perantur, communia sunt cunctis, de quibus diximus, Rebus publicis. Ex ijs verò quæ ad statum optimatum & Reipublicæ rationem referuntur, quædam ad popularem statum, quædam ad paucorum potentiam magis inclinant. 7 Nam quæ velint ad populum referre, 7 quæ secus, in arbitrio regum est & Senatorum. quæ si quid omnes communi consensu decreuerint, id ratum est: sin aliter, hoc etiam pertinet ad iudicium popolare. Quæcunque autem referuntur, ea non solum audiendi populus, sed etiam statuendi summam potestatem habet. & si quis contra relata dicere velit, licet quod in alijs Rebus publicis negatur. 8 Cæterum à seipsis deligi 8. quinque viros, quorum arbitrio multæ res & magnæ geruntur, & 9 centumviralem magistratum, qui maximus est, hos deligere, 9. & hos diutius imperare quàm alios: quippe cum & ante, & post gestum magistratum imperium teneant: hæc inquam omnia pertinent ad paucorum potentiam. Quod autem sine mercede magistratus gerunt, quod non sorte creantur, & si quid aliud habetur huiusmodi, conueniens est statui optimatum: & item quod causas cunctas qui tenent imperium, non quemadmodum apud Lacedæmonior, alij alias cognoscunt. Cæterum apud Carthaginenses sic habet optimatum status, ut maximè ad paucorum potentiam deflectat, 10 ex quadam quæ vulgo probatur existimatione, 10. Non enim solum virtutem, sed etiam diuitias spectari in magistratibus mandandis oportere censuit, propterea quod fieri non possit ut egenus recte obeat imperium, & magistratui gerendo vacet. Cū igitur ut diuitiæ creandis magistratibus suffragentur ad paucorum potentiam, virtutem autem spectari ad optimatum imperium pertineat, 11 hæc esse tertia quædam ratio constituta Reipublicæ apud Carthaginenses videri potest. Nam hæc duo spectantes magistratus creant, præsertim maximos, reges dico, ac bellorum duces. Hunc autem errorem ab optimatum statu deflectendi, legumlatoris peccatum fuisse putare conuenit. Nam hoc ab initio providere necessarium in primis erat, ut virtute præstantes in otio absq; vlla fœditate degere possent, non solum in magistratu, sed etiam in vita priuata. 12 Quod si propter otium diuitiarum est habenda ratio, tamen turpe est maxima imperia regnum & ductum militarem facere venalia. Hæc enim lex diuitijs quàm virtuti maiorem dignitatem tribuit, & in omnem ciuitatem auaritiā inducit. 13 Quicquid autem Reipub. principes in honore

- nore habent, eo necesse est ut ceteri ciues ipsorum sententiam sequantur. Porro in qua Republica virtus non est maximè omnium in precio, in hac optimatum imperium stabilitatem habere non potest. Nam qui magistratus emerint, hos quæstibus assuescere probabile est, cum factio sumptu imperia sint assecuti. Nec enim credibile est fore, ut vir egenus quidem, probus tamen quæstui
14. Rempublicam habere velit: deterior 14 qui sumptus fecerit, non velit Qui ergo magistratus ex virtute gerendi facultatem habent,
 15. hos fungi magistratibus oportet. Quod 15 si iam proborum egestatem legumlator contemnebat, oportuit tamen otio magistratuum consulere. Illud quoque improbandum esse videtur, quod tamen apud Carthaginienses gloriosum habetur, eundem pluribus magistratibus præesse. Nam vnum opus ab vno optimè perficitur. quod ut fiat, munus est legumlatoris providere, nec iubere ut tibia canat
 16. quisquam, & idem calceos conficiat. Itaque 16 nisi parua sit ciuitas, ciuile est & magis populare, ut pluribus magistratus communicentur, est enim, ut diximus, communius, & eorum quodque melius, celeriusque perficitur, ut tum in bellicis rebus, tum in nauticis apparet. Nam utrobique per omnes ferè com meat imperandi & parendi vicissitudo. Sed cum Respublica ad paucorum imperium sit
 17. redacta, 17 optimè tamè incommodum effugiunt, semper aliquam
 18. plebis partem 18 quam in oppida mittunt, ditantes: hoc enim medentur, & stabilem Rempublicam faciunt. At hoc fortunę opus est, & beneficium, cum tamen dissidendi occasiones sublatas esse oporteat legumlatoris prouisione. Nunc si res tante fortuna, qui sub imperio sūt à Republica defecerint, nulla medicina est in legibus, qua plebs valeat in quiete, ac in officio contineri. Ac Lacedæmoniorū quidem & Cretensium Carthaginiensiumque Respub. quæ merito celebrantur, ad hunc modum sese habent.

Scholia in Caput VIII.

1. CARTHAGINIENSIVM verò Respublica. Disputat in Carthaginiensium Rempublicam, ipsamque docet quibusdam in rebus amulam esse Lacedæmoniorum Reipublicam, ut in comensationibus, non totius populi, ut apud Lacedæmonios, sed quarundam sodalitarum, & in centum quatuor virorum imperio, quod simile erat Ephoria, item in Regibus & Senatoribus. sed Reges, inquit, commodius à Carthaginiensibus, ex cuiusque meritis & digni-

dignitate deligebantur, quam à Lacedæmonijs, qui ex vno duntaxat Heraclidarum genere Reges accipiebant. Sed Carthaginiensis Respub. partim ad popularem inclinabat, quatenus scilicet multa in Regum Senatorumque discordia ad populum referebantur, partim ad paucorum potentiam, in magistratuum scilicet creatione. Sed illud erat optimatum statui conueniens, quod sine mercede magistratus gerebantur, & quod suffragio mandebantur, non sorte, sed magna ex parte in paucorum potentiam inclinabat, quia magna diuitiarum ratio in mandando magistratibus habebatur, quanquam virtus quoque spectaretur. in quo tamen ea fuit legumlatoris culpa, quod rationem qua viri prestantes virtute, licet essent egeni, otio frui, & magistratus gerere possent, non inuenit. Illud quoque improbat, quod cum vnus magistratus ab vno multo melius administraretur, & hoc sit populo gratius, ut plures sint Reipublicæ participes, tamen vnus homo multo simul magistratibus fungebatur.

2. Quod cum plebem habeat. Cum plebs sit particeps Reipublicæ. Nam in quibusdam rebus publicis plebs omnino à publicorum munerum administratione summoventur: cum autem plebi Respub. communicatur, magna prouisione opus est ne ex honorum distributionibus, & publicis deliberationibus seditiones, aut etiam tyrannides existant.

3. Sodalitatum comesationes. Non enim tota ciuitas erat in comesationes distributa: ut apud Lacedæmonios, sed sodalitates quadam & collegia comesationibus utebantur: nam fortassis quinquaginta simul coenabant, & item centumquatuorviri, quæ societates possunt etiam in Græcè, Latine sodalitates, sine collegia nuncupari: hæc verò comesationes similes erant Lacedæmoniorum comesationibus, Phiditijs nominatis.

4. Illi enim ex quibusuis. Ephori ex plebeis & vulgaribus magna ex parte creabantur.

5. Reges deligere. Ratio, inquit, reges deligendi commodior est Carthaginiensibus, quam Lacedæmonijs: his enim ex vno Heraclidarum genere reges erant, qui hereditario & ætatis iure regnum à patribus traditum accipiebant. Carthaginienses autem non ex vno genere sine familia, sed nec ex quouis genere, sed ex optimis & prestantibus generibus, ut visum esset, reges deligebant. Quod si genus aliquod maximè probabant, ex hoc non ei qui maximus natus esset, sed qui virtute præstaret, regnum deferrebant.

6. Ut iam Lacedæmoniorum ciuitatem affecerunt. Quia non ex virtute & rebus gestis delectos Reges accipiebant, sed qualescunque nati essent iure hereditario. in quibusdam exemplaribus non Lacedæmoniorum legitur,

O

sed

sed Carthaginiensium: quod si rectè habet, eo pertinet, ut Carthaginienses intelligantur magna incommoda ex Regum ignavia pertulisse, si quando pretio aut amore corrupti prauum Regem constituisent.

7. Nam quæ vellent. Locus est difficilis, dictio græca in hunc modum habet: τὸ δὲ πρὸς τὸν ἄνθρωπον, τὸ δὲ μὴ πρὸς τὸν δῆμον διβασιλεύει χύριοι μὲν τῶν γερόντων, ἀνὸς γὰρ μὴ πάντες, εἰ δὲ μὴ, καὶ οὗτος δὲ δῆμος. Quod est Latine penè ad verbum, ut hæc ad populum referantur, illa secus in arbitrio Regum est & Senatorum, si consenserint omnes: sin minus, etiam hæc pertinent ad populum. quod si sic accipiat, ut à plerisque posse Reges & Senatores qua velint ad populum referre, si tamen omnes consenserint, esse referendum, sensus ineptus esse videtur & perplexus. Hoc enim modo cuncta ad iudicium & arbitrium populare pertinerent: quia si consentiunt omnes ut referatur, tum ea dicit ad populi iudicium pertinere: si non consentiunt omnes, referri oportet si autem referatur, iam earum rerum iudicium populo permittitur. Ergo viroque modos committenda est populi iudicio: quam difficultatem commodè interpres expediuisse videtur, sic accipiens & exponens sensum, ut aliquid esset per intelligentiam adiciendum, ut sape fit apud Græcos, præsertim Atticos, & ipsum Aristotelem dicitur, ἔλλειπὸς λόγος, id est manca oratio, & in qua aliquid desideratur. Igitur illud si consenserint omnes, non pendet ex superiore oratione, sed potius est eius repetitio & declaratio in hunc modum: Si consenserint de re quapiam omnes Reges & Senatores, subaudi, nihil est necesse ad populum referre, aut id ratum est in quo consentiunt sin minus, id est si fuerit inter ipsos dissensio, referendum est ad populum, & sic populus habet de his deliberandi & statuendi potestatem.

8. Cæterum à seipsis deligi quinque viros. Id est à centum quatuor viris, ex ipsis centum quatuor deligi quinque viros: ab illis enim eligi docet eū ait, & ceterum deligere hos viros. quod licet per amphibologiam dictum sit ab Aristotele obscuritatem interdum affectante, tamen intelligendum est quinque viros à centum quatuor ex suo numero legi. Hæc igitur continere ait paucorum potentia: & item illud, quod quing, viri diutius imperant, quā alij scilicet centum quatuor: quoniam ante quinqueuiratum erant in ceterum virali magistratu, & post centumviralem, in quinqueuiratu, qui maximus erat magistratus.

9. Centumviralem magistratum. Quem gerunt centumviri, nam & si centum quatuor esse paulò antè dixerat, tamen centum dicit, ut suprà in Repub. Platonis, cap. iij. Cum Plato custodum quinque millia & quadraginta dicat, ipse quinque millia dicit, omittens paruum numerum breuitatis

CAN.

causa, qui parum aut nihil facit ad rem.

10. Ex quadam quæ vulgò probatur ex estimatione. Virtuti scilicet obesse paupertatem ad Rempublicam rectè gerendam, atque ideo magistratus bonis simul & diuitibus esse mandandos.

11. Hæc esset tertia ratio. Nam vna ratione hæc Respublica constituta est conueniente statui populari: altera paucorum potentia: tertia statui optimatum.

12. Quod si propter otium. Quamuis sit ratio diuitiarum in mandandis magistratibus habenda, vt egerendu vacent ab operibus necessarijs: ij quibus fuerint mandati, tamen turpe est & Respublicam perniciosum maximos magistratus facere venales, id est reges & bellorum duces per largitionem emptis suffragijs constitui, à quo scilicet malo Carthaginienses non aberant.

13. Si quid autem Respublicæ principes. Quos pecuniarum studiosos esse oportet ad summos magistratus emendos, si venales sint.

14. Qui sumptus fecerit. Vel emendo magistratum initio, vel ipsum suis sumptibus gerendo sine mercede publica.

15. Si proborum egestatem, ἀπορία. Sic enim legitur in exemplaribus emendatis, non ἐστέρια. quamuis, inquit, non consuleret proborum hominum egestati in vita priuata, tamen providendū erat, et possent otium habere ad gerendos magistratus, proposita ei publica mercede, aut alia ratione.

16. Nisi sit parua ciuitas. Nam cum ciuitas parua est, necessitas & paucitas hominum idoneorum cogit plures magistratus vni viro mandare, & veru lucernas facere, vt ipse declarat lib. quarto, cap. decimoquinto.

17. Optimè incommodum effugiunt. Vt aut plebs seditiones.

18. Quam in oppida mittunt. In oppida Carthagini subiecta, vt eis præfint & ex præfectura discedit: hac enim ratione optimè effugiunt seditiones, quæ à plebe possent excitari paucorum potentiam indignante.

CAPVT X.

1. QVI de Republica præceperunt, horum quidam nullis omnino publicis muneribus functi sunt, sed vitam priuatam perduxerunt, de quibus ferè omnibus si quid memorandum tradidere, suprâ est à nobis disputatum. Alij Rempublicam ipsi gerentes partim suis ciuitatibus, nonnulli externis leges scripserunt, quorum quidam 2 legum duntaxat fuerunt auctores. Alij Rempublicam quoque fundarunt, vt Lycurgus, & Solon: hi enim leges & Rempublicam cōdiderunt. De Lacedæmoniorum igitur Republica

Zaleuci Charondam auditores fuisse tradunt, temerè tamen, ¹⁴ nec
temporum rationi congruenter. Philolaus quoq; Corinthius The-
banis legum conditor fuit. Erat autem Philolaus ¹⁵ ex Bacchida-
rum genere, qui Dioclis Olympionicæ amore captus, cum hic ma-
tris Alcionæ amorem perolus urbem relinqueret, ipsum est The-
bas sequutus, atque ibi vterque vita functus est, quorum sepulchra
monstrantur etiam nunc eo situ, ut alterum ex altero videri queat,
sed ita ut in Corinthiorum agrum, ex altero prospectus sit, ex alte-
ro non item. Sic enim fabulantur ¹⁶ sepulturam ipsos constituisse,
Dioclem propter dolorem acceptæ calamitatis, ne Corinthius ager
à tumulo prospiceretur: Philolaum, ut prospiceretur. Tali ergo
causa ut apud Thebanos morarentur, inducti fuisse memorantur,
quibus Philolaus, cum de reb alijs leges tulit, tum de filiorum pro-
creatione, ¹⁷ quas leges illi theticas appellant, quasi postuias. Illud
aut propriè ab eo sancitum est, ¹⁸ ut numerus patrimoniorum ser-
uaretur. Charondæ nullum est proprium institutum, præter iudi-
cia de falsis testimonijs. Hic enim primus his de rebus consideravit,
fuitque accurata leges condendi ratione. ¹⁹ huius etiam temporis
legumlatoribus argutior. Philolai propria est patrimoniorum inæ-
qualitas. Platonis vxorum & filiorum, honorumque communi-
tas, & mulierum comestiones. Præterea lex in ebrietatem, ut so-
brij conuiuijs præficerentur: ac de bellicis exercitationibus, ut medi-
tando fierent, milites ambidextri: nec enim oportere ut altera ma-
nus vsui sit, inutilis altera. Draconis extant quidem leges, quas ta-
mè dedit ²⁰ Reipublicæ iam constitutæ, in quib. legib. nihil est pro-
prium, quod quidem sit memoriæ prodendum, præter seueritatem
²¹ ob pœnæ magnitudinem. ²² Pittacus quoque legum scriptor fu-
it, non tamen Reipublicæ conditor. Huius fuit propria lex, ut ebrij
si quem pulsassent, grauiori pœna, quàm sobrij plecterentur. Nam
quia plures temulenti quàm sobrij contumeliam inferunt, non ad
veniam spectauit, quæ potius est danda temulento, ²³ sed ad vilita-
tem. ²⁴ Andromachus quoque Rheginus leges Thraciæ Chalci-
densibus condidit, cuius extant leges de re capitali, & de puellis o-
bis ad quas parentum bona peruenerint. Nihil tamen est quod ab
hoc propriè sancitum esse dicere queas, sed de Rebus publicis, tum
²⁵ quæ propriè intelliguntur, tum de quibus quidam conscribere
hactenus.

1 QVI de Republica præceperunt. Explicat legumlatorum discrimina quorum aliquos vitam priuatam perduxisse, alios Reipub. muneribus fuisse tradit, & horum quosdam leges duntaxat tulisse, alios Respublicas etiam instituisse. Deinde Atheniensis Reipublica rationem paucis commemorat, ut fuerit ex varijs Reipub. generibus à Solone omnium ordinum habitata ratione constituta, ut postea corrupta à popularibus hominibus, & in popularem formam redacta, tum multos diversarum gentium legumlatore, & philosophos, qui leges scripserint recensent: & quid propriè quisq; sanxerit, commemorat.

2 Legum duntaxat fuerunt auctores. Non condiderunt siue constituerunt Rempublicam sed iam condita leges tulerunt.

3 In morem maiorum. Non in eum quo nunc Athenienses vivuntur depravato & dissoluto, sed ita ut propriè Respub. & esset & nominaretur ex varijs generibus Reipub. temperata, ut statum popularem constituisse ab his Solon diceretur: non quod statum popularem instituisset, quæ forma est Reipub. depravata, sed quod populum à paucorum dominatu liberasset, & participem Reipub. fecisset.

4 Areopagi consilium. Senatum: est enim Areopagus curia siue locus Athenis, ubi Senatores consultabant, unde Senatores Areopagita dicebantur.

5 Populum autem constituit. Habuit rationem populi, atque ei magistratus communicavit.

6 Quod alteram Reipublicæ partem sustulisset. Partem locupletum, & optimatum.

7 Populo quasi tyranno. Tres Respublica depravata inter se cognata sunt, & similima, ut ipse declarabit: in monarchia, tyrannis: in paucorum potentia, Dynastia: in populari, extremus status popularis. Ut autem tyranno adulatores, sic extremo populo quasi tyranno homines populares blandiuntur, qui gratè δῆμαγωγοί nominantur, à quibus Rempublicam Atheniensium in eum statum quo tunc erat, deductam esse dicit.

8 Areopagi consilium Ephialtes & Pericles compescuit. Senatorum auctoritatem & potentiam minuit. Ephialtes autem fuit, ut refert Plutarchus, Pericles administer in augenda populi potentia, ut per hanc ipse Pericles Atheniensium Reipublica dominaretur.

9 Nam populus cum navalis victoriæ fuisset auctor Medorum bello. In eo bello quod Xerxes Medorum, & Persarum rex, cum in finiope destitit & navali exercitu Græcia invulit. Victus enim fuit ad Salaminē insula.

lam pr a

lam pralio nauali virtute Gracorum, sed potissimum Atheniensium, idq; omnium iudicio, ut refert Trogus Pompeius, ex qua victoria populus Atheniensis magnos spiritus, magnamq; arrogantiam sumpsisse ab Aristotele dicitur. In omnibus graecis exemplaribus quae mihi videre contigit, hoc in loco τὸ ναυαρχίας scriptum est, quae vox non victoriam naualem, sed nauum praefecturam significat. Nec facile potest ad aliquem huc conuenientem sensum accommodari. quare cum hic perspicue pralium nauale significet Aristoteles, quo Medii victi sunt à Graecis, mendum subesse suspicari mihi venit in mentem, & pro ναυαρχίας suppositum fuisse vitio librariorum, ναυαρχίας facillimo scilicet lapsu: ναυαρχία enim naufragium sonat proprie, & per translationem quencunque casum seu cladem, auctore Suida, ut hoc verbo clades Medorum naualis & Gracorum victoria significetur. quae ratione ductus non nauum praefecturam, sed victoriam naualem conuertit: nam vitrocunque modo legatur, sensus in hanc intelligentiam est reuocandus.

10 Hostili odio dissidere. & gerentibus Rempublicam.

11 Quorum census esset quingentorum medimnorum. Solon, ut refert Plutarchus, maximum primumq; censum quingentorum medimnorum esse voluit: secundum trecentorum, tertium ducentorum, quartum extremum, in quo opifices & mercenarii continebantur. Quorum qui secundum censum habebant, equites: qui tertium, & engitas vocari Plutarchus idem tradit. Quod si verum est, Aristoteles non ordine magnitudinis, sed ut venit in mentem census numerauit, cum equestrem ordinem tertio loco posuit.

12 Locris Epizephyrijs Ternos Locros memorat auctores, Locros Ozolos, Aetolos proximos, Locros Epicnemidios, qui olim leges dicebantur, per quos Cephus annis defertur. Locros Epizephyrios in Italia parte, qua magna Graecia dicebatur à Zephyrio promontorio, ut refert Plinius, cognominatos.

13 Ceteris Chalcidicis Siciliae & Italiae ciuitatib. Erant scilicet populi non modo in Sicilia sed etiam in Italia Chalcidici cognominati, qui à Charonda leges acceperunt. Haec autem omnes ciuitates siue populi originem ab Eubæa Chalcidensibus traxisse videntur. Certe Hellanicus Theoclem memorat, cum Chalcidensibus & Naxys vrbes in Sicilia condidisse. Chalcis autem vrbs est in Eubæa.

14 Nec temporum rationi congruentur. Non his temporib. vixere philosophi, & legulatores memorati, ut possent hoc ordine alij aliorum esse discipuli.

15 Ex Bacchidarum genere. Bacchidarum familia nobilissima fuit Corinthi, genus à Baccho ducens, ut Heraclida ab Hercule.

16 Sepulturam ipsos constituisse. Eorum exemplarium fidem secutus est interpres, in quibus τὰ φέρον legitur, in alijs enim γὰρ φέρον id est scripturam

pturam habetur. Sed illa lectio magis placuit: est enim sensus sic utrunq; illerum constituisse suam sepulturam.

17 Quas leges illi theticas appellant. Fortasse quia erant velut fundamenta Reipublicæ. Nam $\delta\epsilon\omicron\varsigma$ interdum, ut $\iota\omega\epsilon\delta\epsilon\omicron\varsigma$ fundamentum significat. quod verò ait de filiorum procreatione, ad ritum nuptiarum referendum esse videtur.

18 Ut numerus patrimoniorum seruetur. Ut patrimonia manerent indiuisa: nam per diuisionem numerus crescit.

19 Huius temporis legumlatoribus argutia. Platonem designare videtur, quo Charondam dicit argutiorem, id est solertio rem in ferendis legibus fuisse.

20 Reipublicæ iam constitutæ. Reipublica Atheniensium, qua iam ante Draconem fuerat instituta.

21 Ob pœnæ magnitudinem. Omnibus enim criminibus, etiam leuissimis, capitis pœnam Draco constituit: ut rectè Demades Draconem leges non atramento, sed sanguine scripsisse dixerit. Quamobrem omnes latus ab eo leges, præterquam de homicidio, Solon antiquauit.

22 Pittacus quoque. Mitylenæus hic fuit inter septem sapientes connumeratus, qui imperium à suis Mitylenæis delatum, cum decem annos tenuisset, datis legibus sponte deposuit, & paruo contentus, dimidium dicebat plus esse quàm totum, ex Diogene Laertio.

23 Sed ad vtilitatem. Ut magnitudine pœna homines ab ebrietate detererentur.

24 Andromachus quoq; Rheginus. Ex Rhegio vrbe Italia ad fretū Siculum, & magnam Graciam. hic igitur fuit ex ijs, quos supra dixi alienis ciuitatibus leges dedisse. Dedit enim Chalcidensibus Thracia, quorum vrbs Chalcis erat ad montem Athon, qui licet ab alijs in Macedonia parte numeretur, tamen Aristoteles eam Thracia tribuere videtur, quam olim latissimè patuisse docet Pomponius Mela, dum Thraciam à ponti lateris fronte vsque in Illyricos penitus immissam esse tradit.

25 Quæ propriè intelliguntur Quibus utebantur aliqua ciuitates.

Nam Respublica Platonis & si qua est alia ab aliquo philosophorum descripta, non tamen à ciuitate quaptam accepta, non propriè dicitur Respublica.

ARISTO.

ARISTOTELIS DE RE- PUBLICA LIBER TERTIVS.

Interprete & enarratore

IOANNE GENESIO SEPVLVEDA
CORDVBENS I.

CAPVT I.



VI de Repub. quæ & qualis quæque sit com-
mentatur, huius prima ferè consideratio est
de ciuitate, vt quid tandem ciuitas sit, intelli-
gatur. 2 Nunc enim contentiones existunt, 2.
quibusdam rem à ciuitate, alijs non à ciuitate,
sed à paucorum potentia, vel à tyranno acta
esse confirmantibus. Cæterum viri ciuile legum
quæ latoris munus totum videmus in ci-
uitate versari. Est autem Respublica ordo quidam vr-
bem incolentium. 3 Sed quoniam vt quoduis aliud totum, & ex multis partibus 3.
consistens, sic ciuitas est de numero compositorum. Dum ciuitas
sit ciuium multitudo, oportet haud dubiè vt primum omnium de ci-
ue differamus. quæ igitur oporteat ciue appellare, & quis ciuis sit, cõ-
siderandū est: nam sæpe ciuis in quæstionē venit, nec oēs eundē esse
ciue cõsentiūt: sæpe. n. qui ciuis est in populari principatu, 4 is nō est
ciuis in paucorū potentia. Omisiss igitur ijs qui alia quadā ratione 4.
hoc nomen sortiuntur, 5 vt ciues factitij, ciuis non loci habitatione 5.
censetur: hæc enim inquilinis quoq; & seruis est cum ciuib; co-
munis. Sed ne ij quidem sunt in ciuib; habendi, qui fori ius sic ha-
bēt, vt eis tribunal adire, ac ius petere liceat. Hæc enim facultas, ijs
quoque tributa est, qui cum ciuib; contrahunt, habentque com-
mercium: 6 nam & hæc eis permittuntur: de quorum hominum 6.
numero, inquilinis multis in locis 7 talis societas non perfectè com-
municatur, qui non simpliciter, planè, sed quodammodo ciues
appellādi sunt, vt pueri, qui propter ætatē 8 nondum scripti sunt, & 8.
senes qui iam 9 munerū vacationē habent: nam hos nō simpliciter, 9.
sed cum additamento, alteros imperfectos, alteros ic effectos ciues, 10.
aut tale quiddam appellamus: nihil enim refert, modo quod dici-
mus, in-

p

11. mus, intelligatur: quærimus enim ciuē simpliciter, & qui 11 nulla tali exceptione repelli valeat. nam similia & obijci possunt, & refelli, de infamib. & ijs qui missi fuerint in exilium. Ciuis igitur nullus.
21. la realia magis definiri potest, quàm quòd sit 12 iudicij & imperij.
13. 14. particeps, 13 sed imperia seu magistratus quædam sunt 14 tempore determinata, vt aliqua bis eundem obire prorsus non liceat, aut non aliter quàm certis temporibus interiectis: quædam verò indefinita,
15. 16. cuiusmodi sunt 15 iudex & consultator. 16 sed fortasse dicat aliquis, neque hos imperare, neque idcirco esse participes imperij. at ridiculum esset penes quos est maximarum rerum potestas, hos cum
17. imperio esse negare: 17 sed in nullo ponamus discrimine, cum sit
18. de nomine controuersia. nam 18 quod est consultari cum iudice commune, nomine vacat, nec est vocabulum quod vtrique conueniat: distinctionis tamē gratia imperium indefinitum nominetur.
19. Quibus igitur imperium 19 ad hunc modum communicatur, eos
20. ciues esse constituimus, atque huiusmodi quidem ferè est ciuis definitio, quæ in omnes qui ciues nuncupantur, maximè conueniat. Intelligendum est tamen in quibus rebus subiecta sic specie differunt, vt hoc sit primum, illud secundum, aliud tertium: in his aut nihil omnino, quia talia sunt, aut vix aliquid esse cōmune. Respub. autem specie inter se differre, & has posteriores, illas priores esse videmus. 20 Nam deprauatas & à recta norma deficiente, rectis & incorruptis posteriores esse necesse est: quomodo autē à recta norma digressas dicamus, postea declarabimus. Itaque cum ciuis alius in
21. alia Repub. necessario sit, efficitur 21 vt quē diximus, is in populari potissimum Repub. ciuis habeatur: vt verò in alijs fieri quidem
22. possit, non tamen sit necesse: in quibusdam enim 22 nec populus est, nec legitima concio, sed Senatores & per partes causas cognoscunt, vt Lacedæmone 23 de contractis pactisque rebus causas Ephori, sed alius aliam diiudicat: capitales autem Senatores, 24 & fortasse alius quidam magistratus alias. eodemque modo fit Carthagine. Quidam enim magistratus causas omnes cognoscunt. Est tamen quod corrigi possit in ciuis definitione: in alijs enim Rebuspub. non indefinitus magistratus consultor est & iudex, sed qui fuerit pro magistratus ratione definitus: nam ijs aut omnibus aut quibusdam deliberare & iudicare de rebus omnibus, vel de parte permittitur. Ciuis igitur quis sit, facilè est ex ijs quæ diximus, intelligere. Nam cui deliberandi & iudicandi in quaque ciuitate facultas ad-
- est,

est, hunc ciuem eius esse definimus: & ciuitatem talium hominum
 multitudinem, 25 cui, vt summatim loquar, copia suppetit earum 25.
 rerum quæ pertinent ad vitam degendam. 26 Sunt etiam qui 27 ad 26. 27.
 vltum ciuem esse definiant, qui non patre aut matre tantum, sed v-
 troque parente ciue sit procreatus: quidam vltius etiam, ad auos
 duos, trēsve, aut plures etiam procedunt. Quibus sic 28 ciuiler ac 28.
 breuiter definitis, quidam de tertio illo, & quarto, quomodo sit ci-
 uis habendus, exquirunt. Gorgias Leontinus 29 partim fortasse am- 29.
 bigendo, partim per ironiam dixit, vt mortaria sunt, quæ facta fue-
 rint à mortariorum artificibus: sic Larissæos esse, qui facti fuerint
 ab artificibus suis. Nam esse quosdam Larissæorum effectores, quod
 multum habet ruditatis: nam si essent Reipublicæ participes, essent
 vtique ciues ex dicta definitione: nec quod de patre ciue, aut matre
 dicunt, id potest in eos 30 qui primùm urbem vel incoluerunt, vel 30.
 condiderunt conuenire: sed de ijs fortasse magis quærendum sit,
 qui forma Reipublicæ mutata ad eius communitatem sunt recepti,
 vt Athenis factum est auctore Clisthene, 31 tyrannis exactis: nam is 31.
 in tribus multos peregrinos seruosque aduenas distribuit. Cæte-
 rum de his non quis eorum ciuis sit, sed iustè an secus facti sint ci-
 ues, quæritur. quo in loco illud præterea in quæstionem venire po-
 test, num si quis iniustè ciuis est, is protinus non sit in ciuibus ha-
 bendus, quasi 32 eadem sit vis iniusti & falsi. sed cum quosdam in- 32.
 iustè imperantes videre liceat, quos imperare quidem dicimus, ta-
 men iustè imperare negamus, & ciuis imperio quodam definiatur:
 nam cui 33 tale imperium communicatur, hunc ciuem esse dicimus, 33.
 dubitari non debet, quin hi quoque sint in ciuibus habendi: sed il-
 lud iustè an iniustè facti sint, ad quæstionem superiorem pertinet.
 Ambigunt enim nonnulli, quando ciuitas, quando nō ciuitas egit
 vt cum ex paucorum dominatu, vel tyrannide facta est Respub.
 popularis, tunc enim quidam 34 pactis, quasi ea non à ciuitate, sed à 34.
 tyranno inita sint, stare nolunt: nec alia multa huius generis ser-
 uare, quasi quædam Respublica vi non propter publicam com-
 moditatem consistat 35 Si ergo quidam rem populariter ad- 35.
 ministrant, hoc modo perinde acta huius Reipublicæ
 dicenda sunt acta huius ciuitatis, & quæ ex
 paucorum dominatu, & tyranni-
 de acta sint.

1 QVI de Repub. quæ & qualis sit commentatur. Quia Respub. est ordo urbem inhabitantium, id est ordo ciuitatis, præsertim magistratum, ut lib. iij. declaratur, cap. I. & item quia Respub. est vita ciuitatis, ut est in eodem libro iij. cap. xi. idcirco ut Reipub. rationem intelligamus, necesse est quid sit ciuitas intelligere: & quia ciuitas est ciuium multitudo, cum de partibus priusquam de toto sit more & instituto nostro differendum, primum omnium de ciue disputare conuenit, qui cum alius sit in alia Reipub. forma, tamen ciuis in vniuersum iudicandi, & deliberandi facultate censetur, quod virumque magistratus inde finitus nominatur: & hominum, quibus sic Respub. communicatur, multitudo: cui suppetat rerum necessariarum & commodarum copia, ciuitas esse definitur..

2 Nunc enim contentiones existunt. Non constat inter omnes quæ sit ciuitas appellanda: nam mutata Reipublica forma exempli gratia, ex paucorum dominatu, aut ex tyrannide in popularē, cum de fœderibus superioris tēporis atq; pactis standum sit, an secus, deliberatur quidam fœdera & pacta inita esse dicunt à ciuitate, & propterea seruanda: alij negant, sed à paucis, vel à tyranno, ac idcirco non seruanda, sed acta omnia rescindenda esse contendunt: quæ controuersia facile dirimetur, si ciuitas quid sit, definierimus..

3 Sed quoniam, ut quoduis aliud totum ex multis partibus consistens. Ut omne totum ex partibus diuisi generis constetam..

4 Is non est ciuis in paucorum potentia.. Ut qui liber est minimo tamen censu, huic enim Respub. in statu populari communicatur, in paucorum potentia non item: quare illic ciuis est, hic non habetur pro ciue.

5 Ut ciues facit iij. Ciuitate donati, qui non tam re sunt, quam priuilegio ciues.

6 Nam & hæc eis permittuntur. Mercatoribus, & qui in vrbe negotiantur, ius petere licet, & legibus agere, si quid detrimenti per iniuriam accipiant.

7 Talis societas. Iudiciorum communitas: coguntur enim in quibusdam ciuitatibus inquilini patronum ciuem adhibere, nec per se licet eis litigare: quo fit, ut non perfectè sint iudiciorum participes, ut declarant verba, quæ vetus ad verbum interpretatio hoc in loco adiicit: nam post illud, Talis societas non perfectè communicatur, addit hoc, sed necesse est tribuere astitorem: quare imperfectè aliquantulum participant tali communionem, ut gracū exemplar quod interpres ille sequitur, sic habuisse videatur, ἀλλ' ἀναγκᾶν ἀποδέναι παραστέλλω διὸ ἀτελεσπῶς μετέχουσιν τοιαύτης κοινωνίας

κοινῆς, quod siue glossema est in dictionem à librarijs translatum, siue in alijs codicibus desideratur, illum sensum habet, quem initio proposuimus.

8 Nondum scripti sunt. In albo, seu libro & catalogo ciuium.

9 Munerum habent vacationem. Immunitatem publici muneris gerendi.

10. Effectos ciues. Vt pote quibus vires iam aut corporis aut mentis, quæ & ipsa suum senium habet, vt supra dictum est, lib. ij. non sapient ad gerendos magistratus, & munera publica obeunda: non quod anima intellectua lis quæ immortalis est, senescat, sed quia deficientibus corporeis instrumentis, senectutis vitio, vsus quoque rationis & intellectus attenuatur, & quasi senescit, vnde natum est prouerbiū: huius pueri senes.

11 Nulla tali exceptione Qualis est inquilinorum conditio.

12. Iudicij & imperij. Iudicandi, quod sit etiam ferendo suffragium in mandandis magistratibus, & consultandi in conuentu populari.

13. Sed imperia seu magistratus. quod græcè est ἀρχή, hoc latinè tum magistratus, tum imperium dicitur: quare interpreter vnum vocabulum duobus declarauit. Magistratus igitur siue imperia quadam sunt definita tempore, non perpetua quadam indefinita.

14 Tempore determinata. quod græcè est διακρίναι, determinata conuertit interpreter: sic enim locus postulat, & verbum διακρίναι, saepe ab Aristotele in hanc intelligentiam vsurpatur, vt διακρίνει dicat tum disputare & differere, tum constituere, & ratione determinare.

15. Vt iudex & consultator. Potestas iudicandi præsertim ferendis suffragijs: hac enim iudicandi ratio ad plurimos pertinet, & deliberandi in conuentu populari. Nam ferre suffragium κρίναι solet Aristoteles dicere, id est iudicare, vt supra libro secundo de electione regum Carthaginensium, καὶ τὰ τὸν αὐτὸν βίον ἔχασον κρίνειν αὐτῷ βασιλεῖ. Nā per suffragiū iudicij inter cōperitores fertur, quare ipsam suffragiorū rationē κρίναι id est iudicium appellare solet, vt in eodē libro, & capite καὶ τὴν κρίσιν ἐστὶ πᾶσα διακρίνει. Præterea poscere gesti magistratus rationē, siue ex prouocatione corrigerere, quod græcè est ἐκθίβειν, ad iudicium pertinet, quod in multis Robustis populis permittitur, ac omnino permitti debet, vt ipse dixit libro secundo, capitulo ultimo. Consultorem autem siue consultatorem conuertit interpreter, quod græcè est ἐκκλησιαστής, quasi concionator, quoniam sic Aristoteles passim omnes qui in concione, id est in conuentu populari deliberant, appellat. itaque hoc ipsum deliberare modo ἐκκλησιασθῆναι dicit, modo βουλευθῆναι.

ut paulò infrà hoc eodem capite.

16 Sed fortasse dicat aliquis. Ceteri magistratus, ut consul, censor, imperator, siue dux belli, haud dubiè tenent imperium. at iudex qui nihil aliud esse videtur, quàm legis administer, & executor & deliberator, cuius partes sunt quid optimum factu sit, considerare, & constituere, habere imperum nō videntur: at eorum nullum esse imperium, qui maximam rerum potestatem habent in ciuitate, iudicum scilicet, & consultatorum absurdum dictū esse videtur.

17 Sed in nullo ponamus discrimine. Nihil nostra interfit, nec ea nos cura sollicitet.

18. Quod est consultori. Nullum est nomen commune, quo consultor & iudex nominentur, ut homo & equus, communi animalis nomine nuncupantur.

19 Ad hunc modum. Iudicando & consultando.

20 Nam deprauatas. Quemadmodum totum natura prius est parte, & ciuitas domo, ut dictum est in primo libro, id est potior, & melior: sic recta Respublica prior est, quàm deprauata.

21. Ut quem diximus Ciuis quēadmodum diximus definitus, scilicet qui iudicandi & deliberandi facultatem habet, quoniam in Republica populari nullus vnquam ciuis à concione seu deliberatione populari excluditur, nec à iudicio saltem ab eo, quo diiudicantur competitor, hoc est à ferendo suffragio, quod quanquam fieri possit eodem modo in alijs Rebus publicis, exempli gratia in paucorum potentia, vbi populus habet ferendi suffragium, & deligendi potestatem, sed ex magnis censibus, & de quibusdam rebus in concione deliberandi: tamen fieri potest, ut nec iudicare vllō modo, nec deliberare, nisi certis & definitis magistratibus liceat.

22. Nec populus est, nec legitima concio. Nihil per communem popularium conuentum deliberatur aut iudicatur.

23. De contractis pactisq; rebus. Contrahere cum altero dicitur, qui emit, vendit, locat, conducit, paciscitur, aut aliud simile facit: qui cōtractus & pacta, συμβόλαια, græcè nominantur. omnia autem iudicia, ut Cicero testatur, aut distrabendarum controuersiarum, quod pertinet ad res cōtractas & pactas, aut puniendorum malefactorum causa reperta sunt: cuius generis posterioris causa à Græcis ποινῶν δίκαι dicuntur, id est capitales, quia saepe in his de capite reus periclitatur: aut de exilio, quæ mors ciuilis nominatur, vulgo criminales dicuntur.

24. Et fortasse alius magistratus alias. Nam vtrunque genus causarū potest in partes diuidi, & diuersorum magistratum cognitioni tribui.

25. Cui

25. Cui copia suppetat. Quae multitudo eiusmodi sit, ut mutuo auxilio & facultatibus ciuium vniuersa ciuitas copiam rerum necessariarum, & commodorum ad vitam degendam habeat.

26. Sunt etiam qui ad usum ciuem esse definiant. Alteram ciuis definitionem proponit & refellit: nam quidam ciuem esse definiunt. qui utroque parente, aut etiam ciuis ciuibz natus sit. quae definitio nec in vrbe conditores conuenire potest, nec in eos qui primi urbem inhabitauerunt: quosdam etiam iniuste ciues esse factos docet, qui tamen veri sunt ciues, & ciuitatem tamdiu manere eandem, quamdiu manet eadem Republica forma.

27. Ad usum. In hac doctrina ciuili, ut libro primo declaratum est. quaedam cognitionis & contemplationis, pluraque usus & actionis gratia differuntur. Superior igitur ciuis definitio magis ad cognitionem & partem speculatiuam pertinet: hac usum & partem actiuam magis attingit.

28. Ciuilitate. Prout, pertinet ad usum, & administrationem ciuitatis.

29. Partim fortassis ambigendo, partim per ironiam. Nam ut ciuem definiret Gorgias, cuius parentes fuissent ciues, fortasse dubitando & quarendo fecit, quod verò mortariorum similitudine vteretur per ironiam quae latine dicitur dissimulatio: quanquam verbum ipsum ironia iam est in latinam consuetudinem receptum. Est autem ironia siue dissimulatio, cum aliquis de se minora suis virtutibus, vel doctrina prae dicat, aut dicit: ut Socrates, qui se cuncta ignorare dicebat, praeterquam quod nihil sciret. Gorgias igitur utitur exemplo mortariorum abiecto, & nimis vulgari, nec conueniente magno philosopho, velut innuens se vulgarem & indoctum esse, quod pertinet ad ironiam, de qua pluribus verbis differit Aristoteles lib. iij. Ethicorum ad Nicomachum. aut ironiam dixit pro ioco: nam εἰρωνεία, quo verbo usus est Aristoteles, interdum iocari significat, ut apud eundem in artis rhetorica, lib. ij. καὶ τοῖς εἰρωνεύουσιν πρὸς τοὺς ἀνδράποδας: κατὰ πρὸς τὸν γὰρ εἰρωνεία. Irascuntur, inquit, homines ijs, qui secum serio agentibus iocantur: nam iocus ad contemptum pertinet. Vt utitur autem Gorgias exemplo Larissarum, quae ciuitas est Thessaliae: quanquam Larissa multa etiam alia nominatur.

30. Qui primi urbem incoluerunt, vel condiderunt. Ut qui primi in aliquam iam conditam urbem coloni deducti sunt, vel ipsi urbem condiderunt. Nam cum essent ipsi primi ciues eius ciuitatis, non poterant ab alijs ciuibz eiusdem ciuitatis esse procreati: tunc enim essent ciues priores primis, quod fieri non potest.

31. Tyrannis exactis. Victi magna strage Athenienses à Lacedaemonijs, non aliter pacem ab ipsis impetrare potuerunt, quam ut triginta rectores ciuitatis acciperent, ex ipsis tamen Atheniensibus ut Respub. ex populari paucorum
poten-

potentia fieret, quod ubiq; facere Lacedamonij conabantur, qui triginta accepto imperio pro rectoribus tyrannos egerunt, duce tamen & auctore Thrasibulo triginta tyranni exacti, & in exilium missi sunt, suffectus decem, qui & empub. administrarent, qui eandem crudelitatis viam ingressi, eodem modo in exilium missi sunt. Cum bellis igitur superioribus, & tyrannorum sauitia Athenienses ad magnam paucitatem fuissent redacti, auctore Clisibene, multos externos, & inquilinos, & seruos. manumissos in ciuitate ad supplementum ciuium paucitatem receperunt.

32. Eadem sit vis iniusti & falsi. Quasi idem significat iniustum & falsum, idemq; sit quempiam iniuste ciuem esse, quod falso ciuem dici.

33. Tale imperium. Ius deliberandi & iudicandi.

34. Pactis stare. ἡ δὲ λέξις ἡ γὰρ ἐν τῇ ἑλληνικῇ proprie dissoluere significat sed quia per pacta & fœdera discordia dissoluuntur ac dirimantur, idcirco tum fœdus ferre & pacisci, tum fœderibus & pactis stare, eodem verbo Græci significant, ut saepe Aristoteles, qui hoc in loco pro stare fœderibus pactisq; dixit, ut interpres conuertit.

35. Si ergo quidam rem populariter administrant. Quemadmodum, inquit, acta populi in Repub. populari sunt acta huius ciuitatis, qua populariter administratur: sic acta à tyranno dicenda sunt acta ciuitatis, qua tyrannice gubernatur. Sed mutata Reipublica forma ex tyrannide exempli gratia, in populari, in hac tyranni acta negari possunt ab hac ciuitate, acta non tamen simpliciter à ciuitate: non enim hoc est à ciuitate agi, quod agi ab eadem ciuitate. quando verò eadem ciuitas dici debeat, proximo capite declarabitur.

CAPVT II.

1. CATERVM sermo proprie ad hanc quæstionem pertinet, qua tandem ratione ciuitas eadem aut non eadem, sed diuersa esse dici debeat. Huius autem dubitationis facillima quæstio in
2. loco & hominibus versatur: fieri enim potest, 2. ut locus & homines diuidantur, & alij alium inhabitent. sed hæc quæstio idcirco
3. facilius est iudicanda, quoniam 3. cum ciuitas multifariam dicatur, non est difficile veritatem inuestigare. Pari ratione de ciuitate hominum eundem locum incolentium dubitatur, quando vna
4. esse putari debeat: nec enim ex mœnibus æstimanda est: 4. nam Per-
5. sopolonnesum vno muro circundare liceat, 5. cuiusmodi fortassis est Babylon, & quæcunque gentis magis quàm vrbis ambitum habet: qua Babylone ab hostibus capta, triduo partem ciuitatis id non

senlisse

senſiſſe ferunt. Sed de his rebus commodius alio in loco diſputabitur: nam de magnitudine vr̄bis homini ciuili quantam, & vnam multitudinem, an plures eſſe oporteat, compertum eſſe debet. Sed eiſdem hominibus eundem locum incolentibus quæritur, nū ciuitas tandiu ſit vna dicenda, dum idem ſit genus incolentium, quanuis perpetua vicifſitudine alij intereant, alij rurfus procreentur. vt fluuios & item fontes eoſdem dicere ſolemus, licet aqua profluens altera ſublabeſcente ſuccedat altera: an homines ſimilem ob cauſam eoſdem dicere oportet, ciuitatem non item? Nam ſi ciuitas eſt ſocietas quædam, ſocietas autem ciuium, vtique ſi Reſpublica altera fiat ſpecie cum ſit Reſpublica diuerſa, neceſſarium eſſe videri poteſt ciuitatem quoque non eſſe eandem: vt chorus, qui modò comicus eſt, modò tragicus, licet ſæpe eiſdem hominibus conſtet, diuerſus tamen eſſe dicitur. Eodemque modo quamlibet aliam ſocietatem & compoſitionem diuerſam eſſe dicimus, ſi ſpecies compoſitionis ſit diuerſa: vt concentum earundem vocum diuerſum eſſe diceremus, ſi nunc Doricus eſſet, aliàs Phrygius. Quod ſi ita eſt, ſatis intelligitur ciuitatem ad Reipublicæ formam ſpectantibus eſſe dicendam: quæ tum diuerſa, tum eadem dici poteſt, ſiue ab eiſdem hominibus, ſiue à prorsus diuerſis incolatur. Sed vtrum ciuitas forma Reipub. mutata, ſtare pactis debeat, an ſecus, alia quæſtio eſt.

Scholia in Caput II.

1. CAETERVM hic ſermo propriè pertinet. Mutatione facta in ciuitate quæri ſolet, maneat eadem ciuitas, an ſecus. ſed huius quæſtionis nō eſt difficilis ſolutio: nam ſi locus duntaxat mutetur, erit vr̄bs alia, non alia ciuitas. ſi homines duntaxat mutantur manente Reipub. forma, manet eadem ciuitas. ſed ſi forma Reipub. mutatur, alia ciuitas eſſicitur.

2. Vt locus & homines diuidantur. id eſt vr̄bs & ciuitas: vt ſi ducto muro per medium vr̄bis alij hanc partem, alij illam inhabitarent.

3. Cum ciuitas multifariam dicatur πῶς ἂν γὰρ, nunc vr̄bem, id eſt locū, mœnia ac adificia: modò ciuitatem, id eſt homines vr̄bē inhabitantes ſignificat: qua diſtinctio facilè quæſtionē reddit. poteſt enim manere eadē vr̄bs mutatis hominibus: & forma Reipub. ac vicifim vr̄be diruta & ſolo aquata, poteſt manere ciuitas eadem, id eſt ſocietas ciuili: qua etiam ſi in aliam locum tranſeat, erit eadem ciuitas; vnde poëta, Veios habitante Camillo, Illic Roma fuit.

Q

4. Nam

4. Nā Peloponnesum. Pelopōnesus peninsula est Gracia, in cuius Isthmo Corinthus est, quæ regio latè patens, ut mari penè tota circūfusa est: sic posset vno muro cingi, & tunc multæ gentes & varia essent vna ciuitas, si propter vnum murum ciuitas diceretur vna: quod planè falsum est, vel esset vna vrbs, non tamen vna ciuitas, cum sint ciuiles societates complures & diuersa.

5. Cuiusmodi fortassis est Babylon. Chaldaicarum gentiū caput est Babylon, vrbs sexaginta millia passuum amplexa, murus ducentos pedes altis, quinquagenos latius, in singulos pedes ternis digitis mensura ampliore quàm Romana, ut Plinius refert, quam Euphrates fluuius interfluit.

6. Chorus, qui modò comicus est, modò tragicus. Chorus dicitur, quādo multi personæ simul loquentes, seu canētes inducuntur in comædia vel tragædia fieri autem potest ut iidem homines nunc comicum, aliàs tragicum chorum constituent: semper tamen comicus chorus forma diuersus est à tragico, licet materia idem sit chorus. à forma verò res quæ nominatur, cum forma sit cuiusq; substantia ratio; secundo de generatione.

CAPVT III.

1. POST hæc proximū est ut viri ac boni ciuis eadē sit virtus an diuersa, differamus. Ad quam quæstionem dijudicandam, operæ precium fuerit quænam sit ciuis virtus, primum omnium summatim constituere. Ut igitur nauta vnus quidam est nauigandi lociorum, sic item ciuis vnus esse dicitur eorum qui ciuilem societatem habent. Nautæ verò licet facultate sint dissimiles, hic remex, ille gubernator, quidam curator proræ, & alius alia quadam tali appellatione censeatur, haud dubiè tamen 2 perfectissima cuiusque ratio propria fuerit virtutis eius, 3 ac eodem modo communis quædam ratio omnibus accommodabitur. Nam cunctis ipsis nauigationis salus proposita est: hanc enim expetit eorū quisque. Eadem igitur ratione ciuibus, quanquam dissimiles sint, tamen omnibus est communis salus proposita: communitas autem est Respub. quo fit, ut necessario ciuis virtus ad Rempublicam accommodetur. Si ergo Reipublicæ cōplures sunt formæ, haud dubiè fieri non potest, ut vna sit ciuis probi perfecta virtus. Perspicuum est igitur, 4 probum ciuem esse posse quenquam, qui non sit idem virtutem, qua vir bonus censeatur, consequutus. Cæterum alio quoque modo differentiibus, licet eadē ratione in optima Repub.

Repubblica vti. Nam cum ciuitas ex probis omnibus constare nequeat, oporteatque rectè suo quenque officio fungi, 5 quod à virtute proficiscitur, nec ciues omnes possint esse similes, non erit vtiq; vna boni ciuis & viri probi virtus. Nam virtutem boni ciuis cunctis ciuib; adesse oportet, cum hoc necessario optimæ ciuitatis ratio postulet. Vt autem 6 viri probi virtus omnibus adsit, fieri non potest, si non est necesse vt probi viri sint ciues omnes qui sunt in ciuitate proba. Præterea cum ciuitas ex dissimilibus constet, vt enim animal protinus ex anima & corpore, anima ex ratione & appetentia, domus ex viro & vxore, possessio ex domino & seruo: sic ciuitas ex his omnibus, & alijs præterea dissimilibus generibus confistit: profectò necesse est non esse vnā ciuium omnium virtutem, quemadmodum in choro 7 non eadem est virtus ducentis chororum, & eius qui proximus est ab eo. His igitur planum fit, non eandem simpliciter esse ciuium omnium virtutem: 8 sed illud videndum est, an cuiuspiam boni ciuis virtus eadem sit, quæ boni viri. Nā qui probè imperat, hunc bonum & prudentem esse dicimus: 9 virū 9. autem ciuilem prudentem esse necesse est. & quidam statim diuersam esse dicunt principis institutionem, & regum filios equestribus & bellicis institutis erudiri videmus, & Euripides ait;

Nec verò speciosa, sed requiris

Quæ Respublica. hæc mihi.

cū quædam sit principis educatio ac institutio. Quod si eius qui rectè imperat, & viri boni eadem est virtus, est autem is quoque ciuis qui paret imperio, non fuerit vtiq; eadem simpliciter ciuis atque viri virtus, sed cuiusdam ciuis, cum principis non eadem sit, quæ ciuis. Ac fortassis idcirco Iason se quod non regnaret, fame confici dicebat, quasi priuatus esse nesciret. 10 veruntamen & imperare, & imperio rectè parere laudi datur. Si ergo boni viri virtutem imperatricem esse constituimus, ciuis autem virtutem vtraque, 11 non eodem modo vtrunque laudabitur. Sed quoniam interdum vtraque videtur non eadem scilicet imperanti & parenti discenda esse, ciuem autem oportere vtrāque scire, ambarūq; participare, 12 ex his quæ subiiciemus, quomodo sese res habeat intelligitur. Est enim imperium, quod herile nuncupatur, quod qui tenet, hic vt res 13 quæ necessaria dicuntur, facere nouerit, nihil est necesse, sed vt eis vti sciat: nam illud alterum seruale est, id est vt huiusmodi operum sese ministrum exhibere possit. Cæterum

Q 2

seruorum

- seruorum genera complura sunt, cum opera seruilia sint complura, in quorum vno genere operarij versantur: hi verò sunt,
14. 14 vt vocabulum declarat, qui manibus victum quærunt, de quorum numero 15 artifices illiberales habentur. quare apud quosdam
16. antiquitus, 16 antequam extremus populus fieret, imperium cum opificibus non communicabatur. Eorum igitur opera quibus ad hunc modum imperatur, discere nec vir bonus debet, nec ciuilis,
17. nec omnino ciuis probus, nisi forte ad suum ipsius vsum. 17 tunc enim non efficeretur vt alter dominus esset, alter seruus: sed est aliud imperium quo similibus genere, ac liberis hominibus imperatur. Sic enim ciuile imperium definimus, quod parendo discitur ab eo qui debet imperare: vt eques equitatus præfecto, miles duci parendo, equitatum, exercitumque ducere discunt. Item milites dum in acie curantis & insidias collocantis imperata faciunt, his muneribus præesse docentur. Rectè igitur fieri posse negant, vt bene
18. quis imperet, qui non fuerit imperio subiectus. 18 Sed cum horum virtus diuersa sit, tamen bonus ciuis scire ac posse debet tum imperata facere, tum etiam imperare: virtusque ciuis est imperium liberorum nosse 19 in vtranque partem: 20 boni ergo viri vtrunque,
21. 21 quanquam temperantiæ & iustitiæ imperatricis species est diuersa. Nam qui subiectus est, liber tamen, eius haud dubiè non est vna virtus, exempli gratia, iusticia: sed species habet per quas imperet, imperataque faciat, vt viri ac mulieris diuersa est temperantia & fortitudo. Nam vir si sic fortis esset, vt fortis mulier, timidus haberetur & 22 mulier garrula, si sic esset moderata, vt vir probus. Nam & cura rei familiaris alia viri est, alia vxoris: viri enim munus est parare, vxoris custodire. Sed virtutum sola prudentia est imperium obtinentis propria. nam cæteræ necessariò communes esse videntur imperantibus cum ijs quibus imperatur. eius certè cui imperatur virtus, non est prudentia, 23 sed vera opinio: cui enim imperatur, is similis est tibiæ artificis: qui imperat, is tibiæ tibijs vtentem æmulatur. Ac virtus quidem vtrum eadem sit boni viri ac probi ciuis, an diuersa, & quomodo eadem, & quod diuersa, ex his planum efficitur. 24 Sed superest etiam nunc quærere alia de ciue, num verè is ciuis sit, cui aditus ad imperia patet, an etiam opifices sint in ciuibz habendi. Nam si sic statuerimus hos quoque ciues esse quibus imperia magistratusve non communicantur, non poterit talis virtus cuiuslibet esse ciuis, cum hic
- ciuis

ciuis habeatur : sin autem nemo talis ciuis est. qua in parte horum
 quisque statuetur, cum neque inquilinus sit, neque peregrinus. An
 nullū ex hac ratione incōmodū euenire putandū est? nā neque serui
 neque libertini 25 quicquam ex ijs quæ diximus sunt. Illud enim
 verē dicite, non omnes, sine quib. ciuitas constare nequeat, pro 25
 ciuib. esse habendos, cum ne pueri quidem perinde ciues sint, atq;
 viri: sed hi simpliciter, illi verō 26 ex suppositione: sunt enim ciues, 26.
 sed imperfecti. Olim igitur apud quosdam, opifices aut serui erant,
 aut peregrini. itaque multi nunc quoque tales sunt. & profectō ci-
 uitas optima nunquam opificem ciuem facit. Quod si opifex quoq;
 in ciuib. est habendus, nimirum ciuis 27 virtus quam diximus, 27.
 non cuiusuis, nec liberi duntaxat dicenda est, sed eorum qui sunt o-
 perum necessariorum immunes : in quibus qui vni priuatim mini-
 strant, famuli: qui publicē, opifices & mercenarij nuncupantur. Cæ-
 terum si paulō diligentius quæ deinceps dicemus consideres, in-
 promptu erit hæc quomodo sese habeant, intelligere: nam quod
 diximus, rerum vsus declarat. Necesse est enim cum Reipublicæ
 complures sint formæ, ciuis quoque species esse multas, eius præ-
 fertim qui subiectus est imperio: vt sit necesse in quadam Reipubli-
 cæ formatum opificem, tum mercenarium esse ciues: in quibusdam
 fieri nequeat, 28 vt in ea, siquæ est, quæ dicitur optimatū, in qua ho- 28.
 nores pro ratione virtutis, & pro dignitate conferuntur. Nam qui
 vitam in arte sordida mercenariaque degit, hic non potest in ea quæ
 virtutis sunt, curā & operā impēdere. Cæterū in paucorū dominatu
 vt mercenarius sit ciuis fieri non potest: magnis enim censibus ma-
 gistratus tribuuntur: vt opifex ciuis sit, nihil prohibet, cum multi
 artifices sint locupletes. 29 Thebis qui iam decimum annum à mer- 29.
 catura non abstinuisset, is gerere magistratum lege vetabatur. Sed
 in multis Rebus publicis lex peregrinorum minus latē patet. Nam
 licet in quibusdam popularibus ciuis est qui ex matre ciue fuerit
 procreatus: eodemque modo Spurijs apud plerosque: tamen quia le-
 gitimorum ciuium inopia tales ciues faciunt, & in magna hominū
 paucitate sic legibus vtūtur. Vbi copia suppetit, paulatim reiiciunt,
 primum ex seruo, seruāve progenitos : deinde eos qui ex matribus
 tantum ciuib. nati sint: postremo eos modō ciues faciunt, qui v-
 troque parente ciue fuerint procreari. Quibus rebus planē intelli-
 gitur, species ciuis esse cōplures, & eum potissimum esse ciuem, qui

30. honorum ac magistratuū est particeps, 30 vt fecit Homerus. Sed sicubi quiddam tale cœlatur, hoc fit cohabitantes fallendi gratia, vtque in honoratum externumq; reiecit. Nam velut inquilinus est is cui honores non communicantur. Ac virtus quidem vtrum eadem sit quæ virum bonum, & quæ ciuem probum efficiat, exposuimus:
31. 31 cuiusdam ciuitatis ciuem eadem virtute qua virum bonum commendari, alterius non item: nec illum omnem, sed qui ciuilis est, & penes quem, aut solum, aut cum alijs potestas est Reipub. administrandi.

Scholia in Caput III.

1 POST hæc proximum est. Vt eadem virtus sit, an diuersa viri boni, ac boni ciuis intelligatur, primum qua sit virtus boni ciuis statuere oportet: sed cum multa sint Reipub. forma, & virtus ciuis ad Reipub. rationem sit referenda, efficitur vt non possit vna virtus omnium ciuium esse in omnibus ciuitatibus. Præterea cum ciuitas non possit ex cunctis viris probis constare, omnes tamen boni ciues ciuilem virtutem habere debeant, hac ratione non eadem viri boni virtus qua boni ciuis esse videtur: & item quia ciuitas ex dissimilibus constat, cum dissimilium dispares sint virtutes, efficitur vt non eadem sit ciuium omnium virtus. Caterum in optima Reipub. eadem est boni ciuis, qua boni viri virtus: virtus tamen in viroque duplex est, altera qua rectè pareat, altera qua rectè imperet, qua maior & perfectior est priore: ergo ad rectè parendum fortitudine, exempli gratia, & temperantia opus est: diuersis tamen specie à fortitudine & temperantia qua in rectè imperante requiritur: sed verisq;, bonus tum ciuis, tum vir præditus esse debet. quanquam bonus propriè dicitur vterq;, perfectiore virtute: sed ex virtutibus propria imperantis est prudentia: nam ad parentum, prudentia non desideratur.

2 Perfectissima cuiusque ratio. Propria cuiusq;, virtus intelligitur, vt optimè fungatur officio suo, vt virtus gubernatoris, est posse optimè & perfectè a ratione nauim dirigere, remigis, optimè remigare.

3 Ac eodem modo communis quædam ratio omnibus accommodabitur. Illud est rationi cuiusq;, virtutis nautica pariter addendum, vt id faciat incolumis nauigationis gratia: ratio enim finis omnibus debet esse communis: nec quicquam facere virtus aut officium est, quod ad suum propriūque finem non referatur.

4 Probum ciuem esse posse. Fieri potest, vt sit quisque bonus ciuis, qui non sit idem vir probus quoniam in praua Reipub. bonus ciuis dicitur, qui bene
instituitur

instructus est ad eam Rempub. conseruandam, vt bonus latro, bonus fenerator, bonus leno dicitur, qui solertiam habent ad ea scelera patranda.

5 Quod à virtute proficiscitur. Vt quisquam rectè fungatur officio suo, ex virtute manat. Itaq; virtus hoc in loco, vt in multis alijs apud Aristotelē, non intelligitur propriè, vt secundo Ethicorum libro definitur, sed pro quocunq; habitu seu facultate insita natura, vel vsu parata, qua rectè aliquid fit, id est conuenienter proposito fini, quauis malus sit finis.

6 Viri probi virtus. Viri item boni viri vocat eam, qua propriè virtus intelligitur, vt temperantia, fortitudo, & iustitia.

7 Non eadem est virtus ducentis chorum. Id est Coryphai, qui praeceptor & praefultor à quibusdam conuertitur. est autem is qui primum locum in choro tenet, & quem ceteri sequuntur: cui proximus est is qui παραστάτης, quasi adstans nominatur, tum τρίτος & τέττατος, de quibus meminit Aristoteles in lib. iij. de prima philosophia. Quemadmodum igitur ex his maior virtus, seu facultas in Coryphaeo quàm in proximo, & quasi adiutore, & in hoc, quàm in tertio desideratur: sic in ciue qui magistratum gerit, perfectior virtus quàm in priuato requiritur, & in magistratibus, pro ratione & discrimine imperiorum quibus funguntur.

8 Sed illud videndum est, an cuiuspiam boni ciuis virtus. Quoniam ex supradictis intelligitur, non eadem esse virtus cuiusq; ciuis & boni viri, iam videndum est, num ciuis cuiuspiam eadem sit virtus qua boni viri: docetq; virtutem ciuis in optima Rempub. gerentis magistratum aut imperium, eandem esse, ac boni viri: hanc autem esse statum optimatum ipse declarat lib. iij. cap. septimo his verbis, In sola, inquit, optimatum Rempub. idem est vir bonus, & bonus ciuis, sed ex duobus imperijs herili, atque ciuili: ad eum qui herili fungitur pertinere ait, non vt opera necessaria facere sciat, sed vt reb. necessarijs vri nouerit: tū seruorū multa genera esse dicit, quorū vno artifices sordidi cōtinentur, quib. negat antiquitus Rempub. solitam fuisse cōmunicari. Ciuile autem imperium id esse ait, quo similibus genere ac liberis hominib. imperatur, cuius fungēdis facultas & disciplina parēdo & obtemperādō cōparetur. Itaq; eandem esse boni ciuis imperantis, & boni viri virtutē in optima Rempub. sed vtriusq; ciuis duplicē esse, alterā qua adimperandū pertinet, alteram qua ad parendū: prudentiam autem propriā esse virtutē imperantis.

9 Virum autem ciuilem. Vir ciuilis tum ab Aristotele, tum à Platone vocari solet, qui facultate & virtute instructus est ad ciuilitèr imperandum, vt regius, qui ad regnandum: interdum etiam qui prudentia & facultate praeditus est, leges & Rempub. condendi.

10 Veruntamen laudi datur. Id est virtus est : habi-

bitus enim laudabiles virtutes vocamus, ut ipse ait in fine libri primi Ethicorum

11 Non eodem modo utrunque laudabitur. Non erit eadem virtus.

12 Ex his quæ subijciemus. declarat enim in herili imperio non eadem esse imperanti, & parenti discenda, in civili autem utrunque eadem discere oportere.

13 Quæ necessaria dicuntur. Quæ pertinent ad usus vitæ necessarios.

14 Ut vocabulum declarat. ἡρωϊκῶς quod ex manibus nandoque componitur, sumpta, ut arbitror, translatione ab ijs qui non lyntu aut equo, sed manibus natando ob egestatem flumen traiciunt.

15 Artifices illiberales. Sordidi opifices, ut fabri, textores atque sartores.

16 Antequam extremus populus fieret. Priusquam fierent Respub. populares corruptissima: nam cum multa sint Reipub. popularis genera, ut traditur quarto libro, quæ omnium depravatisima est, ea extremus populus nominatur.

17 Tunc enim non efficeretur. Si quis usus sui gratia sordidum opificiam discat, ut Alfonso dux Ferrariensis, qui singulari industria & artificio anea tormenta bellica conficere sciebat, is quia sibi, non alteri servit, non debet servus more artificum appellari.

18 Sed cum horum virtus. Imperantis & parentis.

19 In utranque partem. Ad imperandum & parendum.

20 Boni ergo viri est utrunque. Ut sum imperare, tum etiam parere sciatur: sed imperandi virtus quæ perfectior est, bonum virum magis attingit, quam parendi: nam ut supra dixit, in exemplo nautarum, perfectissima cuiusque ratio propria est eius virtuti. Cum igitur iustitia, fortitudo, temperantia, virtutes sint boni viri, earum cuiusque perfectissima ratio propria fuerit boni viri.

21 Quanquam temperantiæ & iustitiæ imperatricis species est diversa. A temperantia & iustitia subiecti, & liberi, quatenus est subiectus: nam & hic duplicem habet virtutem, alteram ad parendum, alteram ad imperandum. In græcis exemplaribus scriptum est ὅτι ἕμια αὖ εἰς τὸ ἀγαθόν, id est non unam esse virtutem boni: in quibusdam illud τὸ ἀγαθόν, id est boni non habetur, sed idem est utriusque scriptura sensus, ut virtus duplex esse intelligatur, in subiecto libero, si bonus est, altera imperandi, altera parendi: sed quia virtus non potest esse nisi in bono, idcirco illud τὸ ἀγαθόν, videtur esse superuacaneum.

22 Et mulier garrula. In quibusdam exemplaribus corruptè scriptum est γυνὴ ἀλλοτρία

γυνῆ ἀλλος, in alijs γυνῆ ἀλλος, rectius tamen in quibusdam γυνῆ ἀλλος, quam scripturam sequutus est interpres, quia commodior est & aptior Aristotelis doctrina, qui in primo huius operis libro propriam virtutem mulieris esse dixit taciturnitatem, cum viri ac mulieris virtutes diuersas esse doceret: est igitur sensus, quemadmodum vir timidus esset, si fortis esset muliebri fortitudine, sic mulier esset loquax & garrula, si ea moderatione loquendi uteretur, qua vir probus & modestus, quia non eadem est vtriusque loquendi mensura & modus, vnde Paulus, mulier in silentio discat: & alio in loco mulieres, inquit, in ecclesijs taceant.

23 Sed vera opinio. Prudentis officiū est de rebus agendis deliberare, quod maximè imperantis manus attingit: obtemperantis autem non est deliberare sed veram opinionem de rebus deliberatis habere, vt imperata rectè possit obire.

24 Sed superest etiam nunc quaestio alia de ciue. Alia ratione de ciue differit, & multos esse docet, sine quibus ciuitas constare non potest, qui tamen non sunt ciues, vt mercatores, opifices, & mercenarios in optima Repub. tamen in vniuersum eos propriè ciues esse intelligit, quib. imperia siue magistratus in sua ciuitate communicantur.

25 Quicquā ex his quæ diximus sunt. Nec sunt inquilini, nec peregrini.

26 Ex suppositione Quoniam si viri futuri sunt ciues, pueros esse necesse est, qui cum ad perfectam aetatem peruenerint sint ciues: itaq. nunc ciues imperfecti sunt.

27 Virtus quam diximus. Boni ciuis ad imperandum, patendumque instructi, qua cum in ciuilibus muneribus obeundi parendo discatur, ac ingeneretur, non potest hīs contingere quos opera necessaria submouent à ciuilibus officijs.

28 Vt in ea si qua est. Nam licet quadam Respub. prope ad Rempub. optimatum accedant, utpote in quibus ratio virtutis in magistratibus mandandis habeatur, tamen rarissima est, vbi virtus maximè dominetur, qua propriè dicitur optimatum Respub.

29 Thebis qui iam decimum annum. Propterea scilicet quia nihil est, quod gerentibus magistratus magis obsit quàm auaritia, qua mercatoribus pene insita est, & familiaris: sed & artifices eodem modo, nisi certo tempore abstinuissent ab arte sordida Rempub. gerere apud eosdem Thebanos lege vetabantur, vt ipse tradit libro sexto. Nona vrbes memorantur ab Stephano in varijs regionibus, quæ Theba dicerentur, hic tamen eam designari puto, quæ erat in Beotia Gracie regione, cuius ciuis fuit Epaminondas.

30 Vt fecit Homerus. Libro iliados decimo. Sunt autem verba Achillis

R

ad Aiace

ad Aiace[m] de iniuria, sibi ab Agamemnone illata exposculantia.

31 Cuiusdam ciuitatis. *Qua optimè habet institutam Rempublicam.*

CAPVT IIII.

1. **HIS** rebus declaratis, sequitur vt Respub. vna sit statuenda an plures, differamus: & si plures, quæ & quot, discriminaque ipsarum explicemus. Est autem Respublica ordo ciuitatis cum aliorum magistratuum, tum eius maximè cui tradita est summa rerum omnium potestas & arbitrium: est enim vbique ciuitatis summa
2. potestas 2 penes administrationem ciuilem: administratio vero ciuile est Respub. exempli gratia, in Rebus publicis popularibus summa potestas est penes populum: in paucorum dominatibus
3. e contrario penes paucos 3 his autem Rempublicam diuersam esse dicimus, quæ eadem est cæterarum ratio. Sed primum omnium cuius rei gratia ciuitas fuerit constituta, & quot sint genera principatus inter homines, ac in vitæ societate statuendum est. Quanquam
4. igitur 4 huius commentationis initio cum de ratione rei familiaris & herili imperio disceptaretur hominem esse natura ciuile animal exposuimus, ac perinde homines etiam si ope mutua nihil indigeant, tamen nihilo secius ad conuictum esse procliuēs: tamen publica quoque commoditas facit, vt homines in locum vnum
5. conueniant, prout quisque potest rectè viuendi particeps esse. 5 Hic igitur maximè tum publicè tum etiam priuatim hominibus est conueniendi finis. Conueniunt tamen etiam ob hoc ipsum, vt viuant: nam forsitan honesti pars quædam inest, & ciuilem vel viuendi duntaxat societatem conseruant, nisi ea communio in vita maximis calamitatibus conflictetur. Nec dubium est, quin multi homines magnas ærumnas viuendi cupiditate perpetuantur, velut in ipso viuere iucunditas quædam insit, ac dulcedo naturalis. Neque verò difficile est imperij modos appellatos discernere: de his enim sæpe 6 in externis sermonibus disseruimus. Nam herile imperium quanuis natura serui & natura domini re sit eadem commoditas, tamen ad domini vtilitatem refertur, non item ad serui, præterquam ex accidenti. Nam pereunte seruo, dominus saluus esse non potest. Imperium autem in filios, & vxorem, totamque domum, quâ domesticam gubernationē vocamus, aut eorum in quos est imperium, commoditatem sibi proponit, aut eam

certè

cetè quæ sit vtrisque communis per se tamen ad subiectorum utilitatem spectat: quemadmodum in cæteris artibus vsu venire cerissimus, vt in medicina & arte gymnastica. Quamquam ex accidente 7 ipsorum quoque commoditas peti queat, fieri enim potest vt ipse exercitator interdum ex eorum numero sit, qui exercentur, vt gubernator vnus de numero nautarum est: igitur exercendi magistro vel gubernatori bonum eorum in quos imperium habet, propositum est Sed cum ipse vnus horum efficitur, ex accidenti tuta nauigatione participat: hic enim de numero nauigantium est, exercitator verò vnus eorum qui exercentur efficitur: quomobrem ciuiles magistratus, cum ciuitas 8 per æqualitatem similitudinemque ciuium est constituta, vicissim obire censent. 9 Olim certè æquum esse quisque censebat, quemadmodum natura fert, vt alter vicissim laborem susciperet, rursumque ipsius commodis prospiceret, vt ipse prius cum magistratui præerat, curam gessisset illius commoditatis. Nunc autem propter commoda quæ ex publicis rebus, quæque ex magistratu capiunt, continenter præesse velint, perinde ac si semper in magistratu rectè valerent: qui sunt infirma valetudine, tunc enim fortassis expetendi essent magistratus. Quibus igitur Rebus pub. 10 commune bonum est propositum, hæ rectæ sunt & simpliciter iustæ: in quibus autem qui præsumt suam quisque duntaxat commoditatem sequuntur, hæ cunctæ deprauatæ sunt, & à rectis Rebus publicis aberrationes: sunt enim velut imperia dominorum in seruos, ciuitas autem societas est liberorum hominum.

Scholia in Caput IV.

1 HIS rebus declaratis sequitur vt Respub. vna sit. Quot, & quæ sint genera Reipub. iam hinc incipit explicare, earumque discrimina in diuersatione administranda ciuitatis consistere docet. & ciuitatem tum viuendi, tum etiam rectè viuendi gratia constitutam fuisse declarat. Et cum sint istorum imperiorum varia genera, cuncta ad subiectorum bonum & commoditatem potissimum, ex accidenti verò ad imperantium utilitatem spectare, præter imperium herile cuius est contraria ratio. Itaque omnes deprauatas Respub. herile imperium imitari.

2 Penes administrationem ciuilem. πολιτευμα gracè dicitur, quo

R 2

nomine

nomine significantur hi, qui summa potestate ciuitatem administrant. hac autem administratio Respub. dicitur.

3 His autem Rempub. diuersam. Quae communi vocabulo Respub. dicitur, hac idcirco diuersa esse dicitur à populari & paucorum potentia, quoniam à diuersis cum summa potestate administratur, eademq; ratione cetera Respub. inter se differunt: aut est sensus, his, id est populo & paucis imperantibus diuersa est Respub. id est alia est Respub. popularis, alia paucorum propter discrimen imperantium in vtraq; & summam potestatem obtinentium.

4 Huius commentationis initio. In primo huius operis libro. Prouit quisque potest rectè viuendi particeps esse. Hoc quisq; magis facietatem ciuilem expetit, quo plura seu maiora adiumenta ad rectè degendum, hoc est liberaliter viuendum habet: nam rectè viuere dicitur ab Aristotele, non solum qui ex virtute viuunt, sed etiam qui liberaliter & iucundè, ac ut decet ingenuum hominem.

5 Hicigitur maximè. Ut rectè viuatur.

6 In externis sermonibus. In libris alijs extractis de Repub. designat autem libros de moribus, seu libros Ethicorum ad Nicomachum, in quorum octauo de omni genere Reipub. & diuersis imperandi rationibus edisserit: externos enim sermones, siue exotericos solet Aristoteles libros eos appellare, quicunque sunt extra id opus, in quo tunc versatur, ut iure pontificio periti consueuerunt: non enim exoterici sermones, seu libri certo aliquo genere continentur, ut est publicus error, in quo & Plutarchus fuit, & pleriq; posteriores. Sed ante ipsum etiam Marcus Tullius, qui duo esse genera librorum Aristotelis tradunt, vnum leuioris opera ac populariter scriptum quod exotericum, alterum limatius, & reconditioris doctrina, quod acroamaticum diceretur, quasi auscultatorium, propterea quod habeat tam difficiles explicatus ut sine voce magistri intelligere sit difficillimum. Cuius erroris occasio, ut arbitror, ex Alexandri & Aristotelis epistolis nata est, in quibus fit acroamaticorum librorum mentio, quos Aristoteles esse difficillimè intelligentia testatur. A quo cum quidam viderent quosdam libros exotericos nominari, hoc alterum genus librorum esse populariter scriptorum, & leuioris opera putauerunt, non animaduertentes exotericos ab eodem eos interdum appellari, qui sunt omnium difficillimi, ut libros de anima, in primo libro Ethicorum ad Nicomachum, ubi disserit de partibus anima: & libros de prima philosophia, qui & τὰ μετὰ φυσικά inscribuntur, ut in primo libro de moribus ad Eudemium, in quaestione de ideis, ubi ait; sed de hac opinione multifariā disputatū est in exotericis sermonibus, quique habitis sunt de philosophia. Aristoteles enim philoso-

philosophiam, primam philosophiam, & theologiam, ac interdū sapientiam vocare solet eā doctrinā, de qua differitur in libris quos inscripsit τὰ μετὰ τὰ φυσικά: & in hoc opere de Rep. exotericos vocat, vt dixi, eosdem libros de moribus ad Nicomachū, in quibus ipsis, libros exotericos citauerat. Accedit quod Diogenes Laertius qui vitam Aristotelis ex antiquorū monumentis scribit, ac eius scripta commemorat, & ipsorum partitionē in quatuor genera librorum diligenter persequitur, nullā omnino mentionem exotericorum & acroamaticorum facit, quod in primis oportuit, si omnes Aristotelis libri in illa duo genera diuiderentur: sed nec illud verū est acroamaticos nuncupari omnes libros reconditoris philosophiæ. hanc enim appellationem eis duntaxat libris tribuit Aristoteles, quibus titulum fecit περὶ φυσικῶν ἀποδόσεως, id est de physico auditu.

7 Ipsorum quoque commoditas. Imperantium & praefectorum.

8 Per æqualitatem & similitudinem. Cum in constituēda Repub. paritatis potissimum ratio habita fuisset inter ciues, vt cum nulli scilicet magnopere eminerent, omnes in iuris æquabilitate continerentur.

9 Olim certè. Cum magistratus sine mercede gererentur, nec auaritia homines incesisset, vt quæstui Rempub. habere vellent.

10 Propositum est commune bonum. Rectæ Respub. sunt, in quibus administrādis tanquam finis publica commoditas spectatur, vt regnum, status optimatum, & Respub. In quibus autem qui Reipub. praesunt, priuatam commoditatem sequuntur, hæc deprauata sunt, vt tyrannis, paucorum potentia, & status popularis: quippe in quibus imperium in liberos subiectos, tanquam in seruos exercetur.

CAPVT V.

1 HIS rebus constitutis, sequitur vt Reipub. formæ quot numero, & quæ sint, edisseramus. Sed prius rectas tractabimus: his enim explicatis, 2 non poterit de aberrationibus dubitari. Cum autem Respublica & ciuilis administratio idem significant, sitq; administratio ciuilis id cuius arbitrio ciuitates administrantur: ciuitates autem necessario vnus, vel paucorum, vel multorum arbitrio gubernantur: has rectas esse Respublicas necesse est, in quibus vnus vel pauci, vel multi Rempublicam ad communem utilitatem spectantes gerunt: illas verò aberrationes, in quibus vnus, pauci, vel multitudo, imperio ad propriam utilitatem abutuntur: aut enim qui Respublica participant ciues esse negandi sunt,

R 3

aut

aut cum his debet utilitas communicari. Cæterum Respublica quæ ad communem utilitatem spectat, si præest vnus, Regnum appellari consuevit: si pauci, plures tamen vno, Optimatum imperium, vel quia optimi quique imperant, vel quoniam ad id quod ciuitati & ijs quibus ciuitas communicatur, optimum est, imperium refertur: cum verò multitudo imperium ad bonum publicum dirigens rem communem administrat, communi omnium vocabulo Respub. dicitur, & quidem merito. Nam vnum aut paucos virtute præstare, facile est: vt autem plures perfectè omni virtute præditi sint, difficile, 3 sed maximè bellica: nam hæc in multitudine fit. Itaque in hac Republica luminam imperij propugnatores potissimum tenent, eaque arma tenentibus communicatur. Aberrationes autem sunt tyrannis à regno: paucorum potentia ab optimatum administratione: popularis gubernatio à Republica. Nam tyrannis vnus principatus est, qui principis commoditate dirigitur: paucorum potentia, locupletum utilitatem: popularis gubernatio, tenuiorum commodum sequitur: nec harum aliqua 4 publicam commoditatem confectatur. Cæterum quæ sit harum Rerum publicarum quæque, paulò latius explicare oportet. Hic enim locus est quibusdam difficultatibus impositus, sed 5 qui in doctrina quaque philosophatur, neque ad actionem duntaxat spectat, huius officium est non negligenter agere, nec quicquam omittere, sed quid in singulis rebus verum sit, explicare. Tyrannis igitur, vti memorauimus, est vnus herile in ciuilem societatem imperium: paucorum verò potentia, cum penes opulentos est summa Reipublicæ potestas: popularis Respublica e contrariò, cum non diuites, sed egeni tenent imperij summam. Est autem prima de definitione controuersia. Nam sicubi forte summa ciuitatis potestas penes plures, eosdemque locupletes esset: rursusque alibi penes egenos, qui numero pauciores essent quàm diuites, sed potentiores: cum Respub. popularis sit, in qua ciuitas est in arbitrio multitudinis, vicissimque paucorum potentia, vbi pauci tenent imperij summam, nimirum Respublicæ haud commodè definitæ esse viderentur. Cæterum si quis paucitatem cum opulentia, & cum tenuitate multitudinem coniungens, sic Respublicas definiat, vt paucorum potentiam esse dicat, in qua diuites qui pauci numero sint: statum verò popularem, in quo pauperes, quorum est magna copia, imperium tenent. illa iā occur-

ret

ret dubitatio, quo nomine sint, eadem, quibus supra diximus Respublicæ censendæ, eam dico, in qua plures sunt locupletes, & illa altera, in qua pauci tenuiores, & utrique summam imperij in sua Republica tenent, si præter memoratas nulla est alia Respublica. Ratio igitur ipsa declarat accidens esse, ut pauci sint, aut plures ij, quibus imperij summa permissa est. Accidit enim paucorum potentijs, ut pauci sint, qui Reipublicæ cum summa potestate præfunt: statibus verò popularibus, ut multi, propterea quòd ubique pauci sunt locupletes, egeri verò complures. Itaque non fit, ut quas diximus esse, sint diuersitatis causæ: sed paupertas atque diuitiæ discrimina sunt, quibus inter se Respublica popularis, & paucorum potentia distant: & ubique diuitijs imperia tribuuntur, siue pauci sint, siue plures, paucorum esse dominatum necesse est: Rempub. verò popularem, ubi tenuiores imperium tenent. Sed accidit, quemadmodum diximus, ut alteri pauci sint, alteri complures: pauci enim sunt locupletes, liberi verò complures, quas ob causas utrique de principatu ciuitatis contendunt.

Scholia in Caput V.

1 HIS rebus constitutis, sequitur ut Reipub. formæ. *Rerum publicarum discrimina in summa administratione consistunt, id est in ijs, quorum arbitrio Respub. gubernatur: quorum cum sit triplex differentia, tria genera Rerum pub. rectarum, totidemq; aberrationes existunt: nã vel vnius, vel paucorum, vel multorum arbitrio Respub. ad subiectorum vilitatē gubernatur. Si vnius, regnum est: si paucorum, status optimatum dicitur latine, græcè aristocratia: si multorum, communi vocabulo Respub. nominatur. Quod si ad imperantium commoditatem Respub. geratur, imperium vnius tyrannis vocatur: paucorum autem, paucorum potētia græcè oligarchia: multorum status, popularis, græcè democratia, quæ aberrationes sunt rectarum Rerum pub. Est autem paucorum potentia, ubi locupletes dominantur: status popularis, ubi egeri: illis enim accidit, ut pauci sint: his ut multi, quanquam magna ex parte accidit.*

2 Non poterit de aberrationibus dubitari. Quoniam aberrationes sunt contrariæ rectarum Rerum pub. Contrariorum autem eadem est disciplina, & ratio Physicorum. & Ethicorum quinto.

3 Sed maximè bellica. Multi autem solent esse pradii, cum sit difficile ut multi virtute omni sint egregiè perfecti q; pradii: tamen ex omnibus

VIRID-

virtutibus, bellica maximè multitudo solet excellere: nam hac virtus, vt ipse subiecit, in multitudinē cadit: aut est sensus, difficile est multos excellere omni virtute, hoc est qualibet virtute: sed maximè difficile est multos excellere virtute bellica, id est fortitudine, quæ licet non sit virtutum optima, tamē ob hanc homines plurimum honorantur in ciuitatibus, quia multum eis indiget Respub. vt ipse testatur in problemate: vel quia virtus bellica, alias etiā virtutes cōplectitur, non modo fortitudinem: & alioquin difficillimū est mortē in periculis contemnere, quod est proprium fortitudinis.

4. Publicam commoditatem cōsecratur. Publicum bonum sibi tanquam finem proponit.

5. Qui in doctrina quaque philosophatur. More philosophorū cōtemplatur, vt non solum cōmodis studeat, sed etiam veritati: vt qui nō modò querit, exempli gratia, vtrum sit commodius ciuitati ab vno gubernari, an à pluribus, quod pertinet ad actionem & vtilitatem, sed etiam imperium tyranni ciuile sit, an herile, quod pertinet ad contemplationem, & veritatem.

6. Vbicunq; diuitijs imperia tribuuntur. In quacūq; Rep. magistratus à magno censu diuitibus mandantur.

7. Liberi verò complures. Hoc dicit quoniam in Rep. populari, non diuitia, nec nobilitas, nec virtus, sed sola libertas requiritur ad Remp. gerendam, cuius libertatis etiam egeni compotes sunt.

CAPVT VI.

1. SED primum paucorum potentia, & Respublica popularis quomodo definiantur, & quid sit vtriutque iustum, videndum est.
2. Omnes enim iustum quoddam attingunt, sed quadam tenus procedunt: nec dicunt totum, quod propriè iustum est: ad hunc modum æquale videtur esse iustum: est enim non tamen omnibus, sed paribus: item dispar iustum esse videtur: est enim iustum, non tamen cunctis, sed imparibus.
3. Cæterum, quidam illud quibus auferentes perperam iudicant, propterea quòd de seipsis iudicium ferunt, Homines autem ferè in sua quisq; causa mali iudices sunt. Ita cum iustum aliquibus sit iustum, & æquale sit eodem modo diuisum,
4. tum in rebus, tum quibus hominibus, s vt suprà in libris
5. de moribus fuit declaratum, 6 de rerum æqualitate cōsentiunt: quibus autem hominibus controuersia est, propterea quod malè vt modo dixi, de se iudicant. Præterea vtrique cum iustum quoddam aliquatenus dicant, iustū simpliciter se dicere putāt: alteri e-

ri enim 7 si re quapiam dispares sint, exempli causa, diuitijs, prorsus superiores se esse existimant. alteri si qua re pares sunt, vt libertate, omnino se pares esse putant. quod autem potissimum est non dicunt: nam 8 si opes parandi gratia societatem iniuissent, ac in vnum locum conuenissent: quàm quisque opulentus, tam esset particeps ciuitatis: & eorum qui student paucorum potentiae ratio vim habere videretur. Nec enim iustum est, vt ex centum minis qui vnam attulit, partem capiat ei parem qui reliquum omne contulerit: nec ex sorte, nec ex ijs quæ per lucrum accreuerint. At 9 non viuendi modo gratia homines in ciuilem societatem conuenerunt, sed magis vt rectè viuerent: aliter enim seruorum quoque, & aliorum animantium ciuitas esset: quod nunc abest, propterea quod nec felicitatis compotes sunt, nec ad suam voluntatem viuere queunt. Sed neque bellicæ societatis causa homines, vt à nullo iniuria afficiantur, nec propter commercia, & vsum mutuum conuenerunt, 10 alioquin Tyrreni, & Cartaginienses, ac omnino cuncti, quibus inter ipsos commercia sunt, velut vnius ciuitatis ciues haberentur. Sunt enim ipsis de rebus importandis pacta, ne alteri alteros lædant: fœdera, & conditiones scriptæ de belli societate. Cæterum eis nulli sunt de his rebus communes omnibus magistratus, sed alij alios habent: nec quales alteri esse debeant alteris est curæ: nec qua ratione fiet, vt fœderatorum nemo sit iniustus: nemo vitijs inquinatus laborant: sed huc omnia pertinent, vt prorsus tuti à mutuis iniurijs reddantur. Cum autem qui bonis legibus student, hi ciuilis virtutis contrarijque vitij primam rationem habeant, dubitari non debet: quin quæ ciuitas verè non nomine tenus appelletur, hæc de virtute in primis debeat esse sollicita. Hac enim omissa cura, ciuilis communio belli societas efficitur, quæ loco tantum differat ab alijs, qui cum longè absint inter se, socij tamen belli sunt: & 11 lex pactum est, atque (vt 12 Lycophron 11. 12. sophista dixit) sponsor & vas in officio mutuo permanendi, non tamen huiusmodi, vt ciues bonos ac iustos reddere queat. quod autem sic sese res habeat, hinc quoque licet perspicere. Nam si loca sic in vnum conferas, vt Megarentium & Corinthiorum vrbes inter se mœnibus contingant, non tamen sit vna ciuitas, non si matrimonijs iungantur inter se, quanuis hoc sit ex ijs quæ propriè ciuilem communionem attingunt: eadem ratione, ne tum quidem esset vna ciuitas, si qui separatim habitarent, sed non tam longè, vt

S

consue-

- consuetudo & vsus mutuus excluderetur, & leges haberent ne iniuriæ inter ipsos in commutationibus inferrentur, in hunc scilicet modum, vt hic faber esset, ille agricola, quidam sutor, alius aliud quiddam huiusmodi, essentq; numero quamplurimi: sed tamen eiusmodi rebus exceptis, hoc est commutatione, ac belli societate, nullius præterea rei communicatione vterentur, nec sic quidem esset ciuitas. Quid ita? non enim propterea quòd non propè sit communio. Nempe quoniam si ad hunc modum communicantes conuenirent, 13 vterentur tamen sua quisque domo, vt ciuitate, & inter se aduersus iniurias inferentes duntaxat velut socij bellorum mutuo auxilio iuuarent: nec sic quidem ciuitas esse diligenter intuentibus videretur: nam similis esset mutuus eorum vsus & consuetudo, cum sic conuenissent, ac sic habitarent separatim. Ciuitas ergo nec loci communio est, nec mutuas iniurias repellendi, cōmerciorumq; gratia constituta fuit: sed si futura est ciuitas, 14 hæc vt adsint, necesse est: non tamen si omnia hæc adsint, protinus erit ciuitas, sed ciuitas est rectè viuendi communio domibus, atque generibus perfectæ & copiosæ vitæ gratia constituta. hoc autem nisi eundem locum incolentibus, & connubijs vtentibus non continget. Itaque affinitates, sodalitates, sacrificia, & familiares consuetudines conuictus gratia sunt in ciuitates inducendæ: conuictus autē opus est amicitia: nam velle cū alteo viuere amicitia est: finis ergo ciuitatis est rectè viuere: illa verò finis causa luscipiuntur. Ciuitas autem est generum, vicorumque communio perfectæ & copiosæ vitæ: quod est, vt diximus, rectè, beateque viuere. Non igitur vt simul homines viuant, sed vt honestis 15 actionibus fungantur, ciuitas est constituta. Ita 15 quo plus quisq; in hanc societatem conferunt, hoc sunt ciuitatis magis participes quàm cæteri, qui cum libertate aut genere his pares aut superiores sint, virtute ciuili ab eisdem superantur: aut cum sint diuitijs superiores, virtute vincuntur. Ex ijs ergo quæ diximus, planum fit, qui de Rebus publicis contendunt, hos omnes iusti partem aliquam dicere.

Scholia in Caput VI.

1 SED primum paucorum potentia, & Respub. popularis. In duabus deprauatis rebus pub. paucorum & populari, quæ sunt quodammodo
CONTRA

contraria, ius quoddam citatur: nam utrique iure quodam nituntur: pauci, quia diuitijs aut genere superiores sunt, simpliciter se superiores esse, ac proinde maiore Reipub. partem ad se pertinere contendunt: imparibus enim imparia debere populares autem cum libertate sint diuitibus & nobilibus pares, pariter sibi Rempub. communicandam esse confirmant: paribus enim paria deberi. Neutri tamen probandi sunt: non enim qui diuitijs sunt aut genere superiores, ij simpliciter superiores sunt: nec rursus simpliciter pares, qui sunt pares libertate: quoniam nemo superior siue potior, simpliciter est, nisi qui virtute praeat: ac eodem modo aequalis simpliciter est, non qui libertate, sed qui virtute est aequalis: non enim solum ut simul viuerent homines, sed nullo magis ut recte viuerent, in vnam ciuitatem conuenerunt: ad quod quia plurimum conferunt qui optimi sunt & virtute praestantes, idcirco virtuti est maior ciuitatis pars tribuenda.

2 Omnes enim iustum quoddam attingunt. Iustum est enim, quod populares dicunt, ut aequale omnibus tribuatur, si adderent aequalibus: & quod pauci iactant, ut inaequale tribuatur, si adderent inaequalibus.

3 Ceterum quiddam illud quibus auferentes. Cum aequale dicunt, non addunt aequalibus: nec inaequalibus cum dicunt inaequale, id est non verè dicunt, nec eos aequales esse statuunt, qui verè sunt aequales: nec alteri inaequales, hoc est potiores, qui verè sunt potiores: nam hoc est quod ait, & perperam iudicant, quoniam de se quique iudicant. Iudicium autem perperam fieri cuique, solles in sua causa. Nam iustum in distributionibus, ut ipse ait in quinto Ethicorum, omnes fieri debere secundam dignitatem quandam, seu meritum conferentur. Ceterum de dignitate non omnes vno modo sentiunt, sed qui statui populari student, hanc esse dicunt libertatem: qui verò paucorum potentia, diuitias aut nobilitatem: qui statui optimatum, virtutem.

4 Tum in rebus, tum quibus hominibus. Aequum, siue aequale, hoc est rationis aequalitas, quae proportionalitas geometrica dicitur, non solum in quibus rebus, ut in pecunijs, vel honoribus, sed etiam quibus hominibus consideratur: qualis enim ratio siue proportio est inter homines, quibus sit distributio, id est inter hominum dignitates, & merita, talis esse debet inter res quae distribuuntur.

5 Ut supra in libris de moribus. In quinto libro Ethicorum ad Nicomachum.

6 De rerum aequalitate consentiunt. Quae res, quibus rebus aequales sint, non est controversia, sed tota dissensio est de hominum aequalitate & imparitate, quia malè de se homines iudicant, dum alij se pares, alij se superiores esse falso iudicant.

- 7 Si re quapiam dispares sint. Id est superiores sine potiores.
- 8 Si opes parandi gratia societatem iniuissent. Si communio ciuilis esset, quasi mercatorum societas ad questum instituta.
- 9 Non viuendi modò gratia. Ad quod necessaria sunt opes, & in ipsis posita est maxima viuendi facultas.
- 10 Alioquin Tyrreni. Itali Tyrreni maris accola, qui Thusci alio nomine vocantur.
- 11 Lex est pactum. Si ciuitas non esset constituta rectè atq; ex virtute viuendi gratia, sed vt homines mutuo auxilio ab externorum iniurijs tuti essent, ciuitas nihil esset aliud, quàm societas quædam bellica: & lex inter homines eiusdem vrbs esset pactum, quale fieri solet inter socios belli, vt lege tanquam sponsore & vade vterentur, fore vt inter se mutuū officium præstarent.
- 12 Lycophron Sophista. Fuit enim alter tragicædiarum scriptor.
- 13 Vterentur sua quisq; domo, vt ciuitate. Si homines in vnum oppidū coacti, eam inter se consuetudinem haberent, quam qui separatim in diuersis oppidis viuunt, non esset illa ciuitas, sed vnusquisque vteretur sua domo, quasi vna ciuitate, vt tot ciuitates esse viderentur, quot domus: cum inter ipsas domos non esset vna communis ciuilis societas, nō magis quàm inter diuersa oppida quæ inter se bellicam societatem habent.
- 14 Hæc vt adsint necesse est. Vt homines in vnum locum conueniant, cōnubijs iungantur, sint inter se auxilio, & mutuā consuetudinem in commercijs habeant, non tamen si hæc adsint omnia, efficitur, siue sequitur, vt ciuitas sit, quoniam præterea vt hæc omnia rectè beateq; viuendi gratia fiant oportet.
- 15 Quo plus quisque in hanc societatem conferunt. Quo quisque magis iuuat ad hunc finem, qui positus est in virtute, id est quo quisque magis virtute præstat.

CAPVT VII.

1. NEQVE verò controuersia vacat, cuius arbitrio ciuitatem administrari conueniat, multitudinis, an locupletum, an bonorum virorum, an vnus, qui sit optimus omnium, an tyranni. Sed hæc omnia videntur esse difficultatibus impedita. Quid enim si pauperes, quoniam plures sunt, 2 bona locupletum partiantur? an hoc non sit iniustum, propterea quòd summam imperij tenenti iustè sic 3 vitum fuerit? 3 extremam igitur iniuriam quid appellare oportet? Rursus si ex omni multitudine plures paucorum bona inter se partiantur, nōne hoc ciuitati manifestam perniciem afferat? At virtus nunquam

nunquam se habenti pernicioſa eſt, nec iuſtum ciuitati interitum importat: quò planè intelligitur, legem hanc iuſtam eſſe non poſſe. Item eodem modo 4 cunctatyranni acta iuſta eſſe neceſſe fuerit: 4. nam vt multitudo diuitibus, ſic ipſe cum ſit potentior, vim affert ciuitati. An vt pauciores diuitesq̃ue imperium teneant, iuſtum eſt? Si ergo diuites etiam talia faciant, & bona multitudinis loco prædæ habeant, atque diripiant, hoc quoque iuſtum fuerit? quod ſi ita eſt, illud quoque alterum erit iuſtum. At hæc omnia praua eſſe & iniuſta, non poteſt dubitari. An penes viros probos imperium, & rerum omnium arbitrium eſſe oportet? at tunc cæteros omnes inhonoratos eſſe neceſſe fuerit: vtpote cum nullis ciuilibus imperijs ſeu magiſtratibus honorarentur: Imperia enim atque magiſtratus honores eſſe dicuntur eiſdem autem hominibus ſemper imperium tenentibus, alij neceſſariò honoris expertes erunt. Sed illud, inquis, ſatius eſt, vt vnus imperium teneat, qui cæteris longè virtute præſtet. at hoc magis etiam ad paucorum potentiam accedit: plures enim inhonorati relinquentur. Non rectū eſt, inquis, hominem quem affectus animi ſollicitant, & non potius legem, in Republica dominari. 5 At ſi lex fuerit paucorum potentix, vel populari Reipublicæ conſentanea, quid tandem interfuerit ad eas controuerſias, quas propoſuimus dirimendas, cum eodem modo incommoda de quibus ſuprà diximus, eueniant? Aliorum igitur ſit alia ratio, oportere autem vt multitudo potius domina ſit, & moderatrix, quàm optimi quiq̃ue, ſed tamen pauci: ſolui poſſe videtur, & quandam habere controuerſiam, 6 ac forſitan etiam verum 6. eſt: fieri enim poteſt, vt multi, quorum quiſque non eſt vir probus, ſi conueniant, ſint paucis illis optimis potiores, non ſinguli ſingulis collati, ſed omnibus omnes, vt cœna ex multorum contributione inſtructa lautior eſſe ſolet, quàm quæ fuerit ex vnus ſumptu parata: ſunt enim multi, & ſuam quiſque partem habet virtutis atque prudentiæ: & fieri poteſt, vt cum fuerint in vnum congregati, multitudo fiat quaſi vnus homo 7 multipes, vt ita loquar, 7. & multi manus, ac multis ſenſibus, multiſque moribus & intelligentijs præditus. Quo ſit, vt de operibus, tum muſicæ, tum etiam poetarum multi rectius iudicium ſerant: nam alij de alia parte, omnes de omnibus iudicant: ſed viri probi ſic præſtant vulgo, quando ſinguli cum ſingulis conferuntur. Vt pulchros non pulchris præſtare dicimus, veris rebus imagines ex arte depictas, mirum

8. mirum quod 8 separatim dispersa in vnum congeruntur : nam si partes singulorum hominum cum partibus imaginis comparentur, pulchrior erit huius oculus, & alterius cuiuspiam altera pars. Sed vtrum hoc inter multos & paucos viros probos discrimen cadere in omnem populum omnemque multitudinem possit, in incerto est. Sed fortasse per Iouem 9 in quibusdam fieri non posse, non est dubitabile: quippe in belluas quoque eadem ratio conueniret, & profecto quidam homines nihil propè dixerim à belluis differunt: sed in aliqua multitudine id quod diximus, verum esse potest. Per hæc igitur dirimi posset superior controuersia, & item illa quæ huic finitima est. Quænam res arbitrio & potestati liberorum hominum, & ciuium multitudini, qui neque diuitias habent, nec vlla virtute censeantur, permitti debeant. Nam licet his summi magistratus non rectè committantur, quoniam 10 iniustitia & imprudentia facilè 11 modò in iniuriam, modò in errorem impellerentur. Tamen nihil eis tribuere, nihil communicare, res est plena periculi: quoniam si multi & egeni honorum expertes sint, urbem hostibus esse plenam necesse est. Superest igitur, vt consultationes eis ac iudicia communicentur. Quocirca Solon & quidam alij legumlatores huiusmodi ciuibz magistratus deligendi & corrigendi facultatem tribuunt: 12 vt autem separatim per se magistratum 13 gerant, non permittunt. Nam omnes congregati 13 satis habent 14 sensus: & cum melioribus mixti ciuitatibus opitulantur: vt 14 ciuibz impurus cum syncero temperatus totum alimentum vtilius facit paucis, licet horum ciuium quisque imperfectus sit ad iudicandum: quanquam hic ordo Reipublicæ controuersia non vacat. Primum quoniam cuius hominis est ægrotanti mederi, ac præsentis morbo 15 laborantem explicare, eiusdem esse videtur iudicium ferre, quis rectè curauerit: hic autem est medicus: ac eodem modo in cæteris doctrinis & artibus vsu venit. Vt igitur medicus medicis sui officij rationem reddere, & ab eis corrigi debet, sic cæteri à sui 16 similibus. Est autem medicus, tum opifex, tum architectus, tum peritus in arte medicina. Sunt enim quidam huiusmodi in omnibus ferè artibus. Iudicium autem tribui peritis, nihilominus quàm scientibus solet, atque eadem ratio delectionis esse videtur: nam rectè deligere munus est cognitionem habentium, exempli causa, geometram rectè deligere, eorum est qui geometrica nouerunt: vt gubernatorem 17 rectè deligunt, qui gubernare sciunt. Nam licet in-
- docti

docti nonnulli de quibusdam operibus atque artibus iudicare possint, melius tamen iudicant qui cognitionem habent, ut hac ratione 17 magistratuum nec delectio nec correctio multitudinis arbitrio permittenda esse videatur. Sed hæc fortasse non omnia rectè dicuntur, tum 18 propter rationem suprà positam, si multitudo sit non admodum seruilis. Nam licet horum quisque peius quàm scientes iudicet, omnes tamè in vnum coacti, aut melius, aut certè non peius iudicabunt: tum quia in nonnullis rebus effector, nec solus, nec melius cæteris omnibus iudicat. Qui opera cognoscunt, nec artem habent, ut domum cognoscere, non eius modò est qui eam ædificauit, sed id melius etiam iudicabit, qui domo utitur, hoc est paterfamilias, & gubernator, quàm faber lignarius. De temone, de epulis, conuiuia melius quàm coqus iudicabit. atque hæc quidem dubitatio satis ad hunc modum solui posse videtur. Sed est alia huic finitima quæstio. Nam malorum quàm bonorum arbitrio res maiores committere, absurdum esse videtur. Res autem maxima est correctio & delectio magistratuum, quæ, uti diximus, in quibusdam Rebus publicis populo committuntur 19 Concilium enim populare omnium rerum huiusmodi summam potestatem habet, ac populariter conuenire, consultare, & iudicare tenui censu, & 20 quacunque ætate hominibus permittitur. Quæsturæ verò ac ductus exercitus, ac omnino maximi magistratus, ex magnis censibus mandantur. Hæc igitur controuersia simili ratione fortasse dirimatur: nam fortassis hæc rectè sunt constituta, non enim iudex, nec Senator, nec qui in concione deliberat, magistratum aut imperium tenet, sed tribunal & Senatus, & populus. Illorum autem quos diximus, quisque, hoc est Senator, popularis, consultor & iudex pars horum habetur. Itaque iurè maximæ res potestati & arbitrio multitudinis permittuntur: ex multis enim tum populus, tum Senatus, tum etiam tribunal consistit: & horum omnium census maior est, quàm eorum qui vel singulatim, vel cum paucis magnis magistratibus, imperijsve præsunt. Atque hæc quidem hæc tenus. Cæterum ex superiore quæstione nihil a què declaratur, ac rectè sancitas leges dominari oportere. Qui autem imperium tenent siue vnus, siue plures, 21 horum arbitrio res eas permitti, de quibus leges perfectè constituere nequeunt, propterea quòd vniuersè de omnibus explicare, non facile est: Quanquam rectè conditæ leges, cuiusmodi esse debeant, nòdum est declaratū, sed manet etiam

Etiam nunc pristina dubitatio. Veruntamen necesse est, leges pro ratione rerum publicarum malas vel bonas esse, iustas aut iniustas. Sed illud non est dubitabile, leges esse ad Rempublicam accommo-
dandas. quod cum ita sit, planè intelligitur, leges rectis Rebuspub.
conuenientes necessario iustas esse, deprauatis iniustas.

Scholia in Caput VII.

1 Nec verò controuersia vacat, cuius arbitrio ciuitatē administra-
ri conueniat. Quæ sit commodissima ratio Kempub. administrandi, magna
quaestio est: nam siue multitudinis, siue paucorum, siue vnius arbitrio gubernetur,
res non vacat difficultatibus & controuersis. & si bonis viris semper esse
imperium deferendum dicas, illud statim occurrit, quod ceteri relinqueren-
tur inhonorati: imperia enim & magistratus honores vocantur. Item si legem
quæ vacat affectibus non hominem dominari oportere contendas, ne hoc qui-
dem est omnino probandum: nam fieri potest vt lex sit populari aut paucorum
potentia accommodata, eritq; idem in lege, quod in homine malum siue in-
commodum. Caterum multi, quorum nemo probus & prudens sit, an pauci o-
ptimi melius Remp. gubernent, si quæras, quaestio sic solui potest: si multi omnes
pessimi ac imprudentissimi, & mancipiorū similes sint, melius à paucis optimis
Respub. gereretur: sin autem, mediocres commodius à multis talibus, quàm à
paucis optimis administrabitur. Itaque imperia seu magistratus qui à singulis
aut cum paucis geruntur, optimis viris mandari: ceteri qui à multis simul,
multitudini permitti debent, vt suffragio ferre magistratus, eosdemq; corri-
gere, & gesti muneri rationem poscere. Postremò leges quoad fieri possit, in
Repub. dominari oportet: nec aliud eorum qui tenent imperium arbitrio per-
mitti, quàm id de quo legibus caueri non potest.

2 Bona locupletum partiantur. Diuidant inter se.

3 Extremam igitur iniuriam quid appellare oportet? Quasi dicat, si
hoc non est iniustum, efficitur vt iustum esse dicatur id, quo nihil fieri potest
iniustius.

4 Præterea cuncta tyranni acta. Si quicquid efficitur à potentiore iustum
est, acta igitur tyranni iusta sunt.

5 At si lex fuerit. Si lex ea fieri præcipit, quæ homines cupidi & importuni
ad tuendum paucorum potentiam, aut Kempub. popularem facerent.

6 Ac forlitan verum est. Melius à multis non probis nec prudentibus Rēp.
geri, quàm à paucis optimis & prudentissimis, scilicet si multi illi nec pessimi,
nec imprudentissimi sint.

7 Multipes

7 Multipes & multimanus. Habens multos pedes & multas manus, ut fit corporis & animi viribus tam potens, quam multi homines simul.

8 Separatim dispersa in vnum congeruntur. Partes quae in pluribus hominibus pulchrae sunt, in vnam imaginem à pictoribus conferuntur, ut Zeufim pictorem tradunt cōductum à Crotoniatis, ut formosissimam Helenae imaginem depingeret, ab ipsis petiuisse, ut virgines omnes in vnum locum conducerent, quos factō, & pictori data potestate, quam vellet eligens Zeufis elegit quinq., nec enim omnia quae quaereret ad venustatem vno in corpore se reperire posse existimauit.

9 In quibusdam fieri non posse. In improbis & barbaris, & parum à bellis distantibus hominibus.

10 Iniustitia & imprudentia. Prauitate morum & mentis hebetudine: ut enim iustos appellare solemus homines omni virtute pradtos, sic iniustos vitiosos & improbos, quoniam iniustitia, ut ipse docet Ethicorum libro quinto, omnes virtutes complectitur.

11 Modò in iniuriam, modò in errorem. Iniuriam vocat quod consulto fit, & prauo animo: errorem, quod per imprudentiam.

12 Ut autem separatim per se. Ut singuli per se gerant magistratum.

13 Satis habent sensus. Id est intelligentia: nam ut videre interdum dicuntur qui intelligunt, sic etiam sentire: videre enim sentire est, & sensus perspicacia saepe ad mentem transfertur.

14 Cibus impurus cum syncero. Cibus commodus cum incommodo mixtus melior est ad alendum corpus, si quātum satis est suppeditetur, quam paucus cibus licet optimus sit.

15 Laborantem explicare. Aegrotantem sanare.

16 Est autem medicus, tum opifex, tum architectus, tū peritus in arte medicina. Opificē medicina vocat, qui medicamēta cōficit, & exequitur praecepta eius qui scientiā habet medicina, hūc autem architectum: nā ut architectus operarijs artificibus faciendā praescribit, sic scientia & arte medicina pradtus, medicamentorum confectoribus & ministris adhibentibus medicamēta: peritos autem appellat eos qui experti sunt in re medica, suis aut aliorum morbis edocti, non per scientiam & artem nam quos grācē Aristoteles περὶ αἰσθητικῶν dixit, hos interpretes peritos cōuertit, quasi vsum aliquē habētes in medicina, quod ex subiectis illi verbis declaratur: Iudicium, inquit, tribuimus nihilominus peritis, quā sciētibus, id est nihilominus vsum & experientiam habentibus quā sciētia & arte pradu: unde in primo libro Ethicorum puerū negat esse probum auctorem doctrinae moralis, quoniam non est περὶ αἰσθητικῶν, id est rerum peritus, quod exponens subiicit, quoniam est vitæ actionum imperitus. Ad summam cum dupli-

T

citer

citer homines erudiantur, literis, aut voce praeceptoris, atq; usu rerum & cōsuetudine: qui hoc posteriori modo sunt eruditi, hos ferè *παρὰ δὲ τοὺς ἄλλους* solent cum auctores ceteri, tum maximè Aristoteles nuncupare, quos nos peritos decimus, aut usu peritos.

17 Nec delectio magistratuum, nec correctio. Deligere magistratum est publicum munus cui visum fuerit, suffragio mandare: corrigere autē, quod *gracè* dicitur *εὐθύνειν*, est vel causas à magistratu iudicatas ex pro-uocatione cognoscere, vel gesti magistratus rationem poscere.

18 Propter rationem suprā positam. Quia multi simul congregati, cōmunicatisq; consilijs multum habent sensus & intelligentia.

19 Concilium enim populare. Conuentus popularium, quā concio *αὐτοῦ* nomine dicitur, *gracè* autem *ἐκκλησία*.

20 Quacunque ætate hominibus. Non quòd pueris etiam pateat ad deliberandum & iudicandum aditus, cum perfecta ratione & arbitrio careant, Politicorum primo, usque aded, ut nec sponte, nec voluntariè facere dicantur, Ethicorum tertio: nec possint operari ex virtute, Ethicorum primo. Sed quia tam iuuenes quàm senes populariter consultant & iudicant, cum sint quidam magistratus qui pro ipsorum ratione separatim his etatibus mandentur.

21 Horum arbitrio res eas permitti. Ut de his statuendi arbitrium & potestatem habeant.

CAPVT VIII.

1. SED quoniam in omnibus disciplinis & artibus finis est bonum, 2. maximum verò & maximè in ea quæ omnium est facile 3. princeps, quæ quidem est ciuilis facultas. 3. Estq; bonum ciuile iustum ipsum, hoc autem est publica cōmoditas: & iustum omnes existimant æquale quiddam esse, & quadam tenus assentiunt præceptis philosophiæ, quæ data sunt 4. in libris de moribus. Nam iustum aliquid, & aliquibus, & æqualibus, æquale esse oportere confitentur: idcirco videndum est qualium rerum æqualitas, & qualium inæqualitas sit. Nec enim hoc vacat controuersia, nec est à ciuili philosophia alienum: nam fortasse dicat aliquis, pro cuiusque boni præstantia magistratus & imperia inæqualiter esse diuidenda. Si cæteris in rebus omnibus pares habeantur, disparibus enim diuersum esse iustum, & quod eis pro dignitate debetur. At si hoc verum est, quo quisque colore aut proceritate aliòve quocunqu

cunque bono præstabit, hoc sibi plus 5 ciuiliū iustorum vendica-
bit, quod est manifestò falsum, vt fieri cæteris in scientijs atque fa-
cultatibus animaduertimus. Nam ex tibicinibus arte paribus non
si qui erunt nobiliores, protinus his plus tibiārum erit tribuendum:
non enim generis præstantia maiorem suggerit tibijs canendi fa-
cultatem: at oportet vt quo quisq; 6 superior est opere, hoc ei plus
instrumentorum tribuatur: quod magis in progressu declarabitur,
si nondum satis quod dicimus intelligitur. Nam si quis arte tibiārum
excellat, sit autem 7 genere aut forma longè inferior, quamuis ho-
rum quodque, id est nobilitas & pulchritudo maius bonum tibia-
rum arte sit, & longè plus proportionē tibiārum artem excellat,
quàm ille præstet tibiārum arte, huic tamen præstantiores tibiæ tri-
buendæ sunt: nam diuitiarum & nobilitatis præstantia 8 ad opus iu-
uare debet, quod nunc abest. Item eadem ratione omne bonum cū
omni bono conferri posset: 9 nam si præstat quod aliqua magnitu-
dine excellit, omnino magnitudo poterit cum diuitijs & libertate
conferri. Si ergo hic plus magnitudine quàm ille virtute excellit, ac
omnino plus magnitudo virtutem superat, vtique omnia inter se
conferri poterunt. Nam 10 si tanta magnitudo maior est quàm tan-
ta, sine dubio tanta fuerit æqualitas: sed cum hoc fieri non possit,
meritò in rebus ad ciuitatem pertinentibus nō per omnem inæqua-
litatem de imperijs & magistratibus cōtenditur. Nam si alteri len-
ti essent, alteri veloces, non ob eam rem his plus esset, illis minus tri-
buendum: licet huic præstantiæ honos in gymnicijs certaminibus
tribuatur. Sed quibus ex rebus ciuitas consistit, de his oportet esse
contentiones. Itaque meritò nobiles & ingenui atque locuple-
tes honorem sibi vendicant: 11 nam liberi sint oportet & qui tri-
butum pendant: non enim ciuitas constaret, si omnes essent ege-
ni, non magis quàm si serui. Porro si eiusmodi homines ciuitati
adesse oportet, haud dubiè iustitia quoque & bellica virtus desi-
deratur: nam sine his ciuitas nihilo magis constare valeat, nisi
quòd 12 sine prioribus nullo modo, sine his rectè vrbs habitari non
potest. Vt igitur ciuitas sit, hæc omnia, aut certè horum quædam
meritò videri possunt contendere: sed ad rectè viuendum disci-
plina & virtus optimo iure, vt suprā diximus, contendant. Sed
quoniam vno aliquo duntaxat pares non sibi debent ex omni-
bus æqualem partem vendicare, nec maiorem qui vno sunt po-
tiores, idcirco necesse est 13 omnes huiusmodi res publicas aberratio-
nes

nes esse: omnes igitur, ut supra diximus, iuste quodammodo contendunt: iuste simpliciter, non omnes diuites contendunt, quoniam ipsi plus agri obtinent, qui ager communis est. Præterea quia diuitibus magna ex parte ad cōmercia & fœdera maior fides habetur, ingenui verò atque nobiles 14 qui inter se finitimi sunt, quia nobiliores ignobilibus magis sunt ciues. Nobilitas autem apud quosque domi honorata est, propterea quòd ex melioribus meliores procreari probabile est: nobilitas enim est virtus generis: eodem igitur modo virtus iure contendere dici potest. Nam iustitiam 15. quam cæteræ necessariò consequuntur, 15 socialis virtus esse dicitur. Sed & plures non iniuria cum paucioribus contendunt, propterea quòd potentiores ditiores ac meliores sint, si plures cum paucioribus conferantur. Si ergo cuncti, hoc est boni viri locupletes atque nobiles essent in vna ciuitate, & item alia quædam multitudo ciuilis, vtrum esset contentio quos potissimum oporteret imperio fungi, an nulla esset controuersia? In singulis igitur Rebus publicis, de quibus diximus, indubitatum est iudicium quos 16. 16. porteat imperare, 16 cum illarum inter ipsas discrimen in ijs consistat, penes quos est imperij summa, id est quòd hæc à diuitibus, illa à viris probis administratur, ac cæteræ eodem modo. Hoc tamen 17. quærimus, cum hæc eodem tempore suppetunt, 17 quomodo sit statuendum. Si virtute præditi numero sint omnino pauci, quomodo sit ineunda ratio: num ad opes spectare oporteat, si ciuitatem administrare præ paucitate nequeant, an videndum, totne numero sint, ut ex eis ciuitas consistat. Cæterum quæstio quædam est in omnes qui de ciuilibus honoribus contendunt. Nam qui 18. diuitias iactant, & ob eas imperium sibi deposcunt, 18 nullum ius afferre videntur, non magis quàm qui genere nituntur: quoniam si quis vnus vicissim omnium esset ditissimus, eodem iure imperium in omnes sibi postularet: ac eodem modo si quis nobilitate 19. cæteros ingenuitate contendentes superaret. 19 atq; idem forsitan virtuti in optimatum Reipub. contingat. Nam si quis vnus cæteris viris probis qui in administratione Reipublicæ versantur, virtute præstet, is eodem iure summam sibi vendicet Reipublicæ potestatem. Item si multitudini ob id summa potestas deferri debet, quoniam multi quàm pauci potentiores sunt: eadem ratione si vnus aut vno plures, pauciores tamen quàm multi, cæteris sint potentiores, his potius esset, quàm multitudini summa imperij defe.

deferenda. 20 Ex his ergo cunctis planè intelligitur eorum causa- 10.
rum quas afferunt, cur ipsi imperare, ceteri omnes sub ipsorum
imperio esse debeant, nullam esse rectam. Nam pari ratione mul-
titudines ius quoddam opponere possent, tum ijs qui virtute, tum
ijs qui opibus nitentes summam imperij sibi deposcunt: fieri e-
nim potest vt paucis multi, non singuli, sed vniuersi meliores sint
& opulentiores. Quorundam igitur dubitationi atque quaestioni
hoc modo occurri potest: quaeritur enim à nonnullis, num legum
conditor in rectissimis legibus ferendis ad meliorum commodum
debeat, an ad plurium vtilitatem spectare, 21 cum id quod diximus,
vltu venit. Nam fortasse quod rectum est suscipi debet. forsitan au-
tem rectum est, 22 vt totius ciuitatis commodum & ciuium com- 22.
mune bonum legumlator sibi proponat. Est autem ciuis commu-
niter quidem is qui modò imperat, modò paret imperio, sed in
quaque Republica diuersus. Ceterum in optimo statu is demum
ciuis est, 23 qui potest & vult tum parere, tum ad vitam ex virtute 23.
degendam imperare.

Scholia in Caput VIII.

1 SED quoniam in omnibus disciplinis & artibus. Cum ciuili fa-
cultatis finis sit iustitia, quae in consulendo publica commoditati versatur, ius-
tum verò aequale quiddam sit, quarendum est in quarum rerum aequalitate
iustitia consistat: non enim quarumcung; rerum, sed earum modò quae perti-
nent ad opus seu finem eius rei de qua contenditur: aequalitas vel inaequalitas
ad iustitiam facit. Itaq; non omnium rerum, sed earum duntaxat quae bo-
num publicum attingunt, aequalitatem & praestantiam spectari oportet in
Repub. communicanda, eiusq; honoribus & commodis distribuendis. In opti-
ma igitur Repub. cum finis sit ex virtute degere, aequalitas & praestantia in
virtute potissimum spectari debet.

2 Maximum vero & maximè. In omnibus, inquit, facultatibus, & arti-
bus finis est bonum quoddam, sed maximè in ciuili facultate finis bonum est,
& id bonum est maximum bonum, iustitia videlicet, quae bonis omnibus cun-
ctisq; virtutibus antefertur.

3 Estque bonum ciuile iustum ipsum. Finis ciuili facultatis est ipsa
iustitia: & iustitia est publica commoditas, id est iustum est quod publica com-
moditati est aptum & conueniens.

4 In libris de moribus Quinto Ethicorum: ibi enim de iusticia, iusto & a-
quo

quo pluribus verbis disputatur: & iustitia distributiva declaratur in quadam rationis aequalitate consistere, quae proportio siue proportionalitas geometrica dicitur, & in quatuor minimum terminis continetur, vt in duobus premijs exempli gratia, A B, & in duorum hominum dignitatibus. C D: nam si distribuendo ea sit proportio A ad C, quae B ad D, iusta fuerit distributio. Itaque iustum non dicitur absolute vt temperatum vel forte, sed ad aliud refertur, & per comparisonem quandam cernitur: hoc est enim quod ait, Iustum aliquid est, & aliquibus.

5 Ciuiliu iustorum. Præmiorum ciuiliu, siue honorum qui iuste & pro dignitate distribuuntur.

6 Superior est opere. Quo magis instructus est facultate ad fungendum opere.

7 Genere aut forma. Nobilitate & pulchritudine.

8 Ad opus iuuare debet. Adiumento esse debet ad tibiæ cantum nobilitas & diuitia, vt iure ipsarum eo plus sibi quisquam tibiæ postulet, quo nobilior sit & opulentior.

9 Nam si præstat quod excedit aliqua magnitudine. Si ad ciuilem dignitatem obtinendam comparatur, vt potior cum diuite aut nobili, qui quantis magnitudine vincit, vt venustatis aut proceritatis, ea magnitudo, id est res qua excedit, & magis est talis, quacunque fuerit, poterit cum libertate & diuitijs comparari, quod est falsum: comparatio enim non fit inter ea quorum est diuersa natura physica. 7. nec comparabilia sunt, quæ genere differunt, metaphy. x. est autem hic locus græcè perobscurus: sic enim habet, εἰ δὲ μάλλον τὸ τὶ μέγεθος, καὶ ὅλως ἀντὶ τοῦ μέγεθος ἐλάττω εἶναι πρὸς πλεονέκτητον, καὶ πρὸς ἐλευθερίαν, quod est ad verbum, si autem magis quod aliqua magnitudine omnino fuerit magnitudo comparabilis, cum diuitijs & libertate, id est si magis scilicet tale est, quod aliqua magnitudine est magis tale, exempli gratia, si magis hic pulcher, qui pulchritudinis magnitudine est magis, siue præstat. Si ergo hic magis pulcher est quàm ille diues aut nobilis, quemadmodum hi homines comparantur inter se: sic ipsa magnitudines, id est pulchritudo & diuitia aut libertas, erunt comparabiles inter ipsas, & ita qualibet res cum qualibet comparari queat, quod est falsum: quem sensum satis commodè interpres videtur expressisse latine.

10 Si tanta magnitudo maior est quàm tanta. Exempli gratia, si tres partes virtutis maior magnitudo est quàm quatuor pulchritudinis, eadem tres partes virtutis erunt, verbi causa, quinq; pulchritudinis æquales, ac proinde sex partes pulchritudinis præstabunt tribus virtutis: huiusmodi autem comparatio inter res natura diuersas fieri non potest, vt declarauimus.

11 Nam

11 Nam liberi sint oportet, & qui tributum pendant. Non immunes tributorum & stipendiarios dicit, sed non seruos, aut etiam nobiles & diuites, qui suis bonis possunt Rempub. in necessitatibus subleuare, quod interdum fit tributum pendendum: vnde subiecit, non enim ciuitas constaret, si omnes essent egeri.

12 Sine prioribus nullo modo. Sine locupletibus & liberis hominibus ciuitas esse non potest, quia communio sine his est imperfecta, cum careat rebus necessarijs. Ciuitas autem societas perfecta est, ut primo libro docuit: sine iustitia verò & bellica virtute esse quidem potest, sed praue & incommodè.

13 Omnes huiusmodi Rempub. In quibus homines de Repub. contendentes diuitijs aut nobilitate seu ingenuitate nituntur, quorum quodq; iustum quoddam est, non tamen simpliciter iustum: hoc enim in virtute potissimum consistit.

14 Qui inter se finitimi sunt. Hic enim ingenuos siue liberos appellare videtur, qui liberaliter viuunt extra sordidas & necessarias artes.

15 Socialis virtus esse. Maximè cerni ac versari in societate ciuili. Iustitia enim est virtus ad alterum, in qua cum virtutes omnes intelligantur, hoc tamen differt à virtute, quod iustitia dicitur quatenus est ad alterum: virtus autem simpliciter, quatenus est talis habitus: itaq; virtus & iustitia cum re sint idem, sola ratione differunt, Ethicorum quinto.

16 Cum illarum inter ipsas discrimen. Non dubium est, inquit, penes quos imperium esse debeat, in quoque Reipublica genere, cum ipsarum discrimen faciant, penes quos est imperium: ut pauci diuites faciunt daucorum potentiam: multitudo egentium cum tenet imperium, Rempub. popularem: & ceteras eodem modo in quibus singulis fieri potest, ut non sint cuncta hominum genera, sed sint diuites, exempli gratia, non tamen viri probi, aut liberi, non tamen nec boni, nec locupletes. Nunc igitur quaritur si sint in eadem ciuitate cuncta haec hominum genera, & multitudo popularis, ut sit locus delectui, quibus sit imperium deferendum, ut sit rectè instituta Rempub.

17 Quomodo statuendum sit. Quae ratione ipsorum paucitas esse & statui debeat. An quia tam pauci sunt, ut nequeant ciuitatem administrare, quod est ad opus spectare: an quia tam pauci, ut ciuitas ex eis constare nequeat.

18 Nullum ius afferre videntur. Non quod vel diuitia vel nobilitas nihil debeant suffragari. nam oppositum paulò antè dixerat, meritiò nobiles, ingenuos, & locupletes honorem sibi vindicare: sed quia nec diuitia per se, nec nobilitas ius perfectum praebeant ad imperandum, ut soli, vel diuites, vel nobiles imperent.

19 Atque idem forsitan virtuti. De diuitijs & nobilitate simpliciter est locutus.

locutus: de virtute cum temperamento forsitan, quia fortassis in virtute per se non est ius perfectum ad imperandum. si vir probus nobilitatis aut diuitiarum sit penitus expertus, quanquam virtus per se ceteris omnibus bonis est preferenda, & facile potest beneficio Reipub. diuitijs, quantum satis est, augeri, & parare sibi nobilitatem, aut potius quod de virtute dubitat, & cetera iura referenda sunt ad hoc, quod subiecit.

20 Ex his ergo cunctis, &c. Nam nullam ex supra memoratis causis rectam esse dicit, & satis iustam, ut qui ea nituntur, soli debeant imperare: nam ne in optima quidem Repub. omnes magistratus viris probis deferri debent, sed maximi, & in quibus summa Reipub. magis versatur, quique per singulos perfectos, aut cum paucis administrantur, ne si ceteri inhonorati, & expertes Reipub. relinquuntur, ciuitas sit hostium plena, hoc est hominum, qui cum non sint presenti statu contenti, rebus nouis studeant, ut declaratum est capite superiore.

21 Cum id quod diximus usu venit. Cum in eadem ciuitate sunt varij ordines hominum locupletum, nobilium, proborum, & multitudo popularis.

22 Ut totius ciuitatis commodum, & ciuium commune bonum. Ut in quibusdam legibus ferendis spectet ad commodum totius ciuitatis, in qua vulgus omne continetur, & multi qui non sunt in numero ciuium, in alijs eorum bonum intueatur, qui proprie ciues esse intelliguntur.

23 Qui potest, & vult. Qui virtutem habet boni ciuis, tum ad parendum, tum ad imperandum in vita ex virtute degenda: nam qui habitu praeditus est, qui virtus nominatur, is & potest facile scilicet propter habitus facultatem, & propter pronitatem, vult recte agere: agit enim cum voluptate.

CAPVT IX.

1. CAETERVM si quis vnus existat, aut plures vno, sed non tot numero, ut totam ciuitatem complere possint, qui virtutis
2. praestantia tantopere excellant, ut ceterorum omnium 2 virtus, facultasque ciuilis, non sit cum illorum, si plures sint, aut cum illius, si vnus, virtute comparanda, profecto hi non sunt in parte ciuitatis ponendi: Nam ceteri iniuste facerent, si sibi paria ijs poscerent, à quibus tantopere virtute & facultate ciuili superantur: nam vir talis tanquam Deus esset in hominib. habendus. Quo perspicue intelligitur, 3 leges necessario in genere & facultate pares ferendas
4. esse: in huiusmodi autem viros lex non est, 4 ipsi enim sunt lex. Merito enim rideretur, si quis in eos leges ferre tentaret, atque ea forsitan

fitan audiret, & quæ leones (vt memorat Antisthenes) leporibus re- 5.
 tulerunt, cum ij concione coacta, æquam partem omnibus tribu-
 endam esse censerent. Ciuitates igitur quæ populariter admini- 6.
 strantur, ob similem causam & ostracismum constituunt: hæ nan-
 que maximè omnium æqualitatem sectari videntur. Quocirca
 qui opibus aut gratia seu clientelis, aliavé ciuili facultate plurimum
 posse videntur, hos per ostracismum ciuitate pellere, & ad certa
 tempora exterminare solent. Cui similis causa Argonautorum
 fabula locum secisse videtur, à quibus idcirco Herculem reli-
 ctum esse narrant, quòd nollent eum in naui Argo cum cæteris ve-
 hi, qui nauigantibus multum excelleret. Ergo qui tyrannidem &
 7. consilium à Periandro Thrasylulo datum vituperant, 8. horum 7. 8.
 improbatio non simpliciter recta existimari debet. Nam Periander
 caduceatori per quem Thrasylulus consilium eius exquirebat, ni-
 hil respondisse fertur, sed spicis eminentibus sublati, segetem adæ-
 quasse: quo Thrasylulus à caduceatore qui facti causam ignorabat,
 renunciato, tollendos esse de medio cognouit viros, qui præter
 cæteros excellerent: quod non solùm tyrannis conducit, nec so-
 lùm ab eisdem facitatur, sed eodem modo in paucorum domi-
 natu, & in administratione populari fit. Nam ostracismus ean-
 dem vim habet quodammodo, quam præstantium virorum pro-
 hibitio & relegatio. Idemque per vrbes & gentes faciunt ij qui
 rerum potiuntur, vt Athenienses in 9. Samios, Chios, & Lesbios: 9.
 qui cum primùm habuere firmatum imperium, ipsos præter pacta
 & conuenta depresserunt. Et rex Persarum sæpe 10. Medos & Ba- 10.
 bylonios & cæteros propterea quòd imperium aliquando tenuis-
 sent, 11. insolecetes extenuauit. 12. sed nos de cunctis rebus publi- 11. 12.
 cis etiam rectis in vniuersum quærimus. Nam licet hoc etiam fa-
 ciant priuati compendij gratia, quæ à recto deflexerunt, idem ta-
 men fit in ijs etiam rebus publicis, quæ communem vtilitatem
 sequuntur: sed hoc ipsum in alijs quoque artibus & scientijs decla-
 ratur. Neque enim pictor pedem maiorem quàm commentus, a-
 ptaque membrorum compositio postulat, in animali probaret, e-
 tiam si pulcherrimus esset: nec nautium adificator puppim, aut ali-
 am partem nauis iusto maiorem ferret, quanuis pulchritudine præ-
 staret: nec si quis maius pulchriusque quàm totus chorus sonaret,
 hunc chori magister in choro versari sineret.* Ob hoc igitur fieri
 potest, vt monarchiæ cum ciuitatibus concinant, si hoc faciant, cum
 propri-

- proprium ipsorum imperium est vtile ciuitatibus. itaque in eas de
 13. quibus constat excellentias, 13 iure quodam ciuili nititur ostracif-
 mi ratio. Satius est igitur vt legumlator ab initio sic Remp. consti-
 14. tuat, vt nullum tale medicamentum desideret. 14 Caterum si acci-
 dat, secunda nauigatio fuerit, tale quoddam remedium adhibere,
 15. 15 quod factum non est in ciuitatibus: non enim ad publicum suæ
 Reip. bonum spectabant, sed seditiose ostracismis vtebantur. Hoc
 igitur priuati commodum, ac iustum esse in deprauatis rebus
 publicis certum est. Sed fortasse hoc non esse simpliciter iustum
 nihilo magis est dubitabile. Caterum in optimo statu Reip. ma-
 gna questio est, non si quis ceteris bonis, vt potentia, diuitijs, gratia-
 que & clientelis præstet, sed si virtute excellat, quid consilij sit ca-
 piendum: neque enim ei sciendus virtalis, in exiliumque mitten-
 dus esse videtur: sed neque imperio subiiciendus, quod perinde
 16. esset, ac 16 si partitis imperijs etiam Iouem sub imperio esse cense-
 rent. Superest igitur id quod iustum esse videtur lege naturæ, vt o-
 mnes huiusmodi viro libenter pareant, sic vt tales viri perpetui re-
 ges sint in ciuitatibus.

Scholia in Caput. IX.

- 1 CAETERVM si quis vnus exultat, aut plures vno. *Quid consilij
 capiendum sit edisserit, si vnus aut pauci tantopere virtute in ciuitate præ-
 stent, vt caterorum omnium virtus cum huius vel horum virtute non sit com-
 paranda: & hunc aut hos affirmat iustum esse, vt semper imperium in alios
 teneant. Alia ratio est, si opibus, genere, aut clientelis excedant: nam vbi talib.
 bonis imperia tribuuntur, Respub. sunt deprauata: sed omnino in quauis Re-
 pub. bona vel mala commodum est non esse inter ciues maximam inaequalita-
 tem, idq; legibus prouidendum esse tradit.*
 2 Virtus facultasque ciuilis. *Facultatem ciuilem vocat, quicquid opus in
 homine est, quod faciat ad ciuilem societatem iuuandam, tuendamq; siue
 administrandam.*
 3 Leges in genere & facultate pares ferendas esse. *Genus tribus modis
 dicitur, vt est in pradicabiliu capite primo: Vno, vt est collectio aliquorum
 quodammodo inter sese habentium. Altero, vt est principium cuiusq; genera-
 tionis: Tertio, id cui subijciuntur species. Hic primo modo capitur genus: nam
 qui virtutibus & facultate ciuili aequaliter præstant, ij sunt genus quoddam
 hominum du er, sum à dissimilibus. Dicitur autem genus hoc per translatio-
 nem &*

em & similitudinem eorum quæ propriè sunt in genere, vt animalia.

4 Ipsi enim sunt lex. Lex vt habetur Ethicorum quinto, secundum omnem virtutem viuere iubet, & prohibet contrarium. Cum igitur viri optimi & ipsi viuunt ex virtute, vitia vitantes: & ceteris vt idem faciant, tum verbis, tum exemplo præcipiant: merito ipsi lex esse dicuntur, vnde Paulus ad Romanos: ipsi, inquit, sibi sunt lex.

5 Quæ leones, vt memorat Antisthenes. Hæc historia seu fabula non extat, quod sciam, sed probabile est, leones in hanc sententiam leporibus respondisse, docete, vos, si potestis, omnes animantes inter se virtute, ac robore, & ceteris facultatibus esse pares, & tunc omnes honoribus, & commodis ex æquari, vt nobis suffragantibus postulasti.

6 Ostracismum constituunt. Ostracismus exilij genus erat, quo maximè Athenienses vsi fuisse memorantur, quorum erat Respublica popularis: nam si quis esset ciuitati suspectus, propterea quod vel gloria, vel diuitijs, vel potentia, aut alia facultate magnopere ceteros excelleret, hunc ad decennium in exilium mittebant: non enim pœna id criminis erat sed prouisio ne quid inde mali in Rempublicam oriretur. nomen autem sumptum est à fragmentis ficilium, quibus nomen eius inscribebant, qui esset in exilium mittendus: nam ostracon græcè, latine est testa.

7 Consilium à Periandro Thrasybulo. Periander tyrannus Corinthi fuit, Thrasybulus Mileti, quorum & dati consilij Herodotus in Terpsichore meminit: sed consiliū à Thrasybulo Periandro datū fuisse tradit, contra scilicet, quā Aristoteles memorat, sed vtro modo referatur, ad sē sū nihil interest.

8 Horum improbatio non simpliciter recta. Non quod consilium non esset improbum, iniustum, & tyrannicum: hæc enim ratione rectè improbat, sed quia Thrasybulo tyranni rationibus conueniebat, idcirco rectum quodammodo videri potest consilium, hoc est solers, & astutum. Similis huic est euangelica parabola de villico iniquitatis, Luca decimosexto, cuius non factum dominus, sed solertiam & astutiam, qua prudentiam imitatur laudauit, hoc est ingenium, quoniam excogitauit quæ commodè posset ad id quod sibi proposuerat peruenire.

9 Samios, Chios, & Lesbios Samos insula est obiecta Caria, Parthemia prius dicebatur. Chios insula Ionum cum vrbe cognomine, à qua Lesbos insula sexaginta quinq; millia passuum abest, auctore Plinio.

10 Medos & Babylonios. Regnum in Asia ab Assyrijs, quorum erant Babylonij. Arbastus sublato Sardanapalo ad Medos transfudit, à Medis Cyrus ad Persas deuictō Astyage auo.

11 Insolescentes. Superbientes, magnosq; spiritus sumentes.

12 Sed nos de rebus publicis etiam rectis. In tyrannide, & paucorum potentia: itemq; in statu populari. Qui aliqua facultate excellunt, eijciuntur vrbe, non quia iustum & rectum sit, & ex bono publico, sed quia sic est priuatis eorum rationibus utile, quorum libidine res gubernatur. Nos autem quarimus, quid in tales viros statuere oporteat, etiam in optimè instituta republica, cuius administratio ad bonum publicum spectat. Nam etiam in hoc generatio eodem modo valere videtur, quod exemplo reliquarum artium & facultatum probat.

* Ob hoc igitur fieri potest, vt monarchæ cū ciuitatibus concinant. Ex hac ratione quam exemplo & testimonio artium exposuimus, declaratur fieri posse vt praestantium virorum deiectio ab aliquo monarcharum facta, non solum ipsi monarchæ ad imperij firmitudinem, sed etiam ciuitatibus ad publicam pacem & quietem conducatur, si monarcha imperium sit utile ciuitatibus, id est, si monarchia non sit tyrannis, sed iustum regnum. Vt si quis in ciuitate aut regno virtute, prudentia, gratia & opibus tanto opere praestet, vt periculum sit, ne ipsius occasione magna seditiones & fortasse conspirationes in regem existant, quibus necesse est publicam pacem & otium conturbari. hunc si rex sui finibus eijciat, aut aliqua ratione deprimat & extenuet, sui simul imperij perpetuitati, simul populorum otio & quieti consulat. Clarum precepti huius exemplum nobis adolescentibus Hispania vidit, cum Ferdinandus rex proauus tuus optimus & sapientissimus princeps, Gonsalum magnam decus & gloriam nostræ gentis inuitus, vt opinor, sed propter causas memoratas sibi regnoq; cauens deprecatur, ac extenuauit: qui non modò ipsum Diui Iacobi equitum magistrum in Hispaniam reuersus, vt ei fuerat ad Neapolim pollicitus non constituit, sed etiam per causam noui belli gerendi, atque delectus habendi: ad cuius famam omnis fere iuuentutis Hispanæ nobilitas propter ducis praestantiam, & cum omnium virtutum, tum liberalitatis opinionem excitata fuit, frustra magnas opes consumere, atq; etiam es alienum contrahere pro magna ipsius in omnes ordines effusionem coegit.

13 Iure quodam ciuili nūtur Quia pertinet ad statum ciuitatis tuendum.

14 Caterum si accidat, secunda nauigatio fuerit, tale quoddam remedium adhibere. Primum est vt Respub. sic legibus instituat, vt hoc incommodum accidere nequeat: sed proximum: vt si quid tale acciderit, huiusmodi remedium adhibeatur. Vt est autem pro uerbo dicens, secunda nauigatio: nauigantibus enim primum & maximè optandum est, vt nauigent secundo vento, & hæc est prima nauigatio, id est, primum optanda: Secunda vero, id est secundo loco expetenda, vt liceat remis nauim impellere, aduersis si sitis.

his flatibus, non impediētibz: quod sic abiit in prouerbiū, vt quod proximum est optimo, secunda nauigatio decatur.

15 Quod factum non est in ciuitatibus. Athenienses hoc in loco designare videtur, qui multos per ostracismum in exilium misere, non ob eam causam, propter quam ostracismus est inductus, de qua supra dictum est, sed per factiones seditiose. Itaq, ad improbos etiam & humiles descendit, quorum postremus fuit Hiperbolus homo abiectus auctoribus Alcibiade & Nicia, cuius rei indignitatem pertusus populus Atheniensis, ostracismum antiquauit.

16 Si partitis imperijs Iouē sub imperio esse censerent. Simile, inquit, esset, ac si Dī staterent inter se, vt sic per omnes aut aliquos ipsorum irer imperandi vicissitudo, vt Iuppiter modò imperium teneret, modò esset sub imperio, quod esset absurdissimum, cum solus Iuppiter plus virtutis & potentie haberet, quàm ceteri omnes Dī deq, simul, sapientium hominum opinione, vt declarat Homericæ illa cathena, de qua memorat Aristoteles in libro de motu animalium. Quo planè intelligitur, omnes ferè sapientes philosophos vnum tantum Deum agnouisse, quamuis plurimos nominarent: vt declarat idem philosophus, qui in libro de mundo ad Alexandrum. sic scriptum reliquit: Deus, inquit, cum vnus sit, multis tamen nominibus appellatur, quæ homines ei ab ipsius operibus indiderunt: à qua vero Deo cum discederetur, ceteros omnes non esse, sed per quandam similitudinem Deos vocari sapientes intelligebant, vt idem Aristoteles testatur in libris de prima philosophia, qui cum multos Deos in eodem opere saepe nominasset, quos alio nomine intelligentias appellat, libro tamen duodecimo vnum tantum Deum esse confirmat. Deus enim nisi summus, optimus, maximus, nullus esse valet, quod in plures cadere non potest. Itaq, ex creatura mundi, vt Paulus scribit ad Romanos, id est duce natura, Deum cognoscebant, sempiternam quoq, eius virtutem & diuinitatem: ne quis putet quicunq, plures Deos nominabant, eos omnes fuisse idolorum cultores. Nemo enim nisi insanus, cui esse vnum tantum Deum cognitum est, plures potest colere pro Dīs.

CAPVT X.

1 HIS quæstionibus explicatis, opera precium fortasse fuerit ad 1.
disputationem de regno transire: ex recte senim rebus publicis hanc
vnam esse constituiamus. Considerandum est autem, num ad re-
ctum, honestumque ciuitatis ac regionis statum conducat, vt re-
gio imperio gubernetur, an commodior sit alia ciuitatis moderan-
da ratio an 2 quibuldam commodum sit, alijs inutile regibus pare 2.

V 3

re. Sed

- re. Sed primum omnium videndum est, num genere vno regna
contineantur, an sint pluribus discriminibus distincta. Sed com-
plura esse genera, nec omnium regnorum vnum esse modum faci-
3. 4. le est intelligere. Regnum enim 3 Laconicæ Reipublicæ, 4 maximè
legitimum regnum esse videtur. Rex tamen non habet summam
rerum omnium potestatem, sed extra regionem summam imperij
in bello gerendo tenet. Præterea reges diuinis rebus procurandis
5 que sacrificijs præsumunt. Itaque Regnum quasi 5 ductus militaris est,
cum summa potestate, & perpetuus: non enim vitæ ac necis pote-
6. statem habet, præterquam 6 in quodam regno, vt more veterum
7. in bellicis expeditionibus 7 lege præbente potestatem, vt declarat
Homerus, apud quem in concilijs Agamemnon, cum maledictis &
8. 8 conuiijs incesleretur, contumeliam ferebat, sed in bello gerendo
interimendi ius & potestatem habebat. sic enim ait:

*Prælia vitantem, si quem fortasse carinas
Ad curuas sedisse sciam, non ille caninos,
Non volucrum effugiet morsus, ritusq; voraces,
Me penes arbitrium cum sit.*

- Hæc igitur est vna regni species, vt tota vita dux belli sit. Sed hæc
9. regna quædam sunt 9 ex genere hæreditaria, quædam voluntate, ac
suffragio populorum deferuntur. Est aliud monarchiæ genus,
qualia sunt apud quasdam nationes regna barbarorum, quæ re-
10. gna cuncta 10 potestatem habent tyrannicæ proximam, legitima
tamen & hæreditaria sunt. Nam cum ex gentibus Barbari quàm
Græci natura sint ad seruiendum procliuiiores, & qui Asiam quam
qui Europam tenent, idcirco tales æquo animo imperium herile
ferunt. Sunt igitur huiusmodi regna tyrannica, illa quidem ob
eam causam, sed tamen tuta, quoniam hæreditaria & legitima, &
eorum custodia regia est, non tyrannica, eadem ex causa. Reges
enim ciuium armis, tyranni externo præsidio custodiuntur, cum
11. alteri lege, volentibusque imperitent, 11 inuitis alteri. Itaque reges
à ciuibus custodiuntur, tyranni contra: ciues præsidio muniuntur:
atque hæc quidem sunt duo monarchiæ genera. Est aliud, quod
12. olim apud Græcos tenebant, qui 12 Aesymnetæ dicebantur, quæ,
vt summatim loquar, tyrannis est suffragio delata: differt autem à
regno barbarico, non quòd sit præter legem, sed eo duntaxat, quòd
non traditur iure hæreditario. Hoc imperium quidam ad vitam,
13. alij ad certa tempora, vel ad certas res gerendas tenebant, 13 vt
olim

olim à Mitylæneis Pittacō aduersus exules, quibus Antimenides
 & 14 Alcæus poeta præerant, delatum est. Nam pro tyranno dele- 14.
 ctum fuisse Pittacum Alcæus ipse declarat, qui quodam obliquo-
 rum, furiosiorumque carminum loco Mitylænis obijcit, quod
 Pittacum infimo loco natum, tolerantis ac infelicitis ciuitatis tyran-
 num fecissent, magnis eum per conuenticula laudibus efferentes.
 Hæc igitur imperia, sunt & fuerunt 15 herilia, quoniam tyrannica: 15.
 regia verò, quoniam suffragio & voluntate ciuium deferrebantur.
 Quartum regni genus est, quo regna heroicorum temporum vo-
 luntaria hæreditariaque ex lege continentur. Primi enim volunta-
 te populorum, quos artibus aut bello demeruissent, seu dispersos in
 vnum congregassent, vel agros, sedesque ad habitandum tribu-
 issent, reges fiebant: eademque regna posteris hæreditario iure trade-
 bantur: & reges imperij summam dum bellum gererent, habebant,
 præerantque sacrificijs, quæcunque ad sacerdotes non pertine-
 bant: & causas dijudicabant, quidam iniurati, alij dato iureiu-
 rando: erat autem iusiurandum, erectio sceptri. Reges igitur an-
 tiquitus tum in ciuitatem & populos, tum extra fines continenter
 imperium tenebant. Postea verò quædam remittentibus regibus i-
 psis, alia populis auferentibus, 16 sola sacrificia regibus relicta sunt 16.
 in alijs ciuitatibus: 17 vbi verò regnum meritò vocari posset, impe- 17.
 rium duntaxat externorum bellorum tenebant.

Scholia in Caput X.

1 HIS quæstionibus explicatis, operæpretium fortasse fuerit, ad di-
 sputationem de regno transire. Quatuor hic regni genera memorantur;
 Primum id, quo regnum Lacedæmoniorum olim continebatur, nunc regnum
 Arragonensium. Alterum, quo regna Barbarorum, quæ cum lege nitantur, &
 sint hæreditaria, herile tamen imperium exercent, cuiusmodi nunc est re-
 gnum Turcarum. Tertium genus est eorum, quos Græci Aesymnetas voca-
 bant, ab imperando, quod suffragio deferrebat, non hæreditate, partim ad
 vitam, partim ad tempus, qualis erat apud Romanos Dictatura. Quartum
 genus heroicorum temporum: quæ regna initio non per vim erant occupata,
 sed populorum voluntate deferrebantur. Deinde ex lege posteris hæreditate
 tradebantur, qui Reges in bello imperium cum summa potestate tenebant, &
 quibusdam sacrificijs præerant.

2 Quibusdam commodum sit, alijs inutile. Nam quidam homines

NALITA

natura sunt apti, ut pareant imperio regio, alij ut civili, alij etiam ut herili.

3 Laconicæ Reipub. Lacedamoniorum: nam Laconia regio est, cuius caput urbs Lacedæmon.

4 Maximè legitimum. Ex lege maximè, quia non solum per legem ex Heractidarum familia Reges succedebant, sed legibus etiam, non sua voluntate regnum administrabant, præterquam in bello, ubi summam potestatem habebant.

5 Ductus militaris cum summa potestate. Nam reges Lacedamoniorum qui bini regnabant, nihil aliud erant, quam belli duces perpetui, sed ita ut eorum quisque cum summa vita & necis potestate bellum gereret: hoc est enim quod ait.

6 In quodam regno. Id est in parte quadam regie administrationis, scilicet in bellica.

7 Lege præbente potestatem. In vulgatis græcis exemplaribus scriptum est, $\epsilon\tau\chi\epsilon\rho\varsigma\ \nu\omicron\mu\omega$, id est in manus lege: sed corruptè, ut opinor: vetus interpretis promptus, potens conuertit, quo intelligitur in exemplari græco unde transfererebat, fuisse $\epsilon\tau\chi\epsilon\rho\varsigma\ \&\ \nu\omicron\mu\omega$, hoc est lege potestatem habens, sensu commodissimo: nam tali Regi non ex illius regni natura, siue condicione, sed ex lege Reipub. in bello pœna capitali afficere licebat.

8 Conuicijs incesleretur. Ab Achille, de quo iurgio est in Iliados lib. ij.

9 Ex genere. Iure generis & familia hereditario.

10 Potestatem habent tyrannicæ proximam. Quia rem arbitrio suo gerunt, & imperium propemodum herile in subiectos exercent: sunt tamen legitima quia ex lege posteris traduntur.

11 Inuitis alteri. Tyranni: nam si volentibus imperarent tyranni, iustum esset ipserum imperium: volentibus enim, ut est in quinto Ethicorum, non fit iniuria.

12 Aesymnetæ. Ii dicebantur quasi rectores seu iussores, quales erant, ut diximus, Dictatores apud Romanos, qui suffragio ad aliquod negotium, aut bellum conficiendum ad tempus deligebantur: interdum etiam ad vitam, ut Sylla & Iulius Caesar, qui facti sunt perpetui Dictatores nomine scilicet: nam reuera tyranni erant. Nam Dictatoris summa erat & sine prouocatione, vita & necis ac rerum omnium potestas, & regno seu tyrannidi similis.

13 Ut olim à Mitylenæis Pittaco delatum est. Pittacus ab urbe Mitylenæ insula eiusdem nominis Mitylenæus cognominatus, unus fuit de septem sapientibus: huic propter virtutem ciuitatis imperium fuit à suis ciuibus delatum: quo tamen ipse sponte sua post decennium sese abdicauit, ut refert

Diogenes

Diogenes Laërtius.

14 Alcaus. Poeta nobilis hic fuit, de quo meminit etiam Diogenes.

15 Herilia, quoniam tyrannica. Sic legitur in græcis exemplaribus, quæcunque mihi videre contigit: sed lectio videtur esse transposita, quæ commodius habitura, videretur, si sic esset: tyrannica, quoniam herilia: hic enim regnum cum tyrannide comparatur, quanquam vtriusq; scriptura verus est sensus: estq; imperium omne tyranni cum herile. Tyranni enim Rempub. administrando, non subiectorum, sed suam utilitatem spectant, quod est proprium herilis imperij.

16 Sola sacrificia Regibus relicta sunt. Ut apud Romanos: quoniam quædam sacrificia à solis Regibus olim fieri solita erant, quæ Regibus exactu impediri videbantur: idcirco Iunio Bruto & Marco Valerio Consulibus creatus est sacerdos, qui rex sacrorum, & idem rex sacrificulus dicebatur, qui tamen erat pontifici maximo subiectus: itaq; nomen regis in sacris duntaxat erat relictum.

17 Vbi meritò, regnum vocari possit. Nam rex sacrorum improprie, alienoq; nomine rex appellabatur: hic autem ultimo loco memoratus, ad Laconicum genus refertur: quod & ipsum non satis proprie dicitur regnum, ut ipse declarabit.

CAPVT XL.

1 HAEC igitur sunt regni genera quatuor numero: Primum illud heroicorum temporum, quo volentibus quidem, sed certis quibusdam in rebus imperabatur: Rex enim Dux erat in bello, & iudex, & in ijs quæ ad cultum Deorum pertinerent, summam potestatem habebat: Secundum genus barbaricum est, quod hæreditario iure posteris eiusdem familiæ traditur: Tertium quod æsymnetiam vocant, estq; tyrannis suffragio delata: 2 Quartum laconicum, quod est, ut summatim loquar, hæreditaria & ex genere perpetua exercitus præfectura: hæc igitur regna ad hunc modum inter se differunt: Quintum regni genus est, cum vnus summa rerum omnium potestate fungitur, 3 quemadmodum gens, aut ciuitas quæq; 3 rerum communium potestatem habet, quod regnum 4 administrationis domesticæ ordinem æmulatur. Nam ut domestica gubernatio est regnum quoddam domus: sic regnum est domestica ciuitatis, & gentis vnus aut plurium administratio. Cæterum duo ferè sunt regni genera, de quibus est nobis differendum: hoc, quod

X

modò

- modò diximus, & laconicum. Nam cætera ferè his interiecta sunt:
5. aut enim reges pauciorum rerum quàm 5 in pleno regno, aut plurimum, quàm in laconico arbitrium habent. Itaque tota ferè disceptatio in duobus versabitur. Primum, an sit ex usu ciuitatum esse
 6. 7. Ducem perpetuum, & hunc 6 per familias, 7 an per singulares homines, an secus: Secundum expediat, an non 8 vnum esse rerum omnium dominum. Cæterum de tali Duce quærere, ad legum magis, quàm ad Reipublicæ rationem pertinere videtur, 9 cum hoc fieri in omni statu ciuitatis possit. Priore igitur omisso, de altero re-
 10. gni modo, cum 10 species Reipublicæ sit, differere, & huius loci difficultates paucis verbis expedire conuenit: cuius quæstionis caput est, vtrum commodius sit optimi viri, an optimarum legum imperio Rempublicam administrari. Qui ergo regium imperium
 11. probant, his leges vniuersales duntaxat præcipere, non autem 11 ad ea quæ accidunt, præcepta dare existimantur. Itaque in qualicun-
 12. 7. que arte 12 ad legum præscriptum imperare, stultum esse dicunt, vt ¶ in Aegypto medicis post diem quartum mouere permittitur, intra id tempus sine suo periculo non licet: quo planè intelligitur, non esse optimè instituta Respub quæ literis & legibus administratur, ob e-
 13. andem causam. Atqui 13 ratio illa vniuersalis Rempub. moderantibus adesse debet. quod autem omnino caret affectibus, potius est,
 14. quàm cui natura sunt insiti: 14 quod malum, vt legibus abest, sic humanis omnibus animis adesse necesse est. Sed pro lege, inquis, com-
 15. modius de rebus singulis consultabit. 15 At ipsum haud dubiè legum esse conditorem oportet, & leges adesse, quarum auctoritas in rebus cæteris rata sit, qua verò parte à recto deflexerint infirma. Cæterum quibus de rebus lex, aut omnino, aut certe rectè statuere non potest, in his vtrum magis è re fuerit vnum optimum virum tenere imperium, an multitudinem, controuersia est. Nunc enim ad causas cognoscendas, ad consultandum, ad magistratus deligen-
 16. dos plures conueniunt. 16 Hæc autem omnia decreta de singulis rebus sunt: vnus igitur quicumque fuerit separatim multitudini comparatus, minus valet. Ciuitas autem ex pluribus constans, similis est conuiuio ex contributione multorum instructo, quod splendidius est, quàm simplex, & sumptu vnius apparatus: quocirca multitudo melius multa, quàm quiuis vnus iudicat. Præterea multitudo minus est corruptioni opportuna, quàm pauci: vt aqua quo est copiosior, hoc magis à corruptione tuta. Nam vnus ille siue ira, siue alio

alio affectu teneatur, iudicium necessario corrumpitur: hic autem difficile factum est, ut omnes irascantur, & errent. Sed fac multitudinem liberis hominibus constare, qui nihil præter legem agant, præterquam 17 ubi lex necessario deficit: aut si hoc difficile factum est 17. in multis inuenire, sint plures boni tum viri, tum etiam ciues, vtrum vnus ille imperium tenens incorruptior erit, an hi plures numero sed omnes boni? nonne plures ipsi minus corruptioni patebunt? Sed inter hos, inquis, seditiones & dissidia nascentur, vnus autem à se dissidere non potest. At viri probi 18 animo erunt tan- 18. quam vnus ille Si ergo complurium qui omnes viri probi sint, imperium status optimatum est, vnus verò regnum: nimirum ciuitates optimatum gubernationem regno præferre debent, 19 siue 19. cum potestate sit imperium, siue secus: utique si plurimum copia perinde suppetat. Nam fortassis olim regibus idcirco se ciuitates subiciebant, quoniam raro viri magnopere virtute præstantes inueniebantur, præsertim cum exiguas tunc vrbes habitarent. Præterea ob accepta beneficia reges constituiebant, quod est bonorum virorum opus. Postea verò multorum virtute similium copia suppetente, non amplius regna tolerabant, sed commune quiddam quærentes, rempublicam constituerunt. Cæterum cum in deterius labentes cæpere Rempub. habere quæstui, credibile est huic cum diuitiæ essent in honore, paucorum principatus extitisse: 20 hi au- 20. tem primùm in tyrannides transierunt, tum tyrannides in popularem administrationem. Nam cum quæstui turpiter studentes rem ad pauciores semper deducerent, multitudinem potentiorum reddebant: qua in eos conspirante, populares principatus extiterunt: sed fortasse ciuitatibus magnitudine auctis, alium statum effici quàm popularem, difficile est. Cæterum si ciuitates regio imperio gubernari optimum esse statuas, quæ tandem erit eorum qui à regibus procreati fuerint condicio? Num eam quoque stirpem siue familiam regnare oportet? At si filij à virtute paterna degenerauerint, his regnū non sine ciuitatis magno incōmodo tradetur. Pater, inquis, cum habeat omnia in sua potestate, regnum filijs non tradet? At hoc cum difficile sit, & 21 maioris quàm quæ cadat 21. in naturam humanam virtutis, probabile non est. De potentia quoque ambigitur, num regi vires adesse conueniat, quibus cogere possit parere nolentes, aut quomodo imperium obire valeat: nam

licet legitimum imperium teneat, nec quicquam sua voluntate præter leges agat, tamen facultas ad sit necesse est, qua leges tueatur. Sed fortassis de huiusmodi rege constituere non est difficile: habeat enim potentiam oportet, sed huiusmodi, ut singulorum aut vno plurimum facultatem superet, à viribus tamen multitudinis superetur: quales custodias veteres tribuere solebant, cum ad aliquem æsymnetam, aut tyrannum ciuitatis imperium deferebant: & Syracusanis quidam ut custodiam petenti Dionysio 22 custodes, eo numero darent, consuluit.

Scholia in Caput XI.

1 HAEC igitur sunt regni genera. Quatuor regni generibus commemoratu, quintum addit, quod propriissimè regnum dicitur, cum voluntate & arbitrio vnus Respublica ad subiectorum commoditatem gubernatur: quod regnum simile est gubernationi domestica. Nam pater familias domum arbitrio quidem suo, tamen ad vtilitatem familiae moderatur. Sed in quaestione de regno, de duobus potissimum est disputandum, de Laconico, & quinto genere, quae sunt extrema. De Laconico differendum est, num ciuitatibus Ducem perpetuum habere conferat: item suffragio deligi debeat cuiusq; virtutibus spectatis, an ex eodem genere iure hereditario succedere. Sed quoniam huiusmodi regnum in omne Reipub. genus cadere potest, nec ipsum per se facit genus Reip. idcirco hac quaestio legum magis, quam Reipublica rationem attingit. Itaq; tota fere quaestio de regno in vniuersali seu pleno, & quinto illo genere versabitur. Quaritur igitur, vtrum legibus iustis, an vnus optimi viri arbitrio commodius Respub. gubernetur. nam leges dominari, & ex ipsarum scripto Reipub. administrari, incommodum esse videtur, cum legibus non quod perpetuò, sed quod magna ex parte iustum est, sanciat: nec enim aliud rerum agendarum natura & inconstantia patitur, quamuis rationem legis vniuersalem notam esse conueniat Reipublicam administranti. Rursus cum lex affectibus careat, quibus humanus animus agitur, commodius esse videtur leges dominari: sed cum virumq; verum sit, caput quaestionis est, vtrum in his rebus de quibus lege caueri non potest, satius sit vnum optimum virum tenere imperium, an multitudinem, de quo disputat in vtrunque partem.

2 Quartum Laconicum. Quod in superiore diuisione primum fecerat, id nunc facit quartum, dum sequitur ordinem non naturalem, aut dignitatis, sed voluntarium.

3 Quem

3 Quemadmodum gens, aut ciuitas quæque. Cum vir vnus sic habet res communes, ipsamq; Rempub. in sua potestate, vt tota ipsa gens vel ciuitas.

4 Administrationis domesticæ ordinem æmulatur. Vt quemadmodum in domo pater familias rerum omnium potestatem habet, & sic domum administrat, vt non tam suam, quàm suorum commoditatem spectet: sic rex cunctarum rerum communium summam potestatem habeat, & earum administrationem ad publicam commoditatem dirigat.

5 In regno pleno. Regnum plenum interpretes conuertit, quod græcè est *παρασκήα*, quod intelligitur, cum rex cuncta arbitrio suo moderatur, sed ad bonum publicum spectans, vt in Castella, tum Gothorum tempore, tum post Arabum & Maurorum inuasionem, cum sublato ab hostibus rege Rodrico, & rebus in extremum discrimen adductis, populares plenum regnum Hispania Pelagio viro optimo & fortissimo detulerunt, cuius posteriori iure hereditario annos tam plus octingentos continenti successione regnant in Castella. Cuius imperium hac memoria Carclus quintus Romanorum Imperator pater tuus, quo iure diximus tenet, sed longè & latè propagatum, imperatq; toti Hispania excepta Portugallia, vt interim externa imperia in Gallia, Belgica, in Italia, Sicilia, & plerisq; maris nostri insulis, & in Africa ora maritima taceamus, & quod latissimè tenet ad torridam plagam, & vltra in plurimas gentes, & veteribus mortalibus nefama quidem cognita nationes.

6 Per familias. Vt ex eodem genere reges succedant, vt apud Lacedæmonios ex genere Heraclidarum.

7 An per singulares homines, an per eos qui spectatis cuiusq; virtutibus deligantur.

8 Vnum esse rerum omnium dominum. Vt omnia gerantur vnus arbitrio.

9 Cum hoc fieri possit in omni statu ciuitatis. Cum in omni genere Reipub. populari, paucorum, vel optimatum possit huiusmodi regnum constitui: quin etiam rex plenus in suo regno regem huiusmodi, qui re vera non est rex, sed dux perpetuus, habere possit.

10 Species Reipub. sit. Nam tria sunt recte Reipub. genera, siue species, regnum quod ad hunc modum intelligitur status optimatum, & Reipub.

11 Ad ea quæ accidunt. Quæ rarò contingunt, & præter legis rationem.

12 Ad legum præscriptum imperare. In rebus gerendis, à legum seu præceptorum scripto non discedere.

† In Aegypto medicis post diem quartum mouere permittitur. Quoniam saepe accidunt morborum initia, quæ per quietem & inedia à

natura ipsa depelluntur, idcirco apud Aegyptios cautum erat, ne quis medicus ante quartum diem adhiberet purgantia medicamenta, quae saepe importune adhibita, valetudini nocent. Ita cum lex magna ex parte recta & comoda esset, tamen quia morbi nonnunquam vehementes, periculosique inuadunt, quibus nisi protinus occurratur, agrotus de salute periclitetur: satis intelligitur non esse commodum, ut semper scripto huius legi pareatur. Quae ratio, perinde in ceteris praeceptis atque legibus valet, quae non possunt esse perpetua rectitudinis, propter rerum agendarum inconstantiam.

13 Ratio illa vniuersalis. Lex ipsa, legisque ratio, vniuersaliter praecipit, ut non sine ratione ab ipsa discedatur.

14 Quod malum legibus abest. Affectuum agitationem vocat malum.

15 At ipsum legum esse conditorem oportet. Vt princeps leges ferat, quae tamen leges, cum aliquid accidit contra legum rationem, seruari non debent, sed per decretum & interpretationem, quae vulgo dispensatio dicitur relaxari: quod pertinet ad summam potestatem, quae summa potestas penes quem esse debeat quaeritur, penes vnum, an penes multitudinem.

16 Haec autem omnia: Causas cognoscere, consultare, & magistratus deligere, sunt decreta & iudicia de rebus singularibus.

17 Vbi lex necessario deficit. Vbi deficit ratio legum, ut interdum propter rerum varietatem & inconstantiam euenire necesse est.

18 Animo erunt tanquam vnus ille. Si probi sunt, omnium erit vna voluntas, & sententia, ut est in actis Apostolorum, multitudo credentium erat cor vnum, & anima vna.

19 Siue cum potestate sit imperium, siue secus. Imperium vocat consultandi, siue iudicandi facultatem, siue cum potestate sit, ut non solum deliberandi facultatem habeant, sed etiam potestatem deliberata imperandi & perficiendi: siue sint consultores tantum, videtur melius à multis probis, quam ab vno consilium iniri, aut iudicari: aut potestatem vocat potentiam militarem, quae improbos possint ad iustitiam, & legum observationem compellere, ut infra,

20 Hi autem primum in tyrannides. Ex optimatum Repub. facta est per auaritiam paucorum potentia: ex hac per factiones, & vnius potentiam extitit tyrannus: ex tyrannide, cum populus inualuisset, factus saepe est status popularis.

21 Maioris virtutis: quam quae cadat in naturam humanam. Virtutis heroica, de qua differitur in septimo libro Ethicorum.

22 Custodes eo numero darent. Vt non esset potentior vniuerso populo.

Caput

I V E R V N T A M E N nobis nunc de rege, qui omnia suo ar-
 bitratu moderatur, institutus est sermo, deque ipso disputandum.
 Nam qui 2 rex legitimus nominatur, is, ut diximus, speciem regni 2.
 non constituit, cum in omnibus rebus publicis dux belli perpe-
 tuus esse queat, ut in statu populari, & in optimatum Republi-
 ca: Et 3 multi summam gubernationis potestatem vni concedunt, 3.
 cuiusmodi magistratus est 4 Epidamni, & item Opunte, cum 5 mi- 4. 5.
 nore tamen potestate ex parte, sed de regno, quod plenum dicitur.
 Hoc autem est quo sua voluntate cuncta rex moderatur, quibus-
 dam ut vnus principatum teneat, in ciues omnes: 6 vbi ciuitas ex 6.
 similibus consistit, præter naturam esse videtur. Nam 7 quinquatu 7-
 ra similes sunt, hos necesse est eodem iure, eademque dignitate es-
 se lege naturæ. Ut igitur corporibus perniciosum esset si cibo aut
 veste pari homines impares vterentur sic est de honoribus statu-
 endum. Eodem igitur modo præter ius naturæ fuerit, ut paribus
 impar tribuatur. Itaque pares ut imperio non præsent, magis quam
 subsint, sed sit inter eos imperandi & parendi vicissitudo, iustum
 est. 8 hoc autem iam lex est, cum ordo lex sit. Præstat igitur le- 8.
 gem dominari, quam vnum quempiam ex ciuibus: eademque ra-
 tione si quos imperare satius est, hi legum custodes & administri
 constituendi sunt. Nam magistratus quosdam esse necesse est:
 ut autem hic vnus sit, cum omnes similes habeantur, iustum esse
 negant. Caterum quæ constituere lex non posse videtur, 9 hæc 9.
 ne homo quidem cognoscere valeat. 10 Lex tamen scienter cum 10.
 rectè hominem instituerit, magistratibus iustissimo iudicio cate-
 ra iudicanda & administranda relinquit, tradita præterea facultate,
 si quid rerum vsus præsentibus legibus commodius ostenderit:
 11 corrigendi. Ergo qui legem imperare iubet, is 12 deum & leges 11. 12.
 iubet imperare: qui vero hominem, 13 belluam adiungit: huic enim 13.
 similis est cupiditas: & ira magistratus etiam optimos viros per-
 uertit. Itaque lex est 14 mens sine appetentia: Exemplum enim 14.
 ab artibus sumptum mendax est & ineptum: non rectas esse cura-
 tiones, quæ ex medicinæ scriptis præceptis fiant, commodius esse ar-
 tem habentibus uti. Nam medici nihil amore ducti præter rationem
 faciunt, sed cum ægrotantes sanitati restituerint, mercedem ca-
 piunt. At in ciuilibus imperijs multa solent homines odio aut gra-
 tia in-

- riæ indulgentes facere: nam si medici in suspicionem venirent, eos muneribus ab hostibus corruptos pro salute mortem afferre: tunc homines curationem ex præceptis scriptis præoptarent. Cæterum
15. medici cum ipsi egrotant, alios medicos ad sui curationem: & 15 exercitatores cum ipsi exercentur, alios eius generis artifices vocant, velut ipsi verum iudicare nequeant, propterea quod de suis rebus iudicant, & affectibus tenentur. Quo intelligitur, qui iustum quærunt, hos medium inquirere. 16 Lex enim medium est. Præterea 17 leges, quæ moribus quàm quæ literis continentur, maiorem auctoritatem habent, & de rebus grauioribus sunt. Tutius est igitur hominis quàm legum scriptarum imperium, non tamen quàm legum quæ moribus consistunt. Sed eum ab vno cuncta prouideri non facile sit. Plures esse magistratus oportebit ab ipso constitutos. quod
18. cum ita sit, quid interest, vtrū hoc statim 18 ab initio fiat, an vt ab illo vno ad eundem modum constituentur? Adhæc si quemadmodum suprà diximus, idcirco iustum est, vt viro probò deferatur imperium, quoniam melior est: vtique duo viri probi meliores vno sunt: hoc est enim 19 illud Homericum:

Ast duo congressi,

Et huc pertinet optatum illud, atque preces Agamemnonis.

20. 20 *Consilio tales mihi si bis quinque fuissent.*

Sunt autem hoc quoque tempore magistratus, qui de rebus quibusdam arbitrato suo iudicant, vt iudex de ijs quæ lege definiri nequeunt, vt lex non optimè imperare, ac iudicare posse videatur: nam

21. quæ constituere lex potest, 21 de his ambigit nemo. Sed quoniam res quasdam leges complecti possunt, quasdam non possunt: hinc controuersia & dubitatio nascitur, vtrum optimarum legum, an optimi viri imperio ciuitatem administrari præstet: nam de quibus
22. rebus deliberatur, 22 hæ sunt de quibus leges ferri non possunt: non est igitur dubium, quin hominem esse necesse sit, qui de rebus huiusmodi iudicium ferat. Sed illud quæratur, vnus esse debeat an plures: magistratus enim quisque edoctus à lege rectè iudicat: sed incredibile fortasse videatur, quemquam melius videre duobus oculis, & duabus auribus iudicando, & duobus pedibus, duabusque manibus agendo, quàm multos multis. Nam principes ac reges nunc
23. quoque multos sibi oculos, multas aures, multas item manus atq; pedes faciunt: quoniam qui 23 præsentī statu contenti, & ipsorum amici sunt, hos imperij participes efficiunt: non igitur qui ab imperio &

perio & principe alienos animos gerunt, hi ex principis voluntate
 facient, sed amici: 24 amicus aut par est, & similis. Quod si principis 24.
 iudicio hi quoque sunt imperio digni, eiusdem profecto sententia
 pares & similes imperare oportet eodem modo. Atque hæc qui-
 dē ferē sunt quibus regiū imperium à dissentientibus oppugnatur:
 sed fortassis in quibusdam ita sese res habet, in quibusdam secus:
 Natura enim quoddam hominum genus proclive est, 25 vt imperio 25.
 herili gubernetur, aliud vt regio, aliud vt ciuili: & horum imperio
 rum cuiusque aliud est ius & alia commoditas. Tyrannicum au-
 tem imperium, ac cæteræ Rerum publicarum aberrationes, 26 non 26.
 sunt secundum naturam, cum hæc abhorreant à natura. Sed ex his,
 quæ diximus, planè intelligitur, non esse neque commodum, ne-
 que iustum, vt inter similes & pares vnus omnibus dominetur: si-
 ue leges nullæ sint, & sit ipse tanquam lex, siue leges ad sint: nec bo-
 nus bonis, nec improbus malis: non si ille sit virtute præstantior,
 27 præterquam certo modo. Qui modus quamquam suprâ fuit ex 27.
 parte declaratus, latius tamen exponendus est, si prius qui homi-
 nes regio, qui optimatum, qui Reip. imperio gubernari apti sint,
 explicuerimus. Hæc igitur multitudo regno est accommodata,
 quæ natura est habilis vt ferat genus virtute præstans ad ciuilem
 principatum: optimatum verò imperio, quæ nata est & apta, vt fe-
 rat imperantem multitudinem, possitque 28 ingenuorum imperio 28.
 ab his qui virtute excellunt, gubernari: ad imperium ciuile mul-
 tudo Reip. conueniens est, in qua effici natura potest, vna mul-
 tudo bellica, quæ parere, & vicissim imperare queat, per legem
 qua pro dignitate diuitibus magistratus mandantur. Si quod igitur
 genus totum, aut vir vnus singularis virtute tantopere præstet, vt
 virtus eius sit omnium aliorum virtute maior, tunc iustum fuerit,
 vt genus hoc regium sit, & hic vnus regno cum summa rerum o-
 mnium potestate, potiatur. quod fiet, vt suprâ diximus, non solum
 eo iure, quod rerum publicarum conditores præferre solent, qui
 optimatum imperium, quique paucorum potentiam, & qui vicis-
 sim popularem principatum instituunt, qui omnes pro ratione
 præstantiæ censent imperium esse deferendum, 29 quanuis aliquali 29.
 am excellentiam, vt memoratum est, sequantur, sed ea quoque ra-
 tione: quia non decet vt vir talis morte aut exilio afficiatur, aut per
 ostracismum exterminetur, nec vt vicissim aliquando pareat na-
 tura, quæ partem toti præferri non sinit, repugnante: quod accide-

Y

ret ei,

ret ei si quis ea, virtutis magnitudine cæteris antecederet. Superest igitur modo, vt huic cæteri pareant, & idem non vicissim, sed simpliciter dominetur. Ac de regno quidem hæcenus, cuius differentias explicuimus, & vtrum incommodum sit ciuitatibus regum imperium, an vtile, & quibus, & quomodo, declarauimus. Sed cum rectas Resp. tres esse statuamus, quarum eam optimam esse necesse est, in qua vel 30 *Vnus* vir omnibus, vel totum genus, aut multitudo virtute præstat, & bene beateque viuendi gratia, hi parendi, illi imperandi facultatem habent. Cumque boni viri, & ciuitatis optimæ ciuis necessariò eandem esse virtutem sit suprà declaratum, dubitari non potest, quin eodem modo, & per easdem res, vir probus fiat, & ciuitas constituatur, quæ vel optimatum administratio
 31. ne, vel regio imperio gubernetur. Itaque 31 eadem erit educatio, ijdem ferè mores, qui virum probum faciant, quique facultatem præbeant, tum ad Remp. tum ad regnum moderandum. Quibus rebus constitutis, sequitur vt de optima Rep. quomodo fieri & constitui quodammodo apta sit, edisseramus: de hac enim hoc in loco necesse est, vt res poscit disputare.

Scholia in Caput XII.

1 VERVNTAMEN nobis nunc de rege, qui omnia suo arbitratu. De regno quod plenum nominatur. græcè autem *παμβασιλία*, hoc loco disputandum est: nam cætera non propriè dicuntur regna, vbi princeps non habet summam rerum omnium potestatem. Quaritur ergo sit nec ne iustum regum imperium, de quo in vtraque parte disputatur: nam vbi multi sunt virtute pares, iniustum esse videtur. Cur enim hic potius quàm quiuis æqualis imperium teneat? cum paribus imparia tribuere lege natura prohibeatur, itaque iustior esse videtur imperandi vicissitudo, vtq; leges quatenus fieri possint, dominantur. Sed vbi lex deficit, iustius esse, vt multi, quàm vt vnus teneat imperium: de quo dum differitur, quadam scitu pulcherrima de natura legum traduntur, quarum qua moribus continentur, his maiorem auctoritatem inesse dicit, quàm scriptis, qua scripta cum deficiunt, melius à multis quàm ab vno quid statuere oppoteat, consideratur: quod princeps ipse declarat, qui multos ex amicis adhibet ad res dubias statuendas: sed contrà videtur pro natura hominum imperia esse statuenda, quorum vt quidam sunt apti, vt civili imperio gubernentur, sic alij vt regio: deniq; si quis homo singularis, aut genus al: quod tantopere virtute præstet, vt eius virtus maior sit cæ-

fit ceterorum omnium virtute, hunc iustum esse tradit, ut in ceteros omnes imperium teneat.

2 Rex legitimus nominatur. Qui rem gerit non suo arbitratu, sed ex proscripto legum.

3 Multi tribuunt vni summam gubernationis potestatem. Ad tempus scilicet liberam, vel perpetuam, sed ad legum praescriptum, cum cetera sint vel Senatus, vel populi consilio statuenda, ut Veneti summum magistratum habent, quem Duce[m] appellant, & item Genuenses.

4 Epidamni & Opunte. Epidamnium oppidum est in ora Macedonia, quod fuit Colonia ciuium Romanorum postea deducta, nomine, quod in auspiciatum videbatur, in Dyrrhachium mutato. Opus oppidum est in Locris Epicnemidys cognominatum, vnde Opuntinus sinus.

5 Minore tamen ex parte. Nam summus ille magistratus pauciorum rerum summam potestatem habebant apud Opuntinos, quam Epidamni.

6 Vbi ciuitas ex similibus consistit. Vbi ceteri ciues similes sunt, regique virtute pares.

7 Qui natura similes sunt Virtutibus naturalibus pares.

8 Hoc autem iam est lex. Ut ciues vicissim modò teneant imperium, modò pareant.

9 Hæc ne homo quidem cognoscere valeat. Lex enim cum vniuersalis quadam ratio sit, de singulis constituere non potest: quia singularia, ne homo quidem, id est legumlator, ratione completi potest: nam singularia infinita sunt, & non possunt scientia contineri, primo Rhetoricorum: nec in in artem siue præcepta cadunt, Ethicorum ij.

10 Lex tamen scienter. Id est legislator, cum legem statuit, qua magistratum doceat, quod magna ex parte iustum sit: intelligit quidem aliqua fore singularia, in quibus lex illa seruari non debeat, de quibus per legem vniuersalem provideri non potest. Scienter tamen, hoc est non per ignorantiam, sed quia fieri aliter non potest: reliqua, qua scilicet sunt extra legem rationem, magistratibus seu principibus discernenda, & constituenda relinquit. Nam lex, ut ipse tradit Ethicorum quinto, quod magna ex parte fit, completitur: nec peccatum siue defectum ignorat, & nihilominus est recta, quia peccatum non est in lege, nec in legislatore, sed in natura rerum: talis est enim natura rerum agendarum, qua tamen lex hominem instituit, atque docet, dum quid magna ex parte fieri oporteat, & quid plerumque iustum sit, & cuncta esse ad bonum publicum referenda declarat.

11 Corrigendi. Legem corrigere dupliciter accidit, per abrogationem, dum prior antiquatur, & altera commodior constituitur, quod sine maxima & manifesta

manifestatione & commoditate fieri non debet, ut ipse docuit lib. ij. vel per decretum, cum salva lege aliquid à principe vel Repub. iustis seu aquis ex causis præter legem decernitur, quod sæpe necessarium est, de quo sic differit Ethicorum quinto, Cum lex, inquit, vniuersaliter præcipit, & aliquid accidit in his rebus præter vniuersale, id quod deficit corrigendum est, quod ipse legislator, si adesset, corrigendum esse diceret, & si cognouisset, statuisset.

12 Deum & leges Rationem & leges: Deus enim summa ratio est sine appetentia, quippe in quem non cadit affectus, quare nec habet virtutes, sed quiddam præstantius, septimo Ethicorum: nec indiget virtutibus moralibus, quæ in temperandis affectibus versantur, Ethicorum decimo. vnde idem Aristoteles in libro de mundo ad Alexandrum: Deus, inquit, est lex æquabiliter in nos fusa, nec correctionem, nec mutationem ullam recipiens.

13 Belluam adiungit. Propter appetitum, quod belluis sunt homines similes.

14 Mens sine appetentia. Tanquam ratio non impedita sollicitante appetitu: appetentia, siue appetitus, quod græcè est ἐπιθυμία, cupiditatem & iram complectitur, quæ græcè sunt ἐπιθυμία, & θυμὸς, quam iram idcirco dicit viros etiam optimos peruertere, quia ira sæpe accidit sine vitio, & magis naturalis est quàm voluptatum exuperantia, & minus est turpis quàm voluptas, cum scilicet inest turpitudine, quia qui per libidinem agit, gaudet: qui verò per iram, dolet. Ethicorum septimo.

15 Exercitatores. Qui adolescentes palastris & talibus certaminibus exercent.

17 Lex enim medium est. Quia lex est quasi mensura iustitiae. Iustitia verò, ut ipse tradit Ethicorum quinto, medium est inter afficere iniuria & affici, quoniam alterum est habere plus iusto, alterum minus: ipsa verò iustitia mediocritas est.

17 Leges quæ moribus consistunt, maiorem auctoritatem habent. Quia sunt firmata populi consensu & approbatione, vel potius leges naturæ designat, quibus nunc ipsum maximè continetur, de quo sic ipse scripsit in thetorea ad Alexandrum, inquit, est cunctorum aut plurimorum hominum mos non scriptus, honesta & turpia discernens, tum positus quibusdam exemplis, hæc, inquit, statim lege non scripta, sed communi constituuntur. Nam leges naturæ leges communes solent ab Aristotele vocari, quippe cum sint cunctis gentibus communes.

18 Ab initio fiat. in ipsa Reipub. institutione.

19 Illud

19 Illud Homericum, Ast duo congressi. Ex decimo libro Iliados sumptum est: sunt autem Diomedis verba, qui cum negotium hostilia castra subeundi explorandi gratia suscepisset, in procerum concilio socium sibi dari postulauit. Nā duo, inquit, simul procedentes plus habent & animi & consilij.

20 Consilio tales. Ex secundo Iliados. Verba sunt regis Agamemnonis ad Nestorem, cui decem similes consiliarios optabat: quod si contigisset, non dubitabat se facile posse Troiam expugnare.

21 De his nemo ambigit. Cum lex est manifesta, nec deficit ratio legis.

22 Hæ sunt, de quibus leges ferri non possunt. Singularia scilicet quæ nec in artem nec in scientiam cadunt.

23 Præsentem statu contenti. Qui præsentem statum Reipub. probant, & sunt principis amici.

24 Amicus par est, & similis. Amicitia enim est æqualitas quædam & similitudo, Ethicorum octauo.

25 Ut imperio herili gubernetur. ut barbari & natura serui.

26 Non sunt secundum naturam. Adhibent enim in homines naturalis est imperium herile, quod in seruos conuenit, cum ad imperantium, non ad parentum commoditatem imperent.

27 Præterquam certo modo. Si vnus ceteros omnes simul virtute & prudentia superet.

28 Ingenuorum imperio. Liberis hominibus conueniente, ad commoditatem subiectorum potissimum spectante.

29 Quauis alij aliam excellentiam dicant. Alij enim diuitiarum, alij generis, alij virtutis præstantia nituntur: tunc igitur præstantia huic regnum est deferendum: & item illo iure, quia non decet ut vir talis morte aut exilio afficiatur, nec ut per vices al quando sit imperio subiectus, quod esset partem totius præficere: nam quicumque alius imperaret huic, esset quasi huius pars, quoniam eius virtus cum huius summi viri virtute comparata, pars eius esset, & quidem parua.

30 Vnus. Suffragio delectus, ipsius virtutibus spectatus: vel totum genus, cum ex vna familia ortu hominibus iure hereditario regnum defertur.

31 Eadem erit educatio. Ut iustus honestisq; rebus ad summam omnium generi virtutum homines & ciues assuescant, ut habitum nacti, talibus rebus oblectentur, libenterq; virtutibus fungantur, in quarum usu felicitas consistit, quæ in hac vita potest mortalibus contingere.

ARISTOTELIS DE RE- PUBLICA LIBER QVARTVS,

Interprete & enarratore

IOANNE GENESIO SEPVLVEDA
CORDVBENSI.

CAP VT I.



N cunctis artibus atque scientijs perfectis, quæ 2 non in parte, sed in toto aliquo genere versantur, vnius & eiusdem munus est, quid cuiq; generi congruat, considerare. Vt in exercitatione corporis, quæ cui conueniat, & quæ sit omnium optima, (Nam 3 qui est optimè naturalibus adiumentis instructus, huic necesse est vt optima exercitatio conueniat.)

- & quæ exercitatio vna sit, plerisque omnibus corporibus accommodata. 4 Nam & hoc officium est artis gymnasticæ. Præterea 5 si quis non ad iustam rationem habitum aut scientiam eorum quæ pertinent ad palæstram, desideret: tamen nihilominus qui pueros instituit, exercendique magister, debet hanc facultatem comparare. Eodemque modo in medicina, & naues ædificandi, ac vestes conficiendi, cæterisque artibus fieri notamus. Quo intelligitur, ad eandem disciplinam pertinere, quæ sit optima Reip. forma videre, & qualis esset maximè optanda, 6 si nulla re extrinsecus impediretur, & quæ quibus conueniat, considerare. Multi enim sunt qui forsitan optimæ Reipublicæ compotes esse non possunt. Itaque legum lator, & qui ciuili facultate verè pollet, tum quæ Reipublicæ forma simpliciter optima sit, tum quæ sit optima pro ratione rerum suppetentium, nouisse debet. Deinde tertio loco, 7 quæ sit suppositioni maximè consentanea. Nam facultate præditū esse oportet intelligendi, 8 data resp. quomodo cōstitui ab initio possit, & qua ratione postquā fuerit cōstituta, diutissimè cōseruari 9 vt si qua ciuitas sit, quæ nō optima ratione gubernetur, rebus necessaria-

necessarijs non suppetentibus, nec in eam Reip. formam,
 ex rebus suppetentibus posset, sed in aliam deteriore[m] co-
 sit: & adhuc omnia nota esse debet Reipublicæ ratio, quæ tot
 ciuitatibus maximè conueniat. Nam plerisque eorum qui de
 publica conscribere, cum alia rectè tradant, tamen in rebus com-
 modis aberrant. Nec enim solum Resp. quæ optima sit considerari
 debet, sed etiam quæ constitui possit: præterea quæ facilior, & 12
 cunctis ciuitatibus communior habeatur. Nunc autem quidam 13
 summam Rempublicam & quæ multis indigeat adiumentis quæ-
 runt. Alij 14 de communi quadam potius differentes, damnatis 14.
 quæ nunc exstant, Laconicam, aut aliam quampiam probant, ac
 laudibus efferunt. Oportet autem eum ordinem inducere, 15 quem 15.
 ex suppetentibus facilè homines adducantur, & possint in publicū
 vsum admittere, quoniam non minus negotij est rempublicam e-
 mendare, quàm ab initio constituere: vt dedoceri nihilo facilius
 est, quàm à principio discere. Igitur præter ea quæ dicta sunt, ciui-
 lis hominis est, vt facultatem habeat rebus publicis, quæ nunc in vfu
 sunt, vt suprà diximus opitulandi: quod facere non potest, si quis
 quod genera Reipublicæ sint, ignoret. Nunc autē 16 statum popula 16.
 rem vnum esse quidam falso existimant, & vnam paucorum po-
 tentiam. Itaque discrimina quibus inter se Respublicæ differunt,
 & quod modis componantur, non decet ignorare: & cum hac i-
 psa prudentia leges optimas, & quæ cuiquæ Reipublicæ conueni-
 ant, nouisse oportet. Nam leges ad Respub. accommodari debent,
 & ab omnibus accommodantur, non ad leges Respublicæ. Est e-
 nim Respublica ordo magistratuum in ciuitatibus, 17 quomodo 17.
 distributi sint, & penes quem sit summa Reipublicæ potestas, &
 quis finis cuiusque communitatis statuatur. 18 Leges autem sciun- 18.
 ctæ sunt ab ijs quæ Rempublicam declarant, 19 ad quarum legum 19.
 præscripta magistratus suis muneribus fungi debent, & ne ab alijs
 violetur cauere. Quo intelligitur oportere etiam ad leges ferendas,
 vt discrimina & numerus cuiusque Reipublicæ teneantur: non e-
 nim possunt eadem leges rebus publicis omnibus quæ paucorum
 imperio gubernantur, nec omni statui populari conueni-
 re: si multiplex est, non simplex status popularis,
 & item paucorum dominatus.

Sibolia

ARISTOTELIS
Scholia in Caput I.

unētis artibus atque scientijs perfectis, quæ non in parte. Do-
rum & artium exemplo, declarat ad ciuilem doctrinam pertinere, vt
eat non solum quæ sit omnium optima Reipublica forma, sed etiam quæ
quibus hominibus maximè conueniat. Sunt enim quædam ciuitates, quæ &
si maximè velint, vt tamen optima Reipublica forma siue statu non possunt,
rebus scilicet ad optimam Rempublicam necessarijs non suppetentibus: tali
ergo ciuitati, quæ Respublica conueniat, statuere officium est hominis ciuili
facultate pollentis. Præterea nouisse debet quæcunq; Respublica fuerit pro-
posita, exempli gratia, popularis, vel paucorum potentia, quomodo ea institui
debeat ab initio, & quæ ratione, & quibus legibus gubernari. Item quæ sit o-
mnium communissima ratio, id est, quæ plurimis ciuitatibus conuenire possit.
Adhæc cuiusq; generis Reipublica partes, seu species quod sint, & quæ leges
cuique Reipublica conueniant.

2 Non in parte, sed in toto aliquo genere versantur. Qui pila dun-
taxat exercere nouit, non etiam palastra, & ceteris id genus ludis, is in par-
te gymnastica artu versatur, non in toto genere: ac eodem modo qui vni dū-
taxat morbi generi medetur, vt morbo Gallico, is non in arte perfecta medi-
cina, sed in parte versatur.

3 Qui est optimè naturalibus adiumentis instructus Qui valetudi-
ne, robore corporis ac velocitate valet.

4 Nam & hoc officium est artis gymnasticæ. Vt nouerit quæ ratio
exercendi sit omnium maximè communis, id est quæ plerisque conueniat.

5 Si quis non ad iustam rationem. Iusta ratio dicitur, quæ est in suo
genere perfecta, vt iusta magnitudo epistolæ, vel orationis dicitur, quæ non
minor est iusto, & conueniente modo, sed nec maior quidem: sunt enim qui-
dam, quorum tenuior valetudo, & virium imbecillitas non patitur optimam
exercendi rationem, vt in arte medicina pro diuersitate corporum atq; viriū
medicamenta & curandi rationes adhibentur.

6 Si nulla re extrinsecus impediretur. Vt natura hominum, & regio-
nis: vt si homines sint natura serui, aut si non suppetant necessaria ad libera-
liter, & ex virtute degendum: nam hæc omnia extra rationem Reipub. sunt,
quæ tamen vel adiuuant, vel impediunt.

7 Quæ sit positioni maximè consentanea. Pini proposito conueniens, vt
si propositum sit Rempublicam popularem constituere, aut constitutam con-
seruare.

8. Data Respub. Quæcunque Respublica proponatur: quæ phrasis est ma-
thema-

thematicis familiarissima, ut datum angulum per aequalia secare, triangulum aequilaterum supra datam lineam rectam collocare: quae sunt theorematum ix. & i. propositionis primi elementorum.

9 Ut si qua ciuitas explicat duos modos, quibus potest esse incommoda & imperfecta Respublica: quorum alter est cum inopia rerum necessariorum ciuitas optimam Reipublicam formam habere non potest: alter cum deteriore habet, quam pro ratione rerum suppetentium: & utriusque mala subueniendi facultate prae ditum esse oportere dicit hominem ciuilem, ut possit diu Respublica conseruari.

10 Cunctis ciuitatibus maximè conueniat. Id est maxima ex parte, hoc est, quae forma plerisque conueniat.

11 A rebus utilibus aberrant. Quae optima essent & pulcherrima, docent: sed cum ea non sint tali ciuitati accommodata propter inopiam rerum quae sunt ad optimum illum statum Respublicae, de quo ipsi disputant, necessaria, errant in eo, quod ciuitati nec commodum, nec conuenientem formam Respublicae tradunt.

12 Cunctis ciuitatibus communior. In eundem sensum dictum est hoc, atque illud modo à nobis explicatum, quae cunctis ciuitatibus maximè conueniat.

13 Summam Rempub. quaerunt. Quae sit omnium optima.

14 De communi quadam. Quae plurimè accommodari & conuenire possit. Laconicam, aut aliam quampiam probant. Ibi nonem designare videtur, à quo lib. septimo Lyncurgum laudari solitum fuisse memorat, qui tam bonus institutus & legibus Remp. Lacedaemoniorum constituisset.

15 Quem ex suppetentibus. Eum, inquit, ordinem seu formam Reip. oportet ad incommoda Reip. iam constituta opitulandum afferre, qui ordo non multum ab istis ordinibus & institutis, quibus ciuitas utitur, abhorreat, ut homines facile ut eum recipiant, adducantur, & item, ut recipiendi facultas adsit.

16 Statum popularem vnum esse. Vno duntaxat genere statum popularem contineri, cum tamen sint multa genera siue species status popularis, & item paucorum potentia.

17 Quomodo distributi sunt, & penes quem est. His verbis quid ordinem magistratuum vocet, declarat. Nam pro differentia tum eorum quibus magistratus mandantur, praesertim quorum arbitrio ciuitas gubernatur, tum finis, sunt varia Respublicae genera. Ut Respublica optimatum hoc à paucorum potentia differt, quod in hac summi magistratus diuitibus mandantur, & penes hos est summa potestas, & finis est priuata paucorum commoditas. In

Z

Republ.

Republica optimatum, optimi quique tenent imperij summam, & maximos magistratus in publicam utilitatem gerunt. Nam bonum publicum in hac est finis, quo tota gubernatio refertur, quanquam hac finis ratio rebus omnibus rectus est communis, ut ad bonum publicum tota moderatio dirigatur.

18 *Leges autem seiunctæ sunt ab ijs, quæ Rempub. declarant. Leges non declarantur, seu definiuntur, ijs verbis quibus Respub. definitur, id est alia est legum, alia Reipub. definitio.*

19 *Ad quarum legum præscripta. Magistratus in administranda Repub. legum præcepta servare, & ut ab alijs serventur, curare debent.*

CAPVT II.

1. SED in libro superiore cum de Reipub. formis ac discrimini-
bus ageremus, tres rectas esse Respublicas declarauimus. Regnum,
Optimum adimistrationem, & Rempublicam : & tres harum
digressiones siue aberrationes, tyrannidem, quæ à regno degene-
rat : paucorum dominatum, qui ab optimatum imperio : statum
popularem, qui à Republica. Ex quibus de optimatum admini-
stratione, & regno differuimus. Nam de optimo statu Reipu-
blicæ differere, nihil est aliud 2 quàm de his nominibus disputare:
3. 4. quoniam 3 utraq; debet 4 secundum virtutem copia rerum neces-
sariarum & commodarum instructam constitui. Exposuimus eti-
am suprà quid inter optimatum imperium, atque regnum inter-
sit, & quando regnum esse censi debet. Sequitur ut de Republi-
ca, quæ communi vocabulo nominatur, ac de cæteris Reipublicæ
formis, paucorum dominatu, statu populari, & tyrannide differa-
mus. Harum igitur digressionum quæ pessima sit, quæ secundo lo-
co vituperetur, perspicuum est. Nam quæ à prima & maximè diui-
na degenerat, hanc esse deterrimam necesse est. Regnum verò aut
nomine tenus regnum est, non autem re: aut propter magnam re-
gnantis præstantiam regnum esse necessarium est: ac proinde ty-
rannidem, cū sit deterrima, 5 plurimum abesse à Reip. ratione: pro-
ximè ab hac paucorum dominatum, quippe à quo longissimè o-
ptimum administratio abest: statum vero popularem, ex omni-
6. 7. bus maximè 6 mediocritatem tenere: 7 quod quidam etiam prodi-
8. dit ante nos, 8 sed aliorum spectans, quoniam ille sic statuit, omni-
um bonarū Rerumpub. pessimū esse statum popularem, id est opti-
mam paucorum potentiam, & alijs peiorem, improbarum verò o-
ptimum

ptimum. Nos autem has prorsus velut peccata quædam esse dici-
mus Rerumpub. Itaque paucorum potentiam aliam alia meliorem
esse non rectè dicitur, sed minus malam. Hoc tamen in loco hac o-
missa quæstione, explicandum nobis est, primùm quod sunt Re-
rumpub. differentia: si quidem plura sunt status popularis geno-
ra, & item paucorum potentia: deinde quæ sit maximè communis
& secundum optimam maximè expetenda Reipublicæ ratio, &
10 si qua est alia optimatum Respub. & rectè constituta, quæ tamen
sit, quæ plurimis ciuitatib. conueniat, tum ex alijs, quæ quibus sit ex-
petenda. Nam fortasse quibusdam status popularis est magis ne-
cessarius, quàm paucorum potentia, alijs e diuersò. Præterea quo-
modo debeat, si quis velit has respublicas constituere, status dico
populares, per singula genera, rursusque paucorum potentias, po-
stremo cum breuiter de his omnibus, quatenus licebit, breui me-
morauerimus, 12 quæ res interitum afferant, & quæ vicissim rebus
publicis sint salutare, tum communiter, tum etiam per singula
genera, & quæ sint interitus, atque salutis earum potissimè causæ,
explicare tentabimus.

Scholia in Caput. II.

1 SED in libro superiore cum de Reipublicæ formis ac discrimi-
nibus ageremus Commemoratū breui epologo ijs de quibus ij. libro disputa-
tatum fuit, deinceps differendum esse ait de Repub. communi vocabulo nun-
cupata, & de Rebus. deprauatis, ex quibus tyrannidem cunctarum pesti-
mam esse dicit, propterea quod ab optima Repub. hoc est à Regno descineris:
proximè à tyrannide paucorum potentiam in vitio esse, quia longissimè distat
ab optimatum Repub. Rempub. verò popularem in malis medium tenere, id
est esse mediocriter & toleranter malam, quia est opposita Reipub. commu-
ni vocabulo dicta, quæ vltimum locum tenet inter rectas.

2 Quàm de his nominibus disputare. De rebus quæ his nominibus re-
gno, & optimatum Repub. significantur.

3 Vtraque constitui debet. Vtrung. genus Reipub. regnum, & optimatum
imperium.

4 Secundum virtutem copia rerum necessariarum, & commodarum
instructam. Quia tum in regno deferendo in priore, tum in mandan-
dis magistratib. in posteriore genere Reipub. virtutis potissimum est habenda
ratio, quæ tamen virtus sit rerum necessariarum & commodarum adn. inicu-
lu sub-

lis fulta: felicitas enim in usu virtutis sic instructa posita est, ut ipse Ethic. x. declarat.

5 Plurimum abesse à Reipub. ratione. Quia tyrannica administratio non solum est omnium pessima, sed vix potest inter Respub. etiam deprauatas numerari, ut ipse docet libro quinto.

6 Mediocritatem tenere. Non quod status popularis sit recta Respub. sed quia est malorum maximè tolerabilis, vel quia est in confinio rectarum & prauarum Rerumpub. quoniam, ut ait Plato, nec magnum bonum, nec magnum malum habet.

7 Quod quidam etiam prodidit ante nos. Platonem designat in libro qui ciuilibus inscribitur, siue de regno.

8 Sed aliorum spectans. Quoniam Aristoteles idcirco statum popularem mediocritatem tenere dicit, quia mediocre malum est, & ceteris tolerantius: Plato, quia velut in confinio posuit rectorum & deprauatorum generum Reipub. Nam popularem Reipub. bonarum pessimam, malarum optimam esse dixit, quod perperam traditum esse Aristoteles ait, quoniam ex prauis Reipub. non licet aliam alia meliorem esse dicere, sed minus malam. Nam si alia melior est alia, efficitur ut utraq; sit bona, sed non aequè bona.

9 Secundum optimam maximè expetenda. Post optimam maximè deligenda.

10 Si qua est alia optimatum Respub. Si non vnum, sed plura sunt optimatum Reipub. genera.

11 Est magis necessarius. Magis conueniens pro ratione rerum suppetentium.

12 Quæ res interitum afferant Quibus rebus Respublica pereant, & quibus conseruentur.

CAPVT III.

1. VT sintigitur complures Respub. causa est, quod partes cuiusq; ciuitatis complures numero sunt. Nam primum ciuitates omnes ex domibus conflatas esse videmus, deinde ex hac multitudine, alios diuites esse necesse est, alios egenos, quosdam verò medios: tum ex diuitibus & pauperibus partem esse armatam, partem inermem: &
2. plebem aliam ex agricolis constare notamus, 2 aliam ex forensibus, aliam ex opificibus. Sunt etiam nobilium discrimina, ex diuitijs &
3. magnitudine fortunarum: exempli gratia, equorum alendorum, 3 quod facere nisi diuites nulli possunt. Quam obrem antiquitus ciuitates

tates, quarum erat in equitatu robur, omnes paucorum arbitrio ad-
 ministrabantur: equis autē utebantur in vicinos hostes, 4 vt Eretri- 4-
 enses & Chalcidenses, & Mæandri fluminis accolæ, Magnesij, &
 præterea multi Asiatici populi. Item, præter diuitiarum discrimi-
 na, est alia differentia ex genere, alia ex virtute 5 & si quid aliud tale 5-
 partem esse diximus ciuitatis, 6 cum de optimatum statu differere- 6-
 mus: illic enim ex quot partibus necessarijs omnis ciuitas constet,
 explicuimus. Nam hæ partes nunc omnes Reipub. sunt participes,
 nunc pauciores, interdum plures. Quo planè intelligitur necessa-
 riò complures esse Respublicas, quæ genere discrepent inter se pro-
 pterea quòd hæ ipsarum partes genere differunt. Est enim Respu-
 blica, ordo magistratuum, quem omnes spectata eorum quib. com-
 municatur, potentia, aut 7 quadam ipsorum communi æqualitate 7-
 distribuunt, eorum dico, vel locupletum, aut vtriusque commu-
 ni. Itaque tot esse Respublicas necesse est, quot sunt ordines, secun-
 dum excessus, & partium discrimina. 8 Sed maximè videntur esse 8-
 duæ. Nam vt ventos aiunt alios aquilonios esse, alios australes, cæ-
 teros horum digressiones. Sic esse duo rerum publicarum genera,
 populum, & paucorum potentiam. Quoniam statum optimatum
 speciem esse paucorum potentia statuunt, 9 tanquam sit quædam 9-
 paucorum potentia: & Rempublicam communi vocabulo nuncu-
 patam, popularem statum esse confirmant, vt ex ventis 10 Fauoni. 10-
 nium ad Aquilonem referunt, Vulturum ad Austrum. Atque eo-
 dem modo nonnulli de concentu differunt, eius esse duo genera,
 Doricè ac Phrygiè canere, 11 cæteros concentus ex his temperatos, 11-
 partim Doricos appellant, partim Phrygios. Ad hunc igitur maxi-
 mè modum de Reipub. rationibus differere cōsueuerunt: verius ta-
 men & commodius dictum est, quemadmodum ipsi differuimus,
 siue duæ, siue vna sit rectè constituta Respublica, cæteras esse di-
 gressiones ab optima, vt in sonorum ratione à probè temperato
 concentu, 12 & quæ seueriores sunt, & magis heriles ad paucorum 12-
 potentiam pertinere, remissas verò & mitiores ad statum popula-
 rem.

Scholia in Caput III.

1 VT sint igitur complures Respub. causa est. Vt sint non modò com-
 plura Respub. genera, sed cuiusq. generis complures species, in causa est, quòd
 Z 3 cuiusq.

quibusq; ciuitatis complures sunt partes. Alij enim diuites sunt, alij pauperes, alij mediocres facultates habentes: quidam armati, & militares, alij inermes: item agricola, mercatores, opifices, mercenarij, & varia nobilium genera: quosdam enim diuitia, alios genus, alios virtus, alios doctrina nobilitat. Nam cum Respub sit ordo magistratuum, & haec partes nunc omnes, nunc pauciores, modo plures sint Reipub participes, necesse est tot esse Reipub genera & species, quod sunt huiusmodi ordinis discrimina: quarum Rerum pub. quaecunq; à rectu discesserunt, omnes sunt, ut supra dictum est, aberrationes, sed ita, ut ex his seueriores & magis heriles ad paucorum potentiam, remissa verò & mitiores ad popularem referantur.

2 Aliam ex Forensibus. Forenses appellat mercatores, insitatores, & tabernarios, ut ipse paulò post capite quarto declarabit.

3 Quod facere nisi diuites. Ut equos alant.

4 Ut Eretrieneses, & Chalcidenfes. Eretria vrbs est Euboea insula, & item Chalcis, vnde Eretrienses & Chalcidenfes. Vtriusq; vrbs meminit Homerus. Est & altera Eretria in Thessalia. Chalcidis autem nomine octo vrbes nominat Stephanus, Magnesia vrbs est & regio Ionia in Asia. Maandroflumini imposita, vnde Magnesia, ad Maandrum cognominatur, orta, ut Plinius refert, à Thessalica Magnesia. Maander amnis crebris sinuosis flexibus, Apamnam primum regionem, mox Eumeneticam, ac inde Bargylicticos campos, postremò Cariam peruagatus, non longè à Mileto exit in mare.

5 Et si quid aliud tale. Ut ex doctrina. Nobiliù enim quatuor genera sunt, quae his discriminibus distinguuntur, diuitijs, genere, virtute, doctrina, ut ipse declarat hoc eodem libro, cap. iij.

6 Cum de optimatum statu differeremus. In tertio libro: ibi enim de optimatum statu, ac de regno differit, explicatq; partes ciuitatis, quanquam etiam in secundo libro, vbi multas Respub. quae optimè rationem non attingerent, refellit, sed maximè in Platonis Remp. disputans, memorat partes ciuitatis, & se de optimo statu ciuitatis differere proficitur, ut capite illius secundo, sed aliorum Respublicas refellens. Caterùm in septimo libro ex sua sententia accuratius de optimo statu Reipub. differit, multa q; praecepta dat.

7 Quadam ipsorum communi aequalitate. Libertate, qua locupletibus cum egenis est communis.

8 Sed maximè videntur esse dux. Quibusdam scilicet: ipsi enim hac ratio non placet, ut paulò post declarabit.

9 Tanquam sit paucorum potentia. Quasi optimatum Respub. species sit paucorum potentia.

10 Fauoni ad Aquilonē. Fauoni qui græcè est Zephyrus, ab occasu equinoctiali

noctiali flat: Aquilo, qui Boreas, à Septentrione: vt Aufter à meridie, qui & Notus dicitur: Vulturius, qui & Eurus ab ortu brumali, vt auctor est idem Aristoteles meteorologicorum lib. ij.

11 Cæteros concentus. Septem esse concentus genera musici tradunt, dorianum, hypodorianum, lydium, hypolydium, Mixolydium, hypophrygium, & phrygium, quinq; igitur media, partim ad dorianum referri aiunt, partim ad phrygium.

12 Et quæ seueriores sunt. Ex deprauatis scilicet, quæ plus crudelitatis habent, & subiectos magis seruiliter tractant.

CAPVT III.

1 NEQVE verò debet, vt à quibusdam solet, status popularis simpliciter statui, vbi summa potestas est penes multitudinem: cum etiam in rebus publicis, vbi pauci tenent imperium, & vbi-
que 2 penes maiorem partem sit summa potestas. Nam si essent 2.
omnes mille trecenti, & horum mille locupletes, qui trecentis pauperibus & liberis, 3 & cætera ipsorum similibus imperium non 3.
communicarent, nemo tamen horum Rempub. populariter administrari diceret Et pari ratione, si 4 pauci essent egeni, tamen di- 4.
uitibus pluribus numero potentiores, nemo hanc paucorum potentiam nominaret: nec si qua esset alia talis, in qua diuitibus honores non communicarentur. Sic igitur potius dicendum est popularem esse Rempub, 5 cum penes liberos est summa potestas: 5.
paucorum potentiam, cum penes diuites. Accidit autem vt alteri plures sint, alteri pauci, quoniam liberorum magnus est numerus; locupletum verò paruus. 6 Eo quidem modo si proceritatis, vt in 6.
Aethiopia fieri nonnulli narrant, aut pulchritudinis ratio in mandandis magistratibus esset habenda, paucorum hæc esset potentia, propter eorum qui pulchri, aut proceri sunt paucitatem. Veruntamen ne his quidem rebus has Reipub. formas definiri satis est. Sed cum partes tum popularis status, tum paucorum potentia complures sint, statuere oportet non protinus esse statum popularem, si liberi homines pauci numero in plures 7 & non liberos imperium 7.
teneant, vt 8 Apolloniæ sit, quæ est ad Ionium mare, & in Thera, 8.
quoniam in hac vtraque ciuitate qui præstant nobilitate, 9 qui- 9.
que primi colonias inhabitauerunt, cum pauci sint, tamen in multos tenent imperium. Sed neque esset status popularis si imperium

- rium penes diuites idcirco esset, quoniam multitudine numeroq;
 10. vincerent, 10 vt antiquitus Colophonij, vbi maior ciuitatis pars
 ante bellum quod cum Lydis gesserunt, magna patrimonium possi-
 11. debat. 11 Sed status popularis est, cum liberorum, & pauperum (qui
 plures numero sunt) arbitrio & voluntate geritur Respub: Pauco-
 rum verò potentia, cum diuites, & genere nobiliores (qui pauci sūt)
 Reipub. præsumunt, & sua voluntate moderantur. Ac esse quidem
 complures respublicas, & quam ob causam, explicuimus. Iam plures
 12. ne supradictis sint, & quæ, & quam ob rem, sumpto, 12 quod suprà
 diximus principio, disseramus. Constat enim omnis ciuitatis non
 vnā sed plures esse partes. Similis est igitur Reipub. & animalis
 species constituendi ratio. Nam si animalis species sumere libeat,
 primū omnium partes quas adesse necesse est animantibus, seiun-
 13. gimus, vt 13 sensoria quædam, & qua conficitur, quæq; cibis excipi-
 14. tur, os dico & stomachum: deinde eas 14 quibus animal quodque
 mouetur. Si ergo species tot modo sunt numero, discriminibus au-
 tem seiunctæ, id est, si oris complura genera sint, atque stomachi,
 & sensoriorum, & item partium mouentium: numerus copularum,
 quæ hic ex partibus existunt, necessariò efficiet animantium gene-
 ra. Nec enim fieri potest vt animal idem complures oris vel auri-
 um differentias habeat. Sumptis igitur harum partium quodquod
 fieri possunt coniunctionibus, animalium species constituentur, quæ
 tot erunt numero, quot copulæ partium necessariorum. Atque eo-
 dem modo Rerum publicarum (de quibus suprà memorauimus)
 genera constituentur: quoniam, vt sæpe diximus, non vna, sed mul-
 tis partibus ciuitates consistunt. Est igitur vna pars multitudo, quæ
 15. 15 in cibo parando est occupata, quos agricolas appellamus: Altera
 opificum, qui exercent artificia, sine quibus vrbs habitari non po-
 16. test: quamquam ex his artibus quædam 16 ad vsus necessarios in
 17. vrbe desiderantur, quædam 17 ad iucundos, & liberales. Tertia pars
 18. est 18 forensium, id est ementium & vendentium, mercatorumq;,
 & tabernariorum multitudo. Quarta mercenariorum. Quintum
 genus est propugnatorum, quod his nihilo minus est ciuitati ne-
 cessarium, nisi debet bellum inferentibus seruire. Nam fieri non
 potest, vt quæ natura serua est, digna sit nomine ciuitatis. Ciuitas e-
 nim ipsa sibi sufficit: quod autem seruitute premitur, id sibi non
 19. sufficit. 19 Itaque in Repub luculenter quidem disputatum est, sed
 ita vt aliquid desideretur. Socrates enim ex quatuor maximè neces-
 sarijs

farijs ciuitatem constare tradit, textore, agricola, futore, ac structore. Sed rursus tanquam hi non satis sint, addit fabrum ærarium, & eos 20 qui curam habent pecoris necessarij. Itemque mercatorem & 20. tabernarium, 21 hisque omnibus expleri primam ciuitatem facit. 21. Quasi rerum necessariarum, & non potius honesti causa ciuitas omnis consistat, & futoribus æquè ac agricolis indigeat. Propugnatorum verò partem non antè tribuit ciuitati, quàm auctis finibus, & ad vicinorum vsque regionem dilatatis, bellum fuerit conflatum. At in quatuor & quocunque sint participes ciuitatis, aliquem esse necesse est qui ius dicat, causasque dijudicet. Igitur si anima pars potius animalis esse quàm corpus existimari debet, utique & tales ciuitatem partes potius esse putandæ sunt, quàm quæ pertinent ad vsum necessarium, partem dico militarem, & quæ iustitiæ iudicialis est particeps, & item quæ consultandi munere fungitur, 22 quod 22. est officium ciuilis intelligentiæ: nec ad rationem interest, hæc 23 23. seorsum in quibusdam, an in eisdem habeantur. Nam sæpe accedit, ut ijdem & milites sint, & agros colant: itaque si & has & illas partes esse ciuitatis statuere oportet, non dubium est quin genus militare sit pars necessaria ciuitatis. Septima pars est eorum qui opib. Remp. iuuant, id est locupletum. Octaua eorum, qui publicis muneribus funguntur, magistratusque gerentes suum officium præstant: siquidem ciuitas esse abique magistratibus non potest. Quosdam igitur esse necesse est, qui magistratus gerere possint, & hoc officium, aut 24 continenter aut per vices ciuitati præsent, & cæteros, de quib. 24. modò disseruimus, consultores scilicet, & qui litigantium controuersiam dijudicent: quæ si fieri debeant in ciuitatib. ac rectè & iustè fieri, utique necesse est ut aliqui sint 25 virtutis res ciuiles attingen- 25. tis compotes. 26 Alias igitur facultates eisdem adesse, multis fieri posse videtur, ut ijdem milites sint, ijdem agricolæ & opifices, itemque consultores & iudices, omnesque virtute se præditos esseificentur: & plerosque magistratus gerere posse sibi persuadent: ut autem ijdem pauperes sint, & locupletes, fieri non potest. Quam ob rem 27 hi potissimum (diuites inquam & pauperes) partes ciuitatis 27. esse videntur. Et quoniam magna ex parte illi pauci sunt, hi plures, idcirco videntur hæc contrariæ partes esse ciuitatis. Itaque 28 ex ho- 28. rum excessibus Respub. consistunt, esseque videntur duo genera Reipublicæ, popularis, & paucorum potentia. Esse igitur Reipub. complura genera, & quas ob causas, suprà disseruimus. Iam esse sta-

A a

tus po-

tus popularis complures species, & item paucorum potentia, doceamus: quod ipsum planè potest ex supradictis intelligi. Plebis nanque, & eorum qui nobiles vocantur, multa genera sunt: ut plebis vnum genus est, agricolæ: alterum opifices: aliud forenses, qui emptiones & venditiones exercent: aliud, qui versantur in mari, qui

29. rursus in alias species secantur. Nam 29 quidam eorum militia vacat, 30 alij quæstui, alij sunt nautæ, alij piscatores. Nam multis in locis magna turba est horum cuiusque generis, ut 31 Tarenti & Bizantijs piscatores, classici milites Athenis, mercatores in Aegina & Chio, nautæ in Tenedo. Est præterea aliud genus plebis mercenariorum tam tenui patrimonio, ut otiosis esse non liceat. Adhæc genus eorum qui liberi sunt, non tamen ex utroque parente ciue procreati: & si quod aliud tale genus est alterius multitudinis. Nobilium autem genera constituunt diuitiæ, generis honestas, virtus, atque doctrina, & quæ his similia secundum eandem differentiam dicuntur. Prima igitur Respub. popularis est, quæ dicitur maximè secundum æqualitatem. Nam æqualitatem notat lex huiusmodi

32. Reipub. popularis, qua sancitum est, ut 32 nihilo magis vel pauperibus, vel diuitibus adsit, neue penes alterutros sit summa potestas, sed similis habeatur utrorumque conditio. Nam si libertas & æqualitas maximè est, ut quidam existimant, in Repub. populari, sic demum maximè fuerit, si omnibus maximè similiter Respub. communicetur. Sed quoniam populus numero superior est, & quod pluribus placet, id ratum habetur, idcirco hanc esse Rempub. popularem necesse est. Atque hoc quidem vnū est genus status

33. popularis: aliud, 33 quum à censibus, exiguis tamen, magistratus mandantur: sed ita ut bona possidenti, magistratum gerere liceat: eidē si bona amiserit, non liceat. Aliud status popularis genus est, ut

34. omnibus ciuibus 34 qui modò nequeant exceptione repelli, Respub. communicetur, 35 lege tamen dominante. Aliud, ut ciuis magistratum gerere liceat, 36 dum modo sit ciuis, sed 37 ad legis præscriptum. Aliud, ut cætera sint eadem, multitudo tamen, non lex

38. dominetur, hoc autem fit, cum 38 decreta dominantur, non lex: 39 quod 39 propter duces populares accidit. In statibus enim popularibus, vbi leges habent robur, huiusmodi duces populares non existunt, sed optimus quisque primum locum in Repub. tenet: vbi verò leges non habent summam auctoritatem, hic duces populares

40. fiunt: 40 populus enim princeps quidam efficitur vnus ex multis

con-

constitutus. Nam multi 41 non vt singuli, sed vniuersi summam 41.
 potestatem obtinent. 42 Homerus autem quem multorum domi- 42.
 natum damnet, hunc, an vbi multi tanquam singuli tenent impe-
 rium, incertum est. Talis igitur populus cum sit quasi princeps v-
 nicus, quia non est legi subiectus, solus vult Rempub. suo arbitrio
 temperare, & 43 herilem principatum exercet. Quo fit, vt assenta- 43.
 tores in precio sint: & talis populus 44 ex monarchijs tyrannidem 44.
 æmuletur: itaque mores iidem sunt: & vtraque Respub. domina-
 tum in meliores exercet: & popularia decreta similia sunt tyran-
 nicis imperatis: & dux popularis, hoc est, quod assentator, & eius æ-
 mulus & vtrique multum valent, assentatores apud tyrannos, po-
 pulares duces apud huiusmodi populos, qui duces auctores fiunt,
 vt 45 decreta legibus præferantur, 46 in populum cuncta redigen- 45. 46.
 tes: efficiunturque magni, propterea quod omnia sunt in arbitrio
 populi, & populi arbitrium in horum voluntate: his enim obtem-
 perat multitudo. Præterea 47 magistratibus obtrectantes, oportet 47.
 re aiunt, vt populus decernat: populus autem admonitionem liben-
 ter admittit: qua ratione magistratus omnes dissoluuntur, vt meritò
 inuectus esse videatur, 48 qui hunc statum popularem Remp. esse 48.
 negat. 49 Nam Resp. nulla est vbi leges non tenent imperium: 50 49. 50.
 oportet enim vt lex rerum omnium imperium habeat: si magistra- 51.
 tus autem & Respub. de singulis decernat. Quare si status popula-
 ris vnū Reip. genus est, haud dubiè talis constitutio in qua decretis
 omnia gubernantur, nō est proprie stat⁹ popularis: 52 nullū enim de- 52.
 cretū potest esse vniuersale, sed de generib. stat⁹ popularis hætenus.

Scholia in Caput. IIII.

1 NEQVE verò debet, vt à quibusdam solet, status popularis sim-
 pliciter statui. Reiectis quibusdam definitionibus, statum popularem sic
 esse definiendum tradit. Status popularis est Respub. in qua penes liberorum
 multitudinem est summa potestas: Paucorum potentia, in qua penes diuitum
 paucitatem. Deinde exemplo animalis docet, quomodo sint species Reipub.
 constituenda. Tum partes ciuitatis octo commemorat, agricolas, opifices, fo-
 renses, id est mercatores omnium generum, mercenarios, militares, consultores,
 iudices, & magistratus. Sed dua sunt, inquit, maxima partes, diuites, & pau-
 peres. Rursus plebs in multas partes secatur: nobilitas in quatuor, diuitijs, ge-
 nere, virtute, doctrina distincta. Ex dictarū partiū copulis diuersis, diuersa

Aa 2

Respub.

Respub. consciuntur. Prima species Reipub. popularis est, vbi pariter omnibus Respub. communicatur. Secunda cum censum habetur ratio, qui tamen exigui sint. Tertia vbi Respub. cunctis, sed qui non possint exceptione repelli, communicatur lege dominante. Quarta, vbi cuius communicatur, qui modo cuius sit, lege dominante. Quinta, vbi cetera sunt eodem modo, sed multitudo, non lex dominatur: quæ species non est proprie Respub. Vbi enim leges non tenent imperium, non est Respub.

2 Penes maiorem partem. Eorum qui tenent imperij summam.

3 Et cetera eorum similibus. Vt nullum sit discrimen præterquam diuitiarum.

4 Pauci egeni tamen potentiores. Vt accidit vbi nobiles etiam egeni gratia valent, & clientelu.

5 Cum penes liberos est summa potestas. Penes eos qui sola libertate censentur, vel potius vbi sola libertas spectatur in mandandis magistratibus, & communicanda Repub.

6 Nam eo quidem modo. Si esset paucorum potentia, vbiq; pauci Rempub. magistratusq; gerunt. Quod verò refert de Aethiopia, idem fieri apud Indos, auctorem esse Scylacem tradit libro septimo, proceritatem scilicet, & pulchritudinem apud ipsos spectari in regnis deferendis.

7 Et non liberos. Et non liberos solum, sed etiam diuites: vel eos dicit non liberos, qui operibus necessarijs seruiunt, cuiusmodi sunt agricola, opifices, & mercenarij. Thera insula est inter Sporades numerata cum vrbe cognomine.

8 Apolloniæ quæ est ad Ionium mare. Nam multa alia vrbes hoc nomine sunt vocata, quarum nonnullas memorat Plinius: nam Stephanus viginti quinq; in diuersis regionibus recenset. Hæc autem quam designat Aristoteles, est, vt Plinius refert, in confinio Ionij & Adriatici maris in Græcia, opposita Hydrunto Italia, centum mill. um passuum interuallo intercurrentis freti.

9 Qui primi colonias inhabitauerunt. Apollonia enim colonia Corinthiorum fuit, vt refert Stephanus. Thera etiam, vt videtur, Græcorum fuit colonia, quam insulam Olympiadis CXXV anno quarto enatam fuisse auctor est Plinius, priusq; Callistem à pulchritudine fuisse nominatam, sed post à Thera conditore vrbs, qui genus à Polynce ducebat, nomen accepisse Strabo refert, auctore Callimacho. In his ergo duabus ciuitatibus pauci generis nobilitate & antiquitate præstantes, etiam si essent pauperes ceteris imperabāt: his enim duntaxat magistratum gerere licebat.

10 Vt antiquitus Colophonij. Colophon vrbs est Ionia, siue Caria, non procul Epheso, quam alluit Hælus amnis, Plinio.

11 Sed

- 11 Sed status popularis est. *Hac est plena descriptio status popularis, vt proxima paucorum potentia.*
- 12 Quod supra diximus principio. *Vt ex partium ciuitatis copulis, seu coniunctionibus diuersis, diuersas Reipub. species constituamus.*
- 13 Seniores quædam. *Sensoria vocantur instrumenta sentiendi, vt oculi & aures.*
- 14 Quibus animal quodque mouetur. *Vt crura, siue pedes, & ala volucrum, & pinna natantium, de quibus accuratè ipse in libro de incessu animalium edisserit.*
- 15 In cibo parando. *Agricola enim dicitur, quicunque terram colit fructuum gratia, siue frumenta sint, siue legumina, & olera, siue arborum fructus.*
- 16 Ad necessarios vsus. *Vt sutores & sartores.*
- 17 Ad iucundos & liberales. *Vt argenti & auriscalatores, & aulaorum artifices.*
- 18 Forensium. *Forenses, à foro rerum venalium dicti sunt mercatores & tabernarij.*
- 19 Itaque in Repub. luculenter quidem disputatum est. *In opere Platonis de Repub. scitè & eleganter his de rebus differitur, non tamen omnia perfectè traduntur.*
- 20 Qui curam habent pecoris necessarij. *Pastores, qui pecus alunt, & armenta ad vitam hominum necessaria.*
- 21 Atque his omnibus expleri primam ciuitatem. *Quam Plato in libris de Repub. constituit. Hac enim prima ciuitas appellari solet, vt illa secunda, quam in libris de legibus, vt videre licet in libro huius operis secundo. Taxat autem Socratem, quem Plato differentem facit, quod eas duntaxat partes ciuitatis induxerit, quæ sunt ad viuendum necessaria, omisso quæ ad rectè & liberaliter viuendum conferunt, cuiusmodi sunt militares homines, indices, & consultores.*
- 22 Quod est officium ciuilis intelligentiæ. *Proprium munus ciuilis facultatis est consultare.*
- 23 Seorsum in quibusdam, an in eisdem habeantur. *Siue militare munus, & consultandi ac iudicandi officia diuersis tribuantur separatim, siue ita, vt ijdem diuersis fungantur officijs.*
- 24 Continenter aut per vices. *Vt perpetuos gerant magistratus, aut annuos, siue ad aliud tempus alijs vicissim tradentes.*
- 25 Virtutis res ciuiles attingentis. *Facultatis ciuilis.*
- 26 Alias igitur facultates. *Fieri potest vt alia munera & officia idem homo præ-*

mo prestare possit: potest enim & miles esse, & idem agricola, idem iudex, & consultor: ut autem diues sit quisquam, & idem egenus, fieri non potest.

27 Hi potissimum partes ciuitatis esse videntur. In duas potissimum partes ciuitas diuisa esse videtur, in diuites & pauperes.

28 Ex horum excessibus. Prout alteri alteris potentiores sunt, praefertunturq; in administratione Reipub.

29 Quidam militiae vacant. Milites classici.

30 Alij quaestui. Ut mercatores, qui merces nauib. important, aut exportant.

31 Tarenti & Byzantij piscatores. Tarentum oppidum est in Italia maritimum, unde sinus Tarentinus, post bellum Messenium à Partenyis Lacedaemonijs conditum. Fuit igitur primum Lacedaemoniorum colonia, ubi Architas & Pythagorici ceteri floruerunt, postea coloniam Romanorum recepit, ut auctor Strabo est. Byzantium vrbs est Thraciae caput, qua postea Constantino-
polis fuit à principe Romanorum appellata.

32 Nihilomagis vel pauperibus, vel diuitibus adsit. Ut nec paupertas nec diuitia suffragentur, aut vicissim ob sint in mandandis magistratibus.

33 Cum à censibus Cum magistratus non cunctis promiscue patent, sed ijs qui certum habent censum, qui tamen census sit exiguus.

34 Qui modo nequeant exceptione repelli. Quibus nihil obijci possit, quod ad genus scilicet pertineat: sic enim ipse declarat capite sexto, exempli gratia, quod sit pater aut mater, non ciue natus, aut sit generis libertini.

35 Lege dominante. Ut Respub. ex legum praescriptis administretur.

36 Dummodo sit ciuis. Dummodo sit liber: hic enim sola libertas ciuem facit, ut ipse capite sexto declarat.

37 Ad legis praescriptum. Ex legum praeceptis.

38 Decreta dominantur, non lex. Decreta vocat plebs scita, qua de rebus singulis fiunt: nam leges praecepta vniuersalia sunt.

39 Propter duces populares. δῆμοι καὶ ἡγετῶνι gratè vocantur hi qui se duces & assentatores praebeant multitudini.

40 Populus enim princeps quidam efficitur. Populus fit quasi vnus tyrannus.

41 Non ut singuli. Non ita multi dominantur, ut vnusquisq; teneat imperium, sed ut simul vniuersi.

42 Homerus autem quem multorum dominatum damnet. Ulysses apud Homerum in libro Iliados secundo, populares increpans, quod suo arbitrio praeter regis voluntatem ad naues properantes ferrentur, negat multorum imperium probum esse, sed vnius his verbis imperium haud multis rebus committitur, vnus sit rex, & princeps. Multi aut tanquam singuli imperium tenere di-

nere dicuntur, cum plures vno pari potestate ciuitatem aut regnum sic administrant, ut quilibet per se ius & auctoritatem habeat imperandi, ut olim Gratianus & Theodosius, & post eos Arcadius & Honorius.

43 Herilem principatum exercet. Tyrannicum imperium in subiectos alios populos & in meliores ciues exercet, dum eis quasi seruis imperat: non enim subiectorum commoditatem spectat, sed suam, quod est proprium herilis imperij.

44 Ex monarchijs tyrannidem æmulatur. Ex imperijs quæ vnius arbitrio exercentur. Tyrannidi hæc Respub. popularis, quam Aristoteles extremum populi interdum vocat, respondet. Nam ut tyrannus pessima est ex monarchijs, sic ex Rebuspub. quæ plusquam vnius imperio administrantur, deterrima est hæc species Reipub. popularis, & multa habet illi similia.

45 Decreta legibus præferantur. Ut maiorem auctoritatem plebs citat de singulis rebus habeant, quam leges quæ vniuersaliter præcipiunt, licet nihil extrarationem legis vniuersalem accadat.

46 In populum cuncta redigentes. Omnia reuocantes ad popularem consultationem.

47 Magistratibus obtrectantes. Incusantes Consules, exempli gratia, & Senatores, ut Roma seditiosi Tribuni faciebant, quam licentiam populus adeptus, omnem potestatem magistratibus subtrahit.

48 Qui hunc statum popularem. Platonem designare videtur, qui cum non Rempub. sed mercatum esse dicebat, tanquam inordinatum & confusum congressum hominum, & turbam.

49 Nam Respub. nulla est, vbi leges non tenent imperium. Itaque nec tyrannus, nec Respub. popularis propriè sunt in Rebuspublicis numeranda, quia in his leges non tenent imperium, id est non obtemperatur legibus. Sed dicat aliquis, hæc igitur ratione ne regnum quidem Rebuspub. erit annumerandum, cum in pleno regno, quod græcè dicitur *παύσασις*, non leges dominantur, sed cuncta sunt principis arbitrio, ut in tertio libro declaratum est. Hanc obiectionem sic quidam dissolunt, ut etiam in regno leges non quidem scriptas, sed in animo principis impressas à ratione & prudentia manantes, imperium tenere dicant. Has enim rex iustus in administratione Reipub. sequitur, & his obtemperat, quod quamuis sit verum, ut est, tamen hæc lex rationis & prudentiæ in omni Repub. æque dominatur, & Aristotelis, ut arbitrator, sententia aliorum spectat, & de legibus scriptis memorat, non de naturalibus. Ipse enim etiā in pleno regno leges scriptas dominari oportere censet, non secus atq; in statu optimatum & Repub. Nam superiore libro Rempub. omnem rege institutam, siue vnius, siue plurium arbitrio administratur, probis legibus fundam-

fundatam esse oportere docuit: à quarum iussu non discedatur in ijs, de quibus lege caueri potest. Quas autem lege prouideri nequuerunt, & extra legis rationem accidunt, hac in regno principis, in statu optimatum, & Repub. summorum magistratuum arbitrio & iudicio relinquenda esse dixit: atque ita fieri in plenis etiam regnis videmus. At rex, inquit, legibus est superior, & eas potest arbitrio & iudicio suo temperare: at idem possunt summi magistratus seu Respub. in statu optimatum & Repub. Nec enim minus Reipub. in sua ciuitate in leges abrogandas, aut temperandas licet, quàm regi in suo regno. Itaque, in quaque harum Rerumpub. leges tenent imperium, aut in nulla. In cunctis enim parendum est legibus, nisi qua parte deficiunt. Nam si temerè ab eis discedatur, tam id fiet præter regni iusti, & rectæ Reip. rationem. Nullum igitur, inquit, discrimen erit inter Regem plenum & Laconicum, cum vterque legibus parere debeat: imò verò maximum. Nam Rex Laconicus imperium legibus præscriptum ac definitum certus in rebus habet: & arbitrium temperandarum legum non penes ipsum est, sed penes Rempub. Rex autem plenus ipse potestatem habet, vicemq; totius Reipub. gerit.

50 oportet enim ut lex omnium imperium habeat. Oportet ut legi in omnibus quæ vniuersaliter lege cauentur, pareatur, & præceptis eius vniuersalibus obtemperetur.

51 Magistratus autem & Respub. de singulis decernat. In magistratu & Repub. rex etiam intelligitur, qui eodem modo in administratione sequi leges & debet & solet, ut magistratus & Respub. De singulis autem rebus quæ præter vniuersalem legis rationem accidunt, & legibus comprehendere non possunt, magistratus, Respub. princeps, seu rex, quod iustum esse, & ad bonum publicum, interdum etiam singulorum pertinere videatur, decernere.

52 Nullum enim decretum potest esse vniuersale. Lex autem vniuersalis est, quo declaratur, qui decretis Rempub. administrant, hos non uti legibus, nec in ea ciuitate leges dominari, cum decreta non sint leges.

CAPVT V.

1. 2. 1. EX paucorum potentia generibus vnum est, ut 2 ex censibus mandentur magistratus tantis, ut pauperibus, qui plures numero sunt, aditus sit ad Remp. gerendam interclusus: quæ tamen pateat omnibus, qui ad eam census magnitudinem peruenerint. Alterum
3. 4. genus est, 3 cum ex censibus exiguis magistratus creantur, & 4 qui desiderantur, hos ipsi cooptant. 5 Quod si ex his omnibus facerent, ad o-

ad optimatum potius Rempub. pertinere videretur: si autem ex certis ac definitis, magis est paucorum potentiae. Tertium paucorum potentiae genus est, cum filius in patris locum succedit. Quartum 6 cum adest quod modò dictum est, & Resp geritur non legibus, sed magistratuum voluntate: quod genus in paucorum imperijs 7 perinde se habet, ac tyrannis in monarchijs: in popularibus 7. verò extrema, de qua diximus, popularis. Hæc autem paucorum potentiae forma dynastia nominatur. Paucorum igitur potentiae, ac status popularis, tot genera numerantur. Intelligendum est autem multis in locis vltu venire, vt Rempub. ex legibus non sit popularis, moribus tamen, & viuendi ratione populariter administretur: apud alios ediuersò, vt ex legibus sit magis popularis, vltu tamen & moribus paucorum potius arbitrio gubernetur. quod maximè in Rerumpub. mutationibus accidit: 8 nec enim statim homines mutantur, 9 sed prioribus contenti sunt, 10 alij alios paruis rebus 9. 10. superantes. itaque manent priores leges, vincunt tamen qui Rempublicam mutant.

Scholia in Caput V.

1 EX paucorum potentiae generibus, vnum est vt ex censibus mandentur magistratus. Paucorum potentia quatuor esse genera docet. Primum, cum magistratus mandantur mediocriter diuitibus, & tantas modò facultates habentibus, quanta satis sint ad pauperes excludendos. Alterum genus est, cum mandantur ex paruis etiam censibus, sed paulò maioribus, & ydem magistratus deligunt sibi successores, aut numero deficientes. Tertium genus est, cum à maioribus etiam nunc censibus mandantur, & filij patribus succedunt. Quartum, cum à maximis censibus magistratus mandantur, nec paretur legibus, sed omnia geruntur arbitrio & libidine paucorum, quae cuncta capite sexto accuratius explicantur.

2 Ex censibus tantis. Ea duntaxat magnitudine, quae sit satis ad egenos repellendos.

3 Cum ex censibus exiguis. Maioribus tamen quàm priores erant, vt ipse capite sexto declarat.

4 Qui desiderantur, hos ipsi cooptant. Ipsi qui magistratum gerunt, deligunt eos qui morte, aut alia ratione numero defunt.

5 Quod si ex his omnibus facerent. Si ex omni multitudine hunc censum habente deligerent eos qui sufficiens sunt.

B b

6 Cum

- 6 Cum adest quod modò dictum est. Cum non solum diuitiarum copia est, & filij patribus succedunt, sed omnia non ex legum præceptis, sed ex libidine paucorum geruntur.
- 7 Perinde se habet. Hac tria genera similia sunt inter se. Hac vltima paucorum potentia, qua dicitur dynastia, & tyrannis, & vltimus status popularis.
- 8 Non mutantur. Non mutant mores statim.
- 9 Sed prioribus contenti sunt. Institutis & moribus.
- 10 Alij alios paruis rebus superantes. Qui vicerunt, satius habent, si victis sint parui quibusdam rebus superiores, nec postulant, vt priora instituta vel mores mutantur.

CAPVT VI.

1. TOT autem esse status popularis & paucorum potentia genera, palam fit ex his ipsis quæ memorauimus. Necesse est enim vt populi partes, de quibus diximus, vel omnes Reipub. sint participes, vel quædam, & quædam secus. Cum igitur agricolæ, & qui mediocres habent fortunas, magistratibus præsunt, Respub. legibus administratur, quoniam 2 hoc hominum genus operando viuere potest, otiosum esse non potest. Itaque vbi legem sciuerit, ad populariter consultandum, necessarijs duntaxat ex causis conueniunt: alijs verò Respub. patet, cum ad censum legibus definitum peruenerint. Nam omnino 3 non patere omnibus aditum, ad paucorum potentiam pertinet. Viuere autem in otio vectigalibus non suppetentibus non datur. Atque hoc quidem est genus vnum status
4. popularis, propter has causas. Alterum genus est 4 per proximam rationem mandandi magistratus: nam fieri potest vt cunctis quos modo generis exceptio non excludat, aditus ad Rempub. pateat: tamen ijs tantum magistratus communicentur, quibus otiosis esse licet. itaque in tali statu populari leges 5 inopia vectigalium dominantur. 6 Tertium genus est, vt omnibus Remp. gerere liceat, qui modo liberi sint, non tamen cuncti sint participes, ob eam quam modò diximus causam, vt in hac quoq; leges imperare sit necesse.
7. Quartum status popularis genus est, quod temporibus 7 vltimum fuit in ciuitatibus inuentum. Nam cum ciuitates ad longè maiorem amplitudinem quam initio peruenerint, abundè etiam vectigalibus 8 suppetentibus, omnes & 8 propter maximam multitudinem participes sunt, & publicis muneribus fungentes, Remp. administrant, quoni

quoniam pauperes mercedem capientes vacare possunt: & quidem hæc hominum multitudo ex omnibus maximè vacat, cum eos rei familiaris nulla cura impediatur: quæ diuitibus ad eò est impedimento, ut hæc sæpe tum à concionibus, tum à iudicijs excludantur: 9 ita Respub. in eorum arbitrium non in legum potestatem redigitur. Status igitur popularis genera tot sunt, & talia, propter has necessarias causas. Paucorum potentia primum genus est, 10 10. cum plures ciues opes habent, sed minores, nec valde magnas. Nam huiusmodi patrimonium possidentium cuique Rempub. administrare licet: & quia multi sunt eius participes, idcirco necesse est ut non homines, sed leges dominantur. Nam quo longius absunt à monarchia, nec tanta patrimonia possident, ut curam remittentes in otio viuant: nec rursus tam exigua, ut ex publico sint alendi: hoc magis est necesse, ut legem potius, quàm se ipsos dominari censeant. Sed si fuerint pauciores qui facultates habent, 11 si ut 11. prius maiora tamen patrimonia possideant, secunda species efficitur paucorum potentia: nam cum vires maiores habent, plus sibi Reipub. vindicandum putant. Itaque ipsi collegas ex alijs ad Rempub. gerendam cooptant. Sed quia nondum hæc inualuerunt, ut sine lege possint imperare, idcirco legem huiusmodi cõstituunt. Sin autem eo processere, uti & pauciores sint, & locupletiores, tertium paucorum potentia genus accrescit, ut ipsi per se quidem magistratus obeant, beneficio autem legis filij in demortuorum patrum locum succedant. Cum verò & opibus, & clientelis magnopere creuerunt, hic dominatus 12 propè ad vnius imperium accedit, 12. & Respub. non lege, sed hominum arbitrio gubernatur: & hoc paucorum potentia quartum genus, vltimo status popularis generi respondet, atque eum æmulatur.

Scholia in Caput VI.

1 TOT autem esse status popularis & paucorum potentia genera. Commemoratis status popularis, & item paucorum potentia generibus, siue speciebus, easdem explicat accuratius, reddita cuiusq. ratione. Primū igitur Reipub. popularis genus esse dicit ex paruo cõsu, cum agricola, & qui mediocres fortunas habent, summa potestate Rempub. gerunt, sed lege suā vim retinente. Secundū genus, cū nulla census habitatio ratione Respub. cõmunicatur cū illis, qui nulla generis exceptione repellipossunt. Tertiū, cū serui dūtaxat excluduntur:

Bb 2

duntur:

duntur: sed in his duobus generibus multos ipsa egestas & necessitas impedit, quo minus gerenda Reipub. vacare possint. Quartum est, quum non legibus, sed multitudinis arbitrio Respub. geritur, quod extitisse ait postquam ciuitates hominum multitudine, diuitijsq. creuerunt, & merces suis gerentibus Rempub. proposita. Eodem modo explicat genera paucorum potentia. Nam primum genus est, cum plures gerunt Rempub. ac censibus non magnis, sed qui modò pauperes repellant, lege tamen dominante. Secundum, cum pauciores, & à paulo maioribus, & ab ipsis magistratus cooptantur, lege quoque imperium tenente. Tertium, cum à maioribus etiamnum, nec omnino receditur à legibus, & filij parentibus succedunt. Quartum, cum paucissimi & ditissimi non legibus, sed sua libidine rem communem gerunt, quorum omnium causas reddit.

2 Hoc hominum genus. Qui mediocres habent facultates, si curam & rei sua familiari laborem aliquem impendant, viuere possunt, atque alere familiam: si otio indulgeant, hoc facere nequeunt. Quare cum Reip. quantum necesse fuit vacauerunt, ad opus redire coguntur, & leges dominari volunt.

3 Non patere omnibus aditum. Aliquod genus hominum excludi. Hic enim omnibus patet aditus agricolis, opificibus, & forensibus, dummodo mediocres facultates habeant: qui verò excluduntur, ij non tam lege quàm necessitate, suaq. inopia excluduntur: cum vel si maximè velint, Rempub. administrare non valeant, cum ab operibus necessarijs nullo modo vacare possint.

4 Per proximam rationem mandandi magistratus. Post primam rationem qua censum sequitur, proxima est in ordine, quod suprà memorata sunt, illa, qua nemo excluditur, nisi qui reselli generis exceptione possit, vi si notus sit, aut non ex utroq. parente ciue natus, aut saltem altero.

5 Inopia vectigalium. Non paupertas obest quo minus saepe valeant in concionem conuenire, & decreta de rebus singulis facere, ac perinde placet eis vt Respub. ex legibus sancitis administretur.

6 Tertium genus est. In tertio genere Reipub. populari nemo excluditur à Repub. dummodo sit liber, quamuis neutro parente ciue sit procreatus, vel notus. Itaque hoc genus cum illo congruit, quod primo loco numeratum est cap. iij. ac idcirco cum illic quinque genera fuissent numerata, hic ad quatuor redacta sunt: aut potius primum illud genus latius patet, & aduenas etiam & inquilinos complectitur: ad summam omnes liberos homines urbem inhabitantes: quod hoc in loco idcirco praetermissum est, quia illic causa eius exposita fuit, vt hic reliquorum quatuor, vt sint quinque genera in hunc modum

modum distincta. Primum, quo nemo liber ex habitantibus urbem excluditur à Repub ne inquilinus quidem. Secundum, quo ratio census habetur. Tertium, quo quidam generis exceptione repelluntur, ut nothi, aut non viroque parente ciue natus. Quartum, quo inquilini tantum excluduntur. Quintum, cum omnibus aditus ad Rempub. patet, & omnia non lege, sed ab itrio multitudinis geruntur. Nam in quatuor superioribus leges dominari intelliguntur, accommodata scilicet Reipub populari.

7 Vltimum fuit inuentum. Antiquitus enim propter publicam inopiam non erat merces Rempub. administrantibus proposita.

8 Propter maximam multitudinem. Quia multitudo popularis cum maxima sit, multo potentior est, quam nobiles & diuites, ut ab hiis nemo popularis prohiberi possit, quo minus Remp. capeffat.

9 Ita Resp. in egenorum arbitrium, non in legum potestatem redigitur. Quia egeni cum mercedis beneficio vacare possint, nec cura rei familiaris impediuntur, frequentius in concione conueniunt, & de cunctis rebus populariter consultare volunt: & cum sint plures numero, ratum est quod illis placet: itaque omnia decretis administrantes, legibus locum non relinquunt.

10 Cum plures ciues opes habent, sed minores. Vtrunque ad proximum, siue secundum genus refertur. Nam in primo plures sunt ciues locupletes qui Rempub. administrant, & minores opes habent quam in secundo, & in hoc quàm in tertio, & in ceteris eodem modo.

11 Si ut prius. Si facultates non valde magnæ sint, ut primorum, sed aliquanto maiores. Huiusmodi legem constituunt, ut à gerentibus Rempub. deficientes magistratus sufficiantur.

12 Propè ad vnus imperium accedit. Ad tyrannidem.

CAPVT VII.

1 SED præter statum popularem, & paucorum potentiam, duo 1. Reipub. genera sunt, 2 quorum alterum memorant omnes, & v. 2. num genus esse quatuor rerum publicarum dictum est. Quatuor verò genera memorantur, imperium vnus, paucorum potentia, status popularis: Græci monarchiam, oligarchiam, ac democratiam dicunt, & quartum status optimatum, quæ Græcis est aristocratia. Quintum genus est, quæ cunctarum communi vocabulo Respub. nominatur: tamen quia non sæpe fit, ignotum est his qui rerum publicarum genera commemorare conantur: & quatuor

Bb 3

or dunt

- or duntaxat vtuntur, vt Plato in libris de Rep. Rectè igitur status optimatum is dicitur, de quo suprà disseruimus. Nam quæ optimis
3. simpliciter ex virtute viris constat, & 3 non bonis viris ad finem quendam relatis, hæc sola iure dicitur optimatum Resp. quippe in in ea sola idem est vir bonus, & bonus ciuis. Nam qui in alijs rebus publicis boni nominantur, hi relati ad suam Remp. tali nomine censentur: veruntamen sunt quædam Resp. quæ tum ab his quæ paucorum arbitrio gubernantur, tum ab ea quæ dicitur Respub. differunt, vocanturque status optimatum. Certè vbi non diuitiarum modo, sed virtutis etiam ratio in mandandis magistratib. habetur, hæc 4 ab vtroque genere differt, vocaturque status optimatum. Nam & quib. in ciuitatibus virtutis non est publica cura, sunt tamen quidam quos fama commendat, quique probi viri esse putantur. 5 Vbi ergo Respublica ad opes, virtutemque & populum spectat, vt Chartagine, hic status est optimatum: & item in quibus duorum tantum habetur ratio, virtutis, & populi, vt apud Lacedæmonios, quibus ratio popularis cum virtute miscetur. Hæc igitur genera sunt status optimatum, præter illam optimam Rempub. Tercio genere continentur species Reipublicæ vocatæ, quæcunque ad paucorum potentiam magis inclinant.

Scholia in Caput VII.

1 SED præter statum popularem & paucorum potentiam. Genera Rerumpub. quatuor à plerisque memorantur Græcis nominibus, Monarchia, Oligarchia, Democratia, Aristocratia: Latinis autem, vnius imperium, paucorum potentia, status popularis, optimatum Respub. his addit Aristoteles quintum genus, quod communi vocabulo Resp. nominatur. Est autem optimatum Respub. qua à viris simpliciter bonis, id est sic ex virtute vera nominatis gubernatur. Sunt & alia Respub. quæ optimatum appellantur, non propriè, sed quia proximè ad hanc accedunt.

2 Quorum alterum memorant omnes. De altera, hoc est de optimatum Repub. quam eandem optimam Remp. vocant. ferè omnes differunt, qui de Repub. disputant. Omnes enim optimum statum Reip. potissimum declarare conantur, & in huc pertinentibus præceptis dandis sunt occupati, non habitatione rerum suppetentium, aut de communissima, quam etiam optimam putant, vt ipse suprà testatus est cap. primo.

3 Non bonis viris ad finem aliquem relatis. Boni viri simpliciter dicuntur

cuntur viriute vera pradi: boni verò pro ratione finis, qui aliqua facultate instructi sunt ad eum finem consequendum. hic igitur bonos viros vt ad finem referuntur, appellat: bonos ciues pro cuiusque Reip. etiam deprauata ratione. nam positio quæ græcè est *ὁ δὲ δεικνύς*, quo verbo hic vititur Aristoteles, interdum finem propositum signat, quo facultas si aptè referatur, virtus expositione siue fine dicitur.

4 Ab utroque differt. A paucorum potentia, & Repub. vocata.

5 Vbi ergo resp. Tria genera status optimatum facit, præter illud optimum & maximè proprium, quorum vnum est, vbi in mandandis magistratibus, diuitiarum & virtutis populiq; habetur ratio. Alterum, vbi virtutis & populi. Tertium, quo Respublica communi vocabulo dicta, in paucorum potentiam inclinantes continentur.

CAPVT VIII

1 RELIQVVM est, vt 2 de nominata Rep. de quæ tyrannide differamus: quem ordinem idcirco secuti sumus, quoniam licet nec Respublica, nec ij, de quibus modo diximus, status optimatum aberrationes sint: tamen 3 si verum quærimus, omnes 4 à rectissima Rei publicæ ratione deflexerunt: deinde 5 connumerantur cum his, 6 & 7 hæ sunt ipsarum, vt principio diximus, digressiones. Sed de tyrannide, iurè postremo loco mentionem fecimus, quoniam hæc 7 minimè omnium Reipublicæ rationem attingit. Nos autem de Republica differendi negotium suscepimus, ac huius quidem ordinis, dispositionisq; causam exposuimus: posthac de Republica disputabimus: eius enim vis, explicatis quæ ad paucorum potentiam & statum popularem pertinent, facilius intelligetur. Est enim Respub. 8 vt simpliciter loquar, quædam ex paucorum potentia, & statu populari temperatura. Cæterum quæ ad rationem popularem inclinant, hæ solent Respub. nuncupari: status verò optimatum, quæ magis ad paucorum potentiam, 9 propterea quod disciplina, siue recta educatio & generis nobilitas, magis sunt locupletiorum comites. Præterea 10 res, quarum causa 10. solent homines ad iniuriam inferendam impelli, diuitibus adesse videntur: quo fit, vt eos virtute præstantes, ac nobiles appellent. 11. 12. Est igitur causa, quoniâ status optimatum optimis quibusque ciuib; præstantiam tribuere solet: & paucorum potentia ex virtute præstantib; potius videtur constare. Porro fieri non posse videtur, vt rectè

- ut rectè ex legibus administraretur ciuitas, non quæ optimis, sed quæ à prauis ciuibus gubernatur. Eodemque modo, ut optimorum imperio gubernetur, quæ non rectè ex legibus administratur. Neque verò bona ex legibus administratio est, ut bonæ sint leges, nec tamen eis obtemperetur. Itaque vna bona ex legibus administratio
12. putari debet, 12 impositis legibus parere. Altera rectas esse leges, & harum decretis stare. Nam fieri potest, ut prauis etiam legibus pareatur. Hoc autem fieri bifariam potest: leges enim quibus homines parent, aut optimæ sunt 13 ex his quibus ipsi uti valent, aut simpliciter optimæ. In hoc autem potissimum status optimatum positus esse videtur, ut honores virtuti tribuantur. Nam finis optimatum Reipublicæ virtus est: paucorum potentia, opes: populi verò, libertas. Ut enim vincat plurium sententia, Rebus publicis omnibus est commune, quoniam in paucorum potentia, in statu optimatum, & populari, quod eorum qui Rempublicam gerunt, maiori
- 14 parti visum fuerit, id ratum est. In plerisque igitur ciuitatibus 14 Reipublicæ genus nominatur. Sola enim mixtio locupletum, & egenorum, ad opes & libertatem spectat, quoniam apud plerumque
15. 15 diuites virtute præstantium locum habere videntur. Sed quoniam
16. am tria sunt quæ 16 de Reipublicæ paritate certant, libertas, diuitia, virtus, (17 nam generis nobilitas, quæ quarto loco numeratur, duorum est comes: est enim generis nobilitas, veteres opes, atque virtus.) satis intelligitur duorum generum locupletum ac egenorum mixtionem esse Remp. appellandam, trium autem statum optimatum maximè omnium vocari debere, præter illam veram & primam optimatum gubernationem. Esse igitur alia genera præter vnius, ac populare paucorumque imperium exposuimus: & quo inter se optimatum gubernationes, & quo Respublicæ ab optimatum administratione differant: & hæc genera non longè inter se distare declarauimus.

Scholia in Caput. VIII.

1 RELIQUVM est, ut de nominata Repub. deque tyrannide differamus. Reddita ratione ordinis disputandi de Reipub. generibus, de Repub. differit, quæ sic communi vocabulo nominatur. Est igitur Resp. administratio quadam ciuili, ex paucorum potentia & statu populari conflata: quæ compositio seu temperatura cum ad popularem inclinat, Resp. dicitur:

cum

tum verò ad paucorum potentiam, status optimatum: quoniam virtus & nobilitas diuitias magna ex parte affectantur. Item eam ciuitatem bene legibus institutam esse dicit, in qua non solum bonæ leges sunt, sed etiam legibus ipsis obtemperatur. Tria sunt, inquit, quæ de paritate in Repub. certant, libertas, diuitia, virtus. Diuitum autem & egenorum mixtio Respub. nominatur: omnium verò trium temperatura, status optimatum dicitur.

2 De nominata Repub. Quæ cunctis communi vocabulo Respub. dicitur.

3 Si verum quærimus. Re uera itaque non sine causa de Repub. & duobus status optimatum speciebus disputatur, cum de generibus erratis differitur.

4 A rectissima Reipub. ratione. A regno & statu optimatum potissimo, quia vtrunque in optima Repub. continetur: nam de his disputare, ut supra dixit cap. ij. nihil est aliud, quàm de optimo statu Reipub. differere.

5 Connumerantur cum his Cum aberrationibus.

6 Hæ sunt ipsarum digressiones. Hæ, id est ceteræ omnes sunt ab ipsis regno scilicet, & optimatum rectissima Rep. digressiones & aberrationes.

7 Minimè omnium Reipub. rationem attingit. Quoniam minimè omnium ordinem seruat, in quo ratio Reipub. consistit, minimè legibus parer: quæ ubi non seruantur, nulla est Respub. ut supra dixit cap. iij.

8 Ut simpliciter loquar. Sammatim, nec accuratissimam rationem explicando.

9 Propterea quod disciplina & generis nobilitas magis sunt locupletiorum comites. Disciplina & nobilitas in locupletibus magis quàm in pauperibus reperiuntur, quod græce est παιδεία, latine autem disciplina, quam sæpe Aristoteles in mentione ciuiliū facultatum nominat, dupliciter intelligitur. vno enim modo peritiam quandam & consuetudinem legibus ab ineunte ætate parendi significat, quod pertinet ad rectam educationem, & virtutis vsum: homines enim quadam assuescendo, quadam audiendo discunt ut ipse ait libro septimo, cap. xij. altero modo doctrinarū cognitionem, quæ homines nobilitat, idoneosq; ad remp gerendam reddit, aut ciues probos moribus ac præceptis instituendos, quæ & ipsa facultas magna ex parte diuitiis sequitur, pauperibus otio ad studium literarum non suppetente.

10 Res quarum causa solent, &c. Solent homines ad iniuriam inferendam impelli, modò ut pecunias assequantur, & alia commoda: modò ut fruantur voluptatibus, & similibus rebus quæ diuitibus adsunt.

11 Est igitur causa. Cur scilicet tales Respub. cum ad paucorum potentiam inclinant, dicantur stat us optimatum.

12 Impositis legibus parere. Siue bonæ, siue malæ sint.

Cc

13 Exijs

- 13 Ex ijs quibus ipsi uti valent. *Optima ex his legibus quæ conveniunt statui Reipub. quo ipsi uti possunt: nec enim omnibus datum est, ut utantur optimo statu Reipub. rebus scilicet necessarijs, & commodis non suppetentibus.*
- 14 Reipub. genus nominatur. *Administratio civilis Respub. vocatur.*
- 15 Diuites virtute præstantium locum habere videntur. *Locupletes pro viris optimis habentur.*
- 16 De paritate Reipub. certant. *Nam his rebus præditi sibi quisq. pares alteri honores & commoda in Republica deberi contendunt.*
- 17 Nobilitas generis duorum est comes. *Diuitiarum & virtutis: nobilitas enim diuitias, & virtutem sequitur.*

CAPVT IX.

1. DEINCEPS de Reipub. vocata, quomodo ex populari, & paucorum potentia fiat, & qua ratione constitui debeat, disseramus. quod ex ijs quoque perspicuum fiet, quibus status popularis, & paucorum potentia definiuntur: facta enim harum partitione, 2 ex utraque velut symbolum accipientes, Remp. constituere debemus. Tres enim sunt compositionis & temperaturæ termini. Vnus, si utriusque instituta sumantur, ut in iudicijs, quoniam in paucorum potentijs diuitibus pœnam constituunt, si iudicia non exerceant, egenis merces nulla propolita est: in statibus popularibus egenis merces constituta, diuitibus nulla multa: quorum commune ac medium, ac proinde Reipub. consentaneum est, ut 3 utrunque constituatur, cum ex utraque temperetur. Hic igitur est vnus copulandi modus. Alter, ut medium sumatur eorum quæ ab utraque lanciuntur, 4 ut in concionijs, quibus interesse licet per alios ex nullo vel tenui admodum censu: per alios ex magnis opibus, quorum, 5 neutrum est commune, sed 5 medium utriusque census. Tertia ratio Reipub. est ex duobus institutis confata, ut partim ex lege conueniente paucorum potentia sumatur, partim ex ea quæ pertinet ad statum popularem. Verbi gratia, ad statum popularem magistratus sortibus mandare pertinet, suffragijs verò ad paucorum potentiam: item non ex censu mandare populari conuenit, ex censu autem paucorum potentia. Fuerit igitur optimatum statui, atque Reipublicæ conueniens, ut aliquid ex utraque sumatur: ex paucorum potentia, ut suffragio mandetur magistratus: ex populari sta-

ri statu, vt census ratio non habeatur. Hic est igitur mitionis ac
 temperaturæ modus. Tunc autem status popularis, & paucorum
 potentia rectè temperati esse statuuntur, cum eandem Rempubli-
 cam tum popularem statum, tum paucorum potentiam nomina-
 re licet. Nec dubium est, quin 6 variæ appellationis occasio inde 6.
 nascatur, quia sit probè temperata: quod 7 in medio quoque solet 7.
 vsu venire, quoniam in eo vtrunque extremum apparet: quod ac-
 cidit in Lacedæmoniorum Rempublicam: hanc enim multi po-
 pularem esse contendunt, propterea quòd sic instituta est, vt ha-
 beat multa quæ pertinent ad statum popularem: primum pue-
 ros aliendi rationem: quippe similiter diuitum filij atque paupe-
 rum 8 aluntur, instituunturque eodem modo quo possent filij 8.
 pauperum institui: & pari ratione cum 9 in proximam ætatem a- 9.
 doleuerint, & item cum ad virilem peruenerint. Nihil est enim
 quo diues à paupere discernatur, vsque ad eò nullum est ciborum
 in comestationibus discrimen: atque ea veste diuites vtuntur, quam
 pauperum quiuis sibi comparare queat. Præterea quoniam ex duo-
 bus maximis magistratibus alter mandatur suffragio populi, al-
 ter etiam populo communicatur. Nam Senatores à populo deli-
 guntur, idemque populus 10 particeps est ephoriæ. Alij pauco- 10.
 rum potentiam eandem esse confirmant, quia multa in ea sunt pau-
 corum imperio conuenientia, quale illud, quod magistratus
 nullus sortito, sed omnes suffragio mandantur: quòdque penes pau-
 cos est vitæ, necisque potestas, & exilij, & aliorum talium quæ mul-
 ta sunt. Oportet autem vt in Republica probè temperata, vtrun-
 que & neutrum esse videatur, ac vt per se conseruetur, non ex-
 trinsecus: per se, inquam, non quòd plures extrinsecus sint qui
 eam saluam velint, (si hoc enim prauæ quoque Reip. potest con- 11.
 tingere) sed quòd nulla prorsus pars ciuitatis sit, quæ aliam Reip.
 formam desideret. Quo modo igitur Remp. constituere conue-
 niat, & item status quos optimatum vocant, nunc explicuimus.

Scholia in Caput. IX.

DE INCEPS de Repub. vocata. Docet quomodo Respub. qua sit
 communi vocabulo dicitur, ex varijs generibus, id est populari, & paucorum
 potentia constituitur, quod tripliciter fieri posse declarat. Primum, si vtrius-
 que instituta siue leges accipiantur: deinde si medium eorum: tertio, si par-

Cc 2

Im ex

tim ex vna, partim ex altera instituta sumantur. Erit autem temperatio tunc optimaratione facta, cum eadem Respub status popularis, eadem paucorum potentia esse videbitur, tum hoc, tum illud: modo vtrumq, modo neutrum.

2 Ex vtraque velut symbolum accipientes. Partem vtriusq, commune conferentes. Nam symbolum est, quod contribuitur ad rem communem, vt cum sodales suam quisque partem conferunt ad conuiuium.

3 Vtrumque constituatur. Pœna diuitibus, nisi munus publicum obeant: merces pauperibus, si obeant.

4 Vt in concionibus. In popularibus deliberationibus.

5 Medium vtriusque census. Vt à mediocri censu magistratibus mandentur.

6 Variæ appellationis occasio. Vt tum status popularis, tum paucorum potentia nominetur.

7 In medio quoque solet vsu venire. Vt in liberalitate qua media est inter prodigalitatem & auaritiam. Nam liberalis comparatus prodigo, auarus esse videtur: vicissimq, prodigus, si cum auaro conferatur.

8 Aluntur, instituunturq. Alterum ad cibum pertinet, alterum ad disciplinam & educationem.

9 In proximam ætatem. In adolescentiam.

10 Particeps est Ephoriæ. Quoniam Ephori, qui numero erant quinque: ex omni populo deligebantur.

11 Hoc enim prauæ Reipub. potest contingere. Vt Athenis triginta præfectorum tyranni: seu dynastia, quam Lacedæmonij qui eos imposuerant, saluam esse volebant: per se autem conseruari, propterea quod nulla pars ciuitatis aliam Reipub. formam desideret: sed sint omnes præsentis status contenti, non potest, nisi rectæ Reipublicæ contingere.

CAPVT X

1. 1 SVPEREST vt de tyrannide disseramus, non quòd longam orationem desideret, sed ne in commentatione quam de Republica suscepimus, parte sua fraudari videatur, cum ipsam 2 Rerumpublicarum partem esse statuamus. 3 De regno igitur superiore libro disputauimus, quo in loco de regno, quod maximè dicitur, sit ne inutile, an ciuitatibus conducatur, disseruimus: & quem regem, & unde, & quomodo constituere oporteat, declarauimus Tyrannidem autem in quæstione de regno induo genera partiti sumus, 4 quia horum

horum potestas & regnum quodammodo alterum pro altero sumitur: quoniam vtrunque imperium legitimum est. Sunt enim barbaræ quædam nationes, quæ s; monarchas cum summa potestate deligunt, & antiquitus inter Græcos veteres quidam ad hunc modum monarchæ fiebant, quos Aesymnetas ab imperando nominabant. Habent autem hæc imperia differentias inter se: 6 erantq; regia, tum quia legitima, tum quia vnus in volentes imperium tenebat: tyrannica verò, quoniam herile imperium exercebant arbitratu suo. Tertium genus est tyrannidis, quæ maximè tyrannis esse videtur, quæque regno est opposita: quam tyrannidem monarchiam esse necesse est, quæ 7 sine prouocatione 8 in similes atque meliores omnes imperium tenet, ipsumque in suam, non in eorum quibus præest vtilitatem refert, ac proinde inuitis imperat. 9 Nemo enim ingenuus tale imperium sua voluntate ferat. Hæc igitur & tot numero sunt tyrannidis genera, & propter causas memoratas.

Scholia in Caput X.

1 SVPEREST vt de tyrannide differamus. Tyrannis quamquam rationem Reipub. vt supra dictum est, non habet, cum leges in ea vim non habeant, sed omnia vnus libidine administrantur: tamen inter deprauatas Reipub. formas annumerari solet. Tyrannis autem non vna est, sed multiplex. Nam regna Barbarorum & Græcorum Aesymnetia licet volentibus legēque imperent, & hac parte regnum imitentur, tamen quoniam herile imperium in bonos etiam & meliores exercent, idcirco tyrannides esse dicuntur. Propriè tamen tyrannis intelligitur, quæ in liberos inuitas herile imperium exercet.

2 Rerump. partem. Reip. speciem quandam deprauatam.

3 De regno, quod maximè dicitur. De regno pleno, vbi vnus summam rerum omnium potestatem & vicem totius Reipub. tenet.

4 Quia horum potestas, & regnum quodammodo alterum pro altero sumitur. Regum Barbarorum & Aesymnetarum qui ad hunc modum sunt tyranni potestas regnum, & ipsi Reges nominantur, quia lege & volentibus imperant: vicissimq; Reges tyranni quandoque dicuntur, propter horum similitudinem. Vnde antiquitus tyranni nomen non erat inuidiosum, quin & Aristotelis memoria, quidam, vt Isocrates, sæpe tyrannum pro rege dicebant, quod poeta tum Græci, tum etiam Latini fecerunt.

5 Monarchas cum summa potestate. Monarcha dicitur qui solus habet imperi-

imperium: sed quia hic esse potest cum certa & definita potestate, ut Reges Laconici, idcirco adieci cum summa potestate.

6 *Erantque regia. Ea parte regna erant, quod lege deferebantur, & volentibus imperabant: quo intelligitur tyrannum propriè non dici, nisi qui per vim seu factionem, denique præter leges ciuitatis aut gentis imperium occupauit.*

7 *Sine prouocatione imperium tenet. A quo non licet prouocare, nec ad populum, nec ad Senatum, aut alios magistratus: hoc autem commune est tyranno cum rege, qui propriè dicitur.*

8 *In similes ac meliores omnes. In similes habere imperium perpetuum iniustum est: quanto igitur iniustius in meliores omnes ut neminem vel parem habeat, vel superiorem imperio?*

9 *Nemo enim ingenuus. Natura liber: nam qui sunt natura serui, faciliè imperium herile ferunt, quippe quod ipsorum natura conuenit.*

CAPVT XI.

1. 2. 1 QV AE verò sit optima Respublica, 2 quæ optima vita plerisque
3. que ciuitatibus, & plerisque hominibus 3 qui non egregia virtute, nec doctrina, quæ res naturam adiumenta que fortunæ desiderant, Reipublicæ viuendique rationem metiuntur, nec dirigunt ad normam eius quæ optari posset Reipublicæ, sed vitam quærunt quæ hominum maiori parti possit esse communis, & Rempublicam qua ciuitatum magna pars uti posset: nam qui status optimatum vocantur, de quibus modo disseruimus, partim non cadunt in plerasque ciuitates, partim propè ad Rempublicam vocatam accedunt: ut de vtrisque sit, tanquam de vna disputandum. Harum igitur quæstionum omnium, iudicium ex eisdem principiis est faciendum. Nam si rectè in libris de moribus dictum est, vitam beatam effici virtute non impedita, & virtutem esse mediocritatem, necesse est ut ea sit optima vita, quæ media est, ea mediocritate quæ potest singulis contingere. Ac eodem modo de virtute & vitio ciuitatis & Reipub. statuere necesse est. Respub. enim vita quædam ciuitatis est. Ciuitates verò cunctæ ternis partibus consistunt, ditissimis, pauperrimis, & tertio loco ijs qui medij sunt inter eos interiecti. Cum igitur id optimum esse constet, quod mediocritatem mediumque tenet, satis intelligitur fortunarum etiam mediocrem possessionem omnium esse optimam, quippe quæ

quæ facillimè rationi paret : nam qui pulchritudine aut viribus,
aut generis nobilitate, vel diuitijs magnopere præstant, quique
his contrarij sunt, nimium vel paupertate vel imbecillitate depref-
si, hi vt rationem sequantur, difficile est. 4 Alteri enim palam con- 4.
tumelias magis inferunt, & in magnis rebus improbi sunt. † Alte-
ri astuti ad nocendum fiunt, & valde in rebus paruis delinquent.
Iniuriæ verò quædam per apertam contumeliam, quædam per
astutiam inferuntur. 5 Adhæc illi minimè student imperijs, & 5.
sunt imperandi percupidi, quod vtrunque ciuitatibus nocet. Præ-
terea qui prosperis rebus, potentia, opibus, clientelis, cæterisque
id genus excellunt, hic nec volunt, nec sciunt imperia pati: quo-
malo domestico iam tunc ab ipsa ineunte ætate inficiuntur. Nam
propter delitias, ac indulgentiam, ne in ludo quidem literario pa-
rere consueuerunt. Illi verò propter nimiam harum rerum ino-
piam nimis sunt animo deiecti: igitur alteri imperare nesciunt, sed
imperio seruii subesse: alteri nulli imperio parere sciunt: imperare
autem, vt domini seruis. Itaque 6 ciuitas ex seruis, dominiq; con- 6.
stituitur, non ex liberis: eorumque alteri inuidant, alteri contem-
nunt: quæ res longissimè ab amicitia & societate ciuili absunt:
societas enim à beneuolentia proficiscitur. Nam inimicos ne iu-
neris quidem locios habere volumus. Ciuitas autem ex paribus,
& quam maximè similibus constare vult, quod medijs omnium
maximè inest, vt sit necesse hanc ciuitatem optima ratione guber-
nari, quæ ex his constat, ex quibus ciuitatis constitutio naturalis
esse dicitur: & quidem hoc ciuium genus maximè in ciuitatibus
conseruatur. Non enim aliena concupiscunt, vt pauperes: nec quæ
horum sunt alteri, vt pauperes expetunt locupletum bona: & quo-
niam inter se non insidiantur, sine periculo degunt. 7 Quocirca 7.
Phocylides rectè multa optima mediocribus precabatur, cum i-
pse mediocris esse vellet in ciuitate. Non est igitur dubium quin
ea sit optima societas ciuilis, quæ ex mediocribus consistit: & ciui-
tates ex possint rectè gubernari, in quibus pars mediocris magna
est, & 8 quàm vtraque aliarum potentior, quod est maximè optan- 8.
dum, aut certè quàm vtrauis: adiuncta enim ciuitatem inclinat, ad
seque trahit, & oppositos excessus existere prohibet. Itaque maxi-
mum est fortunæ beneficium, vt qui Rempub. administrant, ij me-
diocres opes, & quæ satis sint, habeant. Nam vbi alteri nimis
magna patrimonialia, alteri nullam rem familiarem possident,
ibi 9,

9. 10. ibi 9 aut populus extremus, aut 10 impotens paucorum dominatus, vel tyrannis, propter ambos excessus efficitur: quoniam tum ex validissimo statu populari, tum ex paucorum nimia potentia tyrannis existit: ex mediocribus autem & quorum est discrimen exiguum, multominus, cuius causam postea cum de Rerum publicarum mutationibus agetur, explicabimus. Esse tamen optimam quæ mediocris est, non potest dubitari: sola enim à seditionibus abhorret. nam ubi magna pars est interiecta, nec seditiones fiunt, nec distractiones Rerum publicarum: & magnæ ciuitates idcirco à seditionibus abhorrent, quia magna est pars quæ mediocritatem tenet. In exiguis autem ciuitatibus facile factum est, ut omnes sic in duas partes distraherentur, ut nihil in medio relinquatur, & omnes ferè sunt vel egeni, vel locupletes. Status quoque populares ut tutiores sint & magis diuturni quàm paucorum potentie, in causa sunt mediocres, qui & plures sunt, & magis honoribus participant. In statibus popularibus quàm in paucorum potentijs, quoniam quum 11 absque his egeni in magnam multitudinem excreuere, misera sit ciuitatis conditio, celeriterque labefactatur. Illud etiam est argumento, quod optimi quique legumlatores ex mediocrium ciuium numero fuerunt. Huius enim ordinis fuit Solon, ut ex carminibus eius apparet, & Lycurgus (nec enim rex erat) & item Charondas, & cæteri ferè omnes. Ex his causam licet perspicere cur Reipublicæ magnæ ex parte vel populares sunt, vel paucorum potentia. Nam cum sæpe in eis exigua sit pars quæ medium tenet, utri ex locupletibus & popularibus medium transgressi superiores euaserint, hi Rempublicam ad se trahunt. Itaque populus efficitur, aut paucorum potentia. Præterea cum seditiones & pugnae inter populum & diuites oriantur, utris victoria de aduersarijs cõtigerit, hi Rempublicam nec communem nec æquabilem constituunt: sed in Republica excellere præmium victoriæ faciunt, & alteri in statum popularem redigunt, 12. alteri in paucorum potentiam. Præterea 12 qui rerum in Græcia potiti sunt, cum utriusque ad suam Rempublicam spectarent, 13 alteri populares status, alteri paucorum potentias in ciuitatibus constituebant, non ciuitatum, sed suorum commodorum rationem ducentes. Ob has igitur causas Respublica media, aut nunquam, aut 14. raro, & apud paucos efficitur. 14 Vnus duntaxat vir ex principibus superioribus extitit, qui hanc Reipublicæ rationem instituere animum induceret: sed iam hæc consuetudo in ciuitatibus inualuit, ut homi-

homines equalitatē odio habeāt, & malit aut imperio potiri, aut si victi fuerint, imperio subesse. Quę sit igitur optima Respublica, & quā ob causam, declarauimus. Ex cæteris autem Reipub. formis, quoniam status popularis, & item paucorum potentia complura genera facimus, quę prima statuenda sit, quę secūda, quę deinceps, eodem modo, propterea quōd alia potior sit, alia deterior, optima constituta, non erit intellectu difficile. Nam quę proximē accedit ad optimam, hæc necessariō potior est. Deterior verō quę longius à medio recesserit, nisi fortē is iudicium sit pro fine proposito facien-
15. dum. Pro fine proposito dico, quoniam cum sæpe sit alia Reipublicæ forma magis expetenda, fieri potest vt alia sit nonnullis accommodatior.

Scholia in Caput XI.

1 QVAE verō sit optima Respub. quę optima vita plerisque ciuitatibus, Optima Respub. est quę ex ciuib. mediocres diuitias habentib. consistit. Nam neq. diuissimi nec pauperrimi sunt ad societatem ciuilem idonei. Alteri enim nimis superbi, alteri nimis deiecti sunt: alteri contemnunt, alteri inuident: alteri imperant vt domini, alteri parent vt serui: ciuitas autem ex paribus & similibus constare debet, quod mediocribus accidit. Itaque plurimum ciuitas ex mediocribus consistens conseruatur, eaq. optima est, & à seditionibus adhorret. Nam vbi omnes aut plurimi sunt diuitijs vel paupertate extremi, facilē aut tyrannis existit inualescentibus locupletibus, aut extremus populus, si vincat pauperum multitudo.

2 Quę optima vita plerisque ciuitatibus. Hac oratio pendet vsque ad illa verba, Harum igitur quæstionum. Dupliciter autem dicitur optima Respub. vel quia simpliciter est optima, si talis cōtingeret qualis optari posset: vel quia optima est earum quę non difficillimē possunt hominibus contingere, & plerisque ciuitatibus conuenire potest. qualis autem hac posterior sit, & quomodo constitui & conseruari queat, ex ijs principijs considerari potest; quę tradita sunt in libro de moribus ad Nicomachum, in quorum primo & decimo declaratum est vitam beatam seu felicitatem in vsu virtutis non impedita consistere: virtus autem egestate & aduersa valetudine, & similibus malis impeditur. Nam egenus non potest nec liberalitate vti, nec magnificentia, præterquam voluntate: nec qui aduersa valetudine laborat, is rectē potest fortitudinem exercere: in libro verō secundo Ethicorum, virtutem in mediocritate quadam consistere declaratum est.

D d

3 Qui

3 Qui non egregia virtute. Qui non optimam ciuitatem querunt, & qua optimis & prudentissimis ciuibus consistat, ad quas res optima ciuium natura ut sint ad virtutem maximè proueniunt & adiuuentis naturalibus instructi, & fortuna desideratur ut adsint, suppetantq; omnia necessaria ad vitam cum virtute non impedita degendam: qua res optari magis quàm hominibus & ciuitatibus contingere solent.

4 Alteri palam. Ditißimi homines palam inferunt iniuriam, & in magnis rebus peccant: quidam enim aliena modo priuata, modo etiam publica inuadunt: alij homines interficiunt, & similia:

† alteri astuti fiunt ad nocendum egeni scilicet, qui per fraudem & machinationes & occulta furtiua res qua sunt ad vitam necessaria conquirunt.

5 Adhæc isti minimè student imperijs, & sunt imperandi percupidij. Prior pars ad egenos referri debet, qui ob egestatem ab imperijs, qua otium requirunt, quod ipsis necessaria ad vitam querentibus non suppetit. Posterior ad diuites, quos otium & ambitio facit imperandi cupidissimos.

6 Ciuitas ex seruis dominisque constituitur. Cum ex omnibus ditissimis aut pauperrimis constituitur, & nullis aut paucissimis mediocribus. Nam ditissimi imperant ut domini, pauperrimi obtemperant ut serui.

7 Quocirca Phocylides Milesius: hic fuit philosophus, qui carmina & legias & præcepta siue sententias, ut refert Suidas, conscripsit.

8 Quam utraque aliarum. Ut mediocres sint plures & potentiores, quàm diuites & pauperes simul, aut cerè quàm diuites per se, & quàm pauperes separatim.

9 Aut populus extremus. Pessima forma Reipub. popularis, quam mox validissimum statum popularem appellat, quia populus in eo plurimum inualuit.

10 Impotens paucorum dominatus. Extrema paucorum potentia, qua dynastia dicitur, de quibus Rerumpub. forma libro quinto differitur.

11 Egeni absque his, sine mediocribus.

12 Qui rerum in Græcia potiti sunt. Qui imperium in Græcia tenuerunt, athenienses & Lacedæmonij.

13 Alteri populares. Athenienses quia Rempub. ad popularem inclinantem habebant, quasunque ciuitates subegissent, in popularem formam redigebant: Lacedæmonij in paucorum potentiam, quoniam ipsorum Resp. huc magis inclinabat. Itaque utrique eam formam in ciuitatibus à se deuijs constituiebant, qua similis esset, ac proinde magis faueret statui presenti, quo ipsi victores vivebantur.

14 Vnus duntaxat vir. Ithopompū designat regem Lacedæmoniorum. hic enim

enim suorum commodorum & ambitionis oblitus, ut ciuitati consuleret, cum esset rex Lacedæmoniorum Ephoros creauit, ad quos esset à regibus prouocatio: minuitq; regiam potestatem & auctoritatem, ut popularem augetet, & regnum in formam Reipub. redegit, de quo Theopompi facti ipse memorat libro quinto.

15 Iudicium sit pro fine faciendum. Conuenienter proposito ciuitati fini, & proratione rerum suppetentium sit de Reipublica bonitate iudicandū.

CAPVT XII.

1 PROXIMUM est ut quæ quibus, & qualis qualibus Resp. 2
conueniat, differamus. Sed primum omnium quod idem in omnes Respub. vniuersaliter conuenit, proponendum est. Oportet enim ut quæ pars ciuitatis Rempublicam esse saluam cupit, ea potentior sit quàm quæ non est præsentis statu contenta. Constat autem ciuitas omnis ex quali & quanto: quale dico 2 libertatem, 2
opes, doctrinam, & generis nobilitatem: quantum verò multitudinis magnitudinem. Fieri autem potest ut ex partibus quibus ciuitas consistit, alteri quale adsit, alteri quantum: verbi gratia, ut plures numero sint ignobiles quàm nobiles, vel egeni quàm locupletes, sed ita ut non tam quanto excellant, quàm superantur quali. hæc igitur inter se conferri debent. Vbi ergo multitudo egenorum 3
qua proportionem diximus excellit, hic status popularis existere 3
aptus est: genus autem quodque status popularis pro excessu cuiusque populi ratione, ad hunc modum, si agricolarum multitudo vincat, 4 prima species status popularis efficitur: si opificum 4
& mercenariorum, vltima, ac eodem modo cæteræ quæ sunt inter has duas interiectæ. Vbi verò locupletes atque nobiles magis quali præstant, quàm superentur quanto, hic paucorum potentia existere apta est, eiusque genus quodque eodem modo pro ratione excessus multitudinis ad paucorum potentiam pertinentis. Debet autem semper legumlator in Repub. 5 medios addiscere. Nam siue 5
leges paucorum potentia conuenientes statuatur, 6 ad medios spectare debet, siue statui populari aptas, hos quoque legibus conciliare. 7 Vbi verò medij, vel vtrumque simul, vel certè vtrumvis extremorum excedit, hic potest firma; stabilisque Respublica consistere. Nec enim verendum est, 8 nequando in hos diuites cum 8
pauperib. conspirent, quia nunquam 9 alteri alteris seruire animū 6
Dd 2 indu-

10. inducent. 10 Communio rem autem, cum ab hac discesserint, nullam reperient: imperandi verò vicissitudinem idcirco non probabunt, quoniam alteris alteri suspecti sunt. Cæterum arbiter ubique fidelissimus habetur: medius autem arbiter est. sed Respublica stabilitatem hoc maiorem habebit, quo melius fuerit temperata. Errat autem plerique eorum quibus est optimatum Respublica constituere propositum, non eo solum quòd ut locupletibus maiorem partem attribuunt, sed etiam quod populares excludunt. Ex ijs enim quæ falsam bonorum speciem præferunt, necesse est ut tempore aliquando verum malum eueniat, si enim alterutri superiores sint, diuites potius quàm pauperes Rempublicam euertant.

Scholia in. Caput XII.

1 PROXIMUM est ut quæ quibus, & qualis qualibus. Antequam Respub. quæ quibus hominibus conueniat explicetur, illud statui debet, quod est omni Reipub. commune oportere ad Reipub. conseruationem, ut quæ pars ciuitatis Rempub. esse saluam cupit, hæc potentior sit, quàm quæ non est præsentis statu contenta. Sunt autem duo in partibus ciuitatis consideranda: Qualitas, quæ libertate, opibus, doctrina, virtutēque & generis nobilitate constat: Quantitas, quæ ciuium numerum qui sunt in partibus, intelligimus: quibus rebus inter se collatis varia genera Rerumpub. existunt. Nam ubi egeni plus numero videntur, quàm superetur qualitate, ibi Respub. popularis existit. Cætra verò paucorum potentia, ubi diuites magis excellunt qualitate quàm superentur numero. Itaque legumlator plurimam rationem mediocrium habere debet, siue paucorum potentia, siue populari Reipub. leges ferat, ne in extremum malum delabantur. Vbi verò medijs potentiores sunt quàm diuites & egeni simul, aut certè quàm diuites per se, & quàm pauperes, separatim hic magna est occasio Reipub. statuenda, tum ad firmitudinem, tum ad diuturnitatem: plus autem diuitibus tribuere in Reipub. quàm pauperibus periculosius est, quàm oppositum.

2 Libertatem, opes, doctrinam, & generis nobilitatem. Liber opponitur seruo: sed quia seruus dicitur non solum mancipium quod propriè intelligitur, sed etiam qui sordidam artem exercet, qui est quasi seruus publicus, idcirco libertas, quæ utrique seruituti opponitur, honesta quadam ciuium conditio est, in qua sunt mediocres facultates habentes, quam hic designare videtur Doctrinam verò siue disciplinam quæ græcè est παιδεία solet Aristoteles in hoc opere, tum doctrinarum cognitionem, tum rectā & liberalem e-

tem educationem vocare, vt in ea virtus quoque intelligatur.

3 Qua proportionem diximus. Vt plus excedat numero. quàm superetur qualitate.

4 Prima species. Minimè mala, vt vltima intelligitur pessima.

5 Medios adsciscere. Mediorum benevolentiam capere, leges ipsis accommodando, quod alijs verbus paulò post dixit, medios legibus conciliare, quod est amicos Reipub. facere.

6 Ad medios spectare debet. Ad mediocriter diuites, vt in populari ad mediocriter pauperes.

7 Vbi verò medij. Inter diuites & pauperes.

8 Nequando in hos in medios.

9 Alteris alteri. Pauperibus diuites, & contrà.

10 Communiorem autem. Quæ magis sit diuitibus simul & pauperibus apta, quàm Respub. communi vocabulo nuncupata.

11 Locupletibus maiorem partem tribuunt. Non est contra iustitiam, nec rationem Reipub. plus in Repub. tribuere diuiti quàm pauperi, sed toti diuitum ordini plus tribuere quàm toti pauperum multitudini periculosum est. Nam diuites ad publicam iniuriam inferendam, quàm pauperes proliuiores sunt.

CAPVT XIII.

1 RES autem quibus specie quadam commoditatis prætenta populum circumuenire moliuntur, quinque numero sunt, concio, magistratus, tribunalia, arma, & exercitationes. 2 In concione, vt huic omnibus interesse liceat, sed diuitibus sit pœna, nisi intersint constituta, 3 vel solis vel multo maior. In magistratibus, vt qui censum habent, ijs 4 eiurare magistratum non liceat, pauperibus liceat. In tribunalibus, vt diuites nisi iudicia obierint, mulctentur, pauperes impune ferant: aut illis magna, his parua multa sit constituta, vt est 5 in Charondæ legibus. In quibusdam verò ciuitatibus, cunctis licet 6 datis nominibus, publicis consultationibus interesse, & exercere iudicia: si tamen cum descripti fuerint non intersint, aut iudicia non obeant, magnis mulctis afficiuntur, vt timore mulctæ profiteri reculent, & quoniam descripti non sunt, nec iudicia nec publicas deliberationes obeant. Eodemque modo de armis & exercitationibus sancitur, vt egenis arma non habere liceat, diuites si non habeant, mulctentur: & si se non exerceant, alteris impune sit, diuitibus pœna constituta: vt hi 7 propter mulctam exercitationes

Dd 3

obeant,

obeant, illi nihil tale metuentes non obeant. Hæ sunt igitur legum
 latorum captiones, paucorum potentia accommodatæ. In statibus
 vero popularibus, contra hæc captiones adhibent oppositas: nam
 pauperibus si concionibus intersint, exerceantve iudicia, merces
 est proposita, diuitibus nulla poena constituta. Quo intelligitur, si
 8. quis iustam facere temperaturam velit, huic esse 8 vtrorunque in-
 stituta conflanda, vt alijs merces tribuatur, alijs constituatur mul-
 ta: sic enim fiet, vt omnibus Reip. communicetur, quæ illo modo
 in alterius duntaxat partis potestatem concedit. Oportet autem vt
 Respublica ex ijs duntaxat qui arma tenent, consistat. Censuræ verò
 quantus suppetere debeat, certa magnitudine definiri simpliciter
 9. non potest: sed habita ratione 9 quàm latè ad summum patere
 debeat, vt ijs quibus Respublica communicatur, plures numero
 sint, quàm quibus inter dicitur, tantus definiri debet. Pauperes
 enim non inuiti quiescunt, & si non fungantur honoribus, modo
 ne quis ipsis aut contumeliam, aut rei familiaris detrimentum in-
 ferat: quod non facilè contingit. nec enim semper vsu venit, vt
 viri probi sint, qui publicis muneribus præfunt: & pauperes cum
 bellū extiterit, nisi de publico alantur, militiam detrectare solent:
 10. qui 10 si commeatus suppeditentur, bellum gerunt non inuiti. Qui-
 dam Rempublicam non modo ex ijs qui arma ferunt, sed ex ijs
 11. etiam qui arma tulerint, constitutam habent. 11. Maliensibus qui-
 dem ex his Respublica constabat, sed qui magistratus gererent ex
 bellum gerentibus deligebantur. Et prima Respublica inter Græ-
 cos post regna ex militantibus constituta fuit, initio quidem ex e-
 quitib. quia robur exercitus, dum bella gererent, in equitatu confi-
 12. stebat, propterea quòd peditatus sine ordine inutilis est. 12. Hoc au-
 tem genus hominum antiquitus nec vsum rei militaris habebat,
 nec ordinem: itaque robur in equitatu erat. Postquam verò creue-
 re ciuitates, & milites inualuerunt, pluribus est communicata Re-
 spública. quam obrem quas nunc Respublicas nominamus, hæ po-
 pulares administrationes à prioribus dicebantur. Veteres autem
 Respublicæ non sine causa paucorum & regio imperio governa-
 bantur, quia partem mediam non magnam habebant propter ho-
 minum paucitatem: ita cum pauci numero essent, atque ordine
 deficerent, imperium magis patiebantur. Cur igitur Rerumpu-
 blicarum complures formæ sint, & cur aliæ præter eas quæ esse di-
 cuntur (nec enim vnus est numero status popularis, & cæteræ species
 eodem

eodem modo) & quibus discriminibus distent, & quam ob causam
accidat: præterea quæ sit 13 magna ex parte omnium optima Re- 13
spública, & 14 ex alijs Rebus publicis qualis qualib. conueniat, de- 14
clarauimus.

Scholia in Caput. XIII.

1 RES autem quibus specie quadam commoditatis prætenta. *Dolus*
quibus diuites egenos. & bi vicissim locupletes eludere conantur, ad Rem-
pub sibi vendicandam exposita, quod pro vtrisque est, id sumendum esse tra-
dit legumlatori ad Rempub qua iusta sit & vtrisque, communis instituendam.
cuius præcepti summa est, ut merces pauperibus gerentibus Rempub. proposi-
ta sit, diuitibus autem pœna, si munus publicum recusauerint, constituta. De-
bet autem Respub ijs tantum qui arma tenent communicari, census verò ea
magnitudine constitui, ut plures numero sint, quibus per censum Respub. par-
tent, quàm qui per eundem excluduntur.

2 In concione. In populari deliberatione.

3 vel solis vel multo maior. Vt pauperibus nulla pœna sit constituta, sed
solis diuitibus aut multo maior diuitibus quàm pauperibus.

4 Eiurare magistratum. Magistratum iureiurando recusare, in antem
scilicet se magistratum gerere non posse.

5 In Charondæ legibus. Charondas leges condidit Catanensibus in Sici-
lia de quo libro secundo men. oratum est.

6 Datis nominibus. Dare nomina dicuntur, qui velle se munus obire prosi-
tentur, & se id profectu adscribi postulant, ut milites qui nomina in dele-
ctibus militariis dabant.

7 Propter multam exercitationes obeant. Metu pœna exerceantur.

8 Vtrorunque instituta constanda. Miscendas leges populares cum ijs
qua paucorum potentia accommodantur.

9 Quam latè patere debeat ad summum. Quo progredi possit maximus
census qui earatione constituatur, ut pauciores excludantur à Repub geren-
da, quàm quibus per censum Rempub. capessere licet.

10 Si commeatus suppeditentur. Si conferantur cibaria.

11 Malienibus quidem. Malienfes sunt incola Maliaci sinus in ora Locro-
rum.

12 Hoc autem genus hominum. Pedites in bellos.

13. Magna ex parte. Plerisque ciuitatibus.

14 Ex alijs Rebus publicis. Extra optimam.

CAPVT

1. SED rursus tum de omnibus communiter, tum de quaque separatim præcipiamus, sumpto eorum quæ deinceps differenda sunt, conueniente principio. Omnium igitur Rerum publicarum tres omnino partes sunt, de quibus quid cuique Reipub. conueniat, munus est probi legumlatoris considerare quibus partibus rectè sese habentibus, ut Respublica rectè habeat, necesse est, ut quæ Respublica pro harum partium discrimine, ipsæ differant inter se. Harum trium partium vna est, quæ de rebus communibus consultat: altera quæ magistratus attingit, id est, quos esse magistratus oporteat, & quarum rerum habere potestatem, & quomodo creari debeant. Tertia pars in iudiciis consistit. Est autem penes consultores, belli, pacis quæque arbitrium, & item 2 bellicam societatem, fœdera quæque in 3 ineundi potestas, & horum iudicio ac voluntate leges & 3 res capita. 4 læsatque exilium bonorum quæ publicationes, & 4 magistratuum correctiones temperantur. Necesse est autem ut vel ciuibus omnibus hæc omnia iudicia committantur, aut 5 quibusdam omnia, hoc 6 est vni cuiuspiam magistratui, 6 aut pluribus: vel alijs alia, vel quædam omnibus, quædam quibusdam. ut igitur omnes & de omnibus iudicent, populare est: talem enim æqualitatem populus quærit. Multis autem modis complures omnes deliberare possunt: Vno ut 7 per vices, non cuncti simul deliberent. (7 ut in Teleclis Milesij Respublica: in alijs autem Rebus publicis qui simul gerunt magistratus, in vnum coacti consultant: sed magistratibus omnes vicissim ex 8 tribubus, aut 8 ex partibus prorsus minimis præficiuntur, donec ad 9 omnes vicissitudo perueniat.) Conueniunt autem 9 sciendarum 10 legum causa, 10 aut de Republica velut audiant, quæ à magistratibus 11 edicuntur. Alter modus est, ut 11 omnes simul iudicent conueniant tamen 12 comitiorum duntaxat, & ferendarum legum causa: & cum est de bello pace quæque deliberandum, aut magistratus corrigendi sunt: cætera consilio magistratuum, qui cuique negotio sunt præfecti, committantur: qui magistratus ex omnibus vel suffragio vel sortito creentur. Alius modus est, ut ad creando & corrigendos magistratus, ciues conueniant: & item cum est de bello aut belli societate ineunda, deliberandum Cætera verò gerant qui magistratibus 13 præsumt 13 suffragio, quot licet mandandis, cuiusmodi sunt, qui necessario debent à scientibus administrari. Quartus est modus
vt coe-

Vt cœcant omnes, de quæ rebus omnibus consultant: magistratuum
 iudicio nihil relinquatur, 14. nisi vt ad populum referat, qua ratio- 14.
 ne nunc 15. extrema popularis Respublica administratur, quam 16. 15. 16.
 æmulam esse diximus paucorum potentia, quæ dynastia nomina-
 tur, & monarchia tyrannica. Omnes igitur hi modi populares sūt.
 Vt autem quidam de rebus omnib. consultant, conueniens est pau-
 corum potentia, quod ipsum complures habet differentias. Nam
 cum 17. à censibus mediocribus deliguntur, & maiore numero 17.
 sunt propter census mediocritatem, abstinētque ab ijs quæ lege
 vetantur, & quo lex duxerit sequuntur, & quicunque censum na-
 ctus sit, ei patet aditus ad Rempublicam: est quidem administratio
 talis paucorum potentia, ciuilis tamen ac Reipublicæ conueniens,
 propter eius mediocritatem. Cum verò non omnes ad deliberan-
 dum admittuntur, sed qui delecti fuerint, ex lege tamen publico
 munere funguntur, vt prius, hæc paucorum est administratio: sed
 18. cum seipsi cooptant, ij penes quos est arbitrium deliberandi, & 18.
 cum filius patri succedit, legesque arbitrato suo moderantur, hæc
 institutio necessario pertinet ad paucorum potentiam. Cum verò
 partita sunt munera, vt exempli gratia, de bello paceque delibera-
 tio & correctio magistratuum sit omnibus permilla, cætera geran-
 tur ab ijs qui magistratibus præsunt, & hi suffragio vel sortito man-
 dentur, hæc est optimatum gubernatio, vel Respublica. Sin autem
 magistratus ad res quasdam gerendas suffragio, ad alias sortito man-
 dentur: sortito autem vel simpliciter vel ex ijs qui prius fuerint suf-
 fragio delecti, vel cõmuniter suffragio sortibusque mandentur, hæc
 partim ad optimatum gubernationem, partim ad ipsam Rempu-
 blicam pertinent. Consultores igitur pro ratione Rerumpublica-
 rum ad hunc modum diuiduntur: & Respublica quæque, vt est à
 nobis definitum, administratur. Quod verò pertinet ad rationem
 consultandi, interest Reipublicæ quæ nunc maximè videtur esse
 popularis: hanc dico, in qua summa potestas etiam legum penes po-
 pulum est, vt 19. cum id commodius faciant, quod de tribunalibus 19.
 solet in paucorum potentijs: nam quos volunt exercere iudicia, his
 pœnam constituunt, vt hac ratione cogantur iudicandi munus o-
 bire: populares autem egenis mercedem statuunt, 20. tum hoc de 20.
 concionibus constituent. Commodius enim consultabunt, si com-
 muniter id fiat ab omnibus, & plebs cum nobilibus consilia confe-
 rat, ac vicissim nobilitas cum multitudine deliberet. Proderit eti-

E c

am vt

21. *am* vt consultores vel suffragio, vel sortito, 21. *æquè* tamèn ex par-
 22. tibus deligantur. Confert autem 22 si ciuiles numero à popularibus
 magnopere vincantur, aut non omnibus mercedem tribuere, sed
 23. 23 quot mediocres numero sint nobilium numero comparati, vel
 certè plures sortibus excludere. In paucorum verò potentijs com-
 modum fuerit, vel aliquos ex multitudine deligere, vel magistrat-
 um constituere, qualis in quibusdam Rebus publicis habetur, cui
 qui præfunt, præconsultores, custodesque legum nominantur, &
 de ijs rebus consultare de quibus illi prius deliberauerint. Sic enim
 populus particeps consultationum erit, nec quicquam dissoluere
 ex ijs quæ pertinet ad Reipublicæ rationem poterit. Præterea vt po-
 pulus aut eadem sciscat, aut certè nihil possit oppositum ijs quæ fue-
 rint ad ipsum relata decernere, vel omnibus consilia communi-
 centur, sed ita vt magistratus consultant, fiatque contrà quàm in
 Rebus publicis efficitur, vt in absoluendo rata sit populi sententia,
 in condemnando non item, sed rursus ad magistratus reijciatur.
 Nam in Rebus publicis contrarium fit: paucorum enim liberatio
 rata est ijsdem si condemnauerint, causa rursus ad plerosque semper
 reijcitur. Ac de consultoribus quidem & ijs quorum arbitrio Re-
 spublika gubernatur, disseruimus.

Scholia in Caput XIII.

1 SED rursus tum de omnibus communiter, tum de quaque sepa-
 ratim præcipiamus. Tres sunt potissima partes Reip. consultores, magi-
 stratus, & indices: in quarum partium discrimine, Rerum pub. discrimina
 consistunt: solet autem consultari de pace, de bello, de societate, & de fœderi-
 bus. Item de deferendis & abrogandis legibus, de rebus capitalibus, de exilio,
 de bonorum publicatione & correctione magistratuum, quarum rerum deli-
 berationes omnes omnibus committi possunt, vel omnes quibusdam, vel alia
 alijs, vel quadam omnibus. Vt omnes consultant, populare est: quod fieri
 multis modis potest. Vt autem quidam de rebus omnibus ad paucorum poten-
 tiam pertinet. Partita verò deliberationes & iudicia ad optimatum admi-
 nistrationem, & Rempub. pertinent

2 Bellicam societatem, fœdera que ineundi. Quod græcè est δικάσις
 interpret fœdera conuertit, quia in hunc intellectum Aristoteles uti hoc vo-
 cabulo solet, quod propriè dissolutionem signat. Sed quia fœderibus dissolu-
 tur, ac dirimuntur controuersia, idcirco auctores idem ad fœdera transule-
 runt,

vunt, vt alioquoque in loco admonimus.

3 Res capitales Capitalia crimina.

4 Magistratuum correctiones. Magistratus corriguntur cum ab eis ratio gesti muneris repositur, & cum sententia ab eisdem lata ex prouocatione corrigitur.

5 Quibusdam omnia. Hoc est vni cuiusdam magistratui, vt Senatoribus qui omnes vnum magistratum gerunt.

6 Aut pluribus. Magistratibus.

7 In Teleclis Milelij Republica. Quam Telecles Milesius instituit, scripto, scilicet, vel legibus ferendis.

8 Ex partibus prorsus minimis. Vt ex singulis vicis, aut vijs, aut si quae sint in nores partes, in quas huius rei causa ciuitatem diuidi placeat.

9 Sciscendarum legum. Sanciendi leges causa.

10 Aut de Repub Conuenire de Repub. dicuntur, qui conueniunt ad deliberandum de re ad vniuersam Rempub. pertinente.

11 Omnes simul. Vniuersus populus.

12 Comitiorum causa Magistratus creandi causa.

13 Suffragio quot licet mandandis. Ratio Reipub. popularis poscit, vt magistratus non suffragio mandentur, sed sortibus: permittit tamen vt suffragio mandentur qui debent à doctis, aut peritis administrari necessitatis causa, vt iudicia quae ab imperitis legum rectè exerceri nequeunt, & ductus militaris qui non rectè nisi rei militaris peritis committitur.

14 Nisi vt ad populum referant. In concione deliberanda proponant, & sententias exquirant, hoc est enim gratè προαγαγεῖν. Nam qui negotium refert ad consultores, usape solet in vtraque partem differere, & quandoque suam sententiam exponere.

15 Extrema popularis Respub. Pessima forma Reipub. popularis.

16 Aemulam esse diximus. Similem. Nam qualis haec est in populari genere, talis dynastia in paucorum potentia, & tyrannis in monarchia: nam in suo quaque genere pessima est.

17 A censibus mediocribus. Cum aditus ad Rempub. gerendam licet et generis sit negatus, patet tamen ijs qui mediocres habent facultates, qui magno numero sint, & Rempub. ex legum decretis administrant.

18 Cum seipsi cooptant. Cum deficiētes magistratus ab ipsis qui Rempub gerunt, sufficiuntur.

19 Cum id commodius faciant. Id quod pertinet ad iudicia, vt pauperibus obeuntibus iudicia, merces, diuitibus multa nisi obeant, constituta sit.

20 Tum de concionibus. Vt idem scilicet de concionibus, & de liberandi munere in pauperes & diuites statuatur: sic enim Respub popularis cōmodis

iudicij & deliberationibus administrabitur.

21 Aequè tamen ex partibus. Ex diuitibus pariter & pauperibus.

22 Si ciuiles. Viri probi & facultate ciuili ad Rempub gerendam instructi, quales nobiles & diuites esse solent.

23 Quod mediocres numero sint. Tot popularibus seu pauperibus merces est tribuenda, ut ipsorum multitudo non valde nobilium numerum excedat.

CAPVT XV.

1. PROXIMUM est vt de magistratibus disputemus: nam hæc quoque Reipublicæ pars complures habet differentias. Videndum est enim quot sint magistratus constituendi, & quarum rerum potestatem habere debeant, & de tempore quamdiu quisque Rempubli- cam gerere: (nam quidam semestres, alij breuioris temporis, nonnulli annuos: sunt qui longiores temporis magistratus faciant.) item perpetuos esse oporteat magistratus, an diuturnos, an neutrum: sed vt sæpe iidem magistratibus fungantur. an satius sit eundem non bis, sed semel duntaxat magistratum gerere. Præterea de ratione constituendi magistratus, dispiciendum est ex quibus, & à quibus, & quomodo creari debeant: hæc enim cuncta quot modis fieri possint, discernendi, tum qui quibus Rebus publicis conueniant, 2. constituendi & aptandi 3. facultas adesse debet. Sed nec illud in proutu est constituere, quos oporteat 3. magistratus seu imperia nominare: multis enim 4. præfectis societas ciuilis indiget. Itaque non omnes siue suffragio siue sortito præficiantur, magistratus siue imperia esse statuere oportet. Vt primum omnium sacerdotes: hoc enim munus diuersum esse à ciuilibus imperijs generi debet. Præterea 5. chororū præfecti & 5. præcones legati quoque deliguntur. Ex præfecturis autem quædam sunt ciuiles vel omnium ciuium ad aliquam actionem, vt imperator militantium: vel partis, vt gynæcomus & pædonomus, hoc est 6. mulierum & puerorum præfectus. 7. quædam æconomica, (nam sæpe fit vt aliqui metiendo frumento præficiantur.) aliæ 8. ministratrices, quæ si copia sit, seruis mandantur. Ceterum, vt simpliciter loquar, magistratus siue imperia nuncupari hi potissimum debent, quibuscunque potestas de quibusdam deliberandi & iudicandi atque imperandi adest: sed hoc maximè iubere: nanque magis imperium attingit. veruntamen quo no-

quo nomine vocentur, 9 ad vsus nihil ferè interest. nunquam enim 9.
 de nomine lis agitata est in iudicio, sed differendi rationem ad in-
 telligentiam pertinentem habet. Caterùm qui & quot magistratus
 necessarij sint vt ciuitas consistat, & qui sint 10 non quidem neces- 10.
 sarij, vtilestamen ad probam Rempublicam, in controuersiam
 magis venire potest, cum ad omnem Rempublicam, tum ad paruas
 ciuitates. In magnis enim vnus magistratus ad munus vnum obe-
 undum constitui & potest & debet, quia multi magistratibus præ-
 fici propter ciuium multitudinem possunt. Itaque quosdam magi-
 stratus in longum tempus 11 intermittere licet, quosdā semel dun- 11.
 taxat gerere. Et profectò munus quodque melius, si quis vni tan-
 tum procurationi vacet, obitur, quàm si multis negotijs distineatur.
 In paruis autem ciuitatibus necessitas multos magistratus in pau-
 cos homines conferre cogit. nam paucitas hominum facit ne multi
 possint magistratus gerere. vbi enim sunt qui rursus his possint in-
 magistratus succedere? Sed interdum parua ciuitates eisdem & ma-
 gistratibus & legibus indigent quibus magnæ, nisi quòd 12 alteræ 12.
 sæpe indigent eisdem, alteris longo post tempore hoc vsu venit.
 Itaque res patitur 13 vt idem pluribus simul magistratibus præficia- 13.
 tur, cum magistratuum alter alteri non sit impedimento, & pauci-
 tas hominum 14 magistratus facere cogat, tanquam veru lucernas. 14.
 Si ergo explicare valeamus quot magistrat⁹ omni ciuitati adesse sit
 necessarium, & quot non quidem necessarium, sed tamen conueni-
 ens, facile fuerit his cognitis, qui magistratus congruenter in vnum
 magistratum conferantur, colligere Illud quoque cognitum esse
 oportet, quibus magistratibus per loca sit multarum rerum cura
 mandanda, & quas res vbique vnius magistratus arbitrio geri con-
 ueniat: exempli gratia modeste viuendi rationem, vtrum in foro
 huius rei cura ad ædilem pertinere debeat, & alio in loco ad alium,
 an vbique ad vnum: & vtrum pro rerum an pro ratione hominum
 partitio sit facienda: vt vnus, exempli gratia, curam modestiæ ge-
 rat, an ea cura alteri in pueros, alteri in mulieres mandari debeat:
 ac item per Respub. vtrum magistratuum genus per singulas differ-
 rat, an secus: hoc est, vtrum in statu populari & paucorum potentia
 & optimatum gubernatione & vnius imperio ijdem magistratus
 summi, non tamen ex paribus nec ex similibus sint, sed alij in alijs,
 hoc est, in statu optimatum 15 ex doctis ac rectè institutis: in pauco- 15.
 rum potentijs, ex locupletibus: in statibus popularibus, ex liberis, an

- sint quidam pro magistratuum discriminibus, sed alicubi iidem magistratus similes sint, alicubi differant: hic enim magnos esse conuenit, illic paruos. Sin tamen quidam proprii, qualis est præconsultorum: hic enim magistratus non est popularis, consilium tamen populare est: 16 aliquos enim tales esse oportet, quibus ante populum consultare curæ sit, ne populus ab operibus auocetur: qui si pauci numero fuerint, hoc ad paucorum potentiam pertinebit: præconsultores autem paucos esse necesse est: hic igitur magistratus paucorum potentiam attingit. Vbi verò est uterque magistratus, præconsultores contra consultores constituuntur. Nam consultor ad popularem, præconsultor ad paucorum statum pertinet. 17 consilij verò potestas in his popularibus administrationibus perit, in quibus populus ipse conueniens cuncta negotia tractat: quod vsu venire solet, si opes abundè suppetant, aut si merces propofita ijs, qui publicè consultandi gratia conueniant: nam otio suppetente frequenter conueniunt, ac ipsi omnia decernunt. Porro qui puerorum, quique mulierum modestæ ac temperatæ vitæ, cultusque curam gerit, & si quis alius magistratus est tali negotio præfectus, hic ad statum optimatum, non ad popularem pertinet: 18 quomodo enim pauperum vxores ne domo exeant prohibeantur, sed neque paucorum potentia conueniens est hic magistratus. Nam paucorum dominantium vxores delitiosè viuunt: sed de his rebus hoc in loco hætenus. De ratione verò constituendi magistratus, conandum nobis est ut denuò disseramus. Differentia autem tribus terminis continentur, quibus compositis, ut modi omnes existant necesse est. Horum autem trium primum est, à quibus creandi magistratus sint: secundum, ex quibus: tertium, quomodo. Eorundem trium cuiusque tres differentia sunt. Nam vel ab omnibus ciuibus magistratus creantur, vel à quibusdam. 19 Item aut ex omnibus aut ex certis quibusdam & definitis, ut ex censu, genere, vel virtute, aut tali quopiam alio, 20 ut Megaris, ex ijs qui conspirarunt, simulque bellum aduersus populum gesserunt: Et hæc suffragio vel sortito rursus eadem copulantur in hunc modum, ut quidam à quibusdam, alij ab omnibus, & alij ex omnibus, alij ex quibusdam, partim suffragio, partim sortibus. Harum autem differentiarum cuiusque quatuor erunt modi. Nam vel omnes constituuntur ex omnibus suffragio, vel omnes ex omnibus sortito: item vel ex omnibus vniuersis, vel ex omnibus per partes, ut tri-

ut tributim, aut per cœtus hominum, vel sodalitates, donec sit ad omnes ciues peruentum, aut semper ex omnibus, & hi modo vno, illi alio. Rursus si à quibusdam creentur, vel ex omnibus suffragio, vel ex omnibus sortito, vel ex quibusdam suffragio, ex quibusdam fortibus, vel partim vno modo, partim altero, id est quidam ex omnibus suffragio, quidam sorte. Itaque præter duas copulas modi duodecim existunt. Harum autem constitutionum duæ sunt populares, ut ab omnibus ex omnibus omnes magistratus suffragio vel sorte creentur: aut vtroque modo, partim sorte, partim suffragio. ut autem non ab omnibus simul, ex omnibus tamen constituentur, vel ex quibusdam sorte vel suffragio vel vtroque modo, aut quidam ex omnibus, quidam ex certis (vtroque modo, id est partim sorte, partim suffragio) ad Rempublicam pertinet ad paucorum autem potentiam, ut à quibusdam ex omnibus hi suffragio deligantur, illi sorte: vel vtroque modo, partim sorte, partim suffragio. sed illud est magis paucorum dominatus, ut ex vtrisque, ut autem quidam ex omnibus constituentur, quidam ex certis, ad Rempublicam optimatum pertinet: vel partim suffragio, partim sorte ut autem à quibusdam ex quibusdam, ad paucorum: & item ut à quibusdam, ex quibusdam, quod tamen non similiter fiat, ut à quibusdam ex quibusdam vtroque modo. sed ut à quibusdam, ex omnibus: ex quibusdam verò à cunctis suffragio, conueniens est optimatum Reipublicæ. Modi ergo magistratus constituendi tot numero sunt, & ad hunc modum per Respublicas diuiduntur. Cæterum quæ quibus conueniat, & quomodo magistratus cum potestatibus mandari debeant, & qui sint, faciliè intelligetur. Potestatem magistratus dico, exempli gratia, ut vectigalia eius arbitrio administrantur, & item custodia. Est enim aliud potestatis genus, ut imperandi in bello summa potestas: diuersa generare est à potestate de forensibus commercij statuendi & iudicandi.

Scholia in Caput XV.

I PROXIMVM est ut de magistratibus disputemus. De magistratibus pro ratione Reipub. constituendis considerare oportet, quos esse conueniat, & ad qua munera obeunda, & in quod tempus. Item ex quibus creandi sint, &

sint, & à quibus, & quomodo. Magistratus autem sine imperia propriè intelliguntur, quibus deliberandi, vel iudicandi, vel imperandi potestas adest, sed potissimum quibus imperandi. Magistratus autem quidam sunt in quaque civitate necessarij, quidam non necessarij, utiles tamen, quibus magnæ & opulenta civitates utuntur. Nam parva propter hominum idoneorum paucitatem pluribus necessarijs magistratibus, interdum hominem unum præsiciunt. Videndum est etiam, utrum in omni genere Reipub. ijdem magistratus sint instituendi, quamvis ex diuersis hominum generibus: an diuersi pro diuersitate Reipub. & qui cuique Reipub. conueniant. Constituendi verò magistratus rationes variae sunt pro diuersitate compositionum trium terminorum. Sunt autem termini, qui, ex quibus, & quomodo deligere debeant, ut omnes, aut quidam ex omnibus, aut ex quibusdam, suffragio vel sortibus deligant.

2 Facultas esse debet. Homini civili, qui sit de Reipub. praecepta seu leges daturus.

3 Magistratus seu imperia nominare. ἀρχὴν γὰρ ἡ γράμμι, quo vocabulo utitur Aristoteles: modo magistratus, modo imperium latine dicitur, idcirco interpretes unum vocabulum duobus declarauit.

4 Praefectis indiget. Praefectus latissime patet, qui γράμμι est ὁ δὲ ἀρχὴς. Nā cui munus aliquod mandatur, is eius muneris praefectus esse dicitur: ut sacerdotes, qui procurandi sacris praeficiuntur, sacrorum praefecti nominantur: & praefectus chori, qui chorum ducit, aut impensas ad chorum seu ludum suppeditat, quia eius voluntate cuncta fiunt. sed ἀρχὴν hoc est magistratus siue imperium, est consultandi, seu iudicandi, siue imperandi publice potestas.

5 Praecones & legati. Praecones olim more Graecorum, ut docet Homerus, non solum edicta & decreta principum pronuntiabant, sed etiam paruis legationibus fungebantur, ut nunc in bellis tubicines.

6 Mulierum & puerorum praefectus. Praefectus mulierum γράμμι γυναικῶν ὁνομαζομένης erat, qui publice curam gerebat, ut mulieres domi se continerent, honesteque viuerent ac eodem modo quidam pueris, ut modeste agerent, praefectus erat, qui γράμμι παῖδων ὁνομαζομένης dicebatur.

7 Quaedam oeconomicæ. Procuraciones oeconomicæ dicuntur, quae domesticam patrum familias rerum necessariarum curam imitantur.

8 Ministratrices. Quae ad exequendum duntaxat munus aliquod publicum pertinebant.

9 Ad usus nihil ferè interest. Ad Rempub. instituendam vel administrandam parum aut nihil refert, quo nomine praefectura quaque nominentur, quamvis ad cognitionem non nihil faciat. hoc dicit, quoniam ut alio in loco adnota-

adnotauimus, & saepe ipse admonet, in doctrina ciuili, licet pleraque omnia ad actionem pertineant, ut in ceteris doctrinis practici siue actiui, tamen quadam cognitionis duntaxat gratia traduntur.

10 Non quidem necessarij, viles tamen. Omnis procuratio publica necessaria uilis est, sed non reciprocatur: nam fieri potest ut sit uilis, non tamen necessaria, ut mulierum aut puerorum praefectura.

11 Licet intermittere Vt idem magistratus non ab eodem homine geratur, nisi longo post tempore.

12 Alteræ saepe indigent Magna cinitates.

13 Vt idem pluribus simul. Vt idem homo plures magistratus gerat, quia rarius est eius usus in paruis cinitatibus.

14 Magistratus facere cogit verulucernas. ὀβελισκολόχον ἑρατὲ, quod interpretes ad verbum conuertit verulucernam: est ferruum instrumentum quod altera parte figendis & assundis carnibus accommodatur, ex altera vasculum est in lucernam modum formatum, quo pauperes ad utrumque utuntur. Nam cum terra infigitur parte acuta, oleum in vasculum superius infunditur, & pro lucerna est. huius instrumenti Aristoteles etiam in libro quarto de partibus animalium, capite sexto meminit in eandem ferè sententiam, ut vnum opus vno instrumento melius fieri declaret, quàm si vnum instrumentum duobus operibus accommodetur. Simile huic instrumento est illud alterum quod gladius delphicus appellatur, de quo meminit libro huius operis primo in eandem sententiam. Magistratus igitur verulucerna fiunt, cum vni homini plures simul mandantur, quia vnus homo pluribus muneribus publicis fungitur, quod fit propter hominum paucitatem. ut verulucerna, & gladius delphicus ob ferri penuriam ita fiunt, ut possint pluribus vsibus accommodari.

15 Ex doctis rectèque institutis. Ex sapientibus & probis viris: hoc enim Aristoteles solet περὶ αἰετιμῶνς. appellare.

16 Aliquos enim tales esse oportet. Aliquos ex alterutro genere qui pro tota ciuitate consultant, ne populares omnes diu consultando ab operibus necessarijs, rebusq; suis auocentur: qui consultores, si pauci sint, qui primum agenda deliberent, deinde ad populum deliberata de rebus grauioribus referant, Praconsultores dicuntur. Sin autem multi, quorum consilio & arbitrio Respub. administratur, Consilium dicitur siue Senatus, quorum Praconsultores cum necessario pauci sint, ad paucorum potentiam, Senatores ad statum popularem pertinent, praesertim si illi ex certis generibus, hi ex omni populo deligantur.

17 Consilij potestas. Senatus potestas. nam vbi populus vnuiuersus in con-

Ff

cione

sione de rebus singulis consultat, non relinquitur locus Senatorijs consultationibus.

18 Quomodo enim pauperum uxores. Hic locus declarat mulieres domo exire prohibitas fuisse lege, cuius administri erant mulierum præfecti.

19 Censu, genere, & virtute. Diuitijs, genere, & peritia seu doctrina cum virtute. Nam eandem rem modo παιδείαν, ut paulò antè, id est peritiam siue disciplinam, modò ἀρετὴν, id est virtutem vocat Aristoteles, quoniam hæ solent esse altera alterius comites.

20 Ut Megaris ex ijs qui conspirarunt. Megara vrbs est in Peloponnesi & Attica regionè, atque Bæotia confinio ad Isthmum sita, in qua cum exorta inter nobilitatem & populum de Reipub. dissensione, victoria penes nobiles fuisset, facta est paucorum potentia, & constitutum, ut magistratus ex ijs qui populum deuicerant deligerentur.

21 De forensibus commercijs. De emptionibus, & venditionibus, & contrahibus.

CAPVT XVI.

2. 1 SEQUITVR ut 2 ex tribus partibus ad iudicià pertinentem 3 explicemus. Quia in re modi quoque 3 instituta ratione sumendi sunt Tribunalium autem discrimen in tribus terminis consistit, ex quibus, de quibus, & quomodo. ex quibus dico, vtrum ex omnibus, an ex quibusdam: de quibus verò; 4 quot esse debeant tribunalium genera: quomodo autem, suffragio, an sortito deligendi sint iudices. Tribunalium igitur, ut de his primum differamus, octo genera sunt. Vnum ad corrigendos magistratus. Alterum si quis 5. 6 in re quapiam communi deliquit. Tertio de ijs 6 quæ Rempublicam attingunt Quartum de causis quæ inter magistratus, & priuatos homines de irrogatis mulctis agitantur. Quintum de priuatis 7 rerum magnarum commercijs: præterea 7 de rebus capitalibus & de peregrinis. Sed tribunal rerum capitalium has habet species, si causa iudices ipsos attingat, si inter alios agatur, item si quid capitale ex industria, & si quid ab inuito fuerit admissum, item si de re capitali constet, sed iure, an iniuria patrata fuerit discipetur. Quarta 8 species est reorum capitæ, quorum causa 8 ad subterraneum carcerem referatur, quale Athenis est tribunal, quod puteale nominatur: cuius generis flagitia pauca omni tempore & in magnis vrbibus patrantur. Peregrinorum verò tribunalis, vna species est peregrino-

grinorum inter ipsos, altera peregrinorum cum ciuibus. Est aliud tribunalis genus præter hæc omnia de re pecuniaria ab vna vsque ad quinque drachmas, vel paulò amplius, nam de his quoque iudicium fieri oportet, quod tamen in iudicum multitudinem non cadit. Sed harum rerum, & capitalibus peregrinorumque iudicijs omissis, de ciuiliū rerum tribunalibus disputemus, de quibus reb. nisi rectè fuerit iudicatum, seditiones & Rerumpublicarum mutationes existunt. Necesse est autem, 9 vel omnes de cunctis controuersijs suffragio, vel sorte constitutos iudicare, vel omnes de omnibus, partim sorte, partim suffragio delectos, 10 vel omnes de quibusdam eiusdem generis controuersijs partim sorte, partim suffragio. hi ergo modi quatuor numero sunt, totidemque 11 alij per partes. nam rursus ex quibusdam suffragio deliguntur qui iudicent de omnib. vel ex quibusdam sorte, qui item de omnibus iudicent, aut partim sorte, partim suffragio, aut quædam tribunalia sunt, de eisdem rebus ex iudicibus sorte, suffragioque constitutis. Igitur hi modi iidem sunt, qui superiores de quibus diximus, atque eadem erunt tribunalia, si copulentur in hunc modum, partim ex omnibus, partim ex quibusdam, partim ex vtrisque, id est si eiusdem tribunalis iudices quidam ex omnibus, quidem ex quibusdam constituentur, item sorte vel suffragio. vel vtroque modo. Quot igitur modis tribunalia consistere queant declarauimus: quorum prima Reipublicæ populari conueniunt, quæcunque sunt ex omnibus, vel de omnibus. secunda verò paucorum dominatui, quæcunque ex quibusdam de omnibus. tertia pertinent ad statum optimatum, & Rempublicam, quæcunque partim ex omnibus, partim ex quibusdam deliguntur.

Scholia in Caput. XVI.

1 SEQUITVR vt ex tribus partibus ad iudicia pertinentem explicemus. Tribunalium siue iudiciorum differentia in tribus terminis cernuntur: ex quibus ciuibus deligendi sint iudices, & quibus de rebus sint iudicaturi, & quomodo sint deligendi. Numerat autem octo genera tribunalium pro diuersitate causarum, deinde modos deligendi persequitur, per suffragia, & sortes, & ex quibus, ex cunctis, vel ex quibusdam.

2 Ex tribus partibus. Suprà capite quartodecimo tres partes esse dixit Reipub. potissimas, de quibus legumlatores considerare debeant, consultores,

FF 2

magistra

magistratus, & iudices. Explicatis igitur duabus partibus, ad tertiam progreditur.

3 Instituta ratione. Quemadmodum constituimus per copulationem terminorum.

4 Quot esse debent tribunalium genera. Quot genera iudiciorum.

5 In re communi deliquit. Vt si Rempub. compilauit.

6 Quæ Rempub. attingunt. Quæ pertinent ad statum Reipub. vt crimina læsa maiestatis.

7 De rebus capitalibus. Res siue causa capitalis est, in qua de capite, hoc est de vita reus periclitatur, siue de exilio, qua mors ciuili appellatur. ad summam in qua de crimine agitur, non de contractu ciuili.

8 Ad subterraneum carcerem. Solent qui magnum aliquod flagitium commiserunt, in loca carceris subterranea & obscura tristiaq; derudi, ad quos audiendos & iudicandos tribunalia subterranea sunt apud quosdam constituta, vt Athenis tribunal, quod puteale dicebatur.

9 Vel omnes de cunctis controuersijs. Necesse est vt vel iudices ex omni populo delecti causas omnes ciuiles diiudicent, idq; bipartito, vt omnes suffragio deligantur, vel omnes sortibus, qui sunt duo modi: vel ex omni populo partim suffragio, partim sorte delecti de omnibus causis statuunt, qui tertius: vel ex omni populo, partim suffragio, partim sorte delecti de quibusdam causis decernant, qui quartus modus est. Nam omnes dicit pro ex omnibus delecti, vt ipse declarat in fine huius capitis illis verbis, prima, inquit, tribunalia Reipub. populari conueniunt, quæcunque sunt ex omnibus, propterea scilicet, quia cum ex omnibus delecti iudicant, omnes iudicare videntur. Nam omnes iudices de omnibus causis iudicare, si non ex omni populo, sed ex certis quibusdam fuerint delecti, haud dubie non ad statum populari, sed ad paucorum potentiam pertinet.

10 Vel omnes de quibusdam eiusdem generis controuersijs. Vel ex omni populo delectos, de quibusdam ciuilibus controuersijs iudicare.

11 Alij per partes. Vt non ex omnibus, sed ex ordine aliquo deligantur. Ex his ergo tribus generibus omnes primi generis modi conueniunt populari Reipublica, quia in eis omnibus iudices deliguntur ex omni populo: secundi ad paucorum potentiam, quia omnes ex quibusdam, vt ex diuitibus seu nobilibus: tertij verd ad statum optimatum, quia partim ex omni populo, partim ex certis ordinibus deliguntur.

FINIS LIBRI QVARTI.


ARISTO.

ARISTOTELIS DE RE- PUBLICA LIBER QVINTVS,

Interprete & enarratore

IOANNE GENESIO SEPVLVEDA
CORDVBENSI.

CAPVT L



VIBVS de rebus differere statueramus, 1.
eas ceteras ferè omnes explicuimus. Dein-
ceps ex quibus, quot, & qualibus Respublicæ
mutentur, & quæ res cuique Reipub. interit-
tum afferant, & ex quibus potissimum in
quales transeant, & quæ sint Rebus publicis
salutaria, tum communiter, tum cuique sepa-
ratim, differendum nobis est. Item per quas
res potissimum Respublica quæque conseruetur, vt instituimus de-
clarandum: hinc, vt oportet, initio sumpto. Multa Reipublicæ ge-
nera facta sunt, cunctis iustum, & 2 quod proportionem sit æquum 2.
tenendum esse consentientibus, ab hoc tamen, quemadmodum supra
diximus, aberrantibus. Status enim popularis existit, dum qui sunt
vtcunque pares, hi simpliciter se pares esse putant. Paucorum do-
minatus, dum qui quadam ex parte superiores sunt, hi se prorsus ef-
se superiores arbitrantur. nam 3 qui sunt opib. superiores, hi pror-
sus se superiores esse putant: tum alteri quasi pares sint, paria cuncta 3.
sibi tribui putant oportere: alteri velut superiores sint, maiorem
partem vendicare sibi moliuntur. nam 4 quod plus est, maius est. 4.
Omnes igitur Respublicæ si iure quodam nituntur, simpliciter ta- 5.
men aberrant. Ita fit vt cum vtriusque pro sua opinione Respublica
non communicatur, seditiones oriantur, quas iustissimè omnium
excitarent qui minimè id faciunt virtute præstantes, quippe 6 qui 6.
soli superiores simpliciter haberi maxima ratione debent. Sed qui-
dam genere præstantes 7 ipsis non putant paria deberi, propter hanc 7.
inæqualitatem seu præstantiam. nam genere nobiles esse videntur,
quibus maiorum virtus diuitiarumque adfuit. Hæc igitur sunt initia &
fontes, vnde seditiones oriuntur, itaque merito fiunt mutationes.

Ff 3

Iam

Iam enim mutatio fit in Rempublicam, ut ex vno statu fiat alter: exempli gratia, paucorum potentia ex administratione populari, aut popularis ex paucorum gubernatione, vel ex his Respub. & status optimatum, aut hæc ex illis. Iam verò non in aliud Reipublicæ genus mutatio fit, sed Rempublicam in eodem statu, per se tamen administrari volunt: exempli gratia, paucorum potentia, aut monarchia retenta. Fit præterea mutatio in pluris minorisque ratione, ut si paucorum potentia ad pauciores vel aliquanto plures redigatur, aut si popularis administratio magis aut minus popularis fiat, ac eodem modo in cæteris Reipublicæ formis, ut intenduntur, aut vicissim remittantur. Fit etiam mutatio ad partem aliquam Reipublicæ variandam, ut ad magistratum aliquem constituendum, aut vicissim antiquandum: ut Lacedæmone 8 Lysander regnum, Pausanias rex, Ephoriam tollere tentasse à quibusdam traditur. 9 Epidamni quoque Respublica ex parte mutata est: nam pro tribuum

10. præfectis Senatus est constitutus 10 Ad Heliam autem magistratus cum suffragio creantur, ex his etiam nunc creari necesse est, qui Rempublicam administrant. Pertinet etiam ad paucorum potentiam princeps vnus, qui imperium in hac Republica tenebat. Omnes enim propter inæqualitatem dissident, cum imparibus non tribuitur, quod proportionem debetur. 11 Nam regnum perpetuum inæquale est, si habeatur in pares, quoniam omnino æquum petentibus, seditiones excitantur. 12 Aequum autem est duplex, numero, & dignitate. æquum numero dico, quod est idem & par multitudine, aut mole: dignitate verò quod ratione, verbi gratia, tria pari numero superant duo, & hæc vnum: pari verò ratione quatuor duo, & hæc vnum, quoniam duo pars equalis est quatuor, & vnum duorum, nam vtrunque dimidium est. Et quum omnes confiteantur simpliciter iustum esse, quod ratione est aut proportionem æquale, dissentiunt: tamen, quemadmodum suprà diximus, quidam quoniam cum aliquo pares sint, prorsus se pares esse censent, alij cum sint aliqua re impares, ac superiores, cunctis in rebus plus sibi debere putant. Quo fit ut duo potissimum existant genera Reipublicæ, populare, & paucorum, quoniam generis nobilitas & virtus in paucis reperitur, 13 hæc autem in pluribus. nobiles enim & probi nusquam centum sunt, 14 pauperes passim multi. ut autem simpliciter omnino forma Reipublicæ instituatur ex alterutra æqualitate, vitiosum est: quod euentus ipse rerum declarat, nulla enim harū

Rerum.

Rerum publicarum stabilis est, cum fieri non possit, ut si in primo
 atque principio peccatum fuerit, non ad extremum malum ali-
 quod euadat. Itaque oportet partim numeri, partim rationis æqua-
 litate uti. Cæterum status popularis tutior est minulque seditioni-
 bus pater, quàm paucorum dominatus. hic enim duplex est seditio:
 nam 15 tum inter se dissentiunt, tum cum populo. in statu vero po- 15.
 populari, cum paucorum duntaxat potentia dissidetur: populus au-
 tem inter se aut nihil, aut perparum dissentit. Præterea 16 medio- 16.
 crium Respublica 17 quæ talium omnium est tutissima, propius 17.
 ad statum popularem, quàm ad paucorum potentiam accedit.

Scholia in Caput I.

1 QVIBVS de rebus differere statueramus, eas cæteras ferè omnes
 explicuimus. In quatuor libris superioribus de ciuitate & eius partibus, de-
 que omni Reipub. genere, tum communiter, tum singulatim disputauit: mul-
 taque de legumlatoris officio, & quorundam erroribus commemorauit. Dein-
 cept de Rerumpub. mutationibus, & mutandi causis edisserit: & quibus re-
 bus vnumquodque Reipub. genus conseruetur, & quibus vicissim labefacte-
 tur declarat. Caput autem omni ferè seditionis esse tradit, quod cum omnes
 æquum proportionem dignitatis esse cuique tribuendum consueantur, tamen
 quidam cum pares sint in vna re duntaxat, omnium rerum paritatem sibi
 postulant alij cum vna sint superiores rerum omnium, maiorem partem sibi
 vendicare conantur: quæ cum simul fieri non possint, ex hac opinionum con-
 trarietate & contentione seditiones exstunt. Dupliciter autem fit in Repub.
 mutatio nam vel Respub. transit in genus diuersum, ut cum sit popularis ex
 paucorum potentia: vel retenta eadem Reipub. forma mutantur rectores,
 aut magistratus aliqui noui instituitur, aut vetus antiquatur: vel ratio Re-
 pub. intenditur vel remittitur ut fiat, exempli gratia, magis aut minus po-
 popularis, vel tyrannica.

2 Quod proportionem sit æquum. Ut seruetur proportionis aequalitas, ut
 si par sit dignitas, paria tribuantur premia: si impar, eadem sit proportio
 premiorum quæ dignitatum. Itaque tota controuersia est de dignitatis seu
 meritum paritate, vel inæqualitate.

3 Qui sunt opibus superiores. Locupletes, quia diuitijs superant, quæ est
 pars vna dignitatis, putant se simpliciter esse superiores, non animaduerten-
 tes fortassis, quod quos opibus superant, ab ijs virtute & doctrina superantur,
 quæ multo maior dignitas est.

4 Quod.

4 Quod plus est, maius est. Ut plus honoris maius premium est. Nam licet inaequale dicatur, tum quodd minus est, tum quodd maius, tamen hoc in loco & quaestione, inaequales & inaequalia solet Aristoteles superiores & maiora vocare, more Graecorum, qui διαφέρειν quoque, hoc est differre, pro praestare dicunt.

5 Iure quodam nituntur. Parte quadam iuris.

6 Qui soli superiores simpliciter. Nam diuites opibus nobiles genere superiores esse dicuntur, scilicet secundum quid: at qui virtute praestant, simpliciter superiores sunt.

7 Iphis non putant paria deberi. Id est virtute praestantibus, vel sibiipsis: nam ad utrosque referri potest. eadem est tamen sententia summa, genere nobiles putare se ceteris etiam virtute praestantibus esse superiores: nituntur enim tum virtute, tum etiam opibus: quod iure facerent, si sua etiam non solum maiorum aliena virtute niterentur.

8 Lysander regnum. Lysander Lacedaemonius vir fuit rebus gestis clarissimus, ex Heraclidarum genere: cuius vitam persequitur Plutarchus, eumque conatum fuisse tradit, ut regnum non successione perpetua, ac iure hereditario Eurytionidis & Agidu duntaxat duabus Heraclidarum familijs traderetur: sed premium esset virtuti, ac meritis optimi cuiusque Spartani propositum. Aut hoc igitur innuit Aristoteles, aut Lysander regnum prorsus tollere conatus esse traditur ab alijs auctoribus, ut Pausanias re Ephorum magistratum delere. Erat enim Ephoria magistratus penè tyrannicus, & regibus potissimum inimicus.

9 Epidamni. Dyrrbachij, quod oppidum est in Illyria, de quo supra memorauimus.

10 Ad Heliam autem. Helia maximum tribunal erat Athenis, unde Heliae iudices in eo tribunali iudicantes, qui ex publico alebantur. Ad hunc igitur magistratum neminem deligi consueuisse tradit Aristoteles, nisi ex ijs qui essent in Reipub. administratione, aliosque magistratus gererent, quod durabat etiam nunc ex antiqua paucorum potestia, ad quam illud quoque pertinere ait, quod vnus qui Archon seu princeps dicebatur, summo magistratui praerat, qui primum perpetuus erat, deinde ad decennium, postremo annuus, ut refert Eusebius: quae omnia traduntur ab Aristotele, ut doceat Reipub. Atheniensium ex paucorum potentia factam fuisse popularem.

11 Nam regnum perpetuum. Id est summa vnus potestas si perpetua sit in ciues pares, qualis erat Archontis Athenis, non seruatur aequalitas proportionis: nam si annua sit, siue ad certum aliud tempus, ut sit locus vicissitudini, aequior est & ciuiliior.

12 Aequum autē est duplex, numero, & dignitate. Duplex est aequalitas, quam quidam proportionalitatem nominant, arithmetica & geometrica. Arithmetica, cum idem est excessus, ut idem est excessus trium ad duo, qua duorum ad vnum: nam vtroque exceditur vno. Geometrica verò, cum eadem est vtroque proportio, ut quatuor ad duo eadem est proportio, qua duorum ad vnum: nam vtroque est dupla proportio, hoc enim est quod ait. Vtrumque dimidium est.

13 Hæc autem in pluribus. Libertas qua pauperes nituntur.

14 Pauperes passim multi. ἀποροι δὲ πολλοὶ πολλὰ χεῖ. sic enim legitur in codicibus emendatis, non ἔοποροι, ut habet impressa & vulgata editio. Quæ scriptura nec conueniens est, nec vera.

15 Tum inter se dissident. Diuites inter ipsos, tum diuites cum popularibus.

16 Mediocrium Respub. Quæ constat ex ciuibus mediocria patrimonia possidentibus.

17 Quæ talium omnium est tutissima. Deprauatarum, seu quæ ab optimo statu Reipublica deflexerunt.

CAPVT II.

1 SED quoniam ex quibus rebus seditiones existant, & Rerum. 1. publicarum mutationes fiant, consideramus: primum omnium vniuerse principia & causas eorum intelligere oportet. 2 Sunt autem 2. ferè tres numero, quas per se summam primū definire oportet. Intelligendum est enim 3 quomodo animati homines in seditionē 3. concitantur: deinde quarum rerum causa: tum tertio quæ sint ciuiliū perturbationum, & intestinarum dissensionum origines. Ut igitur quodammodo sint animati ad mutationem, id quod suprā diximus, in causa esse putare conuenit, quod quidam dum æqualitatem cupiunt, seditionem faciunt, si se minus habere putent, cum pares sint ijs qui plura sibi vendicant. Alij dum 4 imparitatem & 4. præstantiam appetunt, si sibi persuaferint nihilo se plus habere, sed par aut minus, cum sint præstantiores Hæc autem possunt iuste appeti, possunt etiam iniuste: nam 5 cum sint inferiores, 6 ut pares sint 5. 6. per seditionem moliuntur: & cum pares, 7 ut maiores: quomodo i 7. gatur affecti seditiones faciant, explicuimus. Res autem de quibus dissidetur, sunt 8 quæstus, & honor, 9 & his opposita. Nam tum ut 8. 9. dedecus, tum ut detrimentum in se vel in amicis euitent, solent ho-

Gg

mines

10. mines seditiones incivitatibus commovere. 10 Cause verò & principia motuum, unde quemadmodum diximus afficiuntur, & pro
 11. rebus memoratis, sunt ii quodammodo septem numero, quodam-
 12. modo plura, quorum duo eadem sunt, & quæ suprà diximus, 12 sed non eodem modo. Nam & compendij & honoris causa alij alijs succensent, non ut sibiipsis vendicent, ut suprà dictum est, sed quòd alios vident partim iustè, partim iniustè his rebus magis auctos: item propter contumeliam, propter timorem, propter excellentiam, propter contemptum, & si quis plusquam pro ratione dignitatis augeatur: adhuc alio modo ob verecundiam, ob negligentiam, ob exiguitatem, ob dissimilitudinem.

Scholia in Caput. II.

- 1 SED quoniam ex quibus rebus seditiones existunt. Quoniam sermo de seditionibus popularibus instituitur, tria consideranda sunt. Primum quomodo affecti quæque persuasione inducta ciues in Repub seditiones moliantur: deinde quibus de rebus contententes, tum qua sint initia & irritamenta seditionum. Est autem persuasio, qua ciues ad dissidendum inducuntur, quòd quidam se pares esse putant alijs à quibus superantur, seq, illi volunt in Reipub commodis exæquari. Alij cum pares sint, se superiores esse putant, & plus sibi Reipub. deberi contendunt. Res autem de quibus contenditur, sunt commoda & honores quibus se ciues aut æquari, aut præferri volunt. Principia verò & causa dissensionum si ptem memorantur, de quibus suo loco differemus.
- 2 Sunt autem ferè tres numero. Ferè dixit, quoniam si plures sint causa ad tres tamen referri possunt.
- 3 Quomodo animati. Qua inducti persuasione.
- 4 Imparitatem & præstantiam appetunt. Plus commodi & honoris in Reipub.
- 5 Cum sint inferiores Dignitate & meritis.
- 6 Ut pares sint. Commodis vel honore.
- 7 Ut maiores. Ut plus commodi vel honoris accipiant.
- 8 Quæstus & honor. Ut commodis vel honoribus afficiantur.
- 9 Et his opposita Ut detrimentum vitent, aut dedecus.
- 10 Cause verò et principia. Irritamenta & seditionum origines. His enim rebus lacerati & irati homines initio ad seditionem impelluntur.
- 11 Quodammodo septem numero. Nā septem sunt quæ magis per se irā & sed-

& seditionem mouent alia verò, vt negligentia & verecundia, magis ex accidenti: quæ omnia quomodo causa & origines seditionum fiant, ipse deinceps syllatim declarabit.

12 Sed non eodem modo. Nam suprà compendium & honores considerantur, vt sunt res, de quibus contenditur in ciuilibus dissensionibus, dum ea sibi quisque petit. Nunc autem alia ratione, vt homines iniquo animo, alios his bonis præter meritum auctores esse ferunt, & interdum etiam si iuste augentur, per inuidiam scilicet indignantur.

CAPVT III.

1 EX his contumelia & compendium quam vim habeant, & quomodo causæ sint, pene in promptu est intelligere. Nam si magistratus contumeliose & auarè imperent, non solum ciues inter se dissident, sed etiam à Rebus publicis quæ licentiam præbent, animos auertunt. Auaritia verò nunc in priuatis rebus, nunc in communibus versatur. Honor quoque quantum valeat, & quomodo sit causa seditionis, manifestum est. Nam homines tum quòd ipsi inhonorati fiant, mouent seditiones, tum quòd alios videant in honore esse. Hæc autem fiunt iniuste, cum aliqui præter meritum vel honorantur, vel sunt inhonorati: iuste verò cum pro cuiusque dignitate sit. Ob excellentiam seditio existit, cum aliquis maiorem habet potentiam, siue sit vnus, siue plures, 2 quàm pro ratione ciuitatis & virium Reipub. ex talibus enim monarchiæ vel dynastiæ solent existere. Quamobrem in quibusdam ciuitatibus tales homines 3 in exilium ad tempus mittere consueuerunt, vt Argis & Athenis. Atqui satius erat ab initio ne qui tantopere eminenter prouiderent, quàm postquam fuerit permissum, mederi. Propter timorem seditiones mouent quidam, metuentes ne illatarum iniuriarum penas luere cogantur. Alij prouidentes ne iniurijs quas metuunt afficiantur, 4 vt in Rhodo, nobiles in plebem conspirarunt, iudicia & impetum popularem metuentes. Propter contemptum etiam seditiones conspirationesque fiunt, vt in paucorum quidem dominatibus, cum plures ij sunt quibus Respublica non communicatur: 5 putant enim se potentiores esse. In statibus verò popularibus diuites seditionem mouent, dum rerum perturbationem, quæ citra ordinem & imperium administrantur, contemnunt, vt 6 Thebis post prælium ad vineta, cum prauè administraretur Respublica,

blica, status popularis est deletus: & item Megaris, quod nec ordine
 7. nec imperio administraretur Respublica popularibus deuictis: & 7
 Syraculis ante Gelonis tyrannidem: in Rhodoque insula status po-
 8. pularis 8 ante defectionem est dissipatus. Cum autem quidam fue-
 rint præter proportionem aucti, idcirco fiunt Rerum publicarum
 mutationes. Quoniam ut corpus ex partibus consistit, proportio-
 9. neque augescat oportet ut 9 commensus seruetur, alioquin perit si
 10. pes 10 quatuor cubitorum fiat, reliquum autem corpus duabus pal-
 11. mis pateat: interdumque in aliam transit animalis formam, si 11 nõ
 solum quanto, sed quali etiam augescat, non seruata proportione:
 sic ciuitas ex partibus constat, quarum sepe aliqua latenter augescit,
 ut in popularibus & Rebus publicis egeorum multitudo: quod
 12. accidit nonnunquam forte fortuna, 12 ut Tarenti, victa pleraque; no-
 13. bilitate, & à Iapigibus deleta 13 paulò post Medorum bellum, ex
 Republica factus est status popularis. Et in Argo post eorum cædẽ
 14. 14 qui fuerunt ad hebdomadam à Cleomene Lacedæmonio concisi,
 15. 15 quosdam Pericæcorum in ciuitatem addiscere coacti sunt. Et A-
 thenis cum terrestri prælio infelicitè fuisset dimicatum, nobilitas
 ad paucitatem redacta est, propterea quod ex delectu milites ad bel-
 lum Laconicum mittebantur. Hoc quoque rarius quidem accidit,
 tamen in statibus popularibus. Nam cum locupletum numerus fa-
 ctus est amplior, aut patrimonia creuerunt, populares in paucorum
 dominatus transeunt, vel dynastias. Mutantur etiam Respublicæ
 16. citra seditionem propter pudorem, 16 ut accidit in Heræa. Hæc e-
 nim causa fuit, ut magistratus mandandi ratio ex suffragio trans-
 ferretur ad sortes, propterea quod pudendi homines suffragio ad-
 tiscebantur. Ad hæc ob negligentiam, cum ad summos magistratus
 17. eos peruenire permittunt, quibus displicet ratio Reipublicæ, 17 ut in
 vrbe Oreopaucorum potentia dissipata est, cum ad Heracleodo-
 rum magistratus esset delatus, qui ex paucorum dominatu Rem-
 publicam & statum popularem constituit. item quia paulatim effi-
 citur. dico autem paulatim, quoniam sæpe magna legum atque mo-
 rum mutatio latenter obrepit, cum negligitur exiguum, ut in Am-
 bracia census erat exiguus. postremo nullius census homines ma-
 gistratus gerebant: quasi vix, aut ne vix quidem paruum à nihilo
 differret Generis etiam diuersitas seditionis est causa, donec animi
 consentiant. Nam quemadmodum ciuitas non ex quauis multitu-
 dine fit, sic non efficitur in quolibet tempore. Quare qui iniqui-
 nos &

nos & aduenas antehac in ciuitatem receperunt, hi magna ex parte
 seditionibus iactati sunt, vt 18 Achæi Sybarim oppidum, cum Trœ- 18.
 zenis incoluerunt, deinde cum Achæi in maiorem numerum ex-
 creuissent, Trœcenios expulerunt, quæ Sybaritis fuit malorum o-
 rigo. Quibus in Thurijs idem accidit cum inquilinis Nam cum agri
 tanquam sui maiorem sibi partem vendicarent, exorta seditione,
 superati pulsiq̃ue sunt. Et 19 Bizantini aduenarum in se insidijs de- 19.
 prehensis eos commisso prælio vrbe depulerunt. 20 Antissæi quo- 20.
 que Chiorum exules, quos in ciuitatem receperant, armis iti-
 dem eiecerunt. 21 Zanc læi cum Samios recepissent, ab eis superati 21.
 & eieci sunt. Et 22 Apolloniates qui sunt ad pontem Euxinum cum 22.
 aduenas recepissent, seditionibus laborarunt. Et Syracusani 23 post 23.
 tyrannica tempora, cum peregrinos & mercenarios ciuitate donas-
 sent, seditionibus agitati sunt, ad certamenq̃ue deuenerunt. Et 24 24.
 Amphipolitæ receptis Calcidenfisibus colonis, ab ijs fuerunt pleri-
 que eorum eieci. In paucorum dominatibus populares mouent se-
 ditionem, velut iniuriam accipiant, quòd eis Respublica cum pares
 sint, non pariter communicetur, quemadmodum suprà diximus.
 In statibus verò popularibus nobiles dissident, quòd cum sint su-
 periores, pariter tamen Republica participant. Ciuitates autem in-
 terdum propter loca etiam tumultuantur, cum natura regionis pa-
 rum est ad urbem vnā constituendam idonea: 25 vt Clazomenis 25.
 qui Chytron habitant, alienos gerunt animos ab incolentibus in-
 fulam: & 26 Colophonij à Notiensibus & Athenis non vnus est cū- 26.
 ctorum animus, sed 27 qui Pyraeum habitant, hi magis statui popu- 27.
 lari student, quàm qui urbem ipsam incolunt. Nam vt in bellis 28 28.
 interiectæ fossæ, quanquam exiguæ, dissident tamen phalanges, sic
 omnis differentia dissensionem parere videtur. Sed forsitan omni-
 um maxima dissensio est virtutis cum vitio, proxima diuitiarum
 cum egestate, & sic discrimen aliud alio magis dissensionem parit, 29.
 29 quorum vnum est, quod memorauimus.

Scholia in Caput III.

1 Ex his contumelia & compendium. Declarat quomodo rerum me-
 moratarum quaque sit causa & origo seditionis. Contumelia, inquit, qua op-
 ponitur honori, & compendium siue quasi seditionem mouent, si magistra-
 tus per libidinem aut contemptum iniuriam & contumeliam inferant, aut
 habeant

habeant quaestui Rempub. aut bona priuatorum inuadunt. Queres non solum in magistratus importunos mouet odium, sed etiam in ipsam Rempub. qua magistratibus eam licentiam tribuit. Honor verò si vel ipsi sine honore sint, vel alios in honore esse indignantur. Excellentia, quum aliquis sic inter ciues excelsus, ut periculum sit, ne totam ad se trahat Rempub. vel si plures sint trahant. Timor dupliciter, vel ne pœnas luant admissi criminis, vel ne iniuria afficiantur. Contemptus, cum i quibus honores non communicantur, sperni se putant. Pudor, cum pudendis hominibus mandantur magistratus. Negligentia, cum cuius incuria summo magistratui praescitur is, cui odio est praesens Reipub. status. Exiguitas, cum paruum discrimen ad nullum redigitur, ut in censibus paruis. Generis diuersitas, cum aduenis aut inquilinis Reipub. communicatur.

2 Quàm pro ratione ciuitatis & virium Reipub. Ut si quis vnus aut pauci potentia & opibus cateram omnem ciuitatem & Rempub. exuperent: hinc enim fit ut vel vnus tyrannidem occupet, vel pauci dynastiam, qui pessimus status est paucorum potentia.

3 In exilium ad tempus mitti consueuerunt. In decennium per ostracismum ex vrbe pelli.

4 Ut in Rhodo nobiles in plebem conspirarunt. Metuentes ne commissorum criminum aut mala gesta Reipub. pœnas dare cogerentur.

5 Putant enim se potentiores. Paucis diuitibus, ac ideo contempta ipsorum paucitate Rempub. inuadunt.

6 Thebis post praelium ad vineta. Praelium inuere videtur, quo Megalopolita & Achæi victi sunt à Lacedæmonijs duce Cleomene rege, ad locum, ut ait Plutarchus, vitibus consitum, & fossis & parietibus impeditum. Nam licet Thebani huic praelio non interfuerint, hac tamen victoria à Lacedæmonijs parta magna fuit in omni Peloponneso animorum facta commotio. Theba autem vrbs est celeberrima Bœotia, licet multa alia huius nominis in alijs regionibus memorentur, ut Megara multa nominantur, sed celeberrima, de qua hic loquitur Aristoteles, ad isthmum est in conspectu Peloponnesi, & Attica atque Bœotia, cuius alumni Theognis & Euclides fuerunt.

7 Syracusis ante Gelonis tyrannidem Syracusa vrbs est Sicilia, nutrit tyrannorum: huius enim tyrannidem tenuere Gelon, Hieron, & duo Dionysij, quorum Gelo tyrannidem obtinuit Olympiade trigesima septima.

8 Ante defectionem. Antequam ab Atheniensib. deficeret, auctore fortassis Alcibiade, qui cum exul bellum aduersus patriam pro Lacedæmonijs gereret, acceptis quinque nauibus, ut refert Trogus Pompeius, in Asia concessit, & tributarias Atheniensium ciuitates auctoritate sui nominis ad defectionem

com-

compulit.

9 Commensus seruetur. Symmetria & proportio partis ad totum, & partium inter ipsas seruetur.

10 Quatuor cubitorum. Cubitus mensura est qua sex palmis patet: palmus autem quarta pars pedis, patetque digitus transversis quatuor: digitus enim sexta decima pars pedis est.

11 Non solum quanto, sed etiam quali. Non solum quantitate crescat, sed etiam qualitate: alteratio enim qua via est ad generationem forma substantialis, per qualitatem fit.

12 Ut Tarenti, Tarentum oppidum est in Italia, cuius vicini sunt Iapyges.

13. Paulò post Medorum bellum. Post bellum à Xerxe Medorum Persarumque rege Gracis illatum.

14 Qui ad hebdomam. Hebdoma græcè septimam significat, ut septimam diem, aut septimam pugnam signare videri possit: sed probabilius est locum hebdomam appellari, ad quem Argivi victi sunt, & concisi à Cleomene rege Laedamoniorum quocirca interpres græcum vocabulum reliquit quasi proprium.

15 Quosdam Pericecorum. Subiectorum rusticorum seu Castellanorum.

16 Ut accidit in Heraa. Heraa opidum est Arcadiae, cuius Respublica cum populariter administraretur, & abiectissimi homines à sui similibus suffragio deligerentur, suffragium mutatum est in sortes.

17 Ut in vrbe Oreo. Quod oppidum est in Euboea insula Gracia celeberrima, ut Ambracia vrbs est Epiri.

18 Achæi Sybarim oppidum cum Træzenijs incoluerunt. Achæi populi sunt in Peloponneso quemadmodum & Træzeni, qui simul Sybarim Italia urbem in Thurino agro inhabitauerunt.

19 Byzantini Constantinopolitani in Thracia.

20 Antissæ quoque Chiorum exules. Antissa vrbs est in Lesbo insula. Chios quoque insula est Ionum cum vrbe cognomine.

21 Zanclei cum Samios recepissent. Zancula vrbs est in Sicilia. Samea insula qua Caria adiacet, à quibus Zanclei & Samij.

22 Apolloniatae, qui sunt ad pontum Euxinum. Viginti quinque Apollonias numerat Stephanus quamobrem Aristoteles, ut declararet, cuius Apollonia ciues diceret, adiecit ad pontum Euxinum, scilicet in Mysia regione.

23 Post tyrannica tempora. Exalto Diorysio inferiore Corinthiorum auxilio.

24 Amphipolitæ receptis Chalciden sib. colonis. Amphipolis vrbs est in Macedonia. Chalcis verò cuius colonos hic memorat, vrbs est ad Asbon mō-

tem Thracia. quauis sint alie eodem nomine vocata vrbes.

25 vt Clazomenis qui Chytron habitant. Clazomena vrbs est ad oram maris Ionij, in loco quem Chytron siue Chytrion appellant, vt docet Strabo, habetq; ante se octo paruas insulas. Itaq; vrbs ipsa tum partem continentis qua Chytron dicitur, tum aliquam ex his insulis occupat breuissimo interuallo direptam, eoque ponte seu pontibus fortasse commissio.

26 Colophonij à Notiensibus. Colophon & Notium in Ionia Haleso flumine interfluente, qui pontibus erat commissus dirimebantur, vt possent duo oppida videri, cum tamen esset vrbs vna, qua communes habebat magistratus, vt Hispalia & Transamnia, qua corrupto vocabulo Triana vocatur, interfluente Bate: Et Roma, & irastyberina regio interfluente Tyberi. Caterum propter fluminis diuisionem Colophonij cum Notiensibus non admodum consentiebant.

27 Qui Pyraeum habitant. Pyraeus portus est Athenarum, quo nomine tota vrbs pars portui coniuncta significatur, cetera verò Asty, hoc est vrbs appellatur.

28 Interiectæ fossæ distinent phalanges. Solent in bello castra vallo fossisq; muniri, qua fossa licet angusta sint, hostes tamen compefcunt, ne possint oppugnare castra. eodem modo phalanges, id est militum acies configere, fossa intercedente quauis exigua nequeunt: quo exemplo omne discrimen causam esse dissensionis declaratur.

29 Quorum vnum est quod memorauimus Discrimen loci vnius vrbs cum locus non est ad vnâ urbem condendam idoneus.

CAPVT III.

1. 1 SEDITIONES igitur non de paruis rebus fiunt, sed ex paruis orta seditione, de reb. magnis dissidentur. Cæterum tunc potissimum 2 parua seditiones inualefcunt, cum 3 inter Reipublicæ principes agitantur, vt olim Syracusis accidit. Nam ex duorum adolescentium qui magistratibus prægerant, dissensione ex amatoria causa status Reipublicæ mutatus est: nam cum alter peregrè profectus esset, quidam eius sodalis amicam ipsius ad sese pellexit: rursum ille huic iratus, vxori eius vt ad se veniret persuasit, vnde reliquos reipublicæ præfectos adiscientes, omnes in seditionem concitarunt. Itaque talibus malis initio occurrere, & principium potentiumque discordias 4. as dirimere oportet, 4 quoniam peccatum est in principio: principium autem dimidium totius esse dicitur. Itaque paruus error in ipso

ipso, & proportionē respondet in alijs partibus. Ad summam, nobis
 5. lium dissensiones secum vniuersam ciuitatem trahunt, 6. ut acci
 6. dit in Hestia post tempora Reipublicæ popularis in duorum fra-
 trum dissensione, quibus erat de patrum bonorum diuisione
 controuersia Nam qui pauperior erat, dolens quod alterum bona
 & thesaurum quod pater inuenisset occultare putabāt, 7. populares 7.
 ad ciuitatem alter qui ditissimus erat locupletes. 8. Delphis orta ex affi
 8. nitate seditio, cunctarum quæ post extiterunt seditionum origo
 fuit. Quidam enim cum ei auguranti infortunium quoddam por-
 tenderetur, 9. ad ipsam reuersus, accipere recusans discessit. Alte
 9. ri verò quod sibi contumeliam accepisse viderentur, 10. insinuan
 10. tes eum res sacras inter sacrificandum surripuisse, ipsum tanquam
 sacrilegum occiderunt, & ita ad Mytilenem expuellis orbis hæredi-
 11. tate auctis orta est seditio, quæ multorum malorum fuit initium,
 origoque belli cum Atheniensibus gesti, quo Paches urbem ipso-
 rum cepit. Nam cum Timophanes homo locuples duas filias reli-
 quisset, Doxandrus qui eas suis filiis accipere conabatur, repulsam
 passus seditionis fecit initium, & Athenienses cuius ciuitatis erat
 hospes, concitauit. Et apud Phocenses propter puellam etiam or-
 bam orta seditio est inter Mnaseam Mæsonis patrem, & Euthicra-
 tem patrem Onomarchi, quæ seditio 12. Phocensibus principium
 12. belli sacri fuit. In urbe Epidamno ex nuptiali causa status Reipu-
 blicæ mutatus est: nam cum filiam quidam despondisset, & ab spō-
 si patre magistratum gerente ei fuisset irrogata multa, quasi per
 calumniam fuisset multatus, 13. cum ijs qui erant extra Rempubli
 13. cam conspirauit. Fit etiam in paucorum potentiam, & in popula-
 rem statum, atque Rempublicam mutatio, ex eo quod magistratus
 aut pars ciuitatis opinionem virtutis adepta sit, aut viribus aucta, 14.
 14. ut Areopagi consilium cum Medicis temporibus ore omnium ce-
 lebraretur, seueriorem facere rationem Reipublicæ visum est: vi-
 15. cissim quæ reclassica turba cum causa fuisset partæ ad Salaminem vi-
 15. ctoriæ propter hunc principatum & maritimam potentiam, vi
 res addidit statui populari: & in Argo nobiles ea gloria sublatis,
 quod Lacedæmonios 16. prælio ad Mantineam superassent, statum
 16. popularem dissoluere tentarunt. Syraculis autem plebs, quia causa
 fuerat victoriæ 17. in eobello quod cum Atheniensibus gesserunt, 17.
 Rempublicam in statum popularem conuertit. Et in Chalcide plebs
 Phoxo tyranno cum nobilitate sublato, protinus Rempublicam
 h h occupa-

occupauit: rursusque eodem modo in Ambracia Lyfandro tyranno cum conspirantibus exacto, plebs in se Rempublicam conuertit. Ad summam intelligendum est, quicumque causa fuere potentia, tum homines priuati, tum magistratus, & tribus, pars denique, aut qualiscunque multitudo ab ijs moueri seditionem. Nam vel ab ijs qui horum inuident honoribus, initium seditionis exoritur, aut isti propter praestantiam amplius uti conditione pari nolunt. Mutantur etiam Respublicae, cum partes ciuitatis quae videntur esse
 18 contrariae, ut 18 diuites & populares, adaequantur inter se: pars autem
 19 media vel exigua est, vel nulla omnino. 19 Nam si alterutra pars multum excedat, altera non vult aduersus eos qui sunt haud dubie potentiores rem in discrimen adducere, quae causa est ut ferre nunquam virtute praestantes seditionem moueant, quoniam pauci sunt si cum vulgo conferantur. Vniuersaliter igitur nisi genere Reipublicae principia tum seditionum, tum mutationum ad hunc modum sese habent. Mutantur autem Respublicae tum vi, tum dolo: vi autem aut ab initio cogendae, aut postea. Nam & dolo duplex est, quoniam interdum per fraudem initio ad Reipublicae mutationem inducunt, & postea per vim continent inuitos, 20
 20 tempore quadringentorum populum deceperunt, fore confirmantes ut rex pecuniam ad bellum quod cum Lacedaemonijs erat, suppeditaret, & per hoc mendacium Rempublicam occupare conati sunt Quandoque ab initio persuadent, & rursus postea persuasis & volentibus imperant. EX causis igitur memoratis vniuersaliter omnes Respublicae mutari solent.

Scholium in Caput III.

1 SEDITIONES igitur non de paruis rebus fiunt, sed ex paruis. Cum ex parua multis seditiones oriantur, res tamen de quibus disfidetur magna sunt. Sape namque res exigua occasiones magnarum dissensionum praebent, ut multarum ciuitatum exempla docet. Sed orta seditione de magnis rebus contenditur, interdumque de summa Reipub. disfidetur, unde Rerum publicarum mutationes exstunt, quod dupliciter fit, vi & dolo coniunctim & separatim, variisque ratione.

2 Paruae seditiones inualescunt. Fiunt magna, & vires acquirunt.

3 Inter principes Reipub. Inter eos qui summis magistratibus praesunt, vel inter eos qui multum valent in ciuitate, ut nobiles & diuites.

4 Quo-

4 Quoniam peccatum est in principio. Principium appellat principes Reipub. quia sunt quasi fundamentum Reipub. Nam licet quilibet ciues sint ciuitatis principum, tamē multo magis principes, & qui præsunt magistratib. Peccatum autem siue erratum in principio cuiusque rei, magna errata & incommoda in ceteris partibus, ipsaq; tota Reipub. parit. Vt si erratum fuerit in domus fundamento, magna incommoda in parietibus & tecto sequuntur, ac interdum ruit tota domus, quare initio scilicet temporis nascenti in principio rei malo occurrendum est: tunc enim paruum est id malum, & facile tolli potest, antequam ulterius serpat. sin autem inualuerit in alias partes diffusum, difficulter curatur.

5 Proportionem respondet. Minimum erratum in principio mediocri malum parit in ceteris partibus, sed pauld maius erratum proportionem maius malum parit. Exempli gratia. si peccatum ut vnum in principio parit incommodum, ut quatuor, peccatum ut tria parit, ut duodecim, ut sit utrobique tripla proportio. Quorumcunque igitur ciuium dissensio magnum malum parit in ciuitate. Sed dissensio magistratuum, aut nobilium, seu diuitū, quia maius peccatum est in principio, idcirco tanto maius malum parit, proportionem scilicet peccatorum in principio.

6 Ut accidit in Hestiza. Vrbe in Eubœa insula.

7 Populares adsciuit. Pauperes in sui auxilium conuocauit.

8 Delphis orta ex affinitate seditio Ex sponsalibus. Delphi autem vrbs est in monte Parnasso, clara Apollinis oraculo ad Phocidem regionem.

9 Ad sponsam reuersus. Accepto enim augurio ad sponsam rediit, & causam exposuit, cur eam ducere non posset, prohibitus scilicet religione.

10 Insimulantes eum. falsis scilicet testimonijs.

11 Ad Mytilenē ex puellis orbis. Ex puellis quæ græcè dicuntur ὀδοιλάγοι, quo nomine puella orba vocatur, cum ad eam paternum patrimonium peruenit sine fratribus, licet sint dua.

12 Phocensibus principium belli sacri fuit. Phocenses accola sunt Parnassi montis, qui rebus desperatis cum agris, liberis, coniugibusque à Thebanis priuarentur, templum Apollinis Delphici occuparunt, ut Iustinus refert, & inde auro & pecunia diuites conducto milite bellum Thebanis intulerunt. Victi autem Thebani Philippum regem Macedonia ducem elegerunt, atque id bellum propterea quoddam Phocenses sacrilegium gerebatur, sacrum est appellatum, quo Phocenses necessitate victi, pacta salute deditionem fecerunt, fide tamen non seruata passim caesi sunt, & supplicio affecti. Illa igitur mutua Phocensium seditio causam aliquam dedit, siue occasionem, ut Phocenses tē-

plum Apollini spoliarent, unde natum est sacrum bellum.

13 Cum ijs qui erant extra Rempub. Cum ijs qui Rempub. non administrabant, vel quibus Respub. non communicabatur.

14 Ut Areopagi consilium cum Medicis temporibus celebraretur. Areopagita, hoc est Senatores Athenienses: quo tempore Xerxes Medorum Persarumq. rex Graciam maximo exercitu vastabat, deficiente pecunia publica de suis singulis militibus Atheniensibus octonas drachmas praeberunt, quo factum est ut frequentiores milites triremes conscenderent, cum auctore Themistocle vrberelicta naues conscenderent, qua causa fuit victoria Graecorum ex Barbaris, parte commisso praelio nauali ad Salaminem insulam, quemadmodum refert Plutarchus, citatq. Aristotelem auctorem. Quod Areopagitarum factum cum laude omnium efferretur, spiritus eis adiecit, quibus illi sublatis seuerius imperium exercebant: sed contra populares, cum ipsorum potissimum virtute fuisset victoria de Medis ad Salaminem parata, ipsi quoque arrogantiam sumentes, sublatisq. statum popularem confirmabant.

15 Propter hunc principatum. Propter principatum maritimum. Nam licet toti officio maritimo classiq. dux vnus proficeretur, ea tamen munera a classico militibus popularibusq. hominibus obibantur.

16 Praelio ad Mantineam. Mantinea vrbs est Arcadia, multis ad ipsam factus praelijs clara.

17 In eo bello quod cum Atheniensibus gesserunt. Nicia scilicet ac Demosthene ducentibus Athenienses qui amisso exercitu, ipsi quoque capti interfectiq. sunt.

18 Diuites & populares Locupletes & pauperes.

19 Nam si alterutra pars Diuitum aut pauperum.

20 Ut tempore quadringentorum. Cum bellum inter Athenienses & Lacedaemonios gereretur, Alcibiades exul cum metuens Lacedaemoniorum insidias ad Tisafernem Darij regis profectum confugisset, multumq. apud eum gratia valeret, legatus Atheniensium qui ad se venerant, regis amicitiam pollicetur si Respub. a populo fuisset ad optimates translata. Itaque permittente populo imperium ad quadringentos viros translatum est: qui cum crudeliter in plebem consulerent, Alcibiades, ut callide moliebatur, a populo reuocatur, & dux classi praeficitur, qui statim Athenas mitti, breuise cum exercitu venturum, recepturumq. a quadringentis iura populi, nisi ipsi redderent. qua denunciatione optimates territi, primo vrbem Lacedaemonijs prodere tentarunt. deinde cum conatus non processissent, in exilium profecti sunt, ut Trogus tradit. Hi sunt igitur quadringenti qui ad Rempub. inua-

den-

dendam populum deceperunt, pollicentes auctore Alcibiade Darium regem Persarum pecuniam Asbemensibus ad bellum in Lacedamonios missurum.

CAPVT V.

PER singulas verò Reipublicæ, species ex his 2 facta partitio. 1. 2. ne, accidentia considerare oportet Popularis igitur status magna ex parte propter 3 assentatorum popularium improbitatem mutantur, qui 3. modo 4 priuatim locupletes calumniando eos vires conferre, ac 4. inter se conspirare cogunt. Nam timor communis etiam inimicissimos conciliat, modo publicè plebem in eosdem concitâdo, quarum rerum exempla multis in ciuitatibus contueri licet. Nam 5. in Co popularium ducum nequitia popularem statum mutauit, nobilitate conspirante Et item in Rhodo vbi duces populares 6 mercedem tribuerunt, & quæ triremium præfectis debebantur reddi venterunt: 7 hi verò iudiciorum metu coacti sunt facta conspiratione 7. populum dissoluere. 8 Heracleæ quoque status popularis statim 8. post deductam coloniam, propter assentatores populares est dissolutus. Nobiles enim cum ab ipsis per iniuriam superati & pulsi fuissent, agmine facto, illatoque bello statum popularem euerterunt. Ac simili modo Megarensium status popularis deletus est. quoniam populares duces multos nobiles ut ipsorum bona publicarent, in exilium mittere, donec 9 exules aucti multitudine bellum inferrentes, ac populo pugna superato paucorum dominatum constituerunt. Quod 10 perinde Cumis in Rempublicam popularem accidit, quam Thrasymachus euerit. Accæterarum ferè omnium mutationes in hunc modum factas esse licet animaduvertere, dum isti nunc ut populo gratificentur, diuites iniuria illata vel 11. inducta bonorum æquatione, vel ex vectigalibus mercedem magistratibus instituentes, nunc eosdem calumnijs impetentes, dum causam locupletum bona publicandi quarunt, ad conspirandum impellunt. Ceterum antiquitus, cum idem esset assentator populi, idem exercitum duceret, in tyrannidem mutabantur. Nam maxima ex parte veteres tyranni ex popularibus assentatoribus fiebant. 12. Cur autem tunc tyranni fierent, nunc non item in causa est, quod antiquitus ductores populares erant ex ijs qui exercitum ducebant, nondum hominibus dicendi facultatem adeptis. Nunc autem cum cre-

Hh 3

uerit

- uerit dicendi facultas, disertis homines populares assentatores
 sunt: qui cum sint rei militaris imperiti, efficitur ut Rempubli-
 13. cam non inuadant, 13 nisi forte parum aliquid huiusmodi mali
 in aliqua ciuitate accidit. Existebant autem olim tyrannides magis
 quam nunc, propterea quod quidam magnis magistratibus præ-
 14. fiebantur, ut 14 Myleti ex prytania: cui magistratui qui præo-
 rat, huius arbitrio multæ res atque magnæ gerebantur. Præterea
 cum vrbes non essent magnæ, sed populus sparsim agros inhabita-
 ret, & ei parum otij ab operibus necessarijs superesset, qui populo
 præerant, vsum rei militaris nacti, tyrannides occupabant, quod o-
 mnes, dum eis à populo fides haberetur, faciebant Fides autem erat
 15. odium & simultas quam cum diuitibus gerebant. 15 quod Athenis
 Pisistrato similtatem gerenti cum Pediacis accidit: & Megaris Thea-
 16. geni qui pecora diuitum cum 16 ad flumen pascentes deprehen-
 disset, concidit: & Dionysius cum Daphnæum accusaret, ac diuites
 insectaretur, dignus est habitus qui tyrannus efficeretur, habita fi-
 de, quod popularis esset propter inimicitias. Mutatur etiam status
 17. popularis 17 ex vetere & maioribus consueta forma in nouissi-
 mam. Nam cum suffragio magistratus à populo mandantur, nulla
 census habita ratione duces populares imperandi cupidi rem in e-
 um statum deducunt, ut leges etiam arbitrio populi subiciantur.
 Quod malum ut ne accidat, vel minus accidat, remedium est in eo,
 18. ut magistratus 18 à tribubus non ab vniuerso populo creentur. Sta-
 tuum igitur popularium omnes ferè mutationes propter has cau-
 sas existunt.

Scholia in Caput V.

1 PER singulas verò Reipub. species. Causas deinceps persequitur,
 qua cuique generi Reipub. mutationem afferunt Primumq; de populari dis-
 ferit, quam multis modis euertere, mutariq; docet, assentatorum popularium
 improbitate. Vno modo coactis diuitibus in populum conspirare, dum vel ipsi
 priuatim calumniantur diuites, vel populum in locupletes concitant. Ha-
 rum rerum exempla multa commemorat, quæ ratione popularis Reipub. in
 paucorum potentiam mutatur, sed interdum assentatores ipsi populares
 Rempub. inuadunt, sumique tyranni, quod olim magis quam suis temporibus
 fieri docet, & causam exponit.
 2 Facta partitione. Ut non simul de omni Reipub. sed de singulis formis sepa-
 ratim differatur.

3 Assen-

3 Assentatorum popularium. Principum virorum, qui se duces & assentatores populo præbent, captantes auram popularem.

4 Priuatim. Dum ipsi per se insectantur, calumnianturq; diuites ut se populo commendent.

5 In Co. Cos insula est Caria cum vrbe cognomine, ubi conspirantes nobiles multo populo Rempub. popularem in paucorum potentiam conuerterunt, ut Rhodi.

6 Mercedem tribuerunt Constituerunt mercedem iudicibus, & ijs qui Rempub. gererent, ut hac ratione firmior esset Respub. popularis suppetente etio pauperibus ad Rempub. gerendam.

7 Hi verò iudiciorum metu. Profecti tritemium & nobiles (ex his enim profecti tritemibus solent) metu iudiciorum, ne pœnas dare obiectorum criminum cogerentur, conspirantes in plebem ex populari statu paucorum potentiam reddiderunt.

8 Heracleæ quoque. Multa fuerunt Heraclea, sed celeberrima quam significare videtur, est ad Pontum Euxinum in Thracia, quod deducta est Atheniensium Colonia.

9 Exules aucti multitudine. Facta magna multitudine diuitum electorum.

10 Perinde accidit Cumis. Locupletes electi Thrasymacho duce, populo belli intulerunt, eoque superato statum in paucorum potentiam conuerterunt. Videtur autem Cumas significare quas sunt in Aeolide contra Lesbium, unde Ephorus historicus, & Hesiodus poeta nam sunt non pauca alia hoc nomine vocata.

11 Inducta bonorum æquatione. Ut patrimonia fiant omnia equalia, quod fit cum maxima locupletum iniuria.

12 Cur autem tunc tyranni fierent, nunc non item. Quamobrem assentatores populares olim tyranni fierent, hoc autem temporibus non fiant.

13 Nisi forte parum aliquid mali huiusmodi accidit Nam interdum oratores populares vel tyranni fiunt, licet raro: vel tantum valent in aliqua ciuitate, ut tyrannidem exercere videantur, curâ gerentes arbitratu suo.

14 Mileti Prytania. Prytania erat amplissimus magistratus in Mileto vrbe Caria.

15 Quod Athenis Pisistrato similitatem gerenti cum Pediacis accidit. Populum Atheniensem olim in tres partes diuisum fuisse memorat Plutarchus, Diacrios qui status populari maxime studebant, Pedieos qui paucorum potentia, Paralos qui medium tenebant. Pisistratus igitur cum esset Pedieus nobilitatis cultores ac diuitibus infensus, acceptus erat popularibus, itaque ha-

que horum favore tyrannidem occupauit. Nam Plutarchus Pedieos vocat, quos Aristoteles Pediacos, nisi forte menda est in alterutro.

16 Ad flumen pascentes. In loco scilicet prohibito & publico, quo tamquam suo diuites utebantur, & per contemptum legum huc armenta sua compellebant.

17 Ex vetere & maioribus consueta in nouissimam. Ex mediocriter populari, qualis esset solebat apud veteres, vt leges valebant in deprauatissimam & nouissimam inductam, vbi omnia arbitrio & decretis populi geruntur.

18 A tribubus creentur. Vt ex singulis tribubus hini, aut terni, alioue paruo numero suffragium pro tota tribu magistratibus mandandis ferant.

CAPVT VI.

1. 2. 1. PAUCORVM potentia duobus potissimum modis 2 manifestissimis quidem mutantur: vno, si iniuriam inferant in multitudinem: quini enim ad ducendum populum est idoneus, praesertim si quis ex ipsis paucis imperantibus sese ducem praebeat, 3 vt Lygdamis in Naxo, qui huius insulae postea tyrannidem occupauit.
4. 4. principium quoque seditionis quod ab alijs oritur, differentias habet, quoniam interdum ab ipsis locupletibus qui non sunt in imperijs status paucorum dissoluitur, cum admodum pauci sunt qui honoribus funguntur, 5 vt in Massilia, Istro, & Heraclea, & in alijs ciuitatibus vsu venit. Nam quibus imperia non communicabantur, hi tandiu seditionem agitauerunt, donec statum Reipublicae
6. 7. mutarent: primum 6 fratres maiores natu, 7 deinde rursus minores. quoniam in quibusdam ciuitatibus, pater, filiusq; magistratum simul gerere non permittuntur: in alijs maior & minor natu fratres prohibentur. 8 Atque hic quidem ciuiliior facta est paucorum potentia. In Istro autem in popularem transiuit: at in Heraclea ex paucis ad sexcentos peruenit. 9 In Cnido paucorum potentia, ipsa inter se nobilitate dissidente mutata est, quia paucis Respub. patebat, & quemadmodum diximus, patre gerente Rempublicam, filius non admittebatur: ex fratribus si plures erant, nulli nisi natu maximo magistratum gerere licebat. Nam nobilibus inter se dissidentibus superueniens populus, acceptoque duce, ex ipsa nobilitate facto impetu, victoria potitus est. Quoniam quod inter se dissidet, infirmum est. 10 In Erythris olim cum Basilida pauci imperium ob-

um obtinerent, quanquam qui Rempubicā administrabant, rectè suum munus obirent, tamen populus a grè ferens, quòd paucorum imperio subiectus esset, statum Reipublicæ mutauit. Mutantur etiam paucorum dominatus, ipsorum paucorum opera per contentionem assentatorum popularium. Nam duplex est assentatio popularis, altera inter ipsos paucos, quoniam 11 etiam inter admodum 11. paucos assentator popularis existit, 12 vt Charicles Athenis inter 12. triginta potens est factus, dum seipsis triginta ducem assentatorem præbet. Et Phrynicius inter quadringentos eodem modo. Altera cum paucorum dominantium aliquis popularem turbam ducit, 13 13. vt in Larissa politophylaces, quoniam suffragio plebis deligebantur, se turbæ populari assentatores ac duces exhibebant: quod fit in omnibus paucorum dominatibus, vbi magistratus non sunt ex ijs quorum suffragio deliguntur, sed 14 magistratus ex magnis censib. 14. aut ex factionibus creantur. Leguntur autem à militibus, vel à populo: 15 quod accidit in Abydo & 16 vbiunque iudicia exercentur, 15. 16. ab ijs qui Rempubicam administrant. Nam duces populares ad iudicia Rempubicam transferunt, vt in Heraclea Ponti factum est. Præterea cum ipsam paucorum potentiam aliqui ad minorè paucitatem redegerint. 17 Nam qui paritatem quærent, populum in 17. sui auxilium adhibere coguntur. Mutantur etiam paucorum dominatus, cum patrimonia intemperatè viuendo consumpserunt: nam tales homines studium rerum nouarum incessere solet, & tyrannidem vel ipsi occupant, vel vt alter inuadat moliantur, quemadmodum Hipparinus Syracusis Dionysio viam ad tyrannidem inuadendam muniuit: 18 & in Amphipoli quidam Cleotimus nomine Chalcidensium colonos induxit, ac inter eos & locupletes seditionem concitauit. 19 Et in Aegina qui negotium egit Chareti, 19. per talem causam Rempubicam mutare conatus est. itaque modo 20 mouere aliquid nituntur, modo 21 res communes compilant, 20. 21. vnde seditiones concitantur, 22 vel ab his inter ipsos, vel ab eis qui 22. se compilantibus opponunt, quemadmodum in Appollonia Ponti vsu venit. Cum autem paucorum dominantium consensu est animus, non facile à se dominatus ipsorum euertitur. argumento 23 23. Reipub. Pharsalicæ. illic enim pauci in multos imperium tenent, propterea quòd ipsi pauci rectè gerunt inter se. Dissoluitur etiam status hic, cum in paucorum potentiam alteram paucorum potentiam inducunt: quod efficitur quando cum pauci sint qui Rempu-

- blicam administrant, non tamen paucis omnibus summi magistratus communicantur: quod olim in Elide accidit. nam cum pauci Rempublicam gererent, per pauci Senatores fiebant, quoniam per-
- 24- 25. petui erant numero nonaginta, 24 eratq; dynastica delectio, 25 atq; ei similis qua Senatores Lacedæmone leguntur. Mutantur autem paucorum dominatus, tum in bello, tum in pace. In bello quidem, quoniam cum populum suspectum habeant, uti militum præsidio coguntur, cui qui fuerit præfectus, sæpe tyrannidem inuadit, ut Ti-
26. mophanes Corinthi: 26 vel si plures sint, dynastiam sibi vendicant. interdum autem harum rerum timore, cum uti populo co-
27. gantur, 27 remp. cum ipso populo communicant. In pace verò fit mutatio paucorum potentia, cum inter se alij aliorum fidem suspectam habentes, custodiam committunt militibus, & præfecto, qui medius sit: nec in alterutram partem inclinet, qui partis utrius-
28. que dominus interdum efficitur, ut accidit Larissæ in 28 Aleuada-
- 29 30. rum Samniorum principatu: & Abydi 29 factionum tempore, 30 quarum una erat Iphiadæ. Existunt etiam seditiones ex mutuis offensis, quas pauci dominantes alij alijs inferunt inter se, & quia matrimonij iudiciorumve causa similitates suscipiunt: matrimonij
31. causa, ut in exemplis supra memoratis. 31 Eretriæ paucorum potentiam quam equites tenebant, Diagoras dissoluit, accepta iniuria
32. in negotio matrimonij. 32 Ex iudicio verò tribunalis orta seditio est in Heraclea, & Thebis propter causam adulterij, pœnis sumptis iuste quidem, sed tamen seditiosè. Heracleæ de Euritione, Thebis verò de Archio: in quos tam pertinaciter inimici similitatem exercuerunt, ut fuerint ad palum in foro vincti. Multæ autem paucorum potentia idcirco sunt eversæ, quòd 33 nimis heriliter imperarent, idque à nonnullis administrationis Reipublicæ socijs, iniquo animo ferentibus importunum dominatum, ut in Cnido, & in Chio accidit. Casu quoque mutationes fiunt, tum Reipublicæ vocatæ, tum paucorum potentia, in quibus ex censu consultores ac iu-
34. dices leguntur, ac ceteri magistratus. 34 Nam sæpe cum census fuerit pro ratione temporum definitus, unde pauci in paucorum potentia, in Reipublica verò mediocres magistratus adirent. tamen temporum felicitate propter pacem, aut rebus aliter prosperè cedentibus efficitur, ut eadem possessiones pretio longè maiore aestimentur, ut possint omnes omnium esse participes, modo paulatim ac latenter mutatione facta, modo celerius. Ob has igitur causas
- paucos.

paucorum potentia mutantur, & seditiones existunt. Sed omnino status populares & paucorum potentia interdum non in oppositas Reipublicae formas mutantur, sed in alias quae genere continentur eodem, ut 3; ex legitimis statibus popularibus, & paucorum potentia 35. in dominantes, & ex his vicissim in illas. 36.

Scholia in Caput VI.

1 PAUCORVM potentia duobus potissimum modis. *Vnatio* mutandi paucorum potentiam est, si pauci dominantes iniuriam inferant in multitudinem, quae laesa conspirationem facit, delectisq; pauci Rempub. occupat. Altera est diuitum inter ipsos dissensio, quae multiplex est: modo enim à diuitibus priuata seditio nascitur, indignantibus sibi non communicari Rempub. quam per pauci suo arbitratu moderentur, quod exemplis declaratur. Modo seditio ex ipsorum paucorum contentione oritur, cum eorum aliqui dux & assentator popularis ipsorum quasi turba sit. Quandoque cum eorundem paucorum quispiam se turba populari contra ipsos paucos ducem & assentatorem praeberit item cum pauci ad pauciores rediguntur: tunc enim exclusi seditionem mouent. Praeterea cum ex ipsis pauci quidam per luxum patrimonia consumpserunt: tales enim rebus nouis studere solent, ut vel ipsi tyrannidem inuadant vel alijs auctores inuadendi fiant. Item cum summi magistratus non pauci cunctis communicantur, quod est vnā paucorum potentiam alteri addere. Quandoque praefectus praesidii tyrannidem inuadit. Item ex mutuis paucorum iniurijs seditiones existunt, quae Rempub. euertunt. Adhuc ex crudelitate & auaritia paucorum imperantium. Praeterea casu tum Respub. tum paucorum potentia mutantur: ut si manente eodem censu, temporum felicitate pretia possessionum augeantur: sed mutationes modo in diuersum genus, modo in aliam formā sed intra idem genus fiunt.

2 Manifestissimis quidem. Nam fortasse alij praeterea modi sunt, sed non perinde manifesti: quorum modorum alter est, si plebs à diuitibus dissentiat: alter si diuites ipsi dissident inter se.

3 Ut Lygdamis in Naxo. Naxus insula est ex Cycladibus, in qua Lygdamis cum esset ex numero paucorum qui Rempub. tenebant, & plebem iniuste tractabant, concitata plebs se ducem contra paucos exhibuit, & fauore populari tyrannidem inuasit.

4 Principium quoque seditionis quod ab alijs oritur. *Secundus* modus mutandi paucorum potentiam qui consistit in principio seditionis quae ab alijs quam à plebe, id est ab ipsis diuitibus oritur, est multiplex.

5 Ut in Malsilia, Iltro, & Heraclea. Malsilia vrbs est prouincia Narbonensis,

nenfis, celebris etiam nunc, sed olim celeberrima Phocensium colonia. Isthmum multarum urbium nomen est, sed Cretensem fortasse significat, & Heracleam quae est ad Pontum in Thracia.

6 Fratres maiores natu. Vbi cum patribus Rempub. gerere non datur.

7 Deinde rursus minores. Vbi maximis duntaxat natu Respub. communicabatur.

8 Atque hic quidem, Massilia paucorum potentia ciuiliior facta est, ut pluribus communicaretur, & humanius administraretur: in Istro verò in popularem transiuit.

9 In Cnido. Vrbe Caria, vnde Endoxus Cnidius Platonis discipulus, & Agatharchides peripateticus scriptor, & Theopompus dictatoris Caesaris familiaris, ut refert Strabo. hanc Plinius Gnidum vocat cum G. litera, non ut Graeci cum C. & inter insulas numerat, scilicet quoniam pars huius ciuitatis continentem, pars insulam proximam incolit, ut esse vrbes duae videantur, ut refert Strabo.

10 In Erythris olim cum Basilidæ. Erythra siue Erythria vrbs est Ionia. Basilidæ autem vocabantur qui genus ducebant ab Androclo filio legitimo Codri regis Atheniensium Ephesi conditore, qui prius Ionia, colonia, deinde Aeolum imperauit, & Ephesum urbem condidit; quare Ionum regia constituta est Ephesi, ut Strabo memorat lib. xiiij. qui Androclic posteros non Basilidas quasi regios, sed reges nominari solitos scribit, & regia insignia retinere, & quibusdam in rebus habere prerogatiuam, quemadmodum hodieq; in Italia Comites vocantur, qui genus à Comite, & Marchiones qui à Marchione ducunt, quamuis nihil principatus habeant, nisi fortè βασιλῆς mendose προβασιλῆαι, in Strabonis codice scriptum est, quemadmodum in Aristotelico corruptè, ut arbutror. scriptum est, βασιλιδων, id est reginarum, προβασιλιδων, id est regiorum, discrimine accentus duntaxat sic enim vocantur qui genus à rege ducunt. Posteriores ergo Androclic regis ut videtur, in Erythra, & alijs fortasse Ionia ciuitatibus paucorum potentiam exercebant, qui ut Heraclida ab Hercule, sic ipsi à rege Androclo Basilida nominabantur.

11 Etiam inter admodum paucos assentator popularis existit. Nam etiam in ipsis paucis cum sint quidam qui maiorem habent auctoritatem, pra quibus ceteri sunt quasi vulgus seu plebs, sic nonnunquam ut aliquis his qui tanquam vulgus inter paucos sunt, se ducem & assentatorem praebeat.

12 Ut Charicles Athenis inter triginta. Bello Laconico victi Athenienses à Lacedamonys duce Lysandro coacti sunt ex ipsis Atheniensibus triginta recto

ta rectores ciuitatis accipere, quorum arbitrio Respub. gereretur, vt ex Repub. populari paucorum potentia fieret, quod vbique Lacedamonij facere conabantur, qui triginta prorectorib. tyrannos sese prabuērunt. Horum igitur triginta, quasi vulgo ducem & assentatorem sese Charicles prauit, & inde potentiam est adeptus, vt Phryniscus inter quadringentos, de quibus supra diximus cap. iij.

13 Vt in Larissa Politophylaces. Larissam Thessalia quae celeberrima fuit dicere videtur. Nam multa alia Larissa fuerunt. Politophylax nomen magistratus est, quod ciuium custodem significat.

14 Magistratus ex magnis censibus vel factionibus creantur. Vt si nemo imperator, siue dux exercitus constitui inter Romanos posset, qui Senatorium censum non haberet, vel non esset ex factione Pompeiana: vt saepe cum ciuitas scissa est in partes seu factiones accidit, quarum quae inualuerit, hac ex altera magistratus deligi non sinit.

15 Vt accidit in Abydo. Abydos vrbs est in Asia ad Hellespontum contra Septem urbem alteram in Europa. Abydo igitur accidit, vt populus duce quodam ex ipsis paucis Rempub. inuaderet.

16 Vbicunque iudicia exercentur. Quod fit dupliciter, vel à iudicibus priuatis etiam controuersias minuētib. & causas diiudicantibus: vel à ciuib. magistratus mandantibus. nam hoc etiam est de candidatorum dignitate, alijs alios preferendo iudicare. Itaque ipsam magistratuum delectionem iudicium solet Aristoteles nominare.

17 Nam qui paritatem quærunt. Pauci per reductionem ad minorem numerum exclusi, dum in honoribus & commodis pares esse paucissimis illis moliantur, auxilium petunt à populo.

18 Et Amphipoli. Quod oppidum est in Macedonia.

19 Et in Aegina. Insula vna ex Cycladibus, vbi quidam consumpto patri-
monio Charetem amicum suum tyrannum facere conatus est, vt ea ratione ipse quoque opes adipisceretur.

20 Mouere aliquid. Statum Reipub. mutare.

21 Res communes compilant. Rempub. furto defraudant.

22 Vel ab his inter ipsos. Vel hi pauci dissident inter se, vel seditio inter compilatores, & eos qui sese illis opponunt oritur.

23 Reipub. Pharsalicæ. Oppidi Thessaliae.

24 Eratque dynastica delectio. Conueniens dynastia, qui est pessimus status paucorum potentia.

25 Atque ei similis, qua Senatores Lacedæmone leguntur. Apud Lacedamonios viginti octo Senatores erant, vel triginta, duobus regibus con-

numeratis: in demortui verò locum sufficiebatur, qui esset optimus virtute indicatus, annos natus supra sexaginta. De ratione autem eligendi vide Plutarchum in Lycurgo.

26 Vel si plures sint dynastiam. Si vnus est præsidiū paucorum præsectus, si tyrannidem interdum inuadit, si plures vno hi Remp. ad se trahunt, & dynastiam qua tyrannidi similis est exercent.

27 Remp. cum ipso populo communicant. Et sic definit esse paucorum potentia.

28 Aleuadarum samiorum principatu. Aleuada, ut refert Suidas, erant nobilissimi Larissa vrbis Thessalia, genus ab Aleuorege ducentes, quos Samios vocat Aristoteles, vel quia ex Samo erant oriundi, vel quia Samo imperitabant.

29 Factionum tempore. Tempore Lysandri Lacedæmoniorum ducis, qui Athenienses debellauit. Hic enim cum Ephesum audacissimum queng, ex vrbibus euocasset; hos hortatus est ut factiones in suis ciuitatibus inirent, ac res nouas molirentur, imperia & honores pollicitus cum Athenienses fuissent debellati. Itaque auctore Lysandro factiones per vrbes extiterunt, & paucorum potentia, & decemuiratus euersis statibus popularibus facti sunt. Illos igitur decemuiratus, quos potentes & factiosi homines inuaserunt & exquiras, hoc est factiones Aristoteles vocat, ut Plutarchus & ceteri scriptores, propterea quod ex partibus qua per factionem vicissent, decemuiui, constituebantur, qui Rempub. sua libidine gerebant.

30 Quarum vna erat Iphiadæ. Vnius factionis princeps erat Iphiades.

31 Erethriæ. Quod oppidum est in Euboea insula.

32 Ex iudicio tribunalis. Non ex iudicio suffragiorum.

33 Nimis heriliter imperarent. Imperium in plebem, ut importuni domini in seruos exercerent.

34 Nam sæpe cum census fuerit pro ratione temporum definitus. Ut si in paucorum potentia tempore aliquo census vnde magistratum adire liceret, quadringentorum numerum definiretur, qui esset tunc temporis magnus, fieri potest ut possessiones quæ eo tempore quinquaginta numis valebant, eadem postea quadringentis aestimentur, quæ ratione plerisque magistratus patebunt itaq; casu definit esse paucorum potentia, quemadmodum hac memoria in Hispania propter magnam auri & argenti copiam ex orbe nouo importatam, pretia possessionum in quintuplū, eoque amplius creuerunt.

35 Ex legitimis statibus popularibus. Qui tolerabiles sunt, & in quibus leges vim & auctoritatem habent.

36 In dominantes. Dominantes vocat status populares & paucorum potentias, ubi

as, ubi non ex legibus, sed ex voluntate imperantium Respub. administratur: dominantur enim populus & pauci non leges qui sunt pessimi status vtriusque Reipublicæ.

CAPVT VII.

IN statibus autem optimatum, seditiones quædam existunt, 1. quia pauci sunt qui honoribus funguntur, quare paucorum etiam potentias mutari diximus. Satus enim optimatum quodammodo est paucorum potentia. Nam utrobique pauci sunt qui tenent imperium, licet 2. non eadem ratione pauci, 3. idcirco enim status optimatum videtur esse paucorum potentia. Sed hoc tunc maximè usu venire necessarium est, cum multi sunt ea opinione sublati, quòd virtute sibi pares esse videntur, ut Lacedæmonij Parthenij nominati: 4. ex similibus enim procreati fuerant, qui deprehensis infidijs quas Reipublicæ tendebant, Tarentum in coloniam deduciti sunt: vel cum quidam viri magni & nihilo virtute inferiores indignè & cum dedecore ab aliquibus honoratioribus tractantur, ut 5. Lysander à regibus: vel cum aliquis à fortitudine præstans ad honores non admittitur, 6. ut Cinadon, qui tempore Agésilai auctor fuit conspirationis in Spartanos factæ. Præterea cum alij nimia paupertate sunt depressi, alij magnas opes habent, quod maximè in bellis efficitur, acciditque Lacedæmone sub bellum, quod cum Messenijs fuit, ut Tyrteus poeta in opere quod inscribitur Eunomia testatur: quidam enim bello attriti, 7. ut fieret bonorum æquatio postularunt. Item si quis magnus sit, & facultatem habeat augescendi, dum cupit solus imperio potiri, quod Lacedæmone Paulanias 8. qui dux bello Medorum fuerat: molitus fuisse videtur, 9. & Hanno Carthagine. Sed maximè tum Respublica, tum status optimatum dissoluuntur, si ius in ipsa Republica violetur. 10. Nam principium est, quod non est rectè status popularis cum paucorum potentia in Republica temperatus, & hæc utraque cum virtute in optimatum gubernatione, sed duo maximè, popularem dico, & paucorum potentiam: hæc enim Respublica & magna pars earum quæ status optimatum dicuntur, miscere conantur. Nam hoc discrimine status optimatum à vocatis Rebus publicis differunt, ac propter hoc quædam ipsarum minus: aliæ magis sunt stabiles, quoniam quæ magis inclinant ad paucorum potentiam, status optimatum

- matū nominātur: Respublica verò quæ ad multitudinē. Quamobrem 11 quæ huiusmodi sunt, tutiores alijs habentur: 12 nam quod plus est, plus habet roboris: & qui habent æquale, magis sunt præfenti statu contenti. Locupletes autem si cæteris in Republica præferantur, contumelias inferre & plus sibi vindicare conantur: Ad summam, si Respublica in partem alterutram inclinet, in eam trāsferitur, vtrisque suam partem augere conantibus, hoc est Respublica mutatur in statum popularem: optimatum gubernatio in paucorum potentiam: aut in opposita, vt status optimatum in popularem, quoniam egentiores quasi iniuriam accipiant, Rempublicam in oppositum trahunt: Respublica verò in paucorum dominatum: hoc enim solum confirmat, stabilemque facit statum Reipublicæ
13. 13 si pro dignitate paria tribuantur, & quæ sua sunt quisque retineat. Quod verò dictum est, id in Thurijs vsu venit. Nam cum magistratus à maiore censu crearentur, in minorem transiuit, & plures magistratus. Cum autem nobiliores totius regionis agros sibi vendicassent, 14 erant enim potentiores, cum Respublica ad paucorum potentiam inclinaret, populus armis belloque exercitatus, potentior præsidio factus est, donec qui plura possidebant, agris cesserūt. Præterea quoniam omnes optimatum Respublicæ in potentiam paucorum inclinant, idcirco nobiles plura sibi vendicant: vt Lacedæmone patrimonia in paucorum possessionem redacta sunt, magisque licet nobilibus quicquid voluerint efficere, & cum quo velint affinitatem contrahere, quæ causa fuit interitus Locrorū Reipublicæ, 15 propter Dionysij affinitatem, quod nec in statu populari, nec in optimatum 16 bene temperata Republica vsu veniret. Sed tum maximè status optimatum latenter dissoluitur, cum paulatim intercidit, vt suprà de cunctis Rebus publicis vniuersaliter diximus exiguitatem mutationum esse causam. Nam cum ex his aliquam Reipublicæ partem neglexerint, aliud deinde paulò maius facilius mutant, donec totum ornatum ac ordinem euertant, vt 17 in Thuriarum Republica vsu venit. Nam cum esset lege cautum ne quis exercitum duceret, nisi quinquennio intermisso: quidam ex iuuetute rei militaris vsu opinionemque virtutis 18 apud præsidiariam multitudinem nacti, dum magistratus contemnunt, & se facile id obtinere posse putant, primum hanc legem antiquare conantur, 19 vt eisdem 19 continenter duces esse liceret, cum se non dubitarent populi suffragio huic muneri libenter esse præficiendos. Magistratus ve-

tus verò, consiliarij nuncupati, quibus fuerat huius rei cura delegata, cum se primum illorum conatib. opposuissent, cessere tamen, dum sibi persuadent hac lege soluta, illos à cætera Repub. temperaturos. Sed postea cum aliarum rerum mutationi vellent obfistere, nihil profecerunt, sed totus ordo Reipublicæ 20 in eorum qui reb. 20. nouis studuerant, dominatum transiit. Cæterum Respublicæ omnes modo à se, modo extrinsecus dissoluuntur, cum prope est contraria Respublica, aut pocul quidem, alens tamen exercitum. quod Atheniensium atque item Lacedæmoniorum principatui accidebat. 21 Nam vbique Athenienses paucorum status, Lacedæmonij 21. populares dissoluebant. Mutationes igitur ferè Reipub. ac seditiones vnde nascerentur, explicuimus.

Scholia in Caput VII.

1 IN statibus autem optimatum seditiones quædam existunt. Multis ex causis seditiones in optimatum Rep. commouentur. Primum ob hoc tantum quod pauci sunt, qui Reip. præsumunt, ut superiore capite de paucorum potentia, præsertim in exemplo Basilidarum memoratum est. Sed causa potissima sunt, quum præter optimates sunt alij incivitate qui se illis virtute non inferiores esse putant: vel cum viri virtute præstantes indignè tractantur ab honoratoribus, vel ad honores non admittuntur. Præterea cum alij ditissimi sunt, alij pauperrimi. Item si quis magnopere emineat, & habeat tyrannidem occupandi facultatem. Sed tunc maxime Resp. & status optimatum euertitur, si ius in ipsa Rep. violetur. huius enim mali origo est in eo, quod non recte Resp. popularis cum paucorum potentia in Rep. mixta est, nec Resp. popularis & paucorum cum virtute in statu optimatum. Quo fit ut hi status modo in paucorum potentiam, modo in popularem transeant, sed omne genus Reip. nunc interno & domestico malo, ut declaratum est, euertitur, nunc ab externis potentioribus qui talem statum ciuitatis non probant, deletur.

2 Non eadem ratione pauci. Quoniam in paucorum potentia pauci diuites Reip. præsumunt, in statu optimatum pauci virtute præstantes, quorum virique pauci esse solent.

3 Idcirco enim. Quia pauci sunt optimates qui Rempublicam moderantur.

4 Ex similibus enim procreati fuerant. quoniam Lacedæmonij, ut Troglus refert, cum Messenyis propter stupratas virgines suas in solenni Messeniorum sacrificio bellum intulissent, grauissima sese execratione obstrinxerunt,

K k

runt,

runt, non priusquam Messenam expugnassent, reuersuros. Sed cum bellum esset in decennium protractum, ut posteritati consulerent, legunt iuuenes ex eo genere militum, qui post iusiurandum in supplementum venerant, quibus Spartani remissis promissuos omnium sceminarum concubitus permiserunt, maiorem futuram conceptionem rati, si eam singula per plures viros experirentur: ex his nati ob notam materni pudoris Parthenij sunt vocati. Hi ergo deprehensis insidijs, quas patria moliebantur, in coloniam Tarentum deducti sunt, quoniam excedere iussi ipsi, ut Trogius scribit, assumpto Phalanto duce ad sedes requirendas proficiscuntur, diuq; & per varios casus iactati, tandem in Italiam deferuntur, & oppugnata Tarentinorum arce, ac veteribus colonis expugnata sedem sibi constituerunt.

5 Lysander à regibus. Lysander dux Lacedamoniorum, à regibus ipsius virtuti & gloria inuidentibus male tractabatur: quare & ipse regnum mutare ratione quadam conatus est, de qua supra memorauimus.

6 Ut Cinadon, qui tempore Agefilai Cinadon auctore Xenophonte, iuuenis erat robustus & audacissimus, qui primo anno Agefilai regis cum alijs Spartanus in regem & primos ciuitatù conspirauit. Quod cum esset per indicem delatum, comprehensus est, rogatusq; cur tantum facinus moliretur, nihil aliud respondit, quàm ne postremus esset Lacedamone. Itaque manibus ad tergum reuinctus per vires cum conscjs circumfertur, casiq; primum verberibus, pœnas cogitati sceleris dederunt.

7 Ut fieret bonorum æquatio. ut agri pariter inter omnes diuiderentur.

8 Qui dux fuit bello Medorum. Deuicti, pulsi q; Gracia Persis (quos Aristoteles Medos vocat, quia idem erat Persarum Medorumq; rex, & virique Xerxem sequuti sunt) Lacedamonij ut Persas vincerentur, vltro eorum fines depopulari constituunt. Cuius rei gratia suo sociorum q; exercitui Pausaniam praeficiunt, qui producatu regnum Gracia effectans, proditiōis praemium cum Xerxe, nuptias filiae eius, paciscitur: quo enunciato, Pausanias non multo post accusatus & damnatus est.

9 Et Hanno Carthagine. Hanno cum suis opibus Carthaginienſis Reip. vires superaret, seiatum concidere, & regnum occupare conatus est. quo enunciato captus est, virgulaq; casus, & effusus oculis, & manibus crucibusq; fractis, in conspectu populi occisus.

10 Nam principium est. Principium, unde iuris violatio, & seditiones oriuntur, est in eo, quod non recte mista temperataq; est Resp. popularis cum paucorum potentia, quarum proba temperatio probam Remp & firmam facit. Eodemq; modo recta popularis & paucorum potentia cum virtute temperatio, rectam & stabilem facit optimatum Remp. Atque ediuerso non re-

sta de.

Et debitem & infirmam: contraria enim contrariorum efficientia sunt.

11 Quæ huiusmodi sunt tutiores alteris habentur. Resp. quæ ad popularem formam inclinant, tutiores stabilioresq; sunt, quàm optimatū status, qui ad paucorum potentiam.

12 Nam quod plus est, id plus habet roboris. In Rep. quæ ad popularem inclinat, plures sunt ij quibus Resp. communicatur, quàm in statibus optimatum, qui ad paucorum potentiam inclinant ac proinde plus roboris ac virium ad stabilitatem, & firmitudinem habent, licet status optimatum perfectior atque expetibilior sit.

13 Si pro dignitate paria tribuantur si pro ratione proportioneq; merito-rem & dignitatis honores & commoda cuiq; tribuantur, quæ aequalitas geometrica nominatur.

14 Erant enim potentiores. ἔδουαυτο πλεονεκτηῖν. Hoc enim verbum πλεονεκτηῖν, quo frequenter vititur Aristoteles, multas habet intelligentias. nam & auare sese gerere significat, & aliena inuadere, & plusquam oportet sibi sumere, & interdum maiorem facultatem seu adiumenta ad rem gerendam habere, vt hoc in loco.

15 Propter Dionysij affinitatem. Dionysius senior vxorem Doridæ ex gente Lectorum duxit nobilis, atq; potentis familia, cuius affinitatis occasione Lectorum Remp inuasit.

16 Penetemperata Rep. Recte ex populari & paucorum potentia mixta.

17 In Thuriorum Rep. quæ ciuitas Græcæ est, in Italia.

18 Apud præfidiariam multitudinem. Apud multitudinem militum qui erant in præsidio.

19 Continenter esse duces. Nullo interiecto tempore.

20 In eorum, qui rebus nouis studuerant dominatum transfuit. In paucorum potentiam mutatus est, eamq; formam quæ dynastia siue dominatus dicitur, quæ huius generis pessima est, paucis illis turbulentis hominibus Rempub. arbitrati & libidine sua exagitantibus.

21 Nam vbique Athenienses. Athenienses quoniam ipsorum Resp. ad popularem inclinabat, quasq; vrbes in diuionem redegissent, earum

Resp. populares faciebant: Lacedæmonij contra paucorum potentias, quia talis erat ipsorum Respublica.

CAPVT VIII.

1. 1 SEQUITVR, vt de ipsarum conseruatione, tum communi-
ter, tum separatim de singulis differamus. Sed illud primum omni-
um dubitari non potest, quin cognitio ijs quæ Rebus publicis inter-
tum important, ea quoque quæ salutem afferunt intelligatur, cum
contraria contrariorum sint efficientia. Interitus autem salutis cō-
2 trarius est. Igitur 2 in Rebus pub. bene temperatis prouidendum est
in primis, ne quid præter instituta moresque fiat, sed maximè om-
nium quod exiguum est, cauere debet. Detrimentum enim laten-
ter obrepit, quia non totum simul contrahitur: ab hic enim rebus
3 decipitur intelligentia, 3 vt ratio illa copiosa est, Si vnumquodque
4 paruum est, erunt & omnia parua: quod 4 est quodammodo ve-
rum, quodammodo secus. Nam totum & omnia non sunt res par-
ua, sed ex paruis constituuntur. Vna igitur cautio in hoc initium est
adhibenda, deinde videndum ne fides habeatur commentis calli-
5 de ad populum circumueniendum excogitatis, quippe 5 quæ rebus
ipsis conuincuntur. Quæ autem commenta & dolos Rerum publi-
carum dicamus, suprà declaratum est. Licet autem animaduertere
quosdam non solum optimatum, sed paucorum etiam status con-
seruari, non quòd sint Res publicæ tutæ, sed quoniam qui magistra-
6 tibus præfunt, tum in eos 6 qui extra Rem publicam sunt, tum in
socios Reipublicæ administrandæ recte se gerunt, dum eos quibus
7 Res publica non communicatur, iniuria non afficiunt, & 7 ipsorum
primarios in publicam administrationem accipiunt, nec ambitio-
sos honore, nec multitudinem quæstu defraudant. Ipsi verò qui
8 Rem publicam gerunt, 8 inter se populariter tractant: quam enim
æqualitatem populares in multitudine quærunt, hanc similes inter
se tenere non modo iustum est, sed etiam vtile. Itaque si complu-
res sint qui Rem publicam gerunt, multa instituta popularia his te-
nere conducit. exempli gratia, vt Semestres sint magistratus, quo
similibus cunctis communicentur. Nam qui similes sunt inter se, hi
quasi populum quendam conficiunt. quo fit, vt sæpe inter eos duces
9. & adulescentes populares, vt suprà docuimus, existant 9 Item hac ra-
tione paucorum potentia & status optimatum minus in dynastias
transeunt: non enim similis est occasio malum aliquod moliendi si
breui tempore, ac si diutius magistratib. præfint. Nam hæc est cau-
sa cur

facur in paucorum potentijs & statibus popularibus tyrannides
 occupentur aut enim qui sunt in vtraque Republica maximi, 10 in
 altera assentatores ducesque populares, 11 in altera dynastia, aut qui 11.
 maximis magistratibus praesunt, 12 si longo tempore imperium 12.
 teneant, tyrannidem inuadunt. Conseruantur etiam Respublicae
 non solum quia procul absunt ab ijs quae interitum afferunt, sed in-
 terdum etiam quia prope sunt. Nam timor intentiore cura Reipu-
 blicae consulere cogit. 13 Quibus ergo cordi est Reipublicae salus, 13.
 hos oportet timores iniicere, vt vigilantiores sint ciues, nec Rei-
 publicae custodiam 14 tanquam excubias remittat, & pericula quae 14.
 procul absunt velut impendentia denuntiare. Adhuc ne conten-
 tiones ac seditiones inter nobiles oriantur, per leges oportet caue-
 re, & eorum 15 qui extra seditionem sunt, animos antequam eo- 15.
 dem malo implicentur, occupare. Nec enim cuiusuis hominis est,
 sed ciuili intelligentia praediti, 16 malum quod efficitur in princi- 16.
 pio cognoscere. Vt autem paucorum potentiae vel Reipublicae mu-
 tationi, quae per census efficitur occurratur, cum hoc, manentibus
 eisdem censibus, 17 sed vbertate succedente vsu venit, commodum 17.
 est communis census magnitudinem cum praeterito conferre: in
 ciuitatibus quae censentur singulis annis, 18 per hoc tempus: in ma- 18.
 ioribus autem, tertio vel quinto quoque anno. & si multis partibus
 aut maior fuerit, aut minor, quam eo tempore, cum ratio census ad
 capeffendam Rempublicam fuit instituta, ex constituta lege vel
 augere, vel census rationem minuere: augentes, 19 si creuerint o- 19.
 pes: minuētes, si decreuerint, pro ratione facte 20 accelfionis aut de- 20.
 celfionis. Quo praetermisso, in paucorum potentijs ac Rebus publi-
 cis, 21 vno modo hic potentia paucorum existit, illic dynastia: 22 al- 21. 22.
 tero ex Republica status popularis, ex paucorum potentia Reipub.
 vel populus fit. Illa verò cautio in populo paucorumque potentia,
 & in omni Republica communis est, ne quem augeant 23 vltra cō- 23.
 menium, sed curent vt paruos & diuturnos honores potius quam
 ad breue tempus magnos attribuant. Corruptuntur enim, nec cu-
 iusuis hominis est 24 secundam fortunam ferre: aut certe cauē- 24.
 dum est ne cum multos simul honores tribuerint, eosdem simul
 auferant. Sed paulatim ac primum omnium magna cura legibus est
 prouidendum, ne quis magnopere vel clientelis, vel opibus poten-
 tior fiat: si quis autem contra eas leges fecerit, 25 exilio sancire. Et 25.
 quoniam per vitam quoque priuatam res nouas moliuntur, magi-
 stratum

stratum constituere conuenit, ad obseruandum eos, quorum vita
 26. 26 à Reipublicæ rationibus abhorreat, status popularis in statu po-
 populari, paucorum potentia in paucorum dominatu, & in cæteris
 Rebus publicis eodem modo. Ab ijs quoque per partes cauendum
 27. 27 est eisdem de causis, qui vitam in vrbe 27 per otium & voluptatem
 transigunt. Cuius mali medicina in eo posita est, vt rem gerendi
 cura, magistratusque partibus oppositis tribuatur (opposita autem
 esse dico viros probos vulgari turbæ, egenosque diuitibus) curan-
 28. dumque vt egenorum multitudo cum opulenti misceatur, vel 28
 29. 29 media pars augeatur: hæc enim seditiones dirimit, quæ 29 propter
 imparitatem existere solent. Sed caput est in omni Republica, vt le-
 gibus, & omni alia ratione prouisum sit, ne qua facultas quæstus fa-
 ciendi magistratibus relinquatur. Quod maximè cauendum est in
 paucorum potentijs. Nec enim vulgus tam molestè fert excludi se
 à magistratibus gerendis, quin latatur potius, si suis rebus vacare
 permittatur, quam si sibi persuaferit Rempublicam à magistrati-
 bus compilari: tunc enim vtrunque ei molestum est, quòd nec ho-
 30. norum particeps sit, 30 & quòd à quæstibus summoveatur. Cæte-
 31. rum 31 vna duntaxat ratio est, qua simul esse possint status popula-
 ris & optimatum, si quis id quod fieri potest perficiat, vt tum nobi-
 libus, tum plebi quod vtrique petunt tribuatur. Vt enim cunctis a-
 ditus ad magistrat' pateat, populare est: vt autem nobiles magistra-
 tus gerant, rationem optimatum attingit: quod fiet si magistratibus
 sublata sit quæstus faciendi facultas: Inopes enim magistratum ge-
 rere nullo compendio proposito recusabunt, sed res suas agere præ-
 optabunt: Diuitibus autem cum nihil rebus communibus indige-
 ant, magistratus gerere licebit: ita fiet vt inopes operibus vacantes
 ditescant, nobiles non sint imperio vulgari hominum subiecti.
 Compilationibus autem Reipublicæ sic occurratur, si ciuibus om-
 32. nibus præsentibus pecuniæ tradantur, & 32 rationum exempla per
 classes centuriasque & tribus deponantur. Vt verò magistratus sine
 quæstu gerantur, legibus oportet honores esse propósitos ijs, quo-
 rum indutria fuerit approbatione omnium commendata. In stati-
 33. bus autem popularibus sic locupletibus parcere conuenit, vt non
 33. modo possessionum, sed ne fructuum quidem fiat æquatio. 33 quod
 34. in quibusdam Rebus p. latenter efficitur. 34 Quin satius est eos pro-
 hibere, si munera velint sumptuosa quidem, sed inutilia vt specta-
 cula, & ludos, ac cætera id genus exhibere. In paucorum autem po-
 tentijs

rentijs magna est egenorum habenda cura, eisq̃ue mandandi quæ-
stiuosi magistratus: & grauiori pœna sanctiendum, si quis locupletū
in pauperes, 35 quàm si quis ipsorum contumeliam inferat. Com. 35.
modum est etiam vt hæreditates 36 non donatione, sed iure cogni- 36.
tionis tradantur, vtq̃ue ad eundem vna non plures hæreditates per-
ueniant: sic enim erunt magis æqualia patrimonia, pluresq̃ue fient
ex pauperibus locupletes. Sed & illud tum in populari, tum in statu
paucorum prodest ijs potius quibus minus Respublica communi-
catur ex cæteris rebus paria, vel etiam potiora tribuere: diuitibus
dico in populari, egenis in paucorum dominatu imperia tamen seu
magistratus, quibus est in Rem publicam summa potestas, ijs 37 qui 37.
de Republica sunt, vel solis, vel pluribus mandare.

Scholia in Caput VIII.

R SEQUITVR vt de ipsarum conseruatione, tum communiter,
tum separatim. Multa sunt Respub. conseruandirationes, sed illa commu-
nis, ne quid fieri contra leges & instituta permittatur: quod maximè cauē-
dum est in rebus exiguis, quoniam hæc maximè latent. Item ne se homines
callidis commentis capi permittant, quibus insidiæ cuiq̃ Res p. geri tendun-
tur, de quibus suprā memoratum est. Prodest etiam eos qui magistratib. præ-
sunt rectè se gerere, tum cum ijs qui Remp. non gerunt, tum cum cæteris, qui-
bus Respub. communicatur, vt illos iniuria non afficiant, cum hi populariter
se gerant. Item curam præsentis status Reipub. non remittere, ad quod vile
est timores inijcere quò diligentius custodiatur. Præterea legibus cauere no-
bilitum: seditiones, & si oriantur, eorum animos occupare, qui nondum sedi-
tione sunt implicati. Sed in paucorum potentia, mutationi quæ per censum
vbertate succedente fit, occurratur, si ciuitas certis temporibus censeatur, &
inita patrimoniorum diuitiarumq̃ ratione, census vel augeatur vel minua-
tur, vt proportionem ad primum institutum redeat. Illa quoq̃ cautio cunctis
Rebus publicis communis, ne quis honoribus, & potentia ultra commensum au-
geatur. Item legibus providere, ne quis opibus & clientela nimium crescat,
constituta exilij pœna, si quis legum terminos excedat. Est etiam vtile magi-
stratum creare, qui priuatorum viuendirationem exploret, si qui sint vitia
Reip. rationibus contrariâ agentes, quiq̃ in otio & voluptate degant, qui in-
terdū rebus nouis studere solent. Sed primum omnium est in omni Repub. providen-
dū, ne quæ ratio seu facultas magistratib. habendi quæstui Rēp. relinquatur:
cui malo sic occurrere potest, si pecunia corā omni populo tradantur, & exem-
plaria.

pla rationum apud tribus seu centurias deponantur, item si premium bene gesta Reipub. honores proponantur. Confert etiam tum in statu populari, tum in paucorum potentia, exceptis summis magistratibus, & in quibus summa Reipub. veritur, cetera liberaliter ijs qui minus sunt Reipub. participes communicare.

2 In Rebus publicis bene temperatis. Recta ratione mixtis ex populari & paucorum potentia.

3 Ut ratio illa captiosa est. Ea ratiocinatio qua homines hac in parte decipiuntur, fallax est.

4 Quodammodo verum est Nam omnia distributive parva sunt, non autem collectivè.

5 Quæ rebus ipsis conuincuntur. Quæ factis & exitu redarguuntur, & fallacia esse declarantur.

6 Qui extra Rempub. sunt. Qui non gerunt magistratus, vel potius quibus non patet aditus ad Rempub. gerendam.

7 Ipsorum primarios. Ad populares in paucorum potentia hoc referri debet, ut qui inter populares eminent, iij in paucorum societatem ad Rempub. capeffandam assumantur.

8 Inter se populariter tractent. Ut mutua consuetudine sic utantur inter se, ut populares solent inter ipsos, ut pares scilicet cum paribus vivere consueverunt.

9 Item hac ratione. Si æqualitatem quandam seruent inter se, & rationem ineant, ut ipsis omnibus honores contractis temporibus communicentur, minus paucorum potentia aut status optimatum transeant in dynastiam, quæ similis est tyrannidi.

10 In altera assentatores, ducesque populares. In populari principes populo blandientes.

11 In altera dynastæ. In paucorum potentia aliqui ex ijs paucis qui sua libidine Reipub. agitat, quæ forma Reipub. cum ad eam paucorum licentiam peruenit, dynastia nominatur.

12 Si longo tempore teneant imperium. Ut accidit Iulio Casari inter Romanos cum decem annos imperium militare in Gallia tenuisset.

13 Quibus cordi est Reipub. salus. Qui Rempub. saluam esse volunt.

14 Tanquam excubias remittant. Quasi nocturnas stationes seu vigilas quæ intento animo agi debent, imminente periculo.

15 Qui extra seditionem sunt. Qui nondum participes sunt seditionis.

16 Malum quod efficitur in principio. Non temporis principium dicit, sed rei: nobilitas enim quasi principium est Reipub. ut supra declarauimus.

17 Sed

17 Sed vbertate succedente. *ἐν τοιαύτη γιγνόμενῃ*. Sic enim legitur in exemplaribus emendatis, sublato verbo *νομισματός* quod in vulgatis redundat. Nam quod hic *ἐν τοιαύτῃ*, id est vbertatem siue copiam, idem supra capite sexto, *ἐν τῇ πείῃ*, id est temporum felicitatem vocauit, cum per otium & pacem aliasq; causas pretia possessionum auferuntur.

18 Per hoc tempus. Id est singulus annus.

19 Si creuerint opes. Pretia possessionum vel diuitia multorum.

20 Accessionis aut decessionis. Augmenti vel decrementi.

21 Vno modo. Per decessionem seu decrementum.

22 Altero. Per accessionem & incrementum.

23 Ultra commensum. Ultra symmetriam seu proportionem, quod fit cum pars maior quam pro ratione totius existit, & vis potentior sit, quam pro ratione ciuitatis, praesertim si sui vincat ciuitatis opes.

24 Secundam fortunam ferre. Non insolescere rebus prosperis.

25 Exilio sancire. Exilij poenam constituere, vt per ostracismum Athenis fiebat, aut aliter in exilium mittere, si quis legibus modum diuitijs & clientelae imponentibus non paruisset.

26 A Reipub. rationibus abhorreat. Si quis aliter viuat quam ratio Reipublica postulat, cuiusunque generis sit,

27 Per otium & voluptatem transigunt. Quod partim socordia & inertia fit, vt in pauperibus qui dum laborem fugiunt, furtis, alea, vel alijs malis artibus victum quaerunt, partim morum corruptione, vt in diuitibus qui se nec ad Reipub. gerendam conferunt, nec literis aut philosophia, alijs ve honestis studijs vacant, sed turpes voluptates consectantur.

28 Media pars Qui mediocres habent facultates.

29 Propter imparitatem. Ditissimorum & egenorum.

30 Et à quæstibus lum moueatur. Quos faceret, si ad gerendam Remp. admitteretur.

31 Vna duntaxat ratio est, qua simul, &c. Nam quia cunctis Reipub. gerere licet, idcirco popularis dici potest quia verò nobiles & optimates magistratus gerunt, status optimatum.

32 Rationum exempla Exempla librorum accedentis & expensis.

33 Quod in quibusdam Rebus pub. latenter efficitur. Duobus potissimum modis hoc fieri posse videtur: Vno, si magna tributa diuitibus imponantur ad pauperimos alendos, ad publicos sumptus, vt pauperes sint immunes: Altero, si diuites ipsi sua sponte magnas popularium familias alant, vt proceres in Hispania tum factionum gratia, tum per liberalitatem vel ambitionem consueuerunt. hac enim ratione fructus vectigalium locupletum la-

enter inter populares diuiduntur.

34 Quia satius est eos prohibere, si munera populo dare velint. βέλτιον δὲ τὸ βυλομένους καλύπτεν λατρυγῆν. Sic enim scriptum est in codicibus emendatis.

35 Quam si quis ipsorum. Pauperum, ut contumelia à diuise illata pauperi grauius vindicetur, quam si ab altero paupere inferretur.

36 Non donatione, sed iure cognationis. Ne liceat patri filios exheredare: & cui vellet, patrimonium relinquere, ut licet in Aragonia.

37 Qui de Repub sunt. Id est ex eorum numero, in quorum potestate Respublica est, ut solu paucis in paucorum potentia, optimatibus in ipsorum statu, popularibus in populari magistratus mandentur, vel si cum alijs gerant, sint ipsi numero plures.

CAPVT IX.

- 1 SED tria quædam adesse ijs oportet, qui summis magistratibus præesse debent primum 2 præsentis status Reipublicæ charitas,
- 3 deinde 3 maxima facultas ad munera magistratus obeunda, tum virtus & iustitia in Republica, 4 cuiusque Reipublicæ rationi accommodata. Nam si ius non idem est in omnibus Rebus publicis, necesse est ut iustitiæ discrimina sint. Sed cum hæc non omnia in eodem reperiuntur, qua ratione sit electio facienda quæritur: exempli gratia, si quis facultate præditus sit ducendi exercitum, improbus tamen habeatur, nec amicus Reip. alter iustus sit, & Reip. studiosus, quomodo sit facienda delectio. Duorum tamen ratio
- 5 habenda esse videtur, 5 cuius rei magis sint omnes compotes, & cuius minus. Itaque in imperatore deligendo, rei militaris peritia magis, quàm virtus spectari debet, nam minus rei militaris, magis autem probitatis compotes sunt. Ad custodiam verò & quæsturam contraria debent spectari, hoc enim munus virtutem vulgari
- 6 maiorem desiderat, 6 scientia verò omnib. est communis. Sed quærat aliquis, si facultas adest muneris obeundi, & studium Reipublicæ, quid opus est virtute, cum hæc duo ad commodè Rempublicam administrandam sint satis? an idcirco virtus etiam desideratur, quoniam fieri potest, ut qui duobus his præditi sint, tamen in-
- 7 continentes habeantur? Ergo quemadmodum incontinentes, 7 cum sciant, & se ipsos ament, non tamen sibi obtemperant, sic accidere quibusdam in Rempublicam potest. Cæterum vniuersè quæcunque

cunque legibus sancita Rebuspub. commoda esse dicimus, his o-
 mnibus Respublicæ conseruantur. Sed caput est, quemdamodum
 sæpe diximus, vt quo multitudo quæ præsentī statu Reipublicæ cō-
 tenta est, potentior quàm diuersa sit prouideatur. Sed præter hæc o-
 mnia, illud intelligere oportet, cuius nunc ignoratione Respublicæ
 quæ à medio discessere tenentur. Nam multa sunt quæ cum popu-
 laria esse videantur, tamē Respublicas populares labefaciunt: & pau-
 corum potentias, multa quæ huic generi accommodata esse viden-
 tur, euertunt. Qui verò 8 hanc vnam virtutem esse putant, hi ad ex- 8.
 cessum trahunt, magno scilicet errore, vt enim nasus qui à pulcher-
 rima rectitudine in aduncum aut sinum deflexit, adhuc tamen
 honestus est, & visu non iniucundus, si quis autem immodicè pro-
 ducat, primum 9 mediocritatem partis sustulerit, ad extremum vt 9.
 ne nasus, quidem esse videatur, 10 propter excessum & defectū con- 10.
 trariorum, effecerit, quæ ratio eadem est cæterarum partium: sic
 in Rebuspublicis omnibus accidit. Nam fieri potest vt tum pauco-
 rum potentia, tum status popularis commodè sese habeant, quan-
 uis ab optima Reipublicæ forma discesserint, si quis tamen alteru-
 tram magis intenderit, primum deteriorem Rempublicam red-
 det, postremo vt nec Respublica quidem si tefficiet. Itaque legum
 latori ac homini ciuili cognitum esse debet, cuiusmodi res popula-
 res statum popularem tueantur, & quales interimant: eodemque
 modo paucorum potentiam, quæ pertinent ad paucorum domi-
 natum: quorum neuter status esse & conseruari absque diuitibus &
 multitudine potest. Nam si bonorum æquatio fiat, eam Rempu-
 blicam diuersam esse necesse est. 11 Ergo qui euertunt legibus mo- 11.
 dum excedentibus, 12 Respublicas euertunt. Sed tum in statibus
 popularibus, tum in paucorum potentijs peccatur: in popularibus
 quidem administrationibus, vbi leges arbitrio populi temperan-
 tur: ductores populares peccant, qui cum diuitibus contententes,
 & quasi bellum gerentes, ex vna 12 duas ciuitates faciunt, cum 12.
 oppositum facere conueniat, vt semper pro diuitibus dicere vi-
 deantur, & vicissim pro populo: in paucorum potentia, qui stu-
 dent paucorum dominatui, & vbique 13 iureiurando contra quàm 13.
 nunc fit, paucorum potentia studiosi profiteantur. Nunc enim in
 quibusdam paucorum potentijs hæc est iurisiurandi formula,
 Inimicus ero plebi, & in eam quicquid mali potero moliar, cum
 oppositum ostentare atque simulare conueniat, ac iureiurando
 nullam

- nullam se in plebem iniuriam illaturos profiteri. Sed ex omnibus quæ diximus, maxima prouisio ad Rempub. conseruandam est in
14. eo, quod nunc ab omnibus negligitur, 14 vt educatio Reipub. consentanea fiat. Nam vtilissimæ leges & omnium Rempublicam administrantium consensu sancita decreta nihil profunt, nisi homines in Republica populariter si leges sunt populares, assuescant & instituantur: vel conuenienter paucorum potentia, si huic leges
15. accommodantur. 15 Nam si est in vno incontinentia, est etiam in ciuitate. Educari autem siue institui conuenienter Reipub. 16 non est hoc, vt ea faciant quibus qui paucorum tenent imperium, vel populares delectantur, sed quibus alteri cum paucis, alteri populariter Rempublicam administrare valeant. Nunc autem in paucorum dominatib. eorum, qui tenent imperium filij delitiosæ ac molliter degunt, egenorum verò exercitati sunt, & laboribus durati. Itaque magis & volunt, & res novas moliri possunt. In popularibus verò Rebuspub. quæ maximè videntur esse populares, instituta sunt Reipublicæ commodis, & rationibus inimica, cuius causa est 17 parua libertatis definitio. Duobus enim Respublica popularis definiri videtur, tum eo quod summa potestas penes maiorem partem sit, tum libertate, quoniam ius æquum esse videtur: æquum autem, vt ratum sit quicquid multitudini placuerit: libertas autem & æquitas, vt faciat quisque quod velit. Itaque in huiusmodi statibus popularibus vnusquisque viuere vt vult, & suæ libidini (vt Euripides ait) indulget,
18. quod vitiosum est. Nam 18 viuere conuenienter Reipublicæ, non seruitus, sed salus esse putari debet. Hæc igitur sunt quibus, vt simpliciter loquar, Respublicæ mutantur & pereunt, & quibus conseruantur, & incolumes perseuerant.

Scholia in Caput IX.

1 SED tria quædam adesse ijs oportet, qui summis magistratibus præesse debent. Quoniam ad Reipub. cōseruationem magni interest, idoneis hominib. magistratus summos mandari: idcirco quibus rebus instructus esse debeat is cui recte summus magistratus cōmittitur declarat, quas tres esse docet. Primum, vt sit amicus Reipub. Secundo vt facultatem, ingenium, & usum ad rem gerendam habeat. Tertio, vt sit ea virtute & iustitia præditus, qua illi Reipub. generi conuenit. Quæ res si non omnes in eodem homine congruant, ea plus ponderis habere debet in electione, quæ rarior in hominibus reperi-

reperitur. Sed nihil est quod magis Remp. conseruet, quàm si ea pars qua statum praesentem Reip. probat, quàm qua non est eo contenta, potentior sit. Caueendum est etiam ne modus in his rebus excedatur qua Rempub. popularem faciunt, aut paucorum. & alias eodem modo: nedum nimis, exempli gratia, popularis efficitur, desinat esse popularis aut paucorum potentia, si haec nimis talis efficiatur. Sed ea ratio maximè ad Reipub. conseruationem facit, si prouideatur ut ciuium institutio & educatio sit Reipub. accommodata, ne vita & moribus, à legibus & institutis discedatur.

2 Praesentis status Reipub. charitas. Ut magnopere velis praesentem statum Reip. conseruari.

3 Maxima facultas. Ut sit ingenio & usu ad eius magistratus officia obeunda maximè idoneus & instructus.

4 Cuiusque Reipub. rationi accommodata. Non enim eadem est boni ciuis virtus, eademque iustitia in omni Repub. sed varia pro diuersitate Reiūpub. quanquam in optimo statu Reipub. eadem est virtus boni ciuis, qua boni viri. ita fit ut quod virtus & iustitia est in Repub. deprauata, ut in tyrannide vel paucorum potentia, id in optima Repub. & simpliciter, improbum & iniustum habeatur. Nam iustus & bonus ciuis habetur in quaque Repub. qui eius Reipub. leges obseruat. Leges autem deprauata Reipub. conuenientes, deprauatae sunt & simpliciter iniustae.

5 Cuius rei sint omnes magis compotes. Ex ijs rebus qua spectari debent in deligendo viro, qui ceteris debeat ad magistratum mandandum praeferrì, qua res in hominibus rarius sit, & qua frequentius adsit considerari debet, & ea plus habere ponderis, qua rarius in hominibus reperitur. Itaque in deligendo imperatore siue duce exercitus, is qui naturalibus adiumentis & usu rei militaris praestat, quia hoc rarius est, probò & iusto viro praeferrì debet. Ad quaestuarii verò egregiè probus & iustus, habenti ad id munus obeundum facultatem, hoc est ingenium, & usum, praeserendus est. Hac enim facultas pluribus contingit, quam egregia probitas & iustitia singularis, qua in quaestore desideratur.

6 Scientia verò omnibus est communis. Cognitio eorum qua agenda sunt, tum habenti usum & adiumenta naturalia, tum probò & iusto adesse debet. aliud est enim experientia & usus, aliud scientia: hac enim vniuersalior est, ut ipse docet Metaphy. 1.

7 Cum sciant & seipsos ament. Incontinens, ut Aristoteles cum alijs locutū, tum septimo Ethicorum docet hoc differt ab intemperato, licet vterque propriè ingula & veneris voluptatibus versetur, quòd intemperatus habitum vitiosum iam ingeneratum habet, & rationem deprauatam cum appe-

titu consentientem, & incunda honestis per ignorantiam quandam, in qua omnes vitiosi versantur preferentem. Hac autem est ignorantia in electione, qua, ut ipse ait, tertio Ethicorum, non inuoluntarij, sed prauitatis est causa. Incontinens autem nec vitiosum habitum, nec rationem deprauatam habet, nec in vitiosorum ignorantia versatur, sed rectè iudicat, & quae bona sint, & expetenda nouit, & quae vicissim mala & fugienda, sed infirmitate & inconstantia labitur, nec parat suo iudicio: quanquam hanc ipsam infirmitatem & perturbationem philosophus ignorantiam quandam esse interpretatur, ut omnino verum sit commune dogma philosophorum, omnes malos ignorare quae oporteat facere Ethic. iij. Quem admodum igitur incontinentes expetenda & fugienda sciunt, & se ipsos amore naturali diligunt, tamen nec stant iudicio suo, & contra quam ipsis conuenit agunt: sic accidere in eos posset, qui facultatem ad Rempub gerendam haberent, & essent praesentis status studiosi, nisi habitum virtutis quo ab incommodis Reipub auocarentur haberent.

8 Hanc vnā virtutem esse putant. Ut Respub. exempli gratia popularis, sit valde popularis.

9 Mediocritatem partis. Commensum & proportionem quam nasus debet ad totum corpus, & ceteras partes habere. Nam partes hominu recte à natura compositi certam commensur proportionem habent ad totum corpus, ut pes, exempli gratia, sit sexta partis altitudinis corporis, cubitus quarta, facies verò à mento ad frontem summam, & radices imas capilorum decima, & cetera partes eodem modo, quam rationem, ut docet Vtruuius, pictores, & statuarij solent in conficiendis imaginibus sequi.

10 Propter excessum & defectum contrariorum. Contraria vocat rectum nasum, & curuum, aut sinum. Itaque excessus refertur debet ad nasum curuum, qui saepe magnitudine & longitudine excedit rectum: defectus verò ad sinum, qui minor esse, & vix à facie extare solet.

11 Ergo qui euertunt legibus modum excedentibus, ij Resp. euertunt. τοῖς κατὰ ὑπεροχὴν νόμοις φθείροντες. Sic legitur in exemplaribus emendati Qui euertunt, inquit siue tollunt diuites, aut populum legibus modum excedentibus, hi Rempub. euertunt, & tollunt popularem sublatu diuitibus, paucorum potentiam sublato populo.

12 Duas ciuitates. Vnam diuitum, alteram egenorum.

13 Iureiurando Quod accipitur ab ijs qui magistratibus praeficiuntur.

14 Ut fiat educatio. Ut ciues instituantur, & ijs rebus quae legibus & rationibus Reipub. sunt accommodata, assuescant.

15 Nā u est in vno. In eo scilicet, qui summo magistratui praest, vel in principe.

oipe, vel in vno, id est in vnoquoque, siue in singulis ciuibus.

16 Non est hoc, vt ea faciant. Hic locus aperte declarat verbum *μαιδεσθαι*, quod interpretes vertit, educari vel institui, & quo saepe vtitur Aristoteles, non tam ad disciplinam pertinere, quæ ex audiendo aut legendo ingeneratur, quàm ad assuefactionem operum, quæ solet latinè educatio nominari.

17 Præua libertatis definitio. Nam perpetam liberum esse definiunt, cui facere licet quicquid vult: est enim addendum, præterquàm quod lege prohibetur. nam hoc est quod ais.

18 Viuere conuenienter Reip. Leges Reip. non violare.

CAPVT X.

1 SUPEREST vt de vnus imperio differamus, quæ res ad ipsius interitum, & quæ sint ad salutem accommodatæ. Veruntamen quæ in regna & tyrannides accidunt, similia sunt ijs quæ in Respublicas accidere memorauimus. 2 Nam regnum optimatum Rempubli- 3 cam æmulari. Tyrannis autem ex 3 extremo paucorum dominatu, & statu populari consistit: itaque subiectis maximè omnium est pernitiola, quippe cum sit ex duobus malis Rebus publicis constituta, habeatque vtriusque aberrationes & peccata. Cæterum 4 vtraque monarchia ab ipso statim initio ex rebus contrarijs nata est. Nam regnum in præsidium proborum hominum contra iniurias popularium est constitutum: & rex ipse ex numero proborum virorum creatus est propterea, quòd virtute aut rerum virtute gestarum magnitudine præstaret, aut propter 5 talis generis excellentiam. Tyrannus autem ex populo & multitudine aduersus nobilitatem, vt populum iniurijs eorum prohiberet, quemadmodum res ipsa declarat. Nam tyranni plerique ex ducibus popularibus facti sunt, qui nobiles calumniando, vt sibi à populo fides haberetur, sunt assecuti. Quædam igitur tyrannides ad hunc modum 6 auctis iam ciuitatibus extiterunt. 7 Aliæ ante has 6. ex regibus, qui moribus institutisque maiorum violatis, imperia magis herilia concupierunt. Aliæ ex his quibus mandati fuerant summi magistratus. Antiquitus enim populi munera publica & Reipub. consulendi curam diuturniores constituebant: quædam ex paucorum potentij, cum vnum aliquem cuius arbitrio imperia maxima cõmitterent delegissent. nã his omnibus modis tyrannidem inua-

inuadendi, si modo velint facultas adest, propterea quòd iam po-
 8. tentiam habent alij principatus regij, alij magistratus, 8 vt Phidoni
 inter Argiuos accidit, & alijs qui regnum quod prius erat in tyrannidem conuertunt. Qui verò ad Ioniam tyranni facti sunt, & Pha-
 9. laris ex magistratu tyrannidem inuaserunt. 9 Panætius autem in-
 10. ter Leōtinos, Cypselus Corinthi, Pisistratus Athenis, 10 Dionysius
 Syracusis. Et alij eodem modo ex ducibus & assentatoribus popu-
 laribus facti sunt tyranni. Regnum igitur, vt suprà diximus, opti-
 matum ordinem imitatur. Nam regnum propriæ virtutis, aut ge-
 neris, vel beneficiorum, aut honorum simul atque potentiæ meritis tribuitur. Omnes enim hunc honorem sunt adepti, quòd ciuitates beneficijs vel demeruissent, vel demerendi facultatem habe-
 11. rent: quidam bello ne in seruitutem redigerentur, prohibentes, 11
 12. vt Còdrus: alij in libertatem vendicantes, 12 vt Cyrus: alij quòd vr-
 bis fuissent conditores, vel agros seu fines in ditionem redeuissent,
 13. vt Lacedæmoniorum & Macedonum, 13 Molossorumque reges.
 Pertinet autem ad regis officium cautum ac prouidentem esse, vt
 14. 14 nec diuites iniuria, nec populares contumelia afficiantur. Tyrā-
 15. nis, vt sæpe dictum est, nullam habet boni publici rationem, 15 præ-
 16. terquam compendij sui gratia. Est autem 16 tyrannicum propo-
 situm voluptas, regium autem honestas. Itaque velle pecunijs excel-
 17. 17. lere, tyrannicum est, 17 honoribus verò, magis regium, Item 18 cu-
 stodia regis, ciuilis est: tyranni, ex externis constat. Tyrannidi por-
 18. rò tum status popularis, tum paucorum potentiæ mala inesse per-
 spicuum est. Ex paucorum potentia tyrannis habet, quod sibi diui-
 19. tias tanquam finem proponit: 19 aliter enim præsidium manere
 20. nequit, 20 nec lautitia, & quod suspectam multitudinem habet, quæ
 causa est arma popularibus auferendi. Item que afficere plebem in-
 21. commodis, atque 21 vrbs munitiore loco summouere, & seorsum
 habitare cogere, commune est paucorum potentiæ atque tyranni-
 22. dis. Ex populari verò habet, 22 bellum gerere cum nobilibus, eosque
 23. tum latenter, tum palam interimere, & in exilium mittere 23 tan-
 quam artis æmulos, & dominatum impediētes. Ab his enim insi-
 diæ parari solent, dum quidam eorum imperare volunt, alij seruire
 24. reculant. Vnde consilium natum est, 24 quod Periander Thrasy-
 bulo dedit, vt spicas eminentes mutilaret, tanquam semper oporteat
 præstantiores ciues de medio tollere. Eadem igitur esse princi-
 pia ferè putare conuenit, vt suprà memorauimus, in Rebus pub. &
 in mo-

in monarchijs mutationum. Nam iniuria, timor, & contemptus magna ex parte subiectos ad conspirandum in monarchias compellunt, sed ex iniurijs maximè contumelia, interdum tamè si quis fuerit fortunis spoliatus. 25 Sunt autem hi fines 26 vt illic, sic etiam 25. 26. in tyrannide & regno. Nam qui soli tenent imperium, hi plurimū habent, tum diuitiarum, tum etiam honorum, quæ res ab omnibus expetuntur. Conspiraciones autem 27 quædam in caput principum, 27. quædam in principatum fiunt. Quæ igitur à contumelia proficiuntur, hæ in caput fiunt. Sed cum multiplex sit contumelia, quælibet est iræ, seu indignationis causa. Porro irati magna ex parte 28 non præstantiæ, sed vltionis gratia in malum alterius incitantur. Nam 29 cōspiratio quæ facta est in Pisistratidas, inde orta est, quòd 29. Harmodij sororem contumelia affecerant, ipsum verò Harmodium offenderant. Itaque Harmodium sororis contumelia, Aristogitonem verò Harmodij iniuria ad facinus impulerunt. Insidiæ quæ in Periandrum Ambratiæ tyrannum instructæ sunt, hinc ortum habuerunt, quòd adolescentem cuius consuetudine turpiter abutebatur, num iam 30 vterum ex ipso ferret, in conuiuio interrogauit. 31 Philippum Pausanias idcirco peremit, quòd contumelia 31. quam ipse acceperat ab Attalo, negligeret. Derdas 32 Amyntæ 32. paruo propterea insidiatus est, quòd in ipsius ætatem gloriabatur: 33 Euagoras Cyprius Eunuchō 34 Nam filium eius quòd uxorem 33. 34. repudiasset, quasi accepta contumelia peremit. Et multæ conspiraciones & inuasiones in monarchas propter pudendas contumelias in corpus illatas factæ sunt, vt Cratæi 35 in Archelaum. Semper enim 35. molestus erat ad consuetudinem sollicitando. Itaque vel minor prætextus satis erat: vel quòd nullam ex filiabus, vt erat pollicitus, ipsi dedisset, qui bello quod cum Sirrha & Arrhabæo gerebat implicitus, maiorem natu dedit Elibæ regi, minorem verò filio Amyntæ, dum sic fore putat, vt minus ille dissentiat ab eo qui fuerat ex Cleopatra procreatus: principium tamè alienationis ex amatoria molestia natum est. 36 Simul etiam Hellanocrates Larissæus 36. ob eandem causam conspirauit. Nam cum abusus eius ætate ipsum ab exilio, quemadmodum fuerat pollicitus, non reuocaret, consuetudinem non ab amatoria cupiditate, sed à voluntate inferendi contumeliam profectam fuisse putauit. Paro & Heraclida 37 Aenien 37. ses patris iniurias persequentes Cotyn necauerunt, à quo defecerat Adamas velut accepta contumelia, quòd puer 38 ab eo fuisset ex- 38.

M m

ctus.

- ctus. Multi etiam quòd corpore plagas acceperant, irati, quasi accepta contumelia principes ac reges occiderunt, aut occidere conati sunt, ut in Mitylene Megacles facta cum amicis conspiratione, 39
 40. Pentalidas qui circuentes virga obuios percutiebant, sustulit. 40 Et postea Smerdes quòd plagis fuisset affectus, abstractusque ab uxore Penthilum interfecit. Conspirationis autem in Archelaum facta Decamnichus dux & auctor fuit, qui primus ceteros conspirantes concitauit, iratus quòd Euripidi poetæ traditus ab eo fuisset verberandus. Euripides autem indignatus erat, quòd illi nescio quid de ore ipsius grauius olente dixisset, & alijs multis propter similem causam, vel mors illata est, vel insidiæ instructæ. Eodem modo fit propter timorem: 41 hæc enim erat ex causis vna, ut in Rebus pub. sic etiam in monarchijs, ut Artapanes Xerxem inuasit calumniam Dedario timens, quem iniussu Xerxis suspenderat, putans tamen se impune laturum, eo dante veniam velut immemorem 42. rem 42 propter cœnam. Quædam conspirationes ex contemptione 43. ne oriuntur, 43 ut in Sardanapalum, cum quidam inter mulieres nentem conspexisset, si verè hoc est à fabulantibus traditum, si aliter, in alio tamen verè potest accidere. Et 44 Dion propter contemptum, Dionysium posteriorem inuasit, cū 45 ciues sic affectos, & ipsum semper esse temulentum videret. Et amicorum quidam propter contemptum monarchas adoriuntur: nam cum ipsis fides habeatur, tanquam improvisi facinus patrare valeant, cōtemnunt. Ii quoque contemptione quodammodo inferri videntur, qui sibi imperium occupandi facultatem adesse putant: quasi enim rem perficere valeant, periculum contemnentes propter potentiam sine timore aggrediuntur, ut faciunt belli duces in monarchas, quemadmodum Cyrus in Altyagem, dum eius tum vitam, tum exercitum 46. contemnit. Nam milites otium & vecordia corruperat, ipse vitam delitiosè transigebat. Et 46 Seuthes Thrax cum exercitum duceret, Amadocum est adortus, in quod facinus quidam harum rerum pluribus impelluntur, exempli gratia, contemptione & quæstu: ut 47. 47 Mithridates in Ariobarzanem. Sed maximè ob hanc causam adoriuntur ij, qui cum sint audaces natura, honore bellico apud principes funguntur: nam fortitudo quæ potentiam habeat, audacia est. Propter quas ambas velut exploratam victoriam habentes, inferuntur. Eorum verò quos ambitio ut tyrannos adorianatur impellit, alius est causæ modus ab ijs quos suprà diximus diuersus. Non enim

nim vt quidam in tyrannos quæstus & magnos ipsorum honores
 spectantes inferuntur, sic eorum quisque, quos ambitio ad inua-
 dendum impellit, periculum subire animum inducit: sed illi pro-
 pter memoratam causam, hi 48 tanquam aliud ingens facinus pa- 48.
 tretur, quo nobilitentur, fiantq; apud ceteros illustres. Itaque mo-
 narchas non vt sibi vendicent monarchiam inuadunt, sed vt fa-
 mam & gloriam indispiscantur. Veruntamen per pauci numero
 sunt, quos ea causa ad patrandum facinus inducit. Hos enim sic a-
 nimatos esse oportet, vt nisi facinus patrauerint, vitam sibi acer-
 bam esse putent, 49 quorum comes esse debet Dionis opinio, quæ 49.
 non facile multis ingeneratur. Nam ille cum paucis militibus Dio-
 nysium est adortus, sic se animatum esse professus, vt quocunque
 procedere daretur, satis esset habiturus cogitato facinore fungi,
 hoc est præclaram eam mortem non recusaturus, vel si statim sibi
 mori accideret, modo vel ad breue tempus facinori superesse con-
 tigisset. Tyrannis autem vno modo deletur, quemadmodum alia
 quæq; Respublica extrinsecus, si qua contraria Respub. 50 potenti. 50.
 or sit, nam velle dubium nõ est, propter instituti diuersitatem, quæ
 verò volunt, hæc omnes, si facultas adsit, faciunt. Sunt autem tyran-
 nidi cõtrariæ Respublicæ 51 populus quidem, vt *figulus figulo*, quem- 51.
 admodum ait Hesiodus, nam vltimus status popularis tyrannis est:
 regnum verò & status optimatum, propter Reipub. contrarietate.
 Quare Lacedæmonij multas tyrannides sustulerunt, & item Syra-
 culani, quo tempore rectum Reipub. statum obtinebant. Alio mo-
 do à se tyrannis deletur 52 per sociorum seditione, 53 vt Gelonis, & 52 53.
 nuper Dionysij: Gelonis, auctore Thrasymbulo Hieronis fratre, qui
 Gelonis filium blanditijs & voluptatibus in facinus compulit, vt i-
 pse imperaret: conspirantibus autem domesticis ac necessarijs ne ty-
 rānis omnino deleteretur, sed tolleretur de medio Thrasymbulus, ijdē
 conspirantes occasionem nacti eos omnes exegerunt. Dionysium
 autem Dion eius affinis coacta militum manu, adiunctisque popu-
 laribus tyrannide deiecit, & ipse interfectus est. Sed cum duæ cau-
 sæ sint, quibus potissimum in tyrannides conspiratur, odium & cõ-
 temptus, horum alterum, odium dico, tyrannis adesse necesse est:
 tamen ex contemptu, tyrannides magna ex parte dissoluuntur. Ar-
 gumento, quod qui occuparunt imperia, eorum 54 plerique eadem 54.
 retinuerunt: qui verò tradita ab alijs acceperunt, hi statim se ei omnes
 amiserunt. Nā cum se voluptatib. dedant, facile in contemptionem
 veni-

veniunt, & multas se opprimendi occasiones conantibus præbent. Cæterum iram, partem esse odij statuendum est, nam quodammodo actionum earundem causa fit. Estque interdum odio ad agendum accommodatior, quoniam irati maiore impetu ac vehementius inferuntur, propterea quod animi perturbatio non utitur ratiocinatione, sed iræ homines ob contumeliam potissimum indulgere solent. Qua ex causa Pisistratidarum tyrannis, & aliorum multæ sublatae sunt. Odium tamen magis est in causa: 55 nam ira cum dolore adest, quare uti ratione iratis non facile datur, odium sine dolore. Ad summam, quot causas esse diximus euertendi meram & extremam paucorum potentiam, & vltimum statum popularem, totidem tyrannidis delendæ causas esse putare conuenit, quoniam 56. 56 formæ illæ Reipub. tyrannides diuiduæ sunt. Regnum à causis externis omnium minimè deletur, quare diutius conseruatur. Sed plurimæ perniciēs intrinsecus existunt, idque duobus modis. Vno 57. 57 per regni sociorum seditionem: Altero si reges tyrannicè magis imperare conantur, cum plura suo arbitratu ac præter leges gerere volunt. Cæterum iam nostris temporibus regna non constituuntur, sed si quæ monarchiæ fiunt, tyrannides potius existunt, propterea quod cum regnum sit imperium voluntarium, & rex maiorum 58. rerum summam habeat potestatem, 58 multi sunt ei similes, nec 59. tanto opere quisquam excellit, 59 ut imperij magnitudinem ac dignitatem exæquet. Itaque ob hanc causam regnum sua voluntate non ferunt. Quod si quis per fraudem aut vim occupauerit, iam 60. 61. hoc 60 tyrannis esse videtur. Regnorum autem 61 quæ ex genere tribuuntur interitus, causam præter supradictas statuere oportet, quod multi succedunt tales, ut facile contemnantur, & quod non 62. tyrannicam potentiam, sed 62 regum honorem obtinentes contumeliam inferant: quoniam 63 facile factu est regnum dissoluere. Nam si non volentibus imperet, protinus desinet esse regnum. Tyrannus autem etiam inuitis dominatur. Monarchiæ igitur propter has & similes alias causas euertuntur.

Scholia in Caput I.

1 SUPEREST ut de vnus imperio differamus. Quibus rebus conseruari Respub. ac vicissim delevi, diximus. Quas regnum & tyrannis mutantur, eadem regno tyrannidique salutare sunt, aut perniciosa. Regnum autem optima.

optimatum Rempub. imitatur: Tyrannus verò paucorum simul potentiam & popularem, ut rationibus multiq; exemplis declarat. Regi publica commoditas tanquam finis quo referat omnia: Tyranno voluptas est proposita. Officium regis est providere, ut nec in locupletes iniuria cuiusq; generis, nec in pauperes inferatur contumelia. Tyrannus autem nihil facit quod ad bonum publicum pertineat, praterquam ut suis commodis prospiciat: habetq; omnia tum paucorum potentia, tum Reipub. popularis vitia, quae nominatim explicantur. Tria sunt quae potissimum subiectos ad conspirandum in monarchas impellunt, iniuria, timor, & contemptus. Sed cū conspiratio vel in caput principis, vel in ipsum principatum fiat. Quae ex iniurijs à contumelia proficiscitur, ea capitalis esse solet, quauquam ambitio quosdam, sed alia ratione ad tyrannum tollendum impellit, ut magnam scilicet gloriam consequantur. Sed duo sunt quae potissimum homines ut in tyrannos conspirent impellunt, odium cuius pars est ira & contemptio. Regnum ex causis extrinsecus illatis raro deletur. Itaque plurimi ipsius interitus à domestico malo duorum modorum altero proficiscuntur, vel conspirantibus regis amicis, & quorum opera utitur in administranda Repub. vel ipso principe leges contemnente, & tyrannicum imperium regio praefereute. Caeterum regna hereditaria interdum per contemptum eorum euertuntur, qui regno impares indignique succedunt.

2 Nam regnum optimatum Rempub. æmulatur. Regnum simile est optimatum Reip. Nam ut in hac prima ratio virtutis habetur, & optimis quibusque viris magistratus mandantur, sic regnum optimo cuique deferitur, & virisque publica commoditas proposita est.

3 Extremo paucorum dominatu. Quae dynastia dicitur, ubi pauci contemptu legibus cuncta sua libidine gerunt, commodis suis duntaxat seruientes.

4 Vtraque monarchia. Regnum & tyrannis: est enim monarchia vnius imperium, siue in vnam ciuitatem, siue in plures habeatur.

5 Talis generis. Familia, virtute aut gloria rerum gestarum praestantis.

6 Auctis iam ciuitatibus. Quae initio rerum erant parua.

7 Aliæ ante has. Priscis temporibus, cum regibus ferè mortales parerent.

8 Ut Phidoni inter Argiuos accidit. In Argo vrbe Peloponnesi, ubi cum summo magistratu Phidon praesset, eius occasione tyrannidem occupauit. Quae ratio quosdam ad Ioniam in Asia, & Phalarim apud Agrigemos in Sicilia tyrannidem inuasisse ait.

9 Panatius inter Leontinos. Ciuitatem Siciliae.

10 Dionysius Syraculis. Dionysius superior: iam posterior patri in tyrannide

nide Syracusanorum Sicilia ciuitatis successit.

11 Vt Codrus. Vltimus rex Atheniensium, de quo Trogus lib. 5.

12 Vt Cyrus. Qui Astyage auo rege Medorum, quibus Persa parebant de-
uicto, imperium Medorum ad Persas, vnde genus paternum ducebat tran-
sultit, & sic hos in libertatem vindicauit.

13 Molossorum. Hi populi sunt Epyri.

14 Nec diuites iniuria, nec populares contumelia afficiantur. Inia-
ria latissimè patet, nam quicquid in aliquem fit contra ius, iniuria dicitur.
Contumelia verò species est iniuria, quæ pertinet ad dedecus, & indignita-
tem.

15 Præterquam compendij sui gratia. ἢ μὴ ἰδίας ἀφελείας χάριν: sic
enim scribendum est. Imperium tyrannicum simile est ei, quod dominus ex-
ercet in seruos, vt declaratum est: dominus autem omnia ad suam vtilitatem
refert. cuius causa seruorum saluti, & necessarijs commodis prospicit, ne per-
euntibus seruus, imperium ipsius & dominatus pereat. Sic tyrannus interdum
bono publico consulit, cum id in ipsius commoditatem recidit.

16 Tyrannicum propositum. Finis quo refert imperium.

17 Honoribus verò. Fama & gloria.

18 Custodia regis, ciuilis est. Ex ciuibus constat: ciues enim regem suum
custodiunt, tyrannum milites mercenarij externi.

19 Aliter enim præsidium manere nequit. Sine pecunijs custodes mili-
tes alere non potest, quibus summotis in magno periculo versatur.

20 Nec lautitia. οὐδὲ τρυφῇ: & sic enim scribendum est, non τρυφῶν, ex e-
mendatis exemplaribus.

21 Urbis munitiore loco summouere. ἐκ τῆς ἀσπίδος ἀπὸ τοῦ ἐνὶ τῇ πόλει. Urbem
Græci plerunque πόλιν, interdum ἀσπὶν nominant. Sed Athenienses cum ipso-
rum vrbe Piræus etiam contineretur, vt Roma transtiberina regio, tamen
ἀσπίδος nomine munitiorem, editioremq; vrbis partem, vel solum, vel potissi-
mum vocabant. Vnde factum est, vt cuiusq; vrbis pars editior & munitior
ἀσπὶν nominetur, vt hoc in loco ab Aristotele. Sed & ipsum nomen ἀσπὶν, παρὰ
τὸ ἀπὸ τοῦ ἰσχυροῦς, deduci Græci interpretantur. Est igitur sensus: tyranni popula-
res ab vrbe summouent, id est ab vrbis editiore, & munitiore loco, quo ipsi
cum externo præsidio continentur. vt hunc locum, nec adeat popularis mul-
titude, nisi si quis vocatus fuerit, nec incolat, sed vicos suburbanos inhabitet,
vel vrbis demissa & infirma loca.

22 Bellum gerere. Inimicitias & similitatem exercere.

23 Tanquam artis amulos. Tanquam inuidos imperij, quo ipsi quoque
fungi vellent: vt figulus figulo inuidet, & faber fabro, vt ait Hesiodus.

24 Quod

4 Quod Periander dedit Thrasibulo. Periander tyrannus Corinthi, filius Cypseli, Thrasibulus tyrannus Mileti. Hanc historiam Herodotus in Terpsichore refert, sed consilium à Thrasibulo datum esse Periandro tradit, contra quàm Aristoteles, sed nihil ad exemplum interest, de quo supràmeminuit etiam Aristoteles, & nos latius explicamus.

25 Sunt autem hi fines, Divitia & honores.

26 Ut illic. In Rebus.

27 Quædam fiunt in caput. Ut tyrannum interficiant.

28 Non præstantiæ. Non ut alteri honore præferatur, sed ut acceptam contumeliam vlciscatur.

29 Conspiratio facta in Pisistradidas. Coniuratio Athenis in Dioclem, Hipparchum, & Hippiam filios Pisistrati facta: quorum Diocles per vim stuprata virgine Harmodij sorore ab ipso occiditur. Hippias cum imperium patrum tenebat, Harmodium comprehendit, qui confectos cædis nominare per tormenta iussus, omnes amicos tyranni nominavit: quibus occisis, quarenti Hippianum alij consocij superessent, nemo superest respondit, quem amplius mori cupiam, quam tyrannum ipsum. Huius virtute civitas libertatis admonita, Hippiam in exilium egit, ut refert Trogus, vel interfecit, ut Suidas: socius autem conspirationis fuit Aristagiton, quibus Athenenses statuas constituerunt, ut Plin refert. Eusebius Hipparchum ab hiis interfectum fuisse tradit.

30 Utrum ex ipso ferret. Ex ipso pragnans esset.

31 Philippum Pausanias. Pausanias primis pubertatis annis, ut Trogus refert, stuprum per iniuriam passus ab Attalo fuerat. Cuius indignitati hac etiam scditas accesserat, quod per ductum in convivio solutumq; mero Attalus, non sua tantum, verum etiam convivarum libidine velut scortum vile subiecerat, ludibriumq; omnium inter coæquales reddiderat. Hanc rem agere ferens Pausanias, quarelam Philippo saepe derulerat. Sed cum varijs frustrationibus non sine risu differretur, & honoratum insuper ducatu adversarium cerneret, iram in ipsum Philippum vertit, vltionemq; quam ab adversario non poterat, ab iniquo iudice exegit, ipsumq; interfecit.

32 Amyntæ paruo. Paruus scilicet cognominabatur. Amyntas hic rex Macedonia, qui se ab usum fuisse Derda puero iactabat.

33 Euagoras Cyprius Eunuchus. Huius Euagora encomium scripsit Isocrates, pulsumq; ab eo tradit Cypri tyrannum, nec tamen nominat. Sed ex hoc Aristotelis loco Eunuchum eum fuisse suspicor, non re, sed nomine, auctore Suida, qui Eunuchum virum quendam fuisse, mollem animo, & effeminatum, tradit.

34 Nam quod vxorẽ repudiasset, filiũ eius interfecit. Huius regis qui
Eunuchus

Eunuchus dicebatur, filius, ut videtur, uxorem repudiavit sororem, aut filiam Euagoræ: qua contumelia concitatus Euagoras, ipsum occidit. historiam quare.

35 In Archelaum. Regem Macedonia, cuius familiaris fuit Euripides poeta.

36 Simul conspiravit. In Archelaum ob causam eiusdem generis.

37 Aenieneses. Ab Aenia urbe Thessalia, cuius tyrannus erat Cotys.

38 Ab eo fuisse executus. Castratus, ut ipsius scilicet aetate diutius abuteretur.

39 Pentholidas. Nobilissimam familiam qua Mitylenæis imperitabat.

40 Et postea Smerdes. In eadem scilicet insula & ciuitate.

41 Hæc enim erat ex causis una. Hanc unam causarum esse diximus.

42 Propter cenam. Quod cœnatus & remulentus fecisset.

43 Ut in Sardanapalum. Hic Assyriorum rex ultimus fuit, quem cum Artabactus Medorum profectus inter mulieres purpuram nentem muliebri habitu vidisset, indignatus quod viri fortes effœminato regi parerent, facta conspiratione ei bellum intulit: victus autem Sardanapalus, & in regiam reuersus, sese, diuitiasq; in pyram coniecit, hoc solo virum imitatus: in cuius locum successit Artabactus imperium ab Assyrijs in Medos transtulit, ut postea Cyrus ex Medis ad Persas.

44 Dion propter contemptum Dionysium posteriorem. Dion Syracusanus Platonis discipulus fuit, frater Aristomacha uxoris huius Dionysij, cui cum suspectus esset Dion propter optimos mores & philosophiam, quod tyrannidi esset infestus, ipsiq; insidiaretur, in Græciam relegatus ab eo est, unde coacta manu Syracusas reuersus, capta urbe Dionysium in arcem primum confugere, deinde ex arce profugere coegit. Sed liberata ciuitate interemptus est insidijs pessimi hominis Callippi Atheniensis socij & amici sui, ut Platon refert.

45 Ciues sic esse affectos. Syracusanos etiam contemnere Dionysium.

46 Seuthes Thrax Amadocum est adortus. Dux exercitus regem, erat autem Amadocus rex Ordrysiorum gentis Thracis. horum contentione Xenophon rerum græcarum iij. meminit.

47 Mithridates Ariobarzanem. Eum Mithridatem designare videtur, qui fugiens insidias Antigoni regis Macedonia in Cappadociam confugit, ac ut ait Plutarchus, lata & vberè regione potius, auctor stirpsq; fuit regnum qui ad Pontum imperium vsque ad octauam successionem tenuere, cum fuerunt à Romanis deleti. Hic igitur Mithridates, ut videtur, cum Ariobarzane rege

rege suis copijs fuisse praefectus, per contemptum & cupiditatem ipsum aggressus, vel interfecit, vel regno spoliavit. Mithridatis Lycania & Cappadocia praesidis meminit Xenophon libro septimo de Cyri expeditione, & item Seuthis qui Tracibus imperabat.

48 Tanquam aliud ingens facinus patretur. Quasi rem faciant ingenui gloria dignam, & excellentis virtutis. nam tametsi non solet aristoteles nuncupare excellentia, & rebus necessarijs commodisq; maiora.

49 Quorum comes esse debet Dionis opinio. Eum animum habere debent quem habuit Dion, ut nisi rem conficeret, vivere turpe putaret: rem autem confecta mori, si fortuna ferret non esset recusaturus.

50 Potentior sit. Quae prope scilicet sit, aut quae prope alat exercitum, ut supra dixit.

51 Populus quidem ut figulus figulo. Populum vocat extremam & pessimam formam status popularis, ubi non ex legibus, sed arbitrio populi atq; decretis Respublica geritur: quam formam tyrannidi similem esse dixit. Itaque ut tyrannus tyranno, sic populus inuidet, infestusq; est tyranno, quemadmodum figulus figulo, & faber fabro, ut Hesiodus ait exordio operis, quod dies & opera inscribitur, tamq; abijt in proverbij locum.

52 Per sociorum seditionem. Socij tyrannidis sunt amici tyranni, quorum opera in administratione imperij vitur.

53 Ut Gelonis. Tyrannus hic Syracusanorum fuit, ut postea Dionysius.

54 Plerique imperia retinuerunt. Magna pars eorum qui occuparunt imperia tyrannica, tyrannides ipsas retinuerunt.

55 Nam ira cum dolore est. Qui dolor non permittit irratione & consilio, quo maxime opus est ad negotium conficiendum, sed properare ad ultionem cogit, quae huius doloris medicina est.

56 Formae illae Reipublicae tyrannides diuiduae sunt. Extremus populus, & extrema paucorum potentia, tyrannides sunt non unus, sed plurium simul paucis, aut ipso populo tyrannidem exercente.

57 Per regni sociorum seditionem. Ducum & praefectorum, quorum opera rex vitur in administranda Republica.

58 Multi sunt ei similes. Multi sunt virtute ac meritis regipares.

59 Ut imperij magnitudinem ac dignitatem exaequet. Debet enim rex virtute ceteros omnes superare, ut tertio libro declaratum est.

60 Tyrannis esse videtur. Tyrannis est, nam verbum videtur, & forte, fortallisque, & talia saepe ab Aristotele in rebus non dubijs usurpantur modestia gratia, ne temere asserere videatur.

61 Quae ex genere tribuuntur. Quae sunt in aliquo genere, siue familia

Na

heredita

hereditaria.

62 Regium honorem obtinentes. *Absque externo praesidio.*

63 Facile factum est regnum dissolvere. *Facile est regnum euertere. Nam si subiecti parere nolint, vel regem deiciant, vel si inuiti parere cogantur, iam non erit regnum, sed tyrannus.*

CAPVT XL

2. 1. CONSERVANTVR autem haud dubie, 2 vt vniuersè lo-
 3. quar, ex contrarijs: singulatim verò, regna si ad mediocritatem ma-
 4. gis reuocentur. Nam 3 quò pauciorum rerum summam potestatem
 5. habet, hoc diuturnior est omnis principatus, quoniam & ipsi mi-
 6. nus fiunt 4 heriliter imperiosi, moresque æquabiles magis ac hu-
 7. maniores induunt, & subiectorum inuidiam minus contrahunt.
 8. Quæ causa fuit, vt diu regnum Molossorum duraret, 5 & item Lace-
 9. dæmoniorum: quoniam ab initio imperium fuit 6 in duas partes
 10. diuisum, & postea Theopompus, vt cæteris in rebus, sic hac in par-
 11. te egregia moderatione vsus, 7 Ephorum magistratum contra
 12. regnum constituit, detrahens de potentia, & addens regno diutur-
 13. nitatem, vt id quodammodo minus, sed maius effecerit. quod ip-
 14. sum ferunt, vxori respondisse, qua exprobrante quòd minus re-
 15. gnum filijs tradere, quàm acceperat à patre ipsum non pueret, mi-
 16. nimè verò, inquit, trado enim diuturnius. Tyrannides duobus
 17. 8. 9. modis 8 maximè contrarijs conseruantur, quorum alter 9 traditus
 18. est, & à plerisque tyrannis in imperio administrando tenetur, cu-
 19. ius multa 10 à Periandro Corinthio instituta fuisse ferunt, & mul-
 20. ta similia licet à Persarum imperio sumere. Hæc autem sunt ea qui-
 21. bus suprà Tyrannides quoad fieri potest conseruari diximus, viros
 22. præstantes deprimere, & qui sunt elato animo de medio tollere,
 23. 11. 12. nec conuulsa, 11 nec sodalitatem, 12 nec doctrinam, nec tale quic-
 24. quam aliud permittere, sed omnia vnde duo solent exiltere, animi
 25. elatio, & fides cauere, colloquia vetare, & omnes alios otiosorum cõ-
 26. uentus prohibere, & cunctis rationibus dare operam, vt inter se o-
 27. mnes sint maximè ignoti, vtque 13 peregrini semper conspician-
 28. tur, & circa fores obambulent, sic enim latere non poterit, si quid
 29. sinistri molietur, & semper seruitute pressi animos attollere minus
 30. 14. consuescent, & cætera id genus 14 Persica & Barbara ad tyranni-
 31. dem tuendam faciunt, habent enim omnia eandem vim. Item dare
 ope-

operam ut quid subiectorum quisque dicat & agat non ignoretur,
 & exploratores habere, 15 quales erant Syracusis Protagogida, qua- 15.
 si delatores nominati. 16 Hieron etiam ubicunque cœtus & con- 16.
 uentus erat, 17 Otacustas, hoc est auscultatores submittebat, quippe 17.
 talium hominum timore minus audent, & si quid audent, minus
 latet. Prodest etiam alios apud alios calumniari, & amicos cum a-
 micis, populares cum nobilibus, & diuites inter ipsos committere.
 Subiectos etiam in paupertatem redigere, tyrannicum est, 18 ne 18.
 præsidium alatur, nec ab operibus quotidianis ocium eis ad paran-
 das insidias supersit. Huius rei exemplo sunt 19 Pyramides Aegy- 19.
 pti, 20 Cypselidarumq; diis immortalibus erecta templa, & Pyli- 20.
 stratidarum sanctum Olympio Ioui ædificatum, & Policratis opera quæ
 in Samo visuntur: hæc enim cuncta pertinent eodem, ut qui sub im-
 perio sunt, nec ocium habeant, & pauperes reddantur. Quo ite spe-
 ctat tributorum exactio, ut Syracusis, ubi Dionisij tyrânide quin-
 que annis omnes opes tributi nomine collatæ fuerunt. Est etiam 21 21.
 tyrannicum commentum bellum gerere, ut occupati sint, & du-
 ctore semper indigeant. Porro cum Regnum per amicos conserue-
 tur, tyrannidis tamen ratio poscit, ut amicis minimè omnium fides
 habeatur: nam cum velint omnes, 22 hi tamen maximè possunt ty- 22.
 rannum de medio tollere. Ea quoque tyrannica sunt, quæ in extre-
 mis statibus popularibus fiunt, mulierum licentia per domos, ut
 facta virorumque consilia deferant, seruorumque remissio ob ean-
 dem causam. Quoniam neque serui neque mulieres tyrannis insi-
 diantur, quos propter viuendi ut velint licentiam in tyrannides &
 status populares amicos animos gerere necesse est. 23 Nam populus 23.
 etiam expetit esse monarcha. quo fit ut apud utrumq; in pretio sint
 adulescentes, apud populos dux popularis. (hic enim populi assenta-
 tor est.) apud tyrannos, qui se demisse in consuetudine gerunt: 24 24.
 quod est assentationis opus. Nam tyrannis improborum est amica,
 quoniam tyranni adulationibus delectantur. Adulatur autem ne-
 mo qui liberum animum gerat: nam viri probi vel amant, vel certè
 non blandiuntur. Item improbi ad res improbas utiles sunt, quo-
 niam clauus, ut est in prouerbio, clauo truditur. Est etiam tyranni-
 cum, grauis ac liberi hominis consuetudine non delectari: 25 nam 25.
 talem se solum esse tyrannus vult. At qui e diuerso grauitate ac li-
 bertate utitur, is 26 præstantiam ac tyrannidis dominatum tollit. 26.
 Tales igitur odio sunt tyrannis, tanquam imperiū dissoluentes. Illud

Nn 2

quo-

- quoque tyrannicum est, ad conuiuia & fruendas voluptates peregrinos potius vocare quàm ciues, quasi hostes hi sint, illi verò non aduersarij. Hæc igitur & talia tyrannica sunt, & tyrannidem tuentur : 27 quibus tamen nihil improbitatis abest. Sed hæc omnia ferè tribus generibus continentur. Nam tria sunt quæ tyrannis efficere molitur. Primum vt subiecti demissos animos gerant : nam qui est abiecto animo, is nemini parat insidias. Deinde ne fidem habeant inter se: nec enim ante tyrannis euertitur, quàm sint aliqui fidentes inter ipsos. Quo fit vt tyranni viros probos tanquam hostes infestentur, propterea quòd obsint imperio: non modo quoniam imperium herile recusant, sed etiam quia sunt tum inter se, tum etiam alijs fidi, nec se nec alios accusant. Postremo vt ne habeant quidem efficiendi facultatem. Nam cum nemo quod facere non potest aggre diatur, nullus facultate non suppetente tyrannidem euertere tentabit 28 Hi sunt igitur tres fines ad quos spectant tyrannorum molitiones. omnes enim tyrànici conatus ad hos fines referri possunt, partim ne fidem habeant inter se, partim ne possint, partim ne gerant animos elatos. Hic est igitur vnus modus tyrannidem tuendi. 29 Alter modus rationem & curam ijs quæ diximus contrariam habet, & potest ex interitu regnorum sumi. Nam vt euertendi regnum vnus modus est, si fiat imperium magis tyrannicum, sic est tyrannidi salutare, ipsam reddere magis regiam, vno duntaxat retento, potentiam dico, non solum volentibus, sed etiam inuitis imperandi, quippe quo amisso tyrànis amittitur. Hoc igitur vt stabili fundamento iacto & conseruato, cetera partim facere debet, 30 partim speciem ostentare, callide regiam administrationem simulans: primum, vt curam rerum communium habere videatur, ne sumptus in ea munera quæ multitudinem offendunt faciat, dum ab ipsis operantibus ac laborantib. exigit, quæ vix suppeditare possunt, & 31 scortis ac peregrinis & artificib. effuse largitur. Item vt accepti & expensi rationem reddat, quod quidam tyrannorum superiorum fecerunt. Nam si quis ad hunc modum res communes administret, is paterfamilias, non tyrannus esse videatur. Nec enim verendum ei est, ne pecuniarum inopia laboret, cum sit dominus ciuitatis. Quinetiam hoc tyrannis est, cum domo discefferint vtilius, quàm congestas pecunias relinquere, quoniam 32 custodes minus imperium inuadunt, qui tyrannis absentibus formidabiliores sunt, quàm ciues: nam ciues comites peregrinationis fiunt, custodes

des ipsorum loco succedunt. Tributa quoque & exactiones sic imponere debet, vt providendi ac dispensandi gratia numos congregare videatur, cum bellum inciderit ad vsum militare. Ad summū sic se comparare, vt tanquam publicæ pecuniæ, non priuatæ custodem & quæstorem agat, vtque non difficilis & superbus, sed grauis esse videatur: & item talis, ne sit colloquentibus formidolosus, sed potius venerandus, quod ei non facile contingit, qui talis est vt facile contemnatur. Itaque curare debet, vt si non ceteris virtutibus, at certe 33 præditus sit ciuili facultate, & talem de se opinionem faciat: vtq; non solum ipse, sed omnes eius domestici à subiectorum contumelijs puerorum, puellarumque abstinere videantur: vtque suas mulieres eodem modo in officio contineant, ne sint in alias contumeliosæ, quoniam multæ tyrannides sunt propter mulierum contumelias euersæ. De voluptatibus corporeis oppositum eos facere oportet, quàm nunc tyranni quidam faciunt, qui non solum id protinus 34 ab hora matutina, & continenter multos dies faciunt, verumetiam id notum cæteris esse volunt, vt se quasi beatos & felices admirentur. Sed maximè in his reb. se moderatè gerere debet, aut saltem de se cæteris facere opinionem temperantiæ. Non enim qui sobrius est, is inuadendi sui, aut continendi præbet occasionē, sed qui ebrius, nec vigilans, sed somno deditus, suntque opposita ijs quæ suprà diximus facienda. Nam ciuitas ei componenda & ornanda est, 35 quasi procurator sit, non tyrannus. Præterea curandum est, vt deos, religionemque semper egregiè colere videatur. Nam minus iniuriam homines à talibus hominibus metuunt, cum principem religiosum esse, ac Deos vereri putant: minusque insidiantur ei, qui deos auxiliares habere videatur. 36 Talis autem citra ineptitudinem videri debet: & item probos & præstantes viros sic honorare, vt se non putent à suis ciuibus, si liberi essent, plus honoris fuisse laturos: & hos honores ipse per se tribuere: pœnas autem per alios magistratus & iudices irrogare. 37 Est autem omnis monarchiæ cautio communis, neminem facere nimis magnum, aut certe plus quam vnum facere: ipsi enim inter se quid quisque agat obseruant. Aut si vnum aliquem augere oporteat, vitandus tamen est, si quis sit moribus audax: nam tales mores in cunctis actionibus maximè sunt ad vim inferendam accommodati. Et si cuius sit minuenda potentia, paulatim id faciendum est, non tota simul auferenda. Et cum ab omni contumelia temperandum, tum maximè à

38. duab. à percussione corporis, & ab iniuria libidinosa: 38 quæ cautio maximè est in homines ambitiosos tenenda. Nam iniuriam sibi per contemptum inferri grauius ferunt auari, si bonorum detrimento: ambitiosi & probi homines, si dedecore, siue infamia afficiantur. Quare à talibus pœnis abstinendum est, aut curandum vt legibus vel more maiorum, non per contemptum irrogari videantur: vt quæ venereæ consuetudines ex causis amatorijs, non à potentia proficisci putentur. Ad summam, si quid de honore detraxerit, debet id maioribus honoribus sarcire. Eorum autem 39 qui capitaliter insidiantur, hi sunt maximè formidandi, ac diligentissime cauendi: qui modo necem inferant, nihil sunt de salute sua solliciti. Itaque maximè cauendi debent, qui se aut sibi charos affectos esse contumelia putant: nihil enim sibi parant, qui per iram inferuntur, auctore Heraclito. *Difficile est, inquit, cum ira pugnare, quippe quæ animam redimitur.* Cum autem ciuitates ex duabus partibus, diuitibus & egenis constent: prouidere oportet, vt vtrique se per imperium conseruari putent: nec alteri ab alteris iniuria afficiantur. Qui tamen 41. potentiores sunt, ij maximè debent 41 imperio conciliari. Vt si summa rerum in tale discrimen adducatur, non sit tyranno aut seruos manumittere, aut arma demere necesse: quoniam altera pars adiuncta potentia satis est ad conatus impetentium superandos. Ceterum talia singula persequi superuacaneum est, cum propositum sit manifestum. Huc enim sunt omnia referenda, vt ijs qui sub imperio sunt, non tyrannum, sed patrem familias aut regem agere videatur: & rem non quasi dominus, sed quasi procurator & prefectus administrare ac moderatè viuere, nec quod nimium est sectari. Præterea nobilium vti consuetudine debet, populares indulgenter tractare. Ex his enim necessario fiet, vt imperium non modo honestius ac magis expetendum sit, propterea quod erit in meliores nec animo deiectos, & ipse non erit odio, nec timori, sed etiam diuturnius. Adhæc probis moribus esse præditus, aut certè semibonis, & non malis, sed semimalis.

Scholia in

Caput XI.

1 CONSERVANTVR autem haud dubiè, vt vniuersè loquar, ex contrarijs, singulatim verò. *Hactenus causas pereuntium Rerum pub. exposui, hinc quibus rebus conseruentur declarat, primùmque vniuersali*

fali precepto Respub. rebus contrarijs, ijs quibus euertuntur, conseruari docet. Sed ad singula genera descendens, regnum, inquit, conseruatur si medium teneat, ne nimis multa regis arbitrio gerantur, quod exemplis praesertim Theopompi regis Lacedamoniorum declarat, qui Ephoros ad regiam potestatem licentiamq; temperandum instituit. Tyrannides duobus modis inter se contrarijs conseruantur, cuius prioris magister magna ex parte Periander Corinthius tyrannus fuit, viros praestantes, atque eos qui magno celsoque animo sunt de medio tollere, non pati in ciuitate conuentus hominum fieri, nec literarum ac proborum institutorum studia, quae liberos reddunt animos permittere, & dare operam ut ciues inter se minime notisint, utq; ciuitas exploratorum plena sit, qui facta & consilia ciuium deferant. Item per calumnias, amicos cum amicis, vulgus cum nobilitate, & diuites inter ipsos committere, subiectos ad paupertatem redigere, & occupatos tenere, ne diuitiarum occasione, aut per otium eis insidiant tyranno liceat implicatosq; bello tenere, ut ipso ductore semper indigeant. Debet praeterea tyrannus amicorum insidias cauere, mulieribus & seruis viuendi licentiam praebeere, ut virisque exploratoribus contra viros & dominos utatur, quae omnia tribus generibus seu finibus continentur: primum, ut subiecti abiecto animo sint, deinde ne alij alijs fideant, tertio, ut etiam volentibus tyrannidem euertere facultas absit. Atque hic quidem vnus est modus tyrannidem tuendi, alter huic contrarius, ut tyrannus regiam administrationem amuletur, & regiam voluntatem ostendet, hoc tamen iacto & retento fundamento, ut etiam nolentibus imperare possit. Oportet etiam, ut rerum communium curam habere videatur, ne sumptus faciat, quibus populares offendantur, ut non tyrannus esse videatur, sed paterfamilias, non dominus pecunia communis, sed quastor & custos, nec difficilis & superbus, sed grauis esse, nec modo se ipsum, sed etiam domesticos a contumelijs contineat, Deos & religionem colere videatur, egregios & praestantes viros honorare debet, & hoc per se, poenas autem per iudices irrogare. Illud autem est regi cum tyranno commune, ne quem nimis magnum faciat, aut faciat plures. Cautendum etiam est ne contumelia homines ambitiosi afficiantur. Venerit ita seruiendum, ut amore ductus, non potentia usus fuisse videatur. Cum autem ciuitas ex diuitibus pauperibusq; constet, viri potentiores fuerint, hos sibi debet amicos reddere, ut horum auxilio possit aliorum conatibus obistere, praeterea uti nobilium consuetudine, & indulgenter tractare populares moribus, uti vel bonus vel certe semibonus, hoc est non turpissimis.

2 Ut vniuersè loquar ex contrarijs. Ut generaliter dicam ex rebus contrarijs ijs, quibus diximus easdem Respub. deleri.

3 Quo pauciorum rerum. Quo pauciora imperantis arbitrio permittuntur.

4 Hcri-

- 4 Heriliter imperiosi. Minus sunt proclives, ut imperium exercent, quasi domini in seruos.
- 5 Et idem Lacedæmoniorum. Ut Lacedæmoniorum regnum diu seruetur.
- 6 In duas partes diuisum. In duos reges: ab initio enim Lacedæmoni bi-
nos reges habuerunt.
- 7 Ephorum magistratū. Qui regibus erat oppositus, ut Roma tribu-
nus consulis, de quo supra pluribus memorauimus.
- 8 Maximè contrarijs. inter se.
- 9 Traditus est. A prioribus, scilicet à Platone in libro octauo de Rep. illic o-
nim omnes prioris modi rationes tuendi tyrannidem à Socrate commemo-
rantur. Ergo alij, inquit, ante me de ipso differuerunt, quo innuit alterum mo-
dum à se potissimum fuisse amotatum.
- 10 A Periandro Corinthio. Tyranno Cypseli filio.
- 11 Nec sodalitatem. Societatem amicorum, qualia sunt collegia: hac enim
cuncta, & item factiones nomine èτραγία, quo hic usus est Aristoteles, signifi-
cantur.
- 12 Nec doctrinam. Non permittere gymnasia, ubi adolescentes probis in-
stitutis & disciplinis liberalibus erudiantur, quæ animos liberos reddunt, ut
nunc fit inter Turcas, apud quos nulla sunt studia literarum, ob hanc ipsam
causam.
- 13 Peregrini. Milites mercenarij, quibus externi tyranni ad corporis sui
custodiam vtuntur.
- 14 Persica & Barbara. Nam reges Persarum herile imperium in subie-
ctos exercebant, nec tamen erant tyranni, quoniam id subiectorum voluntate
fiebatur, ut sunt Asiani barbari natura serui, ut ipse supra testatus est.
- 15 Quales erant Syraculis Profagogide. Profagogida à verbo προσάγει,
quasi delatores vocabantur Syraculis, qui facta & consilia popularium explo-
rabant, & ad tyrannum deferrebant, de quibus meminit Plutarchus in Dio-
ne. Cuius & aliorum auctoritatem sequutus interpres, locum ut depraua-
tum emendauit, & pro προταγγιδε reposuit διπροταγγιδαι.
- 16 Hieron etiam. Hic quoque ut Gelo & duo Dionysij, Syracusanorum
tyrannus fuit.
- 17 Otacultas. Ab auribus & audiendo dictos. vtitur hoc nomine idem Ari-
stoteles in libro de mundo ad Alexandrum.
- 18 Ne præsidium alatur. Sic enim sublato aut imminuto periculo, non e-
rit tyranno externorum præsidium alere necesse, aut paruum præsidium erit
satis. vel sensus est, ne populares si consilium in tyrannum iuerint, militem
condu-

conducere possint, qui contra tyrannum ipsis praesidio sit.

19 Pyramides Aegypti. Sic appellabantur aedificia mira altitudinis in acutum desinentia, quas reges Aegyptij maximo sumptu, & innumera hominum multitudine aedificabant, velut ad sepulchra regia & ad miraculum: re autem vera, ut imperatis ad ea tributis popularium facultates exhaurirent, simulq; ipsos in opere assiduo occupatos continerent, ne per otium regum flagitia perspicere, & in ipsos insidias molientes conspirare possent. De Pyramidibus his multa Herodotus & Diodorus Siculus commemorant, nostraq; Plinius.

20 Cypselidarum. Corinthi tyrannorum, qui genus à Cypselo ducebant, ut Athenienses tyranni filij Pisistrati, Pisistratida vocabantur. Policrates autem Sami insulae tyrannus fuit, qui omnes magnifica aedificia erigenda curauit, eadem ratione, qua reges Aegyptij Pyramides.

21 Tyrannicum commentum. Versutia tyrannica hostes facere vicinos suae ciuitati, ut ad bellum gerendum semper indigeant ipso ductore.

22 Hi tamen. Amici tyranni, qualis erat Laurentius Medices, qui nuper Alexandrum Medicem Florentinum sustulit: erat enim eius amicus & propinquus.

23 Nam populus expetit esse monarcha. In extrema & pessima Repub. populari, ubi cuncta sunt arbitrio populi, populus ipse tyrannum imitatur.

24 Quod est assentationis genus. Se demisse gerere, & in cunctis obsequi, genus est adulationis: nam verus amicus libertate vti debet, & in rebus turpibus aut iniustis amicum admonere & obfistere.

25 Nam talem se solum esse vult. Tyrannus neminem vult vti libertate praeter se.

26 Praestantiam tollit. Aequalem se praestat ei qui vult esse superior.

27 Quibus tamen nihil improbitatis abest. Hoc dicit, ne huiusmodi consilia probare videatur, quae licet sint ad tyrannidem tuendam utilia, sunt tamen scelestae & nefaria, quemadmodum ipsa tyrannis.

28 Hi sunt tres igitur fines. In quos referuntur tyrannorum consilia.

29 Alter modus rationem habet contrariam. Ratio prioris modi ad sui timorem incutiendum, & subiectos deprimendos pertinet: hic autem posterior ad gratiam aucupandam, & popularium animos alliciendos.

30 Partim speciem ostentare. Quadam simulare, speciem boni viri praefrens. Nam si hac omnia non ficto, sed probo animo faceret, regem se, quantum est in ipso, non tyrannum praeberet.

31 Scortis ac peregrinis, & artificibus. Quorum scilicet opera vti solent ad ludos theatrales & fabulas agendas.

00

32 Cu-

32 Custodes minus imperium inuadunt. Praefecti quos tyranni ad ciuitatem administrandam, & pecuniam repositam custodiendam relinquunt, minus pecuniarum occasione consilia in absentes tyrannos ineunt, ut his non receptis ipsi imperium per tyrannidem occupent, vel in aliud genus Reip. conuertant.

33 Præditus sit ciuili facultate. Ut probe sciat, prudenterque animos hominum tractare, ne formidabilis sit nec rursus contemptui habeatur, sequi in popularium beneuolentiam insinuet.

34 Ab hora matutina. Per totum diem.

35 Quasi procurator. Quasi nomine ciuitatis, ab ipsaque publico muneri praefectus rem gerat, non quasi tyrannus.

36 Talis autem citra ineptitudinem videri debet. Ne dum imprudenter religionem simulat, impietatem & versutiam prodatur.

37 Est autem omnis monarchiae cautio communis. Non solum tyrannorum, sed etiam regum.

38 Quae cautio maximè tenenda est in homines ambitiosos. Qui honoribus student, & fama, cuiusmodi ferè sunt nobiles & diuites, minime omnium sunt pulsatione corporis, vel libidinosa contumelia afficiendi: aut si quam huiusmodi contumeliam talibus hominibus tyrannus intulerit, debet iniuriam alijs honoribus sarcire, & eosdem honestando compensare.

39 Qui capitaliter insidiantur. Qui tendunt insidias in caput, ut tyrannum interficiant.

40 Anima redimitur. Inferenda morte sedatur.

41 Imperio conciliari. Ut sint Reipublica praesenti statu contenti.

CAPVT XII.

1. CAETERVM ex Rebus pub. omnibus paucorum potentia & tyrannis citissimè delentur Nam cunctarum diutissimè durauit tyrannis quam Orthagoræ filij, ac ipse Orthagoras Sicyone tenuerunt: quippe ad centesimum annum perducta est. Cuius causa fuit, quoniam subiectos moderatè tractabant, & pleraque ex legibus praescriptis gerebant. Et 2 Clisthenes quia bellicosus erat, non fuit habitus contemptui. Item populares indulgenter habebant, ipsorum rebus consulendo. Quin etiam Clisthenes eum qui sibi fuerat 3 in iudicio victoriz refragatus, corona donasse memoratur: & quidem statuam 4 quæ in foro posita est, imaginem eius esse tradit, qui sic iudicauit. Et Pisistratum ferunt, cum dies ei dicta fuisset, iudiciu

dicium ad Areopagum subiisse. Secundo loco diu Cypselidarum tyrannis Corinthi conseruata est: nam hæc tres ac septuaginta annos & sex menses durauit, quoniam Cypselus annos triginta tyrannidem tenuit, Periander quadraginta quatuor, Psammitichus Gordij filius annos tres. Cuius tyrannidis conseruandæ eadem causæ fuerunt, quoniam Cypselus populum indulgenter tractabat, nec vnquam præsidio ad sui corporis custodiam vsus est. Periander tyrannicus fuit, bellicosus tamen. Tertia diuturnitate Pisistratarum tyrannis Athenis fuit, qua tamen non sunt continenter vsi. Nam Pisistratus dum tyrannidem teneret, bis vrbe pulsus est. Itaque ex triginta tribus, decem & septem annos tyrannidem tenuit, filij autem decem & octo. summa igitur triginta & quinque annorum fuit. Ex reliquis maximè diuturna fuit, quam Hiero, Geloq; Syracusis tenuerunt. Veruntamen hæc non diu durauit, sed ad annos duntaxat decem & octo producta est. Nam Gelo cum septem annos tyrannidem gessisset, octauo vita functus est. Hiero decem annis tyrannidem tenuit. Thrasybulus vndecimo mense fuit deiectus. Sed omnino pleræque omnes tyrannides breui tempore delentur. Ac Respub. quidem & monarchiæ quibus rebus deleantur, & quibus vicissim conseruentur, explicuimus, cuncta serè persequuti. In Respub. Platonis Socrates de mutationibus disserit, sed non rectè disserit: nec enim optimæ Reip. 5 quæ prima est, mutationem priuatim exponit, qui causam esse tradit, quod nihil perpetuo maneat, sed omnia motu quodam orbiculari mutantur. 6 Principium autem hominum esse dicit ea quorum radix sesquitertius numerus quinario cōiunctus duos præbet concentus, id est quando huius descriptionis seu figuræ numerus solidus efficitur: quasi natura quandoque prauos homines gignat, quorum prauitas disciplina & virtute superari nequeat: quod fortasse non improbè dicit. fieri enim potest, vt aliqui sint qui rectè institui, ac fieri boni viri nequeant. Hæc autem mutatio cur eius Reip. quæ ipse optimam esse dicit, propria magis quam omnium aliarum, & rerum omnium nascentium cōmunis esse dicatur: & profecto, quod ad tempus attinet, quo dicit cuncta mutari, etiam quæ non simul fieri cœperunt, ea tamen simul mutantur, 7 vt pridie solstitij facta sunt, simul ergo mutabuntur. Præterea quæ ob causam ex hac fit in Laconicam mutatio, cum Respub. omnes sapius in contrariam, quàm in proximam mutantur. Quæ ratio eadem est

Qo 2

cetera-

cæterarum mutationum. Nam ex Laconica, inquit, in paucorum potentiam, & ex hac in statum popularem, ex populari statu in tyrannidem transit. Atqui etiam diuersa ratione mutantur, ut ex populari in paucorum potentiam, & quidem magis quam in monarchiam. Præterea tyrannis siue mutationem recipiat, siue secus, quæ ob causam id fiat, non exponit: nec in qualem Rempub. mutetur:

8. idcirco scilicet, quia non erat ei facilis explicatio: 8 non est enim definitum, quoniam per ipsum ut in primam & optimam transiret, oportebat. Sic enim circulus continenter efficeretur. At mutatur

9. nonnunquam 9 in tyrannidem tyrannis, ut Sicyone Myronis tyrannis 10 in Clisthenis tyrannidem mutata est. Transit etiam in paucorum potentiam, ut in Chalcide tyrannis Antileontis: & in statum popularem, ut Gelonis Syraculis: & in statum optimatum,

11. ut 11 Charilai Lacedæmone, & item Carthagine. Ex paucorum etiam potentia fit in tyrannidem mutatio, ut ex veteribus pleraque

12. pars: in Sicilia apud Leontinos in Panætij tyrannidem: 12 Gelæ in tyrannidem Cleandri: Rhegij in Anaxilai, & multis in alijs ciuitatibus eodem modo. 13 Est etiam absurdum, idcirco mutationem in paucorum potentiam fieri putare, quod auari sint, & quæstui magistratus habeant, & non potius quia multi cum sint opibus superiores, non putant esse iustum, ut egeni paria opulentis habeant in ciuitate. Et in multis paucorum potentijs quæstum facere non licet, sed leges sunt quæstum prohibentes. Et Carthagine cum populariter administratur, quæstus faciunt, nec dum tamen statum Reipub. mutauerunt. Est etiam absurdum dictum, paucorum potentiam duas ciuitates esse, diuitum & egenorum. Nam cur hæc magis quam Laconica vel quæuis alia, ubi non omnes habent paria patrimonium, vel non omnes similiter sunt viri probi? At licet nemo fuerit pauperior factus, tamē si creuerit egenorum multitudo, ex paucorum potentia status popularis efficitur: vicissimque paucorum potentia ex populari, si diuites plebe potentiores existant, & alij negligentes, alij vigilantiores sint. Sed cum multæ sint mutationum causa, vnam duntaxat memorat, quod per sumptus immoderatos, & vsuras, in egestatem redigantur: quali omnes aut plerique ab initio diuites fuerint. quod est commentitium. Sed cum ex primarijs aliqui bona dissiparunt, ij res nouas moliuntur, cum ex alijs nihil accidit quod magnopere Rempub. perturbet: & nunquam magis in statum popularem quam in aliam Reip. formam mutantur. Præ-

terea

terea siue honoribus excludantur, siue iniuriam accipiant, siue afficiantur contumelia, seditiones mouent, & Respub. mutant, etiam si patrimonia non absumperint, 14 propterea quod licet eis facere quod volunt, cuius causam nimiam libertatem esse dicunt. Et cum multa sint paucorum potentia genera, & item status popularis, Socrates tamen ita de mutationibus differit, quasi vnum duntaxat cuiusque genus habeatur.

Scholia in Caput XII.

1 CAETERVM ex Rebusp. omnibus, paucorum potentia, & tyrannis citissimè delentur. Ex omni genere Reip. paucorum potentia & tyrannis brevissimo tempore durat: quod argumento tyrannidum quæ diutissime durarunt, declarat, subiectis tanta durationis causis. Deinde Platonem accusat, quod non rectè in sua Repub. de Rerumpub. mutationibus differit.

2 Clisthenes quia bellicosus erat. Licet ex posteris Orithagora Clisthenes magis tyrannicè imperauerit, tamen quia bellicosus erat, timore populares, ne in se conspirarent, continuit.

3 In victoriæ iudicio. Cum Clisthenes tyrannus Sicyonius, quæ ciuitas est in Peloponneso, in certamine gymnicum fortassis descendisset, ut tyranni quidè ambitiose fecisse traduntur, is qui certantibus datus erat iudex, aut vnus ex multis iudicibus Clistheni fuit in iudicio refragatus. Cuius factum & libertatem non modo non vltus est tyrannicè Clisthenes, sed etiam probauit, iudicemq; corona donauit, quod eo iudicio declarasse videretur Clisthenem non esse tyrannum, cum in ea ciuitate etiam in ipsum uti libertate liceret.

4 Quæ in foro posita est. Sicyonis vrbs, itaque maximè diuturna tyrannis, non vltra centesimum annum perducta est, cum regna diutissime seruentur, ut regnum Pelagidarum in Hispania, quod perpetua huius familia successione deductum, hac memoria vel maximè floret, quàm Carolus pater tuus rex Hispaniarum, & idem Romanorum imperator, post annum à Pelagio amplius octingentesimum illustrat.

5 Quæ prima est. Duas Respub. Plato constituit, vnā in libris de Repub. quam Aristoteles primam vocare solet, alteram in libris de legibus, quam secundam.

6 Principium autem horum esse ea, quorum radix sesquitertius numerus. Hæc à Platone in octauo libro de Rep. traduntur, sed locus est obscurissimus Itaque Theon Smirnaus, qui solet dicta Platonis mathematica interpre-

interpretari, hunc locum pratermisit. Nec Iamblichus Chalcidensis commodè satis explicare potuit, & Marsilius Ficinus Apolline interprete eundem indigere testatus, in actum reliquit. Diuus Thomas quadam diuinare conatus est. Sententia tamen summam huc pertinere docet Aristoteles, quosdam homines tales nonnisi a natura generari, ut prauitas ipsorum nulla ratione, nullis iustis legibus & probis institutis vinci queat. quo genere hominum in Rep. succedente, horum prauitate optima Resp. deleatur, & in aliam formam transeat. Sed hac ratio non est, inquit, talis Reip. delenda propria, sed omnibus communis: nam succedentibus hominibus quorum natura sit cuique Reipub. eiusq. legibus & disciplina, siue institutis penitus opposita, ab his delebitur illa Reipub. forma, & in aliam mutabitur.

7 Ut pridie solstitij facta sunt, simul ergo mutabuntur. Hoc exemplo sententiam Platonis explicat, ut ipsam falsam esse doceat. Nam fieri potest, ut aliqua facta seu incepta sint pridie solstitij, qua tamen non simul esse desinant. Hoc aut exemplum spectare videtur ad id quod Plato in 6. lib. de legib. tradit, ubi magistratus placet siue ad annum siue ad maius tempus designatos in templum aliquod conuenire pridie Calend. eius mensis, à quo post solstitium aestiuum nouus annus initium sumit. Hic aut mensis Hecatonbaeon ab Atheniensib. vocabatur, à Romanis eo tempore Quintilis, qui est idem qui Iulius, nunc enim Iunio respondet, quoniam in hunc mensem solstitium incidit. Athenienses enim annum ab aestiuo solstitio inchoabant, ut Romani ab ipsa bruma seu brumali solstitio, quo die Christus natus est, nouo scilicet Sole: in quem diem initium anni Romani multifariam deprauati redigendum erat, ut in eundem diem brumae, & Christi natale, & Calendae Ianuarij congruerent, ut libello separatim huic questioni dicato declarauimus. Sed hac, ut obiter dicerem admonitus sum mentione incuntis anni. Sed ad propositum redeamus. Non est verum, inquit: hac facta sunt siue incepta pridie Calendas Iulij, simul ergo mutabuntur. Nam multi magistratus pridie earundem Calendarum constituebantur, quorum tamen quidam anni, alij longioris temporis erant. Itaque non simul mutabuntur.

8 Non est enim definitum. Nam tyrannis non in certam quandam formam, sed in diuersas, modo in hanc, modo in illam mutatur.

9 In tyrannidem tyrannis. Vna species tyrannidis in aliam: non enim tyrannis in tyrannidem mutari dicitur, cum vno tyranno alter tyrannus succedit: si eandem tyrannidis rationem teneat, sed tunc demum si alter altero magis aut minus heriliter, crudeliterq. imperet. Nam tyrannidis multi sunt species, ut cuiusque generis Reip. quemadmodum lib. iij. docuit.

10 In tyrannidem Clisthenis. Qua magis fuit herilis.

II Cha

11 Charilai Lacedæmone. Charilaus filius fratris fuit Lycurgi, qui cum tyrannicè imperaret, propter leges Lycurgi temperauit imperium, & sic ex tyrannide facta est optimatum Resp.

12 Gelæ. In Gelæ vrbe Sicilia tyrannorum nutritis.

13 Est etiam absurdum. Quod scilicet traditum est à Platone in lib. 8. de Repub.

14 Propterea quòd licet eis facere quod volunt. Ad ceteras causas mutationum Rerumpub. nimiam libertatem adiungit, qualis est in extrema Rep. populari, in qua quia populo quicquid libitum fuerit facere, licet, nec legibus locus relinquitur, Remp. cum libet, in aliam formam qua magis ipsis placeat, commutant.

FINIS LIBRI QVINTI

ARISTOTELIS DE RE-
PVBLICA LIBER SEXTVS,

Interprete & enarratore

IOANNE GENESIO SEPVLVEDA
CORDVBENSI.

CAPVT L



VOT & quæ sint differentia eius partis ciuitatis quæ consultandi munere fungitur, 2. 2. quæq; summâ habet Reip. potestatem, & magistratum ordinis, de quæ tribunalib. & quæ cuiq; Reip. conueniant, suprà disseruimus: & item de interitu & cōseruatione Rerump. ex quibus & propter quas causas fiant, disputauimus. Caterum quia multæ sunt 3. status 3. popularis, & perinde cuiusq; ceterarū Rerump. species, non fuerit ab re simul de ipsis, si quid superest, differere, ac propriū & cuiq; ac cōmodatum modū exponere, & itē copulationes omniū dictorum modorū explicare: hæc enim cōiuncta, Resp. variare faciunt, vt status optimatum ad paucorum potentiam, Resp. ad populares magis declinent. Dico aut copulationes, de quibus differere oportet, nec est ha.

4. est hæc hactenus disputatum: exempli gratia, 4 si consilium, & item mandandi magistratus ratio conuenienter paucorum potentia constituta sit: tribunalia verò optimatum Reipublicæ, 5 aut consilium, prout ratio paucorum potentia poscit: ratio verò mandandi magistratus conuenienter statui optimatum, vel per alium quendam modum, ne cuncta quæ Reipub. propria sunt, componantur. Qualis ergo status popularis quali ciuitati conueniat, ac eodem modo quæ paucorum potentia cui multitudini sit accommodata, & ex
6. cæteris Rebuspub. quid quibus conducatur, 6 supra est à nobis declaratum. Veruntamen oportet non solum ex his Rebuspub. quæ sit optima ciuitatibus, sed etiam quomodo sit constituenda declarare. De his igitur ac cæteris Rebuspub. pauca disputemus, ac primum
7. de statu populari. Nam simul 7 quod ad oppositam Remp. pertinet, id est ad eam, quam nonnulli potentiam paucorum appellant, cognoscetur. Ad hanc autem differendi rationem sumenda sunt popularia cuncta, & quæ statibus popularibus videntur esse consentanea. Ex his enim copulatis, species status popularis existunt, efficiturque ut plures quam vna sint, & variæ populares Respub. Nam duæ sunt causæ, cur plures sint status populares. Prima quam supra memorauimus, quoniam populi diuersi sunt. Est enim vna multitudo agricolarum, altera opificum, alia mercenariorum; quorum si prima addatur secundæ, ac rursus ambabus tertiæ, non solum in eo discrimen erit, quod melior, & vicissim peior status popularis fiet, sed etiam in eo quod 8 non erit idem. Secunda causa est, quam in præsentia tractamus. Nam quæ statibus popularibus consentanea sunt, & huius Reipub. propria esse videntur. Hæc composita, diuersos status populares faciunt, quoniam hunc pauciora, illum affectantur plura, quendam etiam hæc omnia: quorum singulorum cognitio, tum ad constituendum, si cui libeat constitutere, tum etiam 9 ad emendandum prodest. Nam qui Respub. constituunt, 10 cuncta quæ propria sunt ad finem propositu congerere nituntur: 10 peccant tamen hoc facientes, ut supra in quaestione de interitu, & salute Rerumpub. declarauimus.
11. Nunc autem 11 communes sententias &
12. mores, & 12 quæ expetant differemus.

Scholia

Scholium Caput I.

- 1 QVOT & quæ sint differentia eius partis ciuitatis, quæ consul-
tandi munere fungitur. In huius sexti libri præfatione, de quibus rebus in
superiorib. libris præsertim quarto & quinto disputauit, summam commemo-
rat, ac simul de quibus deinceps disputaturus sit, proponit. Oportet, inquit,
nō solū quis sit optimus status Reip. sed etiam quomodo constitui debeat expli-
care Et quia primū de statu populari differendum est, consideranda sunt omnia
quæ habentur popularia, & ex his varia temperatura faciendæ. Hinc enim
cōplures species cuiusq; generis existunt, in quo nō solū populi partes conside-
rari debent, de quarum varijs mixtionibus in quarto disputatum est, sed e-
tiam de accidentibus proprijs cuiusq; Reipub. quarum rerum cognitio non so-
lum ad constituendam initio Rempub. sed etiam ad corrigendum depraua-
tam iam constitutam facit.
- 2 Quæque summam habet Reipub. potestatem. Hoc ad eandem par-
tem refertur: nam quorum consilio Resp. gubernatur, horum summa est Reip.
potestas.
- 3 Status popularis species. Nam Respub. popularis genus est, quod multas
species complectitur, & item paucorum potentia, & regnum, ut tertio &
quarto libro declaratum est.
- 4 Si consilium & ratio mandandi magistratus. Hic est vnus temperan-
di seu miscendi modus, si tum Senatus, tum ratio deligendi magistratus sint
conuenientes paucorum potentia, tribunalia verò optimatum administratio-
ni. Nam in vulgatis codicibus Græcis hæc verba desiderantur. τὰ δὲ πρὸς τὰ
δὲ καὶ ἀπὸ τῶν ἀριστοκρατῶν, ἢ τὸ μὲν πρὸς τὸ βελτιοῦμενον, &c. Sic. n. est in
emendationibus scriptum.
- 5 Et consilium prout ratio poscit. Quæ alia temperatura est.
- 6 Suprà est à nobis declaratum. Libro quarto.
- 7 Quod pertinet ad oppositum. Nam contrariorum eadem est discipli-
na & scientia. octauo de physico auditu.
- 8 Non erit idem. Non erit eadem status popularis species.
- 9 Ad emendandum. Ad corrigendum vitium iam constituta Reip.
- 10 Peccant tamen hoc facientes. Nam qui popularem Rempub. nimis po-
pularem facere conatur legibus modum excedentibus, hoc ipso eandem euer-
tit, ac eodem modo paucorum potentiam, ut libro superiore docuit.
- 11 Communes sententias. Quæ communiter omnes opinantur.
- 12 Et quæ expetunt. Quæ cupiunt: solet enim Aristoteles sententijs & mo-
ribus

Pp

ribus

ribus hominum communibus, & desiderijs naturalibus vti pro legibus natura. Nam quod omnibus videtur, id verum est, vt ipse ait Ethicorum decimo. vt quod omnibus aut plerisque iustum esse videtur, id ius est. in Rhetoric. ad Alexandrum. Quid autem homines sentiant, non minus moribus factisq³ declarant, quàm verbis, immò magis, vt ipse decimo Ethicorum libro testatur.

CAPVT II.

- 1.2.3. 1 2 FINIS igitur status popularis est libertas: 3 sic enim dici con-
 4. suevit, in sola populari Repub. homines libertate frui, quoniam 4
 5. huc spectare status omnis popularis dicitur. Est autem 5 vnum li-
 bertatis signum, si sit imperandi vicissitudo. Ius enim populare est,
 6. 6 vt æquale quisque secundum numerum, non secundum dignita-
 7. tem habeat. Cum hoc autem sit ius, necesse est 7 multitudinem esse
 8. dominam: & quicquid pluribus visum fuerit, 8 hoc esse finem, &
 hoc esse ius. Nam cuius quisque vt æquum habeat, oportere aiunt.
 Quo fit, vt in statibus popularibus egeni maiorem auctoritatem
 quàm locupletes habeant, quoniam plures sunt: ratum est autem
 quod pluribus videtur. Hoc est igitur vnum libertatis signum,
 quod omnes populares finem Reipub. constituunt. Alterum signū
 est viuere vt quisque vult. hunc enim libertatis effectum esse di-
 cunt, cum seruitutis argumentum sit, quod viuit non vt vult. Hic
 9. est igitur 9 secundus terminus status popularis. Vnde natum est il-
 lud, nullius imperio parendum esse, quod primum est: vel quod
 10. proximum, vicissim esse parendum. & hoc modo ad 10 libertatē ex
 æquali confert. His positis, & tali principio iacto, hæc popularia
 11. sunt, vt omnes magistratus 11 ex omnib. constituantur: vt omnes
 imperium in singulos, & singuli vicissim in omnes teneant: vt for-
 tibus mandentur magistratus, vel omnes, vel certe quicumque peri-
 tiam & artem non requirunt: vt à nullo, aut quàm minimo censu
 mandentur: vt nullum magistratum idem bis gerat, vel non sæpe,
 vel paucos, bellicis exceptis: vt brevis temporis magistratus sint,
 vel omnes, vel certe ij quorum ratio id patitur: vt omnes iudicia
 12. exerceant ex omnib. 12 ac de omnibus, vel de plerisque, & de maxi-
 mis, & in quibus vertitur summa rerum, vt de correctione magi-
 13. stratum, & 13 de Repub. & contractibus priuatis: vt conuentus po-
 popularis summam omnium rerum potestatem, aut certe maxima-
 rum habeat: nullius autem magistratus arbitrio quicquam, vel
 quàm

quàm paucissima permittantur. Ex magistratibus autem maximè
 populare consilium est, vbi non suppetit omnibus mercedis copia:
 14 hic enim huius quoque magistratus potestatem minuunt, quo- 14.
 niam populus mercede suppetente ad se cuncta iudicia trahit, vt in
 superiore commentatione declarauimus. Præterea vt merces om-
 nibus tribuatur, quod primum est concione tribunalibus & magi-
 stratibus: in hoc minus licet, at saltem magistratibus, tribunalibus,
 consilio, & concionibus principalibus, aut ex magistratibus ijs, 15 15.
 quibus est simul cibum capere necesse. Adhæc cum paucorum po-
 tentia, genere, diuitijs, ac doctrina definiatur, quæ his opposita
 sunt, ea videntur esse popularia, ignobilitas, egestas, & sordida o-
 pificia. Est etiam populare in magistratibus nullum esse perpetu-
 um, 16 aut si quis sit ex vetere mutatione relictus, vt potentia ipsius 16.
 amputetur, vtque ex suffragijs ad sortes reuocentur. Atque hæc
 quidem sunt statibus popularibus communia. Cæterum ex iure,
 quod est omnium consensu populare: hoc autem est, vt omnes
 habeant æquale, secundum numerum status, 17 qui maximè popu- 17.
 laris dicitur, & esse videtur, & populus existit. Est enim æquum, vt
 imperia nihilo magis egeni teneant quàm locupletes, nec soli sum-
 mam potestatem, sed omnes ex æquo secundum numerum tene-
 ant. Sic enim æqualitatem, libertatemque Reipublicæ adesse pu-
 tant.

Scholia in Caput II.

1 FINIS igitur status popularis est libertas. Finis quo spectat status
 popularis est libertas. Signum popularis gubernationis est imperandi vicissitu-
 do. Ius populare est æqualitas arithmetica. Alterum signum est, si quisque vi-
 uat, vt vult: hinc enim illa communis sententia vana esse videtur, nemini esse
 parendum, aut certè vicissim parendum. Res institutaq; popularia hæc sunt,
 vt omnes magistratus ex omnibus ordinibus constituentur: vt omnes singu-
 lis, vicissimq; singuli omnibus imperent: vt magistratus sortitè mandentur,
 ijs exceptis qui vsum aut artem requirunt, hi enim suffragio mandari de-
 bent, vt nullus census, aut minimus ad gerendum magistratum requiratur,
 vt nullum aut paucos magistratus bis gerere liceat, aut non saepe præter
 bellicos: vt omnes ad breue tempus sicut magistratus ferat, mandentur:

Pp 2

vt om-

ut omnes & ex cunctis ordinibus iudicia de omnibus rebus, aut certè de plerisque & grauissimis exerceant. Est etiam popolare ut sit consilium, siue Senatus ad publicas deliberationes, si merces egenis consultandi gratia populariter conuenientibus non suppetat, ut merces omnibus Rempub. gerentibus, si facultates adsint, tribuatur: sin minus, ijs qui maximos magistratus gerunt, & simul cibum capiunt. Sunt etiam popularia, ignobilitas, egestas, & artes sordidae, ut q̄ nullus magistratus sit perpetuus.

2 Finis igitur. ὁ τέλος inter alia id significat, quo res maximè nititur, & quod maximè spectat, quasi quod primum est & vltimum, quod vtrunque in fine cōgruit. Nam primum omnium in deliberatione finis est, qui quasi fundamentum toti deliberationi iacitur: in actione autem idem finis est vltimus. Quo fit, ut eadem res, quæ ὁ τέλος nomine significatur, modo fundamentum modo finis recte conuertatur. Nam ὁ τέλος ad verbum est suppositio, quo nomine principia in mathematicis appellantur. Finis autem principium est in actionibus, perinde ac suppositiones in mathematicis. Ethic. septimo.

3 Sic dici consuevit. Quasi dicat communis est hominum sententia.

4 Huc spectare. Huc omnia referre, quasi ad finem.

5 Vnum est. Vnum signum popularis administrationis est, ut vnusquisque modo imperet, modo pareat imperio.

6 Ut quisque æquale secundum numerum, non secundum dignitatem habeat. Ut in distributione Reip. aequalitas arithmetica, non geometrica scrutetur, ut tantum vni quantum alteri tribuatur, non autem proportionem seu proportionem diuitiarum, aut nobilitatis.

7 Multitudinem esse dominam. Arbitrio multitudinis Rempublicam geri.

8 Hoc esse finem, & hoc esse ius. Ut non sit amplius deliberandum, sed pro iusto habendum, quicquid visum fuerit multitudini.

9 Secundus terminus. Secundus finis. Nam hac duo signa fines quoque sunt qui spectantur in Repub. populari.

10 Libertatem ex æquali. Ut non sit vnus liberior altero, sed æquo iure omnes modo imperent, modo pareant.

12 Ex omnibus. Ex omni ordine diuitum & pauperum.

12 Ac de omnibus. Generibus causarum.

13 De Repub. De causis pertinentibus ad Rempub.

14 Hic enim huius quoque magistratus. Vbi merces omnibus in conuentionem ad publicas deliberationes conuenientibus tribuitur, populus cum plurimi, & saepe ad deliberandum conueniat, auctoritatem & potestatem consilij siue Senatus tollit, quoniam nihil ei relinquit, quum de omnibus populus ipse

ipse deliberet & constituat. Nam mercede non propositæ egeni res priuatæ publicis anteponiunt, ut victum & res necessarias parent. Et sic est consilio, sive Senatus locus.

15 Quibus est cibum simul capere necesse. Nam ut Lacedamone ciues omnes quinidemi, aut alio munere comessabantur, sic in quibusdam alijs Rebus publicis quidam magistratus simul cibum capiebant.

16 Aut si quis sit ex vetere mutatione relictus. Status popularis quandoque non à principio in aliqua ciuitate constituitur, sed ex alia Reipub. forma mutatur, ut ex paucorum potentia, sed ita ut non omnia moueantur, sed quædam instituta & quidam magistratus maneant. Ex tali ergo mutatione si quis magistratus perpetuus fuerit relictus, huius potestatem minuendam esse dicit in statu populari: & si suffragio mandabatur, ad sortes esse redigendum.

17 Quæ maximè popularis esse videtur, & populus. Extrema & pessima forma status popularis, quam solet Aristoteles populum nominare, ubi nihil ferè ad legum præscripta, sed cuncta populi arbitrio decretisq; geruntur.

CAPVT III.

1 HINC sequitur, ut & quomodo æquum habebunt, differamus. 1. 2. Vtrum 3 quingentorum census oporteat mille hominib. par- 3. tiri, utque ipsi mille tantum quantum quingenti valeant? an non sit hac ratione æqualitas constituenda, sed facta in hunc modum partitione, 4 totidem ex quingentis quot ex mille sumere conueniat, 4. 5 & his summam consultandi, & iudicandi potestatem tradere? V- 5. trum igitur hæc Respub. iustissima est iure populari, an potius 6 quæ 6. multitudinem spectat? Nam popolare quicquid pluribus visum fuerit, iustum esse confirmant: paucorum verò potentia studiosi, quicquid 7 maioribus patrimonijs placuerit, nam ex opum magnitudi- 7. ne 8 iudicium esse faciendum. Sed vtrunque iniquitatem & iniu- 8. stitiam habet. Nam si pro iure habendum est quicquid pauci constituerint, utique res ad tyrannidem spectat, quoniam si vnus plura quàm cæteri diuites possideat, is utique iure paucorum potentie merito imperium sibi soli vendicabit. Sin autem quod plurib. numero, iniuriam inferent, bona diuitum & paucorum, ut suprà diximus, publicantes. Quæ igitur erit æqualitas de qua inter vtrosque conueniet, ex iustis quæ vtrique definiunt, considerari debet. Idem

Pp 3

nim

- nimirum ratum esse oportere aiunt, quod ciuium maiori parti placuerit. Sit igitur sanè hoc, non tamen omni ratione, sed cum sint duæ partes ex quibus ciuitas constat, id ratum sit, quod vtrisque fuerit vel maiori parti visum: & si contraria placuerint, id quod pluribus visum fuerit, & ijs qui maiorem censum habent: 10. exempli gratia. Sunt alteri decem, alteri viginti: & ex illis sex aliquid placuit, aliud quindecim ex pauperibus: & pauperibus diuitum quatuor accesserunt, diuitibus autem pauperum quinque: quorum census vtrisque connumeratis superauerint, horum sententia vincat. Quod si forte pares fuerint, hæc controuersia perinde fuerit dirimenda, vt nunc, cum populares conuentus aut iudices in duas æquas partes scinduntur, dirimitur: aut enim sortibus minuenda est controuersia, aut alia ratio similis ineunda. Ceterum de æquo & iure quamuis difficilissimum sit veritatem inuenire, 11. facilius tamen id fortuna continget, quam ijs persuasis, qui superiores esse possunt. Nam imbecilliores semper æquum & iustum quærunt, potentioribus autem id nihil est curæ.

Scholia in Caput III.

- 1 HINC sequitur, vt quomodo æquum habebunt differamus. Quoniam summa popularis administrationis est, vt æqualitas inter omnes seruetur, videndum est quā potissimum ratione seruari debeat. Nam vna ratio est, vt tantum ponderis sententia mille pauperum habeat, quantum quingentorum diuitum. Alia, vt ex quingentis diuitibus tot homines ad gerendos magistratus, quot ex mille pauperibus deligantur: quarum vtraque ratio iustior & æquior est, quum illud, vt ratum sit, quicquid multitudini visum fuerit vt placet popularibus, & quam vt ratum sit quod placet ijs, in quibus vincit patrimonium, quoniam ex ambabus posterioribus rationibus magna incommoda oriuntur.
- 2 Quomodo æquum habebunt Quomodo æquè honoribus & commodis Reip. participabunt.
- 3 Quingentorum census partiri mille hominibus. Conferre & æquare mille pauperes cum quingentis diuitibus, vt bini pauperes censu singulos diuites æquare videatur, & ita sententia quingentorum diuitum, quantum mille pauperum valeat, & vnus diues sit pro duobus egenis.
- 4 Totidem ex quingentis. Vt viginti, exempli gratia, deligantur ex egenis, siue sorte sumantur, & totidem ex diuitibus.

§ Et

5 Et his summam consultandi & iudicandi potestatem tradere, Quod
gracè est διαίρεσις, & plerunque diuisiones significat, hoc interpret commo-
dius ad consultandi intelligentiam retulit. Nam verbum διαίρεσις, quod pro-
priè est diuido, saepe cum ab alijs auctoribus, tum frequenter ab Aristotele pro
differere & disceptare dicitur, & διαίρεσις pro disputatione seu disceptatio-
ne, & hoc in loco pro deliberatione seu consultatione. Nam consultatio, dispu-
tatio, ac disceptatio, quadam est quæ intelligentiæ aptissimè huic loco quadrat.
Omnes enim magistratus aut certè grauisimi quique in consultando aut in
iudicando, vel in vtroque versantur: diuisionis autem intelligentia longè alio-
na huic loco esse videtur.

6 Quæ spectat multitudinem. In qua numeri ratio non fortuna & con-
ditionis habetur.

7 Maioribus patrimonijs. Locupletioribus hominibus, qui habent maiora
patrimonia.

8 Iudicium esse faciendum. Sententias esse existimandas & ponderan-
das.

9 Bona diuitum publicantes. Per bonorum aequationem.

10 Exempli gratia, sunt alteri decem, alteri viginti. Decem diuites,
& viginti pauperes, vt sint pares census diuitum & pauperum. Nam vnus-
quisque diuitum pro duobus pauperibus habendus est, vt in vno diuite duos
census intelligamus, in pauperibus autem singulos: hic enim sensus ad id quod
paulò antè dixerat refertur. Quingentorum census diuidantur mille homi-
nibus, quod est, vt declarauimus, quingentorum diuitum census, pro censibus
mille pauperum habeantur. Si ergo aliud visum fuerit sex diuitibus & quin-
que pauperibus, aliud quindecim pauperibus & quatuor diuitibus, vincat ho-
rum sententia, quoniam census eorundem superat. Nam quatuor diuites pro
censibus octo sunt, qui pauperibus quindecim adiecti, fiunt viginti tres census,
cum illi alteri sint omnino census decem & septem: nam in sex diuitibus duo-
decim census intelligimus, qui additi quinque pauperibus, fiunt decem & se-
ptem.

11 Facilius fortuna contingat quàm persuasus, qui superiores esse
possunt. Facilius quod iustum est beneficio fortune per sortes obtineri vate-
ar, quàm persuasus aduersarijs, qui possunt esse aliqua ratione superiores, ad
id de quo contenditur obtinendum. Itaque commodius ac tutius est

et parti quæ imbecillior est in Rep. si sententia pares sint, rem
sortibus fortunæq; committere, quàm iuris & aequi
rationes alias experiri.

CAPVT

CAPVT IV.

1. SED cum status populares sint quatuor, is optimus est qui ordine primus habetur, quemadmodum libris superioribus declarauimus, & quidem hic est ex omnibus vetustissimus. Primum dico, vt si quis populos partiatur, optimus enim populus est agricolarū.
2. Itaque 2 status popularis cōstitui potest, vbi multitudo ex agricultura, aut pecore pascendo viuit. Nam propter rei familiaris tenuitatem non viuit in otio, & proinde conciones frequentare nequit: & rebus necessarijs non suppetentibus, diutius in operibus versatur, nec expetit aliena, magisq̃ opere quā Rempubicam vel magistratum gerendo, cum magistratus non sunt admodum quæstuosi, delectatur. Nam vulgus quæstui studet magis quā honori. Argumento, quōd & olim tyrannides ferebant, & ferunt etiā nunc paucorum potentiæ, si nec ab operibus prohibeantur, nec spoliuntur re familiari. Sic enim fit vt quidā eorum celeriter ditescant, alij non opprimantur egestate Præterea si deligendi & corrigendi magistratus potestatem habeant, 3 hac ratione quod deest, si quid ambitione ducuntur, refarcietur: quoniam in quibusdam populis, & si
- 4 potestas deligendi magistratus eis non communicetur, 4 sed quibusdam per partes ex omnibus delectis, quemadmodum Mantinæ fit, habeant tamen consultandi facultatem, hoc contenti sunt populares & hanc putare conuenit formam quandam esse Reipub. popularis, qualis erat olim Mantinæ. Itaque commodum est statui populari, de quo suprā diximus: idque fieri solitum erat, vt omnes
- 5 5 deligant & corrigant magistratus, exerceantq̃ iudicia: maxima tamē imperia & magistratus à maiore censu, prout maior erit quisque
6. 6. que magistratus, delecti gerant: 6 aut in nullo census habita ratione gerāt qui gerendi facultatē habent: hac aut ratione recte Rempubicam administrari necesse esse. Nam semper magistratus ab optimis quibusque volente populo, nec probis viris inuidente gerentur, & hoc ordine probos & nobiles viros contētos esse necesse est: quoniam nec suberunt deteriorum imperio, & ipsi iustē fungentur magistratu, cum penes alios sit potestas magistratus corrigendi. Est
7. 7. enim cōmodum 7 vt animi pēdeant, nec eis quicquid velint efficeretur.
8. 8. re liceat. Nam licentia quicquid libet agendi, non potest 8 malum, quod est in quoque homine cauere. Vnde necessario, id quod est
- Rebusp.

Rebusp. utilissimum, fiet ut boni citra peccatum magistratus ge-
 rant, sine vlllo multitudinis detrimento. Hunc igitur ex statibus
 popularibus optimum esse, & quam ob causam, perspicuum est,
 propterea scilicet quod talis est populus. Ut autem populus ad agri-
 culturae studium inducatur, vtilis omnino sunt leges quibus multi-
 antiquitus utebatur, ut prorsus non liceat cuiquam agri 9 plus certa
 mensura possidere, 10 vel à certo loco ad urbem & oppidum. Anti- 10.
 quitus etiam in multis ciuitatibus 11 primæ sortes vendi lege, veta- 11.
 bantur. Est etiam lex quam 12 ab Oxylo latam esse ferunt, agrum 12.
 13 fœnori ad certam partem addicere vetans. Nunc autem dirigere 13.
 oportet 14 Aphytalorum lege: est enim ad id quod agimus accom- 14.
 modata. Nam cum illi angustos fines pro multitudine hominum
 possideant: omnes tamen sunt agriculturae dediti, quia 15 non cen- 15.
 sent totas possessiones, sed per tantas partes, ut possint etiam paupe-
 res censibus superare, diuidunt. 16 Post agricolas optimus est pasto- 16.
 rum populus, & qui ex pecore viuunt: multa enim habent quæ pro-
 ximè ad agriculturam accedunt: & hi maximè per exercitationem
 17 habitus nacti sunt bellicis muneribus accommodatos, & habent 17.
 durata corpora, ut facillè sub dio manere possint. Cæteræ multitu-
 dines ex quibus alij status populares consistunt, his multo sunt de-
 teriores. Est enim vita ignaua, nec cum virtute sit opus vllum ex
 his quæ opificum, & 18 forensium, & mercenariorum hominum 18.
 multitudo tractat. Et quoniam hoc ferè genus hominum circa fo-
 rum & frequentiore urbem versatur, facillè in concionem con-
 ueniunt. Agricultores autem cum sint per agros dispersi, non con-
 grediuntur inter se, nec eis perinde huiusmodi conuentus est cor-
 di. Veruntamen ubi regionis situs is est, ut agri procul ab oppido
 distent, hic facillè est optimum statum popularem & Kemp. con-
 stituere: multitudo enim in agris 19 quali per colonias habitare co- 19.
 gitur. Itaque in statibus popularibus, quamuis turba forensis adsit,
 tamen 20 sine agresti concionem cogere non oportet. Cum igitur 20.
 optima atque prima Respub. popularis quomodo constitui debe-
 at, sit à nobis explicatum: in promptu est intelligere, quomodo sint
 cæteræ constituendæ. Nam eandem rationem sequentes discedere
 oportet, & semper multitudinem peiorem separare. Extrema verò
 popularis Respub. cum omnibus communicetur: nec ferri ab om-
 ni ciuitate, nec facillè conseruari potest, nisi rectè fuerit legibus at-
 que moribus constituta. Cæterum quæ res hanc & cæteras Respu-
 blicas

21. blicas labefactare soleāt, magna ex parte 21 suprā fuit à nobis expli-
 22. catum. Sed ad hunc statum popularem constituendum, & 22 popu-
 lum validum efficiendum, qui huic muneri præsunt, tum quamplu-
 rimos adsciscere, tum ciues nō modo legitimos, sed etiam nothos,
 & ex alterutro parente ciue procreatos, id est ex patre aut matre ci-
 ue genitos facere consueuerunt. Hoc enim genus omne accom-
 modatius est tali statui populari. Ad hunc igitur modum duces po-
 23. pulares constituere solent: adsciscere tamen oportet, 23, donec mul-
 tudo nobiles aut mediocres excedat: nec tamen vltra procedere
 conuenit. Nam si nimium excedant, statum Reipub. magis pertur-
 bant, magisque ira nobiles incendunt, quo minus statum popula-
 24. rem ferant: 24 quod Cyrenis causa seditionis fuit. Nam exiguum
 malum non animaduertitur: idem si fiat maius, magis est in oculis.
 25. Sunt etiam huic Reipub. populari commoda consilia, 25 quibus &
 Athenis Clysthenes, cum vellet administrationem popularem au-
 26. gere, & Cyrenis vsi sunt qui statum popularem constituebant. 26
 Nam & tribus aliæ frequentiores constituendæ sunt, & sodalitates
 per priuata sacra in pauciores & publicas redigendæ, & callide om-
 nis ineunda ratio, vt cuncti quàm maximè misceantur inter se, ac
 27. 27 priores consuetudines aboleantur. Præterea tyrannicæ molitio-
 nes cunctæ populares esse videntur, vt seruorum indulgentia: hæc
 autem quadamtenus fuerit utilis, & mulierum ac puerorum licen-
 tia Item viuere vt quisque velit permissio, quoniam sic magna erit
 tali Reipublicæ fauentium multitudo. Nam vulgo dissoluta grati-
 or est, quàm temperata vita.

Scholia in

Caput III.

1 Sed cum status populares sint quatuor. Quatuor sunt Reipub. popula-
 ris forma siue species, quarum illa optima est & vetustissima, cuius populus
 constat agricolis: qui cum inopia studere rei familiari cogantur, non sæpe in
 concionem conuenire possunt. Quo fit vt leges in tali Republic. dominantur,
 vt in quarto libro declaratum est. Vulgus enim quæstui magis quàm honori
 studet: & si qua est ambitio, huic erit satisfactum, si populo magistratus man-
 dandi & corrigendi, rationemque gesti muneris reposcendi potestas permit-
 tatur, aut certe publicis deliberationibus interesse liceat. Prima igitur for-
 ma & optima est agricolarum, vbi omnes aut ex omnibus electi man-
 dandi & corrigendi: magistratus & iudicandi facultatem habeant, ita a-

men ut summi magistratus à maximis censibus mandentur: aut certè gerantur ab ijs qui gerendi facultatem, id est virtutem, otium & peritiam habent. Secunda, & huic proxima Respub. popularis est, cuius populus pastoribus constat, qui animo & corpore ad munera quadam bellica obduruerunt. Nam Respub. quarum populus mercatoribus omnis generis, opificibus & mercenarijs constat, multo sunt deteriores: tum quia istorum studia & opera nihil habent cum virtute commune, tum quia facilius possunt in concionem convenire. Cui malo sic est occurrendum, ut huic turba sine agricolarum multitudine in concionem cogi seu populariter de Repub. convenire non liceat. Ultima verò ut pessima est, sic multis cautionibus ut conseruetur indiget: quarum illa maxima est, ne omnis generis turba popularis ultra modum, sed quantum satis est, ut potentior divitibus & mediocribus sit, augeatur. Prodest etiam tributum augere numerum, & omni ratione ut omnes inter se misceantur providere, & servus mulieribusq; & pueris vivendi licentiam permittere, ut in tyrannide dictum est. hic enim populus, ut saepe dicimus, tyrannum emulatur.

2 Status popularis. Una species status popularis.

3 Hac ratione quod deest, sarcietur. Quid magistratus non gerant in paucorum potentia, deligendi magistratus, & eosdem corrigendi facultate compensatur.

4 Sed quibusdam per partes ex omnibus delectis. In quibusdam Respub. non omnes simul populares ad mandandos magistratus conveniunt, sed ex singulis tribubus, exempli gratia, deni aut duodeni deliguntur, qui pro cunctis suffragia ferant: tamen omnes habent facultatem in populari concione deliberandi, ut olim Mantinea, quae ciuitas est Arcadiae.

5 Deligant & corrigant magistratus. Quod dupliciter fit, ut alio in loco declaravimus, vel ex prouocatione sententias & iudicia ipsorum emendando, vel gesti muneris rationem reposcendo.

6 Aut in nullo census habita ratione, qui habent gerendi facultatem gerant. Aut nullus magistratus pro ratione census mandetur, sed summi magistratus ab idoneis hominibus quibus otium suppetat, & virtus atque peritia necessaria gerantur.

7 Ut animi pendean: Animi pendere dicitur magistratus, quem ea cura sollicitat, ne perperam aut iniuste aliquid gessisse ijs quorum iudicium subire debet, videatur.

8 Malum quod est in quoque homine cauere. Iram & cupiditatem, quibus malis homines si impunitas adsit, agitantur. Nam timor poena saepe iram & cupiditatem reprimat.

Qq 2

9 Plus

9 Plus certa mensura possidere. Vt Roma post exactos reges cuique de plebe assignata erat mensura, septem iugera, vt refert Plinius. Itaque hac ratione Aristotelica factum est, vt diu populus Romanus maxima ex parte agricolis constaret. Nam agri si per exiguas partes diuidantur, omnes ciues sunt participes. Qui autem agellum habent, ij omnes ferè ipsum colere coguntur. pauci enim locant aut conducto aratore vtuntur: vt initio Romani ab aratro ad consulatum & dictaturam vocabantur, & quidam functi publico munere ad aratrum redibant.

10 Vel à certo loco ad urbem & oppidum. Intra certum interuallum ab vrbe siue oppido.

11 Primæ sortes vendi lege vetabantur. Primas sortes vocat partes agri, quæ condita vrbe aut colonia deducta, singulis conditoribus siue colonis per sortes, vt fieri solet distribuuntur, quantum scilicet satis cuique fore videtur ad vsus necessarios, si industria adhibeatur.

12 Ab Oxylo. Legumlatore.

13 Fœnori ad certam partem addicere. Exempli gratia, ad quartam partem pretij quo totus ager æstimaretur, ne fors & vsura procedere possit ad quartam partem.

14 Aphytalorum lege. Aphytali qui sint apud Geographiæ auctores inuenire non potui, sed fortasse ἀφυταίων pro ἀφυτάλων legendum est, Aphytalorum pro Aphytalorum facillimo lapsu: nam interdum æi diphthongus sic scribitur producto i, vt videatur æi, Aphytæci autem ab Aphyta dicuntur vrbe Thraciæ.

15 Non censent totas possessiones, sed per tantas partes diuidunt. Sic habent agros distributos vt omnes habeant aquas partes, exempli gratia, septena iugera. Itaque si qui fundus quadraginta duobus iugis constet, is non ab vno aliquo, sed à sex ciuibz possidetur, quo sit vt pauperes, quemadmodum multitudine, sic etiam censibus vincant diuites qui pauci sunt, non igitur censent totam possessionem in vnius scilicet ciuis patrimonio, sed partem in quoz. Itaque quod pertinet ad agros omnes habent paria patrimonia, quamuis pecunijs & supellectile diuites excedant.

16 Post agricolas. Post agriculturalium populum.

17 Habitus bellicis muneribus accommodatos. Nam per consuetudinem algores astusqz ferendi & frugalissimè viuendi, & sub dio pernoctandi habitus induunt.

18 Forensium Mercatorum & tabernariorum, & institorum.

19 Quasi per colonias habitare. Nam ex vna domo filiorum & posterorum numero augeſcente, aliæ propagantur. Cum autem ex vna domo, qui do-

mm

num aliam separatim in agro habitent emittuntur, simile est, ac si ex vna vrbe nimis aucta multitudo hominum, colonia in aliquod oppidum deducatur, vt primo libro declaratum est.

20 Sine agresti. Sine turba agricolarum. Idcirco autem prouidendum est, ne frequentes conciones fiant, quoniam si frequenter populus ad publicè deliberandum in concionem conueniat, Resp. non ex legibus, sed decretis de singulis rebus quæ quotidie contra leges fiunt, pro libidine & temeritate populi geritur: qui vt est Reipub. dominus, potest quicquid velit contra leges per decreta seu plebiscita constituere, & ita Respub. in pessimum statum tyrannidi simillimum delabitur, vt lib. iij. declaratum est.

21 Suprà fuit à nobis explicatum. Libro quinto.

22 Populum validum Remp. popularem pessimam, & cui parum sit ex alijs generibus admistum.

23 Donec multitudo nobiles ac mediocres excedat. Donec egei numero vincant eos qui diuitijs. genere, virtute seu doctrina nobiles sunt, his enim generibus nobilitas continetur, & eos qui medium tenent inter egenos & nobiles.

24 Quod Cyrenis fuit seditionis causa. Nam propter magnam rerum perturbationem quam Reip. turba popularis inferebat, irata nobilitas aduersus populum conspirauit. Cyrena autem vrbs est Africa, Græci generis, caput Cyrenaica regionis, quæ Aegyptum attingit.

25 Quibus Clisthenes vsus est. Clisthenes Aristide socio post exactos tyrannos Remp. Atheniensium constituit, vt refert Plutarchus.

26 Nam tribus aliæ frequentiores. Pleniore hominibus, vt latius pateat tribulium necessitudo. Numerus igitur tribuum minui debet quemadmodum sodalitatum, vt sic cuiusq. multitudo hominum crescat, & mutua charitas per consuetudinem mutuam quam tribules habent, inter se, dilatetur.

27 Priores consuetudines. Familiaritates & societates quæ fuerunt in ea Republica, quæ in hanc popularem extremam transiit.

CAPVT V.

1 EST autem legumlatoris munus, ac eorum qui talem quandam Remp. constituendam susceperint, 2 non maximū opus struere, nec struere solum, sed multo etiam magis rationem qua diu conseruetur inire. Nam vnum aut alterum trēsve dies qualemcunque Reip. rationem conseruari, non est difficile. Itaque ex ijs præceptis quæ suprà ad salutem, vicissimque Rerump. perniciem pertinentibus dedimus, diligenter oportet præsidium, vt tutior sit Respub. cōparare, vitandis ijs quæ labefactare solent, & legibus tum nō scriptis,

ptis, tum etiam scriptis ferendis, quæ Reipub. præsidia salutaria maximè contineant: nec id popolare esse, aut conueniens paucorum potentiæ existimare, quod facit vt ciuitas nimis vel populariter, vel conuenienter paucorum potentiæ administretur, sed quod diurnitatem parit. Quare cum huius temporis duces populares, vt

3. populis gratificentur, multorum bonorum publicationem 3 tribunalium occasione moliantur: e contra, hæc, quibus cordi Resp. est, contraria præsidia comparare debent, ac lege sancire, vt damnatorum quæ publicantur bona, non populo, sed sacris adiudicentur. Nec enim minus homines ab iniuria deterrebuntur, cum perinde mulcentur, & turba popularis nullo quæstu proposito magis à reorum damnatione temperabit. Prouidendum est etiam vt semper

4. iudicia quæ publica fiunt, quàm paucissima sint, magnis pœnis, si quis falsum crimen intulerit, sanciendo: nec enim egenos, sed nobiles solent in crimen vocare. Oportet etiam vt ciues omnes Reip. sint amici, aut certè ne summos magistratus hostili odio prosequantur. Sed cum extremi status populares multis hominibus consistant, & sine mercede conciones obire difficile sit, quod nobilibus, 6 vbi vectigalia non suppetunt, perniciosum est, cum hoc ex collatione tributorum, & bonorum publicatione, & falsis iudicijs fieri sit necesse: quæ res multos status populares euertit. Hæc igitur cum ita sint, vectigalibus non suppetentibus, raras conciones cogere, & iudicia de multis quidem rebus, sed tamen paucis diebus exerceri consuevit. Hoc enim prodest, 7 vt diuites sumptus non metuant, & merces non diuitibus, sed egenis tribuatur, ac vt causæ commo-
dus dijudicentur, quoniam diuitibus diutius abesse à re sua familiari molestum est, quod iidem paucis diebus non ægrè ferunt. Vbi verò vectigalia suppetunt, vitari id debet: quod nunc duces populares faciunt, qui quod superest diuidunt, & ipsi partem accipiunt, rursusque indigent eodem: nam tale subsidium 8 quasi dolum perforatum pauperibus est. At 9 qui verè popularis est, huic ne multitudo nimium egestate laboret, prouidendum erit. hæc enim causa est, vt prauus sit status popularis. Vt diutius igitur copia suppetat, ratio est solerter ineunda. Quod 10 cum sit etiam locupletibus vtile pecunias ex vectigalibus congerere, & congestas pauperibus distribuere conuenit, præsertim si tantum cogi possit, vt emendo agello sufficiat: sin minus, quod 11 ad mercaturæ agriculturæve occasionem sit satis. & si cunctis non liceat, at certè per tribus, aut alias

alias ciuitatis partes vicissim fiat distributio : sed interim diuites mercedem ad habendas conciones conferre debent. 12 Sumptu & 12. cura munerum inanium liberati Carthaginenses, huiusmodi quadam ratione Remp. administrantes, gratiam à popularibus ineunt. Semper enim quosdam eorum ad populos circumiectos mittentes 13 locupletant. Est autem intelligentium prudentiumque nobili- 13. um, vt egenos inter se partiti 14 occasiones eis operandi præbeant. 14. Est etiam honestum Tarentinos imitari, qui possessiones 15 ad v- 15. sum communes cum pauperibus faciunt, & sic gratiam multitudinis aucupantur. Præterea magistratus omnes bifariam diuidebant, vt alteri suffragio, alteri sortibus mandarentur: sortibus, vt sic populo communicarentur: suffragio, vt commodius administraretur Resp. Sed hoc facere licet 16 eundem magistratum diuidendo, vt a- 16. lijs sortito, alijs suffragio mandetur. Quomodo igitur status populares constituendi sint, declarauimus.

Scholia in Caput V.

1 EST autem legumlatoris munus, ac eorum qui talem quandam Rempub. Præcipua cura legumlatoris qui quartam speciem Reipub. popularis constituere velit est, vt eam diuturnam faciat, quanquam ea cura in omni Repub. constituenda debet esse prima. Ad diuturnam atem igitur Reipub. popularis facit, vt bona damnatorum si fuerint publicanda, non populo, sed templis ad cultum diuitum & sacrorum procuracionem adiudicentur. Item prouidendum est, vt perperca sint iudicia de rebus Rempub. attingentibus, quæ capite solent & bonorum publicatione sanciri. Adhuc vt omnes ciues presentis statu contenti sint, aut certe ne odio summos magistratus habeant: vtq; raro populus in concionem ad publicè deliberandum conueniat, præsertim non suppetentibus vectigalibus. Est etiam prouidendum ne multitudo nimium paupertate laboret.

2 Non maximum opus struere nec struere solū. Nō constituere maximam ciuitatem, ne sua mole labatur: nec constituere duntaxat, sed prouidere etiam vt diu conseruari possit.

3 Tribunalium occasione moliantur. Multi diuites calumniantes efficiunt, vt à pauperibus in quorum potestate sunt tribunalia damnentur, & ipsorum bona publicentur, hoc est fisco seu publico arario adiudicentur.

4 Iudicia quæ publica fiunt. Quæ pertinent ad Remp. Nam talia crimina summius pœnis vindicari solent, vt crimen læsæ aut iniuriæ maiestatis, quod

caput

capite & bonorum publicatione sancitum est. Quod ita demum fiet si magna poena fuerint ijs, qui talia crimina falso detulerint, aut eorum actionem intenderint constituta.

5 Sine mercede conciones obire. Ut pauperes nulla mercede proposita ad populariter deliberandum conueniant, cum eis otium non suppetat res necessarias conquirentibus.

6 Vbi vectigalia non suppetunt. In Repub. populari, in qua ex publicis vectigalibus non potest merces pauperibus in concionem conuenientibus constitui.

7 Ut diuites sumptus non metuant. Impensam timeant, quae tribuenda mercede pauperibus qui ad concionem conuenerint fit.

8 Quasi dolium perforatum. Nam quemadmodum humor in dolium perforatum infusus protinus defluit, sic parua pecunia pauperibus distributa celeriter consumitur.

9 Qui verè popularis est. Qui verè studet Reipub. populari. Nam duces & assentatores populares non verè sunt populares, sed hunc animum & studium ostentant, ut influant in animos popularium, & ea ratione viam sibi ad tyrannidem muniant, vel ut publicis bonis alantur.

10 Cum hoc sit etiam locupletibus utile. Ut populares fortunis augeantur. Sic enim minor erit publica indigentia, minoresq; diuitum detrimento expleri poterit.

11 Ad mercaturæ agriculturæve occasionem. Ut possint in tempore aliquid emere, quod postea carius vendant, vel serere aliquid ex cuius proventu quaestus fiat.

12 Sumptu & cura munerum inanum liberati. Ludorum Theatralium, quos exhibere populo diuites solent, ut pro his impensas Reip. necessarias suppeditent, ut qua ratione dictum est, populares facultatib. augeantur: quo in loco ἀφαιρέως legendum est pro ἀφαιρέως, ex veteri exemplari.

13 Locupletant. Diuites faciunt, ex mercede quam laboris oppidum seu gentem administrandi capiunt.

14 Occasiones operandi. Conductis eorum operis ne volentibus desit occasio victum ex labore quarendi.

15 Communes ad vsum. Permittentes scilicet, ut fructibus possessionum utantur, cum aliquo fortasse moderamine: ut possent, exempli gratia, viuis & ficis ac ceteris fructibus famem explere, dummodo nihil prater ea secum auferrent.

16 Eundem magistratum. Ut Senatores aut iudices partim suffragio, partim sortibus crearentur.

CAPVT

CAPVT VI.

1 VNDE rationem quoque paucorum potentias constituendi
facile est intelligere. Ex oppositis enim potentia quæque pauco-
rum conficienda est 2 ad oppositam popularem spectantibus, præ-2.
sertim quæ probè temperata est, & prima ex paucorum potentijs.
Hæc autem est quæ probè ad vocatam Remp. accedit, in qua cen-
sus partiri, & alios minores, alios maiores facere oportet: minores
à quib. 3 necessarij magistratus: maiores, 4 à quibus summi mādē- 3. 4.
tur: & ut quicumque censum nactus fuerit, huic, aditus ad gerendam
Rempub. pateat, & eo numero populares per censum adsciscantur,
ut qui gerunt Rempub. reliquis sint potentiores. Sed 5 ex meliore 5.
semper populo Reipub. gerendæ socios adsciscere oportet: proxi-
mam verò paucorum potentiam simili ratione constituere, 6 pa- 6.
rum scilicet intendentes. At paucorum potentia quæ extremā po-
pulari opponitur, quæque 7 maximè herilis est & tyrannica, hæc ut 7.
pessima est, sic maxima cautione ac prouisione indiget. Ut enim
corpora firmæ valetudinis, & nauigia recte nautis ad nauigandum
instructa, plura errata citra interitum patiuntur, corpora verò te-
nuis valetudinis & nauigia dehiscencia, & prauis instructa nautis, ne
parua quidem errata ferre queunt: sic pessima quæque Resp. pluri-
mam cautionem ac prouisionem desiderat. Populares igitur Resp.
omnino magna copia hominum cōseruat. Hoc enim 8 oppositum 8.
est ei quod est pro dignitate iustum, quo intelligitur haud dubiè
econtrario, paucorum potentia ab ordine petendum esse præfidi-
um.

Scholia in Caput VI.

1 VNDE rationem quoque paucorum potentias constituendi fa-
cile est intelligere. Docet rationem constituendi genera Reipub. paucorum
potentia. In quorum primo quod optimum est, & probè ad vocatam Remp.
accedit, census diuidendi sunt in minores, à quibus aditus ad magistratus ne-
cessarios gerendos pateat: & maiores, ex quibus deligantur qui summis ma-
gistratibus præsent. Quæ ratio sic est ineunda, ut semper ij qui magistratibus
funguntur, reliquis sint potentiores, & ex popularibus semper optimi quique
ad gerendam Rempub. cooptentur. Quæ deinde sequitur paucorum potentia

Rr

eodem

eodem modo constitui debet, sed ad minorem numerum redigendo. Extrema verò & qua tyrannidem emulatur, quo deterior est, hoc maiore cura ad sui conseruationem indiget. Vt autem Respub. populares magna hominum multitudine conseruantur: sic paucorum potentia ordine sunt, & ratione tuende.

2 Ad oppositam spectantibus. Vnaquaque cum ea populari cui maximè aduersatur comparata.

3 Neceflarij magistratus. Sine quibus ciuitas administrari nequit: vel qui in rebus ad vitam necessarijs versantur, qualis est annonæ præfectura.

4 A quibus summi. Qui summam habent Reipub. potestatem.

5 Ex meliore populo. Optimum quemque popularium.

6 Parum scilicet intendentes. Magis talem efficientes, quod est ad pauciores redigere

7 Maxime herilis & tyrannica. In qua pauci imperium in populares, vt dominus in seruos, vel tyrannus in oppressam ciuitatem exerceat. Hæc autem est paucorum potentia, qua dynastia siue dominatus dicitur.

8 Oppositum est ei, quod est pro dignitate iustum. Vt à plurimis hominibus Respublica administretur, & id iustum habeatur, quod pluribus numero visum fuerit. Id oppositum est iusto, quod refertur ad hominum dignitatem & merita, in quo diuitiarum ratio, nobilitatisque & virtutis habetur.

CAPVT VII.

1. 2. 1 SED cum multitudinis 2 partes maximæ quatuor sint, agricolæ, opifices, forenfes, ac mercenarij: & item quatuor quæ gerendis
 3. bellis accommodantur, equitatus, pedites grauioris armaturæ, 3 ferentarij, & classici milites, vbi ager campestris est, & equitibus accommodatus, hic situs natura est ad 4 validam paucorum potentiam constituendam idoneus, quoniam incolarum præsidium, salusque in equestri manu consistit. Equos autem alere hominum est magna patrimonia possidentium. Vbi verò ager est peditibus grauioris armaturæ conueniens, hic locus est 5 proximè potentiæ paucorum accommodatus, quoniam grauis armatura locupletum potius quàm egenorum est. Expeditorum autem & classicorum militum manus, prorsus est Reipub. populari conueniens. Nunc igitur
 6 vbi magna est talis hominū multitudo, exorta seditione, 6 sæpe peius pugnant. Cui malo sumpta à bellicis ducibus medicina mederi conue-

conuenit, qui cum equitatu & armatis peditibus conuenientem ferentariorum numerum coniungunt : qua ratione populares in seditionibus opulentos vincunt. nam cum sint expediti, facile equitatum, & grauiters armatos oppugnant. 7 Ex his ergo hanc manum 7. constituere, est contra se constituere. Sed cum duplex sit ætas, sint- que alteri seniores, alteri adolescentes, filios suos in ætate puerili leuia & expedita munera docere conuenit, 8 ipsosque cum à pueris 8. excesserint, esse operum athletas. Sed multitudinì magistratus, aut quemadmodum suprà diximus, communicandi sunt, hoc est, ijs qui censum nacti fuerint: aut 9 more Thebanorum, ijs qui certo tem- 9. pore à sordidis artibus abstinerint: aut ritu Massiliensium, 10 fa- 10. cto dignorum iudicio, tum eorum qui Rempub. administrant, tum eorum qui sunt extra munera publica. Summis autem magistratib. quos ab ijs qui sunt in Rep. geri oportet, annectenda sunt munera sumptuosa, vt populus libenter huiusmodi magistratu careat, nec ijs inuideat, quibus tam magna mercede cōtingit. Conuenit autem vt magistratus incuntes magnifica sacrificia faciant, ac ædificium aliquod ad publicos vsus erigendum curent, vt populus et particeps 11. cōuiuiorū factus, & urbē partim tēplis partim ædificijs publicis ornatā cernens, 12 libenter saluam Remp. aspiciat: & simul hæc diuitib. 12. erunt facti sumptus monumenta. quod nunc tam longè abest ab eorum qui tenent paucorum potentias consuetudine, vt faciant etiam oppositum : quippe qui non minus quæstui student quàm honori, vt rectè has possis 13 paruas populares Respub. nominare. Ac 13. status quidem populares & paucorum potentias, qua ratione constituere conueniat explicauimus.

Scholia in Caput VII.

SED cum multitudinis partes maximæ quatuor sint. Vt doceat quæ regio apta sit paucorum potentia, quæ Reipub. populari pergat, rationes quibus paucorum potentia conseruatur edocere, cum quatuor, inquit, sint partes quibus tota multitudo continetur, agricola, opifex, negociatores, & mercenarij: & item quatuor quæ in bello numerantur, equites, pedes grauioris armatura ferentarij, & classici milites, quæ regio campestris est & equitibus apta, hæc paucorum vltima potentia conuenit. hic enim robur est in equitatu: equos autem alere locupletum est. Media verò apta est, quæ grauioris armaturæ peditib. conuenit. In qua verò classicorum militum magna copia est, & se-

R. 2

1. m. a.

rentariorum, hac apta est Reipub. populari. Sed quia in seditionibus equites aut pedites grauioris armatura sunt sine ferentarijs infirmi, idcirco in paucorum potentia diuites debent filios suos ab adolescentia bellicis ferentariorum muneribus assuefacere: praeterea ad Reipub. gerendam societatem populares assumere, vel ex censu, ut dictum est, vel ex ijs qui longo tempore à sordidis artibus abstinnerint, aut quos eo beneficio dignos esse iudicauerint. Item ad vitandam popularium inuidiam summos magistratus cum onere magnorum sumptuum mandari prodest.

2 Partes maximæ. Quæ totam multitudinem complectuntur.

3 Ferentarij. Pedites leuis armatura. Vi funditores & misilibus iaculis armati & sagittarij.

4 Validam paucorum potentiam. Valde modum excedentem, id est vltimam & pessimam.

5 Proximæ paucorum potentia. Quæ minus mala est, sed proximè ad huius prauitatem accedit.

6 Sæpe peius pugnant. Semper ferè vincuntur equites aut pedites grauioris armatura.

7 Ex his ergo. Ex popularibus ferentariorum manam consicere.

8 Ipsosque cum è pueris excesserint esse operum athletas. Ipsos diuitum filios cum adoleuerint vltra pueritiam, usum cuiusque muneris militaris habere, ut possint etiam vicem ferentariorum explere: & cuiusque generis armorum vsui apti reddantur, ut athleta varijs certaminibus sunt apti.

9 More Thebanorum qui certo tempore. Thebis lege cautum erat, ne quis magistratum gereret qui ante decem annos mercaturam exercuisset, ut ipse libro tertio tradidit, quæ lege, ut videtur, opifices quoque excluderentur.

10 Facto dignorum iudicio. Ut si quis gerentium Reipub. dignus esset iudicatus, ad potiorem magistratum prouheretur: & si quis ex popularibus dignus esset cui magistratus mandaretur, is ad gerendam Reipub. adscisceretur.

11 Particeps conuiuiorum. Quæ sunt in sacrificijs.

12 Libenter saluam Reipub. aspiciant Contenti sint presenti statu.

13 Paruas populares Reip. Nam ipsi pauci populum extremum quitantur, qui suis commodis, non Reipublica, nec honoribus, qui fama in administranda Republica studet.

CAPVT

CAPVT VIII.

1 SEQUITVR vt rectè de magistratibus, quot & qui sint, & r.
 quarum rerum, vt suprà dictum est disseramus. Nam nec esse ciui-
 tas potest sine magistratibus necessarijs nec rectè sine ijs qui perti-
 net ad rectum ordinem, & ornatum administrari. Præterea in par-
 uis ciuitatibus pauciores, in magnis plures esse magistratus, vt ante
 diximus, necesse est. Itaque 2 quales in vnum conferre, & quales se- 2.
 iungere conueniat, non decet ignorare. Prima ergo ex necessarijs
 procuratio est quæ 3 in foro versatur: cui muneri magistra- 3.
 tum quî 4 commercia & decentiam dispiciat, præficere oportet. 4.
 Nam serè omnibus ciuitatibus quædam emere, alia vende-
 re, ad mutuos rerum necessariarum vsus necesse est: quod 5 proxi- 5.
 mè ad rerum copiam accedit, cuius gratia 6 in vnam Rempub. ho- 6.
 mines conuenisse videntur. Secunda, & huic proxima procuratio
 est 7 vrbæ rerum, tum communium, tum etiam priuatarum: 7.
 vt cum decente ornatu ædificia & viæ conseruentur, & collapsa re-
 ficiantur, & limites communes sine querimonia teneantur, & cæ-
 rera quæ similem procurationem attingunt. Qui magistratus ædi-
 litas à plerisque nominatur, habetque partes numero complures:
 quarum alijs alij in magnis ciuitatibus præficiuntur, vt quidam cõ-
 struendis muris, alij fontibus & ductibus aquarum præsumt, non-
 nulli portibus tuendis. Alia procuratio est necessaria, huic finiti-
 ma: est enim eisdem de rebus, per agrum tamen extra vrbem: cui
 qui præsumt agrorum præfecti, & ab alijs sylvarum inspectores no-
 minantur. hæ igitur harum rerum procurationes tres sunt. Est ali-
 us magistratus ad quem publica vectigalia referuntur, qui que pu-
 blicam pecuniam custodit, & ad singulos vsus Reipub. partiendo
 suppeditat: cuius muneris præfectos receptores, & quæstores ap-
 pellant. Alius apud quem contractus & tribunalium iudicia scribi
 debent: apud hos quoque acta causarum, & accusationes, ac litium
 intentiones confici oportet. Sed in quibusdam ciuitatibus hic ma-
 gistratus in plures diuiditur, vnus est tamen his omnibus præfe-
 ctus, qui 8 scribæ, & tabelliones, & alijs similibus vocabulis appel- 8.
 lantur. Proximus huic magistratus, est ex omnibus serè & maximè
 necessarius & idem molestissimus, qui in iudiciorum executioni-
 bus 9 siue damnatus quis fuerit, 10 siue factus reus versatur, 11 quiq; 9. 10. 11.
 Rr 3 carceri,

carceri, custodijsque præest. itaque propter odium quod magnum incurrit, molestus est. Quamobrem ubi non est merces magna proposita, hunc magistratum homines recusant: nec qui susceperunt, fungi munere ex legis præscripto volūt, est tamen necessarius. frustra enim exercentur iudicia, nisi ad finem perducantur. Quare si communitas constare nequit nisi iudicia fiant, ne constabit quidē, si nemo quod iudicatum fuerit, exequatur. Itaque commodius est

12. hunc magistratum non esse vnum, 12 sed alios ex alijs tribunalibus.

13. Eodemque modo 13 propositiones eorum quæ in acta referuntur, diuidere conuenit: præterea ut quædam diuersi magistratus exequantur, & causas iuniorum iuniores potius magistratus, causas verò consistentium quas vnus magistratus condemnauerit, alius exequatur: exempli gratia, quæ præfecti annonæ iudicauerint, hæc præfecti ædificiorum exequantur, & alij quæ ab alijs fuerint iudicata. Nam quo minus odij executores contraxerint, hoc magis executiones ad finem perducentur. Igitur si condemnantes ijdem

14. sint & exequentes, duplex odium contrahatur: 14 si ijdem de cunctis, omnium hostile odium incurrant. Multis in ciuitatibus custodiarum præfectus diuersus est ab executore, ut Athenis magistratus eorum qui vndecim viri nominantur. Itaque commodius est, ut hic magistratus diuisus sit, & solerter quod eius ratio postulat, provideatur. Nec enim minus hic necessarius est, quàm is de quo modo disseruimus. Nam viri probi maximè magistratum hunc

15 recusant: improbis 15 non rectè committitur, qui custodiri magis debent, quàm alios custodire. Itaque non vnus separatus magistratus

16. 16 penes eos esse debet, nec idem continenter geri, sed iuuenes, 17 ubi aliquis iuuenum & custodum est ordo, diuersi per vices munus magistratuum obire. Hos igitur magistratus ut maximè necessarios primos esse statuere oportet, deinde eos, qui nihilo minus sunt necessarij, maioris tamen auctoritatis, quoniam peritiam & fidem magnam requirunt, cuiusmodi sunt qui custodiam vrbs & vsus bellicos attingunt. Nam tum in pace, tum in bello præfectos esse oportet, qui portarum atque murorum simili

18. modo custodiæ præsent, & 18 ciuium delectus habeant, ipsorumque ordines constituent. Hic ergo præter hos omnes magistratus alij

19. complures sunt, 19 alicubi pauciores, ut in paruis ciuitatibus vnus

20. est 20 his cunctis muneribus præfectus: cui officio qui præsent, imperatores & belli duces nominantur. Præterea si equites vel pedites ex-

tes expediti vel sagittarij vel classici fuerint, 21. harum cuiusque manuum præfectus interdum constituitur, quæ classis, & equitum præfecturæ, atque ordinum ductus nominantur: & per partes quæ his subiiciuntur, triremis, turmæ, ac tribus præfecturæ, & quæcunque harum partes sunt. Sed vniuersum harum rerum bellicarum procurationis genus vnum quiddam est. Atque hæc quidem est huiusmodi magistratus ratio. Sed quoniam magistratus si non omnes, certè aliqui 22 res multas communes tractant, idcirco vnum 22. alium qui rationes conficiat & emendet, nec aliud ipse tractet esse necesse est: quos quidam correctores, alij ratiocinatores vocant, sunt qui exquisitores, & qui procuratores appellent. Sed præter hos omnes magistratus est is qui rerum omnium summam potestatem habet, nam idem sæpe pecuniam ex vectigalibus tributisque collatam habet: qui multitudini præest, ubi res geritur arbitrio populi. Nam esse aliquem oportet qui eos in vnum cogat, qui quæ summam habeat Reipublicæ potestatem: qui magistratus apud quosdam præconsultores dicuntur, quoniam prius ipsi consultant: 23 sed ubi multitudo est, Senatus potius siue consilium nominatur. 23. Tot igitur ferè sunt ciuiles magistratus. 24 Sed est aliud procura- 24. tionis genus, quod cultum deorum immortalium attingit, vt sacerdotes, & qui curæ præfunt earum rerum quæ ad sacra pertinent, vt stantia conseruetur, & quæ corruerint reficiantur, & cætera, quæ diuini cultus ratio postulat procurant. quæ procuratio apud quosdam vna est, vt in paruis ciuitatibus: apud quosdam multæ, & à sacerdotio disiunctæ, vt templorum edificatores, æditui, & sacrarum pecuniarum quæstores. Proxima huic procuratio est publicis omnibus sacrificijs separatim destinata, quæcunque lege non sunt sacerdotibus attributa, sed 25 honorem à communi genio sortiuntur, 25. quos quidam principes vocant, alij reges, sunt qui Prytanes appellant. Procurationes igitur necessariæ, vt summatim referam, de his ferè reb. sunt, & in reb. diuinis reb. bellicis, vectigalib. sumptibus, annona, & reb. venalibus, in vrbe, portibus, & agris versantur: Præterea in tribunalibus, contractibus, scripturis iudiciorum, executionibus, custodijs, putandis rationibus, in delectibus, magistratibusque corrigendis: Denique quorum munus est deliberare: 26 ij quoque sunt de numero communium magistratuum, sed priuatim in ciuitatibus, quæ otio magis & iucunditate fruuntur, 26. quæque curam habent ornatus. Hi quoque magistratus habent.

habetur, mulierum præfecti, legum custodes, præfecti puerorum, & gymnasiarum præfecti: præterea gymnasticorum, & Dionysiacorum certaminum curatores, & si qua sunt alia id genus spectacula. Harum autem præfecturarum quædam sunt perspicue non populares, ut mulierum ac puerorum præfecturæ. Tenuiores enim seruorum inopia, mulieribus & pueris ut famulis uti coguntur. Sed cum
 27. tres magistratus sint, 27 per quos quidam summos magistratus deligunt, legum custodes, præconsultores, & consilium: optimatum Reip. legum custodes conueniunt, paucorum potentia præconsultores, consilium verò populari. Ac de magistratibus quidem ferè omnibus summatim disseruimus.

Scholia in

Capit VIII.

1 SEQUITUR ut de magistratibus disseramus. Qui sint necessarii cuique Reip. magistratus, & qui nonnullis commodi atq; decori declarant. Ex necessarijs, inquit, primus in rebus venalibus versatur. Secundus in publicorum & priuatorum adificiorum ornatu, quæ, ut varia sunt, sic ipsa procuratio est multiplex. Tertius huic similis est, qui eandem ferè curam gerit, sed in agris. Quartus, qui publicam pecuniam custodit. Quintus, tabelliones & scribe. Sextus, executores iudiciorum, & carceris præfecti: qui magistratus ut maximè necessarius, sic molestissimus habetur, ac ideo in multos diuidendus est. Sunt etiam alij perinde necessarii, sed maioris dignitatis, qui in urbe tuenda & in bellis gerendis versantur, ut portarum, murorumq; præfecti. Item imperatores, ducesq; bellorum, quibus minores alij magistratibus obtemperant. Est alius magistratus qui rationes ineat, & cum alijs magistratibus qui pecuniam publicam tractant, conficiat. Sed præter hos omnes magistratus, est is qui summam Reip. potestatem obtinet, qui scilicet concilium eorum cogat, quorum arbitrio geritur Respub. Est alia procuratio publica quæ pertinet ad deorum cultum, ut sacerdotia, & item ea quæ fungitur qui rex sacrorum vocatur. Præterea templorum & earum rerum quæ ad sacra pertinent curationes: qui omnes magistratus & procurationes sunt in ciuitate quæque necessarii, & omnibus Rebuspub. communes. Sed in opulentis & otio fruentibus ciuitatibus, priuatim sunt alij magistratus, ut mulierum, puerorumq; præfecti.

2 Quales in vnum conferre. Quales magistratus possint plures simul vni homini mandari.

3 In foro versatur. In rebus venalibus.

4 Com-

4 *Commerciorum & decentiorum. Ne dolus aut fraus in emptione & venditione admittatur, ac ut res venales aptis locis proponantur, & conuenienti precio vendantur, neue forum & viae fordescant.*

5 *Proximè ad rerum copiam accedit. Nam cum ciuitas perfecta debeat copiam rerum necessariarum & commodarum habere, ut declaratum est primo libro, hac copia dupliciter contigit, vno modo si ager sit rerum necessariarum, & commodarum ferax: alio per emptionem rerum importandarum quibus regio caret, & venditionem exportandarum quibus abundat. Nam hoc perinde propemodum est, ac si omnia in agro prouenerent.*

6 *In vnâ Rempublicam. In vnâ communem & ciuilem societatem, ut per commutationem rerum, aut emptionem & venditionem, omnibus rerum copia suppeteret.*

7 *Urbanarum rerum. Aedificiorum & viarum.*

8 *Scribæ & tabelliones. Hos Græci, si ad verbum libeat conuertere, sacri-memores, & magistros, memoresq; vocant, sed interpret commodius putauit uti verbis Romanis, dum latine loquitur.*

9 *Siue damnatus quis fuerit. Ut in eos legitimis poenis animaduertatur.*

10 *Siue factus reus. Siue fuerit alicuius criminis accusatus, cuius causa sit in carcerem tradendus.*

11 *Qui carceri custodijsque præest. Custodia vocantur, qui in carcere custodiuntur.*

12 *Sed alios ex alijs tribunalibus. Ut alij exequantur contractuum iudicia, alij capitula: quæ causæ in diuersis tribunalibus, siue à diuersis iudicibus cognosci debent.*

13 *Propositiones eorum quæ in acta referuntur. Ut pro causarum & tribunalium diuersitate varij sint qui iudicibus proponant hoc est exponant & referant omnia, quæ in acta pro vtriusque parte redacta fuerint: quod Roma fit in duodecim virali tribunatu, quam rotam dicunt, ab eo iudice, cui cognitio causa fuit commissæ: hic enim testes rogat, & scripturas, & quacunque fuerint ab vtriusque parte allegata, & probata, per scribas in acta refert: & instructa conclusaq; causa cuncta proponit, summamq; vnde decem collegis explicat: qui quod visum è iure fuerit, constituunt: nec aliter ille quàm ex collegarum iudicio sententiam pronuntiat. Hoc est igitur quod ait Aristoteles, alios esse oportere qui causam instruant, & statum eius actaq; proponant: alios qui iudicent, & diuersos pro diuersitate tribunalium, hi ab Hispanijs relatores vocantur, nec sunt de numero iudicum, nec est aliud eorum muneris quàm statum causæ, & quæ fuerint pro vtriusque parte allegata & probata summam iudicibus referre.*

- 14 Sin ijdem de cunctis. Si ijdem magistratus iudicia de rebus omnibus exequantur, cunctorum graue odium incurrant.
- 15 Non rectè committitur. Non tuto mandatur.
- 16 Penes eos. Penes prauos homines, vt cum ceteri magistratus geri debeant à viris probis, hic tantum quia odiosus est, prauis hominibus mandetur.
- 17 Vbi est aliquis iuuenum, & custodum ordo. Si quis cœtus sit, aut conuentus iuuenum Reip. vacantium, cuiusmodi est cohors pratoria, quæ iuuenibus militibus magna ex parte constat.
- 18 Ciuium delectus habeant, ipforumque ordines constituent. Vt ab his delectus ciuium militares fiant, tum ad vrbs custodiam, tum ad externa bella, atque item ordines militares constituentur equitatus & peditatus grauis & leuioris armaturæ.
- 19 Alicubi verò pauciores. Non quòd in aliqua ciuitate non sint hi magistratus, nam cunctos esse necessarios suprà dixit, sed quia in paruis ciuitatibus complures huiusmodi magistratus siue procuraciones simul vni homini mandantur.
- 20 His cunctis muneribus. Bellicis & custodia portarum & murorum.
- 21 Harum cuiusque manuum. Singularum copiarum, vt sit vnus equitum prefectus, alter sagittariorum, alius classicorum militum.
- 22 Res multas communes tractant. Bonam partem publicæ pecuniæ.
- 23 Sed vbi multitudo est. Vbi Proconsultores sunt multi, vocantur Senatores siue Consilium.
- 24 Sed est aliud procurationis genus. Sacerdotes, & qui templorum rerumque sacrarum curam gerunt in alio genere, diuerso scilicet à ciuilibus magistratibus versari dicit. Nam sacerdotum officium & sacrarum rerum procuraciones non esse ciuiles magistratus, ipse libro quarto docuit.
- 25 Honorem à communi genio fortiuntur. Genios deos, qui & lares vocabantur, & penates, singulis & hominibus, & domibus, atque item vrbus adesse antiquitas existimauit: quod mutatis nominibus non longè abhorret à Christiana philosophia, quæ angelos custodes singulis hominibus, atque item ciuitatibus & prouincijs attribuit. Commune igitur Genium vocat Aristoteles Deum siue angelum, qui presidio est toti ciuitati, cuius quasi sacerdos esset rex sacrificulus, de quo suprà pluribus memorauimus.
- 26 Hi quoque sunt de numero communium magistratū. Communes magistratus vocat, quos suprà necessarios appellauit, quoniam magistratus necessarij sunt omnibus Rebus publicis communes, cum nulla possit sine ipsis administrari.

27 Per quos quidam summos magistratus deligunt. Id est quos cum deligunt summos magistratus deligunt. nam ipsi summi magistratus sunt, per quos deligi summos magistratus dicit, ut supra hoc ipso capite declarauit. Nā ab his in sua quibusq; Repub. concilium eorum cogitur, qui arbitrio suo Remp. administrant, à legum custodibus optimatum, à praeconsultoribus paucorum concilium, à Senatoribus concio popularium.

FINIS LIBRI SEXTI.

ARISTOTELIS DE RE-
PVBICA LIBER SEPTIMVS.

Interprete & enarratore

IOANNE GENESIO SEPVLVEDA
CORDVBENSI.

CAPVT I.



VI de optimo statu Reipub. conuenien-
te ratione disputare debet, hic primū quæ
sit 2 maximè expetenda vita statuat oportet: 2.
hoc enim ignorato, optimam Remp. igno-
rari necesse est, cum, 3 eos optimè viuere 4 3. 4
consentaneū sit, qui optimo statu Reip. pro
ratione rerū suppetentiū vtūtur, 5 nisi si quid 5.
præter rationem fiat. Itaque primū omni-
um quæ viuendi ratio sit maximè 6 cunctis ferè hominibus expe- 6.
tenda, constare debet: deinde 7 num eadem publicè sit, quæ priua- 7.
tim optima vita, an diuersa. Cum igitur multa sint à nobis commo-
dè (vt equidem existimamus) de optima vita 8 in libris externis di- 8.
sputata, eadem hoc quoq; in loco vsui nobis esse debent. Nam pro-
fecto quod ad vnā diuisionem pertinet, nō est dubitabile, cū tria
sint bonorum genera, externa, corporis, & animi, quin hæc omnia
felicibus hominibus adesse debeant. Nam qui fortitudinis, tempe-
rantia, iustitia, atque prudentia expers muscas circū volantes me-
tuat, & quicquid libuerit 9 etiam extremorum edendo vel bibendo 9.
Ss 2 à nullo

- à nullo se continens persequatur, nec parcat amicissimorum vitæ
10. 10 vt auctior fiat vno quadrahte, hunc nemo felicem esse dixit
 accodem modo quod pertinet ad intelligentiam, si tam im-
 prudens sit, & mentis errore deprauatus, quàm puer, aut furiosus. Sed
 cum de his quæ modo diximus, inter omnes ferè conueniat: tamen
 de quanto & modum excedentibus magnitudinibus controuersia
 est. Nam virtutis quantulumcunque adsit, hoc satis esse putant: di-
 uitias, opes, potentiam, gloriam, sine fine quærun, ac his excellere
 nituntur. Quorum errorem facilè nobis fuerit rebus ipsis conuin-
 cere, cum non virtutes rebus externis, sed has virtutibus parere ho-
 mines atque tueri videamus, ipsamque vitam beatam siue in volu-
 ptate hominibus posita sit, siue in virtute, siue in vtraque. Tamen
 ijs qui cum morum probitate intelligentiaque excellent, externo-
 rum bonorum mediocritatem tenent, magis adesse notemus, quàm
11. qui ex his plus habent, quàm ad vsus vitæ satis est: 11 illorum autem
12. inopes habentur. Cæterum si animû aduertat, idem 12 te ratio quo-
 q; facilè docebit, quoniam bona externa velut instrumentû quod-
 dam suo fine terminantur. Nam quæ res vsui accommodantur, ea-
 rum nimia magnitudo necessario aut nocet habentibus, aut nihil
 prodest. Ex animi verò bonis quo magis quodque excellit hoc ha-
 betur vtilius, si hæc non tantum honesta, sed etiam vtilia nomina-
 ri debent. Ad summam, dubiû non est, 13 quin optimæ rerum affe-
 ctiones inter ipsas sequatur excessû, quo res differunt inter se, quarû
14. rerû has affectiones esse dicimus. Itaq; si anima tû opib. tû etiã cor-
 pore 14 & simpliciter, & nobis est potior, vt optima cuiusq; affectio
 horû proportionè obtineat, necesse est. Præterea hæc animi gratia,
 non animus illorum causa naturaliter expetuntur, & à prudenti-
 bus cunctis expeti debent. Maneat igitur, cõstitutumque nobis sit,
15. 15 quantum cuique virtutis & prudentiæ, & quæ ab ijs profiscun-
 tur actionum adest, tantum felicitatis adesse: vt Deus ipse testis est,
 qui cum beatus felixque sit, nullo tamen externo bono, sed per se,
 & quia talis est natura, beatus habetur: quoniam secundam fortu-
 nam à felicitate diuersam esse idcirco necessarium est, qui bona
 quæ extra animam sunt, casus & fortunæ beneficio contingunt.
 Iustus autem & prudens nemo neque à fortuna est, neque propter
 fortunam. Quo fit, eisdemque rationibus concluditur, beatam
 esse ciuitatem quæ optima est, & rectè agit. Vt autè rectè agant qui
 recta non agunt, fieri nõ potest: & opus vel singularis hominis, vel
 ciuitatis,

ciuitatis, absq; virtute & prudentia nullum rectum esse potest. Fortitudo autem ciuitatis, & iustitia, atq; prudentia, 16 eandem vim & formam habent quam ea quibus præditi singuli homines iusti esse ac prudentes & temperati dicuntur. Sed hæc hæcenus præfati sumus: quæ ut præterire non licuit, sic nec omnia quæ hanc quæstionem attingunt, cum huius loci non sint, explicare conuenit. Nunc autem positum sit, optimam esse vitam, etiam publicè ciuitatibus, quæ cum virtute degitur, & 17 hæcenus est adiumentis instructa, ut virtutis officia possit obire. Porro in eos quorum est dubia sententia, si cui fortè quæ diximus, non satis probantur, omissa hoc in loco disputatione, postea erit dislerendum.

Scholia in

Caput I.

- 1 Qui de optimo statu Reipub. conueniente ratione disputare debet. In hoc septimo libro de optimo genere Reipublicæ disputat Aristoteles, & quod ipse maximè post regnum probat, hoc enim omnibus præfert, si rex ad ipsius normam, de qua in libro tertio disputatum est, contingat, qualis optari magis potest, quàm multis seculis reperiri. Sed ut optimus Reipub. status qui sit appareat, singulorum hominum vita beata in quo posita sit statuere oportet, cum eadem sit priuatim, publicèq; felicitas. Igitur singulorum felicitas posita est, inquit, in vsu virtutis non impedita, sed cum virtutis vsus modo corporeorum, modo externorum bonorum inopia impediatur, sit ut cuncta bonorum genera homini felici, ac proinde ciuitati adesse debeant. Sed quoniam animi bona primam dignitatem & auctoritatem ad vitam beatam efficiendam habent, idcirco virtus quo maior est, hoc plus virium ad felicitatem habet, cum in cæteris bonis mediocritas maximè probetur.
- 2 Maximè expetenda vita. Quæ sit vita beata, quæ eadem felicitas appellatur.
- 3 Los optimè viuere. ἡ βέλτερος, quod est ad verbum optima, vel optimè agere, interpres conuertit optimè viuere, quia in hunc sensum dictum est ab Aristotele, ut cum in alijs locis, tum in primo Ethicorum libro τοῦ βέλτερος λέγειν dicit pro bene beatèq; viuere.
- 4 Consentaneum est. Conueniens est, nam Resp. ut dictum est in quarto libro, ciuitatis est vita.
- 5 Nisi quid præter rationem fiat. Nisi si quis casus ordinem & rationem Reipub. perturbet.
- 6 Cunctis ferè hominibus. Non enim cunctis hominibus status Reipub.

Ss 3

conuenit,

conuenit, qui optimus simpliciter est, quia non omnia adiumenta cunctis ciuitatibus suppetant.

7 Num eadem sit publicè, quæ priuatim optima vita. Vtrum eadem res ciuitatem faciat felicem, quæ singulos homines beatos facit.

8 In libris externis. In alio opere extra hoc in quo versamur: non enim genus aliquod scriptorum significat, quod exotericum inscribatur, ut est publicus error suprâ à nobis confutatus. Ethicorum igitur libros designat, in quorum primo hæc, & partim etiam in decimo traduntur.

9 Etiam extremorum. Extrema vocat ea quæ nisi ab intemperantissimis non appetuntur, ut apicium luscinarum linguas appetuisse, & comedisse fertur.

10 Ut auctior fiat vno quadrante. Vt vnum quadrantem lucrificat.

11 Illorum autem inopes habentur. Parum habent bonorum morum & intelligentia, hoc est virtutum intellectualium.

12 Ratio quoque te facile docebit. Dixerat rebus ipsis atque vsu declarari animi bona ceteris bonis corporis atque externis esse potiora: nunc idem ratione quoque posse confirmari & concludi docet.

13 Quin optimæ rerum affectiones. Affectiones conuertit interpretes, quod est græcè διαθέσεις, id est dispositiones. Sunt autem dispositiones, qualitates primæ speciei facilius mobiles quam habitus: quanquam habitus etiam dispositiones interdum nominantur, ut hoc in loco, quemadmodum ipse docet in libro prædicamentorum. nam dispositio latius patet quam habitus. Itaque optimas dispositiones nunc vocat in animo virtutes, in corpore bonam valetudinem, in rebus externis qualitates, quibus ad vsum hominum commendantur. Est autem sensus, optimas affectiones, quæ sunt ipsa triplicia bona, hanc inter se excessum proportionem habere, quam ipsarum subiecta inter ipsa tenent. Vt enim anima potior est corpore, sic animi bona sunt bonis corporis potiora, ac eodem modo bona corporis bonis externis.

14 Et simpliciter & nobis. Meliora simpliciter sunt quæ sua natura sunt meliora: meliora nobis, quæ nobis sunt commodiora. Quædam autem sua natura meliora sunt, quæ nobis non sunt meliora. ut malefica animalia simpliciter meliora sunt quam frumenta, quia omne animatum melius & nobilius est quam inanimatum, nobis tamen melius est frumentum. Bona verò animi tum simpliciter, id est per se meliora sunt, tum etiam ad commoditatem nostram relata, quam bona corporis.

15 Quantum cuique virtutis ac prudentiæ. Hoc quisque felicior est, quo magis virtutibus moralibus & intellectualibus præditus: qui habitus sunt, aut plus actionibus fungitur, quæ ab his habitibus proficiuntur. Nam bona corporis &

poris & externa, non sunt partes felicitatis, sed tanquam instrumenta, ut in artificijs siue instrumentis opus confici non potest, ipsa tamen non sunt partes ipsius artis, quæ intelligitur felicitatem non consistere in indiuiduo, sed patere latius, & aliud alio feliciorem, ut fortiolem & liberaliorem esse, sed quicquid bonis addatur, id nullum bonum maius felicitate reddit. Est enim felicitas status omnium bonorum aggregatione perfectus. Itaque felicitas non potest cum alio bono connumerari: nam quodcunque bonum addas, pars est felicitatis, vel eius instrumentum: hoc est enim, ut obiter difficilem locum expediamus, quod Aristoteles Ethicorum libro primo tradit, felicitatem esse maxime omnium expetendam, non connumeratam. Nam connumerata, inquit, expetibilior esset, vel cum minimo bono. Est enim sensus. Felicitas connumerari non potest cum alijs bonis, quoniam ipsa cuncta bona complectitur. Nam si quis ad ea bona quibus aliquis felix est, bonum aliquod addat, non aliquod bonum effecerit maius aut expetibilem felicitatem, sed fortasse maiorem felicitatem efficiet. Nam felicitatem connumerari non posse, nec cum alio bono esse magis expetendam, ut plerique putant, ipse docet decimo Ethicorum, & primo magnorum moralium libro.

16 Eandem vim & formam habet. Eisdem rebus, eademque ratione ciuitas dicitur fortis, iusta, & prudens, quibus singuli homines.

17 Haecenus est adiumentis instructa. Cui res & facultates suppetunt quantum satis est ad virtutes fungendas.

CAPVT II.

1 SUPEREST ut felicitas eadem singulorum hominum & ciuitatis dici debeat, an secus, disseramus. quod tamen constituere in promptu est, cunctis eandem esse consentientibus. Nam qui singulorum hominum beatam vitam 2 opibus metiuntur, ij omnes ciuitatem si fuerit opulenta, felicem esse confirmabunt. Qui verò tyrannicam vitam cæteris omnibus anteferunt, hi ciuitatem plurimis imperantem felicissimam esse, confitebuntur. Si quis autem singularem hominem 3 propter virtutem maxime probabat, is ciuitatem quo magis virtute prædita sit, hoc feliciorem esse asseuerabit. Sed hæc iam duo sunt quæ disputatione indigent. Primum vtra sit magis expetenda vita, quæ in administratione Reipub. & ciuitatis communione versatur, an quæ velut 4 peregrini & hospitis vita est, & à ciuili communitate seiuncta. Deinde quæ ratio Reip. & status ciuitatis optimus sit, siue Reip. administratio omnibus

- omnibus expetenda sit, siue quibusdam, non plerisque; tamen. Hoc enim intelligentiæ & considerationis ciuilis munus est, non quid
5. singulis expetendum sit constituere. Nos autem hoc in loco 5. questionem hanc explicandam suscepimus. Nam ut illud esset extra negotium vagari, sic huius commentationis hoc munus habetur.
 6. Hec igitur necessario est optima Respub. 6. per quem ordinem rectissime quisque habere, ac beatè viuere potest. Nec id est dubitabile, sed inter ipsos qui vitam quæcum virtute degitur, maximè
 7. expetendā esse consentiunt, controuersia est. 7. vtra sit magis expetenda, ciuilis & actiua, an quæ à rebus omnibus exterioribus seiuncta est, hoc est contemplatiua, quam solam nonnulli vitam philosophorum esse dicunt. Has enim duas vitas ferè qui virtutem maximo studio & ambitione colunt, tum priores, tum etiam nostra memoria deligere videntur, duas vitas dico, ciuilem, & philosophorum. Neque verò parui refert, vtri veriora dicant. Neceffe est enim ut qui intelligentia prudentiaque valent, tum singuli homines priuatim, tum Respub. communiter vitam instituunt ad meliorem finem spectantes. Quidam igitur sic existimant finitimis imperare, si heriliter fiat, iniustissimum esse: si autem ciuilitè, abesse quidem iniuriam, tamen impedimento esse, quo minus liceat otio & iucunditate frui. Alij tanquam ex aduerso solam actiuam, ciuilem
 8. quæ vitam viro dignā esse putant: 8. officia enim quæ à singulis virtutibus ducuntur, non magis priuatos homines attingere, quàm eos qui funguntur publicis muneribus & Rempub. administrant, sic igitur quidam existimant. Alij solam herilem & tyrannicam Reip. rationem felicem esse dicunt. Quinetiam apud quosdam hic est Reip. finis, quo leges spectant, ut vicinis dominantur. Itaque cum multi multorum mores institutaque sint, lateque pateant: tamen
 9. si leges 9. ad vnum quoddam referantur, omnes huc spectant, ut victoria & imperio potiantur: ut Lacedemone, atque in Creta, 10. tum educatio, tum summa legum ferè bellis accommodantur. Præterea
 11. in cunctis nationibus 11. quæ possunt esse facultate rei gerendæ superiores, huiusmodi facultas in honore est, ut apud Scythas, Persas, Thraces, & Gallos. Apud quosdam enim leges quædam sunt in hanc virtutem incitantes, ut Carthagine ferunt, annulorum ornatum cuique pro numero bellorum, quibus interfuerit, concedi. Et olim apud Macedones lex erat, ut capistro cingerentur, qui nullum hostem occidissent: & apud Schytas, qui nullum inter-

teremisset hostem: hinc ex poculo, quod in solenni quodam epulo circumferbatur, bibere non licebat. Et apud Hispanos bellicosam gentem fastigiatę bases circum cuiusque tumultum tot numero erigebantur, quot hostes interemisset: & multa huiusmodi alia, apud alios partim legibus sancita sunt, partim moribus recepta. Quamquam si considerare libeat, per absurdum fortasse videatur, hominis civili facultate præditi officium esse præcepta dare posse, quomodo in finitimos ¹² volentes iuxta, & inuitos imperium dominatufq; teneatur. Nam quod ius non est, id quomodo ad civilis hominis & legumlatoris officium pertineat? Non est autem ius, ut non modo iustè imperitetur, sed etiam iniustè. Fieri autem potest, ut iniustè quis vincat. At in cæteris scientijs hoc fieri non videmus. Neq; enim medici vel gubernatoris munus est, ut hic nautas, ille ægrotantes vel persuadeat, vel cogat. Multi tamen herilem dominatum, civilem principatum esse putant. Et quod in se quiq; nec iustum esse, nec utile dicunt, hoc eos in alios exercere non pudet, cum ipsi ¹³ inter se iustum imperium quærant, ¹⁴ in alios autem quid iustum sit, ¹⁴ nihil laborent. ¹⁵ At hoc natura heriliter imperare, illud non heriliter probabile est. Quod cum ita sit, non est conandum, ut omnibus heriliter imperetur, sed ijs duntaxat, qui tali imperio sunt idonei: quemadmodum ad epulum seu sacrificium non homines, sed quod est huic rei ad venandum idoneum, venari oportet: est autem idoneum animal sylvestre mensis accommodatum. At fieri posset, ut ciuitas vna beata, quę rectè scilicet administraretur, ¹⁶ separatim ¹⁶ sita esset. Quod enim prohibet, quominus alicubi seorsum habitetur, & iustis legibus vtatur? Cuius Reip. ratio nec ad bellum, nec ad superandos hostes esset accommodata. Faciamus enim nihil adesse tale. Omnes igitur bellicas procuraciones honestas esse, statuere cõuenit, non tamen quasi rerum omnium vltimum, ac summum bonum, ¹⁷ sed illas huius esse gratia. Est autem probi legumlatoris munus, ciuitatem ac genus hominum, & omnem aliam communitem intueri, & quomodo recta vita & felicitate, quæ in eos cadere possit, potiantur considerare. Erit tamen in quibusdam legitimis institutis differentia. Illud quoq; legumlatoris officium est, si qui finitimi sint, quo quiq; modo tractari debeant, & quę in quosq; sint officia seruanda dispicere. Cæterum ad quem finem spectare, & quo dirigi optima Respub. debeat, postea suo loco differemus.

Tt

Scholia

1 Superest vt felicitas eadem vniuscuiusque hominis, & ciuitatis dici debeat. Eandem esse ciuitatis felicitatem, qua hominis singulari communi hominum sententia declarat. Nam quicumque beatum esse hominem locupletem dixerit, is ciuitatem opulentam felicem esse confirmabit: eodemque modo de imperio & virtute statuet, qui alterutro vitam beatam metietur. Sed illud differendum est, vtra sit magis expetenda vita, qua in actione & ciuili administratione versatur, an qua procul ab huiusmodi negotijs abest. Illud autem constat eum esse optimum statum Reipub. cuius ordine recte beateque viuatur. Sed inter eos qui beatam vitam virtute metiuntur, controuersa est, alteris actiuam, alteris vitam contemplatiuam praferentibus. Sunt autem qui felicitatem in imperio herili & tyrannico positam esse ducant, quorum leges huc maxime spectant, vt ciuitas latissime dominetur. Itaque fortissimis viris honores apud eos propositi sunt, & ignauis ignominia, cum tamen iniustum sit, in omnes subiectos heriliter imperare. Nam imperium herile in eos duntaxat conuenit, qui natura vel serui sunt, vel tam improbi, vt sint herili imperio coercendi. Itaque non est recte instituta Respub. in qua summa legum ad victoriam & imperium propagandum dirigitur.

2 Opibus metiuntur. Felicitatem in diuitijs consistere putant.

3 Propter virtutem maxime probat. Felicem esse putat, quia virtute praeditus est.

4 Peregrini & hospitis vita. Abhorrens à ciuilibus muneribus, vt peregrini in aliena ciuitate solent.

5 Quaestionem hanc. Qua ad ciuitatem & ciuilem administrationem pertinet. Nam qua singulorum virtutem & felicitatem attingunt, haec in libris de moribus disputata sunt.

6 Per quem ordinem. Per quam Rempub. Nam Respub. est ordo ciuitatis, vt tertio libro memoratum est.

7 Vtra sit magis expetenda. Hanc quaestionem ipse libro decimo Ethicorum dirimit, vbi contemplatiuam vitam actiuam praefert conuenienter, scilicet Christiana philosophia, & euangelico illi testimonio, Maria optimam partem elegit: elegerat enim contemplationem, dum Martha rebus agendum esset occupata.

8 Officia quae à singulis virtutibus ducuntur. Actiones quae à singulis virtutibus manant, non magis ad eos qui vitam degunt priuatam, coluntque virtutes intellectuales pertinere, quam ad eos qui Rempub. administrant, & in moralibus virtutibus versantur.

9 Ad

- 9 Ad vnum quoddam. *Ad vltimum finem ipsis propositum.*
 10 Tum educatio. *Institutio morum.*
 11 Quæ possunt esse superiores. *Qua vires & facultatem habet ad vincendum.*
 12 Volentes iuxta, & inuitos. *Velint nolint. Nam liberis hominibus inuitis imperare iniustum & tyrannicum est, nisi natura serui sint, & iniuste, contraque suam vtilitatem imperium recusent: tunc enim cogi bello possunt: estque id bellum natura iustum, ut ipse libro primo, capite quinto testatur. Tales enim prudentiorum ac potiorum imperio iuste, & cum sua commoditate parent: ad iustitiam autem compellere, ut conuiuij Evangelica parabola confirmat Augustinus, iustum & pium est.*
 13 Inter se Inter ipsos ciues.
 14 In alios. *In subiectos populos.*
 15 At hoc esse natura heriliter imperans, illud non heriliter. *Credibile est quoddam imperium herile lege natura niti, id scilicet quod habetur in homines natura seruos, aliud imperium lege natura non esse herile, quod in liberos habetur.*
 16 Separatim sita. *Longissime ab alijs ciuitatibus & hostibus remota, vbi nulla esset occasio, vel necessitas, nec inferendi, nec propulsandi bellum.*
 17 Sed illas huius esse gratia. *Bellicæ procuraciones siue actiones ad summum bonum referri.*

CAPVT III.

IN eos autem vtrosque qui cum vitam quæ ex virtute degitur, omnibus anteferendam esse confiteantur, 2 de vsu tamen eius 2. dissentiant, nobis disputandum est. Alteri enim imperia ciuilia idcirco improbant, quoniam 3 liberi hominis vitam à vita ciuili diuersam, & maximè omnium expetendam esse putant. Alteri 4 hanc cunctarum optimam esse contendunt. Nam fieri posse 4. negant, ut 5 rectè is agat, qui nihil agit: felicitatem autem idem esse, 5. quod rectam actionem confirmant, quoniam vtrique partim rectè, partim perperam edisserunt. Quod enim alteri liberi hominis, quàm domini potiore vitam esse dicunt, id à verò non abhorret: quoniam 6 seruo, quia seruus sit, uti nil habet gloriandum: 6. nam res necessarias imperare nullam partem honestatis habet. Errat tamen si quis omne imperium dominatum esse putat. Nec enim minus liberorum imperiū à seruorum dominatu differt, quàm ipsum

T t 2

7 quod

7. quod est natura liberum, ab eo quod est natura seruiens, de quibus
8. satis primis sermonibus disseruimus. Sed 8 neque vera commenda-
9. tio est, cessationem magis quàm actionem laudantis. 9 Nam felici-
10. tas, actio est: & iustorum ac temperantium actiones, 10 multarum
honestarumque rerum finem habent. Quibus rebus sic constitutis,
existimabit forsitan aliquis, summum bonum esse cunctis dominari.
Sic enim fiet, ut plurimas & honestissimas actiones obeundi pote-
statem habeat, prorsus ut cui licet imperare, is imperium alteri con-
11. cedere non debeat, sed auferre potius: ut ut nec pater filiorum, nec
filius patris hac in parte, ad summam, nec amicus amici rationem du-
cere debeant. Nam quod optimum est, id esse maxime omnium
12. expetendum. Recte autem agere, optimum esse. 12 Hoc igitur verè
forsitan dicunt, si quod est omnium maxime expetendum, id eis qui
spoliant, & vim afferunt, est affuturum. Sed forsitan adesse nequit;
13. & 13 hoc perperam ponitur ab eis. Neque enim amplius honestis ac-
14. tionibus is fungi potest, 14 qui non tantum excellat, quantum vir
15. uxori, & pater filiis, dominusque seruis præstat. Ita 15 cum deflexe-
rit, non tantum postea poterit recte agens ad tramitem honestatis
16. redire, quantum iam à virtute discessit. 16 Nam similibus, honestum
& iustum in vicissitudine positum est. hoc enim & æquum est, & si-
militudine non æquum autem inter pares, & non simile inter similes, præ-
ter naturam est. Quæ autem præter naturam sunt, horum nihil est
17. honestum 17 Si quis igitur alius virtute & agendi facultate optimis:
etiam præstat, huic obsequi honestum, & huic parere iustum est. O-
18. portet tamen 18 non modo virtutem, sed etiam facultatem, qua sit
ad agendum instructus, adesse. quæ si recte dicuntur, & felicitas in
recte agendo consistit, efficitur ut vita actiua tum publicæ cuiusque
ciuitatis tum etiam singulorum priuatim optima sit. Veruntamen
19. actiuam vitam 19 ad alios referri non est, ut quibusdam videtur,
necessarium: nec ex tantum cogitationes actiue sunt, quæ earum re-
20. rum gratia fiunt. 20 quæ res ex actionibus existunt, sed ex multo et-
21. iam magis, 21 quæ seipsis contentæ sunt, & contemplationes, &
considerationes quæ propter ipsas expetuntur. Nam recte
22. agere, ac proinde actio quædam finis est. 22 Sed & eos ma-
ximè proprieque agere dicimus, qui cogitationibus sunt actio-
num externarum architecti. Cæterum quæ ciuitates seorsum fi-
tæ sint, & vitam huiusmodi cæteris prætulerint, has cessare & ni-
23. hil agere non est necesse. 23 Hoc enim per partes fieri potest quoniã
ciuitatis

cīuitatis partibus inter ipsas multæ communitates sunt. quod 24 i^o 24.
psum eodem modo in vno quoque homine fit: 25 26 alioquin vix 25. 26.
Deus ipse rectè sese haberet, & vniuersus mundus qui præter pro-
prias actiones suas nullis actionibus externis fungitur. Eandem igitur
vitam cuique hominum, & publicè ciuitati, ac hominibus opti-
mam esse, haud dubiè necessarium est.

Scholia in Caput III.

1 IN eos autem utrosque qui cum omnibus anteferendam esse
confiteantur vitam, quæ cum virtute degitur. Qui vitam beatam vir-
tute metiuntur, horum alteri ciuili damnata, contemplantium vitam maxi-
mè probant: alteri ciuiles actiones ita commendant, ut pro nihilo contempla-
tionem habeant, quorum utrosque in errore versari docet. Nam qui vitam
publicæ administrationis immunem imperanti præferunt, errant in eo, quod
omne imperium dominatum esse putat: dominatus enim seruorum est, qui
longe distat ab imperio quod in liberos habetur. Errat item qui cessare & ni-
hil agere actioni præferendum esse putat, cum felicitas actio quædam sit, non
tamen quia in principatu multa sunt agendi occasiones, idcirco principatus
est summum bonum, præsertim si est iniustus. Sed quanquam vita actiua tum
priuatim, tum etiam publicè optima est, non tamen ij solum agere putandi
sunt, qui iustitiam & virtutes ad alios relatas colunt, cum ij etiam qui phi-
losophantur in actione versentur. Contemplatio enim actio quædam est.

2 De vsu eius dissentiant. Nam qui se Reip. dedunt, ij philosophos, quiq;
in rerum cognitione versantur, uti virtute negant, cum nihil agere videan-
tur.

3 Liberi hominis vitam. Nam qui publicis muneribus funguntur, serui
esse videntur, seruiunt enim Reipub.

4 Hanc cunctarum optimam esse. Ciuilem præstare omnibus.

5 Rectè is agat qui nihil agit. Rectè agere quid communiter significet,
nemo ignorat sed consuetudine Græcorum rectè agere, est etiam felicem esse.
Hac tamen oratio vtrumque significatum spectat.

6 Seruo, quia seruus sit uti. Qui seruum prudentem adhibet consilio, is
non utitur seruo, quia seruus sit, sed quia vir prudens & amicus. qui verò uti-
tur eius opera ad corporea & necessaria munera, is seruo utitur, ut seruo: hac
autem imperare nihil habet gloriandum.

7 Quod est naturaliter liberum. Genere neutro dixit, ut omnia genera com-
plecteretur. Nam & ratio appetitui, ut libero imperat: anima corpori, ut ser-

40, quibus de rebus libro primo disputatum est.

8 Nec vera commendatio est, cessationem magis laudantis quam actionem Errat etiam qui nihil agere potius esse dicit, quam agere.

9 Nam felicitas actio est. *Vsus videlicet virtutis.*

10 Multarum honestarumque rerum finem habent. *Viri iusti & temperantes multa praeclara facinora edunt, ut iuste seu temperanter agant. Itaque vsus virtutum in quo felicitas consistit, finis est viro iusto & temperanti propositus, quem dum sequitur & spectat, res multas praeclaras agit.*

11 Nec ut pater filiorum, nec patris filij rationem habeant. *Vt nulla quisquam necessitudine deterreatur, quin alterum, si possit, spoliaret imperio, ut sibi vendicaret.*

12 Hoc igitur verè forsitan dicunt. *Sibi quenque summum bonum quaerere debere.*

13 Hoc perperam ponitur ab eis. *Velut constans & iudicatum statuitur, optimum esse & maximè expetendum imperium quacunque ratione partum, iure, vel iniuria, siue virtus adsit, & facultas imperandi, siue secus.*

14 Qui non tantum excellat. *Non est iustum imperium, nisi virtute & facultate imperans longè praestet subiectis, praeterquam si pareatur, & vicissim imperetur, ut inter pares in recte instituta Rep. sit.*

15 Cum deflexerit. *Cum aberrauerit à virtutis & honestatis via.*

16 Nam similibus. *Imperium inter similes paresq;, ut sit iustum & honestum, alternum esse debet, ut eorum quisque modo imperet, geratue magistratum, modo pareat imperio.*

17 Si quis igitur alius potior virtute sit, & facultate. *Si quis tanto opere excellat, ut virtute & agendi facultate ceteros omnes etiam optimos superet, huic vni tanquam regi est imperium deferendum, ut lib. ii. declaratum est. Eademq; ratione si qua gens virtute & prudentia, ac imperandi facultate alteri praestet, inferior superioris imperio parere debet iure naturæ.*

18 Non modo virtutem adesse, sed etiam facultatem. *Virtutem dicere videtur iustitiam, & ceteras morum virtutes, facultatem verò prudentiam, & peritiam, & fortassis etiam vires ad cogendum iustum imperium recusantes.*

19 Ad alios referri. *Vt opus iustitiae vel liberalitatis.*

20 Quæ res ex actionibus existunt. *Vt de victoria qua fortiter agendo paritur.*

21 Quæ seipsis contentæ sunt. *Vt cogitationes seu contemplationes mathematicorum theorematum, & motuum naturalium, quæ sui causa, non alterius obveniunt.*

22 Sed eos maximè. Eos potissimum auctores esse externarum actionum? exempli gratia, victoriæ, qui cogitationibus architectos imitantur, id est quorum consilio, non opera, res efficitur, ut imperator, cuius consilio & imperio prælum est in tempore, æquoq; loco commissum, magis agit, paritq; victoriam, quam milites qui pugnando hostes concidunt, & insugam vertunt. quo intelligitur cogitationem, actionem quandam esse, & qui contemplatur hunc non cessare, sed aliquid agere.

23 Hoc enim per partes fieri potest. Id est vicissim, ut modo ciues philosophentur, modo Rempub. gerant, vel per partes ciuitatis. Nam licet eis res non sit cum hostibus, & externis ad actiones obeundas, tamen in communionibus, quas partes ciuitatis habent inter se, diuites cum pauperibus, nobiles cum popularibus iustitiæ, fortitudinis, liberalitatis, & aliarum moralium virtutum actiones obire possunt, & ita modo philosophari, modo ciuilibus muneribus, & moralibus virtutibus fungi.

24 Ipsum eodem modo fit, in vno quoque homine. Ut idem modo philosophetur, dum suppetit otium: modo gerat Remp. aut alias res agat, quæ ad vsus vitæ & virtutes morales pertinent.

25 Alioquin vix Deus ipse. Si semper esset contemplandum, & omnino à cæteris actionibus abstinendum, contemplatio sola non satis esset ad commodam & beatam vitam hominis, qui multis rebus indiget ad vitam degendam. Nam philosophantium contemplatio, ut ipse libro primo de prima philosophia testatur, nobilior est quàm ut ad humanas utilitates referatur, ac idcirco Deo magis qui nulla re indiget, conuenit, quàm hominibus qui multis rebus indigent, quiq; ob eam causam ommissa contemplatione, rebus necessarijs interdum seruire coguntur. Siue ergo ciuitas, siue singularis homo vitam contemplatiuam elegerit, non tamen potest semper contemplari, quin propter humanas necessitates alijs actionibus implicetur, tum ut officio pascens, domesticis, cognatis & amicis, denique ijs qui sunt fidei sua commisi prospiciat. Ut enim re nulla indigeat, quæ à contemplatione & proprijs actionibus ad externas auocet, vix Deo, & vniuerso mundo datum est, qui nulla externa re indigent, cuius causa externas obire debeant. Quæ omnia huc spectant, ut doceat errare, qui nihil eos agere dicunt, qui contemplationi vacant. Agunt enim non solum cogitando, cum cogitationes actiones quædam interna sint, sed etiam externis actionibus fungendo, ad quas necessario propter humanam indigentiam deflectunt.

26 Aut illud. Alioquin vix Deus. Referendū est ad id quod dixerat contemplationes & cogitationes esse actiones, & qui cōtēplatur agere, alioquin Deus non esset beatus, quia nihil ageret, cum non agat extrinsecus, sed contem-

platur tan-

tur tantum. Nam si nihil agit, non rectè agit, ac proinde non est felix, cum felicem esse sit rectè agere. Sed prior sententia commodior videtur, & proximè dictus conuenientior. Vocat autem vniuersum mundum calum supremum, omnia suo complexu continens, quod animatum Aristotelis opinione, & quasi Deus quidam est. Quod autem dicit vix Deo datum esse, vt sine externis actionibus sit felix, non sic accipi debet, quasi felicitati Dei obsit aliqua difficultas, sed referendum est ad nostram intelligentiam, qui quomodo Deus sine vlla externa actione felix esse, & quomodo viuere valeat, vix possumus intelligere, proprijs tantum actionibus, contemplationiq³ vacando, possit sine vlla ad actiones externas desectendi necessitate: non quòd Deus non sit actionum externarum auctor, sed quia internis duntaxat actionibus intellectus aut voluntatis cuncta conficit. Nam ipse dixit & facta sunt, id est sola voluntate confecit omnia.

CAPVT III.

1. **S E D** quoniam quæ nunc de ipsis dicta sunt, præfati sumus, ac suprà de cæteris Rebus publicis disputauimus, hinc initium ad reli-
2. quam disputationem capiemus. Vt primum quæ fundamenta 2 ciuitatis ex animi sententia constituendæ iacienda sunt differamus. Nec enim fieri optima Res publica potest, nisi copia rerum sit mediocriter instructa. Itaque multa prius fundamenta velut optando
3. iaci debent, 3 quanquam horum nihil adesse impossibile est, vt ciuium multitudinem & magnitudinem agri. Nam quemadmodum cæteris artificibus, vt textori & nauium ædificatori materia suppetat oportet operi conueniens, quæ quo fuerit commodius præparata, hoc artis opus necessario pulchrius existet: sic homini ciuili legumque latori apta, conueniensque materia adesse debet. Cæterum ex ijs quæ ad ciuilem copiam faciunt, primum de hominum multitudine, quot & quales natura adesse cōueniat, deque agro eodem modo quantus & qualis esse debeat, differendum est. Plerique igitur felicem ciuitatem magnam esse oportere putant. Quod si verū est, quæ ciuitas magna sit, quæ vicissim parua, nō intelligunt, habitantium numero & multitudine ciuitatis magnitudinem metientes, cum tamen 4 ad potentiam magis quàm ad multitudinem spectare oporteat. Est enim ciuitatis officium quoddam & opus, quod quæ obire maximè potest, hanc maximam esse ciuitatem existimare conuenit: vt Hippocratem non hominem, sed medicum maiorem

rem

rem esse dicas altero, à quo magnitudine corporis superetur. Cæ-
 terum quanuis in æstimanda ciuitatis magnitudine sit multitudi-
 nis habenda ratio, non tamen oportet quamcunque multitudi-
 nem spectandam esse putare. Nam fortasse in ciuitatibus magnum
 seruorum, inquilinorumq; & peregrinorum numerum adesse ne-
 cesse est: sed 5 eorum multitudinem intuendam, qui pars ciuitatis
 sunt, & ex quibus vt proprijs partibus ciuitas consistit: quippe ho-
 rum ingens multitudo magnę ciuitatis est argumentũ. Ex qua verò
 ciuitate 6 opifices sordidarum artium complures numero, armati 6.
 vero pauci prodeunt, hæc non potest esse magna. Nec enim magna
 ciuitas hoc est, quod ciuitas hominibus frequentissima. Vix autem
 fieri posse, ac fortasse ne vix quidem, vt ciuitas hominib. frequen-
 tissima rectè legibus administretur: res ipsa declarat. Nam quæ re-
 ctè administrari videntur, harum nullam esse cernimus multitudine
 redundantem. cuius rei 7 ipsa quoque ratio fidem facit. Nam 7.
 lex ordo quidam est, recta legum institutio, vt ordinatione recta
 sit necesse est. At nimius numerus ordinem tenere nequit. 8 Hoc e- 8.
 nim diuinę potentię, quæ hoc vniuersum continet, munus est. Cũ
 igitur pulchritudo in multitudine & magnitudine consistere sole-
 at, 9 cui ciuitati cum magnitudine memoratus terminus adest, hæc 9.
 est necessario pulcherrima. Sed vt cæterarum rerum animalium,
 stirpium, & instrumentorum, sic ciuitatis mensura quædam est, &
 modus: horum enim quodque nec si valde exiguum sit, nec si ex-
 cedat magnitudine, vim suam retinebit, sed modo prorsus natu-
 ram amittet, modo in statum commodum delabetur. Vt nauigi-
 um prorsus non erit, nec si vnius palmi sit, nec si pateat stadijs duo-
 bus, sed 10 ad quandam magnitudinem progressum, modo propter 10.
 exiguitatem, modo propter exuperantiam incommodam nauiga-
 tionem efficiet. Eodem modo ciuitas si ex admodum paucis consi-
 stat, adiumentis necessarijs carebit. si autem ex nimium multis, a-
 bundabit quidem necessarijs adiumentis, sed 11 quasi gens non ciui 11.
 tas erit: nec enim facilè est Rempub. adesse. Quis enim dux nimis
 multitudinis erit, 12 aut quis præco nisi Stentori similis? itaque 12. 13.
 prima ciuitas ea sit necesse est, quæ ex multitudine quanta primum
 fatis est ad rectè viuendum in cõmunitate ciuili cõstat. Sed quaquã
 fieri potest, vt maior ciuitas sit, quæ hanc multitudinẽ excedat, 14 14.
 hoc tamen, vt diximus, nõ est indeterminatum. Quis autem sit exu-
 perantis magnitudinis terminus, ex operibus intelligere in prõptu
 est.

- est. Nam ciuitatis actiones quædam imperantium, aliæ sunt imperantis. 15. rata facientium. 13. Est autem imperantis munus imperare & iudicare. 16. 17. re. 16. Ad iudicandum porrò de iustis & magistratus 17 pro dignitate mandandos, ut ciues, qualis quisque sit, cognoscant inter se, necesse est. quod ubi fieri non potest, necessario praua erit eorum que 18. iudicia & magistratus attingunt condicio. Quippe 18 in utroque temerè agere iniustum est, quod haud dubiè in nimium frequenti ciuitate vsu venit. Ad hæc peregrini & inquilini haud magno negotio possunt ad Rempub. obrepere, quippe ubi latere propter nimiam ciuitatis multitudinem nõ est factu difficile. Hæc est igitur optima ciuitatis finitio, 19 maxima multitudo copia rerum ad viuendum instructa, quæ perspicì sine magno negotio possit. Sed de magnitudine ciuitatis hætenus.

Scholia in Caput IIII.

1 Sed quoniam quæ nunc de ipsis dicta sunt præfati sumus. *Quæ hætenus dicta sunt de vita beata, exordij loco sunt ad disputationem de optima Repub. proposita, cuius fundamentum est, ut copia rerum necessariorum adsit. Sed hæc copia duas habet potissimas partes, quarum altera in multitudine hominum, altera in regionis, siue agri magnitudine consistit. Itaque cõsiderandum est, quot homines, & quales natura suppetere debeant, & item quantus & qualis ager. Caterum ad magnitudinem ciuitatis facultas est potius, & potentia quàm multitudo hominum spectanda, & in ipsa multitudine constituenda ciuiũ multitudo, non seruorum & inquilinorum, & peregrinorum intuenda. Neque vero ciuitas optima putanda est, quæ sit hominibus frequentissima. talis enim rectè administrari nõ potest, ut res ipsa & exẽpla optimè institutarũ ciuitatum declarant, quæ non sunt nimium hominũ multitudine frequentes, quod ipsum ratione quoque demonstratur. Nam maxima hominũ multitudo turbam cõfusionemque parit. Lex autẽ ordo quidã est, quo sit, ut maxima multitudo legi & legitimo ordini sit aduersaria. Debet igitur esse magna ciuitas, ut pulchra sit, non tamen nimis magna, sed in qua ciues inter se cognosci queant, ne virtutes cuiusque vitiaque, ad deligendos magistratus & iudices ignorentur, ne ue peregrini latenter possint ad magistratus obrepere.*

2 Ciuitatis ex animi sententia constitutendæ. Ad condendam, & legibus instituendam ciuitatem, quale optare possemus, ut intelligatur hoc meliore quamque ciuitatem, seu Rempub. fore, quo proprius ad hanc formam, quã

ANIMO

animo & cogitatione constituimus, accefferit.

3 Quamuis horum nihil adesse impossibile est. Sic formam ciuitatis & Reipub. cogitatione, quasi optado fingimus, ut cū aliqua desiderari possint, quadam tamen adesse necesse sit, ut hominum multitudinem, & agrorum. Hac enim legumlatori suppetere debent, non ab ipso exquirenda afferendaque sunt, ut textori lana, fabro materia suppetenda sunt, non ab ipsis facienda.

4 Ad potentiam magis quā ad multitudinem. Nam si omnes serui aut inopes sint, ciuitas, ut in tertio libro docuit, non erit, quantum sit magna multitudo.

5 Eorum multitudinem intuendam. Quot sunt ij, ex quibus quasi ex partibus ciuitas consistit, id est quibus aditus est ad Reipub. gerendam, qui propriè ciues appellantur.

6 Opifices complures. Sordidarum artium artifices, qui in numero ciuium non habentur.

7 Ipsa quoque ratio fidem facit. Non solum sensus & experientia, ut modo diximus declarat, sed ipsa quoque ratio docet.

8 Hoc enim munus est diuinæ potentiae. Solus Deus hoc prestare potest, ut maximam multitudinem in ordine cōtineat, & recte moderetur, qui vniuersum mundum summa ratione gubernat.

9 Cui cū magnitudine memoratus terminus adest. Quia magna quidē est, sed ita ut rectē possit legibus administrari, & ciues inter se cognosci.

10 Ad quandam magnitudinē progressum. Cum ad aliquem terminum magnitudinis in maius aut minus processerit.

11 Quasi gens erit. Quasi natio quadam ex multis populis consistens.

12 Aut quis praco nisi stentori similis. Stentor praco vocatissimus fuit in bello Troiano, libro quinto Iliados ab Homero celebratus, quem, hominum quinquaginta vocem equasse tradit.

13 Prima ciuitas. Quia minor multitudo ciuitas non esset.

14 Sed hoc, ut diximus, non est indeterminatum. Id est infinitum. nā licet prima ciuitate possit esse altera maior, & hac etiam alia maior, tamen tantum potest crescere multitudo, ut ciuitas esse desinat.

15 Est autem imperantis munus. Imperans in Rep. dicitur, qui magistratum gerit. Nam magistratus ipse imperium dicitur, & iudices magistratum gerunt.

16 Ad iudicandum de iustis. Ad deligendum viros iustos, quibus tribu-
nalia & iudicia rectē committantur. Nam iudicare saepe Aristoteles pro eo dicit quod est suffragio deligere, ut nos quoque saepe admonuimus.

V v 2

17 Pro

17 Pro dignitate mandandos. *Vt delectus hominum ad magistratus gerendos pro virtute & cuiusque facultate fiat.*

18 Nam in utroque temerè agere. *In deligendis iudicibus, & ceteris magistratibus mandandis errare.*

19 Maxima multitudo *Civium multitudo, copia rerum ad usus vitae, non modo necessarios, sed etiam liberales instructa, & ea quidem maxima, sed ita ut ciues inter se cognosci possint. Nam licet minor multitudo possit esse civitas, tamen ut sit optima & pulcherrima civitas, qualem velut optantes instituimus, debet esse maxima, dum tamen modum non excedat, sed omnes inter se cognosci possint, & quae magnam copiam rerum vitae commodarum habeat. Nam pulchritudo non est sine magnitudine, ut supra dixit, & item in quarto libro Ethicorum, in quaestione de magnitudine animi.*

CAPVT V.

- 1.2. SIMILIS est regionis agrique ratio, de cuius qualitate non dubium est, quin maximè copiosus cunctorum approbatione sit commendabilis, qualem esse necesse est rerum omnium feracem. Nam omnia suppetere, & nihil desiderari, hoc demum est esse copiosum. 3. Multitudine verò & magnitudine tanta esse debet, ut incolentes valeant in otio liberaliter simul, & temperanter vivere; quod rectè an secus præcipiamus, postea erit accuratius dispiciendum; cum omnino de opibus atque diuitijs mentionem faciemus, & quam rationem modumque habere in ipso usu conueniat differemus. Hæc enim commentatio multas habet controuersias propter eos qui in utranque vitæ exuperantiam, quidam in tenuem & illiberalem vitam, alij è contrario in luxum trahunt. De forma verò regionis non est factu difficile præcipere, sed in quibusdam est rei militaris peritis habenda fides, qui oportere aiunt, ut hostibus ad inuadendum difficilis, ipsis verò facilis sit ad eruptiones & excursions faciendas. Præterea quemadmodum hominum multitudo cognitu facilis esse debet (ut diximus) sic item ager. Agrum autem facilem esse cognitu est eius esse naturæ, ut 4. facile possit subsidium ferri. Urbem verò si ex animi sententia constituere licet, oportuno loco ad mare positam esse oportet. Ut autem ad agrum probè sita sit, una conditio (de qua diximus, adesse debet) ut sit locis omnibus ad ferendam opem cõmunis: altera ut commodè fructus prouenientes deportari possint. Præterea ut ligna seu materia, & si quid aliud id genus age:

ager ferat, non incommodè conferri valeant.

Scholia in Caput V.

1 Similis est regionis, agrique ratio. Regio siue ager optimus est, consensu omnium, qui maximè copiosus & rerum omnium ferax sit, eaq; magnitudine & bonitate, vt ciues possint ex eo liberaliter & simul temperatè viuere. Forma verò regionis maximè probatur, qua ad bellum gerendum est accommodata, vt hostibus aditu difficilis sit, ciuib; facilis ad eruptiones & excursions faciendas, & huiusmodi, vt facile in omnes partes subsidio iri possit. Situs ad mare cōmodissimus habetur, sed ager non solum ad res bellicas debet esse, quemadmodum diximus, accommodatus, sed etiam ad fructus proueniētes, & materiam atq; ligna in urbem importandum.

2 Similis est regionis agrique ratio. Quod græcè est *χώρα*, id latinè modo regio dicitur, modo ager: quocirca interpres verbum vnum gracum duobus latinis exposuit.

3 Multitudine & magnitudine tanta. Tam longè & tam latè patere.

4 Facile possit subsidium ferri. Vt quocunque loco hostes incubuerint, facile possit ex vrbe in vicos, aut castella, & possessiones, & ex castellis in urbem subsidium mitti.

CAPVT VI.

1 Commerciū verò maritimum ciuitatibus, quæ rectis legibus administrantur, conferat an secus, non desunt qui multifariam in quæstionem trahant, quoniam in ea peregrinos diuersis legibus assuetos versari 2 ad rectam legum institutionem nocere, & urbem 2 nimis frequentem facere cōtendunt. Nam ex vsu maris importandis, exportandisq; rebus multos mercatores fieri, idq; à recto statu ciuitatis abhorre tradunt. Caterum his incommodis vitatis, tutius esse, & ad rerum necessariarū copiam commodius, vt vrbs atque regio maritima sit, non potest dubitari. Nam vt hostibus obstat, eos quorum salutē consulitur, vtrinque terra marique subsidij facultatem habere debent iidem si vtriusque compotes sint, inuadentibus, si non vtrinque, at certè 3 ex altera parte nocendi maiorem facultatem habebunt. Præterea ex rebus necessarijs quæ apud eos desiderantur, inuectas accipere, & vicissim 4 quæ de proueniē-

Vu 3

tibus

5. tibus supersunt, has exportare licet. Nam ciuitas & mercaturam sibi, non alijs exercere debet. Qui verò apud se cunctis mercatum instituunt, hi quæstus gratia mercaturam exercent: quæ auaritia si vitanda ciuitati est, fugienda est etiam talis mercatus institutio. Sed cum
6. multis in regionibus & ciuitatibus naualia & portus ad urbem opportuno loco sitos nunc quoque videamus, atque ita ut neque oppidum turba naualis habiter, neque tamen procul absit in loco muris, & alijs huiusmodi munitionibus septo, non dubium est, si commodum ex horum hominum communitate capitur, quin id bonum huiusmodi ciuitati sit affuturum. Sin autem incommodum, non est difficile ferendis legibus cauere, & quos oporteat, & quos inter se
7. versari non conducat constituendo. Cæterum 7 copiarum naualium aliquem numerum suppetere commodissimum esse, in præoptu est intelligere, cum non sibi solum, sed finitimorum etiam quibusdā præsidium habere paratum, & timori esse conueniat, ut terra, sic item mari. De multitudine verò & magnitudine harum copiarum, pro
8. ratione vitæ ciuitatis statuendum est. Nam 8 principalem & ciuilem vitam acturæ ciuitati potentiam hanc ad actiones obeundas mediocrem suppetere necesse est. Hominum verò magnā multitudinem quæ ex turba nauali conficitur, ut ciuitatibus adsit, non est necesse. Nec enim cōuenit, ut hoc hominum genus pars ciuitatis sit,
9. quoniam 9 vectores, classicique milites, qui principatum tenent, & in quorum potestate turba naualis est, liberi sunt, & ex pedestribus
10. copijs. 10 Quod si accolarum & agros colentium multitudo adsit, nautarum copiam abundè suppetere necesse est, ut hac quoque memoria quibusdā vsu venire notamus, ut Heracleotarum ciuitati, qui ut licet minorem alijs urbem obtineant, multas tamen triremes complent. De regione igitur & portibus, deque urbibus & mari, copijsque naualibus, ad hunc modum disseruisse satis sit. De ciuili verò multitudine, quo termino finiendā sit, suprà est à nobis declaratum.

Scholia in

Caput VI.

II. *Commercium verò maritimum conferat, an secus. Commercium maritimum quasdam habet incommoditates: nocet enim ciuitati rectè instituta. Peregrinorum, qui faciliè undiq; per mare influunt, consuetudo, prauis scilicet moribus, & diuersis institutis imbutorum, quorum contagione vitium in*

nam in ciuitate contrahitur. Item facit ut vrbs hominum frequentissima turba repleatur, quæ rerum perturbationem parit. Sed contra reputando hæc incommodis vitatu, commercium maritimum magnas commoditates offert. nam si bello ciuitas laboret facilius potest ab amicis & socijs subsidium per mare submitti, & ipsi possunt facilius hostibus nocere. Præterea si quæ res necessaria in vrbe desiderantur, ex alijs regionibus importandi facultas adest, & vicissim quæ supersunt ex ijs quæ abunde in regionem agroq, proueniunt exportandi. Incommoda verò peregrinorum influentium, & turba naualis vitari possunt, si locus muniatur ab vrbe discretus, vbi hoc genus hominum diuerfetur. Prodest etiam ciuitati, ut classe valeat: sic enim & amicis subuenire facile potest, & hostibus terrori est.

2 Ad rectam legum institutionem nocere. Nam legibus legumq, ordini & institutis, consuetudo diuersis moribus & institutis assuetorum hominum obest. Et quia plurimi confluent, vrbs nimis magna turba repletur, quæ nocet, ut supra diximus, ciuitati.

3 Ex altera parte. A mari vel à terra bellum inferentibus nocendi.

4 Et quæ supersunt Ex ijs quæ in ea regione proueniunt.

5 Sibi mercaturam exercere. Emere res sibi ad vitam necessarias aut commodas, & vendere fructus agrorum superuacaneos, non autem emere ut vendant externis quæstus gratia: hæc enim negotiatio cupiditatem & auaritiam parit.

6 Ad urbem opportuno loco. Ut Piræus Athenis & Roma, etiam nunc trans Tyberinam regio, & Hispali Transamna.

7 Copiarum naualium aliquem numerum. Classem, classiciq, milites aliquo numero.

8 Principalem & ciuilem vitam. Si debet alijs populis imperare.

9 Vectores classicique milites liberi sunt. Vectores vocantur, qui nauis vehuntur, nec sunt remiges, aut nautæ. Hi ergo & milites qui ad pugnas navales imponuntur, ingenui homines sunt, & possunt esse pars ciuitatis, & ex pedestribus copijs assumuntur: & item dux ipse præfectusq, classis cuius est, & qui copijs pedestribus interdum præsit, & in horum potestate turba naualis est, vocantur autem pedestres copia in terra militantes, etiam equitatus. Nam iter pedibus conficere dicitur, etiam qui equo inuehitur.

10 Quod si accolarum & agricultorum multitudo adsit. Accolarum conuertit interpres, quod graecè est *περιόικων*, quo nomine vocantur rustici circum urbem habitantes, quorum opera ciues ad suos agros colèdos vitantur, ut haec nomia, & in cætera Gallia Cisalpina: quorum si adsit in agris multitudo, facile est tempore

est tempore belli, & cum res possit ex ipsis remiges, & nauas imponere, ut Heracleota faciebant.

11 Licet minorem alijs. Qui pauciores triremes Remigibus instruunt quo in loco vulgatus codex græcè ἐμμελῆστραν habet pro ἐνδμεστραν, & ἐκπληρῶντι pro ἐκπληρῶσι.

CAPVT VII.

1. Deinceps autem quales natura ciues esse oporteat explicemus. Quod si quis Græcorum fama celebres ciuitates, atque orbem terræ vniuersum, & gentium, quibus incolitur discrimina consideret, 2. haud erit intellectu difficile. Homines enim 2 qui frigida loca, Europamque inhabitant, sunt illi quidem animosi, intelligentia tamē 3. & arte minus solertes habentur. Itaque cum 3 libertatem constantius tueantur, tamen à recta Reip. ratione sunt alieni, nec finitimis imperandi facultatem habent. 4 Qui verò Asiam incolunt, ut intelligentes & artificiosi sunt, sic parum animosi. Itaque imperio semper subiecti sunt, & seruitute pressi. Græcorum autem genus, ut locorum medium tenet, sic est vtrique natura præditum: quippe animo simul & intelligentia valet. Quamobrem in libertate persistit, & optima ratione ciuilem societatem administrat, & 5 vnā Rempub. nactum, posset utique cunctis hominibus imperare: quanquā Græcorum gentes eandem inter se differentiam habent, & cum 6 quadam simplici natura præditæ sint, 7 aliæ ad vtranque facultatem sunt probè temperatæ. Igitur ut legumlatori faciles se, docilesque ad virtutem præbeant, intelligentes haud dubiè, & natura animosi 8. esse debent. 8 Nam quòd quidam sic custodes affectos esse oportere 9. tradunt, ut se notis amicos, ignotis autem intractabiles exhibeant: 9 animus est qui amorem ingenerat, quippe hanc animæ facultatem esse, qua diligimus, argumento est, quod animus in familiares & amicos, quàm ignotos, cum se contemni putat, magis exasperatur. 10. Rectè igitur 10 Archilochus amicos incusans, cum animo suo colloquitur. *Nónne, inquit, ab amicis cruciari?* Item imperium atque libertas ab hac potentia cunctis hominibus proficiscitur: Animus enim iratus imperiosus & inuidus est. Neque verò rectè præcipiunt, qui difficiles ignotis esse oportere tradunt, cum erga neminem talem esse cōueniat. Nec magnanimi intractabiles natura & diffi. iles habeantur, præterquam in eos à quibus iniuria lacessuntur: quod tamen

men

men in familiares & amicos, vt suprà diximus, si qua iniuria ab eis se affici putent, magis vsu venit, idque non sine ratione. A quibus enim iuuari se beneficio oportere putant, ab eis tum offensam ferre, tum etiam hoc beneficio priuari existimant. vnde prouerbiū natum est, Difficiles fratrum dissensiones: & qui valde amant, valde habent odio. Ciues igitur quot & quales esse natura, & regio quanta & qualis esse debeat, penè declarauimus: non enim tam accurata & exquisita confirmatio poscenda est, cum nitimur rationibus, & cum sensum sequimur, & argumenta rerum.

Scholia in Caput VII.

1 Deinceps autem quales natura ciues esse oporteat. Quatenus procedere oporteat hominum multitudinem in ciuitate, suprà docuimus: Nunc autem de ipsorum natura differendum est, qua talis esse debet, vt ciues nec ingenio & intelligentia, nec animo deficiant, quales in medio regionum, medijsq; mundi declinationibus proueniunt, quarto scilicet & quinto climate, quibus Gracia & Italia atq; Hispania pars bona continetur. Nam frigoris & caloris temperamentum, ingenio & animo temperatos homines mitesq; & humanos reddit. Errant enim qui bellicosos homines, quibus constat ciuitatis praesidium, suis mites, alienis difficiles esse oportere putant, more canum. Nam qui magno animo sunt, mitiores habentur, nec cuiquam infensos se & intractabiles praebeant, nisi à quibus afficiuntur iniuria.

2 Qui frigida loca, Europamq; inhabitant. Qui loca tenent Europa in Septentrionem vergentia. Nam Gracia quae propriè intelligitur, vt Attica & Peloponnesus, Europa partes sunt, sed medium tenent frigoris & caloris, quia medijs sunt inter Septentrionem & Meridiem.

3 Libertatem constantius tuentur. Quia cum sint animosi, audacius se contra vim inferentes, & infernitatem redigere volentes sese tuentur: sed quia non valent ingenio, nesciunt ceteris imperare.

4 Qui vero Asiam incolunt. Ad Meridiem scilicet & calorem solū, vt in tertio & secundo climate. Nam qui in Septentrionem vergunt, vt Scythae, similes Scythijs Europa sunt. Qui verò ad torridam zonam recesserunt, nec ingenio valent, nec animo propter caloris intemperiem, quae infestat illas regiones, licet non tam vehementer quam veteres existimabant, qui prorsus inhabitabiles eas esse credebant. Nulla est enim mundi plaga quae habitari nequeat, licet quadam incommode, partim nimio calore, partim nimio frigore habitentur. Non igitur vt Scythiae nimius aliorum reddit animosissimos, sic feruor, &

X x

fluat

stusq; solis ingeniosissimos eos qui solis radijs ad perpendicularum iactis feriuntur: ut exploratum habemus iam pridem navigationibus ferè Oceano perlustrato, & altera continente, & nouo, hoc est ne fama quidem veteribus cognito orbe, magna ex parte à nostris hominibus peragrato, & in ditione redacto. (quanquam in his quoque regionibus homines reperiuntur ad artificia ingeniosi magis quàm ad prudentiam, & hoc est fortasse, quod Aristoteles ait in regionibus calidi homines artificiosos procreari, quia nimius calor corporis temperiem corrumpit, qua intus ad rectas imaginationes indiget, quibus utitur ad intelligendum. Nam intelligere, ut ipse tradit libro primo de anima, vel imaginatio est, vel non sine imaginatione, qua sine corpore non efficitur. In frigidissimis autem regionibus Dei naturaq; providetia, homines sanguine caloreq; abundant, qua res homines animosos efficiunt: neq; enim aliter tanto frigori resistere valerent, quin humor, qui aquosus animalibus in eis regionibus contingit gelasceret. Quo fit, quemadmodum ipse in libro de longitudine & breuitate vite tradit, ut animalia quib. parum aut nihil sanguinis est, partim nequaquam gignantur in locis adiacentibus Septentrioni: neque in terra pedes tria, neq; in mari aquatilia, partim procreentur quidem, sed minora, & breuioris vite, rigore incrementum auferente.

5 Rempub. vnã nactum. Si grati omnes consentirèt, & vnã Rempub. haberent, cuius caput esset vna ciuitas, athena, ex epligratia, vel Lacedamon, ut Roma erat Italia, cum rerum potiebantur.

6 Quædam simplici natura præditæ sint. Quædam Græcorum gentes animo magis valent, quàm intelligentia, quales habiti sunt Thebani, aut contra.

7 Aliæ ad vtrancque facultatem Ad animum & intelligentiam.

8 Nam quod quidam. Platonem designat, qui secundo libro de Repub. custodes vrbis mites simul in suos, & iracundos in alienos esse oportere tradit: nam tales esse generosos canes.

9 Animus est, qui amorem ingenerat. Animus est potentia quædam anime eius partu quæ ratione vacat, ut ipse tradit libro tertio de anima, atq; eadem pars anime cupiditas dicitur, si cupiat, si irascatur animus. Nam *δὲ μὲν* græcè, quo verbo hic utitur Aristoteles, modo animus conuertitur latinè, modo ira: & ipse Aristoteles animosos & iracundos eodem vocabulo solet *δὲ μὲν* appellare. Cupiditas autem & ira ad eandem animæ partem referuntur, & ira est quædam cupiditas: est enim appetitus vindictæ, ut ipse libro primo de anima testatur. animus ergo ingenerat amorem, quoniam beneuolentia ex hac animi potentia proficiscitur. Itaq; animosi fortes quæ viri ad beneuolentiam proclues sum, ne asperi & intractabiles in quempiam, præterquam

quam in eos, à quibus afficiuntur iniuria, quam molestius ferunt ab amicis, quam ab alienis illatam. Itaq; citius amicis quam ignotis irascuntur: tantum abest, vt semper alienis infensi & irati sint, quod Platoni placebat. vocat autē Aristoteles ἀγρίους, id est agrestes & intractabiles, quos Plato modo χαλεπούς, id est d. s. uiles, modo δουροφδέεις, hoc est iratos dicit.

10 Archilocus amicos inculans. Archilocus poëta fuit Lacedæmonius, metri iambicus inuētor, quo Licambem acerrimè insectatus est, propterea quod si iā quam sibi de spōderat denegauit, de quo Horatius noster: Achilocum proprio rabies armauit iambo.

11 Cum sequimur sensum & argumenta rerum. Cum experimentis, vt hoc in loco, & exemplis agimus, quæ ratio quadam est differendi popularis & oratoria, & minus exacte in confirmādo diligentia desiderans, quàm cum ingenio nitimur, & rationibus.

CAPVT VIII.

1 Sed quemadmodum in rebus naturalibus partes 2 totius consti- 1. 2.
tutionis 3 non hoc sunt, quod ea sine quibus totum consistere non 3.
potest: sic haud dubiè ne ciuitatis quidem partes esse existimari de-
bent omnia, quæ necessario ciuitatibus adsunt: nec alterius cuius-
piam communitatis, ex qua genus vnum efficitur. 4 Nam vna quæ 4.
dam res æquè inæqualiter vè communicata, communis atq; eadem
consortibus esse debet, 5 siue cibus ea sit, exempli gratia, siue longè, 5.
lateq; patens ager, siue aliud id genus quicquam. 6 Quarum igitur 6.
rerū ea conditio est, vt hæc illius gratia sit, illa cuius gratia in his ni-
hil est commune, nisi quod hæc facit, illa sumit. Vt instrumento cui
uis & artificii nihil est cum opere quod efficitur commune: nihil est
enim quod fiat domui animi structore commune, sed structoris
arti domus est quasi finis proposita. Ita cum opes ciuitatibus sup-
petere debeant, ipsæ tamen in ciuitatis parte non numerantur. Com-
plures verò res animatæ diuitiarum partes sunt. Est autem ciuitas
similium hominum communio quædam optima, 7 quoad eius fie- 7.
ri potest, viuendi causa conflata Sed cum summum bonum felicitas
sit, hæc autem actio, & virtutis vsus quidam perfectus, 8 cuius quidā 8.
compotes sunt, alij parum aut nihil participes: hæc est perspicuè cau-
sa cur genera & discrimina ciuitatis existant, & complures Resp. fi-
ant Nam cum hoc quiq; alio modo & per alia venientur, diuerlas vi-
tas & varias Respub. efficiunt. Cæterum quot sint ea sine quibus ci-
uitas non consistat, considerare conuenit. In his enim necessario

Xx 2

sunt,

sunt, quas ciuitatis partes esse dicimus. Operum ergo numerus sumendus est: ex his enim faciliè res intelligetur. Primum igitur alimentum, deinde artes suppetant oportet. vita enim multis instrumentis eget. Tertio loco arma desiderantur. Nam qui Reipub. præfunt, hos armis, tum ad tuendum imperium, 9 vt id detrectantes coerceretur, tum ad vim, si quis iniuriam extrinsecus inferre conetur, propulsandam instructos esse necesse est. Præterea pecuniarum copia quædam ad vsus & ciuiles & militares desideratur. Quinta est, sed 10. 10 cunctis præferenda rerum diuinarum procuratio, quod sacerdotium nominatur. Sextum, 11 iudicium de commodis & iustis inter ipsos, quæ res est omnium maximè necessaria. Hæc sunt igitur opera quæ in omni ferè ciuitate requiruntur. Nam ciuitas multitudo est, non quæuis, sed cui copia suppetit (vt sepe dicimus) ad vitam degendam. Si qua verò multitudo sit his rebus destituta, ea societas non potest simpliciter esse copiosa. Cum igitur per has operationes ciuitatem consistere oporteat, agricolarum multitudinem, qui in cibo parando sunt occupati, artifices, manum militarem, locupletes, sacerdotes, & 12 rerum necessariarum commodarumq; iudices ciuitatibus adesse necesse est.

Scholia in Caput VIII.

I Sed vt in rebus naturalibus partes totius constitutionis non hoc sunt quod ea sine quibus. Non omnia sine quibus ciuitas constare nequit, sunt partes ciuitatis, quia in omni communitate aliquid debet esse commune, siue aqualiter id, siue inaequaliter communicetur, quod tamen non est pars communitatis. Sed quarum rerum vna est alterius gratia, hu nihil est commune, ea quidem ratione: sed alterum agit, alterum commoditatem ex illa actione seu factione recipit. Itaq; licet opes necessariae sint ciuitati & ipsius gratia, tamen non sunt partes ciuitatis, ac proinde ne homines quidem omnes qui opes & res necessariae ad vitam suggerunt, vt agricola & opifices. Sex autem opera sunt sine quibus ciuitas constare non potest, cibi comparatio, quæ ad agricolas pastoresq; pertinet: multorum instrumentorum confectio, quæ ad opifices, vsus armorum, quod est militum officium: opum comparatio & suppetitatio, quod diuites faciunt: sacrorum procuratio, quæ propria est sacerdotum: ne iudicatio, quæ duplex est: altera, quæ induces & tribunalia funguntur: altera, quæ Senatores & Consultores. Nā consultare est de rebus honestis & utilibus iudicare. Quæ sex opera cum sint ciuitati cuiusq; necessaria efficiuntur vt nulla ciuitas sine his constare possit, à quibus hac opera siue officia præstantur. hoc est sine agricolis, pa-

lis, pastoribusq;, opificibus, militibus, locupletibus, sacerdotibus, iudicibus, & consultiis.

2 Totius constitutionis. Constitutionem vocat rem compositam ex diuersis partibus.

3 Non hoc sunt. Non sunt idem: hæc enim latius patent quàm partes. Nã omnes partes sunt ex ijs, sine quibus totum constare non potest: sed non recipiatur, vt sine quibus totum constare non potest, ea cuncta sint eius partes.

4 Nam vna quædam res. In omni communitate oportet esse aliquid vnum commune consortibus socijsque communitatis, quod non est pars communitatis.

5 Siue cibus ea sit. Vt in animali, cuius omnes partes sumpti cibi participes sunt, licet alia magis, alia minus participent.

6 Quarũ igitur rerum. Fini, & his quæ ad finem referuntur, nihil est commune, sed illa faciunt, vt structoris ars, & instrumenta: finis, vt domus accipit esse, aut commoditatem ab illis. Sic igitur opibus & ciuitati, cuius causæ petuntur, nihil est commune.

7 Quoad fieri potest Pro ratione rerum suppetentium.

8 Et eius quidam compotes sunt. Cum quidam sint virtute præditi, cuius vsu felicitas continetur, alij parum aut nihil virtutis attingant, hinc varii generis Rerum publicarum existunt. Nam qui virtutem consequuntur, & veram felicitatem, hi bonas Respub. habent: qui verò felicitatem alio quàm virtute metiuntur, hi malas. Omnes enim felicitatem quarunt, & quasi veniuntur, sed varijs semitis: quidam per virtutem (quorum est vera, recta, & compendiosa via) alij per diuitias, alij per imperia & gloriam bellicam, à vera scilicet via deflecentes.

9 Vt id detrectantes coerceantur. Vt qui imperio parere in ciuitate recusant, vi & metu in officio contineantur.

10 Cunctis præferenda procuratio. Nam pietas in Deum, cultusq; diuinus cunctis procuratibus, & muneribus publicis, & priuatis debet iure natura, non diuino solum anteferri.

11 Iudicium de rebus commodis & iustis. Iudicare de rebus commodis est deliberare in Senatu vel concione, quod pertinet ad consultores. De rebus verò iustis iudicare est reddere ius ex tribunali, quod pertinet ad iudices.

12 Rerum necessariarum & commodarum iudices. Iudices & consultores. Nam res necessariae nunc vocat, quas paulò antè iustas, quia nihil magis est necessarium in ciuitate, quàm vt cuiq; quod suum est tribuatur, quod à tribunali iudicibus efficitur.

CAPVT IX.

2. 1 His rebus constitutis, reliquum est vt vtrum hæc omnia ab omnibus obiri debeant dispiciamus: (nam fieri potest 2 vt omnes agricolæ sint, & ijdem opifices, ijdem consultores, & ijdem iudices,) an ex singulis muneribus memoratis, alijs alia mandari debeant, & 3. 3 quædam propria, quædam necessario communia sint, non tamen hoc in omni Repub. quoniam, vt diximus, fieri potest, vt ab omnibus omnia, & non omnia ab omnibus, sed quædam à quibusdam obeantur, 4 vnde Rerum publicarum diuersitas existit. In statibus enim popularibus cuncta munera ab omnibus obeuntur, quod contra fit in paucorum potentijs. Sed cum nos de optimo statu Reip. id est, qui maximè omnium posset ciuitatem reddere felicem, disseramus. nec sine virtute queat, vt suprà declarauimus, felicitas contingere, satis intelligitur oportere, vt in ciuitate quæ optimo Reip. statu fungitur, 5 & viros simpliciter, non positione iustos sortita 6. est. Ciuium vita 6 nec forensis sit, nec in sordidis artibus versetur: 7. talis enim vita parum ingenua, & 7 virtuti non nihil aduersaria est. 8. Sed nec agricultores esse conuenit futuros ciues. 8 otium enim tum ad virtutem ingenerandâ, tum ad ciuilia munera obeunda requiritur. Sed cum genus militare adsit, & item eorum qui de rebus commodis consultant, & qui iudiciales controuersias cognoscunt, & hi potissimum partes ciuitatis esse videantur, vtrum hæc diuersa sint statuenda queritur, an eisdem vtrunq; munus mandandum, quod tamen diiudicare non est difficile. quodammodo enim eisdem 9. mandari oportet, quodammodo diuersis. Nam quia 9 vtrunq; munus 10. to diuersum ætatis robur desiderat: alterum enim prudentiam, alterum vires requirit. hac quidem ratione diuersis mandari debet, sed illa eisdem, quia fieri non potest, vt qui vim facere & prohibere possunt, ij semper sub imperio cõtineantur. Nam quorum in potestate sunt arma, horû arbitrij est, maneat, an secus Resp. relinquatur ergo vt vtrisque sit hæc Resp. non tamẽ eodem tempore committenda, sed prout ratio naturæ postulat: quæ vt iunioribus vires, sic senioribus prudentiam largitur. Ad hunc igitur modum vtrisque; 11. tribuere, & expedit, & iustum esse videtur, quoniam 11 hæc diuisio rationem sequitur dignitatis, quinetiam cum ciuib. sit res familiaris 12. necessaria, & 12 ij sint ciues, penes hos ipsos opes esse necessariũ est.

N

Nam neque opificibus ciuitas, nec alteri cuiquam generi, cuius munus à virtute abhorreat, communicatur: 13. quod expositione planū efficitur. Nam vita beata necessario cum virtute contingit: beatam verò ciuitatem 14. non ad partem quandam ipsius, sed ad ciues omnes spectantes dicere debemus. Nec verò dubitari potest, quin horum possessiones esse oporteat, si quidem necesse est agricul- 15. tores seruos, aut barbaros esse, vel rusticos homines circum urbem ac- colentes, quos Græci pericæcos appellant. Cæterum 16. ex ijs quæ supra recessimus, superest vt de sacerdotum genere differamus: quāquam hic ordo parum dubitationis habet. Nam cum deos immortales à ciuibus coli fas sit, satis intelligitur nec agricolam, nec opificem sacerdotem esse constituendum. Sed cum ciues bipartiti sint, 17. armis alteri, consultationibus alteri vacantes, deceatque cultum dijs immortalibus exhiberi, & in his colendis qui ætate confecta sunt requiescere, his sacerdotia rectè fortassis mandarentur. Quæ sunt igitur ea, sine quibus ciuitas nō consistit, & quæ ciuitatis partes, expoluimus. Nam cum agrorum cultores & opifices, & omne mercenariorum genus ciuitatibus adesse necesse sit, partes tamen ciuitatis milites & consultores sunt, & horum quodque genus diuisum est: quædam enim munera perpetua sunt, quædam per vices geruntur.

Scholia in Caput IX.

IN HIS reb. constitutis reliquum est, vt vtrum hæc omnia Explicatis operibus in omni ciuitate necessarijs, sequitur vt omnesne ciues cuncta opera, an alij alia obire debeant consideremus. Nam vtrunque fieri potest, licet non in omni Rep. Cæterum in optimo statu Reip. vbi ciues simpliciter boni & iusti sunt, ciues, nec artífices esse debent, nec mercatores, quippe quorum vita nec ingenua est, & à virtute propter mendacia & auaritiā abhorret, quibus malis frequenter implicantur. nec item agros colere debent, quoniam agricolis otium nec ad officia, quibus fungendis virtus ingeneratur, nec ad obeunda ciuilia munera suppetit, quamuis eorum vita procliuior ad virtutem, innocentiorq; sit: ergo nec opifices, nec mercatores, nec agricole partes ciuitatis esse debent, quanquam sine his ciuitas esse non potest. Munera verò militaria, & consultandi, iudicandiq; officia, quæ ad ciues maximè pertinent, eisdem hominibus mandari debent, sed diuersis ætatibus, prout natura poscit: quæ iuuenibus vires ad munera militaria, senioribus verò prudentiam, &

TETHEU

verum maiorem ad iudicandum & deliberandum cognitionem tribuit. Præterea diuitiæ & possessiones penes hos ciues esse debent, qui maximè partes ciuitatis esse videntur, atq; eo magis, quoddam serui aut barbari seu periæci agros colere debent. Sacerdotia quoque ciuib; maximè natu, postquam ciuilib; muneribus functi fuerint, & quasi emeriti, mandandi sunt, vt in cultu diuino & procurandis sacris acquiescant.

2 Vt iidem omnes. Simul, aut per vices, vt sit in Rep. populari, vbi omnibus omnia munera communicantur.

3 Quædam propria sint. Quibusdam, certisque hominibus mandantur.

4 Vnde Rerūpub. Nā vbi vnus tenet imperij summam, monarchia est: vbi paucis communicatur Respub. paucorum potentia: vbi cunctis seu plerisque, Respub. popularis: quæ genera rursus in alias species diuiduntur.

5 Et viros simpliciter, non positione iustos. Iustos simpliciter appellat probos viros, & virtute præditos. nam iustus est qui iustitiam colit: iustitia verò idem est re, quod virtus, licet ratione differant. nam iustitia dicitur quatenus est ad alterum: virtus verò, quæ talis quidam habitus, vt ipse docet Ethicorum quinto. Simpliciter autem iustus seu probus ciuis est, qui veram iustitiam habet, verasq; virtutes, & quibus vir probus censetur: positione autem qui pro ratione Reipub. bonus ciuis dicitur, quia est tali Reipub. accommodatus etiam prauæ, quamuis homo prauus sit, ac vitiosus. Nam in optimo statu Reipub. eadem est virtus simpliciter probiq; viri, quæ probi ciuis, ac idcirco iustos viros dixit pro iustis ciuib;.

6 Nec forensis esse debet, nec in sordidis artibus versari. Mercatorū, institorum, tabernariorumq; vita, vt sæpe diximus, forensis ab Aristotele nuncupatur. Artes verò sordidæ, opificum artificia.

7 Virtuti non nihil aduersa. Quoniam auari, astuti, & mendaces magna ex parte homines id genus sunt, præsertim forenses.

8 Otium enim ad virtutem ingenerandam. Virtus cum sit habitus ex actibus frequenter obeundis gignitur, ad quos fungendos quoniam agricolis otium non suppetit vt fortiter, exempli gratia, in bello vel iuste iudicando faciant, idcirco agricolis quasdam virtutes comparare non datur præsertim ciuiles, licet eorum vita non sit virtuti contraria, sed potius opportuna, nec ab operibus necessarijs otium ad Rempub. gerendam superest.

9 Vtrunque munus. Tria genera, de quibus proximè agebat, nunc confert in duo, nam vtrunque de duobus dicitur, scilicet, quia iudices in tribunalijs controuersias minuentes, & consultores in vno iudicum genere continentur, vt ipse capite superiore vno genere complexus est, & infra in hoc

in Di-

10 Diuersum ætatis robur. Nam munus militare vires corporeas desiderat, quæ in ætate iuuenili contingunt, munus verò consultandi & iudicandi vires & robur mentis ac intelligentiæ, quod accidit circa annum ætatis quinquagesimum, ut ipse docet hoc ipso libro ca. decimosexto. Itaque iuuenes ad munera militaria maturi sunt & robusti, senes verò ad iudicandum & deliberandum.

11 Hæc diuisio rationem sequitur dignitatis. Quia pro facultate & dignitate cuiusq; ordinis hæc munera distribuuntur.

12 Et hi sint ciues. Milites, consultores, & iudices: itaque horum debent esse possessiones.

13 Quod expositione palam fit. Quoniam in optimo statu Reip. quem instituiamus, ciues ut beati sint, oportere probos esse viros, & virtute præditos, velut indubitatum posuimus. Quo planè intelligitur, non esse consentaneum, ut ciues sint, qui abhorrent à virtute, ut opifices, & ceteri, de quibus est memoratum.

14 Non ad partem quandam spectantes. Non si quæ ciuitatis pars felix est, protinus erit ciuitas beata, sed omnes partes felices esse oportet: sine virtute autem felicitas non contingit: ordines igitur hominum abhorrentium à virtute, cum non sint felices, non sunt partes ciuitatis feliciæ, qualis est quæ optimo statu Reip. vitur.

15 Aut barbaros. Barbaros Græci vocant ceteros omnes extra suum genus. Aristoteles autem ciuitatem in Græcia mente & cogitatione fingit, in regione scilicet temperata, ut supra dixit, & ferace, quod solent externi homines mercenarij victus causa conflueret, & agros mercede colere: ut Cordubæ, vnde nos sumus, accidit, regioni, ut hominum & equorum sic omnium frugum feracissima. Huc enim magna turba rusticorum hominum, ex partibus Hispaniæ Septentrioni adiacentibus quotannis confluit, quorum opera ciues Cordubenses magna ex parte ad agros colendos vtuntur.

16 Ex ijs quæ supra recensuimus. Ex hominum sex generibus, siue ordinibus, quos capite superiore recensuit: nam sacerdotes quinto loco numerantur.

17 Armis alteri, consultationibus alteri. Ut supra nomine iudicum complexus est consultores, sic nunc nomine consultorum iudices complectitur.

Nam vtrique consultant, disceptantq; de rebus alijs iustis, alijs commodis, & vtrique iudicant de rebus eisdem, quæ sint iustæ, & quæ vitales.

1. I NEQVE verò nunc primum aut nuper hoc in eorum, qui de Rep. philosophantur, notitiam venisse videtur, ciuitatem per genera diuidi, & militarem manum ab agricolis diuersam esse oportere. Quippe hoc modo etiam nunc se res habet, tum in Aegypto, tum in Creta, quod illic Sesostris, in Creta vero Minos sanxisse memorantur. Comestationum etiam institutum antiquum esse videtur: in Creta quidem ab ipsis usque; Minois regis temporibus: in Italia vero multo vetustior. Cuius gentis historiarum Italum quendam Oenotriarum regnum obtinuisse tradunt, à quo Itali nomine mutato pro Oenotrijs fuerint appellati, & oram illam Europæ, 2. quæ intra Scyleticum, & Lameiticum sinum dimidiati die itinere distantes continetur, Italiam fuisse nominatam. Ab hoc igitur Italo 3. Oenotrios 3 ex nomadibus agricolas factos & cum alias leges traditas, 4. tum comestationes primum institutas fuisse produnt. Itaque nonnulli ex posteris illius concœnationibus etiam nunc, & quibusdam legibus vtuntur. 5. Accolebant autem mare Tyrrhenum 6. Opici, vt antiquitus, sic etiam nunc Ausones cognominati: 6 ad Iapigiam verò & Ionium mare, Syrtimque appellatam, Chaones. sed Chaones genus ab Oenotrijs ducebant. Comestationum igitur institutum hinc habuit originem, diuisio verò ciuilis multitudinis in genera, ex Aegypto. Sesostris enim regnum longo temporum intervallo regnauit. Minois antecessit. Vt igitur cætera ferè longo tempore sæpe ac potius sæpissimè sine fine inuenta fuisse putare conuenit (vt enim ratio suadet, res necessarias inueniendi indigentia ipsa magistra est: his autem suppetentibus, quæ ad ornatum & usus liberales pertinent accrescunt:) sic in ea quæ Respublicas attingunt, accidisse credi par est. Esse autem omnia vetusta ex Aegyptijs argumentum sumi potest, 7 qui cum vetustissimi esse videantur, leges atque ordinem ciuilem sortiti sunt. Ergo quæ rectè tradita sunt, ijs vtendum est: quæ verò prætermissa, hæc vt inueniantur, curandum. Agros igitur ab ijs qui arma tenent, qui que Rempub. administrant possideri oportere, & cur ab his agricolas diuersos esse conueniat, & quantus qualisque ager esse debeat, suprà declarauimus. De distributione verò, & quos qualesque agricolas esse conueniat, primum est differendum. Nobis enim nec bona, vt quidam dixerunt, com

communia esse, sed per amicitiam vsu fieri communia, nec quenquam ciuium alimento indigere placet. Comestationes autem rectè constitutis ciuitatibus esse commodas, communis est omnium consensus. Sed quam ob causam idem quoque nobis videatur postea disseremus. Cum autem concœnationes ciuibz cunctis pateretur conueniat, nec facilè egeni de suo 8 constitutam partem conferre, & reliquam familiam alere possint, & sumptus in deorum cultum facere, ad vniuersam ciuitatem communiter pertineat, nimirum agros bipartitos, & alteram partem publicam, alteram priuatam esse: & rursus vtranque in duas secari necessarium esse videtur, vt publica vectigalia, partim in sacrificia cultumque deorum, partim in concœnationum sumptus impendantur: ex priuatorum autem agris altera pars 9 in extremis finibus, altera ad urbem esse 9. debet, vt cum binæ sortes singulis fuerint distributæ, omnes sint vtriusque loci participes: sic enim & 10 pari iure continebuntur, & 10. erunt ad finitimorum bella concordēs. nam vbi res sese aliter habet, alteri finitimorum inimicitiam parui faciunt, 11 alteri nimis ea 11. & turpiter sollicitantur. Quare qui finitimis sunt vicini apud quosdam lege à consilijs, cum de bello cum finitimis gerendo deliberatur excluduntur, quasi rectè dum suis rationibus seruiunt, consultare nequeant. Agros igitur in hunc modum propter memoratas causas diuisos esse oportet. Agrorum autem cultores vt serui sint, non omnes eiusdem rationis, nec animosi, sic enim & ad opus conficiendum commodi sunt, 12 & periculum abest, ne quid noui 12. moliantur, optabile est: sin minus, 13 vt barbari circum urbem acco- 13. lentes modo dictis natura similes, quorum priuati in agris priuatis sint, & priuatim eis qui possessiones habent famulentur, publici vero in agris publicis. Quomodo autem seruis vtendum sit, & cur eis libertatem præmium proponere conueniat, postea disseremus.

Scholia in Caput X.

1 NEQVE verò nunc primum, aut nuper. Aegyptiorum & Creten-
sum exemplo seu testimonio, ciuitatum per genera distributionem veterem
esse docet: & comestationes in Creta à Minoe vetustissimo rege, & ante hunc
in Italia ab Italo rege institutas fuisse. Italus autem, inquit, nomen dedit
genti, quam ex pastoralis vita ad agros colendos reuocauit. Itaque diuisio-

Y y 2

nus ge-

nis generum in ciuitate Sesostrus rex Aegyptius auctor fuit, Italum concen-
tionum. Nam ut cetera sic qua pertinent ad statum ciuitatis saepe fuisse inue-
ta longissimo tempore probabile est. Agros autem bipartito sic esse oportet, ut
altera pars sit publica ciuitatis, altera singulorum priuata. Tum publica in
duas partes secari debet, quarum una comestationibus destinata sit, altera sa-
crorum procurationi, & sacerdotibus. Porro singulorum agri sic per sortes de-
bent esse diuisi, ut binæ cuique tribuantur, altera circa urbem, altera in extre-
mis regionis finibus, ut par sit omnium iuris conditio, æqua securitas & vicissim
solicitudo si bellum cum finitimis extiterit. Agros verò colendi optimaratio
est, si à seruis non eiusdem nationis, nec animosis colantur, ut facilius pareant,
neque rebus nonis studeant. Proxima ut à barbaris qui rure inhabitent, vel
mercede conducti, vel partem fructuum, quibus alantur ferentes.

2 Quæ intra Scylleticum & Lameticum sinum. Qui locus est in ea par-
te Italia, quæ magna Græcia nominatur. Scylleticus autem sinus à Scylletio
oppido ab Atheniensibus condito cognominatur: Lameticus verò is forsitan est,
qui Primaus alio nomine vocatur, ad quem est Lacinium promontorium, quod
fortasse Lametium ab alijs est nominatum, aut hic vocabulo à librarijs cor-
rupto. Nam his duobus sinibus peninsulam effici. passuum viginti millia paten-
tem Plinius est auctor, quod intervallum non abhorret ab Aristotelica men-
sura.

3 Ex Nomadibus. Ex vita pastorali. Nomades enim vocantur, qui pecora
sequuntur incertis sedibus vagi, nec tecta subeuntes.

4 Comestationes tum primum institutas. Cæna communes, ad quas
quindeni, ut Lacedæmonie: aut vicieni, aliouè certo numero diebus omnibus
conueniebant.

5 Accolebant autem mare Tyrrhenum Opici. A Ligustico mari ad Si-
ciliam, ut Plinius testatur, mare Thuscum appellatur: quod ex Græcis alijs No-
tium, alijs Tyrrhenum, ex Romanis plurimi Inferum vocant. Ausones autem
& Strabone regionem campestre circa Pometiam, & item Campaniam
tenuisse memorantur.

6 Ad Iapygiam verò & Ionium mare, & Syrtim appellatam Chao-
nes. Iapygia regio est ad Apuliam sic dicta ab oppido Iapyge, quod postea Ba-
rion nomen habuit ad mare Ioniam, & eam partem quæ Syrtis vocatur. Ap-
pellantur autem Syrtes loca maris breuia, & vadosa. Chaones verò, quos hic
memorat, populi sunt ad Apuliam Italiae regionem, diuersi scilicet à Chao-
nibus Epiri, gente ab auctoribus maximè ad montes Acroceraunios cele-
brata. Chaones igitur Italia ab Oenotrijs genus ducere dixit, ut intelligat-
tur hos

et hos quoque, ut Oenotrios usos fuisse comessationibus, & ceteros de quibus hic meminit in Italia.

7 Qui cum vetustissimi esse videantur. Non quod Aegyptus sit regio vetustissima, quam ipse Aristoteles inuectiu Nili annis magna ex parte non ita pridem fuisse factam, cum prius mare fuisset, primo libro meheororum docet: sed quia superior ac prior eius pars iam olim habitetur, cum alia regiones diu fuerint ab habitatoribus vacuæ.

8 Constitutam partem. Ut Lacedæmone constitutum erat quantum quisque de suo ad comessationes qua non fiebant ex publico esset collaturus, ut explicamus secundo libro.

9 In extremis finibus. In locis agri ab vrbe maximè remotis.

10 Pari iure continebuntur. Si alteris prope urbem fors agri tota tribueretur, alteris in loco remotissimo, hi non vterentur pari iuris conditione: nec in bellis vel propulsandis, vel inferendis idem esset utriusque animus, sed ut agri ut suorum rationibus conuenire quisque putaret, sic de bello suscipiendo sententiam diceret.

11 Alteri nimis. Qui agros habent ab vrbe remotos, in hostiumque confinio, qui dum agris metuntur, timide solent de bello aduersus finitimos suscipiendo deliberare, quo sit ut lege à talibus deliberationibus in quibusdam ciuitatibus excludantur.

12 Et periculum abest, ne quid noui moliantur. Nam qui sunt eiusdem nationis facile fidem habent, & conspirant inter se, & si audaces sunt, non deest animus ad deliberata perficiendum: diuersis autem, & facilius imperatur, nec adest occasio in dominos conspirandi.

13 Ut sint barbari circa urbem accolentes. Supra barbaros, & pericatos distinxit, nunc eosdem facit. Nam fieri potest, ut non indigenæ sed aduena sint qui villas inhabitent, & mercede conducti agros colant, ut magna ex parte fit in agro Cordubensi.

CAPVT XL

1 Urbem continenti, marique, 2 & perinde quoad fieri potest, o. 1. 2. mni agro communem esse oportere suprâ declarauimus. Situm vero 3 ipsius urbis ad ipsam relatum, ad quatuor spectantes optare debemus. Primum ad valetudinem, ut rem necessariam. Urbes enim quæ in solem orientem inclinant, & ventis ab ortu flantibus expositæ sunt, salubriores habentur. Proximæ ab his quæ in Aquilonem vergunt. hæ namque magis commodis auris refrigerantur. De reli-

Yy 3

quis

quis autem videndum est, ut situs urbis sit ad civiles & bellicas actiones accommodatus. Ad bellicas igitur oportet ut oppidanis sit exitus facilis, hostibus aditus impeditus, difficulterque oppidum obsideri queat. Quod verò pertinet ad aquas & fontes, primum est,

4. ut aquarum suppetat intima copia. quod si non contingat, inventa est à prioribus huic incommodo medendi ratio per cisternas imbribus excipiendis comparatas, magnas, & multarum aquarum capaces, quæ nunquam oppidanos deficient, si bello intra oppidum compulsi, usu agri prohibeantur. Sed quoniam incolentium valetudinis habenda ratio est, hoc autem primum in situ, ut in tali loco, & ad talem urbem posita sit: deinde in salubrium aquarum usu consistit: huius quoque rei cura est non negligenter adhibenda. Nam quibus rebus plurimis ad corpus & sæpe utimur, hæ plurimum ad valetudinem conferunt. Cum igitur 7 aquarum ventorumque vis talem naturam obtinent, in ciuitatibus quæ prudenter administrantur, aquas nisi omnes similes sint, nec fontium puterumque copia suppetat, 8 diuisas esse oportet, ut quæ potui sunt aptæ, separatæ sint ab his quæ alijs usibus accommodantur. Quod verò pertinet ad loca munita, non eadem perinde sunt omnibus Reip. generibus accommodata: ut arces paucorum potentia & vnius principatui conueniunt: 9 loci æqualitas statui populari apta est: quorum neutrum, in optimatum Repub. sed plura loca natura munita desiderantur. Priuatarum domorum forma gratior, & ad cæteras actiones commodior esse putatur, si scite concisa, & ad recentiore 10 & Hippodamium morem edificata sit: ad bellorum autem pericula, diuersa & antiqua ratio tutior habetur, ut exitus hostibus difficiles, & inuasoribus inextricabiles prabeat. Itaque vtriusque rationis particeps esse debet: quod fieri potest, si ædificium rusticum 11. opus, quod quidam vitium ordines appellant, imitetur: sed nec 12 totam urbem concisam facere conuenit, sed per partes, & loca: sic enim & munitior & ornatioer fuerit. De muris autem qui vrbes laudi & virtutis opinioni studentes cinctas eis esse oportere negant, hi nimis ruditer & prisca simplicitate præcipiunt, præsertim cum earum 12. ciuitatum, quæ illo modo sese iactant & ostentant, errorem 13 rebus 13. ipsis conuictum esse videant. Præterea licet 13. aduersus similes, nec longe numero superiores velle sese murorum præsidio tueri turpe sit, tamen quoniam accidit fierique potest, ut qui bellum inferunt 14. tanto superiores sint, 14. ut humana & paucorum virtute impetus eorum

eorum sustineri nequeat, idcirco si saluti consulendū est, & iniuriæ contumeliæque vitandæ, murorum præsidium tutissimum, & bellicis rationibus convenientissimum esse putari debet, præsertim hoc tempore tormentis & machinis solerti ratione ad obsidendas oppugnandasque vrbes inuentis. Simile est enim non esse muros vr-
bibus circumducendos censere, & regionem quærere incursionibus opportunam, ædificioraque loca demoliri: eodemque modo non circumdare parietes domibus priuatis, quo minus habitatores imbelles & ignaui fiant. Sed nec illud ignorare oportet, qui vrbes incolunt muris circumuallatas, his vtroque modo vrbibus vti licere, 15 quasi
habentibus muros, & 16 quasi non habentibus: quod si muris care-
ant, fieri non potest. Hoc cum ita sit, non solum muri circumducen-
di sunt, sed danda etiam opera, vt tum ad vrbis ornatum, tum 17 ad
bellicos nuper excogitados vsus sint accommodati. Vt enim qui bel-
lum inferunt, rationes quærunt quibus superiores sint rei gerendæ facultate: sic quædam inuenta sunt, alia quærenda & solerter inue-
stiganda his, qui bellum propulsant. Nam qui rectè instructi sunt, & habent parata præsidia, in hos 18 ne suscipere quidem bellum a-
nimos inducunt. 18.

Scholia in Caput XI.

I VRBEM continenti, marique, ac perinde quoad fieri possit, omni agro communem esse oportere. In deligendo loco vrbis condendæ quatuor rerum est habenda ratio, valetudinis, belli, ciuiliū actionum, & rerum necessariarum inuectionis, aut etiam exportationis. Ad valetudinem salubritatemque, facit, vt vrbs in solis ortum, aut certè in Septentrionem vergat: deinde vt eam positionem ac formam habeat, vt oppidanis exitus sit facilis, hostibus difficilis aditus, situsque incommodus ad vrbem obsidendam. Quod verò pertinet ad aquas, quarum penuria interdum obfessos ad deditiōem compellit, fontes aut putei suppetere debent: qui si minus contingant, capacissimas cisternas comparatas esse oportet ad pluuias aquas excipiendas. Et quoniam magni interest ad valetudinem, quibus aqua vtamur, si copia non suppetat, similium, & commodarum aquarum, diuidenda sunt, ne salubres & commoda in alios vsus, quàm in potum absumantur. Loca verò munita, non eadem omnibus Rebus pub. conueniunt, sed artes paucorum potentia & monarchia, æquatus locus populari Reipub. statim optimatum neutrum, sed complura
loca

10 *ca munitior a natura. Domus quoque priuata ea forma sunt edificanda, ut exitus domesticis pateat, inuadentibus autem sit aditus difficilis. Vrbs quoque ipsa muris debet esse munita, ut tormentis etiam & machinis bellicis, eorum firmitudo resistat.*

2 *Et perinde quoad fieri potest, omni agro communem. Sic urbem sitam esse oportere ait, ut continenti marique media sit, ac eodem modo quatenus fieri possit, in media regione locata, non in loco mediterraneo, sed sic in ora maritima, ut agros habeat ex omni parte continentis.*

3 *Ipsius urbis ad ipsam relatum. Quatenus pertinet ad positionem ipsius urbis, & manium, ac adificiorum, non ad regionem siue agrum, & ea quae extrinsecus sunt.*

4 *Ut aquarum suppetat intima copia. Ut sit aquarum scamentium intra oppidum copia ex puteis aut fontibus.*

5 *Si bello intra oppidum compulsi. Si pressi obsidione aquam ex agro petere prohibeantur.*

6 *In tali loco, & ad talem. Interest enim ad valetudinem, ut posita sit urbs non solum idoneo loco ut pote edito, non depresso & paludoso, sed etiam ad orientum, vel Septentrionem vergente, quique longe à locis paludosis & similibus absit.*

7 *Aquarum ventorumque vis talem naturam obtineat. Quoniam aqua & in potu, & in multis obsonijs utimur: ventos autem ut aerem spirando in praecordia frequenter recipimus, eisdemque, per omnes corporis partes affluamus.*

8 *Diuisas esse oportet. Varijs cisternis & receptaculis separatas, ut ad hominum potum commodiores hauriantur ad iumentorum, & ceteros vsus diuersae.*

9 *Loci aequalitas Ut nulla sint loca, nec opere, nec natura munita.*

10 *Ad Hippodamium morem aedificata. Ad eam rationem, cuius auctor fuit Hippodamus architectus Milesius, qui Piræum Atheniensibus aedificauit.*

11 *Totam urbem concisam Urbem concisam, ut domum concisam, quod graece est εὐρομνον, vocat, quae sit scilicet & ratione ad ornatum & commodam habitationem aedificata.*

12 *Rebus conuinci. Vsurum & periculis experimentisque redargui, & declarari errorem earum ciuitatum quae se muris non indigere iactant, ut Lacedaemonij, quorum Almachidas rogatus, cur ipsorum urbs non esset muris munita, respondit. hi sunt, inquit, Lacedaemoniorum muri: ostendebat autem Lacedaemoniorum iuuentutem, quorum errorem Ibebam duce Pelopida & Epami-*

& Epaminunda, conuicerunt & declararunt, qui magno exercitu Laconicam regionem hostiliter ingressi, urbem ipsam Lacedaemonem obsidione cinxerunt, & parum absuit, quin expugnarent, quo tempore optandum Lacedaemonijs, ut urbem firmissimo muro munitam haberent.

13 Aduersus similes. Contra hostes qui simili apparatu & facultate belli gerendi sunt instructi.

14 Ut humana & paucorum virtute. A paucis hominibus, qui quantum fortissimi sint, homines tamen sunt, non dii.

15 Quasi habentibus muros. Si se intra urbem continentes muros hostibus obiecerint.

16 Quasi non habentibus. Si eductis copijs castra extra urbem posuerint.

17 Ad bellicos nuper excogitados usus. Propter machinas & tormenta bellica, quae huius temporibus sunt ad vrbes oppugnandas inuenta.

18 Ne suscipere quidem bellum animos inducunt. Instructos & munitos, non solum non superant hostes, sed ne bello quidem laceant.

CAPVT XII.

1 Sed cum ciuium multitudinem in comestationes, muros autem 1. in propugnacula & turres locis opportunis dispositas diuisos esse oporteat, res ipsa monere videtur, ut 2 comestationes quaedam in 2. propugnaculis constituantur: atque haec quidem ad hunc modum cuipiam instituenda esse videantur. Tempia verò dijs immortalibus dicata, & principales magistratuum comestationes 3 locum opportunum & eundem habere debent, exceptis sacellis, quae lege separantur, & si quod aliud est oraculum: talis autem erit locus, 4 si eminentiam probe ad virtutis situm accommodatum habeat, sitque vicinis partibus urbis munitior. Sub hoc autem loco forum constituere oportet ei simile, 5 quod in Thessalia Liberum appellant. Hoc autem est huiusmodi, ut nec rebus venalibus inquinari, nec artificibus, aut agricolis, & ceteris id genus patere debeat, nisi si quis fuerit à magistratibus accersitus: qui locus gratus etiam atque iucundus erit, si fuerit seniorum exercitationibus destinatus. 6 Nam 6. & hunc ornatum per aetates diuisum esse decet: & apud adulescentes quosdam magistratus, apud magistratus autem seniores versari: praesentia enim magistratuum ante oculos obseruando verum pudorem ingenerat, & 7 timorem ingenuum. Forum autem rerum 7.

Z z

vena-

- venalium huic diuersum esse debet, sciuncto loco, & ad res quæ tum à mari, tum ex agro mittuntur conuendas opportuno. Sed cum ciuitatis multitudo in sacerdotes & magistratus diuidatur, locum ad cœnam conueniendi sacerdotibus iuxta sacras ædes constitutum esse decet. Magistratibus autem qui contractuum curam habent, quique 8. caularum scripturis & in ius vocationibus ceterisque similibus præfunt, item ædilibus & urbanorum ædificiorum præfectis, comessandi locus circa forum & publicum aliquem conuentum debet esse constitutus, cuiusmodi est locus 9. foro necessario circumiectus: superius enim forum vacare, hoc autem actionibus necessarijs seruire censemus. In agro autem memoratum ordinem imitari oportet, ut ibi, quo magistratibus (quos quidam sylvarum custodes, alij præfectos agrorum appellant) propugnacula, & ad custodiam comestationes suppetere necesse est. Fana quoque per agrum esse debent, 10. tum Dijs, tum etiam heroibus distributa. Sed nunc tempus in his accuratius explicandis conterere superuacuum est. Nec enim talia intelligere, sed facere potius difficile est. Nam 11. dicere optantis est opus, ut autem eueniat, fortunæ beneficium. De his igitur hactenus.

Scholia in

Caput XII.

1. Sed cum ciuium multitudinem diuisam esse in comestationes oporteat. Cum totam ciuitatem in conuentu hominum qui sint vna cœnaturi partitam esse oporteat, consentaneum est, ut in murorum turribus sint loca militum comestationibus constituta: in vrbe autem opportuno ac adiuo loco, tunc templa dijs immortalibus dicata, tum summorum magistratum cœnationes extrui debent, ut hæc utraq; ædificia vicina aut etiam congrua, sint inter se sublimitate conspicua. Infra hunc locum forum sit, quod magistratibus tantum & ciuibus frequentetur ad colloquendum, & seniorum deambulationes. Seorsum autem forum rerum venalium esse debet, opportuno loco ad merces & fructus, tum à mari, tum ab agru excipiendum Sacerdotibus quoque comestationum loca iuxta templa locanda sunt: Tabellionibus verò ac ædilibus, & præfectu ædificiorum circa forum rerum venalium. Eodem modo per agrum munita loca ex ædificare conuenit agri præfectu, tum custodia, tum etiam comestationibus apta, atque item deorum, heroumq; templa.
2. Comestationes quædam in propugnaculis. Comestationes nunc appellat loca ipsa, quo cœnandi causa conueniebant, alias cœna ipsa communes, seu con-

seu conuiuia comeffationes vocantur.

3 Locum opportunum & eundem. Vt in eadem vrbi parte, loco scilicet adito, sint summorum magistratuum cœnationes, & deorum templa, exceptis sanis quibusdam, aut oraculis, & adiis, quæ lege solent à populi frequentia summoeri.

4 Si eminentiam probè ad virtutis situm accommodatam habeat. Locus summorum magistratuum comeffationibus, templisq; deorum idoneus erit, si ceteris vrbi partibus sublimior munitiorq; sit, qualem decet esse situm alicuius virtutis quibus virtus continetur. Vocat autem virtutem, tum deos, deorumque imagines, tum summos magistratus, quippe quorum virtute & prouidentia stat ciuitas, & Resp. gubernatur.

5 Quod in Thessalia Liberum appellatur. Mos scilicet erat Thessalicarum vrbiu, forum habere à vulgari turba & rebus venalibus vacuum, quod Liberum appellabant.

6 Nam & hunc ornatum per ætates diuisum esse decet. Ornatum vocat gymnasia, ut tale forum sit locus, ubi seniores deambulando se exerceant, alius verò locus sit palastrum & pila, ceterisque adolescentum exercitationibus constitutus.

7 Timorem ingenuum. Qualis decet liberos homines infamiam & turpitudinis notam in primum metuentes. Nam pœna plagarumq; timore à rebus turpibus deterri, seruile est.

8 Causarum scripturis, & in ius vocationibus præsumt. Tabelliones, qui acta causarum & vocationes in ius actionumq; intentiones conscribant.

9 Foro necessario circumiectus. Forum necessarium vocat forum rerum venalium quæ sunt ad vitam necessaria, vnde emptiones & venditiones actiones necessarias appellat: & forsitan etiam iudicia quæ sint ad hoc forum exercenda. Nam tribunalia iudicia de rebus necessarijs supra nominauit. Adiuvat hanc sententiam, quod modo de tabellionum comeffationibus præcepit.

10 Tum dijs, tum etiam heroibus. Heroes appellantur homines, qui præstantia virtutis eam gloriam sunt inter mortales consecuti, ut fama fuerint inter deos relati.

11 Dicere optantis est. Præcipere facienda perinde est, ac si quis ea precibus à Deo petat, quod perfacile est: conficere autem pertinet ad fortunam, ut scilicet perficendi facultas adsit, & adiuuenta necessaria.

CAPVT XIII.

1 DE his igitur longiore disputatione omissa, iam de ipsa Re. pub. ex quibus & qualibus ciuitas constare debeat ut sit beata

ZZ 2

& rectè

& rectè administretur, disseramus. Duo sunt in quibus cuiusque
 2 rei bonitas & rectitudo consistit: vnum vt 2 propositum atque fi-
 nis actionum sit rectè constitutus: alterum vt actiones quæ ducunt
 ad finem inueniantur. Hæc enim & discrepare inter se, & con-
 uenire possunt. Nam modo finis rectè propositus est, sed homines
 agendo ipsum non assequuntur: modo cuncta quæ ducunt ad finem
 faciunt, sed finis quem sibi proposuerunt est malus: interdum
 in vtroque peccatum est, vt in medicina nonnunquam nec rectè
 quale corpus sanum esse debeat iudicant, nec eius quem sibi finem
 proposuerunt res efficientes inueniunt: cum tamen in arti-
 bus & scientijs vtrunque tenere, & finem & actiones, quibus fi-
 3 nis comparatur, oporteat. 3 Omnes igitur rectè viuere, vitam-
 que beatâ expetere perspicuum est, sed quidam id assequi possunt,
 4 alijs facultas 4 propter fortunam quandam vel naturam abest.
 5 Quoniam ad rectè beateque viuendum 5 adiumenta quædam de-
 6 siderantur, 6 sed pauciora rectius affectis, peius autem plura: sed
 7 quidam protinus ab initio vitam beatam facultate suppetente,
 non rectè quærunt. Sed quoniam propositum nobis est Rempub.
 optimam considerare, hæc autem est, per quam optimè ciuitas ad-
 ministratur: per hanc verò administratur optimè, per quam licet
 fieri beatam: satis intelligitur in quo vita beata posita sit, explora-
 8-9- tum esse oportere. qua de re 8 in libris de moribus. 9 Si qua est
 illorum librorum commoditas, & felicitatem virtutis vsum per-
 fectum esse diximus, & hunc non ex positione, sed simpliciter,
 10 ex positione dico, quæ necessaria sunt: simpliciter verò, quod
 est honestum: vt ex iustis actionibus pœnæ & animaduersiones
 proficiunt, illæ quidem à virtute, tamen necessariae sunt, necessa-
 rioque honestatem habent. Vt enim neque singuli, neque ciuitas v-
 niuersa quoquam horum indigeat, expetibilis est: actiones verò
 quæ pertinent ad honores & rerum copiam, simpliciter sunt ho-
 11. 12. nestissimæ: 11 illud enim est malum tollere: 12 huiusmodi verò a-
 ctiones è diuerso preparationes bonorum effectionesque sunt. Cæ-
 terum licet vir probus paupertatem, morbumque & ceteras calamita-
 tes rectè magnoque animo ferat, felicitas tamen in rebus oppositis
 sita est. Nam & illud est in libris de moribus declaratum, virum
 probum esse, cui per virtutem bona sunt quæ simpliciter sunt bona,
 13 vt intelligatur necessarium esse 13 hos vsus simpliciter & probos &
 honestos esse. Quo fit, vt bona externa felicitatis causâ homines esse
 putent,

putent, perinde ac si quis lyram optimè & commodissimè fidibus
canendi potius, quàm artem causam esse putat. Ex dictis igitur quæ-
dam suppetere, alià à legumlatore comparari necesse est. 14. Itaque 14.
urbis ac ciuitatis ex his rebus quæ arbitrio fortunæ gubernantur,
constitutionem precibus optamus: ipsam enim dominam esse con-
stituimus. Vt autem ciuitas probis moribus prædita sit, iam nō for-
tunæ, sed scientiæ opus est, atque consilij. Est autem proba ciuitas,
eo quod ciues omnes quibus Respub. communicatur, probi sunt:
15. nobis porrò Reipublica ciuib. omnibus communicatur. Hoc 15.
igitur videndum est, quo modo vir prob. fiat. † Nam si fieri posset †
vt probi essent ciues vniuersi, non autem singuli, sic esset expetibi-
lius 16. 17. quoniā vt sint vniuersi, sequitur ex eo quod singuli sunt, 16. 17..
Fiunt autem boni probiq; tribus rebus, natura, morib. atque ratio-
ne. Nam primum nasci oportet, id est hominem esse, non ex alio
genere animantium, tum 18 vt certo quodam modo corpore & a- 18.
nimo sit affectus. 19 Quædam verò sunt quæ natura existere non 19..
satis est: moribus enim mutantur in diuersa, cum nonnulla ancipi-
tis naturæ sint, quæ per mores nunc in peius, nunc in melius mu-
tantur. Cætera igitur animantia sic viuunt, vt naturam maximè se-
quantur, 20 quædam non nihil etiam mores: homo verò ducitur e- 20..
tiam ratione, qua solus ipse præditus est. Hæc igitur inter se con-
gruere & consentire debent. Multa enim homines præter mores &
naturā propter rationē faciūt, si sibi aliter esse melius persuaferint.
Quales igitur ciues esse oporteat vt tractabiles se, docilesque le-
gumlatore præbeant, suprà declarauimus. Reliquum est vt de disci-
plina, educationeque disputemus: homines enim quædam assue-
scendo, quædam audiendo discunt.

Scholia in Caput XIII.

1 DE his igitur longiore disputatione. Duo sunt in quibus rectè ac ui-
cissim perperam agere contingit, finis, & ea quæ ad finem ducunt: in quibus
rectè sit, si finis bonus proponatur, simulq; inueniantur ea, quæ quasi viare
eā ducunt ad finem. Erratur autem si vel finis improbus proponatur, vel si
probus, tamen via quæ ducit ad finem non inueniatur. Cum igitur in neutro
errare oporteat, & omnes vitam beatam expetant, quidam tamen hanc asse-
quuntur, alijs assequendi facultas, vel à fortuna negata est vel à natura qui-
dam & si facultas adsit, tamen in ipsa vita beatā constituenda labuntur. Ita-

ZZ 3

que

que primum omnium quæ res vitam beatam efficiat, statuere oportet: hoc autem sumendum est ex libris Ethicorum, in quibus vitam beatam positam esse in usu perfecto virtutis declaratum est, ad quem bona externa & corporis debent tanquam instrumenta suppetere. Igitur beata ciuitas, quæ virtutem colit, proba est. Ciuitas porro proba est, cuius ciues omnes, quibus Respublica communicatur, viri probi sunt. Itaque legumlatoris munus est, quomodo vir probus fiat considerare, de quibus educatione & disciplina præcipere. Probus autem tribus rebus efficitur, natura, moribus, & ratione, quæ interdum discrepant inter se. Erit igitur optima educatio & institutio, ut sic homo efficiatur, ut natura & mores, ipsa quoque ratio inter se ad virtutem colendam consentiant.

2 Propositum atque finis sit rectè constitutus. Ut quod proponitur quasi finis, sit verè bonum, non speciem duntaxat boni præferens.

3 Omnes igitur rectè viuere. Bonam vitam ducere, sed bonitatem vitæ non omnes virtute metiuntur. Nam quidam qui voluptatibus fruuntur, eos bene viuere & bene agere dicunt, & quod quisque maximè probat, hoc habentem siue fruentem rectè, seu bene viuere, & dicit, & putat, & hac ratione omnes rectè viuere cupiunt. Nam si rectè viuere ad virtutem referas, multi fuerunt & sunt, qui non expetunt rectè viuere, sed prauè, hoc est vitiosè seu delitiosè.

4 Propter fortunam quandam vel naturam. Si desint bona externa quæ ad fortunam referuntur, vel bona corporis, ut si prauè constitutum corpus habeat, & faciem turpem & minimè liberalem, quæ pertinent ad naturam.

5 Ad iumenta quædam desiderantur. Externa bona, & corporis.

6 Sed pauciora rectius affectis. Maiore animi virtute præditis. Nam quo quisque melior est, & virtutibus instructior, hoc minus adiumenta vel fortuna, vel corporis ad rectè viuendum desiderat.

7 Quidam tamen protinus ab initio vitam beatam non rectè quærunt. Quidam cum bene beateque viuendi adiumenta & facultatem habeant, errant tamen ultimo bono, quæ felicitas dicitur, constituendo, ab ipso deliberationis initio. Nam primum in deliberatione inuendoque consilio est finis, quo ferri dirigi, debet omnis deliberatio.

8 In libris de moribus. In primo & decimo Ethicorum.

9 Si quæ est illorum librorum commoditas. Si quam utilitatem afferre possunt illi libri, & nobis hoc in loco vsui esse possunt.

10 Ex positione dico, quæ necessaria sunt. Positione dicitur aliquid esse tale, cum tale est, si positum sit aliud quasi ex conditione, ut positum aliquo fine quasi bono, licet

licet malus sit, quacunq; ad illum finem ducunt, sunt bona positione, id est ex conditione, si finis bonus est, vel pro ratione finis: quæ differendi ratio multis in locis usurpatur ab Aristotele. Hic igitur opera virtutis positione honesta se dicere declarat, opera necessaria ut multas & animaduersiones. Nam si peccata & flagitia in vrbe parentur, pœnarum irrogationes necessaria sunt, ac proinde iusta & honesta non per se, sed ex positione & conditione, si sint homines improbi & scelerati: aliter enim non licet otio & tranquillitate frui, si crimina maneant impunita. Itaque necessitas hac opera reddit honesta.

11 Illud enim est malum tollere. *ἀφαιρῆσαι* græcè modo electionem significat ut *ἀποαιρῆσαι*, modo delectionem siue sublationem ut *ἀπαίρῆσαι*. Itaque *ἀφαιρῆσαι* vocabulū est ἀντισπῆσαι intelligentiæ, ut tollere latine, quod modo accipere siue assumere significat, modo auferre, & de medio tollere, quo verbo ex industria vsus est interpres, ut quemadmodū græcè sic item latine flecti possit in vtrunque partem pro cuiusque sententia: nam locus vtrunque intellectum admittit. Tollere ergo malum dixit pro eo quod est de medio tollere, & auferre. Nam pœna & animaduersiones velut medicina ad sanandos animi morbos adhibentur, ut alios plectendo, alios exemplo deterrendo vitia criminali, ex animis hominum & ciuitate tolluntur: optabilius est tamen ut nulla tali medicina sit opus: vel tollere malum dixit pro sumere & eligere malum, quoniam ex duobus malis, leuius seu minus est eligendum, ut ipse docet Ethicorum tertio. Cum igitur crimina & flagitia in vrbe parentur, aut iniurie singulorum, perturbatioq; ciuitatis permittenda est, aut pœnis & animaduersione delicta vindicanda, quod vtrunque per se malum esse videtur, sed posterius minus malum, ac proinde cum necessitas urget eligendum: quia minus malum, ut habetur Ethic. quinto, vicem habet boni: sed vtriusque sensus eadem est summa, punitiones non esse per se bonas, sed suppositione & necessitate.

12 Huiusmodi verò actiones. Rectè diuitijs & imperijs ac honoribus vti, quod per virtutes morales efficitur. Nam tales operationes & virtutum vsus præparant, efficiuntq; felicitatem.

13 Hos vsus. Vtus virtutis quibus vita beata consistit. Quo sit ut homines bona externa felicitatis causam esse putent, quia ipsorum rectus vsus vitam beatam facit: quod tamen debet videri virtuti, non ipsis externis bonis acceptum referri, quæ virtuti sunt pro instrumento, ut lyra fidibus canenti siue aræ fidibus canendi instrumentum est.

14 Itaque vrbis ac ciuitatis. Velut optando, & precibus à Deo (quam fortunā imerdā vocamus) exposcendo, situm vrbis ac regionis mente constitui-

mus,

mus, & qualis esse debeat declaramus, & item ex quibus & qualibus hominibus ciuitas consistere: diuitias habentibus, & moderatè solertibus. & animosis & ad virtutem procliuibus: quæ quia non sunt in nostra potestate, ad fortunam referimus, quasi beneficia fortuna sint: probos autem mores & virtutes ingenerare, & rectis legibus instituere legumlatoris opus est, cum hæc ad scientiam prudentiamq; & consilium pertineant, sintq; in nostra potestate.

15 Nobis autem Resp. Ex nostra sententia & institutione non sunt cines, quibus Resp. non communicatur.

† Nam si fieri posset. Si fieri posset ut ciues vniuersi probi essent, ipsaq; ciuitas velut animal quoddam probum esset probitate quadam à singularium partium & vniuscuiusq; ciuis bonitate diuersa, expetibilior esset vniuersorum, & totius ciuitatis quàm singulorum, siue vniuscuiusq; probitas. Nam bonum quo latius patet, estq; magis vniuersale, hoc expetibilius habetur, ut ipse tradit Ethic. 1.

16 Quoniam ut sint vniuersi. Quemadmodum ciuitas est effectiōe singulis hominibus & vicis posterior, sic est natura prior, ut lib. i. dictum est, ac proinde perfectior, & finis atque totum. quo fit ut eius bonitas bonitati partium sit præferenda. Tamen fieri non potest ut vniuersi simul sint boni, quin singuli boni sint. Immo quia unusquisq; bonus est, idcirco vniuersi sunt boni, & ciuitas proba, & hoc est fortasse quod ait.

17 Quoniam ut sint vniuersi. Ut sit sensus, si fieri posset ut vniuersa ciuitas esset proba absq; eo, ut quisque ciuis esset probus, expetibilior foret ut tota ciuitas esset proba, atque proinde felix, quæ ut singuli ciues: quoniam bonum vniuersale maius est & expetibilius priuato. Tamen id fieri non potest, quoniam idcirco omnes simul, siue vniuersa ciuitas est proba, quia unusquisque ciuis probus est, ut paulò ante dixerat.

18 Ut certo quodammodo corpore & animo sit affectus. Ut corpus sit sanum & firma valetudinis, anima ad virtutes procliuus.

19 Quædam verò sunt quæ existerè natura non satis est. Ut ingenium & solertia, & virtutes naturales quæ sunt ancipitis naturæ: possunt enim tum ad bonum, tum ad malum per consuetudinē flecti: hoc est enim quod ipse. i. lib. dixit, hominem esse armatum prudentia & virtute, quibus uti potest in vtraque partem. Non igitur satis est habere naturæ facultatem ancipitem, nisi rectè agendo ex ancipiti certum faciat, & in solam virtutem per usum & consuetudinem reuocet morem, siue habitum veræ virtutis ingenerando.

20 Quædam non nihil etiam mores. Ut equi, canes, & elephantis, qui habent.

habent quiddam solertia simile, & quadam meditando, assuescendoq; discunt, unde quosdam quasi mores induunt, quos à natura non acceperant.

CAPVT XIV.

1 SED cum omnis communitas ciuilis ex imperantibus, ac im-
perio subiectis constet: num qui præsumunt, & qui paret diuersos an-
perpetuo eosdem esse oporteat, videndum est. 2 Huic enim diui-
sioni consentanea debet esse disciplina. Si ergo alij alijs tantopere
præstarent, quanto dij heroesq; hominibus excellere putantur,
primum ipso statim corpore, deinde animo longè superantes, vt
indubitata esset 3 manifesta q; subiectis imperantium præstantia, 3
haud dubiè commodius foret, eosdem semper imperare, & eos-
dem semper esse subiectos. Sed quoniam 4 hoc sumere non facile 4-
est, nec id vsu venit, 5 quod Scylax de regibus Indorum prodit, qui 5
tantopere subiectos excellunt, multis ex causis necesse esse intelli-
gitur, vt omnibus similiter imperandi, & parendi vicissitudo com-
municetur. 6 Aequabilitas enim eadem est similibus, & Rempub. 6
quæ sit præter ius constituta, difficile factu est permanere. 7 Cum 7
subiectis enim faciunt regionis incolæ, quicunque sunt rerum no-
uarum studiosi, nec possunt tot esse numero qui Rempub. admini-
strant, vt 8 his omnibus sint potentiores. Nam qui tenent imperi- 8
um, subiectis potiores esse oportere, nõ est dubitabile. Quæ qua ra-
tione fiant, & quomodo sit Respub. communicanda, munus est le-
gumlatoris considerare: qua de re ipsi quoque supra memorauimus.
Quippe 9 ipsa natura delectum dedit ex eodem genere, alios 9
iuniores, alios seniores efficiens: quorum illos imperio subesse, hos
autem imperitare decet. Neque verò quisquam quòd propter æta-
tem subiectus sit indignatur, nec se potiozem esse censet, præsertim
qui sit hoc honore suam vicem, cum processerit ætate, functurus.
Quodammodo igitur ijdem esse dicendi sunt qui tenent imperi-
um, & subiecti quodammodo diuersi: ac proinde disciplinam quo-
dammodo eandem esse necesse est, alias diuersam. Nam vt rectè
quisquam imperet, hic oportere aiunt, vt prius fuerit imperio sub-
iectus. Sed imperium, vt superioribus libris memorauimus, alte-
rum ad imperantis, alterum ad parentis commoditatem refertur:
quorum illud herile, hoc liberorum esse dicitur. Ceterum to impe- 10
rata quadam non operibus differunt, sed fine. Itaque multa quæ

Aaa

seruilia

1. *seruilia opera esse videntur, honestè ab ingenuis adolescentibus
 obeuntur: actiones enim honesti & inhonesti discrimine, non tam
 per se, quàm ex fine distinguuntur, & eo cuius gratia fiunt. Sed quo-
 niam ciuis & imperantis eandem virtutem esse statuimus, quam
 viri optimi, eundemque parere prius oportere, deinde imperio
 fungi, hoc legumlatori prouidendum & considerandum est, quo-
 modo, & per quæ studia & exercitationes viri boni fiant, 11 & qui
 sit optimæ vitæ finis. Sed duæ sunt animæ partes, quarum altera per
 se rationis est compos, altera per se quidem ratione vacat, potest ta-
 12. men rationi parere: quarum partium virtutes esse dicimus, 12 per
 quas vir bonus quodammodo dicitur. Sed in vtra magis finis po-
 situs sit, dubium esse nõ potest ijs qui nostram partitionem sequun-
 13. tur. 13 Semper enim deterius melioris est gratia, vt licet tum in ijs
 quæ per artem fiunt, tum in rebus naturalibus animaduertere. Est
 autem potior pars rationis compos: quæ ratio nostro partiendi
 14. more duplex est, actiua & contemplatiua. 14 Vt hanc quoque par-
 tem eodem modo secari sit necesse, similis est actionum ratio: qua-
 15. rum quæ sunt rei natura melioris, hæ sunt 15 ijs qui omnes aut duas
 assequi possunt expetibiliores. Semper enim id cuique maximè ex-
 16. petendum est, 16 quo summo potiri potest. Omnis autem vita in
 negotium & otium, bellum & pacem diuisa est. Et ex rebus agendis
 17. quædam necessaria & vtilis, quædam honestæ sunt, quarum 17 e-
 undem esse necesse est quem de partibus animæ & earum actioni-
 bus delectum, vt bellum pacis, negotium otij: necessaria verò vtilia-
 que honestorum causa suscipiantur. Adhæc igitur omnia spectanti
 viro ciuili condendæ sunt leges, tum per animæ partes, tum per i-
 psarum actiones, sed ad meliora & fines spectare magis debet: eo-
 demque modo vitæ atque rerum partitiones considerare. Facultas
 enim negotia atque bella gerendi adesse debet, magis tamen pace
 atque otio fruendi: item necessaria commodaque agendi, sed ma-
 gis quæ honesta sunt obeundi. Ad hos igitur fines puerorum educa-
 tio, & cæterarum quæ disciplina indigent ætatum institutio dirigē-
 da est. At tamen qui ex Græcis optimam Reipub. formam his tem-
 poribus habere putantur, & legumlatores qui has Resp. condide-
 runt, hi neque ad meliorem finem earum rationem direxisse, nec
 ad omnes virtutes legibus disciplinaque tradendis spectasse viden-
 tur: sed ad eas importunè delapsi sunt, quæ vtilis esse putantur, &
 ad vincendum accommodatiores. A quorum errore posterorum
 quo-*

quorundam scriptorum sensus & præcepta non abhorrent, qui Lacedæmoniorum Rempublie. laudantes propositum legumlatoris probant, quòd omnia ad victoriam & bellum dirigendo constituerit: quorum vitium cum ratione potest facile conuinci, 18 tum re- 18. bus ipsis nuper conuictum est & declaratum. Vt enim plerique hominum latè dominari felicitatem esse putant, propterea quòd inde magna rerum commodarum copia suppeditetur, sic Thibro, & quicumque de Lacedæmoniorum Repub. scripsere, ipsorum legumlatorem laudant, quia cum essent periculis exercitati, multorum imperio sunt potiti. Quod si verum est, dubitari non debet, quin Lacones, postquam imperare desuerunt, nec amplius ipsi felices sint, nec probus legumlator. 19 Hoc quoque dictu ridiculum 19. est, Lacedæmonios in eius institutis manentes, nullaquæ re legum vsum impediante, rectam beatamque vitam amisisse. Sed neque de imperio rectè existimant, quod legumlator in honore habere putari debet. Nam liberorum imperium quàm herile honestius est, & magis cum virtute coniunctum. Præterea nulla causa est cur ciuitas beata putari aut legumlator commendari debeat in eo, si finitimis imperandi gratia ad victoriam exercuit, cum in his rebus magnum insit nocumentum, quoniam haud dubiè eandem rationem sequutis, si cuique ciuitatis imperio, si facultas adsit, potiri conandum esset: quod crimen Pausaniæ regi, 20 quanuis talem honoris 20. gradum obtinenti, Lacones obijciunt. Nulla igitur talis vel ratio vel lex nec ciuilis est, nec vtilis, nec vera. Hæc enim eadem priuatim ac publicè optima esse legumlator persuadere debet, & talem opinionem animis hominum ingenerare. Bellicas autem exercitationes non idcirco meditari homines debent, vt in seruitutem redigant 21 ea conditione indignos: sed primum ne ipsi alijs seruiant, 21. deinde, vt principatum quærant, quo subiectorum vtilitati consulant, non vt in omnes dominatum exerceant, tum 22 vt seruitute 22. dignis dominantur. Cæterum legumlatori id potius elaborandum esse vt tum leges quæ res bellicas attingunt, tum cætera instituta ad otium & pacem referantur, res ipsæ docent cum rationib. congruentes: quoniam tales ciuitates magna ex parte bellum gerentes conseruantur, eadem imperio potitæ corruunt. Nam pacem agentes, tanquam ferrum splendorem amittunt, idque legumlatoris culpa, qui rationem, qua quiescere possint & in otio esse, non docuerit.

Scholia in Caput XIV.

1 SED cum omnis communitas ciuilis ex imperantibus constet, ac imperio subiectis. Vt recta educationis praecepta dentur, illud primum statuere oportet, num iidem semper imperium tenere debeant, an diuersi, qui per vices imperent, rursusq; pareant imperio. Si ergo, inquit, alij alijs essent longè tum corpore, tum animo praestantes, effet haud dubiè commodius, ut potiores semper imperarent. At inter similes & pares iustior est atque tutior imperandi & parendi alterna vicissitudo. Duce igitur natura quæ alios iuuenes, alios seniores effecit, sic est Respub. constituenda, ut seniores imperent, iuniores imperio pareant, ut quodammodo idè, quodammodo diuersi teneant imperium, eandemq; rationem & diuersitatem sequatur educatio. Caterum imperium in adulescentes liberorum esse debet, non herile, id est ad parentium, non ad imperantium commoditatem referri. Nam opera ipsa imperata honesta sint, an secus, non tam re ipsa quàm ex fine iudicantur. Est igitur legumlatoris munus, quibus studijs & moribus ciues optimi fiant considerare, cū eadem sit virtus optimi viri, & optimi ciuis, & imperantis in optimo statu ciuitatis. Sed cum virtutes habitus quidam animæ sint, partium animæ differentiam legum conditori cognitam esse oportet. Cum duæ sint igitur animæ partes, altera rationis per se compos, altera expers, apta tamen parere rationi, hac tanquam subiectum est virtutum moralium, illa intellectualium, quibus virisque vir bonus esse dicitur. Caterum beatam vitam in usu intellectualium virtutum, quæ potiores sunt, positam esse non est dubitabile. Sed quemadmodum ratio duplex est, actiua & contemplatiua, sic etiam virtutes eandem habent differentiam: quarum cum sint potiores cōtemplatiuæ, harum usu fieri vitam beatam, potius quàm actiuam statuendum est: honesta enim necessaria & vtilibus, otium negotio, pax bello praferenda est, & hac ratione dirigenda puerorum educatio, & reliquarum ætatum institutio. quo intelligitur non rectè constitutam esse Lacedæmoniorum Rempub. cuius instituta cuncta ferè ad bellum & victoriam, non ad otium & pacem spectant: quæ res multorum incommodorum est causa.

2 Huic enim diuisioni consentanea esse debet disciplina. Aliter enim educandus ac instituendus est qui semper imperare debet vel semper parere: aliter qui modo parere, modo imperare.

3 Manifesta quæ subiectis imperantium præstantia. Vt subiecti planè intelligerent, se ab imperantibus tum corporis, tum etiam animi viribus superari, ac proinde imperium ipsorum a quo animo paterentur.

4 Hoc

4 Hoc sumere non facile est. Hoc ita esse constituere, & ponere, quasi postulatum & principium, ut solent mathematici.

5 Quod Scylax de regibus Indorum. Scylax Cariadensis, qua urbs est in Caria prope Alicarnassum, scriptor vetustus & mathematicus fuit, scripsitq; de situ Orbis. Hic igitur, ut videtur, Indos in deferendo regno proceritatem corporis in primis spectare solitos esse prodidit, ut de Aethiopibus ipse tradidit lib. iij.

6 Aequabilitas enim eadem est similibus. Similibus & virtute paribus aequus honor & par commoditas in Repub. debetur. Itaq; nisi paria tribuantur, iniuria fit, & difficile est Rempub. permanere. Nam quibus iniuria fit, nec honores & imperia communicantur, hi solent in imperantes conspirare.

7 Cum subiectis faciunt. Subiectis ciuibus conspirantibus fauent rustici, qui vicos per agrum & castella incolentes seruire coguntur: ad summam, quicumque non contenti presenti statu Reipub. rebus nouis student.

8 Subiectis potentiores. Ut qui tenent administrantq; Remp. potentiores sint subiectis.

9 Ipsa enim natura delectum dedit. Deligere & separare docuit, dum alios iuuenes, facit ad parendum propter vires idoneos, alios seniores, ad imperandum propter prudentiam accommodatos.

10 Cæterum imperata quædam. Nonnulla opera qua imperantur ipsa per se seruiliter esse videntur, ut fodere, fossamq; & aggerem ducere, & similia. Hac enim à seruis copia suppetente, & mercede conductu, operarijsq; fieri consueuerunt. Sape tamen iussu imperatoris ab ipsis militibus & ingenuis ciuibus honeste fiunt vrgentibus hostibus. Antiquitus autem hac officia in bello prestare consuetum ac legitimum erat militibus Romanis, cuius rei gratia eorum quisq; præter arma & quindecim dierum commeatum (auctore Iosepho) ligonem & securim ferramq; & sportam seu cistam portabat. Itaq; eadem opera si mercede aut in commoditatem imperantis fiant, seruiliter fiunt: sin sua salutis & Reipub. causa, honestissime.

11 Et qui sit optimæ vitæ finis. Quod sit summum bonum, vitam beatam efficiens.

12 Per quas vir bonus quodammodo dicitur. Virum bonum proprie dicere & sentire solemus, qui iustus sit, & cætera moralibus virtutibus praeditus: qui verò sapientia & intellectu sit instructus, hunc sapientem potius quam bonum virum appellare solemus, idem tamen vir bonus quodammodo nominatur ob ipsam quam habet sapientiam, quæ virtus est.

vi habentem bonum faciat & perfectum, cum ipsa sit perfectio quadam, ut ipse libro septimo de physico auditur testatur.

13 Semper deterius melioris est gratia. Cum alterum scilicet ad alterum refertur natura, vel recta ratione.

14 Ut hanc quoque partem eodem modo secari. Cum ratio sit duplex, pars quoque anima particeps rationis erit duplex, actiua & contemplatiua: ac eodem modo actiones ipsarum alterius actiua, alterius erunt contemplatiua: quarum actionum ha sunt magis expectenda, quae proficiuntur à re, quae melior est natura: pars autem anima contemplatiua melior est natura quam actiua, quoniam in optimarum & maximarum necessariorumque rerum contemplatione versatur, cum actiua in rebus constantibus & variantibus versetur.

15 Ijs qui omnes aut duas assequi valent. Qui possunt moralibus, quae sunt in parte rationis expertes & virtusque, partis animae, quae rationis est compos, virtutibus fungi aut duarum ex his tribus.

16 Quo summo potiri potest. Quod est maximum ex ijs, quorum ipse potest fieri compos: non enim sibi impossibilia, sed ex possibilibus optimum quodque expetere debet.

17 Eundem esse delectum. Ut quemadmodum ex partibus animae ea praefertur alteri, cuius gratia altera est, sic honesta rebus necessarijs & utilibus preferuntur. Ha namque honestarum rerum, hoc est virtutum & officiorum gratia sunt, & expeti debent: eademque ratione pax bello preferenda est, otium negotio. Hanc igitur rationem legumilator sequi, & optima quoque spectare optimumque finem condendis legibus intueri debet: neque verò negligenda ratio est, quae negotia bellaque gerendi facultatem praebeat: sed ita ut hac ad otium & pacem referantur, & hac velut norma est puerorum educatio, & civium omnis aetatis institutio dirigenda.

18 Tum rebus ipsis nuper conuietum est. Nuper res ipsa declarauit. Nam imperia Graecia potiti Lacedaemonij cum pace imperioque, uti nescirent, imperium amiserunt, quae de re Cicero, Quid, inquit, Lacedaemonios iniuste imperantes, nonne repente omnes ferè locij deseruerunt, spectatoresque sese otiosos praebuerunt Leutricae calamitatis?

19 Hoc quoque dictu ridiculum est. Ridicula est commendatio laudans legumlatorem, qui eas leges tulerit, quibus cum uti possent Lacedaemonij, rectam & beatam vitam amiserunt.

20 Quanuis talem honoris gradum obtinenti. Pausanias quanuis regium gradum obtineret, accusatur tamen à Lacedaemonijs, quod affectata tyrannide solus civitati suae voluerit imperitare.

21 Ea conditione indignos. *Qui liberi sunt natura, nec digni quibus heriliter vt seruis imperitetur.*

22 Vt seruitute dignis dominantur. *Vt natura seruis, aut ijs quorum deprauati mores id postulant, heriliter imperent, iure scilicet natura, de quo libro primo memoratum est.*

CAPVT XV.

1 CVM autem publicè priuatimque hominibus finis idem esse videatur, 2 eodemque modo virum optimum quo Rempub. optimam definiri sit necesse, non dubium est quin virtutes ad otium facientes desiderantur. Vt enim sæpe diximus, belli pax, otium negotij finis est. Cæterum ad otium & vitam liberalem virtutes tum quibus in otio, tum quibus in negotio vtimur, conducunt. Multa enim ex rebus necessarijs, vt otiosis esse liceat, requiruntur. Itaque temperans ciuitas & eadem fortis esse debet, & quæ laboribus & calamitatibus non succumbat. Nam seruis, vt in prouerbio est, otium non suppetit. Qui autem fortiter pericula subire nequeunt, hi serui sunt inuadentium. Fortitudine igitur & tolerantia 3 ad negotium, 4 ad otium autem philosophia opus est. Temperantia verò & iustitia vtrisque quidem temporibus aptæ sunt, sed pacem agentibus & otiosis magis necessariae. Nam bellum iustos & temperantes esse cogit. Secunda fortuna, & otium cum pace, contumeliosos magis reddit. Multa igitur iustitia, multa temperantia ijs opus est, qui felices esse videntur, & rebus omnibus fruuntur, quæ vitam beatam efficere putantur, vt si qui sunt, quales à poëtis esse in Fortunatis insulis memorantur. His enim maximè philosophia, temperantia, & iustitia opus est, quo magis otiosi sunt, & talium bonorum copia fruuntur. Cur igitur ciuitatem ad rectè beateque viuendum his virtutibus præditam esse oporteat, in promptu est intelligere. 5 Cur ergo turpe sit bonis vti non posse, sed negotia bellaque gerentes probos esse videri, pacem autem & otium agirantes 6 mancipiorum vitam imitari, efficitur vt in virtute colenda non sit Lacedæmoniorum ciuitas imitanda, 7 qui nō eo differunt à cæteris, quòd non idē quod alij summū bonū esse existiment, sed quòd id per quandā virtutē parari putant. 8 Cū autē hæc sint maiora bona, hinc palā fit, his frui quā virtutibus præstare, 9 & horū fruitionem esse propter se expetendā: sed quomodo

10. quomodo & 10 quibus id rebus contingat, considerare oportet. Natura igitur moribusque & ratione opus esse, suprà differuimus. Ex quibus cum quales natura ciues esse oporteat antè sit à nobis declaratum, superest vt ratione an moribus instituendi sint consideremus. 11 Nam hæc inter se optima conuenientia congruere oportet. 12 Ratio enim ab optimo fine aberrare potest, & 13 per mores 14 similiter duci. Sed nec illud est dubitabile, primum quod 14 vt in cæteris, sic hæc in regeneratio à principio est, & finis à principio quodam, quod est alter finis. Cum igitur ratio & intelligentia nobis sit naturæ finis, vtique ad has oportet generationem & morum institutionem accommodare. Deinde quemadmodum anima & corpus duo sunt, sic animæ partes duas esse rationis expertem & cō- 15. potem rationis: harumque habitus duos esse numero videmus, 15 quarum partium altera est appetitus, altera intellectus. Vt autem corpus prius gignitur quàm anima, sic pars rationis expers quàm 16. compos: arguimento, quod 16 ira & voluntas, itemque appetentia pueris etiam statim genitis ad sunt, ratiocinatio autem & intelligentia ætate progredientibus naturaliter ingeneratur. Itaque necessario 17. prior est corporis cura, quàm animæ, 17 deinde appetitionis: veruntamen appetitus cura ad intellectum, corporis ad animam referri 18. debet. Si ergo legumlatoris partes sunt, vt 18 alèdorum optima corpora generentur, ab initio providere, nimirum prima cura de matrimonio est adhibenda, quando & quales in maritalem consuetudinem conuenire debeant.

Scholia in Caput XV.

1 Cum autem publicè priuatimque hominibus finis idem esse videatur. Cum summum bonum in eadem re positum sit singulis hominibus & vniuersæ ciuitati, sitque vna & eadem virtus, qua virum optimum & optimam ciuitatem facit, ijs potissimum virtutibus præditam esse ciuitatem oportet, quæ paci & otio sunt accommodata, vt iustitia & temperantia & philosophia, id est virtutes intellectuales: pax enim belli, otium finis est negotij. Sed quia pax interdum bello querenda est, & otium negotio, virtutes quoque, quibus bellum negotiumque geritur, sunt necessaria. Colendæ sunt igitur virtutes, sed ea maxime quæ pacem tuentur. Nec imitandus error Lacedæmoniorum, qui licet felicitatem, vt cætera bene instituta ciuitates virtute metirantur, tamen in hoc errabant, quod eam per bellicam virtutem maxime coningere statuebant,

statuebant, & hanc potissimum exercebant. Itaq; bellum gerentes seruabantur, in pace felicitatem & imperium amiserant. Prima igitur legumlatoris cura sit, ut futuri ciues recte generentur, deinde ut probis moribus instituantur. Primum ergo legumlatori qua ad matrimonia pertinent prouidenda sunt, ut vir & uxor quales esse & quo tempore conuenire debeant recte sanciantur.

2 Eodem modo virum optimum. Quemadmodum vir optimus esse definitur, qui ueris optimisq; virtutibus est praeclitus, sic ciuitatem optimam esse definimus, qua ueris optimisq; virtutibus instructa est.

3 Opus est ad negotium. Ut ad bellum gerendum.

4 Ad otium philosophia. Id est virtutes intellectuales, studiumq; bonarum artium, cum ad mores instituendos, tum maxime ad contemplationem.

5 Cum turpe sit bonis uti non posse. Causam reddit cur ciuitas pacis virtutibus instructa esse debeat, scilicet quia turpe est non habere otij & pacis bonis utendi, siue fruendi facultatem quam meliora sunt, quam belli negotiorumq; bona.

6 Mancipiorum vitam imitari. Turpiter & intemperanter uiuere, ut serui solent.

7 Qui non eo differunt à cæteris. Lacedæmonij, ut cætera recte sentientes ciuitates vitam beatam in usu virtutis esse constituunt, sed eo differunt, quod Lacedæmonij usum bellicæ duntaxat virtutis summum bonum esse putant, alij cunctarum virtutum usum, praesertim earum qua ad otium magis conducunt.

8 Cum autem hæc maiora bona sint. Cum otium & contemplatio maiora bona sint, quam morales & bellicæ actiones, consentaneum est vitam quam otio & contemplatione fruitur, praferendam ei esse, qua fruitur siue utitur virtutibus moralibus, & in ciuilibus actionibus versatur.

9 Et horum fruitionem. Otij & contemplationis fruitionem per se expetendam esse. Actiones enim, ut ipse primo libro de prima philosophia docet, non sua sponte, sed propter cognitionem expetuntur: cognitio autem propter se expetenda est.

10 Quibus rebus hæc bona contingant. Quomodo ad otium & contemplationem peruenire valeamus.

11 Hæc enim inter se. Natura mores & ratio. Nam si constitutio naturalis sit in vitia valde procliuu, & abhorrens à recta ratione, aut si ratio & mores inter se discrepent, nunquam vir optimus fiet.

12 Ut ratio aberraret ab optimo proposito. Ut ratio defleat ab optimo

Bbb

fine,

fine, id est non rectè sibi vltimum finem constituat.

13 Per mores similiter duci. Hic locus in gratia exemplaribus variat: in quibusdam enim dicitur ἡ δὲ εὐδαιμονία ὁμοίως scriptum est, id est per mores similes, in alijs dicitur ἡ δὲ εὐδαιμονία ὁμοίως, per mores similiter: in nonnullis dicitur ἡ δὲ εὐδαιμονία ὁμοίως, per similia, quarum dictionum mediam vt commodissimam secutus est interpretes. Reddit igitur causam philosophus, cur cum dixisset naturam, rationem & mores inter se congruere debere, addidit optima conuenientia non enim satis est vt congruant, nisi optima conuenientia congruant, vt in homine rectè natura constituto ratio recta sit summo bono constituendo, & mores optimi, eidemq; fini conuenientes. Nā fieri potest vt congruant praua conuenientia, quod fit cum ratio aberrat ab optimo fine. & eadem similiter mores sic instituendos esse statuit, vt sint fini vltimo perperam ab ipsa constituto conuenientes, ab optimoq; fine abhorreant: tunc enim ratio praua cum prauis moribus congruit, non tamen conuenientia optima, sed pessima, quarum conuenientiarum prior honorū & virtute pradorum virorum propria est, posterior vitiosorum. Nam vt in homine virtute pradito, recta ratio cum moribus probis, id est virtutibus moralibus, qui sunt habitus in appetitu ingenerati, congruit: sic in vitioso praua ratio congruit cum prauis moribus quae vitia dicuntur. Nec enim ante vitium generatum est, quā praua ratio congruat cum deprauato appetitu. Nam contra recta & incorrupta rationis quae in ipso sit, iudicium turpiter facere non est vitiosi, sed incontinentis, Ethicorum septimo Mores autem hoc in loco vocat virtutum & vitiorum habitus. Quod autem dictum est de ratione & moribus, potest de natura simul dici, vt praua natura & praua ratio & prauis mores inter se congruant, quae erit pessima conuenientia.

14 Quemadmodum cæteris in rebus generatio à principio est, & finis à principio quodam quod est alius finis. Vt in cæteris rebus naturalibus vel artificiosis, ita fit in homine. Nam freni, exempli gratia, generatio à principio quodam est: ab artifice namq; ferrum praparatante & aptante initium sumit, ipsaq; effectio generatio dicitur, cuius finis est ipsum frenum commodū atq; perfectum. Hoc autem finis principium, est finis vltimi freni, qui est equi commodus flexio & moderatio. Sic igitur accidit in homine, cuius generatio est à principio à parentum scilicet concubitu & praparatatio semine, cuius generationis primus finis est perfecta hominis constitutio, cum ad perfectam aetatem peruenierit: hactenus enim homo generari dicitur, vt testatur ipse Aristoteles, qui libro secundo de generatione tempus naturalis generationis aequale dicit esse tempori corruptionis siue interitus. Hac autem perfecta constitutio, qui est proximus finis generationis, est vltimi finis humani principium.

cipium, qui positus est in vsu virtutis intellectualis. Ergo finis, ait, scilicet vltimus est à principio quodam, quod principium est, alter finis proximus videlicet generationis, dictio enim græca ἀπὸ τοῦ ἀρχῆς ἀλλὰ τέλος, sic est ad verbum conuertenda, à quodam principio alio fine, id est quod est alius finis, vt interpres conuertit.

15 Quarum partium. Ex duabus memoratis partibus, quæ rationis est expertus, appetitus dicitur, cuius habitus sunt virtutes morales: compos verò rationis intellectus nominatur, cuius habitus sunt virtutes intellectuales.

16 Ira & voluntas. Voluntatem impropiè dixit pro cupiditate quadam. Vt enim ipse libro tertio de anima tradit, Voluntas in parte rationis compote, cupiditas verò in rationis experte sit. Nam philosophi quoq, vt ceteri auctores, interdum popularem consuetudinem sequentes, impropiè vocabulu vtuntur.

17 Deinde appetitionis. Prima cura debet esse corporis in prima scilicet generatione & infantia: proxima appetitus, vt moralibus virtutibus per optimam educationem informetur. In hac enim parte anime virtutes omnes morales generantur, vt ipse testatur magnorum moralium libro primo.

18 Alendorum. Qui alendi sunt posteritatis, & Reipub. causa. Nam in quibusdam ciuitatibus, vt Lacedæmone, si quis valde deformis aut membrum necessarius orbatus, aut quoquo modo natura deprauatus nasceretur, lege abieceretur, sed iussu magistratuum, qui huic officio considerandisq, fœtibus præerant, in barathrum proieciatur, à qua sententia ne ipse quidem Aristoteles abhorreere videtur proximo capite.

CAPVT XVI.

1 Oportet autem legumlatorem in hac societate instituenda, ad ipsos & viuendi tempus spectare, vt ætatibus ad tempestiuitatem congruant: nec dissintiant facultates, vt cum vir generate queat, vxor non possit, aut contrà: quæ res seditiones inter ipsos mouent, & animos alienant: deinde ad filiorum successionem intueri, quoniam filij neque nimio ætatum interuallo subsequi parentes debent, tunc enim 2 parū commodè vel filij seniorib. parentib. gratiā referre, vel parētes filios opitulari possūt: nec rursus propè ad parentū ætatē accedere. Est. n. hoc multifariā incōmodū, tū quia tales filij minore vere cūdia patres velut æquales suos colūt, & ætatū 3 ppinquitās familia re ad ministrationē cōtētiōsā facit: præterea ob id, vnde huc digressū sum, vt corpora procreātorū filiorū 4 apta sint legūlatoris volū

Bbb 2

tati,

tati, quæ cuncta ferè vna prouisione continget. Nam cum generandi finis magna ex parte viris sit annus ad summum septuagesimus, 5. mulieribus quinquagesimus, 5. debet autem coniunctionis initium per ætatem in hæc tempora congruere. Cæterum adolescentium coniunctio ad filios procreandos incommoda est. Nam cum in omni genere animantium foetus nouellorum imperfecti & scæminei, exiguaq; forma sint: eodem modo in homines accidere necesse est: argumento, quòd quibus in ciuitatibus adolescentibus solent puellæ nubere, in his homines imperfecti & corporibus exigui sunt. Ad hæc in partu. puellæ magis laborât, & plures intereunt 6. Itaq; ob talem causam Træzenijs editu esse oraculum quidam interpretatur, velut multis intereuntibus, propterea quòd adolescentulæ nuptui traderentur, non propter fructuum perceptionem. Ad temperantiam quoque nuptui tradi grandiores conducit. Nam quæ adulescentulæ rebus venereis vsæ sunt, hæc minus temperantes esse videntur.

7. Marium quoque corporibus ad incrementum abesse videtur, 7. si 8. coitus inter augescendum fiat. 8. nam huius rei determinatum est tempus quoddam, vltra quod augescens non progreditur. Ita 9. quæ mulieres 9. annos decem & octo, viros autem circiter triginta septem natos matrimonio copulari conuenit. Sic enim coniunctio vigentibus florentibusq; corporibus fiet, & eodem tempore opportune filios procreare desinent: 10. & illis ineunte ætatis robore filij, 11. si statim pro ratione temporis generatio fiat, 11. his ætate iam in annum septuagesimum deficiente succedent. Ac coniunctio quidem maritalis quando fieri debeat explicuimus. Anni verò temporibus, 12. uti oportet, ut multi nunc vtuntur, hybernū tempus 12. huic consuetudini destinantes. Ipsi ergo ad filios procreandos medicorum & naturalium præcepta considerare debebunt. Medici enim rectè de corporum tempestiuitatibus disserunt, & de ventis naturales auctores, qui flatus Aquilonios Australibus anteponunt. Cæterum qualia corpora foetibus generandis maximè conducunt, proprius erit differendi locus, cum de puerorum institutione disputabitur. Nunc rem summatim attingere satis habeamus. Nam nec athletarū habitus ad rectam habitudinem ciuilem, vel valetudinem, vel filiorum procreationem utilis est: nec rursus imbecillus, ac nimis calamitatibus afflictus conuenit, sed horum medius desideratur. Habitum ergo laboribus exercitatum habere oportet, sed non violentis, nec 13. 14. 15. ut 13. athletarū habitus, 14. ad vnū opus, sed 15. ad liberorū hominū actionis

ctiones accommodatis. Hæc autem in viris perinde ac in mulieribus desiderantur: quibus mulieribus 16 vterum gerentibus corporum est adhibenda cura, vt neque desidia torpeant, nec cibo vtantur tenuiore: quod facillè fuerit legumlatori prouidere, si lege sanxerit, vt singulis diebus spatium aliquod deos qui generationi præesse putantur, venerandi gratia conficiant. Mentem autem contra quam corpus tranquillam securamque gerere conuenit. Vt enim quæ ex terra gignuntur, sic fœtus ex prægnante matre bona malaque contrahunt. De exponendis autem alendisque fœtibus esto lex 17 vt nihil alatur mancum, aut membris orbatum. 18 Propter filiorum autem multitudinem si fœtus exponi morum instituto prohibeantur, determinanda est enim procreandorum filiorum multitudo. Sed si quibus fuerit aliquid præterea genitum, abortionem ante sensum & vitam facere conueniet. quatenus enim fas sit, progredi que liceat, sensu & vita terminabitur. Sed quoniam ætatis initium viro & vxori quando sit coniunctio maritalis incunda, definitum est: illud quoque quandiu liberis operam dare cõueniat definitur. Vt enim iuniorum, sic etiam seniorum filij imperfecti, tum corpore, tum etiam mente: confectorum autem ætate imbecilli generantur. Cum igitur ad eam ætatem fuerit processum, qua mēs & intellectus maximè viget, hæc autem est in plerisque (vt poëtæ quidam ætatem hebdomadis metientes tradiderunt) 19 circa quinquagesimum annum. Circa hanc igitur ætatē, quarto post vel quinto anno desistere à filiorum alendorum generatione tempestiuum est: in posterum ita temperandum, vt valetudinis gratia, vel ob aliam huiusmodi causam consuetudinem habere videantur. 20 Cum alia verò vel alio consuetudinem habere, dum coniuges erunt & vocabuntur, in rebus turpissimis habeatur. Intra tempus verò filios procreandi si quis tale quicquam visus fuerit admittere, infamia notetur, prout criminis magnitudo postulat.

Scholia in Caput XVI.

I OPORTET autem legumlatorem in hac societate instituendam ad ipsos & viuendi tempus spectare. Primum in legibus ferendis ad matrimonium pertinentibus habenda est viri & vxoris inter ipsos ratio, vt eam ætate conueniant, initiumque generandi faciant, vt eodem tempore virique tempestiuum sit desinere: deinde filiorum successiones ne nimium distent, aut

Bbb 3

propet

propè ad patris ætatem accedant. nam vtrunque incommodum est: quod fiet, si vxor annorum decem & octo à viro annum nato circiter trigésimum septimum ducatur, quoniam & adolescentium, & rursus seniorum filij imperfecti corpore & animo atque imbecilli generantur. Tempus autem anni gignendis filiis accommodatum est hybernum, & flantibus aquilonibus ventis. Habitus verò corporis in generantibus probatur, non nimis robustus, qualis est athletarum, nec rursus imbellicus & laboribus fractus. Mulieres quoque pregnantibus ambulationibus exerceri, & cibis vi solidioribus oportet. Præterea ut incipendi, sic desinendi filios procreare tempus debet esse desinitum, ne quinquagesimum quintum annum in viro excedat. Adulteria verò ex vtraque parte in rebus turpissimum habenda sunt, & infamia si tempore generationis patrentur, notanda.

2 Quia parum commodè vel filij senioribus parentibus. Prius enim senes patres moriuntur, quàm filios alere, & probis moribus instituere, & à filiis gratiam eis referentibus iuuari possint.

3 Contentiosam facit familiarem administrationem. Quia filius non faciliè iussis paternis obtemperat, cum est patri propemodum æqualis.

4 Aptæ legumlatoris voluntati. Virtutibus accommodata, quæ sunt legumlatoris prudentia, & institutis in vtraque parte animæ ingeneranda, & ad munera corporea, cum res poscet obeunda.

5 Debet autem coniunctionis initium per ætatem in hæc tempora congruere. Ea ætate vir vxorq; debent in matrimonium conuenire, ut initium liberos generandi cum temporibus desinendi congruat, ut eodem tempore vir ad annum septuagesimum, vxor ad quinquagesimum perueniât. Nam ἡγεταβάρην dixit philosophus, pro σὺν χαλὰ βαρύνειν quo verbo hic ipso cap. vsus est in eandem conueniendi seu congruendi intelligentiam, ac eandem de re differens.

6 Itaque ob talem causam Træzenijs. Quare historiam: cuius tamen summa esse videtur. Træzenios cum multa mulieres apud eos partibus interirent, oraculum ab Ioue Dodoneo fortasse vel Appolline Pythio quæ causa esset tanti mali petiuisse, aut quæ ratione deorum ipsis infensorum iræ placari posset, oraculumq; huiusmodi ex adytis aditum fuisse fore ut deorum in Træzenios ira & calamitas cessaret, si fructus serius perciperent. quod oraculum sic quidam exponunt, ut eo immaturas nuptias, & festinatam filiorum procreationem oraculo prohibitas esse interpretentur, non vindemias, aut messes in tempestiuè properatas.

7 Si coitus fiat inter augescendum. Dum crescit adolescens, ἐὰν ἐν τῷ ἡλικίῳ ποιεῖται τὸ συνουσίαν. Sic enim legitur in exemplaribus emenda-

mendatis, in quibusdam additum est τὸ σπέρματος, in alijs τὸ σῶματος sed utrobique perperam, ut arbitror, & sine vlla necessitate propter phrasin ignorantiam.

8 Nam huius rei determinatum est tempus, vltra quod augescens non progreditur. *Quod tempus animal siue homo augescendo non excedit.*

9 Annos decem & octo, aut circiter. *Plato in libro quinto de Repub. viginti annorum aetatem in muliere, triginta in viro tempestiuam esse tradit ad nuptias, ut mulier ad quadragesimum vsque pariat. Vir generet vsque ad quinquagesimum quintum.*

10 Et illis ineunte. *Qui adulescentuli duxerint vxores.*

11 His aetate iam *Qui perfecta aetate matrimonio iuncti sunt. Succedere autem filius patri, in aliqua aetate intelligendus est, cum filius adoleuit, patre illam aetatem agente.*

12 Huic consuetudini. *Generationi filiorum.*

13 Athletarum habitus. *Ut sint robustissima corpora.*

14 Nec ut athletarum ad vnum opus. *ad palastram potissimum.*

15 Ad liberorum hominum actiones. *Ut ad cursum, & iaculandum, & munera militaria obeundum.*

16 Vterum gerentibus. *Pregnantibus.*

17 Ut nihil alatur mancum, aut membris orbatum. *Lacedaemoniorum institutum probare videtur, quod idem Platoni placuisse videtur in lib. quinto de Rep. de quo instituto superiore capite memorauimus.*

18 Propter filiorum autem multitudinem. *Quidam putauerunt modum imponendum esse filiorum generationi, ne propter multitudinem ciues inopia laborarent, quod esse necessarium Aristoteles tradit lib. ij. in ea ciuitate, ubi patrimonia lege aequantur. Si ergo pro reatione desistendum est, quoniam filios ceteros vltra praescriptum numerum genitos exponere, seu perimere inhumani est & contra mores, ratio verò à procreatione filiorum desistendi, quam quidam tradiderunt per turpissima diuenticula, nefaria est; idcirco ab- rionem potius inducendam esse dicit, antequam fœtus animetur. Hucusque enim sine magno flagitio progredi licet. Nam fœtum delere, cum ad sensum & vitā peruenerit, homicidium est, quod praeceptum aduersus Platonem datum esse videri potest. Plato enim libro quinto de Repub. Fœtum si quis post tempus generationi praescriptum genitus fuerit, & in lucem editus, exponi iubet qui quanquam non edi melius esse dicit, non tamen addit abortionem ante sensum & vitā esse faciendam.*

19 Circa quinquagesimum annum. *Anno quadragesimo nono, si sequa-*

anm

mur hebdomadam rationem : nam septies septem sunt quadraginta novem.
 20. Cum alia verò vel alio. Vt neque vir cum alia muliere consuetudi-
 nem habeat, nec vxor cum alio viro. Nam vtrunque vt est, sic turpissimum es-
 se putari, & legibus vindicari debet.

CAPVT XVII.

1. **FILIIIS** autem procreatis, magni referre ad vires corporis
 putandum est, quali cibo nutriantur. Sed ex cæteris animantibus
 ac gentium consuetudine, quæ bellicæ habitudini semper student,
 si quis animaduertat, facillè intelligat lactis copiosum cibum cor-
 poribus esse conuenientissimum, 2 sed qui vini sit experts, morbo-
 rum causa, motibus etiam qui cadere in hanc ætatem possunt, exer-
 cerci confert. Cæterum ne propter teneritatem membra torquean-
 tur, nationes nonnullæ quibusdam artificiosis instrumentis vtun-
 tur, quæ talium corpus tutum à torsionibus reddunt. Est etiam vti-
 le, statim ab ineunte ætate frigoribus assuescere. hoc enim tū ad valetudi-
 nē, tū ad munera militaria cōmodissimū est. Quāobré barbari ma-
 gna ex parte, alij frigidum flumine infantes mergere, alij paruis indu-
 mentis vestire consueuerunt, vt Galli. Nam quibuscunque rebus
 fieri potest, statim ab ineunte ætate assuescere commodius est, pau-
 latim tamen assuescere. Est autem habitus puerorum aptus natura,
 propter calorem, vt frigoribus exerceatur. In prima igitur ætate,
 hæc & huic similis cura adhiberi debet. Proxima verò ætas vsque
 ad annum quintum, quam nec disciplinæ conuenit, nec laboribus
 necessarijs tradi, quo minus sit augescens impedimento, motu
 debet, sed quatenus modo desidiam effugiat exerceri. Qui motus
 cum per alias actiones, tum per ludos parandus est: ludi verò nec il-
 liberales, nec laboriosi, nec dissoluti esse debent. Neque verò ma-
 gistratibus qui pædonomi ab instituendis pueris nominantur, ne-
 gligenda cura est, quales sermones & fabulas audire huic ætati con-
 ueniat. Hæc enim cuncta exordia posterioribus exercitationibus
 debent esse accommodata. Itaque ludi magna ex parte imitationes
 esse debent earum rerum quæ serio postea sunt obeundæ. Puero-
 rum autem fletus & ploratus qui legibus prohibent, non rectè fa-
 ciunt: conferunt enim ad augescendum, quia sunt quodammodo
 corporum exercitationes. Spiritus nanque contentio vires suggerit
 laborantibus, quod plorantibus contingit. Est autem pædonomo-
 rum

rum officium, tum reliquam horum viuendi rationem non negligere, tum prouidere, vt seruorum consuetudinem vitent: hæc enim ætas vsque ad septennium domi alatur necesse est. Huius igitur ætatis pueri, ne quid illiberale vel audiant vel videant prohibendi sũt. Ad summam, vt cætera mala, sic debet legumlator sermonis turpitudinem è ciuitate pellerè. Nam facilè turpia loquendo, efficitur vt homines his proxima faciant. quod maximè prouidendum est in adolescentibus, ne quid tale vel dicant, vel audiant. Siquis autem dicere vel agere vitiorum quicquam visus fuerit, hunc oportebit, si quidem liber sit, nondum tamen ad comestationes admissus, & castigari, & verberibus puniri: sin hac ætate maior, ignominijs illiberalibus, propterea quòd seruiliter viuat, notari. Cum autem ne quis talia loquatur prohibetur, satis intelligitur vetari, ne turpes vel picturas vel fabulas spectet. Ad officium igitur magistratuum pertinet curare, vt nihil nec fictum, nec pictum sit, quod tales actiones imitetur, præterquam apud Deos quosdam, quibus lex lasciuiam attribuit apud quos lege pro se liberisq̃ & vxoribus litare permittitur. Iuniores autem ne iamborum vel comædiæ spectatores fiant, lege prohibendi sunt, donec ad discumbendi ætatem peruenerint, & omnes educatio à temulentia & huiusmodi rerum nocumento tutos reddiderit. Nunc igitur paucis de his rebus disseruimus. Post autem accuratius erit disputandum, oporteat, an secus, & quomodo: nunc autem locus necessario fuit attingendus: nam fortasse Theodorus Tragædus non errabat in eo, quod nulli vnquam ne abiecto quidem histrioni, vt ante se in scænam prodiret concedebat, propterea quòd spectatorum animi primis auditibus capiantur, quod idem in hominum atque rerum consuetudines accidit. Nam prima quæque magis delectant. Cuncta igitur mala, sed ea maximè quæ turpitudinem habent, vel odiũ pariunt, sunt procul pueris remouenda. Post quinquennium verò duobus annis vsque ad septem, doctrinarum quibus institui debent, spectatores fiant oportet. Sunt autem ætates duæ, in quas disciplinam diuidere necessarium est: post septennium vsque ad pubertatem: & rursus hinc ad annum vnum & vigesimum. Nam qui hebdomadis ætates partiuntur, hi magna ex parte non rectè precipiunt. Sed cum omnis ars omnisq̃ disciplina naturæ defectus explere soleat, naturæ diuisio nobis sequenda est. Primum igitur videndum erit, num quis ordo in pueros sit statuendus: Deinde publice,

Ccc

blicè,

blicè, an priuatim, vt nunc in plerisque ciuitatibus fit, curam puerorum adhibere oporteat: Tercio, qualis demum sit ea procuratio statuenda.

Scholia in Caput XVII.

1 FILIIS autem procreatis, magni referre ad vires corporis putandum est, cuiusmodi cibo iidem alantur. Explicatis quæ ad rectam filiorum generationem pertinent, iam videndum est primum, qui cibus sit infantibus accommodatus, & quæ exercitationes, deinde, animus quæ ratione sit instituendus. Vsus ergo naturalis caterorum animantium, & consuetudo earum gentium, quæ viribus ad bellum aptis student, aperte declarant, lac esse cibum infantibus accommodatissimum. Prodest etiam infantibus agitari motibus, qui cadere possunt in illam ætatem. Præterea frigoribus assuescere valetudinem confirmat, & corpus aptum ad officia militaria reddit. à quinquennio ad septennium lusionibus exercendi sunt honestis, nec talibus, vt corpus affligant. puerorum ploratus prohibendi non sunt, quippe cū ad augescendum faciunt. Quod verò pertinet ad morum institutionem, curandum est, ne pueri cum seruis versentur, aut colloquantur, neue quicquam turpe vel videant vel audiant. Vnt etiam pueri ab omni turpi spectaculo summovendi.

2. Sed qui vini sit expers. Lac cibus commodissimus est pueris, nisi vino fuerit corruptum: quod accidit, si merum nutrix largiter hauserit, perinde est enim, ac si puer ipse biberet, vt est in libro de somno & vigilia. quamobrem, inquit, nec infantibus vinum, nec nutricibus conducit. Nam fortasse nihil interest, ipsi bibant, an nutrices, sed aquosum bibere oportet, & modicum vinū, quoniam est spiritosum, & tanto magis atrum, propterea scilicet, quod infantes reddit comitiales (vt Galli) Celtas vocat Aristoteles, quos interpretes Gallos vertit, publicam sententiam consuetudinemque sequutus. Suspicio tamen Aristotelem Celtarum nomine Germanos significasse, non solum hoc in loco, sed in quibusdam alijs. Nam quod hic Aristoteles de Celtarum moribus refert, idem Cæsar in commentarijs, & Mela de situ Orbis, de moribus Germanorum memorant, & quod Aristoteles libro tertio libuorum tradit refert, Celtas nec in terra motu, nec in maris tempestate timere, multo magis Germanorum natura conuenit, quam Gallorum: quam mihi suspicionem mouit Honoratus Ioannes Valentinus vir domi nobilis, græcè & latine doctissimus, cum quo propter egregiam eius eruditionem & humanitatem libenter soleo sermone tum familiares, tum etiam literatos conferre.

3 Turpes fabulas spectet. Vt comædias turpes, dum aguntur in theatris.

4 Qui-

4 Quibus lex lasciuia attribuit. *Vt Priapo Deo, & Baccho, ac Veneri.*

5 Spectatores iam fieri oportet doctrinarum. *Vt exercentes se in palaestra, currentes, iaculantes, ludos equestres agitant, conspiciant, atque item voce vel fidibus canentes audiant. Hac enim studia & exercitamenta doctrinas vocat, quia sunt à pueris & adolescentibus discenda, sed ea maxime quibus & corpora & animi durantur ad bellum, ut induat Vergilius nosser, qui ex praeceptis, ut videtur, Aristotelis, studia puerorum, duritia ac labori studentium pulcherrime persequutus est illo carmine,*

*Durum à stirpe genus natos ad flumina primum
Deferimus, saeuoque gelu duramus & vndis:
Venatu inuigilant pueri, sy luasque fatigant,
Flectere ludus equos, & spicula tendere cornu.*

FINIS LIBRI SEPTIMI.

ARISTOTELIS DE RE


PUBLICA LIBER OCTAVVS,

Interprete & enarratore

IOANN. GENESIO SEPVLVEDA

CORDVBENSI

CAPVT I.



LEGVM igitur latori plurimum operæ ponendum esse in puerorum educatione, quod in ciuitatibus prætermissum 2 Reipub. 2. nocet, nemo dubitauerit: quoniam ad quaque Rempublicam sua est administratio dirigenda, cum 3 sui quaque mores & tueri, & ab initio fundare soleant, hoc est populares mores Remp. popularem, & paucorum potentiam, qui sunt huic generi accommodati: semper tamen optimi quique mores melioris Reipub. sunt causa. Præterea cum ad omnes facultates & artes quædam sint exordia doctrinæ, & quib an

Ccc 2

tea af

tea assuescere conueniat: vt earum cuiusque muneribus fungamur: dubium esse non potest, quin idem in virtutis actiones accadat. Sed

4. quoniam 4 vnus est omnis ciuitatis finis, haud dubiè necessarium est, vt vna eademque sit cunctorum educatio & disciplina, eademque cura & procreatio, idque publicè, non priuatim, quemadmodum nunc suorum quisque filiorum curam gerit, & eos prout visum est, priuatim instituit, cum tamen communium communem esse exercitationem oporteat, & simul ciuium quisque se non suum, sed omnes ciuitatis esse putare debeat. Est enim vnusquisque ciuitatis pars: 5 procuratio verò cuiusque partis procuratio nem totius spectare debet lege naturæ quo nomine laudandi sunt Lacedæmonij, qui magnum studium in pueros, & magnam curam, eamque publicè conferunt. De educatione igitur leges esse ferendas, eamque publicam esse oportere, perspicuum est.

Scholia in Caput I.

1. LEGVMLATORI plurimum operæ ponendum esse in puerorum educatione. *Persequitur rationem pueros educandi & instituendi inchoatam libro superiore, quam curam legumlatore maximè necessariam esse docet. Nam mores ciuium tum ad instituendam, tum ad conseruandam cuiusque generis Rempub. multum faciunt. Placet autem non priuatim institui pueros, sed publicè, more Lacedæmoniorum.*
2. Reipublicæ nocet. *Neglecta cura pueros instituendi Reipublicæ officit.*
3. Sui quaque mores. *Sic quaque Resp. optimè & institui ab initio, & deinde conseruari potest, & solet, si mores ciuium ei generi consentiant.*
4. Vnus est omnis ciuitatis finis. *Quia ciuitas vniuersa vnum & eundem finem spectat, eademque re felicitatem metitur, idcirco ciues omnes eodem modo instituti ac educari debent publicè.*
5. Procuratio cuiusque partis. *Administratio singularum partium debet ad totius administrationem referri.*

CAPVT II.

1. 1. QVAE sit autem educatio, & quomodo pueri institui debeant,
2. cognitum esse oportet. Nunc enim 2 de operibus ambigitur, cum
3. non eadem omnes pueris discenda esse existiment, 3 nec ad virtutem,

tem, 4 nec ad optimam vitam. Sed neque illud satis cōstat, 5 ad mo- 4. 5.
res animę, 6 an ad intelligentiā potius institutio sit dirigenda, 7 Ex- 6. 7.
vfitata quidem educatione turbulenta est & obscura constituendi
rationum rebus ad vitam vtilibus, an ijs 8 quę ad virtutem perti- 8.
nent, 9 an rebus pręstantioribus exerceri debeant. Nam hæc om- 9.
nia 10 quibusdam se iudicibus tuentur. De his enim quę virtutem 10.
atingunt, nihil est de quo inter omnes conveniat. Nam virtutem
statim non eandem colunt omnes, vt merito de ipsius exercitatio-
ne dissentiant. Ex operibus igitur vtilibus necessaria esse discenda
certum est: sed cum liberalia illiberalibus diuisa sint, non esse om-
nia discenda, perspicuum est, sed ea duntaxat ex vtilibus esse obe-
unda, quę obeuntem sordidum non efficiunt. Sordidum autem o-
pus & ars doctrinaque sordida putari debet, quęcunque liberorum
hominum corpus vel 11 animum vel intelligentiam inutiles ad v- 11.
sus actionesque virtutis reddunt. Quamobrem quęcunque artes
corpus in deteriorem habitum inducunt, mercenariasque operas
sordidas appellamus, propterea quod mentem impediunt abiectā-
que reddunt. 12 Scientijs autem quibusdam liberalibus operam 12.
quadamtenus impendere, non est illiberale, sed qui hoc facit alio-
rum causa, is sæpe mercenaria seruilique opera fungi videri potest. 13
Vulgatę igitur disciplinę, vt suprā diximus, ancipites sunt, & in v-
tranque partem flecti possunt.

Scholia in Caput II.

- 1 QVÆ sit autem educatio, & quomodo pueri institui debeāt.
Duo sunt legumlatori consideranda in constituenda educatione, Primum quę
sint pueris addiscenda: Secundum quomodo sint instituendi. Nec enim con-
stat, quo referri debeat educatio, ad commoditatem, an ad morales virtutes,
an ad cognitionem rerum & contemplationem: quanquam ex rebus vtilibus
non dubium est, quin necessaria sint addiscenda, non tamen illiberales, sed quę
sint homine ingenuo digna. Scientia verò liberales non propter alios, sed pro-
pter se cuique sunt addiscenda.
- 2 De operibus ambigitur. Non de modo, sed de rebus ipsis & studijs ac
exercitiamentis, quibus pueri sunt instituendi.
- 3 Nec ac virtutem. Quoniam alij aliam virtutem magis probant.
- 4 Nec ad optimam vitam. Alij enim alio felicitatem metiuntur.
- 5 Ad mores animę. Ad virtutes morales.

Ccc 3

6 An

6 An ad intelligentiam. *Ad contemplationem, & intellectuales virtutes.*
 7 Ex vsitata quidem educatione. Si ad vulgarem & communem educationem spectare libeat in praeceptis educationis tradendis, ut ea scilicet edoceamur & dirigamur, parum nos iuvare poterit.

8 Quæ pertinent ad virtutem. *Moralem intellige.*

9 An rebus præstantioribus. *In cognitione rerum & contemplatione.*
Nam τὰ τῶν ἁγίων, quas res præstantiores solet interpretes convertere, Aristoteles quæ necessarijs & vtilibus excellentiora sunt, vocare consuevit. qualis est rerum naturalium, & Dei, mundiq., & maximarum mundi partium cognitio & contemplatio, ut supra non semel declaratum est, & in primo libro de prima philosophia Alexander Aphrodisiensis exponit, quem ipsi adolescentes voluntate Clementis pontificis maximi è græco in latinum sermonem converterimus.

10 Quibusdam se iudicibus tuentur. *Suos auctores habent, à quibus tradita sunt.*

11 Animum vel intelligentiam. *Partem animæ rationis expertē, in qua virtutes morales ingenerantur: vel superiorem, quæ prudentia & cetera intellectuales virtutes gignuntur.* Itaque non solum artificum, sed etiam agricolarum, & omnis generis mercatorum & mercenariorum vitam in artibus & actionibus sordidis versari tradit.

12 Scientijs quibusdam liberalibus. *Ut musica, & arti pictoria.* potest etiam hoc ad doctrinas referri, in quarum studio vitium illud vitari debet, quod Cicero in C. Sulpitio, & in Sex. Pompeio damnavit, quod alter in astrologia, alter in geometria magnum studium, multamq., operam in res obscuras atq., difficiles contulissent, easdemq., minimè ad solidam illarum scientiarum cognitionem necessarias, quæ doctrina & artes, si non sponte sua & cognitionis gratia, sed ob alias causas, vel ut aliorum voluptati quispiam aut commoditati serviat petantur, mercenaria sunt & serviles.

13 Vulgatæ igitur disciplinæ. *Rationes instituendi pueros quæ tradita sunt & vulgaræ, quam supra vsitatam educationem vocavit, nihil habent certi & definiti, quo possimus ad veram instituendi rationem tradendam erudiri: hac verò sunt literæ, palastra, musica, & pictura, de quibus deinceps disputabit.* Nam literæ possunt tum ad mercaturam referri, & opera necessaria & vtilia, tum ad liberales disciplinas & contemplationem: & pictura & musica eodem modo, ut proximo capite declarabitur. Quo fit ut hæc vulgaris instituendi ratio sit anceps, cum possit ut ad honestam & liberalem vitam, sic ad vilitatem referri.

CAPVT

CAPVT III.

1 SED quatuor ferè sunt, quibus instituere pueros consueue-
 runt, 2 litera, palestra, musica, & quarto loco ars pictoria, qua non
 nulli pueros instituendos curant: sed literaria & pictoria 3 tan-
 quam vtilis sint ad vitam, & multifariam commodas: palestra 4
 quasi ad fortitudinem conducant. Cæterum musica in controuerli-
 am venire potest, utpote cui plerique nunc dant operam volupta-
 tis gratia, 5 cum tamen initio in disciplinæ parte poneretur, pro-
 pterea quod ipsa natura, ut saepe diximus, postulat, ut non modo
 negotia rectè gerendi, sed etiam otio honeste fruendi facultas ad-
 sit. 6 Hoc est enim cunctorum principium, ut rursus de ipso disle-
 ramus, quoniam & si utrunque expectandum est, otium tamen præ-
 ferri debet, sed non id quod in ludo consumitur: 7 tunc enim ludus
 nobis necessario finis esset vitæ, quod fieri non potest, & inter nego-
 tia magis ludis est utendum: nam qui laboribus exercetur, is alter-
 nam requiem desiderat. Est autem ludus requiescendi gratia. Ne-
 gotium verò 8 cum labore & contentione geritur. quamobrem in-
 ducendi sunt ludi 9 occasionem vsus obseruantibus, ut tanquam
 medicamentum adhiberi videantur, 10 quoniam hic animi motus
 remissio est, & propter voluptatem requies. Otio autem ipso volu-
 ptas felicitasque & vita beata contineri videtur. 11 in hoc enim i-
 pso, ut otio fruamur, voluptas & felicitas, vitaque beata contineri
 videtur: quod occupatis non suppetit, sed otiosis. Nam qui in nego-
 tio est, is cuiuspiam finis gratia, tanquam is non adsit, negotiatur.
 Felicitas autem finis est, quam non cum dolore, sed cum voluptate
 contingere omnes existimant. Cæterum hanc voluptatem non ean-
 dem omnes, 12 sed sibi quisque suoque; habitui accommodatam sta-
 tuunt: optimus autem quisque eam esse decernit, quæ optima est, &
 à rebus honestissimis proficiscitur. Ad otium igitur vitæ liberalis,
 ut quædam discant, ac eis instituantur, oportet: utque instituta hæc
 & disciplinæ propter se, quæ verò ad negotium pertinent, ut ne-
 cessariæ & aliarum rerum gratia suscipiantur. Quocirca priores mu-
 sicam in parte disciplinæ, non ut rem necessariam statuerunt (nihil
 enim habet huiusmodi) nec ut utilem, quemadmodum 13 lite-
 ræ vtilis sunt ad rationem quaestuariam, & rei familiaris admini-
 strationem, & 14 ad doctrinam & ad opera multa ciuilia. Sed ars pi-
 ctoria

istoria utilis esse videtur, ut melius de artificum operibus iudicemus. Nec rursus quemadmodum palestra, sic musica valetudini viribusque confert: neutrum enim ex ipsa videmus existere. Reliquum est igitur ut musica 15 ad vitam in otio liberaliter degendam discenda sit, quo ipsam videmus à veteribus referri. Quam enim vitam liberorum hominum esse putant, huic musicam attribuunt. Itaque Homerus in carminibus ait,

Quam inuat ad lautam cœnam accersire Thalam?

Et sic quosdam alios præfatus, inquit,

Cantoremque vocant, modulis qui mulceat omnes.

Et alio in loco Vlysses eam vitam optimam esse confirmat, cum homines, inquit, lætitia perfusi sunt.

Perque domum cantu fruitur conuiuarecumbens.

- Esse igitur disciplinam quandam, qua non ut utili aut necessaria, sed quasi liberali & honesta filij sint instituendi, perspicuum est. Ceterum una sit, an plures, & hæc quæ sint, & quomodo docendæ, postea differemus. Nunc id tantum profecimus, quod nostram sententiam quodam veterum testimonio ex traditis disciplinis confirmauimus; hoc enim musica declarat. Nec dubitari potest, quin ex necessarijs aliqua doceri pueros conueniat, ut literis erudiri, non solum propter commoditatem, sed etiam quia fieri potest, ut ex his ad alias disciplinas procedatur. Eademque ratione instituendi sunt
16. arte pingendi, non quo minus in rebus priuatis emendis errent, nec supellectilis aut vestis emptione & venditione fallantur, sed potius quoniam ex hac existit corporum pulchritudinem contemplandi ratio. Commoditatibus autem ubique duci, nec magnum decet, nec ingenuum animum: sed cum moribus, an ratione sermo neque institui pueri, & corpore prius an mente exerceri debeant,
17. in promptu sit intelligere. Ex his palam fit oportere pueros gymnasticæ & pædotribicæ tradi, quarum altera corporis habitus, altera verò opera qualitate quadam afficiuntur.

Scholia. in Caput III.

1 SED quatuor ferè sunt, quibus instituere pueros conseruerunt. Quatuor saculæ sunt, quibus parentes filios suos instituendo curare solent, hæc æta. palestra, musica, & ars pictoria, propter quasdam scilicet utilitates. Nā
litera

litera ad multa negotia sunt utiles. Pictoria facit ne fallamur in tabulis pictis. Palastra siue gymnastica, quoniam ad res bellicas prodest. De musica dubitari potest. Nam licet quidam ea utantur oblectationis gratia, veteres tamen partem quandam rectae educationis eam esse statuerunt, ad otium scilicet rectè fruendum. Nam otium finis esse optimae vitae statuendum est, non tamen otium quod in lusionibus consumitur, sed quod in optimarum rerum contemplatione ponitur. Nam ludus non finis esse, sed laboribus interponi debet, quasi medicina ad vires per requiem recipiendas, ut iterum labor suscipiatur. Itaque ludus tanquam res necessaria negotijs obcurdus est adhibendus: musica vero tanquam honesta, & ad otium fruendum in vita liberali accommodata. Eodemq; modo facultas pictoria non vilitate gratia discenda est, ne in emptioribus fallamur, sed quia praebet corporis pulchritudinem, iudicandi & contemplandi facultatem.

2 Litera & palaestra. Litera sunt legendi & scribendi facultas. Palaestra alio nomine, utroq; gratè gymnastica vocatur, sed palaestra, Latinis est magis vsitatum vocabulum, quo significatur omnes ferè corporis artificiosae exercitationes.

3 Tanquam utiles ad vitam. Itaq; finem harum utilitatem quandam faciunt, de qua infra memorabitur.

4 Quali ad fortitudinem. Ad munera militaria.

5 Cum tamen initio. Veteres qui musica fuerunt auctores, ad rectam & honestam educationem musicam pertinere statuerunt, ipsamq; in numero liberalium scientiarum posuerunt.

6 Hoc est enim cunctorum principium. Otium cunctis ponitur tanquam principium deliberationis in vita instituenda, quia cuncta ad otium referuntur tanquam ad finem. Itaq; principium hoc in loco vocat finem, quoniam eadem res & finis dicitur & principium. Nam quod est primum in deliberatione & consideratione, id ultimum est in effectione, ethicorum iq; & finis in actionibus principium est, ut suppositiones in mathematicis, septimo Ethicorum.

7 Tunc enim ludus necessario finis esset si ludiorum otium esset felicitas, finis optimae vitae positus esset in ludo: quod fieri non potest. Nec enim ad ludum & iocum nati sumus, ut inquit Cicero, sed ad severitatem potius, & quadam studia grauiora atq; maiora.

8 Cum labore & contentione. Contentio animi contraria est remissioni & relaxationi.

9 Occasionem vsus obseruantibus. Debet enim tempus obseruari ad ludum & iocum, cum sufficiet requies ad vires corporis aut animi labore de-

Ddd

fatigati

fatigati recipiendas est necessaria.

10 Quoniam hic animi motus. Motus qui fit in ludo, est animi relaxatio, & idem propter voluptatem est requies.

11 In hoc enim ipso Otium late patet, complectiturq; voluptatem & vitam beatam, quod negotio abest. Nam qui negotiatur, is alicuius rei quam non habet gratia negotiatur, felicitatis scilicet causa, tanquam eam nondum sit affecutus.

12 Sed sibi quisque, suoq; habitui. Vitiosus prout ipsi & vitiosis habitibus quos animo induerit conuenit: sic voluptatem comitem beata vita statuit, turpem scilicet & vitiosam: vir probus honestam, & qua ex rebus honestissimis capitur.

13 Literæ utiles sunt ad rationem quæstuariam. Nam sine literis non potest consui accepti & expensi libellus, qui utilis est mercatoribus, & patribus familias.

14 Ad doctrinam. Ut procedatur ad artes, & scientias liberales. Sunt etiam utiles literæ ad ciuiles actiones, qua multifariam scripturis indigent & monumentis.

15 Ad vitam liberaliter degendam. Vitam liberalem vocat, qua sibi vacat, nec est in rebus necessarijs aut vtilibus parandis occupata.

16 Nec in supellectilis aut vestis. Supellectilis nomine vasa omnia escaria & potoria, mensæ, lecti, & candelabra, & cetera id genus continentur: qua si sculpta sint, quasi picta possunt pictoris iudicio discerni. Vestis autem vocabulo tapetes etiam & aulæa veniunt, & stragula omni generis, qua omnia gracæ τὸ σκευὸν nomine intelligantur.

17 Gymnasticæ & paedotribicæ tradi. Gymnastica est, qua alio nomine vocatur palastra, facultas exercendi corpus ad vires corporis valetudinemque confirmandam, & bonam habitudinem ingenerandam. Paedotribica verò pertinet etiam ad corporis exercitationem, non tamen virium habituumq; et valetudinis gratia, vi gymnastica sed operum, id est ut pueri discant iaculati, gladio punctum casumq; ferire, equos flectere, & cetera corporis liberalia militariaq; munera obire. Altera igitur, id est, palastra, corporis habitus afficitur qualitate quadam, quia robustus fit, & rectè valet. Altera id est paedotribica, opera militaria afficiuntur bonitate, id est rectè obcuntur.

CAPVT III.

1. 1 NVNC igitur ciuitates quæ curam in pueros maxime conferre videntur, aliæ a athletarum habitum ingenerant, quæ res speciem de for-

deformat, & obest corporum incremento. Lacones autem licet hoc errore non labantur, tamen laboribus feros & immanes reddunt, tanquam hoc sit ad fortitudinem accommodatum. Sed ut sæpè diximus, nec ad vnam virtutem, nec ad hanc maximè est ea cura referenda: & si ad hanc referri debet, tamen quid ratione fiat, Lacones non compererunt. Non enim neque in cæteris animantibus, neque in gentibus fortitudinem 3 comitem feritatis esse notamus, sed mitiores & leonis similes mores affectari. Sunt autem multæ nationes ad cædes & humanarum carniū epulas procliuēs, ut ex ijs qui Pontum accolunt, Achæi & Eniochi. Et 4 ex mediterraneis gentes aliæ quædam his similes, aliæ etiam immaniores, quæ cum latrocinij deditæ sint, à fortitudine tamen abhorrent. Præterea Lacones ipsos scimus, dum assiduè laboribus exercentur, alijs præstitisse. Nunc autem & ludis gymnicijs, & bellicis certaminibus esse cæteris inferiores. Non enim idcirco præstabant, quòd pueros ad eum modum exercerent, sed eo tantum, quòd aduersus non exercitatos exercebant. Ad honestatem igitur primæ partes deferri debent, non ad feritatem. Non enim lupus, nec alia vlla ferra, sed vir probus aptus est honesto periculo subeundo. 5 Cæterum qui pueris ad hæc nimiam licentiam præbent, nec eos rerum necessariorum disciplina imbuendos curant, hi pueros reuera sordidos efficiunt ad vnum tantum opus vtilis ciuili rationi reddentes, idque, ut ratio docet, peius alijs. 6 Non igitur ex prioribus factis iudicium, sed ex præsentibus est faciendum. Nunc enim concertatores habent & æmulos disciplinæ, eisdem antè carebant. Gymnastica igitur vtendum esse, & quomodo, non est controuersia: debent enim ad pubertatem vsque leuioribus exercitationibus tradi, 7 victu violento, & laboribus necessarijs remotis, ne sint augmentibus impedimento. Quas res hoc malum parere posse non paruo argumento est, quòd 8 inter Olympionicas duos tresue ad summum reperias, qui viri & iidem adolecentes fuerint victoria potiti, propterea quòd iuniores dum se necessarijs exercitationibus dedunt, vires exhauriunt. 9 Sed cum tres annos à pubertate disciplinis alijs tribuerint, tunc conuenit laboribus & 10 certa ciborum necessitate proximam ætatem exercere. Nam simul mentem & corpus laboribus fatigare non conuenit: quoniam hi labores contrariarum rerum efficientes sunt. Labor enim corporis, menti est impedimento, mentis autem, corpori. De musi-

Ddd 2

ca &

- ca & si quædam suprà differuimus, non tamen erit alienum vltius eadem repetentes procedere, vt quæstioni quæ de ipsa posset induci, occasionem præbeamus. Nec enim facilè est musica quam vim habeat, nec cuius gratia sit capessenda constituere, num ludi, &
11. quietis alternæ, 11 vt somnus & largior vini potus. Hæc enim per se non rebus honestis, sed iucundis annumerantur, simulque sollicitudinem, vt Euripides ait, excutiunt. Itaque musica in hunc ordinem redigitur: & his vtuntur eodem modo vino, ebrietate & musica: saltationem quoque his rebus annumerant. Ad ludum igitur & requiem musica referri debeat quaeritur, an magis putanda sit non nihil ad virtutem pertinere, vt quemad-
 12. modum gymnastica corpus, 12 sic ipsa mores qualitate quædam afficere valeat, rectè lætandi facultate per consuetudinem inducta, an
 13. 14. aliquid 13 ad vitam liberalem atq; prudentiam conferat. 14. hoc enim tertium memoratorum ponendum est. Palam est igitur pueros non esse ludi causa instituendos: nec enim discere ludus est, cum non sine molestia erudiantur. Sed neq; vitam liberalem pueris decet ac talib ætatibus tribuere, cum finis imperfecto non conueniat, sed forsitan studium puerorum ludi causa, quo in virili & perfectæ ætate fruuntur, inductum esse videatur. Quod si ita est, quid tandem habent causæ cur ipsi doceantur, & non potius Persarum, Medorum.
 15. quæ regū more 15 per alios id faciant, & voluptate atq; disciplina fruantur, cum sit necesse melius id fieri ab illis qui hoc ipsum opus & artem profitentur, quàm ab his qui tantum temporis & operæ in eo, quantum modo in discendo posuerunt? Quod si ipsos in talib reb. elaborare oportet, debent iidem ipsi etiam condiedorum oboliorum artem, negotiumq; suscipere: quod multum habet absurditatis. Eadem manet difficultas, si ea vis musicæ est, vt mores meliores efficiat. Nam quid attinet ipsos discere, & non potius audire alios,
 16. vt rectè & oblectentur, & iudicare valeant 16 Laconum more, qui quamuis nō didicerint, tamē, vt ferunt, rectè possunt qui sint optimi, & qui non optimi cantus iudicare. Eadem est ratio, si ad iucundam liberalemq; vitam adhiberi debet. Quid enim attinet ipsos discere, & non alijs vtentibus frui? Licet autem opinionem quàm de dijs habemus considerare: neq; enim Iupiter ipse cantare, aut fidib.
 17. canere 17 à poetis memoratur: quin sordidos tales homines appella-
 18. mus: atq; eo munere præterquam ludentem 18 non est viri non temulenti fungi. Sed de his rebus, postea fortassis locus erit disserendi.

Scholia

Scholia in Caput IIII.

1 Nunc igitur ciuitates quæ curam in pueros maxime conferre videntur. Dupliciter erratur in puerorum educatione. Nam quadam ciuitates dum robustissimos facere conantur, speciem deturpant, corpora detorquentes, & per nimios labores obfunt, quo minus corpora in proceritate augeant. Alij vt Lacedæmonij feras & immanes reddunt, cuncta ad vnâ virtutem bellicam referentes, cum tamen educatio non sit ad hanc maxime dirigenda: nec si sit, feritas faciat ad fortitudinem, vt exemplum declarat. itaque ad honestatem, non ad feritatem exercitationes sunt referendæ. Gymnastica igitur videndum est vsq; ad annum quartum decimum, sed ita vt pueri leuioribus laboribus exerceantur: nec eu cibus conatû diffidit tribuatur, ne augetibus obfit. Sed cum tres à pubertate annos studijs alijs tribuerint, hoc est ab anno decimo octauo maioribus laboribus eos exerceri conuenit, & cibus valentibus ali ad opera necessaria accommodatis. De musica in qua quoniam venire potest, requietis voluptatisq; causa sit capeffenda, an cõferat ad vitam beatam, sunt enim in vtrâq; pars rationes.

2 Athletarum habitum. Robori scilicet corporis & viribus maxime studendû, quæ res homines per labores deformat de quo Quintilianus ait, Sicut athletarum corpora etiam si validiora fiant exercitatione, & lege quadam ciborum, non tamẽ esse naturalia, atq; ab illa specie quæ sit concessa hominibus abhorreere videntur.

3 Comitum esse feritatis. Fortitudo non sequitur feritatem, nec esse ferum hominem & immanem siue crudelem, argumentum est fortitudinis.

4 Ex mediterraneis Ex gentibus Põnticis, quæ non tenet loca maritima, vt Achai & Eniochi, sed longius ab ipso Ponto Euxino habitant.

5 Cæterum qui pueris ad hęc nimiam licentiam præbent, nec eos rerum necessariorum disciplina imbuendos curant. Qui pueru feritatem & crudelitatem studentibus indigent, vel eos ad immanitatem instituta ac moribus inducunt, nec temperantia & iustitia ceterisq; virtutibus ad recte tum in bello & negotijs, tum in pace & otio viuendum necessarijs imbuendos curant, hi puerorum animus deprauant, & parum accommodatos reddunt ciuili rationi, quæ sunt per leges & mores à legumlatore instituendi, vt probi viri civesq; fiant, præterquam ad fortitudinem, bellumq; gerendum, ad quod etiam ipsum deterius alijs accommodantur. Immanitas enim ac feritas non solum iustitia ac temperantia, ceterisq; humanioribus virtutibus est inimica,

Ddd 3

sed

sed etiam ad fortitudinem, cuius causa petitur à Lacedamonijs, parum aut nihil iuuat.

6 Non igitur ex prioribus factis. Ad Lacedamonios hoc quoque referendum est, qui prius idcirco ceteros vincebant, non quòd meliore ratione exercerentur, sed quia exercitati cum non exercitatis pugnabant: nunc aut quàm exercitati sint, vincuntur tamen interdum, quia res est cum perinde exercitatus.

7 Victu violento. Victu atletico, quem paulò pòst ἀναγκαστικήν vocat, ut exercitationes necessarias, quos hic necessarios labores, quibus adolescentes exerceri plusquàm vellent cogebantur: aut labores necessarios & necessarias exercitationes pro violentis ac modum excedentibus dicit. Nam ut necessitas latine sit, græcè ἀνάγκη vim interdum significat. dicuntur autè violenti labores intolerabiles, & qui sibi fatigatum corpus cogunt succumbere.

8 Inter Olympionicas. Inter Athletas, qui Olympico certamine victores fuerunt. Adolescentia enim nimio labore exercita, & violentis exercitationibus antequàm robur & statura perficiatur, fatigata, exhaustas vires & quasi effectum corpus tradit ætati virili.

9 Sed cum tres annos Hoc referendum videtur ad opera, quibus pueri sunt per paedotribicam, de qua paulò antè diximus, instituendi.

10 Certa ciborum necessitate. Lege quadam ciborum. Nam utroque modo Quintilianus ἀναγκαστικήν interpretari videtur lib. duodecimo. quoniam Athleta cibus duntaxat validus & ad vires confirmandas & augendas accommodatus utebatur, scilicet aridus aut carnibus. Nam victum Athletarum in sicis aridis, quibus corpus virescitur, olim constituisse, ac deinde à Pythagora exercitatore translatum esse in carnes Plinius est auctor naturalis historiae libro trigesimo tertio. A cibus autem leuioribus secundum mensis velut lege quadam prohibebatur. Hoc est enim quod Paulus ait in epistola qua est ad Corinthios prima: quicumque agone contendit, ab omnibus se abstinere, ab omnibus scilicet leuioribus delicatioribusque, cibus.

11 Ut somnus & longior cibi potus. Somnus ut ab ipso in libro de Somno & vigilia definitur, est affectio quedam sensibilis partis vinculo & torpedini similis: est enim vacatio siue quies sensuum omnium, qui cum sentiendo fatigatur, ut aliquando quiescant necesse est. Huic igitur similis est ludus, ut intentio animi per requiem relaxetur ludendo seu iocando. Ludus enim latè patet, pertinetque ad omnia; qua non serio fiunt, aut dicuntur. eadem est vini largioris potus ratio, qui est quasi requies sollicitudinum, & seueriorum curarum.

12 Sic ipsa mores qualitate quadam afficiat. Ut quemadmodum gymnastica bonum habitum corporis ingenerat, sic musica bonum habitum animi. Musica

ficâ enim homines sic affici solent, ut quandoq; irati placentur, tristes ad letitiam redeant, quandoq; languens animus concitetur, & varijs modis agitur, pro diuersitate scilicet concentuum, siue tonorû: quæ ratio ad mores, id est ad virtutes morales pertinet habitus enim ex actibus generantur.

13 Ad vitam liberalem atq; prudentiam. Ad vitam beatam & contemplationem. Nam quod Aristoteles græcè dicit διαγαγὴν hoc interpreti modo vitam liberalem, modo vitam beatam conuertit: in hoc enim intellectu vititur eo vocabulo Aristoteles: prudentiam autem hoc in loco improprie pro intelligentia & contemplatione posuit, ut sæpè solent auctores vocabula ad res similes transferre. Nam prudentia proprie in rebus agendis versatur: contemplatio & intelligentia in rebus necessarijs, aut certe in consideratione, qua ad actiones exteriores non refertur: sed interdum alterum pro altero ponitur, quoniam utrunq; est rationis actio & consideratio quadam. Musica igitur tunc ad vitam beatam & intelligentiam pertinere dicitur, cum intellectus in musica contemplatione, ut in quodam intelligibili & scientia quadam versatur, sonorum scilicet proportionem, discrimina, compositionem, & concentuum efficientiam in humanis animis contemplando.

14 Hoc est enim tertium memoratorum. Nam primum fuit, quod ad requiem & delectationem pertinet. Secundum, quod ad mores animi & affectus sedandos aut concitandos. Tertium, quod ad contemplandum & philosophandum.

15 Per alios id faciant. Per cantores aut tibicines, & alios musicos artifices, quibus canentibus ipsi delectantur, & musica fruuntur.

16 Laconum more ut facere solent Lacedæmonij.

17 A poetis memoratur. Qui ut viri sapientes, quid quaq; personam deceat, maximè considerare, & decorum seruare solent.

18 Non est viri. Graui scilicet & honorati, seu principis, qualem poeta loquem faciant inter deos, præterquam si temulentus sit, aut per ludum faciat, non serio, ut mercenarius musici. unde nata est cantorum paulò ambitiosorum consuetudo, quam Horatius non iustissimè fortasse vitium vocauit, ut nunquam inducant animum cantare rogati, ne turpiter scilicet mercenariorum more aliene voluptati seruire videantur: iniussu nunquam desistant, cum sponte sua sunt in eam rem, qua ipsi maximè delectantur, sine nota seruili animi deducti.

CAPVT V.

1 SED prima quæstio est, num musica sit ex disciplinarum ordine reiicienda, an secus: & ex tribus explicatis rebus cuius vim habeat,

2. habeat, 2 disciplinæ, ludi, an vitæ liberalis atque beatæ: sed tamen rectè omnibus annumeratur, & omnium particeps videtur. Nam ludus quietis est causa, requies autem necessario iucunda, cū sit molestiæ quam labores inferunt, medicina. Et vitæ beatæ nō solum honestatem, sed voluptatem etiam inesse oportere constat, quoniam
- 3 3 esse felicem ex utraq; consistit Musicam verò de numero esse iucundissimarum rerum omnes cōsentimus, tum 4 simplicem & nudam, tū in concentu. Quare Musæus cantū mortalibus iucundissimū esse tradit. Itaq; non temerè musica in hominū cœtus & vias corporales adhiberi solet, quasi vim habeat oblectandi quo intelligitur oportere, ut musica adolescentiores instituantur. Nā 5 quæ sunt absque nocumento iucunda, hæc omnia non solum fini, sed etiam alterne quieti conveniunt. Veruntamen 6 cū raro ad finem homines perveniant, sæpè autem requiescant, & ludis utantur, efficitur ut nō solum ob alia, sed etiam propter voluptatem commodum sit in iucunditatibus, quas musica præbet, requiescere. Accidit tamen hominibus ut ludos finem faciant, idcirco fortassis, quod fini voluptas
7. quædam inest, & si non quævis: 7 hanc autem inquirentes, pro hac illam accipiunt, propterea quod quædam habet 8 actionum fini similia. Nam ut finis nullius futuræ rei gratia expetendus est, sic huiusmodi voluptates nullius rei futuræ gratia petuntur, sed propter antecedentes, hoc est ob labores & molestiam. Cur igitur felicitatem per has voluptates quærunt, hanc merito causam esse dixeris. Sed
9. qui musicæ 9 non ob hanc solum, sed etiam quod ad requiescendum utilis esse videtur operam impendunt: quærendum est utrum hoc ex accidente fiat. Ipsius autem natura altioris dignitatis gradum
10. teneat, quàm 10 pro eius usus de quo memoravimus ratione, oporteatq; non solum voluptate quæ capitur ex ipsa frui, cuius omnes habent sensum, nam musicæ voluptas quædam naturalis inest, unde cunctis & ætatib. & moribus usus eius est iucundus, sed etiā vide-
11. re, nunquid 11 ad mores quoq; animamq; pertineat, quod faciliè intelligetur, si per musicam qualitate quadam quæ ad mores pertinet afficiamur. Affici autem cum alia, tum concentus Olympici de-
12. clarant, quibus animos constat in furorem rapi 12. Furor autē affe-
13. ctio est morum qui animam attingunt. Præterea 13 qui audiunt imitationes convenienter eis afficiuntur, etiam sine rhythmis & cantibus ipsis. Sed quoniam accidit ut musica ex numero sit rerum iucundarum, 14 & virtus ut rectè oblectemur, amemusq; & odio habeamus

mus efficiat, oportet haud dubiè hoc discere, nec vlli rei æquè assue- 15.
 scere, ac 15 vt rectè iudicemus, & probis moribus honestisq; actio-
 nibus oblectemur. In rythmis autem & cantibus proximè ad ve-
 ras naturas accedunt iræ, lenitatis, præterea fortitudinis & tempè-
 rantia imitationes, & omnium quæ his rebus contraria sunt, ac cæ-
 terorum quæ mores attingunt, quod rebus etiam ipsis declaratur.
 Talibus enim audiendis animo mutamur. Cui autem res similes
 molestæ solent esse, ac vicissim iucundæ, hic prope est, vt eodem
 modo sit ad res ipsas veras affectus. Si quis enim inspicienda cuius-
 piam imagine, non ob aliam causam quàm propter formam ipsam
 delectatur, huic necesse est iucunda sit ipsius, cuius imaginem intue-
 tur, contemplatio. 16 Accidit autem vt in alijs sensilibus nulla sit 16.
 morum imitatio, id est in ijs quæ in tactum gustatumq; cadunt. Nā
 quæ in aspectum, in his exigua quædam est imitatio, tales enim sūt
 figuræ, sed parum, 17 & omnibus est huiusmodi sensus communis. 17.
 Præterea hæc non morum imitationes sunt, sed potius signa, figu-
 ras dico & colores quibus mores referuntur, & hæc inter corporis
 affectus numerantur. Caterum si quid in harum rerum contem-
 platione interest, adolescentes 18 non Pasonis opera, sed Polygno 18.
 ti, & si quis alius pictor, statuariusue morum rationem habet, intue-
 ri debent. At cantibus ipsis, morum imitationes insunt, de quo nō
 potest dubitari, cum ipsa statim concentum natura discrimen exi-
 stat, vt audientes diuersis modis afficiantur: nec similiter ad eorum
 quenque sese habeant, sed quibusdam ad fletum magis & mœrorē
 moueantur, 19 vt eo qui dicitur mixolydius: alijs mente fiant mol- 19.
 liores, vt remissioribus cantibus: alio concentu media & constan-
 tissima ratione afficiantur, quod ex concentibus solus Doricus ef-
 ficere videtur. Phrygius furorem insert. Hæc enim rectè tradun-
 tur ab ijs qui sunt in hac disciplina philosophati: quippe ipsarum
 rerum testimonijs rationes confirmant. Nam in rythmis eodem
 modo sese res habet. Quidam enim mores magis constantes, alij
 mobiliiores habent: & ex his quidam importunos motus concitāt,
 alij magis liberales. quo planè intelligitur, vim musicæ inesse mo-
 res animi qualitate quadam affiendi: quæ si hanc vim habet, dubi-
 um esse non debet, quin hac adolescentes institui ac erudiri debeat.
 cuius musicę doctrina cum huius naturę temeritate cōgruit. Ado-
 lescentes enim nihil iniucundū nō inuiti ferūt. Musica verò suapte
 natura suavis est, & 20 concentus atque rythmi quandam inter se 20.

Ecc

cogna-

21. cognationē habere videtur. 21 Quocirca multi sapientes in hac opinio-
nē venerūt, vt animā alij cōcentū esse, alij cōcentum habere proderent.

Scholia in Caput V.

- 1 SED prima quæstio est, nū musica sit ex disciplinarū ordine reiiciēda. Cū ex trib. rebus memoratis, disciplina, ludo, & vita beata, ad quā musica referri debeat queratur, ad oēs tamē referri potest. Est enim ludo similis, quia musica propter eius iucunditatem animū quasi ludo relaxare licet, vt vegetior ad officia, & seueriores curas redeat: potest etiā facere ad virtutes morales ingenerādas, quod est discipline, itē potest ad vitam beatā ob eandē iucunditatem pertinere. Nā vita beata vt sine honestate, ita sine iucunditate nō consistit. Nec enim dubitū est quin musica sit sua natura iucunda: sed cū pauci ad vitam beatā perueniāt, multi tamē voluptate fruuntur, nō vt requie, sed vt fine, propter similitudinē quā habet voluptuosa vita cū vita beata, quoniam vtraq; iucunda est. Sed & illud querēdū est, nū musica propter voluptatē quam omnib. suapte natura præbet, aliquē propriū effectū honoratiōis habeat, & ad virtutē pertinentē: quē musice inesse facile intelligetur, cantus Olympicos cōsiderantib. qui furorē quendā incutere notātur. Itaq; multis ex causis musice pueros assuescere oportet, tū ludi, tū virtutis ingenerandæ gratia, atq; itē iucunditatis ad vitam liberalē pertinentis; maxime tamē morū causa, quorū imitationes quædam sunt in cantib.⁹
- 2 Discipline. Num ad educationem & virtutes morales ingenerandas pertinet.
- 3 Esse felicē ex vtraq; consistit. Vita beata posita est in vsu virtutis & voluptate, quæ ex ipso vsu virtutis exiit.
- 4 Simplicem & nudū. Quæ per vnā duntaxat vocem aut vnū sonū editur. Nam concentus est multarum vocum aut sonorum per certis proportionibus conuentia.
- 5 Quæ sunt absque nocumento iucunda. Voluptates sine nocumento vel dolore sunt, vt ipse Eth. x. declarat, quæ auditu, visu, vel odoratu percipiuntur, aut ex doctrinis. Nam voluptates corporeæ non sunt sine antecedente dolore quodam cupiditatis, & interdum pariunt etiam molestias & incommoditates.
- 6 Cū raro ad finem homines perueniant. Ad felicitatem, quæ finis est vltimus humanarum actionum.
7. Hanc autem inquirentes. Dum querunt homines voluptatem beatæ vitæ conuenientem hæc autem est quā præbet vsus ingeneratæ virtutis. pro hac sumunt ludicram voluptatem propter similitudinē, quā voluptates habent inter se.
- 8 Actionum fini. Felicitati.
- 9 Non ob hanc solum. Non tantum propter iucunditatem vitæ beatæ conuenientem & ob ipsam voluptatem, sed etiam propter commoditatem requiescendi, quæ ad futuros labores confert.
10. Pro eius vsus ratione Vt pertinet ad requiem.
- 11 Ad mores pertineat. Ad moderandos affectus, & ad educationem seu disciplinā.
- 12 Furor autem Furorem appellat vehementem quandam concitationem, quæ mens ipsa videtur emoueri, qui affectus ad animæ partem inferiorem pertinet, ad quam scilicet ira, quæ similis est furori.
- 13 Qui audiunt imitationes. Vt si quis voce etiam siue cantu & rhythmo iratū, exempli gratia, aut miserescentem imitentur, audientes solent eisdem affectibus commoueri.
- 14 Et virtus efficiat. Huius, qui virtus nominatur, facit vt rebus honestis oblectemur & odio habeamus contrariis. Nam signum ingenerati habitus est voluptas, quæ ex affectibus ab eo proficiscentibus percipitur, Ethic. ij.
- 15 Vt recte iudicemus. De concentibus & omni parte musice.

16. Accidit autem ut in alijs sensibilibus nulla sit morum imitatio. Imitari mores, est affectum imitari: quod in ceteris sensibus non accidit, præterea quæ cadunt in visum & auditum sed omnium maximè accidit ijs quæ auditu percipiuntur, qualis est musica & concentus. Per vocem enim & concentum sic potes iram siue hominem iratum imitari, ut ipse iratus esse videaris. Quemadmodum igitur homo cuiusdam iratus, vel se iratum esse simulans, solet ad iram in eundem gestu & verbis alios provocare, & miserescens ad misericordiam, sic qui per musicam iratum aut miserescentem imitatur, ut in audientibus eosdem affectus mouet, quæ eadem est ceterorum ratio. Efficitur etiam, ut qui cantu delectatur, fortem virum imitante, ut habitum inducat ad fortitudinem inducentem & fortitudinis actionibus gaudendi, ac in ceteris eodem modo. At figure & colores imitantur quidem mores siue affectus, sed leniter atque parum, ut imago similis inuenti toruo aspectu, & inflammata facie: quod per figuram & colorem exprimitur. imitatur quidem iram siue iratum hominem, sed parum, nec videntes sic concitat ad iram, vel afficit habitum, ut concentus huic affectui accommodatus. Itaque figure & colores magis significant affectus, quam imitantur, ut vocabula res significant, non imitantur: item figura & color corporis affectus imitantur, non anima, ut concentus.

17. Et omnibus est huiusmodi sensus communis. Boni & mali quibuscumque moribus præditi sunt, omnes figuras & colores afficiunt sine ullo affectus discrimine, aut quâ minimo, quod longe aliter accidit in musica nec enim omnes afficiuntur eodem modo, sed alij magis, alij minus, pro cuiusque moribus & natura: omnes tamè auditu plus quàm reliquis sensibus afficiuntur.

18. Non Pælonis opera, sed Polyguoti. Pictores quidam & statuarii figuram tantum seu formam depingunt aut exprimunt, ut ij quibus consonem Aristoteles annumerat: alij mores etiam exprimunt & sensus, quemadmodum factum est in Laocoonte & filijs, & comprimente dracone quæ imago marmore a hodieque visi. in Romæ, cum admiratione omnium in hortis pontificijs ad montem Iulianum, in quibus moribus & affectibus exprimendis præstitit Polyguotus pictor de quo Plinius multis in locis memorat, qui pictores & statuarij ethici à moribus vocabantur. Nam idos græcè non solum habitus animi, sed quoscunque etiam affectus apud auctores significat.

19. Ut eo cui dicitur Mixolydius. Ex diapaton consonantiæ speciebus existunt modi appellati, quos eosdem tropus vel tonos nominant. Sunt autem tropi cõstitutiones in totis vocum ordinibus, vel grauitate, vel acumine differētes. Cõstitutio verò est plenū veluti modulationis cõpex consonantiarum cõiunctione cõsistens, quale est diapasō vel diapente. Sui igitur modi siue sui septē, Hypodoriū, Hypophrygiū, Hypolidiū, Doriū, Phrygiū, Lydiū, Mixolydiū, his quidā addit octauū Hipermixolydiū, ut tradit Seuerus in Boetio, qui pluribus verbis de his edisserit libro quarto de musica, vnde cetera huc pertinentia petere licebit.

20. Concentus atque rythmi cognatione quandā habet inter se. Rythmos appellat numerosa cõmina, quæ similia sunt cõcentibus siue harmonijs, ac eodem ferè modo legendo, quo concentus cantando, mores & affectus pro ratione & diuersitate numerorum imitantur & mouent affectus. Eadem ferè ratio est numeroz salutationis, quæ & ipsa rythmi nomine potest intelligi, sed propriè in melodia intelligitur. Nam melos, ut testatur Plato in tertio de Republica, ex tribus constat, oratione, harmonia, & rythmo, hoc est ex verbis, cantu, & numeris. Atque pedes, ut dicitur, Spondeus, iambus, & trocheus, & reliqui ad rythmum pertinent, ut idem Plato declarat.

21. Quocirca multi sapientes. Quoniam semper à corde, in quo sedes est anime (ut ipse docet in libro de motu animalium) numerosus quidam motus qui rythmus dicitur, per venas editur, cuius constantiam non nisi vehementibus

affectibus aut morbis perturbari medici obseruarunt, idcirco multi sapientes animam harmoniam siue concentum quendam esse vel habere putarunt, propter hunc ab ipsa manantem rythmum, cum rythmus sit harmonia cognatus, eiusdemq; naturæ.

CAPVT VI.

1. 1 SED vtrum sic discere oporteat, vt ipsi canant, & manus adhibeant, an secus: quam quæstionem suprà proposuimus, hic est locus differendi. Neq; verò dubium est, quin magni intersit, vt quisque talis fiat, ipsum operibus fungi. Nequaquam enim aut vix fieri potest, vt probi iudices fiant, qui opera ipsi non obierint. huc accedit, quod pueros oportet esse in re quapiam occupatos. Nec sine
2. causa inuentum esse putare conuenit: 2 Architectæ, quod præbetur infantibus crepitaculum, vt hoc vtentes nihil ex rebus domesticis frã
3. gant. 3 Nihil enim potest ætate ineunte quiescere: hic igitur ludus infantibus conuenit. Grãdioribus autem pro crepitaculo est disciplina. Ex his ergo palam fit, sic musica pueros esse instituendos, vt musicæ operibus fungantur. Quid autem ætates deceat, quid non deceat constituere, & quæ contra dicuntur, ab ijs qui sordidum hoc studium esse confirmant, refellere non est factu difficile. Nam primum quoniam iudicandi gratia fungi operibus oportet, idcirco dū iuniores sunt, operibus fungi: maiores verò natu operibus quidem abstinere debent, posse tamen quæ sunt honesta discernere, & rectè propter disciplinam qua in pueritia instituti fuerunt oblectari. Quod verò quidam musicam eo nomine damnant, quòd quasi opifices ac sordidos efficiat, non est eos refellere difficile, si ad ciuilem virtutem instituendis quatenus obeunda sint opera considerabimus, & qualibus cantibus, qualibusque rythmis vtendum: præterea qualibus instrumentis discere conueniat. Nam qualib. id fiat, interesse probabile est. In his enim consistit incusationis confutatio.
4. Nam fieri potest 4 vt modi quidam musicæ quod dictum est efficiant. Ex quo intelligitur sic esse adolescentes musica erudiendos, vt id nec futuris actionibus obsit, nec corpus sordidum & inutile
5. ad bellicas & ciuiles exercitationes reddat, 5 prius ad vsus, postea verò ad disciplinas. Quod in doctrina cōtinget, si nō in ijs elaborauerint, quæ ad artificiosa certamina pertinent: nec 6 in admirandis
6. & exquisitis operibus quæ nunc in certamina, & ex his in disciplinam

nam

nam proceſſerunt: quin etiam in talibus tandiu elaborandum, donec honeſtis cantibus & rythmis oblectari queant, non ſolum 7
 comuni muſica (vt quædam cæterorum animalium, itemq; ſer-
 uorum & puerorum turbæ. ex quibus rebus palam fit qualibus in-
 ſtrumentis vti oporteat: non enim tibiæ ad diſciplinam ſunt ahibẽ-
 dæ, neque aliud artiſcioſum inſtrumentum, vt cithara, & ſi quod a-
 liud eſt tale.) ſed quæ probos auditores muſicæ, vel alterius diſcipli-
 næ faciant. Præterea tibia non ad mores inducendos, ſed potius ad
 furorem incutiendi m facit. Itaque ijs temporibus vtendum eſt ti-
 bia, in quib. † ſpectaculum ad purgationẽ magis quàm ad diſciplinã
 valet. Adde quod tibiæ, id quod diſciplinæ contrarium eſt, accidit:
 quod eius cantus vt ratione prohibet, vt merito fuerit 8 à priori 8.
 bus vſus eius in adoleſcentibus & ingenuis hominibus improbatus,
 quanuis initio ipſi tiliarum cantu vli fuiſſent: quippe plus otij co-
 pia rerum ſuppeditante, & maiorem animum ad virtutem naçti, &
 ante bellum, quod cum Medis fuit, & poſt, cum ex rebus geſtis ma-
 iores ſpiritus ſumpſiſſent, omne diſciplinariũ genus attigerunt,
 cuncta ſine delectu conquirentes. Itaque tiliarum quoque can-
 tus in diſciplinam induxerunt. Nam Lacedæmone quidam qui ſum-
 ptus ad ludos ſuggererat, ipſe tibia choro canebat: & Athenis vſ-
 que adeo venit in conſuetudinem, vt magna ſerè pars ingenuo-
 rum muſicam tractaret. Declarant hoc tabulæ à Thralippo, qui
 Ecphantidæ impenſam ſuggeſſerat dicatæ. Poſtea tamen ab exper-
 tis improbata eſt, cum melius poſſent quæ ad virtutem facerent, &
 contraria, iudicare. Eodem modo multa ex veteribus inſtrumen-
 tis reiecta ſunt, vt piçtides, barbiti, & quæ pertinent ad voluptatem
 audientium eos qui inſtrumentis vtuntur, ſeptangula, triangula,
 ſambucæ, & quæcunque manus pulſationem ſcienter adhibitam
 deſiderant. Neque verò ſine cauſa veteres fabulam de tibijs com-
 menti ſunt. Haſ enim ſerui & Mineruæ inuentum eſſe, ab eademq;
 reiectas: quod factum ab ipſa non temerè traditur, oris deformita-
 tem indignante: tamen probabilius eſt, id cauſæ ſecutam fuiſſe,
 quod tibiæ cantus nihil facit ad mentem & intelligentiam, cum ſci-
 entiam & artem Mineruæ tribuamus. Sed quoniam inſtrumentorũ
 & 9 vſus diſciplinam artiſcioſam improbamus: artiſcioſam autẽ 9.
 eſſe conſtituimus, quæ ad certamina pertinent, in qua qui agit, 10
 non ſue virtuti, ſed audientium voluptati ſeruĩt, & huic importung
 atque moleſtæ, idcirco operis functionem non ingenuis hominib,

Ecc 3

dignam

dignam, sed mercenariam potius esse iudicamus. Nam finis quem
 xi. extremum petūt, turpis est. ii. Spectator enim qui est importunus,
 musicam mutare solet. Itaque artifices qui ad ipsum meditationes
 accommodant, tum ipsos, tum ipsorum corpora propter motus af-
 ficit qualitate quadam.

Scholia in Caput VI.

1 SED vtrum sic discere oporteat, vt ipsi canant, & manus adhibe-
 ant. Musici a pueris sic discere debent, non vt audiant tantum, sed vt ipsi canant
 voce, & instrumenta pulsent, tū quia nō aliter poterunt rectē de cantib iudica-
 re, tū vt hoc honesto negotio ineūte atate, qua quiescere nō possunt, sint occu-
 pati, nō tamen omni generi musica, nec omnib instrumentis assuescere debent,
 sed honestis cantibus & rhythmis, nec admodum artificiosis, nisi quatenus ad
 rectē & iudicandum & oblectandum faciunt. Itaque tibia non est pueris v-
 rendum, qua iure à veteribus reiecta est, vt alia quadam instrumenta.

2 Architaë crepitaculum. Instrumentum cauum, quod vulgo ex arundine
 fit, vt colus breui manubrio continens lapillos, quo agitando & lapillos con-
 cutiēdo infantes oblectātur. cognominatur aut Archita, ab inuētoe Archita.

3 Nihil enim potest. Nullum animal: nam agni quoque & catuli cuiusq;
 generis, & pulli quiescere nesciunt.

4 Vt modi quidam. Toni quidam. Quid autem sit modus siue tonus in mu-
 sica, capite superiore declarauimus.

5 Prius ad vsus, postea verò ad disciplinas. Sic pueri musica instituendi
 sunt, & talibus cantibus ac instrumentis exercendi, vt eis nec corpus remolle-
 scat, & ad bellicas ciuilesq; actiones inutile reddatur, nec animus ad virtutes
 & artes seu scientias deprauetur, quibus instituendi sunt, vt bene beatq; vi-
 uant, & optime se tum in bello, tum in pace gerant cum ad robur atatis per-
 xenerint.

6 In admirandis exquisitisque operibus In modulatione quadam ni-
 mis artificiosa & inusitata, admirationemq; mouente ob artis excellentiam,
 qua nunc vtuntur musici artifices, & nuper est incertamina musicorum indu-
 cta, atate scilicet Aristotelis inuenta, siue magnopere aucta. Nam vt pugilibus
 & palastritis sic etiam musicis certamina antiquius fuerant, & pramia cer-
 tis locis & temporibus proponebantur.

7 Comuni musica. inculta, sine artificio, qua & bellua quadam dele-
 ctantur, vt delphini, vt indicat Arionis fabula, quod Plinius quoque testatur.

† Spectaculi purgationē magis q̄ ad disciplinā valet Spectaculū si-
 ue spe-

ne spectatio, quod est *grace θεωρία*, tribuitur non solum videntibus ludos, sed etiam sonos & concentus audientibus, praesertim in theatro. Purgatio autem intelligitur expulsio cuiuspiam affectus, ut metus, exempli gratia, vel misericordia, quod per quosdam cantus vehementes efficitur, qualis est tubarum cantus, quae *grace αἰσθήνη*, id est tibiatarum nomine intelligi possunt.

8 Vfus eius à prioribus improbatus. Tempore scilicet Alcibiadis Athenis ipso auctore, ut refert Plutarchus.

9 Vfus disciplinam artem quae ad vsum suae opus adhibetur.

10 Non suae virtuti seruit, sed audientium voluptati. Non idcirco canit, ut bonum habitum, moremque induat, sed ut audientibus placeat.

11 Spectator enim. Quem modo auditorem, nunc spectatorem vocat. populum scilicet audientem, & ludos spectantem. cuius dum auribus seruiunt musici, & suas meditationes accommodant, tum animo, tum corpore deprauantur.

CAPVT VII.

1 SED 2 de concentibus & rythmis, 3 & ut ad disciplinam referantur, differendum est, vtrum omnibus concentibus rythmisque, an quibusdam cum delectu vti conueniat. Deinde vtrum studentibus disciplinae eodem modo perscribere debeamus, an alia tertia ratio sit ineunda, cum musicam in cantus modulatione & rythmis consistere videamus. Quorum vtrunque quam vim habeat ad disciplinam, non decet ignorare: & vtra musica praefenda sit, quae in cantu versatur, an quae in rythmis. De quibus quoniam recte tum quosdam huius memoriae musicos, tum etiam philosophos doctrinae musicae peritos percepisse putamus, idcirco qui de singulis accuratius edoceri velint, hos ad auctores illos reijciemus. Nunc autem 4 quasi legem ferendo, formulas duntaxat tradentes differamus. Sed quoniam cantuum partitionem quam philosophi quidam induxerunt probamus, qui & quosdam morales, alio actiuos, 5 nonnullos furorem incutientes esse statuunt, & concentuum naturam ad horum quodque aliam ad aliam partem accommodant, nec vnus sed complurium commoditatum gratia musica vtendum esse dicimus, nam tum disciplinae, tum purgationis gratia musica vtendum est. Quid autem purgationem appellemus, nunc quae enim simpliciter, sed alio in loco dicemus apertius, cum de arte poetica differemus, tum tertio ad vitam liberalem & remissionem, & al-

- & alternam studij operisue seuioris requiem. Hæc igitur cum ita sint, planè intelligitur concentibus omnibus uti oportere, non tamen cunctis eodem modo, sed ad disciplinam ijs qui maximè faciunt ad mores: 6 ad audiendum verò alios qui manus adhibent, tum actiuis, tum furorem incurientibus. 7 Nam affectus qui quosdam animos vehementer mouet, cunctis animis adest: differt tamè, quòd alios magis, alios minus exagitat, ut misericordia & metus, adde etiam furorem. Nam & huic motui nonnulli sunt obnoxij, quos ex cantibus sacris sedari videmus, cum cantibus animum concitantibus utuntur, velut medicinam & purgationem nactos. Quod idem accidere necesse est misericordibus & timidis: ad summam ijs qui sunt affectibus obnoxij: cæteris autem prout quisque est talibus rebus opportunus: & omnes purgari quodammodo & affectu cum quadam voluptate leuari. Simili verò ratione cantus, quibus inest purgandi vis, innocuam hominibus iucunditatem præbent. Quamobrem talibus concentibus & huiusmodi cantibus spectare oportet eos qui musicis certaminibus in theatro contendunt. Sed quoniam spectator est duplex, alter ingenuus atque peritus, alter importunus, quod genus ex opificibus & mercenarijs, cæterisque similibus constat, his quoque certamina spectacula quæ sunt ad requiem exhibenda, Nam ut sunt ipsorum animæ deprauatæ & auersæ ab habitu naturali, sic vehementes & infracti cantus concentuum deprauationes sunt. Delectat autem quenque quod proprium & aptum est ipsius naturæ. Itaque certantibus permittendum est, ut ad talem spectatorem hoc musicæ genere utantur. Sed ad disciplinam moralibus cantibus oportet, quemadmodum diximus, & talibus concentibus uti. Talis est autem Doricus, ut suprà memorauimus. 8 Recipiendus est etiam is, si quem alium philosophi musicæ periti probauerint. Socrates autè qui in libris de Rep. differit, non rectè solum Phrygium concentum cū Dorico reliquit, præsertim cū tibia ex instrumentis reiecerit. Nam Phrygius ex concentibus eandem vim habet, quam tibia inter instrumenta, quoniā utrisque vis adest concitandi, affectusque mouendi, ut poësis declarat. 9 Nam Bacchica omnis, & motus omnis, eiusmodi in tibijs maximè ex instrumentis inest. Ex concentibus aut in Phrygio 10 hæc porro decorū sumit, ut videtur in Phrygio amb. sine cōtrouersia Phrygi esse videtur. quod 11 qui se huic doctrinæ tradiderūt, cū multis alijs, tū Philoxeni exemplo

plo co:

plō cōfirmant, qui Dorice fabulas dithyrābo canere conatus efficiere nō potuit, sed natura ipse duce rursus in Phrygium cōuenientem concentum delapsus est. Doricum autem constantem esse, & virilibus maximè moribus aptum, omnes consentiunt. Præterea cum extremorum medium commendetur, & petendum esse dicatur, & eius naturæ Doricus sit inter concentus, satis intelligitur decere, vt adolescentes Doricis cantibus instruantur. Duo tamen spectanda sunt, quid fieri possit, & quid deceat. Nam quæ quisque potest, & quæ ipsum decent tractare magis debet. Hæc autem ætatibus sunt definita, vt qui sunt affecta ætate, hi contentis vehementibusque concentibus vtī non facilè queunt, sed remissos huic ætati natura subiicit. Rectè igitur musicorum quidam hoc quoque Societati obijciunt, quòd remissos concentus ad disciplinam improbauerit, dum eos velut temulentiam inferre statuit, non secundum ebrietatis vim, quæ Bacchicum furorem magis infert, sed quæ vires amiserit. Itaque ad maiorum natu futuram ætatem oportet tales concentus & cantus attingere. Præterea si quis talis est concentus, aut decet puerorum ætatem, propterea quod possit ornatum & disciplinam asserre, qualis ex concentibus Lydius potissimum esse videtur, palam sit, hæc tria ad disciplinam spectari oportere, vt medium teneatur, vt fieri possit, vt deceat.

Scholia in Caput VII.

1 SED de concentibus & rythmis, & vt ad disciplinam referuntur, num omnibus concentibus vtī conueniat. Cantus triplici genere continentur, pertinent enim vel ad mores, vel ad actionem siue requiem actionum, vel ad furorem incutiendum: eodemq; modo harmonia siue concentus diuiduntur, quamobrem trium rerum causa vtendum est musica, disciplina, purgationis, & delectationis, vel ad requiem, vel ad vitam liberalem, prout quaq; pars musica siue concentuum, huius rebus efficiendus accommodatur. Neque verò solum optimi concentus adhibendi sunt ingenuorum hominum causa, sed interdum etiam corrupti quidam & deprauati, vt in theatris ad voluptatem & requiem vulgi. Animi enim deprauati similibus cantibus oblectantur. Itaque tiliarum & aliorum instrumentorum cantus, licet ad disciplinam & ingenuorum vsus improbentur, faciunt tamen ad oblectandum vulgus, & ad quorundam affectuum purgationem: nec est vlla concentus ratio, quæ non possit quandoq; vtiliter adhiberi.

Fff

2 De

2 De concentibus & rythmis. Per se vel ad requiem seu voluptatem relatis.

3 Et ut ad disciplinam. Et ut referuntur ad educationem & mores. Nam primum considerandum est simpliciter, num omnibus harmonijs & rythmis utendum sit in ciuitate, cuiuscunque rei gratia an quibusdam duntaxat. Deinde utrum ad disciplinam siue educationem elaborantibus eadem sit statuenda ratio, quae simpliciter statuitur, ut omnibus utantur, aut certis quibusdam, an neutrum horum statuendum sit, sed aliud tertium, id est diuersum.

4 Quasi legem ferendo. Ut non musicos agere videamur, sed legumlatores.

5 Quosdam morales, alios actiuos. Morales cantus vocat, qui mores siue affectus imitantur, pertinentque ad educationem. Actiuos qui pertinent ad requiem & voluptatem. Nam requies finis est actio, quoniam requie corpus & animum fatigatum relaxamus, ut receptis viribus vegetiores ad opus siue studium redeamus. Furorē verò incutientes cantus appellat vehementes, ut tibiarum, & tubarum, quibus mens hominis emouetur, ut penè rationis usum amittat. Eodemque modo de concentuum siue harmoniarum natura statuendum est: alia enim ad aliam partem accommodatur, quadam ad mores & disciplinam, alia ad purgationem, quae vehementibus cantibus, & certo genere harmoniae fit: alia ad requiem, quae laboribus siue actionibus interponitur, vel ad oblectationem in vita liberali, quorum virumque per voluptatem efficitur, ut supra dictum est.

6 Ad audiendum verò alios. Nam cantus qui ad voluptatem vel ad mentem concitandam, aut agitudine alij siue affectibus lenandam & quasi purgandam pertinent, ingenui homines non debent ipsi obire, sed audire canentibus alijs.

7 Nam affectus qui quosdam animos vehementer mouet. Quidam homines ita sunt corpore & animo constituti, ut facile affectibus permoueantur, exempli gratia, metu, aut misericordia, vel raptu metus, siue extasi, quem affectum ἔνθουσιασμός μὲν ἡμετέροις, latine furorē appellamus. Est enim furor rationis priuatio, quae in raptu mentis accidit. Sed cum alij minus his affectibus moueantur, tamen nemo est quin eis tangatur. Itaque plus & minus, tamen omnes mouentur affectibus, à quibus iucundè per musicam sanantur, & quasi medicamento quodam adhibito purgantur.

8 Recipiendus est etiam. Quasi dicat, nos non musicam docemus, nec quae sit cuiuscunque concentus siue harmoniae natura declaramus, sed tantum precipimus musica utendum esse earum rerum, quas supra diximus causa, pro natura cuiuscunque harmoniae. Quae sit autem cuiuscunque harmoniae siue concentus siue rythmi

rythmij natura, à musicis, quiq; in ea doctrina philosophati sunt, petenda ratio est, & cuiusq; cantus natura per discenda.

9 Nam Bacchica omnis Bacchicā poësim appellat carmina, quibus vtuntur in festis Bacchanalibus, & hu similia: qua omnia furorem & concitacionem quandam mentis praferunt.

10 Hæc porrò decorum sumunt. Instrumenta & harmonia, siue concentus decorum sumunt, si rythmi & harmonia consentiant in eandem naturam, & conuenientia instrumenta, atq; item carmina, prout rei conditio possit, adhibeantur.

11 Vt Dithyrambus. Genus carminis est Bacchanalibus conueniens. Bacchus enim Dithyrambus est appellatus ab antro Nisa montis duarum ianuarum, in quo antro nutritus esse in fabulis traditur. Dithyrambus igitur extra Phrygium concentum non decet, nec seruat suum decorum naturale, vt declarat exemplo Philoxeni, qui cum Dorice Dithyrambos facere niteretur, non potuit cursum tenere, sed ab ipsa natura in harmoniam Phrygiam Dithyrambo consentaneum est reuocatus. Fuit autem Philoxenus Cythera natus, quæ vrbs est in cognomine insula circa Cretam, poëta Lyricus, quem Dithyrambos scripsisse Suidas quoq; memorat.

12 Hoc quoq; Socrati obijciunt. Socrates apud Platonem in lib. iij. de Rep. Ionicam & Lydiam harmoniam molles & remulentas esse confirmat, ac proinde custodibus inutiles & reijciendas: in quo Plato siue Socrates non est vsus translatione ducta ab ea remulencia vi, quæ homines quodammodo furiosos reddit, sed ab effectu desinētis ebrietatis, quæ lassos mollesq; relinquit. Hoc igitur obijciunt Socrati, quod harmonias molles idcirco reiecerit, quia militibus & in praelium irruentibus non conueniunt. Nam cum maioribus natu conueniant, horum causa retinenda & attingenda sunt. Caterum de natura harmoniarum & rythmorum, & instrumentis musicis multa scitu digna Plato in eo quem modo citauimus lib. iij. dico de Republica tradidit.

FINIS.

Fff 2

KYRIACI

KYRIACI STRO-
ZÆ DE REPUBLICA,
LIBRI DVO

NONVS ET DECIMVS.

ILLIS OCTO ADDITI, QVOS
*scriptos reliquit Aristoteles, Græci
ante facti.*

NVNC PRIMVM AB EODEM
Stroza Latinitate donati.

FRANCISCO MEDICI
DVCI DESIGNATO.

Kyriacus Stroza S. P. D.



DIS orte bonis, bonisq; parentibus, Hetrusca iu-
uentutis Princeps feliciss. Quum Lælij Torelli viri
ornatissimi, & optimi hortatu, Libros duos Poli-
ticos, Græca oratione, ac stilo, à me compositos, an-
no superiore ediderim, atq; octo illis adiunxerim,
quos scriptos nobis reliquit Aristoteles, eos patri
tuo Inclyto, Domino meo beneficentissimo, vti par-
fuerat, dicaui. Causas in epistola ad eum Celsitu-
dinē scripta, enumeravi, quibus quidem tam ca'lidum negotium, attingere,
& expedire, ausus fueram. Hos quum Lælius idem, & vidisset, & probasset,
vt Latinos eos ipse itidem facerem, monuit, atq; hortatus est, asserens labo-
rem hunc à me hactenus susceptum, et exantlatum, paucis esse hominibus pro-
futurum, hunc verò alterum, si se audiam, cum maiorem mihi laudem adla-
turum, tum etiam multo pluribus hominibus profuturum: & quod omnium
maximum, & antiquissimum nobis esse deberet, principibus, id est vobis Do-
minis meis, idem hoc probatum, & placitum ire. Quum igitur viro amicissimo
& optimo, optimeq; de me semper merito, negare non possem, praesertim
rectè

rectè monenti, & honesta petenti, ad Charybdis, non letiferam illam quidem
 siue Platonis, siue Vlyssu, sed quandam tamen periculosam, remetiendam Pi-
 sas redeo, libros illic meos, meis auditoribus explicandos propono, eoq; rē pro-
 moueo, vt ad nostri vertentis anni finem, cum libri ij, qui Graeci antea scripti
 fuerant, castiores euaderent, & emendati magis, tum etiam Latini facti, le-
 gi ab eis hominibus possent, qui transmarina huius lingua vsu, atq; intelligen-
 tia carerent. Caterum cum labore hoc altero perfundius existimarem me, eis
 qui hoc rogauerant satis iam fecisse, deliberabam eccusnam eorum qui nunc
 sunt hominum, laborem hunc alterum, id est libros hosce Latinos factos iam,
 dicarem: in cuius fide & tutela cum essent, libere atq; intrepidè in apertum
 prodirent, nec villos rabidos iniquorum morsus expauescerent. Deliberanti
 autem mihi primus omnium occurrissi Tu, Tu inquam Principalem iuuenū
 Princeps lectissimo & felicissime, qui munusculo isto dignissimus omnium vi-
 derere. Cuius enim Parenti Inclyto horum generatores (horum enim archet-
 ypi, Graeci illi sum) anno superiore dicaram, rem certè adquisitam mihiq; ho-
 norificentiss. facturum videri, si eorum quasi filios Inclyto eiusdem filio, nunc
 itidem dicarem, eiusq; fidei committerem & commendarem, & meritò. Quē
 enim quaso per Deum, militari artu comparāda disciplinam, more antiquo
 xxi oix ἀφ' ἰσοτόπας, omnino tractata, capere magis deceat, quā iuuenem
 illum, qui quidem tot robustus, & fortibus legionibus, tot validis equitum tur-
 mis, tot belli ductoribus, quas copias omnes prudentiss. Pater & summè idem
 magnanimus idemq; de patria, & imperij vniuersi commodis assidue cogitās,
 domestico exemplo, alter quasi Aeneas humo excitatus creauit, cretas congre-
 gauit, congregatas in ordines congruos redegit, optima disciplina limitibus
 sepsit, atq; ad remp. tuendā, & fines Imperij propagādos, alacres, expeditas,
 fideles reddidit: suo tēpore imperaturus est? Cui potro principalis institutionis
 explicatio, loco secūdo istuc posita, quāq; è vetustis doctiss. hominum monumē-
 tis eodem influxit, potius dicari conueniat, quā iuueni illi, qui nobilis & flo-
 rentis iuuentutis Princeps existit nunc, & Dux nobis iam designatus est?
 Quis deniq; de cultu summi Dei, & pura religione, summos Philosophos mo-
 re suo, differentes, libentius audiat, quā qui eandem ratione veraci, id est
 Romana & Catholica, tuendam amplificandāq; ab eodem pientiss. Patre
 suūq; maioribus per manus traditam mox accipiet? Alacri ergo vultu, ac la-
 to animo iuuenis idem nobiliss. Idem generosiss. breue istud munusculum à pa-
 rentis tui famulo, cūue, beneficiario, & penè dixerim alumno, perinde ac li-
 pe, ac si de argusto quodam vitidario, consimiles primitias, à paupere colono
 tuo acciperes. Nam (nisi me animus saluti) spero equidem breui ista tractatio-
 ne, quanquam more antiquo, ceu temporibus illis fuisset iabita, multas te Pa-

rentis, Aui, Maiorum (nulla enim tam ferax Principum, atq; adeo Heroum familia, quam vestra in Italia fuit) virtutes, ceu de specillo quodam cernentem, agnitum, & conformatum, ire. Grandia praeerea facinora, & illustria, & vehementer admiranda, ad istorum normam praeceptorum expressa, & conformati. Qua quidem per varias mundi partes & gentes, ut poëti è loquar didita, & diuulgata, maximè nunc florent, atq; in aeternum, uti certo speramus florebut: praesertim ab ipso te, tuo tempore confirmata amplioraq; & magnificientiora effecta. Praeclara enim ista indoles, ad omnia excelsa, & sublimia nata & facta, in horum omnium certiss. spem Patremq; & omnes bonos ratione optima erigit. At nos, quod solum prestare possumus, Deum opt. max. qui Regum, Ducum, ac summorum omnium Principum, bonorum praesertim, Sator, Confiliarius, Ductor deniq; est votis precibusq; precamur, & suppliciter obsecramus, ut indolem istam ad eam frugem suo tempore perducatur, qua quidem Maiestatì sua primum accepta sit, inde vero, quam tranquillitatem, pacem, concordiam, felicitatem Pater opt. sua Prudentia, Pietate, Sapientia, atq; alijs heroicis virtutibus, quibus cunctos sui loci atq; ordines mortales facile superat, nobis omnibus peperit atq; in communi exposuit, conseruet, amplificet, ac per secula omnia generatum propaget.

Vale Iuuenis Opt. & Feliciss. & Kyriacum Strozam paternum

famulum, eiusdem ipsius Parentis more, fo-

ue, & ama Flor. Kal. August.

M. D. LXIII.

KYRIACI

KYRIACI STROZÆ

DE REPUBLICA,

LIB. IX.



Vum de Republica illa, quæ omnium optima est. egerimus, & de Musica itemq; de alia disciplina nonnulla, de eis, quæ restant post hac agendum. Sunt verò facultates hæ, Militaris, Principalis, Sacerdotalis. Næque sine custodibus, sine principibus, sine rei diuinæ cultoribus, nulla utiq; ciuitas cõstiterit; quapropter de hisce vniuersis conueniẽter agere, ciuilibi philosophi munus est. dico autem quonam modo iuuenes educati, & assueti, harum compotes facultatum euadant, & virtutum; simul etiam ut legum conditor his insiliens vestigijs, de illis rebus omnibus, quæ ad ciuitatem firmandam pertinent, atq; ornandam abudè, & vtiliter leges condere queat (quippe dictum enim olim fuit legumlatorem non nihil à ciuili philosopho differre) Nec minus etiam, ut quæ initio proposita fuerat tractatio conueniẽtem modum habeat. Necessarium itaq; est de his dicere, ac primum de bellica facultate. Hæc verò duas in partibus distributa est, in Militare, & Imperatoriam, Nam sicuti in statu ciuitatis partim sunt, qui imperant, partim, qui imperatibus obediunt, ita & hic rem se habere cõperiemus, ut sint partim Milites, partim Duces, & Tribuni, & præfecti, quoad ventum ad eum sit, quem penes, summa rei bellicæ, ac totius exercitus imperium est; his enim ceu gradibus quibusdam artis huius dispositio continetur, & absolutio, ut autem clarior disputatio sit, & dilucidior, qui hæc enī ciuilibi philosophus dicebatur, militaris post hac dicitur. Iam si quis de facultate hac pro eius dignitate agere velit, necesse habet ante omnia videre, ecquid nam sit bellico huic, quæ dicimus philosopho signū sublatū: Nāq; felicitas illa ei proposita nō est, quæ cunctis mortalibus vniuersè proponitur, neq; rursus (id, quod aliquis forte suspicetur) statim victoria, etenim hæc extremum, & finis Imperatoris, quia talis, illa verò omnibus hominum officijs proposita est, & deliberationibus, & nihilibus. At nos in præsentia

sentia quarimus proprium bellici philosophi propositum: est vero id non vnum sanè, neq; vniusmodi sed triplex. Namq; bellicus hic quem dicimus primum cogitabit, vt validos, robustosq; corporibus ciuitati exhibeat milites, indè vero, vt animosos, tertium deniq; & extremum, vt morigeros, & obsequentes; tales autem ego interpretor eos, qui non ad parendum modò sint procliuēs, & faciles, verum etiam, qui fide, & egregia in Remp. voluntate ceteros excellant. Hisce verò omnibus illi omnes cōsentunt, qui de philosophia hac præcepere, quiq; Resp. rectè constituere, aut constitutas regere: nec minus etiam sapientiores Poëtæ, & enim Pindarus. *Iuuat quidem facinus robur*. Nanque hoc principium naturale, & non adiectitium est, & Homerus de animi robore.

Nec specimen generosi animi, seu cedere retrò

Sive hoste, aduersum te iam, veniente pauere. &

Non equidem timor vllus habet mea pectora, nullus

Venit in hunc animum pauor, aut ignauia vecors. &

Vir constans, animo nunquam titubante vacillat,

Quin fortem se præstat, & omnia fortiter audet.

Hæc autè omnia apertè indicant roburq;, & ingēteis spiritus necessaria illis esse, qui milites futuri sunt: atq; hæc prima fortitudinis ledes, naturaleq; fundamentum est.

Parem porrò in modum de obedientia Poëta idem, nanq; in aciebus struendis, Troianorum temeritatem vituperans, & clamorē Barbaricum, & contumaciam, Græcorum docilitatem, atq; in seruandis ordinibus facilitatem prædicat.

Verum Graij signis taciti subeuntibus ibant,

Et compressa metu tenere silentia cuncti

Quippe duces verini. &

Nemo insigni inuectus equo nec robore fretus

Extra aciem pugnet.

Verùm cum hoc ita iam confessum sit, oportet conuenientes statuere terminos, quibus omnia hæc comprehendens militaris collimet nec non etiam quæcunque instrumenta necessaria sunt ad hæc perficienda comparet, nam si his caruerit, nullum operæ precium fecerit. Videntur autem termini præcipuè esse hi. Temperantia, & fortitudo, quanquam addunt nonnulli, amabiles mores, & mansuetudinem erga suos ciues, & propinquos, acerbos verò & iracundos erga hostes, & alienos, fortasse Euripidis sententiam sequentes in
Inim

*Inimicis infestam, amicis placabilem,
& rationem adhibentis.*

Eiusmodi enim hominum vita splendidissima.

Verum de his alio loco mediocriter disceptatum fuit: atque hi quidem termini. Instrumenta autem tria numerantur, quæ ciuitatum conditores reperere, sunt vero hæc, Contubernia, Venationes, Exercitamenta. Quod enim contubernia (quæ Sytitia illi appellant) longè vetusta sint, superioribus disputationibus ostendimus. Italus enim in regione illa, quæ Italia olim dicebatur usque adhuc in ore hominū est, ceu horum cōditor primus. Quæ verò apud Cretas Andria vel Phiditia, vel quoquo alio nomīne nūcupata: hæc siue à Minoe, siue ab alio quopiā ex antiquis illius loci legislatorib. instituta fuisse videntur. vnde bonā, magnāq; partē Laconicæ institutionis in patriam Lycurgus trāstulisse existimatur. Præclaris autē hisce inuentis accedere necessariò ferè venationes, atq; exercitamenta, quorum amborum vtilitatem omnes norunt, & aliqui eorum, qui versati in his sunt, hoc abudè declarant, nosq; etiam nonnulla fortasse illis adiungemus, at non prius quam delectus habēdi necessarias rationes exponamus. Quanquam enim in eis disputationibus quæ de optima Rep. habitæ antè sunt, solum ciuile robur spectandum, in habendo militum delectu dixerimus, in præsens tamen, ita de ipso tractare decreuimus, vt tractatio hæc omni Reip. omniq; principatui vtiliter possit accommodari. Hæc itaque ratio neq; simplex, neque modi vnius esse comperietur; quin varia & eiusmodi magis, vt nō sit ad belli tumultum, & clarigationem reseruanda, sed per ociū & quietem longè antè instituenda, ac studiose, & diligenter perficienda. Iam quidam Aegypti rex talem delectus habendi modum olim reperijt, & tenuit, quem quidem modum omnes prædicarunt & admirati sunt. Nam cum filium suscepisset, quem Sesoosin quidā nomine appellatum fuisse perhibent, Sesostridem alij, regem ipsū affirmant rem quandam magnificam, atq; omninò regiam fecisse. Quotquot enim infantes eadem ac filius die orti in Aegypto fuerant, eos omnes in contubernium vnum congregasse, educatoresq; eisdem, & curatores præfecisse; eundemq; disciplinæ modum cunctis pariter descripsisse, reputantem eos mutua inter sese beneuolentia præcipuè deuinctum iri, qui vna essent educati, eademq; cū agendi, tum dicendi libertate assueti, atque omnes operam pro cōmuni salute, decoreq; (id quod euenit) vnanimiter esse nauatu-

Ggg

ros.

ros. At enim verò hoc regiæ cuiusdam excellentiæ, abundantisq;
 & fauentis fortunæ munus extitit, id quod neque facilè, neque
 quouis tempore expositum cuius fuerit. At verò Barbari illi, qui
 extremas mundi incolunt oras, omnium mortalium pugnacissimi,
 vt Scythæ, Traces, Celtæ, Sarmatæ gentes variæ & innumerabiles,
 at seuitia ingenti, & feritate præditi, ab omniq; humano more,
 & cultu prorsus abhorrentes. Atque hæ ad Boream. Quæ verò ad
 Austrum pertinent, vt Arabes, Troglodytæ, Libes, Numidæ &
 quæcunque aliæ tractum illum obtinent, quem Zonam torridam
 iccirco solent appellare, quia in medio versionum sita, à Sole vi-
 deatur exuri (nam quòd habitabilis ea sit, nuper exploratum est)
 alia quadam ratione belli munia tractant nationes hæ, vtræque e-
 nim ad extremas mundi oras quali amandata, regionesq; tenen-
 tes inter sese maximè contrarias, non tantum locorum interuallis
 ingentibus, quantū etiam tempestatum temperaturis, atque adeò
 intemperiebus, institutis tamen, & studijs sibi consimilibus vtun-
 tur. Ambo enim gregibus & armentis pascendis incumbunt, eque-
 stri operam dant, venatibus indulgent, in belli autem artibus idem
 signum sublatum spectant, atque bellicum artificem spectare nuper
 dicebamus, id ipsum tamē haud eisdem studijs conantur attingere.
 Nam cum in solam rapinam inhient, & vltionem, immanitate ea,
 quam loci natura eis iniecit omnia gubernant, atque ob eandē hanc
 crudis carnibus vesci assueti, neque ab humanis quandoque etiam
 mandēdis sese abstinēt. Ceterum haud facile creditu est, qua firmi-
 tate eorū corpora prædita sint, quæque ad omnia grauiā, & intom-
 moda perferenda habilitate. Aiunt enim quotquot cū Scythis ma-
 nus olim conseruere, adeò duris, adq; ictus repellendos factis inci-
 disse corporibus, vt vix mucronib. perfodi, aut gladiatorum aciebus
 feriri possint; proinde ac de antiquis heroib. Poëto fabulantur, præ-
 fertim capitū occipitia, ita enim densa hæc esse, itaq; dura, vt machæ-
 ras benè etiā acutas, retundere nata sint. Verū hæc necessariò illis e-
 ueniunt, quia sub dio æuum continenter degunt, niuib. obruti,
 imbris infestati, gelu durati, fluminibus circumsepti. Arabes au-
 tem, & Troglodytæ, & quæcunque eiusmodi gentes eadem, atque
 eiusmodi, & facere, & perpeti quamquam ratione conuersa, quia sci-
 licet à Sole exurantur: ita igitur ambæ hæ nationes robore, atque
 agilitate antè comparatis, hæc ad confligendum domo afferunt, &
 pugnandum, animi vero præsentiam, atque alacritatem præcipuè
 omni-

omnium Scytæ, & quæcunq; aliæ gētes in Septentriones spectant, ob eas causas, quas supra memorauimus. Namque impetu quodam violento, & proiecto in hostes inuadentes, cursibusq; & recurribus eos fatigantes, & in orbem includentes, fameq; & comitatu-um caritate prementes, modum nullum vexandi antè faciunt, quàm aut ex agris suis omnes exegerint, aut conciderint, aut viuos caperint: Veruntamen homines hi ita nati, itaq; facti, suis regibus, & ducibus mortalium omnium sunt obedientissimi, & fideles maximè: Atq; iccirco ex huiusmodi studijs illud eis euenit, quod initio quærebatur, videlicet, vt eorum nati, ipsaq; vxores, & postgeniti omnes militarem facultatem & artem, vel citra artem, atque adeò naturaliter condiscant, & percipiant, eaq; percepta omnium facillimè, ipsam exercere, & conseruare queat, quippe cum huius retinendæ ergò, corpora continenter exerceant, & sub dio malè patiantur, vt diximus, nullumq; agrum diutius teneant, quàm victum sibi suggerat: denique, vt omnium pugnacissimi existant, neque ad belli artes huiusmodi præceptis indigeant, neque sophismatis, quibus Spartiatæ vtuntur & Cretes, & quicunq; alij de belli studijs se iactant. At verò nos quodam excursionis modo de eis nunc egimus, nempe ad eum finem, vt quicunq; homines bellicis artibus, suis in ciuitatibus præsunt, exempla de bellicosissimis gentib. facere sibi possēt, quæ sive Reip. ex vsu fient. Veruntamen cum Barbari ij sint vitæq; genus agreste sectentur, & horridum, eos ipso vnà cum suis institutis in præsentia omittamus, magnâq; gratia Dijs immortalib. habeamus, quòd eiusmodi audaciæ, atque impotentiae, neque prudentiae sensum coniunxere, neq; consilij capiendi viâ monstrauerunt. Nam si hoc Dijs eis dedissent, Herodoti oraculum, ceu è tripode redditum, ad exitum iam pridem peruenisset, ait enim Herodorus. *At natio Threicia (nam per Threiciam omnes illas gentes eum puto accepisse, quæ ad Septentriones spectant) amplissima sanè cuctarum est gētium, Indus exceptus, quæ si vnus principatum probaret, aut vnum sentaret, inuicta omnino foret, atque omnium potentissima;* sed ad institutâ disputationē reuertamur. Iam si qui de illo delectu agere velit, qui inter mansuetiores gentes haberi potis est, viamq; eâ, & rationē reperire, quâ iniens, quaq; insistentes bellicosa euadat iuuetus, antè omnia militares copias is debet distinguere, & definire, inde qualis nā vel natio, vel ciuitas, vel denique Princeps ille sit, quibusq; copijs instructus, qui hoc concupiscit & expetit videre, quippe cū neq; vnus omniū

modus sit, neq; via vna illuc deducens, secta reperiatur, sicuti nuper dicebamus. Copia igitur belli omnes, omnesq; exercitus in peditatum diuiduntur, & equitatu, non nusquam etiam in nauticas, & maritimas, porro peditatus in grauis, leuiscq; armaturae milites tribuitur, parem in modum, & equitatus; nauticae autē copiae in remiges, & clauariarios, iam pridem enim dictum hoc fuit, omnem ciuitatem vel solam & singularem, vel aliarum parentē & reginā, quaeq; in non paucas gentes habet imperium, si quidē propriam libertatē, atq; imperium ipsum, quoquo modo partū, tueri velit, & cōseruare, copijs indigere militaribus, roboreque ciuili, & non peregrino, an verò Penestae, Hilotes, quique in Italia habentur Peridini, iidem fortasse, atque Aborigenes, ciuili robori, an peregrino adscribendi sint, haud magnoperē contendendum in praesentia est: nanq; huiusmodi nationes omnes inter ambas hasce videtur medię interiectae, sed quod eiusmodi copię periculosaē ciuitatibus sint, & principibus, ac leuibus mutandae fidei ingenijs praeditae, saepe multisq; in locis vsu cōpertum est. Quoniam verò nec agri expers ciuitas esse debet, ni quid praeter rationem eueniat, grauis quidem armaturae tyronum delectus ex agrorum colonis, si qui vsquā liberi sint, primum habendus, inde ex eis qui in vrbe aequales, & pares his reperiuntur, id est quicumque compactili membrorum structura, & soliditate praestent, quiq; laboribus exantlandis idonei, spiritus, atque animos gerant iuueniles, leues autem ex monticulis, & pastoribus eligendi, eq; vrbānorum numero, eorum dico, qui nec viles, nec sordidi artifices sint, sed mechanici potius, nanq; hi, & leuitate corporū, & agilitate ceteros antecellunt, atq; ad scandendum, & descendendum mœnia, & rupium praerupta magis idonei, atq; ad fundas, & iacula intorquenda procurrendumque, & recurrendum expediti & celeres. Talis itaque videtur commoda peditatus descriptio; Ac nemo miretur si de ciuili robore describēdo nihil memoramus nunc, quippē cum de illo abunde memoratū fuerit tunc, cum de optimaē Reip. primordijs ageremus, & nūc illa omnia subiiciuntur, atque omnium maxima, & antiquissima habentur. Iam verò equitatus legendus est ē diuitibus, annonaque abundantibus, & locupletibus, sic enim eos qui amplas opes possident Poetae appellare mos est, nanq; his facilius est equos alere quā pauperibus, quibusq; domi angusta res obstat, tum etiam studio huic incumbere iucundum pariter, & honorificum, ceu ijs, qui eas iam explicarunt difficulta-

cultates, ob quas illi, dico autem tenues, & egeni, illustriora officia plerunque omittere coguntur. Igitur ex urbanorum pariter, atque agrestium genere equites legendi, oportuneque exercitandi, tum cursibus, tum etiam pugnarum simulationibus. Exercitamenta autem ponimus, corporumque ad belli munia instituendorum periculationem vniuersam, cum sagittandi, tum iacula omnis generis intorquendi, scutaque, & arma vibrandi, acies explicandi, & in orbem conglobandi, & in alias figuras fingendi, ordine progrediendi, & regrediendi, castra locandi, disponendi, firmandi, & quaecunque alia ad equestrem disciplinam contendunt. Omnium verò istorum publicos esse magistros, qui è publico mercedē capiāt, discipulos autem, urbanos iuxta, & colonos, modo liberi ij sint, adolefcentes, & viros. Pro pramio autem tum horum, tum egregiè in bello gestorū ius ciuitatis, eis qui ciues adhuc non sunt, sicuti seruis libertas proponitur, ciuibz verò decus, & gloria, ceteraque, pro cuiusq; meritis & benefactis, ita vt presentem ciuitatis statum cuncti pariter diligant, & saluum velint, atque in ciuitate ipsa amplificanda, ornanda, perpetuoque beanda, omne studium ponāt; Sed quo tempore, quoque loco, quibusque modis tyrones iam delecti imbuendi, & exercitandi sint, quæ de officio armorum præfecti leges scribendæ sunt, omnia hæc definiē, pariter autem, & quæ ad fysisitia, & contubernia pertinent, eorumq; curationem, atque administrationem, vt iuuenes, & adolefcentes cō conuenientes, absque turba, & tumultu accipiantur, quotque in singulis cœnaculis conuiuæ discumbant, hæc conuentus cuiusque præfectus, vna cum iuuentutis moderatore statuet, & definiēt, & nos de eisdem his non nulla fortasse addemus posthac. Atq; hæc mediocris cuiusdam ciuitatis, & potentatus delectus, regula, & administratio sit. Iam si ciuitas aliqua fuerit ampla, & imperiosa, siue libera, nulliq; singulari homini subiecta, siue etiam Regi obnoxia, siue vt natio quædā, qualis paulò ante Persica natio fuerat, dum Asiæ totius ferè imperium obtinebat, sed etiam Europæ partē non minimam, tum utique licitum fuerit vtiliter, & abundè milites deligere, vt classarios, & nauticos è Phœnicibus & insulanis, atque, ex eis, qui maritimas Asiæ oras incolunt, & Europæ, è Media autem, ipsaque Perside & Campis Babylonæ equitatum, nec minus etiam ex Armenia; Arabes enim, et si nationum illarum omnium præstantissimi equites sint, camelis tamen plurimū inuehuntur in bella, iumēta enim

Ggg 3

hæc

hæc cursu validissima, oneribusque gestandis, & siti tolerandæ idonea maximè. Porro peditatum ipsi legebant, è Tapuris, è Caddusijs, è Carduchis & Vxijs, nec minus è môtanis amplè Cherfonesi regionibus, quod autem Europei Asianis animi præsentia præstent, & corporum robore, & bellicosi magis sint, & cur supra memorauimus. Iam id omnibus perspicuum est, huiusmodi delectus habendi rationem, eque tot populis, & gentibus, eis modò vnis esse expositâ, qui tot ciuitates, & prouincias in ius, ac ditionem subiectas habeant, quot nuper Persæ ipsi habebant, atque iccirco nos ad mediocres ciuitates, & potentatus orationem reuocantes, de hisce differamus, ac primum de nauticis agamus, & maritimis copijs, quæ necessariò illic comparandæ esse videntur, vbi licitum sit eis opportunè abuti; & quoniam duas in partes hæ distributæ sunt, in classiarios, & remiges, vti diximus, de his nihil videtur amplius dicendum, quàm quod remigum ordo legendus est, tum è sordidis vrbane turbæ artificib. tū etiâ è mercenarijs agrestibus, & barbaris; Classiarij autem ex eodem, quo pedites ordine legendi; hosce verò omnes necesse est egregiè nare didicisse, longeq; ante assueuisse maris perturbationibus remorumq; fragorib. & tumultibus, & vndarum iactationib. vt ne exorta tempestate, manuq; conserta, perculsi, ac stupetacti rei nouitate, animos despondeant, turbamq; & tumultum alijs iniiciant; atque hæc de delectu habendo generatim dicta sunt. Rerum autem ordo postulat, vt agamus nunc de ætate illorū, qui nomina daturi sunt, deq; institutione, & curatione. Postquam igitur adoleiscēs sextum decimum annum expleuerit, quam primum oportet ipsum à patre, aut ab alio quopiam eorum, qui proximi genere sunt ad militiæ præfectum adduci, nomenq; suum, patrem ciendo, profiteri, re nullam causantem, obtendentemue, ni quis naturæ, aut fortunæ iniuria corpus, animumue labefactum gerat. Si itaque illis quorum hæc curatio est, fuerit probatus, atq; eiusmodi existimatus, qui bellicos labores possit exantlare, acceptis sibi cōuenientib. armis & militariter iuratus cū tribulib. in cōtubernium cooptator, vnà venator, vnà exercetor, atq; hoc necessarij delectus primū fundamentū esto, quod quidem militaris facultatis architectus primū iaccre debet, ce era verò à legum conditore definita sunt vnà cum armorū præfecto, siue is vnus, siue plures numero fuerint. Hi igitur singulas quasque res definiunt, atque ordine disponent, vt verbi gratia, quæ admodum ad templū Deorum immortalium adeundum sit, quæque

que ratione pompa ducenda, utique armis, & equis instructi, atque ad currendum, salier dumq; comparati iuvenes prodeant, ludantque, atque alia efficiant, quæ ad agilitatem, celeritatemque in statarijs pugnis, & solutis, ceterisque cōversionibus, & reuersionibus, necessario comparandam, immane quantum audaciæ, atque animorum ijs iniiciant quicquid oportune ante exercuerint, & meditati sint. Idem pariter, & præmia proponant, tum ludis, & certaminibus, tum obsequijs, tum strenuè in bello gestis, horum verò contrarijs merita supplicia, & dedecora. Namque sat nobis in præsentia est vnum hoc docere, tria hæc cum ad facultatem militarem comparandam maximè omnium esse necessaria, tum etiam ad mutuum inter se se cognoscendum, sicuti de statu ciuitatis ritè constituendo agentes dicebamus, quinam, & quàm vberes fructus, è legitimis ciuium cœtibus, & congressionibus perciperentur, cum per singulos ordines quibus temporibus leges iubent, haberentur, quotq; commoda, & oportunitates ciuibz inde orirentur, dum scilicet mutua beneuolentia, & charitate sunt conglutinati, noscuntque se inter se, hoc nullum amplius ciuitati præmium potest afferri, quàm ut ciues noscant se inter se, vbi enim mores, ac vitæ instituta in apertum prolata non sunt, sed tenebris obruta, delitescunt, illic neque meritum honorem, neque magistratum, neque iuræquum quisquam ritè obtinuerit, quippe quia, ut nuper dicebamus sperandum omnino est, eos homines, qui à teneris vnà coaluere, quique eiusdem cōpotes disciplinæ exitere, maximè amatum ire se, inter se, eosdemque optimos, ac fidelissimos belli socios fore. Cuicumque enim eorum iniecto periculo, subeat statim clamare.

O socij neque enim ignari sumus ante malorum.

Quæ igitur è contubernijs utilitas percipitur hæc est.

Qui verò è venationibus fructus colligitur, eque exercitamenti, haud sanè hoc minor, verum enim verò, id quod plerique in solemnibus, & vilitatis exercitamenti negligunt, huc oportet accedere, atque hoc vel in primis curare, ut sinistri artus ad parè, & æqualem vsum, & vim moueantur ac dextri, utique iuvenes, hæc ante meditati, atque ad hæc semper parati veniant, multum enim interest inter eum, qui est in hac re rudis, & non exercitus, atque eum, qui egregiè eruditus sit, & exercitus. nam sicuti is qui in pugilatu, & luctu & pancratio se laudabiliter gessit, non quidem sinistris artibus nequit contendere, claudicat autem à dextris, labiturque & peccat, cum
nouus

nouus labor in partem aduersam illum vocans, necessario cogit experiri, idem hoc cum in armorum, tum in rerum aliarum vlu rectum oportet existimare, eum scilicet qui duplici facultate instructus eo veniat, cum ad laceffendum, tum ad repellendum aduersarium, nullam eiusmodi, neque inertem, neq; a scientia vacuam, quoad eius fieri possit, omittere. Porro autem, & venationes, praeterquam quod venatorum corpora salubria reddunt, & agilia, eadem vniuersi agri, & finium cognitionem praeterea ingenerant, ita ut bello ingruente, vnusquisque, tum ciuis, tum miles, loca omnia nota habeant, quae hostibus ad inuadendum sint facilia, quaeque difficilia. Jam vero & haec aruis quidem, & vinetis, & viridarijs ingentem ab importunis bestijs, & feris praestant solitudinem, mansuetis autem animalibus & iumentis, amplam in tuto pascendi facultatem, & securitatem, ipsique ciuitati annonae abundantiam, atque vbertatem. Denique, id quod bellici apparatus architectus, vel in primis habeat, pedites iuxta, & equites ad belli munia egregie comparatos. Nemo autem miretur nos in diuisione hac venationes exercitamentis parte ex altera opposuisse, & si enim genere ipso eadem ambo sunt, idem quae ad extremum ambo ferè properant, quae tamen ambobus materia subiicitur, haec vna non est, non locus, non modus idem, quin longè inter se se diuersa haec esse comperientur. At quoniam omne hominum genus, amicitia, & beneuolentia, naturali quadam necessitate vincitur, vinculaque haec ad felicitatem fruendam ingens afferunt momentum, cum priuatim, tum etiam publice, iuuentutem quae imprimis ad vitam iucundè degendam, atque oblectandam adliciunt, fiduciamque eiusmodi eorum pectoribus ingenerant, ut ad pericula adeunda & perrumpenda, còcordibus, alacribusque animis accedant, cum vsus scilicet ciuitatis, & Reip. tempora poscant, propterea oportet còubernij siue praefecti, siue: magistrù, què Syllitarchum illi appellant, vnà cum iuuetutis moderatore, id imprimis curare, atque animaduertere, ut eorum amores ab omni vitio, omni-que turpitudine vacui sint, rectaeque Reip. institutioni, & moderationi vsque quaque resonent, & puritati. i. ut generosi sint, & casti, atque ab omni labe, sceditatisque suspitione longè remoti. Sed quoniam modo haec euenire queant nunc dicendum est. Si itaque còubernij praefectus, quænam suæ partes sint rectè norit, eas certè omnes abundè expleuerit. sanè oportet hunc non ferculis duntaxat, & obsonijs iuuenes, qui in fide, & tutela eius sunt instar iumentorù saginare,

narē, potuq; & temeto, eos onerare, quin magis cū eorum modera-
tore dispicere, ecquibus nam modis eorum congressiones honeste,
iucundaq; sint, illamq; ætatem deceant, historicæ videlicet, atque
Heroicorum facinorum anxie indagatrices æstimatricesq;: iccirco
itaque hoc continenter ille operam dabit, vt egregia maiorum fa-
cinora, eorumq; illustrium audientes, ipsaq; admirantes verecun-
dentur sanè quicquam aliud in vita cogitare, aut laborare, quàm vt
eis viris se exequant, quos de virtute mortales omnes suspiciunt, at-
que admirantur. Quum itaque iuuenes ipsos ita imbuerit, itaque ad
virtutem comparauerit Syfitiarchus sanè quidem verendum non
est, quin eorum amores eiusmodi sint futuri, cuiusmodi eos esse o-
porteret, atque vti imperat lex, decet enim adolescentes, & natura, &
vitæ institutis tales sese ciuitati exhibere, quales diximus, eos præ-
sertim, qui debent, primū quidem communis libertatis esse custo-
des, inde magistratus, & duces, & oratores, & iudices, & senatores
ac demum rei diuinæ cultores, curatoresq;: Namq; studia hæc omnia
& officia, omnibus ciuibz in medio posita erunt, quæ quidem, etsi
non omnes omnia assequi pariter valeant, ij tamen, qui singulis qui-
busq; virtutibus idonei fuerint, singula consequi poterunt, pro in-
genij sui captu, & studijs, sicuti in belli muneribus accidit, in quibus
non cuncti bellatores, Achilli aut Hæctori, aut Aiæcibus strenuitate
æquales sunt, & pares, quin longè profectò interest inter hos, ac
cæteros milites & duces, id quod neq; Poetam in hortationibus la-
tuit, ait enim:

O socij, quiq; eximij virtutibus estis:

Et genere, atq; opibus, mediæ & qui fortis habetis

Pramia, vos etiam, quos conditum in se na ducit,

Non etenim in bello pares luct omnibus esse.

Idem hoc nostri temporis Orator egregiè animaduertit, cum ait.
Oportere ciuitatum rectores, eum ciuem, qui legum cā. ell. continet se, quiq;
eis libenter pareat, ceu integram salutis collectam patria afferentem, & hono-
ribus angere, & laudibus tollere, contrā autem qui harum repagula perrupe-
rit, & limites transierit, ignominis notare, & supplicij cōstringere, & ra-
tionem subdit, Communis enim collatio, & synbola sunt effusa illa omnia,
qua vnusquisq; nostrum facit, legibus iubentibus: Hi igitur quibus præcla-
ra hæc præmia tribuenda à ciuitate sunt, tales sese præstare debent,
quales diximus. Quapropter oportet in contubernijs, & venationi-
bus, & exercitamentis modestiā præstare, & temperantiā, & castita-

H h h

tem,

tem, quæque ferarum sunt, libidines, & voluptates eas omnes vitare, quoad eius fieri potest, & ab eis abhorre: Et verò intemperantia omnis, omnisq; procacitas, & impotentia, tum ei, qui scelus fecerit, tum ei, qui perpeffus fuerit, & priuatim, & publicè noxia est, verum enim verò, ea, quæ in libidines, & voluptates absurdas eruperit, atque immanes, longe omnium deterrima, & perniciosissima, atq; ad virtutes extinguendas efficax maximè, id quod in Ethicis præceptis abundè definitum est, neq; oportet nunc ea frustra relegere. Quoniam vero haud facilè illis est, qui milites iam facti sunt cūctos in cōubernia quotidie conuenire, atq; illic perpetuā victus consuetudinem habere, sanè quidem oportet statim diebus salē hoc haud negligere, quin singulos quosque vnā cum suis tribulibus cōuenire illuc, ac publicis ludis cum ceteris ciuibus interesse, & ventionibus, & gymnasijs, præsertim eos, qui natu sunt iuniores, vt post annum minimum vigesimum, militem perfectum, fidelemque, & animosum suæ se patriæ exhibeat, nihil causantem, nisi aut infortunium, vt dicebamus, aut necessitudinem, hoc enim bellico philosopho est sublatum signum. Ciuili autē, id, quod dilucidius posthac explicabitur, hoc, vt Resp. firmiter constet virtutibus nitens opibus, florens, & vera gloria celebris atque illustris legum latori autem horum omnium tutela, vt sit in omni felicitate perpetua permanens; sed hæc omnia ad votum successerint, si Eunomia eis accesserit, id est, si quæcunque ardua, & periculosa, explicatuq; difficilia incommoda in ciuitate acciderint, magistratus, & principes sagaciter, atq; ex animi recta conscientia, non legibus solum ea discutientes correxerint, atq; ad sanitatē partes ægre affectas redegerint, priuati autem singulares homines, rerum suarum satagentes legibus paruerint, & magistratibus, namq; in duobus his, bonarum legum omnis vis, atque autoritas consistit. Quoniam verò ciuitas nulla, quanquā fortunæ abundantia maximè florēs, paupertatis expers, nec omni ex parte, nec semper fuerit, hominumq; egestate laborantium; oportet huic etiam hominum generi esse prospectum, vt ne artes sibi necessarias deferere coacti, vnde victum quæritant, causa contubernij celebrandi, & cœtuum legitimorum, pauperiores adhuc euadant, cumq; cōtulerint, à præclaris, Reiq; publicæ necessarijs muneribus vrgeantur, id quod haud sanè commodum ciuitati est: præterea ne similiter etiam ingenui & diuites eandem ob causam, à philosophia, rerumq; pulchrarum studijs, quæ suo statui, sug-
que

que conditioni affines sunt, abstineant, oportet singula quęq; horū, pro cuiusq; ordinis & hominis oportunitate, & decentia, & viribus, legibus, atq; institutis esse definita, animaduertentē militiæ, armorumq; præfectum, ac cæteros, quorum curatio hæc est, belli studia omnia, & artes, pacis, quietis, tranquillitatis gratia, id quod multoties testati sumus, ab hominibus fuisse reperta, & celebrata; vita enim tranquilla & pacata ipsaq; philosophia, horum omnium fines certi sunt. Nanq; bella ciere, pugnas committere, cædes cadibus accumulare, si vera, & certa excutienda ratio est, nec optabile, nec bene fortunatum, quin contra detestabile, & malè fortunatum; atque iccirco Circem iurè increpare Vlysem affirmant, dum se in Scyllam importunè nimium iactitat.

Et bellum infelix agitas nec cernere finem

Pugnandi dabitur, Superū, nec cedere posthac

Est animus. Ac de militari quidem facultate sat sit hæc dixisse. Quæ autem à Socrate in libris de Rep. Tragicè elata sunt, iam pridè refutata, eleuataque fuere, ceu iactantiæ plena, ac futili admirabilitate redundantia: Quin & Poeta in clypei factione, ea nimirum aptè discussit, & egregiè declarauit, & quidem muliebre robur quatenus ad belli munia possit accommodari, ibidem ostendit, nanque post pinnas, & mœnium propugnacula cum infantibus, & senibus eas collocat, faciens.

Muros inualdig, senes, trepidaq; puella,

Et pueri tenuere, & dulcia pectora matrum.

Officiorum autem quæ propria ordinis sunt muliebris in Odifsea ipsas submonuit, per Telemachum matrem sic increpantem.

In supera ascendens age mater, pensa puellis

Partito, nobisq; virū consilia linque.

Nanq; hæc & horum germana, sicuti etiam in Rhetoricis dictum fuit, muliebri naturæ maximè quadrant, at non bellum, non pugne, non sudor; Atque iccirco hæc Barbaris relinquentes, ceu eorum ingenijs consona, & institutis, maiorum nostrorum præcepta teneamus, eorundemq; studijs incumbamus, qui quidem omnia hæc longa periclitatione, & artificio comprobata, beneque discussa nobis minoribus reliquere.

Sequitur, vt de Imperatoria ab his dicamus; hæc principali ceu forma proprio generi subiicitur, veruntamen nos, quia ita militari cōiuncta est, vt ab ea diuelli nequeat, de ea ipsa prius disseremus. Nāq;

H h h 2

prin-

principalis totam Imperatoriam continet, & regiam, multasq; alias sicuti clarum fiet post hac, cum de omnibus cæteris agemus. verum de hac sicuti proposuimus, nunc agamus primum. Volenti igitur Imperatoriam facultatem adipisci, atque eius vim sibi comparare, præfertim in ciuitate illa, quæ libertate fruatur, quæque ipsam, ei traditura sit, necesse ei est totam militarem artem domo afferre, vt ea fretus, hæc, atque horum germanæ edicere valeat, reque vera edicere, & non arroganter effutire.

— At nos

*Bellag, pugnasq, & cadem cæde accumulare
Noimus, & tergus dextra simul, atque sinistra
Aeentis versare bouis.*

Enim verò sicuti orator probabiliter dicere volens, siue in causa oranda, siue vtilitate ostendenda, siue denique in quocunq; oratorio munere perficiendo, intrepidè lingua vti Latina debet prius, inde ad opus hoc aggredi, aliter nanque id facere aggrediens, risum audientibus moueat, parem sanè in modum oportet eum, qui sit designatus Imperator quique gradu illo, locoque haud indignum sese haberi cupit, militarem iuxta, & imperatoriam artem militaria, & imperatoria instituta, & leges sectantem prius perdiscere, ne comparato ià exercitu, atque instructo in hostem, & incitato, in illud Euripideum incurrat.

Iste hostias agit iugulatum hostibus.

Curabit itaque is vt bellicæ fortitudini, quam plurimum prudentiæ adiungat, atque eximiam quandam animi celsitudinē, & sagacitatē, ac ceteras virtutes, quæ imperatores maximè decent. Idem animæ parcus nunc erit, aliàs prodigus, cum scilicet vltus, aut necessitas postulat. In educendis autem copijs, & manu conferenda semper iniecto periculo, versus huiusce recordabitur.

*Dum sibi dum socijs reditum parat, æspet a multa,
Pertulit.*

Et verò strenui duces, reque vera prudentes, gloriantur magis in eo, quod milites fidei suæ creditos conseruauerint, & ciues incolumes præstiterint, quam quod ingentes hostium copias trusidarint, aut captiuas duxerint. Oportet itaque multò antè, ac perpetuo apparatus, denique à teneris hæc secum ineditari, atque animo agitare, de alijs ducibus, atque imperatoribus exempla sibi facientem, de eis dico, quicunque, cum ab historiæ scriptoribus iure laudati, tum à Poë-

à Poëtis, nec adulatoriè hymnis celebrari, nec minus etiam de eis, qui ætate sua fuere probati, hosce omnes bene notos habere, hosce admirari, horum egregia facinora imitari, quibusque adducti consilijs ea fecerint, anxie exquirere, & æstimare, ut illa partim ex æquare, partim etiam superare omni ope nitatur, sicuti & Themistocles fecisse aiunt, quem cum perpetua insomnia obfessum amici aduenterent, rogarunt, eccur nam totas noctes insomnes duceret, Milciadæ (inquit) triumphis, ceu nocturnis quibusdam furoribus occurrentibus, & in se inquietantibus: Is aduersus Barbaros imperator designatus, ingruentem patriæ, & Græciæ tempestatem prospiciens, imperatoriam virtutem, quam quidem suo animo longe ante in seuerat, atque infixerat, illo in bello miris modis extulit. Nam tria ingentia facinora, eisque qui tunc erant, quique postea subsequuti sunt hominibus, admirabilia, edidit. Nanque omnium primum Aristidem, cognomento iustum, illum inquam, à quo in Rep. regenda semper dissenferat, quique hanc ob causam tunc exulabat, in patriam reuerti iussit, scilicet ne tali ingruente bello, & tam periculoso, hoc consiliorum socio careret. Alterum, nam cum Græcos, iam animos despondere, ac propriam quemque salutem spectare animaduerneret, Barbaros autem haud magnopere fellinantes ad manus venire, sed suum tempus expectantes, ambo suis consilijs, artibusque superauit, atque ad eò elusit, quoque ipse decreuerat adduxit; ac Græcos quidem, cum eos ingratas manus conferere cunctos coegit, Barbaros verò, cum Græcos vniuersos, ceu sagena euertos, in siccum educendi, in spem crexit: Tertium denique, cum parta splendida, & incluta illa victoria, pontem quidem rescindi prohibuit, Regem verò fugam quam primum capeflere (ceu de salute ipsius iam pridem sollicitus) clam monuit, ac Themistocles quidem talis Imperator, atque ob iam dictas causas exstitit. At Pericles viri huius suspiciens virtutes, atque imitans, nec minus etiam patris Xanthippi, mirabilis & ipse exstitit Imperator, non enim vnus belli artibus floruit, sed vtraque tempestate obtinuit in milites imperium, in Remp. principatum, eiusdemque tutelam, ita ut status ille, quo tunc ciuitas Atheniensis utebatur, verbo quidem esset popularis, re autem, & effectu singularis viri dominatus, eiusdemque primi, & præstantissimi, ita enim Thucidides: sed eò reuertatur, vnde egressa est oratio. Iam cum sæpè eueniat, ut in magnis exercitibus multi homines sint, dispari genere, dissimili lingua, ac non pauci etiam barbari, quibus cum per

Hhh 3.

in-

interpretes agere ille Imperator necessariò debet, qui nullo variarum usu linguarum valeat, id quod ineptum iuxta, ac periculosum est. Idcirco igitur oportet eum, qui laudem imperatoriâ dignè, plenèq; assequi concupiscit, ita rem hanc in postremis non habere, ut hac ipsa maximè, ingenij sui docilitatem, & solertiam indicans, facile possit; tum gregarios milites, tum etiam minores duces per sese quoquò velit dicendo adducere. Iam verò & honorificum ei fuerit iuxta, & commodum nomina suorum militum omnium callere, & meminisse, & si non omnium, saltem quàm plurium usque ad decuriones haud ignorare. Posse enim pugnantem, quenque commilitonibus proprio ex nomine, ut ait Poëta, viritum cedere, impendio salutare, atque hoc quàm vim in prælio habeat, re & effectu sæpè comprobatum est. Nestor, cum effuso impetu Memnò in se inueheretur nullumq; ei effugium relinqueret, filium suum ciuit Antilochum, nec clamor humi effusus est, sanè quidè ob notæ consuetudinis; vocis claritatem: nec aliam ullam ob causam. Porriò autem singulorum nomina in memoria habere eius esse Imperatoris videtur, qui non diligentia solum excellat, sed beneuolentia in milites, & charitate, id quod mirum quantum valet ad militum animos sibi conciliandos, & obsequio perpetuo assuefaciendos, præsertim cum aequali, & pari victus apparatu, atque ipsi utantur, ipsum uti etiam videant, ab omni delicato more abhorrentem, ab omni luxu alienum, nil prius, neque fortius facientem, quàm ut bona es prospiciat, aduersa depellat, stipendiumq; & victui necessaria in numerato, expeditoq; habeat atque ad diem dictam constanter exhibeat, neque eorum quenquam negligat, qui sint aut vulneribus mutilati, aut morbis retardati, neque supremum honorem omittat eorum, qui pugnantes mortem obierint, & si minimè oporteat nunc, omnia illa dinumerare, quorum pleraque legibus ijs sancientur, quibus imperatoria munera omnia definienda sunt, & distinguenda, ut quæ ad cultum Deorum immortalium pertinent. Quibus nam, scilicet & quot quibusue temporibus, quibus hostijs, tum à militibus, tum à ducibus faciendum, nec minus quæ lustrandis exercitibus solemnia, quæque ad alia incommoda, & dira, quæ hominibus necessariò interdum accidunt, amolienda, & expianda. Verùm enim uerò id, quod tractationem hanc instituentes dicebamus, id ipsum etiam nunc eam claudentes, confirmamus, oportere à teneris omnia hæc animo præcepisse, continenter quæ agitalle eum, qui artem hanc ritè possidere decreuit, ut omnia quæ-

nia quęcunque opus sunt, vel saltem quā pluri ma adiumenta do-
mo afferens, imperatoria munera facilius tempore suo perficiat,
perficiet autem si indolem quandam verē heroicam, cum militari
virtute statim coniungere nitatur, & studeat. ac de Imperatoria qui-
dem hæc.

Principalis autem potestas, qua de in pręsens dicere proponim⁹,
multa in se habet discrimina, differt enim materia, modis, finibus,
nam quędam est, quę habetur in volentes, quędam in inuitos. por-
rō quędam subiectorum commodis studet, quędam vim spectat,
& propria comoda, & singularis status sui firmitatem, atque hæc
quidem electione creatur, illa fortitione, alia vtraque. Quin etiam
quędam à genere perpetua, aut forte quadā acquisita, de quib. omni-
bus definitum est superioribus disputationibus. At verō de regia il-
la, quę vsq; quęq; absoluta est quęq; pambasileia nominatur ecqui-
bus nam modis quis eā sibi vendicās, maximo hoc præmio dignus
censeatur, posthac dicetur. Sed ei tractationi, quę de Tyrannide ha-
bita olim fuit, nil præterea addetur, quippe cum minimē oporteat,
quę fœda, & flagitiosa sunt, quęq; incommoda hominum generi
important, & detrimenta, ea docere, quanquam nonnulla superius
de ipsa egerimus, cum vt homines eum cauere discerent, tum vt se-
mel instituta tractatio convenientē modum heberet. Nunc de prin-
cipali facultate agemus, ea inquam quę Rep. & statu libero viget,
quęque reddendis rationibus ita est obnoxia, vt causam repetunda-
rum semper dicere parata sit: nam de Imperatoria dictum est, & o-
sten sum, quōd hæc principalis ipsius forma quędam sit, sicuti regia,
& sacerdotalis, non quidem tota, sed vna modō illa, quam quis pō-
tificiam vocaret, & si qua alia, in qua ciuitatis status vel vniuersus,
vel aliqua ex parte cōsistat. Sed iam tempus est, vt de Senatoria dis-
feramus, & Concionatrice, videntur nanq; hæc curationes quędam
& ministeria magis, quā in re vera magistratus, veruntamen de am-
bubus agendum, ac prius de concionali; haud enim parum refert
quo quique modo comparatus compareat illuc, quippe hoc enim
primum veluti Reip. attingēda initium. Nam cuius, cuiusmodi hoc
apertum est, quōd cum legum ferendarum ratio, ingens quā dā res,
& operota sit, si ciuitas, quęuis benē comparata, ineptos bonis legi-
bus præficiat magistratus, parum referat aliquas leges, dico esse,
an nullas, an etiam risui obnoxias, sed magis adēd timendum, ne la-
bis, & longē maxima in Reip. detrimenta ex eis importentur. At-
que

quæ iccirco oportet, eos, qui in campum ritè candidati prodeunt, plenumq; & amplum sitæ in Remp. voluntatis, ipsosq; & genus vniuersum à primo serè fatu, vsque ad tempus electionis, specimen dedisse, deinde illos rursus: quorum magistratus ijs mandandi potestas est, ita legum institutis, & moribus esse educatos, & assuetos, vt quæ honesta sunt rectè probantes; quæq; turpia item improbantes, parem iudicij vim ad comitia conferant, vt ciues eos bene discernere valeant, qui gerendis magistratib. sint apti, quiq; inepti. horum autem discretio, & iudicium, in Reip. disciplina consistit, eiusdemq; studio, sicuti in eis disputationibus, quæ de optima rep. habitæ olim sunt, fuit explicatum; atque hæc de Concionatore, eiusque facultate. Iam si quis dicendi vim in discrimen agat, vtrum scilicet concionatori, an alij cuiuspiam eorum, qui in publicis negotijs versantur, virtus hæc necessaria sit, an non, ridendus vtique videatur. Quippe cum oratoriâ artem (sicuti in exponendis eius præceptis dictum fuit) certum sit omni hominum generi, omniq; negotio gerendo vtilem esse, atque eius via, & ratio iam pridem à nobis reperta, ac definita est, neque oportet de eis rebus, quæ copiosè & dilucidè illic explicatæ fuere, supernacue nunc differere.

Iam de Senatoria agere instituentibus, non ignorandum multos esse in ciuitatibus modos, tum Senatores legendi, tum Senatum constitutiendi, sicuti in libris superioribus dictum fuit. Nam quidam sunt, qui perpetuo gradum hunc obtinent, quandoque etiam genere, vt in dominatu paucorum plerunque fit, quidam porro electione, & populari tabella designante, vel qui tot gesserunt magistratus, ceu Areopagitæ, quamquam opportunum in præsentia non sit, de hisce omnibus exquisitè distinguere, & accuratè, quin magis quærere, & monstrare, quam nam vitæ viam quis ingrediens quoque modo se tractans amplissimo hoc ordine, & gradu, dignus suo tempore existimetur, quâ tum enim momenti ad salutem communem tuendam ordo Senatorius afferat, facile ijs fuerit percipere, qui eius officia rectè distinxerint. Quoniam enim nauis mari innatâs, interdiuque, & noctu custodia perpetua indiget, eundem in modum, & ciuitas quæ in eodem salo, atque alijs sibi propinque ciuitates vacillans, atque omnis generis insidijs obnoxia, urbem colit cum periculo amittendæ salutis, oportet sanè post diem in noctem, & à nocte in diem, magistratibus aptos esse magistratus, custodes custodibus, clauum quasi suscipientes & tradentes, nunquam cessare, vulgus enim

nim haud potest quicquam vnquam mature expedire. Quocirca amplissimus ordo providebit, vt salutare hoc Reip. tuendæ munus in orbem, suam cuiusque vicem, per omnes eat, videlicet ne ciuitatis custodia vnquam interrumpatur, hæ enim partes eius sunt, vitæ autē curriculum Senatori cuiq; idē propositū est, atque alijs vniuersis, qui nō solum aliquē dignitatis gradū in ciuitate obtinent, sed etiam qui vel compotes Reip. sint. De studijs aut, & institutis, quæ sectando talis suo quisque tempore Senator existat, qui patriæ valeat abunde opitulari, tum explicabimus, cum de ciuili facultate agemus.

De iudice autem hoc exploratum omnibus est, iudicem legem esse animantem, magistratumque haud omnino spernendum eo die gerere, quo die tribunal ascendens iuridicundo operam dat, neque id etiam obscurum, legum latori pote non fuisse, ea literis omnia complecti, quæ sigillatim erant euentura, id quod antiqui legum scriptores, & politici præclare animaduertentes, hanc iuris iurandi formulam iudicibus tribunal ascendentibus descriptā esse voluere. *Equidem iuro de quibus leges vllæ sunt, q̃s me ius redditum ire, de quibus autem nullæ, recta mentis conscientia, animoq; æquissimo.* Atque hæc formula illa est, qua iudices tribunal ascendentes, iure iurando adstringi maiores sanxere. Quicunque igitur hanc iudicandi vim, potestatemque adsciscere sibi cogitat, prouidere necessariò debet, vt rectam hanc mentis conscientiam suo infixam animo gerat, eamque in primis habeat, cætera in postremis, vt amicitiam, odium, æmulationem, misericordiam, & quæcunque alia ad flectendos iudicum animos, aduocati qui dicuntur, eò solent afferre. Hanc animi compositionem, sunt qui iudicij integritatem, sinceritatemq; & ferrei illius iuris moderationem nuncupent, alij æquitatem, bonitatemque, qui verò lautius, ius retulim, ac reſectum dicunt, quanquam de nominum horum varietate abunde dictum in ethicis fuerit, nec minus etiam de rei ipsius natura ibidem explicatum. Nunc verò de facultate ipsa docentes affirmamus hoc cum hominem, qui huiusmodi siue munus, siue principatum, siue magistratū gerere sua in patria expetit, generosam indelem huc afferre debere, ac singularem animi moderationem, humiles autem, & deiectas cogitationes, moremque animi ad rem quo quomodo faciendam declinatum, & attentum, depellere, vnā cum superbo illo, & nimis accurato summi iuris examine, quod quidem a vera, & recta decernendi via, haud rarò iudices abducit, & transuersos agit. His ceu

Ii

funda-

fundamentis iactis legum sciētiam, vsumque superstruet, non earū modò, quæ literis expositæ sunt, sed quæ nullis etiam literis cōprehensæ, natura valent, & vsu. Neq; patriæ suæ vnus solum, sed etiam ceterarum ciuitatum, earum dico, quæ imperiosæ magis sunt, magisque illustres, quæque deductis per longum tempus moribus sua instituta firmarūt. Quodque omnium primum, & antiquissimum, id primum studebit, vt suæ Reip. naturam, dispositionemque probè intelligat, namque in ciuitate illa, quæ recte, & ordine constituerit, leges omnes necessariò debent constitutioni huic vsquequaque resonare. Oderit igitur hic oportet litigiosas, atque importunas cōtentiones, amet autem humanitatem, facilitatem, sinceritatem, cū in publicis, tū in priuatis disceptationibus, & negocijs, idem egestatis patronus, idem humilitatis tutor perpetuus. quanquā neque à litibus sic abhorrebit, & contentionibus, vt in hisce omnibus rudis, aut nouus, aut imperitus veniat ad munus hoc suscipiendum, & perficiendum, quin magis ita comparatus, vt in alienis diutius quā in suis, versatus exercitusque sit. Quippe cum turpe, atque inuidiosum omninò habeatur, vt ferè iam diximus: litibus seque, & alterum implicare, ac iudicum aures assiduè fatigare, vel cuipiam periculum creantem, vel ipsum se periculo eripiētem. Verū si quis ira se in iuuentute paret, atque nūc, & olim nos diximus, præsertim in eis disputationibus, quæ de Iustitia habitæ sunt, haud omninò verendum, quin tempore suo is susceptum hoc iudicandi munus, rectè, decèter, laudabiliter perficiat, præsertim si ea insignia apud animum suum reputauerit, quibus Poëta ordinem hunc iudicalem ornauit, quaq; in sede (nempè sacro in orbe) eundem collocauit, ait enim in Clypei factione.

Hic, scios petiere viros, qui ponere finem

Criminibus certum possent.

Profectò historias (hac enim voce Poëta vtitur illic) iudices, at non testes (vt quidam minus rectè interpretantur) appellat, viros illos, qui sapientia, & calliditate præstant, quique actionum, & perpeccionum humanarum non minus scientiam tenent, quā conscientia, id est vsum, & periclitationem, denique qui sint omni prudentiæ genere principes: ac de iudiciali quidem facultate, & disciplina comparanda, & oportune exercenda hæc.

Sed tempus iam est vt de ciuili agamus, & legifera, rationesque illas expediamus, quib. ciuilis philosophus, ac legū conditor differunt

runt inter se, deinde quo quis modo se gerens, ambarum possit facultatum compos euadere, namque quod ad sublatum signum pertinet, nihil omnino differant, sed operibus magis, ac rerum gerendarum modis fortasse. Politici enim opera hæc sunt, ciuitatem initio fundare, ægrè affectam, & ferè dissolutam reconciliare, atque in pristinum statum restituere. cumque vtranque sic composuerit, sicque absoluerit, & ornauerit, tale iter felicitatis eidem monstrare, quod ciues omnes, quiq; urbem colunt tenentes, valeant ad eam peruenire, publicèque, & priuatim hac ipsa perfrui. Atque ut hæc rectè, & ordine perficiat, de solo, & sede, ubi mœnia ædificet imprimis erit sollicitus (namque ciuitatem illam, quæ beata futura sit, quod muris cinctam esse velimus, quodque oportet, iam pridem discussimus) inde vero quod sedes hæc, rectæ valetudini possidendæ, & retinendæ, appositæ sit, itemque ager rerum omnium, quæ ad mortaliū hominum vitam, & naturam sustentandā requiruntur, vber inueniatur, & ferax, nec minus ad ea, quæ desiderantur importanda, atque ad ea, quæ superfluum, exportanda, appositus, sicuti etiam in superioribus disputationibus ostendimus, cum de his, deque magistratibus, & custodibus, ac cæteris, quæ ad ciuitatem componendam, & urbem statuendam, necessariò requiruntur, differeremus. Atque hæc politici officia & opera sunt. Sed legis latoris hæc. Namque his à politico sic repertis, & constitutis, legum cancellis eadem sepius, & firmare artifex hic operam dabit, decoraque, & præmia, & prædicationes egregijs ciuium meritis, legumque obsequijs, proponens, contrarijs verò contraria intendens, videlicet ignominias, supplicia, multas, bonorum publicationes. Namque Politicus seu generator, & conditor ciuitatis est, & Reip. fabricator, legum verò scriptor, seu medicus quidam, tutorque, & curator, diuinæ huius fabricationis, beataque, & felicitis constructionis perpetuus custos. Iccirco igitur hic (Rei enim publicæ summa penes ipsum, atque vniuersa authoritas, uti diximus, est) bina verbera suo huic ministro tractanda, in manibus imponet, atque alterum quidem suadæ, ut hoc in ciues ingenuos intorqueat, ad eorum animos, & mentes agitandas, & dirigendas, ut ait Pindarus, cum scilicet de spatio legum, curriculumque deflexerint. Alterum ferri, hoc durioribus instabit, & magis contumacibus, & indomitis, sunt verò ij, quos quidam nuncupant ateramonas, & immites. Verum nos cum virtutes vtrasque has exposuerimus, discriminaque adnotauerimus, age ad vtriusque vim

explicandam accedamus, & disciplinam comparandam, ac de legifera ante agamus. Qui igitur ad ferendas leges animum adiecit, necesse habet Minois institutum tenere. ferunt enim Minoem annis nouem Gnosio in antro latuisse, ibique legum ferendarum rationem à Ioue sumpsisse. Alij singulis quibusque nouem annis exactis, illuc inuadentem, leges, de consilio, & sententia patris corrigere solitum, atque easdem interpolare. namq; ancipiti sensu locum hunc de Poeta interpretantur.

Illic ubi Minos

Nouennis latitans legum primordia sumpsit

Ac summi praecepta patris.

Et verò nihil ibi aliud Homerus voluit innuere quàm hoc. Nam quum hominū natura suis opibus nitens, opus hoc per sese nequeat plenè perficere, diuinam esse ei implorandā, qui leges cōdere vult: digna enim res est, ad quam perficiendam tantum, & tam grande auxilium requiratur, imploreturq;. Atque hoc primum. Alterum verò diligenter exquirere, atq; in numero quasi habere ceterarū gentium sanctiones, atq; vti solent statuta, distinctamque Rerump. notitiam, haud sanè omnium, sed earum, quæ latius sui fines imperij propagarunt, quæque suæ felicitatis statum diutius retinuerunt, quanquàm notum omnibus est hominibus, quibus hæc studijs quibusque laboribus comparentur, quodque minimè oporteat domi desidem semper sedere, quin longè à patria, peregreque proficisci, scilicet vt Græcorum pariter, & Barbarorum leges atque instituta is cognita habeat, nāque est legumlator iudicialis artis quasi architectus. Quod si eius administro (dico autem iudici) tot res agitandæ sunt, & peruidendæ quot quoque modo nuper dicebamus, quid nā tandem ei ipsi faciendum, conandumque? qui quidem non de lite vna quadam, de qua hodie, verbigratia, aut cras disceptandum iudicio sit, decernere debet, quin de cunctis illis, quæ cum nūc in disceptationem veniunt, tum etiam post annos, vt sic dixerim decē milia, venire poterunt, ac ne longum faciam, omni ope nitetur legum conditor, vt leges, quas condit, Reip. constitutioni omnibus modis respondeant, in hoc enim ciuitatis, atque ipsius Reip. salus tota, simulque felicitatis suæ perfruuerantia, & diuturnitas consistit: atque hæc de facultate legifera.

De Politica verò age eaggredientibus nomen prius definiendum est, inde autem de proposito, & officio, ac de ceteris, nota, & instituta ratio

ta ratione dicendum. Videtur itaque nomen hoc politici, id est ciuilis, ex eo esse nominum genere, quæ notione non vna, sed plurib. & varijs distinguuntur. Quippe cum Politicus homo is dicatur, qui neque se se multis negocijs implicat, neque magnopere aliena exquirat, quin suarum rerum satagens, legib. obtemperat, legumq; ad ministris, hi autem magistratus sunt & principes, atq; iccirco ciuillis iurè existimatur, ceu pacatus homo, & minimè turbulētus, aut seditiosus, enim vero apparet eiusmodi hæc omnia signo illi resonare, quod sublatū Resp. omnis spectat. Quin etiā si quis ita se in ciuitate paret, vt publica negocia prolixè, & libenter gerat, ad iudiciumq; subsellia, & curias idem vocatus, idem inuocatus frequenter adlit, is itidem politicus habebitur, eiusmodi namque hominem, etiam si rerum vſu magis, quàm intelligentia valeat (si forte ita eueniat) sunt qui ciuilem appellare soleant, sunt etiam qui curiosum. Veruntamē nos eiusmodi politicum in præsentia nō quarimus: sed qui non in ea modò ciuitate, quæ iam firmata sit, quæque rectè consultat, sed in quacunque hominum communitate, & cœtu, omni artium & virtutum genere, tam earum, quæ necessariae, & vtilis sunt, quàm quæ honorificæ, princeps atque architectus existat, quique sapientia simul, & prudentia ceteros omnes excellat, siue vnus duntaxat ipse sit, & solus, siue etiam plures quidam numero, tales vsquam reperiantur. namque hoc nihil in præsentia refert, sed illud potius refert, an quidem in hominum cætibus communia commoda isti habeant in primis, propria verò in postremis. Enim verò hominib. illis, qui sibi hoc assumunt, cōmunē vt hominū curā velint habere, eis dēq; imperare, hoc natura simul, & instituto institū gerāt necesse est, nisi enim sic cōparati huc veniāt, vt priuatis, & singularib. emolumentis, cōmunia antiquiora habeant, improbi certe homines, & rapaces cēseātur, nec sanē libertatis cōmunis, sed propriæ dominationis, atq; vtilitatis vindicet. Verum cū de Politici ipsius nomine, vitæque curriculo, quod sibi propōsitum semper esse debet, definierimus, age, de facultate ipsa, (quod restat) definiamus. Qui igitur facultatem hanc sibi acquirendam proponit, eademq; ad res illas, quæ opus sunt abuti concupiscit, quæ de Imperatoria agentes, nuper dicebamus, meminisse debet. Nam sicuti tunc hominem illum, qui sit designatus Imperator, debere facultati militari heroicam indolem quandam adhibere affirmabamus, pariter etiā nunc idem affirmamus, ciuili huic non eas modò, quæ sunt militis, atque Imperato-

ris facultates, & virtutes cum indole hac debere accedere, sed omnes artes præclaras, omnes virtutes, deniq; integram, solidamq; prudentiam, & sapientiam, idque adeo ex necessitate quadam longè maiore adhuc illa quidem, & fortiore, & merito. Namque Politicus non sanè partis cuiusdam communitalis huius curator, aut administer, iure utiq; appelletur, quin magis totius huiusce humani nominis tutor, & generis custos, cunctarumq; artium, earumq; illustrium, atque utilium cognitor, iudex, distributor, sicuti de moribus præcipere ordientes, statim docuimus. Primi enim, & antiquissimi Politici cum in sylvis, ferarum ritu, homines ævum degentes accipissent, moribusq; agrestibus imbutos, ad humanitatem eos transtulere, eumque in ordinem redegere, ut mansuetudinem, ac placidos mores, & instituta civilia degustantes, probantesque, hac vitæ iucunditate delectari cœperint, qua nunc nobis omnibus, qui cœtus, & ciuitates rectè institutas colimus, cum pace, & iucunditate perfrui licet. Idem primi, eam, quæ nunc nobis adest, felicitatem fabricati sunt, idem curamque, & cultum Deorum immortalium reperere, in quo felicitatis huius vis omnis sita est, & firmitas, & publicè & priuatim; id quod melius multò intelligetur posthac. Enim verò is, quem toto Iliados poemate Homerus virum efficere, atq; adeo perficere contendit, longo versuum tractu, qui tamen omnes vno fere concluduntur hoc.

Eloquio æquare ut posses, rebusq; gerendis

Ductores Danaum

Is procul dubio, & non alius ille est, quem nunc quærimus Politicū, qui vim dicendi iuxta, & agendi integram possideat, & sagacitatem, quæq; principes viros, & senatores magnoperè decet, calliditatem. Iam verò idem vates Herculem prædicabat ingentium, atque illustrium facinorum conscium hoc puto, suspicans. Prudentiæ, atque animi celsitudini, rerum gerendarum cognitionem, summam perspicaciam, necessariò ante vertere debere. Ex quo fit, ut hoc etià dubitetur vtrum facultas hæc, de qua nunc agimus politica, eadem sit, ac regia, neq; id prorsus ab re. Namque & signum idem ambo sublatum est, idem in vita curriculum propositum, denique, officia eadē. Ambo enim eò spectant, ut qui sibi subiecti homines sūt incolumes, & beati perpetuò sint, atque hanc ob rem ambo omnia conantur & moliantur, non tamen eisdem agendi modis. Regum enim opera longè maiora plerunque esse videantur, & magis illustria,

stria, quam hominum ciuiliū, tum quia in excelsō Reges magis ætatem agunt, tum quia perpetuo quasi magistratu funguntur, eoq; qui nulli causæ dictioni, nulli repetundarum actioni adstrictus tenetur, sicuti apertius noscere nobis licebit, cum de potestate hac tempus dicendi fuerit. Et quoniam amborum discrimen, in vno duntaxat agendi modo inesse compertum est, operæ pretium facturi esse fortasse videamur, si duo quæpiam harum facultatum strata pro exemplis capientes, seligentesque, ea inter sese ambo comparemus, sic namq; agentibus nobis facile fuerit, quæ similia in utroque sint dignoscere, & adnotare, quæq; rursus dissimilia. Sinto autem hæc Cyrus Persarum Rex primus, & Timoleon Corinthius, is inquam, qui Syracusas pariter, & Siciliæ oram illam omnem quæ à Græcis tenebatur in libertatem nuper vëdicauit: ergo ex vtriusque facinoribus facile apparebit, alter quidem omnium Regum ciuilissimus, alter verò omnium ciuiliū regalissimus. Cyrus itaque (id, quod notum omnibus mortalibus est, nec minus etiam historiæ restantur) quum Persas accepisset Medis iam pridem seruiētes, præ seruis illorū dominos hosce effecit, ita vt ij, qui antea seruitute, & imperio illo, quod per annos circiter ducentos tenentes, sese oppresferant, vna cum imperio ipso in ius, ac ditionem Persarum cesserint. Porro autem ea mansuetudine, eaque charitate populares suos prosequutus est Cyrus, vt vsq; in hodiernum diem, patrem ipsum appellantes Persæ perseuerēt, proinde ac Poeta, qui huiusmodi quoddam bonorum iudicium virorum Vlysi attestans, senem quendam Ithacensem inducit, procorum procacitatem atque importunitatem querentem, damnantemque sic.

Olim quam facilis regnarit diuus Vlysses

Excidit, vtq; pater cunctis mitissimus esset

De Cyro & eius moribus ad necessitudinem rei satis dictum Timoleon autem à Corinthiorum communi missus Syracusas, vt ciuitatem eam multis malis eriperet, iam enim secundo rem suā pessime gerebat; namque bello intestino à Dionysio crudeliter vexabatur, extra vero ab Iceta quodam Syracusano, & Carthaginienlib. more hostili agebatur, & ferebatur: hisce igitur ambob. tā grauibus incommodis, momento ferè temporis remedium attulit Timoleon, nāq; Icetam, & belli eius socios admirabili audacia exemplo adortus, exturbauit, & disiecit, Dionysium verò fide data cū cepisset, Corinthum statim auhendū curauit, atque urbem ipsam Syracusas in-

quam

inquam modo non solo æquatas ob frequentes calamitates, rursus instaurauit; ciuib; quidem, qui diluuiò ex illo supersuerant, rursus in vnum collectis, & reconciliatis, pro eis verò, qui nulli resisterat, nouis conscriptis, & consociatis. Cumque rem Syracusanam restitisset, statumque ciuitatis confirmasset, ad ceteras, quæ in insula restabant adhuc Græcæ ciuitates, se vertit; quarum cum ita nonnullas affectas cerneret, vt earum visceribus domestici tyranni inhærentes, eas more suo dilacerarent, alias verò Barbari diriperent tributisq; exigendis exhaurirent. Tyrannos quidem partim suadendo, partim malo, & armis cogendo, ad extremum omnes in deditiõem redegit. Porro Carthaginenses, cum eis nec opinatò incidisset, ac semel, iterumque, & tertio denique eos profligasset, ferè omnes occisione occidit, & quos viuos cepit, sub corona vendidit, ita vt cum abundè foret debellatum, agros omnes, quos Græci hætenus in ea insula possederant, liberos, & vacuos proprijs dominis reliquerint. At enim vero hæc ingentia atque admirabilia, inusitataque fortitudinis, & prudentiæ certè insuperabilis argumenta, veruntamen illud longè omnium admirabilius, vtrum eum, qui cuncta hæc perpetrauerat, quiq; eorum omnium votis & vocibus, in quos amplissima hæc, & maximè memoranda beneficia contulerat, Rex creabatur, & renunciabatur, dignitatem hanc eiurasse, hanc dico, qua de quicunque mortales homines, hominibus aut præstant, aut quocunque modo præstare possunt, atque excellere, inter se continenter digladiantur. Vtique hanc ipsam semel adipiscantur, adeptique potiantur, nullas ærumnas recusant, nullis hominibus, nullis impendijs parcunt. Hæc de Timoleonte, nos ceterique Græci audiimus, ac modò non oculis ipsi inspeximus, eoq; libentius fecimus, vt cum optimo Rege virum hunc componentes, haberemus vnde nam illustre, atque euidentis discrimen Politici, & Regalis hominis, in medium afferremus. Atque hæc de facultate ciuili, sequitur posthac vt agamus de Regali.

LIBRI IX. POLITICORVM FINIS.

KYRIACI

KYRIACISTROZÆ

DE REPUBLICA.

LIB. X.



DE Regia ergo facultate, ac de ipsius comparandæ modo differere instituētibus, de regno prius dicendum esse videtur, primumque ecquonam modo apud mortales homines initio extitit, post autem quod principali subiicitur, magisq; adeo, & pressius monarchiæ, quodq; potestas hæc mortaliū hominum lites distrahere nata est, sedare discordias, seditionibus finem certum, ratumq; imponere, nullis rationibus reddendis obnoxia, nulli repetūdarum iudicio, proinde, ac neque domestica patrum familias iussa, & præcepta. idque iure, namque regia maiestas paternæ potestati & excellentiæ, ex æquo, uti olim diximus, videtur respondere. Itaque meritò Poëtæ prædicant Iouem patrem hominumque deūq; . Nec minus cum Reges ipsius alumnos memorant, quodque humani fastigij column, solium regale, atque eius maiestas sit, quippe cum ei ipsi omnia hæc resonent, ceu perficienti, & exæquant, in quadrumque, ut sic dixerim redigenti, quæ incondita, & inconstantia apud homines sunt, erroresque, & peccata omnia corrigenti. Videre enim est gentes illas, quæ haud prorsus temerè vitam suam instituere, ordine quodam rem communem ponere, nonnullosque magistratus, necessariò sibi præficere, ac propterea dicere solemus qui in ordine, interpretantes, magistratus, & principes, qui priuatis ritè imperant, & subiectis consulunt, denique qui in hominum cœtibus, & conuentibus, res illas, quæ nec definitæ sunt, quæque temere iacent, & confusæ, eas in ordinem redigere, legum cancellis vallare, recteque disponere, & temperare operam dant. De alijs itaque ordinibus, ac principatuum formis, & comparandi modis, abunde, ni fallor, definitum hæcenus est. Verum de Regia potestate dicere nunc incipientibus, subit animum quærere hoc, unde, & à quibusnam homines ij, quos Reges nuncupamus, vim hanc, atque auctoritatem accepere, qua præditi munia humana perficere possent, eademq; intrepide, & fidenter ex-

K k k

pedire,

pedire, praesertim primis, priscisq; temporibus. A nemine quidem certè alio praeterquam ab ipso Deo: Modus autem quomodo factum hoc fuerit, à quodam è maioribus nostris, lepido certè enigmatè, indicatus fuisse videtur, ait enim ille. Iam certo cognoscens Saturnus nullius mortalis hominis ingenium, quod omnigena, & absoluta praeditum potestate, ad rem humanam gerendam veniat, ita idoneum per se se existere, ut non superbia simul, & iniquitate imbutum huc properet, hæc ille noscens, & reputans, Reges, & arbitros cæcibus nostris præficebat, non quidem mortales homines, sed melioris prosapiæ, ac diuinioris dæmonas, dæmonas puto appellans viros illos, qui probitate, solertia, sagacitate cæteris mortalibus præstant. Enimvero credibile est, eiusdem quosdā mortales post eluuiōnes, incensioesq; terrarum, postq; alia pestifera quædam incommoda (sicuti amat definitis an indefinitis temporibus euenire) è tenebris illis, ceu noua quædam luminaria, emerxisse, eque ijs quosdam manuum robore simul, & æquabilitatis cuiuspiam obtentu, alios verò vim persuadendi tenentes, vel extinctarum olim artium vestigijs vestigandis, & reliquijs colligendis insistentes, multa, eaq; commoda, & præclara, tanquam igniculos è cineribus excitantes, hominibus illis qui vitam tunc de integro viuendam reprehenderāt, demonstrasse, cumque hæc secundum res, mirabiles quidam apparuissent, ac Dijs modo non æquales, & pares, dignos fuisse habitos, qui diuinum hoc præmium primi acciperent. Nempe haud incredibile fuerit, neque à communi exultatione prorsus alienum, eos homines qui cunctis vitæ commodis priuati, miserè victitabāt, quiq; grauius omnia & horrenda, se se vndiquaq; vrgentia formidabāt, viros illos in primis probasse, & suspexisse, qui quidem non pauca ex eis, quibus in præsens indigebant, bona sibi suggererent, quæ autem nocitura, & nunc, & posthac esse videbantur, ea amolirentur, & depellerent; atque iccirco putandum Medos, Deiocem, primum regem salutasse, quia scilicet singulare quoddam iustitiæ, & probitatis specimen, dum priuatis adhuc ætatem ageret suis popularibus dabat, litesq; & controversias omnes ad se delatas ex bono, & æquo diiudicans, statim sedabat, ita enim fama, & literis de eo accepimus. Iam vero Persas alta Cyri indoles, atque animi robur, ad parem dignitatem potestatemq; sibi deferendam inuitauit, & merito. Nam cum in fide, tutela viri huiusce se, suaq; omnia ponerent, Medorum quidem, quibus olim seruiuerant, domini existerent, non multo autem

autem post Asiæ totius Imperio potiti sunt. Quin etiam, Theseus easdem ob causas, quanquam non primus Athenarum Rex ipsis tamen Atheniensibus omnium eorum, qui ante se regnauerant, maximè admirabilis apparuit, tum quia strenuus erat Imperator, tum verò quia ciuilem institutionem præclarè callebat. Nam quum populum Atheniensem accepisset, per vicos, & curias prisco more dispersum, sæuoque, & enormi tributo à Mino, & Gnosijis vexatum, vtrisque his malis eos eripiens, pro agrestibus, & subiectis, & ciues, & liberos effecit Athenienses. At requirat aliquis à nobis, eccurnam tandem Athenienses, ac ceteri Græci ferè plurimi, & regna, & reges, quibus regnantibus res suas benè, & præclarè gesserant, sedantes, legum auctoritatem valere maluerint, libertatemque dicendi, & faciendi amplexi, magistratibus quibusdam temporarijs, repetundarumque iudicio obnoxijis, res suas populo potius commiserint. Verum nos, & si rem hanc aliqua ex parte in superioribus disputationib. attigerimus, haud tamen dubitationem proposità sine dissolutione in præsens relinquemus. Duo itaque rei huiusce capita, eaque necessaria, neque admodum obscura esse comperiemus, ac prius quidem: nam quum superiorum regum minores mollitie, superbia, procacitate, à teneris imbuti, regna capefferent, atque in odia subiectorum, ob hæc vitia incurrerent, ad supplicia, interdum sæua, & iniqua confugere necessario cogebantur, atque hinc fiebat, ut non pauci è subiectis, aut mortibus afficerentur, aut solum vertèrent, quoad vel multitudo vniuersa, vel quispiam vnus, aut numero pauci, animos iuueniles gerentes, ac maiore sui fiducia elati, quippe quos libertatis constituendæ amor acrius tangeret, talem pestem è medio tollerent, vel quia regia omnis stirps per sese tandem deficeret, sicuti de Cyri familia accepimus. Nam quum Cyrus quotquot reges ante se fuerant imperatoria virtute superasset, summaque charitate, & beneuolentia popularium suorum curam (vti diximus) cultumque suscepisset, atque eorundem commodis studuissent, idem tamen rectam disciplinam attigisse non videtur, nec rei domesticæ animum applicuisse. Nam quum ætatem omnem bellicis expeditionibus occupatam ageret, liberos suos mulieribus educandos tradidit, ex verò ceu beatos à teneris, atque ad eò à primo statu fortunatos existentes, rerumque nullarum indigos, quas primas mortales putant, educabant, cumque prohiberent quenquam vlla in re eis, ceu vsquequaue felicibus aduersari, quin laudare

κ κ κ 2

cogentes

cogentes omnes quicquid dicerent, facerentque, tales quosdam educarunt, quales fama, & literis, eos fuisse accepimus. Namque maior natus Cambyses cum parenti in regnum successisset, primum ausus est propriam sororem, legibus vetantibus, uxorem ducere, nec multo post fratrem natum minorem occidere nomine Smerdin, multosque alios Cyri socios, & familiarissimos trucidare, Smerdis autem parem fratri nactus disciplinam eisdemque imbutus moribus, patre iam ab humanis digresso, haud sensit dominum se pro fratre commutasse, ita ut non minus ob pravam disciplinam, quam ob regni affectati suspicionem, existimetur à fratre fuisse è medio sublatus. His ergo animaduersis, oportet bonum regem, non eò solum animum intendere, neque id vnum spectare, ut Imperij fines quam latissimos filijs propaget, sed etiam ut viam eius regendi illis ostendat, artesque verè regias doceat, idque eo acrius, & diligèntius quam singulares homines priuati, quo illi quidem, timore, & legibus à peccando, atque ab inferendis iniurijs deterrentur. Regum autem liberi, & successores, legibus soluti, & legum, & iudiciorum domini existunt: quod igitur regna olim desierint, ac pro eis Resp. excitatae sint, & constitutae, caput hoc primum esse videtur. Alterum verò namque ciuitatibus augescentibus, mutuaeque commercia, & mercatus celebrantibus usu, & periclitatione homines eruditi, diuitesque, & sagaces effecti, ad dicendi, & faciendi libertatem animos magis applicabant: quod autem varia, & multiplices rerum facies temporibus illis exorirentur, hoc propterea fiebat, quia singulae quaeque ciuitates, & gentes eiusmodi probabant institutiones, cuiusmodi suis ingenijs, & locis, & moribus, fortunis denique commodiores fore censerent. Vni autem omnium Graecorum Lacedaemonij, solij huius maiestatem conseruauere, illamque adeo nominis magnificentia magis, quam stabili, & certa rerum expediendarum autoritate, namque apud illos dignitas haec nec potestate usquequaque absoluta fuit, nec repetendarum prorsus immunis remansit, id quod in superioribus disputationibus etiam adnotauimus. Itaque quum plures iam hoc digni honore inuenirentur, atque ad vnius singularis hominis obsequium male comparati, quippe quia hoc seruitutem proximè accedere arbitrabantur, pleraque ciuitates Graeciae, singulare hominum principatus in Resp. transtulere. quanquam non raro accidebat, ut post talem hanc statuum mutationem Tyrannides aliquot in liberis ciuitatibus pularent, & potentatus, praesertim

tim in Sicilia, in Ponto, in Italia, cum scilicet publici prouentus vberiores essent effecti, atque ut has, hi quidem tolerarent, illi verò opprimerent, prout cuiusque virtus ferebat, aut fors. Cæterū Barbari quæ initio regna, quosque singularium hominum potētatus semel admiserant, hos prolixè, & libenter custodiebant, tum quia insolētes libertatis erant, tum quia gerendis bellis tutius censebant, vnicum Imperatorem sibi præficere, penes quem totius reip. **summa** esset, quàm pluribus uti, potestate paribus, autoritate infirma, denique talibus, qui quidem repetundarum formidine, ac reddendæ rationis perpetua suspicione deterriti, neque oblato tempore quicquam extra ordinem aggredi auderent, nec grandibus facinoribus animosque, & manus possent applicare: iccirco igitur à singulari viro, nec non à scemina etiam, quandoque regnari, omnes ferè maluerunt. tanquam hoc ab ipsa natura persuasum ipsi haberent. Atque huius persuasionis, naturalisque opinionis argumentum ingens, & euidentis Persæ attulere. Nam quum extincto Cambyse, libertatem condere eis liceret, ac nouis legibus Remp. temperare, præsertim regia stirpe per se prorsus excisa, sæuoque Imperio à Cambyse habitis, tamen vnus Imperium libertate, & legibus, prius & potius arbitantes, id ipsum rursus recipere, atque hoc recepto, & confirmato, reliqui illi sex procures agnouere quam grauiter peccassent, quaque incommodè rebus suis consulissent, namque pro miti rege, proque legum, & libertatis vindice, qualem fore sperauerant, dominū immittem, atque ex legem omnino experti sunt Darèum. Tale igitur Barbarorum ferè omnium propositum; soli autem Carthaginenses libertatem, legumque Imperium, per longum tempus deducunt, vsque in hodiernum diem, integrum, illibatumque conseruant. Verum nos postquam de regni origine disseruimus, de scopulo signoque tublato, ac de officijs disseramus. Optimi itaque regis officia, eaque prima, & præcipua tria esse videntur, imperare, iudicare, rem diuinam facere, atque hæc omnia ad vnum sublatum signū contendere, ut scilicet qui populi, quaque gentes Imperio eius subiectæ sunt, vitam cum virtute, & probitate coniunctam degentes, præclarè, & feliciter agant. Idque adeò vnico verbo Poëta regibus, quā diuinitus instinctus denuntiavit. *ἵνα λαοὶ ἀρετῶσιν ὑπ' αὐτοῦ* nil aliud verbo hoc ἀρετῶσιν significans, quam ut felices, & beati euadant, & permaneant, id quod absque virtute eaque perfecta, nemo potis est adipisci, sicuti sæpe & clarè ostendimus: Qui ergo Regem

Kkk 3.

optimum

optimum proficebitur, idem hic optimus erit Imperator, idē optimus Iudex, idē optimus Sacerdos. Quod igitur ad Imperatoriā facultatem & iudiciariam comparandam pertinet, & decenter exercendā, quæ præcepta superius exposita à nobis sunt, quæstioni huic fortasse satisfecisse poterant videri. Veruntamen quoniam rex Imperator quidam liberæ, & absolutæ potestatis est, iudexq; idem summè perfectus, & certus, haud ab re facturi esse videamur, si præceptioni illi, quæ de facultatibus his tradita nuper fuit, nōnulla præterea adiungamus, atque aliquantō pressius de eisdem his differamus, namque de rei diuinæ curatione, & cultu, loco proprio dicetur posthac. Hæc igitur tunc considerantibus nobis videbantur Imperatoria munia, & bellicæ artes cum liberis ciuitatibus tū populis, tū regibus omnium esse antiquissima, ac necessaria maximè, atq; in primis militum delectus; præsertim ille, qui rectè, & ordine sit descriptus, ordo autem, & modus nō vnus duntaxat, sed plures reperiēbatur: ac primus militū mercede conductorum, quo autem Xerxes usus est, quasi secundus, tertius, qui à Cyro, atque à Philippo, denique ille, quem Aegyptius rex omnium primus excogitauit, & præstitit, quarto loco videbatur numerandus. Iam ergo primus ille, etsi omnium facilimus, atque in communi expositus, idem tamen Tyrannicus potius quàm regius, aut ciuilis censendus est. Nam præter quā quod mercenariorum fides suspecta semper fuit & lubrica, illud etiam accedit incommodi, quod ingentem pecuniarum vim peregrinus miles desiderat, quibus postea aut deficientibus, aut tardius persolutis, quæ hætenus effusæ sunt, frustra effusæ esse videntur. Quem autem modum Xerxes in Græciam inuadens tenuit, vniuersos orientis populos quos imperio premebat, ritu magis pecudum propellens, quam belli more, iustique exercitus ductans, impendio, barbarus, insolens, superbus, maximeque turbulentus, denique illo belli exitu, quamq; omnium maximè memorabilem cladem retulit, haud indignus. Sed ratio, quam in re hac perficienda Aegypti rex iniit, & tenuit; ea quidem certè mirabili quadam prudentia excogitata fuisse videtur, ac fortunæ fauore confirmata, hac qui vti potest, semper vtor, hanc proximè illa accessit, quā Cyrus, & Philippus primi ferè probauere. Ambo enim reges, hi cū de suis popularibus, eos omnes tyrones deligerent, quos maximè omnium bellicosos, se se effectū ire sperarent, hosce omnes regio more educandos curauere, reputantes vtrique, eum regem, qui potentiam

tiam expetit quique egregijs, ac memorandis facinoribus faciendis habilem se agnoscit, nulla re magis indigere, quam eiusmodi militum manu, qui rectè ducti, atque educi sint. Scilicet, ut copiae suppetant bellis omnibus, proprijs ac domesticis armis, gerendis, atque administrandis, neque pecunias in militem mercede conductum profundens, fiscos exhauriat, haud ergo mirum si ex amborum regum horum delectibus, Cyri inquam, & Philippi, non milites solum omnium strenuissimi, suisque Imperatoribus obsequentissimi extiterent, verum etiam summorum Imperatorum, regum, & ductum, quasi examina exiliere, ceu ex alucaribus, ut sic dixerim, quae solertes melitturgi, & curauerint, & pauerint. Atque orationi huic, non eamodo facinora faciunt fidem, quae ampla, & illustria ambo hi reges patrauere, dum in vita retinebantur adhuc, sed etiam quae post illorum mortem, à suis successoribus patrata fuere, constat enim Cambysen, licet mente haud bene constanti, ijs tamen copijs, quae ex vana illa, eaque extrema parentis Cyri clade superfuerant, Aegyptum, multasque alias bellicosissimas gentes, in deditione subiigisse. Porro & Darëum, qui huic successit, eisdem copijs, iuncto nauibus Bosporo, ac Danubio ponte instrato, Scytharum gentem, haecenus à nemine bello lacessitam, primum omnium lacessisse, quaquam nimirum fortasse audacter, & parum feliciter, lacessisse tamen. At verò Alexander Maledonas Philippi patris alumnus cum in Asiam adduxisset tribus illic prelijs debellauit. Itaque cum eis se gessit, ut innumerabiles, atque haecenus ferè impietas, magni regis copias proculcasse magis, quam iustis aciebus vicisse videtur, denique Asiam ferè vniuersam, atque Aegyptum eadem commilitonibus occupauit, atque in prouinciae formam, sicuti audimus, redegit. Enim verò ita se res habet, ut qui delectus semel fuerit prudenter descriptus, ac solerter initio institutus, inde conuenienti disciplina deinceps habitus, valeat reges, ac belli duces admirabiles reddere, suisque subiectis non minus charos, quam utiles, ac denique celsitudinis adducere, ut (quod ait Lyricus) pro mortalibus gloria aeterni fiant. Quo etiam magis mihi videtur Cyrus & Philippusque mirabiles, qui quidē ut Imperatores optimos decebat, ac strenuissimos eiusmodi rationem, cuiusmodi exposuimus, in milite deligendo, eodemque fingendo, & probando tenuere: Quippe minime enim ignorabant, regiam amplitudinem, & prudentiam, modum hunc maximè decere, eundemque ad subiectorum animos praesertim gentilium, & popularium summa charitate &

tate & beneuolentia, perpetuo obstringendos, mirum quantum aptum esse, & appositum: nam quum suis in animis hoc sibi milites infixerint, ducem ipsum omnia & facere, & perpeti, non minus ipsorum met gratia, quam proprii compendij, aut nominis ergò, nūquam nec bellantes, nec male patientes, animos despondeant, quin hilarè, & libenter omnia ei suggerant ipsasque animas, & sanguinem pro eodem effundant, ne dum bona, & pecunias. Cæterum ut rationem hanc tandem concludamus, necessarium esse affirmamus, regem pariter, ac subiectos cum animis suis hoc reputare, quod sicut in illa ciuitate, quæ legibus suis regatur, & libertate fruatur, communis institutio, & salus, ceu ciuitatis vita, in principum mentibus non vnus quidem illis, sed pluribus distributa, fereque dispersa est, ita & hic, altero quodam modo longe illo quidem meliori, & efficaciori, in vnica duntaxat regis ipsius mente, subiectorum institutio, & salus insita, & infixata est, quodque illa incolumi, & constanti, cætera omnia rectè, & ordine procedunt. Hac reputatione nonnulli, à conferenda in prælijs manu reges deterrent, dumque acies concurrunt, eminus, atque in tuto consistere eis suadent, haud enim æquum censent publicum decus, atque vniuersorum salutem, vnius Regis anima, belli casibus exposita, in discrimen esse agenda, quippe quacunque clade accepta vel quam pluribus desideratis (id quod etiam nos dicebamus) haud magnopere regnum læsum iri, modò Rex ipse restet incolumis. Confirmant hoc Adrausti exemplo, eoque illustri: hunc enim aiunt, cum malè ad Thebas gesta re, solus inde euasisset, atque incolumis restitisset, haud multo post bellum cum Thebanis renouasse; contra vero si quid Regi incommodi accidat, aut resstante fortuna, in fraudem aliquam ipse incidat, tunc Kemp. omnem pessum ituram, id quod Cyro iuniori accidisse memorant. Verum enim uerò utrum sic, an secus fieri hoc debeat, & deceat, temporis momenta, & fortunæ vis, ac prudentis viri in re præsentis consilium, verius, ac certius diiudicare poterunt, quam instituta hæc à nobis disputatio, præsertim cum Poëta, & manu promptum, iuxta, & consilio validum Agamemnonem fuisse affirmet. Quoniam verò militaris natio ingenio plerunque elato, & turbido est, atque ad superbiam, & auaritiam declinato, oportet regem vtraque tempestate, belli inquam, & pacis, ita cum eis se gerere, ut neque blandè, neque humiliter eos accipiat, quin fenerè, & magnificè, atque uti suam maiestatem decet: Et verò sicuti Persæ, quosdam è regijs ministris regis oculos nominabant

minabant, atque alios fortasse aures, itidem & regē optimum oportet eos, qui sibi adstant, ita omni tempore comparatos habere, ut multorum oculorum, multarumq; aurium, & manuum, & pedum, usum assidue, prolixēque sibi exhibeant, ipsum verò eiusmodi sese (vti diximus) eis exhibere, ut nihil quicquam vel adulatione, vel timore adductus faciat patiaturve: Nam qui sibi hoc in animo infixit ut verè regnet, non autem ut Tyrannum se se exhibeat, nihil prius, aut fortius agat, quàm ut iustitiam, & æquitatem colat, omnibusq; tum dictis, tum factis eximiam animi celsitudinem præ se ferat. Mars enim (aiunt) Tyrannus est, lex autem omnium domina & regina, iuxta Lyrici sententiam, præterea Homerus eos reapse reges esse existimat, non qui visceribus miserorum, atque atro sanguine vescuntur, sed qui iure, & legibus à Deo acceptis, hæc tuentur, & seruant. Idem Iouis familiarem appellat, non qui omnium esset iniquissimus, atque immanissimus, sed qui æquitatem imprimis, humanitatemque præstaret. Quanquam haud omnino sat est eiusmodi se se regem vnum præstare, sed oportet etiam eiusmodi illos exhibere, qui eum circumstant. sunt verò ij, consiliarij, iudices, qui à libellis, prouinciarum ciuitatumq; præfecti, belli duces, tribuni, deniq; vniuersum aulæ ministerium, nempe, his legendis, probandis, corrigendis, faciliè atque apertè cernere est ecquinam sit regis animus, quæque mens, denique quid de vniuersa regni administratione sperandum sit.

Idcirco itaque nos cum existimemus iam de studijs, atque institutis bellicis abundè esse disceptatum; ad pacis studia, & instituta orationem conuertamus, nāque duæ hæc tempestates regiam potestatem videntur totam comprehendere, & definire. Cardo autem questionis vertitur in modo illo reperiendo, quomodo Rex se aduersus subiectos gerens optimus habeatur, & laudatissimus, addemus præterea, & venerabilis. Et verò questio hæc in varias opiniones scinditur, propter illos qui in diuersa rapientes hæc, modum vtrinque excedunt; nam quidam, hominum multitudinem vituperantes, atque obterentes asserunt, populum esse turbam infirmissimā, hebetissimamque, & agitabilem maxime, præterea summe ingrati. Porro alij beluam multorum capitum fingunt ingenti temeritate præditam; atque hæc dicta, atque adeo maledicta, grauib; sententijs confirmant. Quoniam enim ita natus homo est (aiunt) itaq; factus, ut sibi obsequandam in vili habeat, in vili habentem suspi-

LII

ciat,

ciat, iccirco oportere legum conditores, principes, & reges rerumque potentes, tales populis leges imponere, quæ ad morem acerbiorē vergant, potius quàm ad molliorem, magisque placabilem: atque iccirco perpetuis tributis vulgus fatigandum, vrbesque, & priuatas domos exhauriendum, vt in rebus necessarijs comparandis exerciti, deque victu quotidiano semper solliciti, compressos spiritus atque humiles gerant animos, neque reb. vllis nouandis studeant, sicuti in superioribus disputationibus adnotauimus. Alij verò ex aduersum, homines nos natos meminisse debereque humanè, & benignè hominibus imperitare, neque per simultatem subiectos Echeti more lacerare, affirmantes minimè omnium principibus conducere, nec decere sauitia, & crudelitate erga subiectos vti. Ita enim heros, atque iniquos dominos, in eos sauire, qui ditionis suæ sunt: Namque sic mortales vniuersos natura esse comparatos, vt publicè, & priuatim assiduè labantur, & errent, quippe quibus neque lex, neque timor vllus tanti est, vt eos à flagitijs faciendis arceat, quippe cum neque etiam mors hoc possit efficere, aut ergo morte validior excogitandus est terror, aut hæc frustra est, ecquænam tandè tam ferrea lex ferri (aiunt) poterit, aut terror tã vehemens obtendi, qui frenos libidini indat, & dolori, quorum alterum quidem est malorum incitamentũ, alterum à bonis auersio, quid porrò audacia, & formido, ambo inconsulti consultores? hisce accedit furor implacabilis, & fallax spes, quæ à rationis sensu disiuncta, & cum libidine coniuncta, nullum non graue facinus attentauerit, quamuis subito Oportet itaque Reges, ac ceteros humani generis arbitros, hisce affectionib. & perturbationibus cognitis, quæ necessitate quadam naturali in animis, atque ipsis etiam in corporibus, nonnullæ inhærent, inusta quæ, vt verius dicamus, sunt, oportet inquam nonnulla peccantium flagitia, atque eorum qui haud extremè perditī sunt, iniquè facta videntes, interdum, nec videre, & audientes, nec audire, aliaque humano more persequi, & mediocriter punire, vti que monet Lyricus.

Manum mollem adhibentem, Vlcis os attrectare, Facile quidem enim ciuitatē concutere, vel vilissimo cuique, at in sedem pristinam rellituere difficile præsertim statim, nisi principibus Deus gubernator affuerit. Ceterum vt ad pauca redeam totamque rationem iam concludam, necessarium ei esse aio, qui sibi hoc assumptit, vt omnino regnet, in homines illos, quorum malefacta corrigi queant

queant, neque iusto asperius, neque inhumanius sœuire, illorum autem conatibus acriter resistere, quorum scelera, præterquam quod nullam medicinam admittunt, rem etiam publicam, & priuatam labefactant, itaque hosce insectari, itaque eorum audaciam frangere, vt nulla labe, nulla macula, neque in ciuitate, neque in regno, quoad eius fieri potest, resideat, quin totius Reipublicæ quali corpus sanum, atque incontaminatum permaneat; permanebit autem, si secundum hæc regni administratio eiusmodi fuerit, in qua nulla suspicio subsit, aut fiscos quocunque modo referendi, aut cædes facile faciendi, aut denique ullius in subiectos similitatis, & odij exercendi, explendiq̃ue. Quoniam vero moris eiusdem est, iniquos, & maleficos homines omnes, modis omnibus insectari, & vlcisci; & qui rectè faciunt, ac regem ipsum beneficijs afficiunt, splendidis donis, vt ait Pindarus, aggredientem remunerari, itidem oportet regem partem hanc diligenter ante curare, hoc certò scientem, quòd vbi præmia, & pœnæ rectè, & ordine procedunt, ac pro cuiusque merito distribuuntur, necesse est illic virtutem continenter exerceri, ac felicitatem in æternum propagari, id quod signum illud propriè attingit, quod reges in primis sublatum spectare oportere, tractationem hanc initio ordientes dicebamus. At enim cum vix conuenire hoc possit, vt homo quispiam, qui solo more, eoq̃ue philosophiæ ignaro, superioris vitæ tempus exegerit, in hisce omnibus omnino collimet, vtique decet, subiectos regat, necesse prorsus esse videatur, designatum regem, philosophiam omnem mente & intelligentia comprehensam tenere. Nempè philosophia vna, artes omnes, omnesq̃ue virtutes complexa, modo rerum vsus ei adlit, sola potis est res humanas iuxta & diuinas ritè tractare, atque vtiliter regere: Rectè ergo dictum fuit, non prius hominum generi malorum modum, finemq̃ue statutum iri, neque felicitatem publicè, aut priuatim eis affore, quam cum aut philosophi regnauerint, aut qui reges nunc numerantur, & dynastæ, philosophiæ studiaplènè, & ingenuè celebrauerint, atque in hominum cœtibus excoluerint, inque vnum consenserint facultas ciuilis, & philosophia. Qui ergo aut rex designatus est, aut regnare iam incæperit, necesse proculdubio habet philosophari: Nam qui rex philosophari & didicit, & vult, id est proprio officio fungi, vt oportet, is oblati bellicis fortitudinem præstabit, simul cum sagacitate cõiunctâ in pacis studijs iustitiam, ac magnificentiam, cum humanitate, & æquitate,

te, denique verò sanctitatem aduersus Deos immortales pientissimò animo, & mente, in eorundem numè summa inclinatione propendente. Enimuerò hæc reapse Regia munia sunt, & heroica, & diuina. Ac de regia quidem facultate, eiusque comparandæ modis hæc sat sunt.

AT DE Sacerdotali, id quod tertium in quæstione positum initio fuerat nunc considerandum, huic pōtificalis quæ appellatur vti forma generi proprio subiicitur. Atqui de signo illo, quod sublatum spectat facultas hæc, nonnulla in superioribus disputationibus attigimus, & asseruimus præmium hoc ciuibus illis esse tribuendum, qui cetera excellunt, quique probitate simul, & sapientia in hominum coetibus principes numerantur. Decere enim dicebamus tunc, diuini numinis cultum, & venerationem eos homines suscipere, qui iam graues annis, molestis, ac laboriosis negocijs gerendis impares habentur; Veteres itaque illi, sicuti & alias curationes ad ciuilia pariter, & bellica munia pertinētes, Regibus permittobāt, itidē sanē, & hoc pietatis decus maximū videlicet & optimū: maximo tribuētes & optimo Verūtamen quū tēporū cursib. regna in eā amplitudinē iā euaderēt, vt singularis homo tot tantaq; negocia, solus sustinere non posset, pontificatum, & regnorum facta sunt diuortia, dignitasque pontificalis, ad eos est homines delata, qui secundum reges, omnium dignissimi habebantur & optimi. Argumētum longe euidens: Nam apud Aegyptios, qui cultu, & cerimonijs Dijs immortalibus adhibendis, ceteros mortales superare perhibentur, negant, hominem vnum singularem, eundem regemque, & pōtificem creari, quin discreta esse apud illos decora hæc. Quamquam nonnullis in Græciæ ciuitatibus postquam Regum pertesum, regium tamen nomen remanserit adhuc, vt solemnia sacra sanctè, & solemniter fieri possent, quod idem apud alias gentes etiamnum similiter seruari compertum habemus. At nos institutam rationem de integro reprehendentes, dicimus; vniuersæ sacerdotali curationi hoc esse propositum. Deorum immortalium numè venerari, & colere, omniq; ope niti, vt sibi ante omnia placatum sit, Sacrificulo inquam ipsi, inde benigna in populum vniuersum mente, & voluntate propendeat, atque ad ignoscendum parato eis, qui in fraudes aliquas fortè, ita vt sit, inciderint, idque adeo bona ratione institutū est. Nam quum mortales homines Deorum immortalium naturā
vique-

usquequaque bonam, ac prorsus intemeratam censeant, velintque ab ea beneficia accipere, atque id ipsum etiam sperent, omni ope nituntur, quicunque sanè ex eis rectis sensibus incedunt, ut ad preces fundendas adeunt, ad eorum similitudinem quoad eius fieri potest facti adeant, atque iccirco Eumæus aduersus Vlystem.

*Et delubra Deum subeam, atque altaria tangam
Sanguine sædatis manibus.*

Absurdum enim existimabat Eumæus virum sanguine, & cæde pollutum, atque omnino sacrum, & intestabilem, illuc aspirare, atque iccirco rectè dictum fuisse videtur, *A viro impurato neque Deum, neque virum bonum, dona accipere fas est.* Hinc ergo cædium, & ceterorum scelerum expiationes lustrationesque cum apud Græcos, tum apud Barbaros inuenta, atque usurpata olim sunt, quarum, quicunque scelerum affines homines, compotes euasere, audacter post hac petunt, precibus, quæ libi bono futura esse sperauerint, quippe qui sese haud indignos iam censeant, quibus diuinæ opis, & gratiæ, conditio eadem pateat, atque ante admissum scelus patebat. Quanquam quidam vltius etiam prouecti, nec rebus præsentibus contenti, ut euenta futurorum noscant, vaticinam famam exquirunt, & somniorum interpretationes, Delphos proficiscentes, Trophoniarum subeuntes, Branchidas sciscitantes, denique quocunque gentium properantes, vnde aliquam diuinam prædictionem sese acceptum ire confidunt. Verum enim vero quid nam tandem politici de hoc, dico autem de rerum futurarum euentis, vtrum scrutanda sint, nec ne statuens, rectè statuisse videatur, post hac fortasse à nobis dicetur, interea autem hoc solum dicendum, qui ita animati sunt, ut rerum exitus diuinatione cupiant præuerrere, videri istos sapientissimi Poëtæ præcepto aurem commodam nunquam præbuisse, huic scilicet.

*Prudens futuri temporis exitum,
Caliginosa nocte premit Deus,
Ridetq; si mortalis ultra
Fas trepidat.*

hæc Pindarus.

Quinam igitur sacerdotalis facultatis scopulus sit, in quem intuentes, eos omnes collimare oportet, qui rerum diuinarum curam cultumque susceperunt, dictum iam est. Nunc autem de officio dicendum, deque instrumentis, & suppellectile, denique de omnibus ceteris,

L. II. 3;

quæ

quæ curationi huic necessaria sunt hæc ferè omnia per paucis carminibus complectens Homerus ait.

*quoniam placantur, & ipsi
Dij superi, quorum virtus, vis, rebera vite
Omnia sunt nostris meliora, priora, sed illi
Placantur tamen efficjjs, sacrisq, litatis
Et precibus, votisq, eadem si iusta feramus
Ignoscuntq, malis nostris.*

Hisce carminibus aperte cernere est quinam sit scopus quique finis sacerdotij, ait enim primum Deos esse placabiles, & flexibiles: inde verò modos addit, quibus nam modis, eos sibi placare, mentesque eorum flectere homines possint, & soleant, qui legum repagula transilierint, & flagitia fecerint. Igitur quicumque innocentia præditi sunt, & vacui à peccatis, ij sanè amici Deo sunt. Præstat itaque hosce, & tales in primis sicuti dicebamus cultum, & venerationem adhibere Dijs immortalibus, ac pro illis, qui tales non sunt preces fundere, numenque eorum propitiare, tum cantilenis, & hymnis, tum etiam omni musica ratione, & instrumentis. Iam si qui rationem hanc Deum propitiandi negent ullam in se habere utilitatem, quin studium omne, omnemque diligentiam frustra esse, eiusdem vatis de ipsa hac iudicium considerent, qui ait.

*Semper & assidue Diuum mortalia secla
Indiguere opis.*

Atque hæc quidem munia eius sunt. Instrumenta autem prima Aeditui, Sacrificuli, Legum interpretes, ac reliquum templi ministerium. Ab his Delubra, Septa, Luci, Altaria, omnis generis Vasa, Libri rituales, Indumenta, Prædia, & arua, quæ ita diuisa, & definita esse debent, vt ad victum necessaria eis hominibus abundè suppetant, qui sacris ritè peragendis continenter occupati sunt, sicuti etiam in superioribus disputationibus ostendimus, atque hæc omnia eis omnibus erunt communia, qui in hanc sortem, huncque in ordinem venerint. At restat nunc, vt de illo dicamus, qui horum omnium est Antistes, & Coryphæus, hunc si quis Pontificem summum appellet, neutiquam à vera eius nomenclatura aberraueris. Namque hic diuinæ curationis architectus, atque vniuersi cultus magister, eius autem scopulus, & si haud prorsus idem atque sacerdotum aliorum, haud
tamen

tamen ita ab eo est diuersus, vt omnino censendus sit alienus, quid verò inter sit ex vtrorūque officijs facile est intelligere, nam præterquam quod summus hic sacerdos, in placando, & propitiando Deorum immortalium numine pariter, ac ceteri laborabit, ac multo etiam vehementius, eius præterea partes fuerint, de solemnibus sacris solemniter peragendis, leges commodas ferre, eisq; latis prouidere, vt omnes tam priuati, & singulares homines, quam principes, & magistratus, illas pariter seruent: vtique solemnia sacra Dijs fiant, matrimonia copulentur, mysteria agantur, quibus locis vlrupata antiquitus sunt, ludique, & dies festi celebrentur, & mortuis iusta tribuantur prout ea sanxerint, & iusserint. Atque hæ partes primæ huius sunt. Proximæ vt sacerdotum natio talis semper esse comperiatur, qualē olim oportere esse dicebamus. Is igitur cum minoribus Pontificibus, ac ceteris, quorum curationis sacræ res sunt, quique in collegio eodem numerantur, in eum, qui in sortem sacerdotij venerit, acriter inquirat, nec eum ante comprobabit, quam integrum vitæ, & sceleris purum cognouerit, eoque matrimonio progenitum, vt ab vtroque genere, omnis labes ablit, tum cedis, tum ceterorum turpium facinorum, quæ tota genera; & familias inquinant, insensasq; dijs immortalibus perpetuo reddunt: Ceterum omnia hæc piè & præclarè disposita fuerint, diuinaque maiestate condignè, modo, id quod est omnium primum, & præcipuum, quodq; alia omnia huc pertinentia in se continet, vera, & certa ratione inueniatur, inuentumq; in apertum proferatur, est vero hoc, Diuinæ naturæ cognitio: cui quidem homines illos, qui temperantia, iustitia, pietate antecellunt seruire necesse est. Ante verò quam hoc ratione certa comprehendatur, nefas est, aut philosophari, aut leges vllas ad rem diuinam pertinentes sciscere; namque hoc ante experiri stultri certe, atq; arrogantis hominis est, nedum Politici, aut Theologi, aut Pontificis Summi. Atque ideo necesse est hac de re fusius aliquanto differere. Poetæ itaq; ac de antiquis quicunque, aut fabulas, aut picturas edidit, turbida superstitione, & miraculis fidē omnē excedentibus omnia nobis referta tradidit. Nam quum à Phrygijs, & Egyptijs, & Iheracibus, ceterisque alijs Barbaris gentibus maiores nostri ceremonias, ac cetera rei diuinæ instituta accepissent, eaque omnia vera sanctaque censeret, patrijs, sibi que solemnibus admi-

serere,

scuere, ex quo euenit, vt temporum cursibus, neque adeo longis, multiplices Deos Græcia veneraretur, & Dæmonas, ac dum suis, aut nouos aut alienas admiscet, ingēs superstītio in eā inuasērit, & ceremoniarum & religionis consilio. Ille enim inclytus Orpheus, ille inquam qui mysteria Atheniensibus demonstrauit, Corybantas, verbigratia, inuexit, alter quispiam Curetas, alius Telchinas, & Dactylos Idaeos, Alius porrò Metragyras, nescio quos. Denique omnigena Deūm, & Dæmonum monstra, quæ vel memorare etiam viro philosopho nefas. Quid quod præclarus Hesiodus, vt quæ fabulæ ætate sua de Dijs ferebantur, decenter absolueret, carminisq; lepore authoritatem eis adiungeret, Deūm ipsorum genituras, bella, pugnas, exilia, seditiones, denique innuptas nuptias, enormi impudentia vsus, carminibus tollenda suscepit. Ergo vatis istius sponte, industriaque didicimus, ecquis quem Deum genuerit, quoque modo quaque in terræ marisue, aut cæli regione, quæque quemque mater pepererit. At enim uerò Homerus horum omnium antesignanus, qui que vatis nomenclaturam sibi vendicat, & si multa, eaque perabsurda, communemque hominum existimationem exuperantia, & fidem, præsertim de tribus illis Staturni liberis prodiderit, quoque modo vniuersitatem hanc hæreditario iure, ac more familiæ herciscundæ inter se diuiserint, lepidissimis carminibus fecerit. Idem tamen videtur nonnunquam poetica quadam crapula (vt sic dixerim) edormita, & exhalata resipiscens, seque ipsū colligens, quædam haud omnino inepta, de natura diuina, ænigmatibus ea inuoluens cantare, quæque, & quàm grandis summi Dei potestas sit innuere. Ipsum enim Iouem, quasi in scenam inducens, fingit iubentem Deos ceteros auream catenam coelitus aptantes, omnesque mares iuxta ac fœminas eam detorquentes, periculum suarum vnius virium facere. Aenigmate hoc vates ansam nobis offert dignoscendi, quam probè intelligeret, quæ, & quanta huius mundi Imperatoris, ac temperatoris Dei esset potentia, & virtus existimanda. Porrò autem quod immortalis, & sempiternus, non ipse modo sit, sed tota eius familia, hoc etiam expresse docuit cum dixit.

Nam priuata dolore omni, priuata periculis

Ipsa suis opibus pollet.

Quid quod rebus nostris diligenter eosdem prospicere, piorumq; & impiorum rationem habere, idem ostendit, cum ait.

Nec

Nec facta impia fallacium hominum cælicolæ placent.

Cui etiam sententiæ, & Pindarus adstipulatur, quum senem illum sapientiæ præsidem in saltibus Pelij morantem inducit, vnum duntaxat Saturnium venerari, suadentem Achilli, ceteros potest habere. Atque hæc ea sunt, quæ poëtica natio obscuris, de more, vera inuoluens, nobis minoribus, de Dijs immortalibus, & eorum religione, & veneratione facta, tradidit. Veruntamen minimè omnium decet, ciuitarisque & legum conditorem Deorum immortalium cultum, & Antistitum munia ad amissim hanc exigere, dico autem poëtarum, & fabulorum, quin veritatis semitam summo studio, & industria exquirere, ac cætera omnia, quæ huc contendunt, indagare, vt quæ opus sunt perceptis, & cognitis, in omnibus valeat collimare.

Neque enim leuia, aut ludicra petuntur

Pramia.

Ingens igitur Politico ingruit necessitas, vt modum reperiat illum, quomodo pars hæc, quæ pietatem & religionem continet, reliquæ ciuitatis institutioni, conuenienter respondeat, namque parte hac decenter, & appositè ab eo constituta, & confirmata, præmunitur inter legum conditori, ad eam ipsam legum repagulis vallandam, & in æternum, vt sic dixerim, roborandam & stabiliendam.

Iam quidam è nostris maioribus de rebus his sic explicauit. Nam quum de natura Deorum immortalium agens, veram certamque rationem à primo instituisset, multa que haud certè inepta argumenta de Theologia collegisset, necessaria pietatis ac religionis fundamenta iecisse videri poterat, nisi longius orationem prouehens, quodam consuetudinis æstu abreptus, doctrinam, legumque compositionem, bene semel institutam, æque ac vulgares homines peruertisset, inque eam deflexisset, quæ & Politicum, & Legislatorem, veram pietatem profitentem, vique quaque dedeceret. Iouem enim, & Iunonem in medium adduxit, Dæmonasque in numero numero, & Herôas hisce adiunxit, atque hos non vno quidem è genere, vel vna ex familia, quin multiplici semine, vt poëticè loquar cretos. Quosdam enim fecit æthereos in hypeccaumate, quod dicitur sublimè habitantes (namque solemne homini est, quod nos hypeccauma nominamus, semper æthera appellare, diuinum verò corpus ignem) alios præterea aëreos, alios, vt ait Empedocles, humoris alumnos, fontanos scilicet & maritimos & fluuiatiles, denique etiam

M m m

sub

sub terris abditos. Iste igitur, quum Theologiæ fundamenta, eiusque puræ ut diximus, & sinceræ, iecisset hanc ipsam, superstitione vlitata, ac per longum tempus deducta admiscens, statim perturbavit, ac pene, vereque ante dictis fidem, atque authoritatem dempsit, istos omnes venerari iubens, legeque, talium numinum cultum, ac venerationem sanciens. Addidit præterea Iocinoris naturam sic splendidam, ut est, à Deo esse procreatam, ut vates, & extispices inde facile possent, *indicia occulta diuinæ mentis* (ut ait Lyricus) *perquirere*. Idque adeo extis adhuc spirantibus licere, spiritu extincto non licere. Verum enim vero nos quæ diuersa ab his fuerant antiquiora habentes, in omnibus à nobis institutis tractationibus perficiendis, à Poëticis fabulis abstinuimus, ac veræ, eidemque fundatissimæ Theologiæ ianisi sumus. Namque dum naturæ arcana scrutaremur, aperte ostendimus, Deum & naturam rem nullam frustra, neque attentare, neque efficere, utique existimatio hæc firmè, & stabiliter in hominum mentibus infixæ insideret, in hæreretque, rerum quæ sunt omnium primordia, & causas indagantes, omni ope nitēbamur, res illinc deductas rerumque ipsarum euenta, suis primordiis, & causis, & communiter, & propriè, quæque subiungere, atque ordine & modo, humanis mentibus eadem aptare, eatenus hæc scrutando prouehentes, quatenus ad rerum omnium Principem supremumque Imperatorem perueniremus, atque huic ipsi corporum animorumque cœlestium productionem, & conseruationem, vnà cum eis reb. quæ ortu, & obitu permutantur, acceptā referremus, atque in extremo epilogu hunc adijceremus Quoniā mundi, & rerum, quæ mundo continentur, ea est natura eaque conditio, ut turpiter, & flagitiose gubernari horreant, necesse omnino est principem vnum, vnumque Imperatorem esse, cuius quidem certè opus, officiumque immortalitas est. Porro autem, quod ipse idem reb. nostris omnibus consulat, nec vulgari sane modo consulat, hoc in eis disputationibus, quæ de felicitate habitæ à nobis sunt, definiuimus, atque adiecimus. Naturam illam optimam, & præstabilissimam eo hominum genere in primis delectari, qui ad eius similitudinem atque imitationem facti sunt. Sunt verò hi sapientissimi & optimi, qui plurimam vitæ partem in mente, & intelligentia excolenda conterentes, atque ob hoc Deo amicissimi euadentes, nulla desiderant vaticinia, nullam prædictionis famam anxie exquirunt, ac multò etiam minus somniorum missionem, atque interpretationem, quippe qui se se


se totos ei illi commiserint, & dicauerint, qui bonorum omnium largitor est, nempe intellectui, & menti. Quæ igitur de cultu, & veneratione numinis diuini, & de pontificatu maximo, tota denique pietate, ciuili philosopho disserere fas erat, quæque ad ciuitatem ritè instituendam, & temperandam pertinere necessariò omnes faterentur, qui rerum diuinarum iuxta & humanarum naturam, rectè & ingenuè exquirere satagunt, hæc atque huiusmodi sunt. Iam si quis (id quod credibile, atque adeò necessarium est) multa his deesse existimet, qui legum conditor hisce insistet monumentis, quæ à nobis relictæ sunt, ea facilius poterit, & supplere, & interpolare. Denique quæcunque ad felicitatis scopum contendunt, legum conditione expedire, præsertim cum diuinam illam poetæ hortationem in memoria habeat.


*Telemache at tu iam nunc per te sapere aude,
Fata viam inuenient reliquæ, non non sine diuinum
Numine tanta parædo.*


LIBRE X. POLITICORVM FINIS.


LAVS DEO, HONOR ET
GLORIA.


2-6-100











005646757

